

ভঙ্গ-কায়দা

অসতো মা সদগময়,
ভমসো মা জ্যোতির্গময়,
স্বত্যোর্গামৃতং গময় ॥

ধর্ম ও সমাজতত্ত্ব বিষয়ক পাক্ষিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ খ্রীঃ, ১৫ই মে প্রাক্ষিত।

৫২ম ভাগ।

১লা বৈশাখ রবিবার, ১৩৩৬, ১৮৫১ শক, ব্রাহ্মসংবৎ ১।

প্রতি সংখ্যার মূল্য ৮০

১ম সংখ্যা।

14th April, 1929.

আগ্রাম বাৎসরিক মূল্য ৩০

প্রার্থনা

হে বিশ্ববিধাতা, তুমি চির পুরাতন হইয়াও নিত্য নবীন ;
তাই তোমার এই বিশ্বকে তুমি প্রতিমুহূর্ত্তেই নূতন সৌন্দর্যে
মাধুর্যে সজ্জিত করিয়া নূতন উন্নতি ও বিকাশের পথে লইয়া
চলিয়াছ। তুমি আমাদেরও জগৎ নিত্য নূতন জীবনের ব্যবস্থা
করিয়াছ,—পুরাতনের স্মৃতির মধ্যে তুমি আমাদের পড়িয়া
থাকিতে দেও না। আমরা অধিকাংশ সময় চেষ্টা ও আকাঙ্ক্ষা-
বিহীন হইয়া পুরাতনের মধ্যেই পড়িয়া থাকিতে চাই; কিন্তু
তাহাতে তুমি তৃপ্তি ও কল্যাণ রাখ নাই। তাই আমাদেরকে
তুমি ব্যর্থতা ও দুঃখ বেদনার আঘাত দিয়া নিয়ত জাগাইয়া দাও।
জীবন্ত মঙ্গলকর্মা পুরুষ তুমি; তাই নিয়তই তুমি আমাদের মঙ্গল-
সাধনে নিযুক্ত থাকিয়া আমাদের মিত্যা আরাধনে মজিয়া
থাকিতে দেও না। তোমার পুরাতন প্রকাশেও সন্তুষ্ট থাকিতে
দেও না। তুমি আমাদের নিকট নিত্য নূতন ভাবেই প্রকাশিত
হও। আমরা সকল সময় তাহা দেখি না বলিয়াই আমাদের জীবন
তেমন সৌন্দর্যে মাধুর্যে গড়িয়া উঠিতেছে না, আনন্দে ও
তৃপ্তিতে পূর্ণ হইতেছে না। তথাপি আমরা যে একেবারে মোহে
ডুবিয়া থাকিতে পারিতেছি না, বিশেষ বিশেষ সময়েও প্রাণে
একটু নূতন আকাঙ্ক্ষা ও চেষ্টা জাগে, ইহাতেও তোমারই
করণ। তুমিই কৃপা করিয়া নববর্ষের আগমনে প্রাণে নূতন
আকাঙ্ক্ষা ও আশা জাগাইতেছ। আমরা আর এই ভাবে
স্বতের স্তায় পড়িয়া থাকিতে পারি না। তুমি আমাদের সকল
অবসন্নতা ও উদাসীনতা দূর করিয়া দেও। আমাদেরকে নূতন
উৎসাহ ও উদ্যম লইয়া জীবনপথে চলিতে সমর্থ কর।
প্রতিদিন জীবনে তোমার নিত্য নূতন প্রকাশ দেখিবার জন্য,
নিত্য নূতন বাণী শুনিবার জন্য, আমাদের সকলকে ব্যাকুল কর;
এবং বাধ্য সন্তানের স্তায় তোমার ইচ্ছা অনুসরণ করিয়া চলিতে

সমর্থ কর। সত্যই নূতন বর্ষে যাহাতে আমরা নূতন জীবন
লাভ করিয়া ধন্য ও কৃতার্থ হইতে পারি, তুমি আমাদেরকে
সে কৃপা কর। তোমার মঙ্গল ইচ্ছাই সর্বোপরি অঙ্গযুক্ত হউক।

নিবেদন।

নববর্ষের ব্রত—মেঘে আকাশ আচ্ছন্ন—সূর্যের
আলোক সম্যক প্রকাশ পায় না; রাত্রিতে চন্দ্র তারাও নিস্তিত।
বৃষ্টিবর্ষণে আকাশ মেঘনিম্মুক্ত হলো, দেশ জনপদ পরিষ্কার
হ'য়ে গেল, চারিদিক সূন্দর শোভাময় হলো। সূর্যের কিরণ,
চন্দ্রের জ্যোৎস্নালোক, ধরা উজ্জল করে। আজ আমি
অহুতাপের অশ্রুতে বক্ষ ভাসাব। কত কলঙ্ক কালিমা প্রাণে!
কত অপরাধ হয়েছে! আজ অশ্রুজলে সব ধৌত করব;
হৃদয়-আকাশ মেঘমুক্ত হবে, সূর্যের উদয় হবে; প্রাণের দেবতা
প্রাণ এসে পূর্ণ করবেন! কতদিন তিনি ডেকেছেন, তাঁর
ডাক শুনে ছুটে এসেছি। তোমরাও তাঁর বাণী শুনে এসেছিলে—
সত্য, প্রেম, পবিত্রতা, সেবা ল'য়ে এসেছিলে। হৃদয়ে মেঘের
উদয় হলো। চারিদিক নিবিড় অন্ধকারে ঢাকলো। কোথায়
প্রেম, কোথায় পুণ্য, কোথায় তপস্বী, কোথায় সেবা! আর
জীবনদেবতা—প্রাণের সূর্য? তিনি কোথায়! সব ভুললাম!
কোথায় চলছি! কোন্ পথে যাচ্ছি! না, আজ এই নব বর্ষের
নূতন দিনে, নূতন ব্রত লই। “ক্রন্দন কর” “ক্রন্দন কর” এই ধ্বনি
উঠছে। অশ্রুজলে বক্ষ ভাসাই, অন্তর ধৌত হোক। আজ হৃদয়
শুদ্ধ করি। সত্যে প্রতিষ্ঠিত হই; প্রেমে ভেসে যাই। অশুদ্ধ
ভাব, অশুদ্ধ চিন্তা, অপ্রেম, অসত্য, অলসতা সব দূর হোক,—
অহুতাপের জলে সব ভেঙে যাক। প্রেমের দেবতা প্রাণে
প্রকাশিত হউন, তাঁর চরণে আত্মসমর্পণ করি।

ওদের ডেকে আন—যারা দূরে চ'লে গেছে, যাও, তাদের স্নেহভরে হাত ধ'রে ডেকে আন; যারা প'ড়ে গেছে, তাদের হাত ধ'রে তোল। প্রাণটা একটু বড় কর; হৃদয়টা একটু প্রশস্ত কর। একটু গায়ে কালি মেখেছে? দুর্লভ মন একবার পদস্থগন হয়েছে? তাই ব'লে তাকে ডাকবে না? তাকে ভাল বাসবে না, তাকে দূর ক'রে দিবে? তাকে মরণের পথ দেখিয়ে দিবে? না, তা ক'রো না। তাকে ডাক, নিকটে ডাক, তাকে প্রেমের বন্ধনে বাঁধ। ছুটে আর যেতে না পারে, শত্রু বাঁধনে বেঁধে রাখ। সে ত পর নয়। সে যে তোমার আপনার জন। হয় ত অশ্রুর প্ররোচনায় সে একটু দূরে চ'লে গেছে, হয় ত চারিদিকের দূষিত হাওয়া তাকে কলুষিত করেছে, হয় ত দশজনের সঙ্গ প'ড়ে তার মতি একটু বিগড়িয়ে গেছে। তাই এখন তাকে সকলেই ছেড়ে দিয়েছে। সে যে আরও দূরে চ'লে যাবে! সকলে ছেড়েছে ব'লে তুমিও কি ছাড়বে? তুমি কি তাকে একটু প্রেমে আলিঙ্গন করবে না? তুমিও কি তারে হাত ধ'রে তুলবে না। তুমিও কি তাকে একটা আশার বানী শুনাবে না? তুমিও কি স্নেহভরে বলবে না—“ও ভাই, ও আমার বোন, দূরে যেও না। ভয় কি? ভগবানের নাম কর, সব ছুঃখ কালিমা ঘুচে যাবে।” তুমি তাকে তুলে ধর, স্নেহে তাকে ডেকে আন।

বনের ফুল—পৃথিবীতে কত ফুল ফোটে! লোকালয়ে, উত্তানে, কত ফুল ফুটে উঠে—মাহুষ কত যত্ন করে! সৌন্দর্য্য ও সুগন্ধে মাহুষ মুগ্ধ হয়। বনে জঙ্গলে—লোকসমাগমের দূরে কত রকমের ফুল বিনা যত্নে ফুটে উঠে! কেহ তাহা দেখে না, কোনও মাহুষ তার সুগন্ধে মোহিত হয় না। তবুও সে ফোটে; তবুও সে চারিদিকে সৌন্দর্য্য ছড়ায়; তবুও সে সুগন্ধ বিস্তার করে। কেহ তাকে দেখল কি না দেখল, তা সে জানে না। সে ফুটে উঠে; আপনার বিকাশ করে; কার্য্যশেষে সে চ'লে পড়ে। আমিও সেইরূপ ফুটে উঠতে চাই। আমিও সেইরূপ প্রেম বিলিয়ে যাব। আমিও সেইরূপ সেবা ক'রে যাব, মিষ্ট কথায় তুষ্ট ক'রে যাব। কেহ দেখবে না, কেহ একটু “বেশ হয়েছে” বলবে না; কেহ আমার কাজ বুঝবে না, কেহ আমার প্রেমের প্রতিধ্বনি করবে না। তবুও প্রভুর মুখের দিকে চেয়ে প্রেম বিলাব, সেবা বিলাব, ফুটে উঠব। কাজ যখন শেষ হবে, লোকের অগোচরে ফুলের মত ঝ'রে পড়ব, প্রভুর ক্রোড়ে ঘুমিয়ে পড়ব। ইহাই আমার ব্রত, ইহাতেই আমার কৃতার্থতা।

সম্পাদকীয়

পুরাতন ও নূতন—সংসারে পুরাতনে ও নূতনে একটা চিরস্থান বন্দ চলিয়াছে দেখিতে পাওয়া যায়। একদল রক্ষণশীল লোক পুরাতনকে আঁকড়িয়া ধরিয়া রাখিতে চায়, নূতনকে সর্বপ্রযত্নে দূরে ঠেলিয়া রাখিতে চেষ্টা পায়; উহাকে কিছুতেই বরণ করিয়া লইতে ইচ্ছা করে না। অপর দিকে আর এক দল উন্নতিকামী বিপ্লবপ্রধানী লোক কেবল নূতনের

পশ্চাতেই ছুটিয়া বেড়ায়, পুরাতনের মধ্যে গ্রহণীয় ও রক্ষণীয় কিছু খুঁজিয়া পায় না, উন্নতিপথে অগ্রগর হইবার মহা প্রতিবন্ধক মনে করিয়া সর্বপ্রকারে উহাকে বর্জন করিতেই সচেষ্ট হয়। একদল মনে করে পুরাতনকে সম্পূর্ণরূপে পরিত্যাগ না করিলে উন্নতি হইতে পারে না, অপর দল ভাবে নূতনকে গ্রহণ করিতে গেলে নিশ্চিত ধ্বংসের পথেই উপনীত হইতে হয়, সারবস্ত কিছুই থাকে না, দাঁড়ায় না, সবই একেবারে চলিয়া যায়। উভয়েই নানা যুক্তি ও দৃষ্টান্ত প্রদর্শন করিয়া আপনাদের মত সমর্থন করেন। উভয়েই উভয়কে প্রকৃত কল্যাণ ও উন্নতির বিরোধী শত্রু বলিয়াও অভিহিত করেন। ইহাদের কথা শুনিলে মনে হয় পুরাতনে ও নূতনে এমন একটা স্বাভাবিক বন্দ বা বিরোধিতা আছে যে উহাদের মধ্যে আর কোনও মিলনভূমি থাকিতে পারে না—যাহা কিছু পুরাতন তাহা কিছুতেই নূতন নয়, আর যাহা নূতন তাহা কোনও প্রকারেই পুরাতন নয় সুতরাং ইহার পরস্পরবিরোধী। আপাত দৃষ্টিতে এরূপ বোধ হইলেও, ইহা যে পূর্ণ সত্য নয়, একটু গভীরভাবে চিন্তা করিয়া দেখিলেই তাহা সহজে বুঝিতে পারা যায়। যদিও কল্পনার দ্বারা একটা সীমারেখা টানিয়া নূতন ও পুরাতনকে আমাদের চিন্তার মধ্যে পরস্পর হইতে পৃথক করিতে পারি, বাস্তব জগতে কিন্তু তাহা কোনও প্রকারেই সম্ভবপর নয়। নূতন ও পুরাতন এমনই অবিচ্ছিন্নভাবে যুক্ত যে কোথায় একের শেষ আর অপরের আরম্ভ তাহা কিছুতেই স্পষ্ট করিয়া নির্দেশ করা যায় না। অবস্থা ঘটনা সময় সকল বিষয় সম্বন্ধেই এই কথা সত্য। এই যে আমরা বলিয়া থাকি পুরাতন বর্ষ চলিয়া গেল ও নূতন বর্ষ আরম্ভ হইল, ইহার মধ্যে কোন মুহূর্ত্তে পুরাতন শেষ হইয়া গেল আর নূতন আরম্ভ হইল, তাহা কি নির্ণয় করা সম্ভবপর? অবশ্য আমরা এরূপ একটা সময়ের বিভাগ করি বটে; কিন্তু আমরা যাহা করিয়া থাকি তাহার পরিবর্তে অপর যে কোনও দিন বা মুহূর্ত্তে কি সীমা-রেখা টানা যায় না? শুধু যে বিভিন্ন দেশের ও বিভিন্ন শ্রেণীর গণনাপদ্ধতি অনুসারে বিভিন্ন দিবসেই পুরাতন বৎসর শেষ ও নূতন বর্ষ আরম্ভ হয়, তাহা নহে। কোন সময়ে একের শেষ ও অপরের আরম্ভ করিতে হইবে, সেবিষয়েও মতভেদ রহিয়াছে—কাহারও মতে সে সময় মধ্য রাত্রি, অপরের হিসাবে তাহা উষা বা অরুণোদয়। সুতরাং এরূপ বিভাগ যে নিতান্তই কৃত্রিম ও কাগনিক, উহার যে কোনও বাস্তব সত্তা নাই, তাহা সহজেই বুঝিতে পারা যায়। আবার আরও একটু গভীরভাবে পরীক্ষা করিলে দেখিতে পাওয়া যাইবে যে প্রত্যেকটা মুহূর্ত্তই নূতন ও পুরাতনের সন্ধিস্থল, একদিক দিয়া দেখিলে যেখানে পুরাতনের শেষ অপর দিক দিয়া দেখিলে সেখানেই নূতনের আরম্ভ। চিন্তার দ্বারা পূর্ব মুহূর্ত্ত ও পর মুহূর্ত্ত বলিয়া দুইটি পৃথক মুহূর্ত্ত আমরা কল্পনা করিতে পারি বটে, কিন্তু অনন্ত প্রবাহমান কালস্রোতের মধ্যে কোথাও একের বিরাম ও অপরের নূতন আরম্ভ নাই—দুইয়ের মধ্যে কোনও ফাঁক বা শূন্যতা নাই। প্রকৃত পক্ষেও আমরা একটা মুহূর্ত্তকেই পুরাতন বর্ষের শেষ ও নূতন বর্ষের আরম্ভ বলিয়া গণনা করি। আবার, দিন মাস বর্ষই হউক আর যাহাই হউক, সম্পূর্ণ পুরাতননিরপেক্ষ হইয়া নূতন দাঁড়াইতে

পারে না,—পুরাতনই নূতনের জনক। অল্প দিকে এই মুহূর্তে
যাহা নূতন পর মুহূর্তেই তাহা পুরাতন। এই মুহূর্ত যে প্রকৃত
পক্ষে কতটুকু সময় তাহা আমরা বলিতে পারি না, বুদ্ধিতেও
পারি না—আমাদের চিন্তার সাহায্যের জন্য প্রয়োজন
অল্পস্বারে আমরা ইহাকে ইচ্ছামত ছোট বড় করিয়া থাকি
মাত্র। সুতরাং যখন আমরা নূতন ও পুরাতন বর্ষ বা দিনের
কথা বলি তখন এই মুহূর্তটাকেই বড় করিয়া বৎসর অথবা
দিবস বলিয়া ধরি। আমরা যতই আগ্রহ ও আশার সঙ্গে
নূতন বর্ষকে অথবা নূতন বস্তু বা ঘটনাকে অভ্যর্থনা করি
না কেন, তাহা যে বাস্তবিক পক্ষে কতটুকু সময় নূতন
থাকিবে তাহা জানি না। কিন্তু তাহাতে দুঃখের কোনও কারণ
নাই। পুরাতনই যেমন আমাদের নূতনে আনিয়া উপস্থিত
করিয়াছে, তেমনি এই নূতনও পুরাতন হইয়া আবার অল্প নূতনে
লইয়া যাইবে। সুতরাং নববর্ষ-দিনটাকে আমরা সাধারণতঃ যে
চক্ষে দেখি, যে ভাবে যাপন করিতে চেষ্টা করি, তাহা যদি সত্য
গভীর ও স্বাভাবিক হয়, তবে প্রতিদিন প্রতি মুহূর্তই নূতন
প্রতীয়মান হইতে পারে, নূতন আশা উৎসাহের সহিত বরণীয়,
চেষ্টা যত্নের সহিত যাপনীয় বলিয়া গণ্য হইতে পারে। আমরা
একটা দিনকে যে কাল্পনিক বিশেষত্ব প্রদান করিয়া থাকি তাহা
সত্য ভাবেই প্রতিদিনকে, প্রতি মুহূর্তকে দিতে পারি এবং সকল
দিন সকল মুহূর্তই আমাদের নিকট সমান আদরণীয়, সমান পবিত্র,
তুল্যভাবে যাপনীয় হইয়া উঠিতে পারে। সময়ের উপযুক্ত
ব্যবহারের উপরই, প্রতি মুহূর্তের কর্তব্যপালনের উপরই যে
সময়ের মূল্য এবং জীবনের উন্নতি ও কল্যাণ নির্ভর করে,
তাহা বোধ হয় বিশেষ করিয়া না বলিলেও চলিবে। সুতরাং
এরূপ হইলে জীবন যে সহজেই নিত্য নূতন আশা উৎসাহের সহিত
নূতন হইতে নূতনতর উন্নতি ও কল্যাণের পথে অগ্রসর হইতে
পারে, তাহাতে কোনও সন্দেহ নাই। প্রকৃত পক্ষে এই অলস
প্রবাহমান কালস্রোতের প্রতিমুহূর্তই আমাদের নিকট একটা
নূতনত্ব, একটা বিশেষত্ব লইয়া উপস্থিত হয়। অথচ ইহার
কোনটা পুরাতননিরপেক্ষ হইয়া আকস্মিক ভাবে আসে না।
আমরা চিন্তাহীন হইয়া অন্ধভাবে স্রোতে ভাসিয়া চলি বলিয়াই
নূতনত্বটা দেখিতে পাই না, সবই আমাদের নিকট বিশেষত্বহীন,
আকর্ষণহীন, অতি পুরাতন বলিয়া প্রতীয়মান হয়, আমাদের
একদিনের কৃত্রিম চেষ্টা যত্ন অসঙ্গতভাবে ভুলিয়া যায়, আমরা
চির মোহনিত্রায় নিমগ্ন হই। নূতনের প্রতি মানব প্রাণের
আকর্ষণ স্বাভাবিক। কিন্তু উন্নতির জন্য উহা একান্ত আবশ্যিক
হইলেও, এই দৃষ্টিহীনতাবশতঃ আধিকাংশ লোকের মধ্যে
প্রধানতঃ উহার বিকৃতিটাই দেখিতে পাওয়া যায়। তাহার
নূতনত্বের মোহে নানা মিথ্যার পশ্চাতে ছুটিয়া বেড়ায়, একটা
কিছু নূতন করিবার জন্তই ব্যস্ত হয়, পুরাতনকে সর্ব প্রকারে
বর্জন করিয়া চলিতেই সচেষ্ট হয়। ইহাতে যে প্রকৃত কল্যাণ নাই
তাহা ইহার ভাবিয়া দেখে না। পুরাতনকে আত্মহু না করিলে,
পুরাতনের সম্পূর্ণ ব্যবহার না করিলে যে নূতনে যাওয়া যায় না,
নূতনকে উপযুক্ত ভাবে ব্যবহার করা যায় না, পুরাতনের উপরই
যে নূতন প্রতিষ্ঠিত, অথবা যাহা একদিকে পুরাতন তাহাই অল্প-
দিকে নূতন, পরস্পর অভিন্ন ভাবে যুক্ত, এই কথা ভুলিয়া চলিতে

পেলে জীবন কিছুতেই গড়িয়া উঠিতে পারে না, চিত্তহীন
কাল্পনিক অট্টালিকা, আকাশ-কুহুম, ভিন্ন আর কিছুই রচিত
হইতে পারে না। অনেক বুদ্ধিতে পারে না যে সত্য কল্যাণকর
নূতন স্বপ্ন ভবিষ্যতের বস্তু নয়, উহা সম্পূর্ণরূপেই বর্তমানের
জিনিষ। অতীতকে আত্মহু করিয়া যখন আমরা বর্তমানে উপনীত
হই, তখনই সত্য ভাবে পুরাতনকে ছাড়িয়া নূতনে উপস্থিত হই।
একমাত্র সেই নূতনই আমার আয়ত্তাধীন, তাহার উপযুক্ত
ব্যবহারেই আমার উন্নতি ও কল্যাণ। তাহাকে যদি নূতন
বলিয়া না দেখিতে পারি, শুধু পুরাতনই ভাবি, তবে উহার সম্যক
মর্যাদা করিতে পারিব না, উপযুক্ত ব্যবহার দ্বারা উহা হইতে
প্রকৃত উন্নতি ও কল্যাণ লাভ করিতে পারিব না। উহাকে
যদি পুরাতন বলিয়া অবহেলা করি এবং নূতনের মোহে
অনাগত ভবিষ্যতে হাত বাড়াই, তবে তাহা যে সর্ব প্রকারেই
নিষ্ফল হইবে তাহা আর অধিক করিয়া বলিতে হইবে না। সত্যক
দৃষ্টি ও চিন্তার অভাবেই আমরা এই প্রত্যেক বর্তমান মুহূর্তের মধ্যে
যে নূতনত্ব রহিয়াছে, তাহা ধরিতে পারি না, দেখিতে পাই না।
তাই সবই আমাদের নিকট নিত্য পুরাতন, আকর্ষণহীন বলিয়াই
প্রতীয়মান হয়। আমরা সাধারণতঃ বড় বড় বিষয় বা ঘটনার
দ্বারা নূতনত্বের বিচার করি। তাহার মধ্যে যে নূতনত্ব আছে,
এবং সেই নূতনত্বটা যে সহজেই আমাদের দৃষ্টিকে আকর্ষণ
করিতে পারে, তাহাতে কোনও সন্দেহ নাই। কিন্তু তাহা ত
সকল সময় সম্ভবপর হয় না। সম্ভবতঃ যে বড় বড় ঘটনা ঘটিবে,
এরূপ কোনই সম্ভাবনা নাই। কিন্তু ছোট বড় সকল ঘটনারই
একটা বিশেষত্ব আছে, নূতনত্ব আছে এবং প্রয়োজনীয়তা ও
উপকারিতা রহিয়াছে। তাহা দেখিবার ও বুঝিবার মত শক্তি
এবং চেষ্টা যত্ন যাহার নাই, সে যে নিত্য নূতনত্বের পথে অগ্রসর
হইতে পারে না, চির উন্নতি ও কল্যাণের পথে চলিতে পারে
না, তাহা বলা বাহুল্যমাত্র। ক্ষুদ্র বস্তু দর্শনের শক্তিতে যেমন
দৃষ্টির তীক্ষ্ণতা প্রমাণিত হয়, তেমনি ক্ষুদ্র বিষয়ের সৌন্দর্য্য মাধুর্য্য
বিশেষত্ব বুঝিবার ক্ষমতাতেই চিন্তাশীলতার পরিচয় পাওয়া
যায়। সকল মুহূর্তের ক্ষুদ্র বৃত্ত সমস্ত ঘটনা ও অবস্থা লইয়াই
মানবজীবন এবং তাহার প্রত্যেকটি উপযুক্ত ব্যবহারেই
জীবনের পূর্ণতা উন্নতি, কল্যাণ ও সার্থকতা। আমাদের
এই নিত্য নূতনের সেবক হইয়া চিরবর্তমানে বাস করিতে
হইবে, পুরাতনকে বর্জন করিতে হইলেও একান্ত ভুলিতে
হইবে না, অগ্রাহ্য করিতে হইবে না, নূতনত্বের মোহে
মোহনবিশেষকারী কাল্পনিক ভবিষ্যতের দিকে চাহিয়া থাকিলেও
চলিবে না। অনন্ত প্রবাহমান নিত্য কালের সঙ্গে আমাদের
সঙ্গাগ, নিত্য কক্ষনিষ্ঠ ক্রম-উন্নতিশীল জীবন যাপন করিতে
হইবে, নিত্য নূতন আশা উৎসাহ উৎসাহের সহিত নিত্য নূতন
উন্নতি ও কল্যাণে বর্দ্ধিত হইতে হইবে। তাহা হইলেই জীবনে
পুরাতন ও নূতনের সকল দ্বন্দ্ব বিদূরিত হইয়া তাহাদের মছা-
মিলন সাধিত হইবে। সমস্ত কৃত্রিমতা হইতে মুক্ত হইয়া
আমরা সত্য জীবন লাভে সমর্থ হইব। করুণাময় পিতা
আমাদের সেরা আশীর্বাদ করুন। আমাদের সকলের জীবনে
তাহার ইচ্ছাই জরযুক্ত হউক।

কোন দিকে বু কিব ?

ভদ্র নীতি নীতি।

যদি দেখিতে পাই যে কোনও সমাজের অধিকাংশ মানুষ নীতিমান ও নির্দোষচরিত্র, তাঁহারা অসত্য কথা বলেন না, ভদ্রভাবে পরিবার প্রতিপালন ও অর্থোপার্জন করিতেছেন, তবে কি বলিতে পারি যে সেই সমাজটি ধর্মজীবনে সজীব ? তাহা নহে; কারণ, মানুষ নীতিমান্ নানা কারণে হয়। পৃথিবীর অধিকাংশ মানুষ বোধ হয় লোক-ভয়ে কিংবা স্বার্থের খাতিরে নীতিমান্ হয়। প্রত্যেক ভদ্র সমাজ, প্রত্যেক সভ্য সমাজ, প্রত্যেক শিক্ষিত সমাজ, তাহার অন্তর্গত লোক-গুলিকে কতকগুলি নিয়ম মানিয়া চলিতে বাধ্য করে। এই বাধ্যতা হইতে যে নীতি উৎপন্ন হয়, ধর্মসমাজেও তাহা বর্তমান থাকে। এই নীতির একটি সাধারণ ও একটি বিশেষ দিক আছে। সাধুতা, সত্যপরায়ণতা, স্ত্রী পুরুষের সম্বন্ধের পবিত্রতা, প্রভৃতি কতকগুলি দিক সাধারণ। এইগুলি ভদ্রসমাজের সামাজিক জীবনকে রক্ষা করে; এইগুলি না থাকিলে সমাজ আর সমাজ থাকে না, সমাজ ভাঙিয়া যায়। আবার সৌজন্য, শিষ্টাচার, মার্জিত ক্রটি, সাহিত্য শিল্প সঙ্গীত প্রভৃতিতে অমুরাগ,—এই সকল লক্ষণ ভদ্রসমাজের সামাজিক জীবনের দ্বয় উচ্চতর অঙ্গ। এ সকলের দ্বারা ভদ্রসমাজের সামাজিক জীবন রক্ষা হয় না বটে, কিন্তু সে জীবনের স্বাদ বৃদ্ধি হয়। শিষ্ট সমাজে এই সকল উচ্চতর লক্ষণ বিদ্যমান থাকে। এক সময়ে ব্রাহ্ম-সমাজ এইরূপ শিষ্ট সমাজ বলিয়া দেশের মানুষের প্রশংসার দৃষ্টি লাভ করিয়াছিল।

এই সকল উচ্চাঙ্গের লক্ষণের দ্বারা কোনও দলের সামাজিক জীবন মধুর ও আনন্দপূর্ণ হইয়া উঠিলেই কি আমরা তাহাকে একটি সজীব ধর্মসমাজ বলিতে পারি ? নিশ্চয়ই নয়। সে সমাজ জীবনহীন হইয়াও ভদ্র নীতি নীতি রক্ষা করিতে পারে, এবং সৌজন্য শিল্প সাহিত্য প্রভৃতির দ্বারা সুন্দর ও আনন্দময় হইতে পারে। চন্দ্রে জীবন নাই, কিন্তু তথাপি চন্দ্র কেমন সুন্দর! চন্দ্রে জীব নাই, উদ্ভিদ নাই, উত্তাপ নাই, বায়ুমণ্ডল নাই, জল নাই; তথাপি তাহার কিরণ কেমন স্নিগ্ধ, কেমন আরামপ্রদ! চন্দ্র দেখিলেই মানুষের মন আহ্লাদে পরিপূর্ণ হয়। লোকের এত প্রিয় এত আনন্দদায়ক বলিয়া যেমন প্রমাণ হয় না যে চন্দ্র জীবিত, তেমনি সুনীতি, সুরীতি, মার্জিত ক্রটি, শিল্প সাহিত্যের চর্চা প্রভৃতির দ্বারা জগতের আনন্দ ও প্রশংসা উৎপন্ন করিলেও বলা যায় না যে কোন সমাজ ধর্মে জীবিত। 'উন্নত' সমাজ মাত্রই ধর্মে জীবিত সমাজ নহে।

এখানে এ কথা বলা আবশ্যিক যে প্রকৃত ধর্মজীবনে নীতি থাকিবেই। কিন্তু তাহা সামাজিক সুরীতির খাতিরে, লোক-মতের চাপে, কিংবা শাসনের ভয়ে উৎপন্ন নীতি নহে। সে নীতির মূল মানব অন্তরে। তাহার কথা পরে বলা হইবে। এখানে "লৌকিক নীতির" কথাই বলা হইতেছে।

সদহুষ্ঠান।

জনহিতকর সদহুষ্ঠান কি ধর্মসমাজের জীবনের পরিচায়ক ? প্রকৃত ধর্মজীবন হইতে নানা প্রকার সদহুষ্ঠান প্রসূত হওয়া অবশ্যস্বাভাবিক। কিন্তু সদহুষ্ঠান মাত্রই ধর্মের পরিচায়ক নহে। আজকাল বড় বড় সহরে কত বড় বড় সদহুষ্ঠান, চলিতেছে। দুর্ভিক্ষ ও জলপ্লাবনে বিপন্নের সহায়তামূলক অহুষ্ঠান, অনাথা-শ্রম, আত্মরাজ্য, অবৈতনিক শিক্ষা বিস্তার প্রভৃতি কত ভাল ভাল কাজ চলিতেছে। সুন্দর দেশকলে এই শ্রেণীর নানা প্রকার সদহুষ্ঠান, প্রায় গভর্ণমেণ্টের কার্যের দ্বারা সৃষ্টি ও সুরক্ষিত। একবার টাকার ঘোগাড় হইয়া গেলে তাহার পর অবাধ গতিতে এই সকল সদহুষ্ঠান চলিতে থাকে। এ দেশের অবস্থাও একদিন সেইরূপ হইবে বলিয়া আমরা আশা করি। কিন্তু অনেক স্থলেই দেখা যায় যে, এইরূপ জনহিতকর অহুষ্ঠানটি কিছুকাল পরে একটি যন্ত্রের মত হইয়া দাঁড়ায়; তাহাতে মানুষের হৃদয়ের শ্রেষ্ঠভাবের কাষ্য আর দেখিতে পাওয়া যায় না। সদহুষ্ঠানটির জগু চাঁদা সংগ্রহ, তাহার আফিসের কাজ কর্ম, প্রত্যেক দুঃখীকে ভিক্ষা দান বা সাহায্য দান, এমন কি রোগী ও আতুরের পরিচর্যা পর্যন্ত, যেন যগ্রে চালিত হইয়া মানুষ করিয়া যাইতেছে। হাঁসপাতালের একজন নর্স (nurse) রোগীর নিকটে আসিলেন। যে নভেল খানা তিনি পড়িতে-ছিলেন, রোগীর শয্যাপার্শ্বে আসিবার সময় তাহার পাতা মুড়িয়া রাখিয়া আসিলেন, নির্দিষ্ট সময়ের পর উঠিয়া গিয়া পুনরায় সেই স্থান হইতে পড়িতে আরম্ভ করিবেন। তাঁহার দৃষ্টি যে স্নিগ্ধ, তাঁহার পদচালনা যে নিঃশব্দ, তাঁহার স্বর যে মৃদু, তাঁহার স্পর্শ যে কোমল, রোগীর অভাব রোগী স্বয়ং প্রকাশ করিতে না করিতেই তিনি যে তাহা বুঝিয়া ফেলেন, তাঁহার এই সকল গুণ তাঁহার সুশিক্ষার ফল। এই শিক্ষার ফলে তাঁহার পরিচর্যায় সেই রোগী আরাম পাইতেছে বটে। কিন্তু সেই সেবকের বা সেবিকার পক্ষে পরিচর্যার কার্যটি একটি কাষ্য মাত্র; তাহাতে তাঁহার হৃদয় নাই। রোগীর সহিত তাঁহার একটি স্নেহের বা করুণার সম্বন্ধ নাই। প্রভাত হইতে সন্ধ্যা পর্যন্ত সেই হাঁসপাতালে যত চিকিৎসা, যত গুঞ্জবা, যত ব্যস্ততা চলিতেছে, সবই যেন একটা বড় কলের চাকা ঘোরানোর মতন। কত সময়ে ধর্মমন্দিরের উপাসনার কাষ্যও এমনই হইয়া দাঁড়ায়। উপাসকগণ সকলে আসিয়া বসিলেন, গায়ক এবং আচার্য্য নিজ নিজ স্থান গ্রহণ করিলেন; কল ঘুরিল, উপাসনা চলিল; শেষ হইলে সকলে প্রস্থান করিলেন।

ওবে কি সদহুষ্ঠান অবজ্ঞার বস্তু ? তাহা নহে। যত ভাল কাজ, যত সদহুষ্ঠান, সবই রাখিতে হইবে, সবই চালাইতে হইবে; এবং তাহা ভাগ করিয়াই চালাইতে হইবে। কিন্তু ধর্ম সমাজের প্রাণ রক্ষা কেবল সদহুষ্ঠানের দ্বারা হয় না।

সমাজ সংস্কার।

সংস্কারোৎসাহকে কি ধর্মসমাজের প্রাণবস্তুর পরিচয় বলিয়া গ্রহণ করিতে পারি ? সমাজসংস্কারের কাষ্য দুই প্রকার। প্রথমতঃ, যাহাতে নীতি কলুষিত হয়, তাহার সহিত সংগ্রাম। বাল্যবিবাহ, বহুবিবাহ, বিধবার বাধ্যতামূলক ব্রহ্মচর্যা, চরিত্র-

অন্যন্যে নারীকে দণ্ড দিয়া পুরুষকে অব্যাহতি দান, রজালয়ে ও বিবাহাদির নাচে পতিতা নারীর সংশ্রব, প্রভৃতি, যে সকল প্রথা দ্বারা জনসমাজের নীতি কলুষিত হইয়া যায়, তাহার বিরুদ্ধে সংগ্রাম। দ্বিতীয়তঃ, অশ্রম ও বৈষম্য দূরীভূত করা। বর্ণভেদ, স্ত্রী পুরুষের সামাজিক মর্যাদার ভিন্নতা, প্রভৃতি যে সকল প্রথা দ্বারা মানুষের ভগবদ্বস্ত অধিকারকে অশ্রমরূপে সঙ্কুচিত করা হইয়াছে, তাহার বিরুদ্ধে সংগ্রাম। ব্রাহ্মসমাজ ধর্মের আদেশে উৎসববিধ সংস্কারের কাজকে আপনার কাজ বলিয়া গ্রহণ করিয়াছিলেন। কিন্তু আজকাল দেখা যাইতেছে যে সমাজসংস্কারের কাজটি ধর্মের প্রেরণা বিনাও চলিতে পারে। যুরোপে খ্রীষ্টিয় ধর্মসমাজ (church) সংস্কারের কাজে বহুকাল বাধা দিয়া আসিতেছিলেন। বরং যাহারা নাস্তিক ও অধার্মিক বলিয়া নিন্দিত ছিলেন, তাঁহারা এই সমাজে সাম্য প্রতিষ্ঠার প্রয়াসে অগ্রণী হইয়াছিলেন। এই জন্ত ব্রাহ্মসমাজের ইতিহাসের প্রথম অর্ধশতাব্দীতে সমাজসংস্কার সূত্রে তাঁহাকে বহুল পরিমাণে যুরোপের অষ্টাদশ ও উনবিংশ শতাব্দীর বিপ্লববাদী নাস্তিকগণের চিন্তা ও ভাব বহুল পরিমাণে গ্রহণ করিতে হইয়াছিল, তাঁহাদিগের সহিত বন্ধুতাসূত্রে আবদ্ধ হইতে হইয়াছিল। এখন এই বিংশ শতাব্দীতে স্পষ্টই দেখা যাইতেছে যে, কি এ দেশে, কি বিদেশে, সমাজসংস্কারের কাজটি অতঃপর একেবারে ধর্মের সহিত সম্পর্কবিহীন হইয়াই চলিবে। এদেশে ভিন্ন ভিন্ন জাতির মধ্যে একত্রে আহার, অসবর্ণ বিবাহ, এবং নারীকে অবরোধ হইতে মুক্ত করিয়া শিক্ষালাভ ও অর্থোপার্জনের অধিকার দান, এই তিনটি বিষয়ে ভারতের শিক্ষিত সমাজ ক্রমে ক্রমে সচেতন হইয়া উঠিতেছেন। তাঁহারা এই সকল সমাজসংস্কারের কার্যে ধর্ম-নিরপেক্ষ হইয়া অগ্রসর হইতেছেন। খ্রীষ্টিয় কি ব্রাহ্ম কোনও সংস্কারপ্রিয় ধর্মসমাজেরা দিকে না তাকাইয়া, কেবল অশ্রম ও বৈষম্য দূর করিবার বার্তা লইয়াই তাঁহারা সমাজসংস্কারে অগ্রসর হইতেছেন।

সংস্কার, বিপ্লব, ও সংরক্ষণ।

শুধু তাহাই নহে। ভারতের সমাজ-আকাণে নন মেঘ পুঞ্জীভূত হইতেছে। অচিরে প্রবল ঝটিকাবর্ত সৃষ্টি হইতে পারে। সমাজসংস্কারের পূর্বোক্ত তিনটি প্রশ্ন তো কেবল শিক্ষিত সমাজের ভিতরে, অর্থাৎ দেশের শতকরা পাঁচজন লোকের ভিতরে, সীমাবদ্ধ। কিন্তু উন্নত ও অবনত শ্রেণীর মধ্যে, ধনী ও দরিদ্রের মধ্যে, মহাজন ও মজুরের মধ্যে, জমিদার ও প্রজার মধ্যে, যে বিপুল সংগ্রামের আয়োজন দেখা যাইতেছে, তাহা ব্যাপক আকার ধারণ করিতে অধিক বিলম্ব নাই। সে ঝটিকা যখন আসিবে তখন ব্রাহ্মসমাজকে বিপ্লববাদিগণ কি চক্ষে দর্শন করিবে? তাহাদের উদ্দাম গতি তো ব্রাহ্মসমাজ সমর্থন করিতে পারিবেন না। ব্রাহ্মসমাজকে সমাজসংস্কার কার্যে প্রবৃত্ত হইতে হইয়াছে বটে; কিন্তু তাহাই ব্রাহ্মসমাজের চিরন্তন অথবা একমাত্র অথবা মুখ্য কার্য নহে। সমাজ সম্বন্ধে ধর্মের চিরন্তন কাজ কি? সমাজকে নাড়া দেওয়া নয়, সমাজকে ভাঙা নয়। সমাজকে সংস্কার করাও নয়। সমাজকে রক্ষা করা, ও সমাজের মানুষগুলিকে মনুষ্যত্বে বিকশিত করিয়া

তোলাই তাহার কাজ। মানুষের চরিত্রে ঈশ্বরের পবিত্রতার ও মঙ্গলের প্রতি সেই আহুগত্যের ভাব জাগরিত করা, যাহাতে সংস্কার ও স্বাভাবিক ভাবে ব্যক্তিগত জীবন সামাজিক কল্যাণের অমুকুল হয়। সমাজকে শুধু ব্যক্তিগত জীবনের সুবিধা আদায়ের ক্ষেত্র অথবা সমবেতভাবে মানুষের স্বার্থ রক্ষার ক্ষেত্র বলিয়া দর্শন করা, এবং সমাজ ও ব্যক্তির মধ্যে ঘন্থের কল্পনা করিয়া ব্যক্তিকে সমগ্র সমাজ সম্বন্ধে নিয়ত সন্দেহান ও সতর্ক করিয়া রাখা, এই দুইটি ভাব আজকাল প্রবল হইয়া উঠিতেছে। ব্যক্তিগত সুখ সুবিধার কোনও বাধা সমাজে থাকিবে না, এই বিষয়মত আজকাল সাহিত্যের মধ্য দিয়া সর্বত্র প্রচার করা হইতেছে। এমন কি, "পরিবার ও সমাজ, এই উভয়ের সঙ্গে ব্যক্তির সম্বন্ধ সাময়িক সম্বন্ধ মাত্র হউক, যতদিন তাহার ব্যক্তিত্বের প্রচারের সুবিধা সেখানে হয়, ততদিন মাত্র সে সম্বন্ধ বর্তমান থাকুক, তাহার পর প্রয়োজন হইলে মানুষ যেমন নিজের পুণ্ডরন club ছাড়িয়া দিয়া নূতন club এ ভর্তি হয়, তেমনি পুরাতন দাম্পত্য সম্বন্ধ অথবা পুরাতন সমাজের সহিত সম্বন্ধ বিচ্ছিন্ন করিয়া সে নূতন সম্বন্ধ গ্রহণ করিবার অধিকারী হউক," ইহাই যেমন কোন কোন শ্রেণীর মানুষের মনের কথা। ব্যক্তি, পরিবার ও সমাজ, এই তিনেরই জন্ত যে 'আদর্শ' বলিয়া একটি বস্তু আছে, এবং সেই আদর্শের আহুগত্য বিনা যে কাহারও কল্যাণ নাই, স্বাধীনতাই যে চরম কল্যাণ নহে, এ সকল সত্য তাহারা তুলিয়া গিয়াছে। তাই, সংস্কার ও বিপ্লবের মধ্যে পার্থক্য কি, তাহা তাহারা বুঝিতে পারে না।

ব্রাহ্মসমাজের অতীত ইতিহাসে সমাজসংস্কারের অধ্যায়টি বতই গৌরবময় হউক না কেন, আমাদের মনে রাখিতে হইবে যে, সমাজের প্রতি ধর্মের চিরন্তন ভাব (permanent attitude) হইবে তাহাকে রক্ষা করা, দৃঢ় করা, উন্নত করা। এবং ব্যক্তিকে সমাজ ভাঙিতে শিখানো নয়, বরং সহজে সমাজশাসনের অধীন হইতে শিখানো। প্রাচীন সমাজে সমাজশাসনের নিয়ম-গুলিতে যে তুল ছিল, তাহার সংস্কার করা অবশ্যই প্রয়োজন। প্রাচীন সমাজের শাসনে ও বন্ধনে শাস্ত্রের ব্রাহ্মণের বা দেশাচারের যে দোহাই ছিল, তাহা তুলিয়া দিয়া, তাহার স্থানে ব্যক্তিগত বিবেকের, ঈশ্বরের, পবিত্রতার দোহাই আনা অবশ্যই প্রয়োজন। কিন্তু তদপেক্ষাও অধিক প্রয়োজন ব্যক্তিকে সমাজের কল্যাণের কাছে নত হইতে শিক্ষাদান করা। এইজন্য, সমাজসংস্কারকে অবিচারে ধর্মসমাজের জীবনী-শক্তির লক্ষণ বলিয়া গ্রহণ করা যাইতে পারে না।

সাধন নিষ্ঠা।

উদ্র রীতি নীতি, জনহিত সাধন, সমাজসংস্কার, এ সকলের পরে সাধননিষ্ঠার দিকে আমাদের দৃষ্টি পতিত হয়। এদেশ সাধনে নিষ্ঠার সনাতন আদর্শটির জন্ত জগতের প্রশংসা দাবী করিয়া থাকেন। তাহাই কি ধর্ম-সমাজের প্রাণবন্ততার পরিচায়ক? এদেশে নানা ক্ষুদ্র ক্ষুদ্র ধর্ম সম্প্রদায়ের মধ্যে সাধন-নিষ্ঠার ভাবটি এখনও প্রবল রহিয়াছে। যাহার মানুষগুলি নিয়মিতরূপে জপ-তপ পাঠ পূজা অর্চনা করে, কখনও সে সকলের নিয়ম লঙ্ঘন করে না, এমন ক্ষুদ্র ক্ষুদ্র মণ্ডলী

দেশের নানা স্থানে এখনও রহিয়াছে। ইহার মধ্যে আধুনিকতম কোন কোনটিতে এক এক জন ব্যক্তিবিশেষকে আদর্শ-রূপে দণ্ডায়মান করা হইয়াছে, ও তাঁহাকে অবতার গুরু বা কেশ্বররূপে দর্শন করিতে বলা হইয়াছে। একজন মানুষকে কেশ্বররূপে রাখিলে ধর্মসাধন কোনও কোনও বিষয়ে সহজ বোধ হয়। ধর্মের অন্ততঃ একটি আদর্শ, সেই মানুষটিকে দেখিয়া মনের সম্মুখে উজ্জ্বল হইয়া উঠে। সে আদর্শ সর্বাঙ্গসম্মত না হইলেও সহজ বলিয়া মানুষের মনকে আকৃষ্ট করে। একটি বা দুটি মাত্র সত্যকে মনের সম্মুখে রাখা সহজ। যে কয়টি চরিত্রগুণ কেশ্বরস্থিত মানুষটিতে দৃষ্ট হয়, শুধু সেই কয়টির অনুসরণ করা সহজ। এবং সেই এক জনের প্রতি অনুরাগে মিলিত সমসাময়িকগণের সঙ্ঘের দ্বারা একরূপ মণ্ডলীতে একরূপ গাঢ়তাও উৎপন্ন হয়। ধর্মসাধনে নিষ্ঠা, কেশ্বরস্থ মানুষটির প্রতি শ্রদ্ধাপূর্ণ অনুরাগ, ও মণ্ডলীর গাঢ়তা,—এই সকল লক্ষণকেই কি ধর্মসমাজের জীবনশক্তির পরিচায়ক লক্ষণ বলিয়া গ্রহণ করিব? একবার ঐ সকল মণ্ডলীর মানুষগুলির দৈনিক জীবন পরীক্ষা করিয়া দেখি। তাহাতে কি সাধননিষ্ঠার অনুরূপ চরিত্রের উৎকর্ষ দেখিতে পাওয়া যায়? তাহাদের মধ্যে ব্যক্তিগত চরিত্র কি সাধুতায় ও কর্তব্যনিষ্ঠায় দৃঢ়তা আছে? ব্যবসায়ক্ষেত্রে নীচতার বা ক্ষুদ্রাশয়তার পথে কখনও যাইব না, সাধারণের চক্ষে ধূলা দিয়া ব্যবসয়ে লাভ কখনও করিব না, এই দৃঢ় প্রতিজ্ঞা কি তাহাদের জীবনে আছে? তাহাদের গৃহ পরিবারে গিয়া কি মনে হয় যে এখানে মানুষের সঙ্গে মানুষের ব্যবহারে নিত্য স্বর্গের বাতাস বহিতেছে? এ সকলের কোন চিহ্ন নাই, এ সকলের দিকে দৃষ্টিও নাই। যে ধর্মসাধন মানুষের চরিত্রকে মহৎ করে না, কার্যগত জীবনকে উচ্চস্তরে তুলিয়া লইয়া যায় না, তাহা যত ঘনিষ্ঠ সাধকমণ্ডলী প্রস্তুত করুক না কেন, তাহা নিষ্ফল। সজীব ধর্মসমাজের ছবি মনে মনে অঙ্কিত করিতে গেলে যাহাদের মনে কেশ্বরস্থ যৌত্তর দ্বাদশ জন শিষ্য, কিংবা চৈতন্যদেবের সান্নিধ্যপাত্র, কিংবা বিজয়কৃষ্ণ গোস্বামী মহাশয়ের শিষ্যদল, প্রভৃতি প্রাচীন ও আধুনিক ব্যক্তিবৃন্দ সাধননিষ্ঠ মণ্ডলীর ছবিই আসে, আর কিছু আসে না, তাহাদের সঙ্গে আমরা একমত হইতে পারি না। ঐ সকল দলের লোকেরা বৈরাগ্যা, সাধননিষ্ঠা এবং কেশ্বরস্থিত মানুষটির প্রতি বিশ্বস্ততা খুব প্রকাশ করিয়াছিলেন বটে। কিন্তু আমাদের এই যুগে চারিদিককার যে সকল দায়িত্ব ও সংগ্রামের মধ্যে ঈশ্বর আত্মাদিগকে স্থাপন করিয়াছেন, তাহার মধ্যে থাকিয়া কিরূপে আমরা আমাদের অন্তরের পবিত্র ও উন্নত আদর্শ সকলকে রক্ষা করিব, এ জগতে কিরূপে মানুষের মত দাঁড়াইতে পারিব,—এই বিষয়ে তাহাদের ঐ সাধননিষ্ঠার দৃষ্টান্ত হইতে আমরা উপযুক্ত বল ও আলোক লাভ করি না।

সেই ধর্মসমাজ জীবিত, যাহার মানুষগুলি নিজ জীবনে, অর্থাৎ ব্যক্তিগত চরিত্রে ও আচরণে এবং পারিবারিক সকল ব্যবস্থায়, ঈশ্বরের নির্দেশে ঈশ্বরের ইচ্ছাতে চলিবার জন্ত ব্যাকুলতায় প্রদীপ্ত। যাহার মানুষগুলি প্রতিদিন অন্তরের ইচ্ছা কচি কামনা, জীবনের সুখ দুঃখ কর্তব্য দায়িত্ব, ঈশ্বরের সম্মুখে

রাখে; রাখিগা সেই সকলের মধ্যে তাঁহার ইচ্ছা বৃদ্ধিবার জন্ত ব্যাকুল হয়, ও তাঁহার ইচ্ছা পালন করিবার জন্ত প্রাণপণ করে। “ঈশ্বরের সম্মুখে নিম্নত নিজ ইচ্ছা কচি কামনা কল্পনা এবং জীবনের ঘটনা অবস্থা কর্তব্য ও দায়িত্ব সকলকে স্থাপন করা, এবং ঈশ্বরের ইচ্ছা বৃদ্ধিবার ও অনুসরণ করিবার জন্ত নিম্নত প্রাণপণ করা,”—ইহাই ধর্মসাধনের প্রকৃত আদর্শ। ঝুঁকিতে হয়, তো এই দিকেই ঝুঁকিতে হইবে। ইহার পরিবর্তে, এই আদর্শের স্থলে, কোনও পূজা অর্চনা স্তব ধ্যান ধারণা নাম-জপ তপস্যা শাস্ত্রপাঠ প্রভৃতির প্রতি নিষ্ঠাকে স্থাপন করা চলিতে পারে না। এই সকলের কোন কোনটি অবস্থানুসারে উপায় বলিয়া গৃহীত হইতে পারে; জীবনকে ঈশ্বরানুগত করিবার যে বিশালতর চেষ্টা, তাহার অন্তর্গত বলিয়া গৃহীত হইতে পারে। কিন্তু ব্যক্তিগত ধর্মজীবনে সাধননিষ্ঠাই একমাত্র কাম্য, ইহা বলিলে অতি গুরুতর ও মারাত্মক ভ্রম করা হয়।

“ধর্ম সাধনের লক্ষ্য কি,” এ বিষয়ে রামমোহন রায়ের একটি উত্তর ছিল,—ঈশ্বরকে জগতের কারণ ও নিয়ন্ত্রারূপে অনুভব করিয়া তাঁহার চিন্তা করা, এবং লোকহিতে আত্মনিয়োগ করা। অন্তর্গত তিনি বলিয়াছেন, ঈশ্বরকে প্রীতি করা এবং প্রীত্যনুকূল কার্য, অর্থাৎ তাঁহার প্রিয় কার্য সাধন, ইহাই মুখ্য উপাসনা। মহর্ষি দেবেন্দ্রনাথ বলিয়াছেন, ঈশ্বরে প্রীতি ও তাঁহার প্রিয় কার্য সাধন, এ উভয়ই তাঁহার উপাসনা। কেবল ঈশ্বরের অর্চনা নহ, কিন্তু ঈশ্বরের ইচ্ছাপালনই যে ধর্মজীবনের প্রধান কথা। এই সত্যকে আচাৰ্য্য কেশবচন্দ্র ১৮৬১ সালে নূতন ব্রাহ্মসমাজ প্রতিষ্ঠিত করিবার সময় আরও স্পষ্ট ও উজ্জ্বল করিয়া তুলিয়াছিলেন।

মহর্ষি দেবেন্দ্রনাথ তাঁহার “তস্মিন্ প্রীতিস্তত্র প্রিয়কার্য-সাধনঞ্চ তদুপাসনমেব” মন্ত্রে “উপাসনা” কথাটিকে একটি নূতন ও বিশালতর অর্থ দিতে চাহিয়াছিলেন। পূজা অর্চনা ধ্যান ধারণা প্রভৃতি প্রাচীন সঙ্কীর্ণ অর্থে ব্যবহৃত না হইয়া, ব্রাহ্মের ভাষায় ইহা সমগ্র জীবনের ঈশ্বরমুখীনতা ও ঈশ্বরানুগত্য বুঝাইতে ব্যবহৃত হইবে, তাঁহার এইরূপ আকাঙ্ক্ষা ছিল। রামমোহন, দেবেন্দ্রনাথ, কেশবচন্দ্র, ইহারা কেহই প্রাচীন সাধননিষ্ঠামাত্রকে ধর্মজীবনের প্রধান লক্ষণ বলিয়া মনে করেন নাই কিংবা শিক্ষা দেন নাই। হুঃখের বিষয়, ব্রাহ্মসমাজ এ বিষয়ে হিন্দু প্রকৃতির সীমা অতিক্রম করিয়া উঠিতে পারিতেছে না। ব্রাহ্মের শাস্ত্রে এ কথা আছে বটে যে সমগ্র জীবনকে ঈশ্বরানুগত করাই উপাসনা। কিন্তু ব্রাহ্মদের ধর্মসাধনে ধর্মব্যবস্থার ক্রমশঃ সেই সঙ্কীর্ণতর অর্থের উপাসনা, অর্থাৎ ঈশ্বরের স্বরূপচিন্তা অর্চনা ধ্যান, ও সেই সময়ের সেই চিন্তাধারা হইতে উদ্ভূত প্রার্থনা, (যাহার সঙ্গে সেই মানুষটির সত্য জীবনের যোগ হয়তো কিছুই নাই) প্রধান হইয়া দাঁড়াইতেছে। এই সঙ্কীর্ণতর আদর্শটির উপরে বিগত দুই পুরুষের ব্রাহ্ম নেতাগণ এত অধিক কোঁক দিয়াছেন, শুধু এইটুকু দেখিয়া এত সন্তোষ, এবং এই টুকুর অভাব দেখিয়া এত অসন্তোষ প্রকাশ করিয়াছেন, যে তাহার তুলনার চরিত্র-

গত শতাব্দীর আদর্শটি অত্যন্ত স্নান হইয়া পড়িয়াছে ১৮৬৫ সালের সন্নিহিত যুগে এমন দিন গিয়াছে, যখন ব্রাহ্ম জীবন বলিলেই সত্যপরাধতা সাধুতা ও সচ্চরিত্রতা বুঝাইত। তখন বিবেকানুগতাই ধর্মজীবনের প্রধান বস্তু ছিল, কেন্দ্রস্বরূপ ছিল। ধর্মসাধনে তখন আত্মদৃষ্টি ও প্রার্থনা প্রধান স্থানে ছিল। তখন কোনও ব্রাহ্মকে 'সাধক' নামে অভিহিত করিতে না পারিলেও তাঁহাকে নিঃসঙ্কোচে 'সাধু' বলা যাইত, এবং 'সাধু' নাম তখন ব্রাহ্মের পক্ষে বড়ই আকাঙ্ক্ষার বস্তু ছিল। কিন্তু আমাদের হিন্দু রক্তই ক্রমশঃ জয়ী হইল। ক্রমে ব্রাহ্মসমাজে এই বিবেকানুগতোর দিকে যৌকটি দুর্বল হইয়া পড়িতে লাগিল। সঙ্কে সঙ্কে, যেন মনকে বুঝাইবার জন্ত, যেন মনের দাঁড়ি পাল্লায় ওজন সমান রাখিবার জন্ত, জটিল দীর্ঘ উপাসনা-প্রণালীর মূলা বৃদ্ধি করা হইল, তাহার উপরে আস্থা বাড়াইয়া তোলা হইল। "চরিত্র খাঁটি কি না, কর্তব্যপালন ঠিক হইতেছে কি না," এই প্রশ্ন ক্ষীণ, ও ইহার জবাব অস্পষ্ট; উপাসনা কতকণ করিতেছ, এবং তাহা ভাব ও চিন্তা দ্বারা সরস হইতেছে কি না" এই প্রশ্ন প্রধান হইয়া দাঁড়াইল। পঞ্চাশ বৎসর পরে আমরা আজ (১৯২০) চোখের জল ফেলিতে ফেলিতে এই যুগের ফল আহরণ করিতেছি, এই যুগের ফসল কাটিতেছি। যে দেশে মানুষের চরিত্রে মেরুদণ্ড ছিল না, যে দেশে মানুষকে ভাল করিবার আদর্শ ছিল তাহাকে শাস্ত্রের গুরুর অভিতাবকের দেশাচারের পুরোহিতের দশটা ঠেকা দিয়া রাখ', যে দেশে মানুষকে নিজ অন্তরের আলোকের নিকটে বিখস্ত থাকিবার মহত্ব কখনও শিখান হয় নাই, যে দেশে মানুষকে নিজ বিবেকের অমুমোদন লইয়া সংসারে সদস্যের সমুখে একাকী বীরের মতন দণ্ডাধমান হইতে কখনও শিখান হয় নাই, সেই দেশে ব্রাহ্মসমাজের মতন এমন একটি ধর্মসম্প্রদায়, যদি পঞ্চাশ বৎসরে একটা মহৎ চরিত্রের tradition, মানুষের মত মানুষ হইবার tradition গড়িয়া তুলিতে পারিত, তবে কত বড় কাজ হইত! ইংরেজের কাছে লেন্সনের যুগে duty কথাটি যেমন অগ্নিময় ছিল, সেইরূপ একটি মাত্র অগ্নিময় আদর্শ ব্রাহ্ম পরিবারে সঞ্চার করিতে পারিলে বড় কাজ হইত! তাহা না করিয়া আমরা কি তৈয়ারী করিলাম? তৈয়ারী করিলাম, সেই বিবেকবিহীন আদর্শবিহীন মেরুদণ্ডবিহীন তেজোবীর্ষ্যবিহীন মানুষ ও পরিবার, এবং তাহাতে দিয়া দিলাম শুধু একটু উপাসনার গন্ধ। দ্বিতীয় পৃক্ষে তো সেই উপাসনার গন্ধটুকুও রহিল না।

ব্যক্তিগত জীবনে ঈশ্বরের ইচ্ছার কাছে আনুগত্য, অন্তরের মহৎ আদর্শ সকলের কাছে আনুগত্য, উন্নত চরিত্র, মহামনা ব্যবহার, পুণ্যের তেজ, এবং সমাজ মধ্যে এইরূপ মনুষ্যত্ব-সম্পন্ন মহামনা জীবনসকলের উদ্ভাপ ও প্রভাব, তাঁহাদের প্রভাবে বিদ্বান্দের একটি হাওয়া,—ইহাই হইল ধর্ম সমাজের প্রাণ। আমরা বিগত যুগের ভ্রম সংশোধন করি; কূলে নৌকা বাধিধা ঠাঁড় টানার মতন যে সাধন তাহাতে আস্থা ত্যাগ করিয়া **ক্রান্তিপাত** ব্রাহ্মধর্ম লাভ করিবার জন্ত ব্যাকুল হই; এই দিন কিরিয়া যাইবে।

সার কথা সরল ভাবে বলা।

ধর্মজীবনের সার কথা কি? মূল কথা কি? ঈশ্বরের ইচ্ছার আনুগত্য ও ঈশ্বরের ইচ্ছায় নির্ভর। ইহার চাইতে বেশী লম্বা চওড়া কথা, জটিল কথা যত আছে, সে সকল ইহার অলঙ্কার মাত্র, ইহার উপরের সৌষ্ঠব বৃদ্ধি মাত্র। মূল কথাটাকে বেশী জটিল করিয়া ভাবিলে বলিলে প্রচার করিলে তাহার শাস্তি পাইতে হয়। সে শাস্তি,—জীবনীশক্তির দুর্বলতা।

ভক্তিবাজন শিবনাথ শাস্ত্রী মহাশয় তাঁহার নয়নতারা উপন্যাসের নবম পরিচ্ছেদে বলিতেছেন, এক দিন ব্রাহ্মসমাজের প্রচারক মহেন্দ্র বাবুর স্তম্ভিত আলাপসূত্রে নয়নতারা বলিলেন, "লোকে বলে অনেক তপস্বী না হ'লে ঈশ্বরে ভক্তি হয় না। আমি বলি, হৃদয় মনকে পবিত্র রাখা ও জীবনের কর্তব্যগুলো ভাল ক'রে করাই প্রধান তপস্বী"। শাস্ত্রী মহাশয় নয়নতারাকে তাঁহার নিজের এই বাক্যেরই প্রতিমূর্ত্তিরূপ করিয়া গড়িয়াছেন। প্রচারক মহাশয় সেই দিন বিদায় লইয়া যাহবার সময় পথে চলিতে চলিতে নয়নতারার কথাগুলি ভাবিতে লাগিলেন। মনে মনে বার বার বলিতে লাগিলেন, "হৃদয় মনকে পবিত্র রাখা ও জীবনের কর্তব্যগুলি সুন্দররূপে সম্পাদন করাই প্রধান তপস্বী,—কি কথা-গুলিই সুনাম!" নয়নতারার প্রণয়ী হরেন্দ্র, মহেন্দ্র বাবুর সঙ্গে নয়নতারার ঐ কথোপকথন স্মরণিয়াছিলেন। যখন ক্ষণকাল পরে নয়নতারার সহিত হরেন্দ্রের সাক্ষাৎ হইল, তখনও হরেন্দ্রের মনে সেই কথাগুলি ঘুরিতেছে, ও প্রাণে এই উচ্চ আদর্শের উপযুক্ত হইবার জন্ত দুর্বল প্রতিক্রিয়া উঠিতেছে। সেদিন উভয়ের আলাপ ঐ কথা লইয়াই আরম্ভ হইল।

আচার্য্য শিবনাথ শাস্ত্রী মহাশয় নয়নতারার মুখ দিয়া ধর্মের যে সরল অর্থ ঐকান্তিক আদর্শ প্রকাশ করিয়াছেন, তাহা তাঁহার নিজেরই মনের কথা। কিন্তু আমরা জানি, ধর্মের আদর্শ এত সরল করিয়া বলাতে ইহা অনেকের নিকটে তুচ্ছ বলিয়া মনে হইবে।

কোন্ দিকে বুঁকিব?

এক দিকে কেবল সমাজসংস্কারের প্রতি ও কথবহলতার প্রতি ঝাঁক, এবং অপর দিকে কেবল উপাসনা ধ্যান ধারণার প্রতি ঝাঁক, উভয়ই অপূর্ণ আদর্শের ফল। ঈশ্বরে প্রীতি ও তাঁহার ইচ্ছা পালনই পূর্ণ আদর্শ। শুধু তাহাই নহে। সাধন নামে চিহ্নিত কাব্যসকলের দ্বারা আপনার তৃপ্তি অবেগ, অথবা সে সকলের দ্বারা ঈশ্বরকে খুসী করা যায় এই বিশ্বাস, ধর্মরাজ্যের নিয়ন্ত্রণে অবস্থিতির পরিচায়ক। "আমি উন্নত চরিত্র ও মহৎ জীবনের দ্বারা ঈশ্বরকে খুসী করিব," এই আকাঙ্ক্ষা তাহা অপেক্ষা অনেক উচ্চ স্তরের বস্তু।

'ঈশ্বরের ইচ্ছা পালন' এই পবিত্র বাক্যটি ব্রাহ্মসমাজে আজকাল প্রায় শুনিতে পাওয়া যায় না। অন্তর্দৃষ্টি, আত্ম-পরীক্ষা, অমুতাপ, আত্মসংশোধন, মানুষের প্রতি কৃত অপরাধের জন্ত নম্রভাবে ক্ষমা ভিক্ষা, অপরের উন্নত ভাবের প্রতি শ্রদ্ধা দান, সাধুভক্তি,—ইচ্ছা-সমর্পণ মূলক সাধনের এই সকল লক্ষণ এখন লুপ্তপ্রায়। এই সকল লক্ষণ বিস্তৃত থাকিলে ধর্ম মহৎ হয়। এই সকল লক্ষণ নিস্তেজ হইয়া গেলে, একমাত্র

নিরাকার ঈশ্বরের উপাসনামূলক উদার ও সার্বভৌমিক ধর্মও নীচু দরের ধর্ম হইয়া যায়। এই দিকে ঝোক কমিয়া যাওয়ার যে ফল ব্রাহ্মসমাজে তাহা ফলিতেছে। উপাসনা বাক্য-বহুল, দীর্ঘ, ও শুষ্ক হইতেছে; কর্ম প্রাপস্পর্শ-বিহীন হইয়া উত্তাপ উদ্দীপন করিতেছে। যে উপাসনার পশ্চাতে ঈশ্বরের ইচ্ছার হস্তে আত্মসমর্পণের ভাবটি থাকে, তাহাই অমুপ্রাপনময়; তদভাবে তাহা অসার ও অকিঞ্চিৎকর। কর্মের পশ্চাতে ঐ ভাবটি থাকিলেই কর্ম ধর্মের অঙ্গ; নতুবা তাহা শক্তির খেলা মাত্র।

সাধারণ ব্রাহ্মসমাজ,

কলিকাতা।

শ্রীসতীশচন্দ্র চক্রবর্তী

রবিবার, ৫ই ডিসেম্বর, ১৯২০

প্রচার ব্যবস্থা

(কার্যনির্বাহক সভার এক বিশেষ অধিবেশনে পঠিত)

প্রচারকার্যে লিপ্ত হ'য়ে, একদিকে নিজের অযোগ্যতা এবং শিকার অভাব পদে পদে অনুভব করেছি, এবং অল্প দিকে সমাজশক্তির উদাসীনতা এবং কাজের অব্যবস্থা দেখে মর্মান্বিত হয়েছি। কার্যনির্বাহক সভার সভ্যগণকে নতুন কোন তত্ত্ব আমি জানাব, এ ধৃষ্টতা আমার নাই। সকলের জানা কথাই, আমি আমার ভাষা এবং চিন্তার আকারে প্রকাশ করিব। অতি সংক্ষেপে কয়েকটা ক'রের কথাই বলা আমার উদ্দেশ্য। আশা এই, যদি অবস্থার কিছু উন্নতি হয়।

গাছ-পাকা ফজলী আম ইচ্ছামত গাছ হ'তে পেড়ে নিজেরা পাব এবং আর দশজনকে খাওয়াব ব'লে, ফজলী আমের কলম আনিয়া বাড়ীতে লাগালাম। কলমটাকে লাগিয়ে দিলেই কি পাকা আম পাওয়া সম্ভব? ঐ চারার কত তদ্বির করলে তবে ওটা বাড়বে, বড় হবে, এবং শেষে ফল ফলবে। কত সার, কত জল দিতে হবে, পোকা মাকড় হ'তে বাঁচাতে হবে, তবে উদ্দেশ্য সফল হবে। এ যেমন সোজা কথা, এও তেমনি সোজা কথা যে, ২৪ জন যুবককে প্রচারার্থী ব'লে এনে, স্থান-নিশেষে কিছুদিন রেখে দিলেই তারা আচার্য বা প্রচারক হ'তে পারে না। ফজলী আমের চারা অস্থানে কোন রকমে বেঁচে থেকে যে আম জন্মায় তা আকারে প্রকারে ফজলীর কলম—ফজলীর রূপ এবং রস তাতে থাকে না।

ব্রাহ্মধর্মের মধুর রস ও অপূর্ণ সৌন্দর্যের আবাদন পাওয়া এবং দেওয়াই ব্রাহ্মসমাজের কাজ। এ বিষয়ে নিজের নিজের ব্যক্তিগত কর্তব্য অনেক। কিন্তু আমরা দুর্বল, একা পারি না; তাই, সকলকে এ বিষয়ে সাহায্য করবার জন্তেই আচার্য ও প্রচারকের প্রয়োজন। সমাজের সমস্ত শক্তি ও সামর্থ্যই শ্রেষ্ঠ ফল হবেন আচার্য ও প্রচারকগণ। সমাজের রসে পরিপুষ্ট হ'লেই, তাঁরা আশাহুরূপ বৃহৎ এবং মধুর ফল দান করতে পারেন। এ বিষয়ে সমাজে একটা অতৃপ্তির ধারা প্রবাহিত হয়ে চলেছে। সেই অতৃপ্তির ইতিহাসই সমাজের জীবনীশক্তির পরিচায়ক। কেন না, সকল উন্নতির মূলে অতৃপ্তি, অভাববোধ। ওড়ের অতৃপ্তি নাই। প্রাণী-

মাত্রেরই অতৃপ্তি আছে। অতৃপ্তি আছে বলেই প্রাণক্রিয়া আছে। যে তৃপ্ত সে মৃত। যে অতৃপ্ত, সে জীবিত। চারিদিকে ময়লা দুর্গন্ধ, মশা মাছি, রোগ অকাল মৃত্যু, অজ্ঞতা দুর্নীতি, তার মধ্যে বাস ক'রেও যে চূপ চাপ রয়েছে, গল্প করছে, খাচ্ছে বেড়াচ্ছে, কোন উৎকর্ষা নাই, সে মৃত। আর, এসব দেখে যে যে পরিমাণ অতৃপ্ত, এসব দূর করতে ব্যস্ত, সেসেই পরিমাণে জীবিত।

ব্রাহ্মসমাজের প্রচারব্যবস্থায় অতৃপ্তি বার বার প্রকাশিত হয়েছে। তার গোড়ার কথা এই যে, এ সমাজের শ্রেষ্ঠ ব্যক্তিগণ যে অমৃতময় আবাদন কিছু পরিমাণে পেয়েছিলেন এবং কখনও কখনও পেয়েছিলেন, তা যথেষ্ট পরিমাণে পাচ্ছিলেন না, অপরকে ভাল ক'রে দিতেও পাচ্ছিলেন না।

১। এই অতৃপ্তি হ'তে সাধনাশ্রমের জন্ম। ২। এই অতৃপ্তি হ'তে ১৮৯৮—৯৯ সালে শাস্ত্রী মহাশয় কর্তৃক বিস্তৃত প্রবন্ধ পাঠ। তাতে বলেছিলেন যে আমাদের এই সব অভাব (১) সাধনা-প্রণালী, (২) স্থায়ী প্রচারকেন্দ্র ও প্রচারক, (৩) প্রচারের সমস্ত কাজ ও দায়িত্ব একত্র করা, ও প্রচারপ্রণালী নির্ধারণ, (৪) কলিকাতার ব্রাহ্মসমাজের ধর্মজীবনের সহায়তা করা।

৩। এই অতৃপ্তি হ'তে ১৯০৪-৫ সালে Dr. P K Rayএর বিশেষ অভিভাষণ, ধর্মশিকার ব্যবস্থার কথা। ৪। এই অতৃপ্তির কথা History of the B. S এ (১) গৃহে সাধনের অভাব, (২) দায়ী আচার্য (৩) প্রচারকার্যপরিচালনে দায়িত্বের অভাব, ব্যক্তিগত সহায়তার অভাব।

৫। ১৯১৭ সালে প্রচারকার্যের উন্নতির উপায় বিষয়ে আলোচনা। ৬। ১৯২৪ সালে গুরুদাস বাবুর পত্র। ৭। ১৯২৫ সালে সভাপতির অভিভাষণ ৮। ১৯২৬-২৭ সালে সভাপতির অভিভাষণ।

উক্ত বিভিন্ন সময়ের আন্দোলনের মধ্যে একই অতৃপ্তি প্রকাশিত হয়েছে। সে অতৃপ্তির কারণ এখনও আছে।

কোন ধর্মসমাজের সব লোকই সমান ধর্মপ্রাণ হ'তে পারে না। কিন্তু ধর্মচার্যগণও যদি ধর্মজীবনের উন্নত আদর্শহল না হ'ন, অন্ধাঙ্কুরির পাত্র না হ'তে পারেন, তা হ'লে সে সমাজের অবস্থা বড়ই খারাপ। আমাদের এই চিন্তার কারণ উপস্থিত হয়েছে। সুতরাং এ বিষয়ে সমাজের জ্যেষ্ঠ শ্রেষ্ঠগণের দৃষ্টিপাত আবশ্যিক। প্রচারকার্য কিরূপে সুপরিচালিত হয়, সে বিষয়ে চিন্তা করতে গেলে, উদ্দেশ্য হ'তে কার্য ব্যবস্থা পর্যন্ত সব বিষয়েই মনোযোগ দেওয়া আবশ্যিক। ব্রাহ্মসমাজের একমাত্র উদ্দেশ্যই ধর্ম প্রচার বা বিস্তার। আর সব উপলক্ষ্য।

ব্রাহ্মদিগকে ধর্মজীবনের গভীরতালাভে সহায়তা করা, ব্রাহ্মপরিবারগুলিতে ধর্মসাধন জীবন্ত রাখিতে চেষ্টা করা, ব্রাহ্ম বালক বালিকাগণের অন্তরে নীতিজ্ঞান ও ধর্মবোধ বিকশিত করা, ব্রাহ্মসমাজের সকল বিভাগে গভীর জ্ঞান, বিশাল প্রেম ও বিত্তসেবাতৎপরতার আদর্শকে উজ্জল রাখা, এবং ব্রাহ্মধর্মের বাণী চতুর্দিকে বিস্তারের জন্ত বিধিমতে চেষ্টা করা, ব্রাহ্মসমাজের মুখ্য কর্তব্য। ইহাকেই এক কথায় বলা যায় ব্রাহ্মধর্মপ্রচার।

২। যিনি এই সকল কাজে ব্রতী তিনিই আচার্য্য, তিনিই প্রচারক। ব্যক্তি বিশেষের স্বাভাবিক শক্তি, গভীর সাধন এবং সুশিক্ষার উপর একদিকে এই সকল গুরুতর কার্যের সফলতা নির্ভর করে, অপর পক্ষে শিক্ষা-ব্যবস্থা, সাধনপ্রণালী এবং প্রচারপ্রণালীও একাধো যথেষ্ট সহায়তা করে। প্রত্যেক কাজেরই সু-প্রণালী আছে। সেই প্রণালী অবলম্বনে কাজ সহজসাধ্য হয়। অত্যাগু বিখ্যের মত কার্যপ্রণালীরও ক্রম-বিকাশ আছে; তা অভিজ্ঞতাসাপেক্ষ।

৩। শিক্ষাপ্রণালী, সাধনপ্রণালী, এবং সেই শিক্ষা ও সাধনলক্ষ্য শক্তিকে কাজে প্রয়োগ করবার প্রণালী, নির্দিষ্ট থাকা আবশ্যিক। বিশেষ লক্ষ্যসাধনের জন্য বিশেষ প্রণালী ও ব্যবস্থা থাকা প্রয়োজনীয়, নতুবা কোন কাজ সুসম্পন্ন হয় না। সকল বিষয়েই সুচিন্তিত সুনির্দিষ্ট বিধি ব্যবস্থা আবশ্যিক।

৪। ব্রাহ্মধর্মপ্রচারে যারা ব্রতী হবেন, তাঁদের ব্রত যেমন গুরুতর, তাঁদের শিক্ষা ও কার্যব্যবস্থাও তেমনি শ্রেষ্ঠতর হওয়া আবশ্যিক। বিশুদ্ধ আধ্যাত্মিক ধর্ম কোথায় প্রচারিত হবে, কোথায় সফল হবে? যে জীবনে উচ্চ আকাঙ্ক্ষা এবং পবিত্র চরিত্র কিছু পরিমাণে বিকশিত হয়েছে, সেই জীবনেই ব্রাহ্মধর্ম স্থান পেতে পারে। অতএব জনসমাজের মধ্যে যাতে শ্রেষ্ঠতর ভাব ও চরিত্রের বিকাশ হয়, তার জন্য ব্রাহ্মধর্ম-প্রচারের ভিত্তিভূমিরূপে বহু কাজ করিতে হবে। যেমন শিক্ষা-বিস্তার, নীতিজ্ঞান ও ধর্মবোধের বিকাশ, নিম্নশ্রেণীর সকলের উন্নতি, বিভিন্ন সম্প্রদায়ের মধ্যে সদ্ভাবরূপী, এবং সর্ব সাধারণের কল্যাণসাধন ও সেবা।

৫। প্রচার বিভাগ—এই সকল উপায়ের দ্বারা নরনারীকে ব্রাহ্মধর্মগ্রহণের উপযোগী করা, এবং বিধিমতে তাঁদের জীবনে ব্রাহ্মধর্মকে প্রতিষ্ঠিত করাকেই যাহারা জীবনের প্রধান ব্রতরূপে অনুভব করেন, এরূপ অনুরাগী ব্যক্তিগণকে তাঁদের কাজের উপযোগী শিক্ষাদান এবং কাজের ব্যবস্থা করা, সমাজের প্রচার-বিভাগের কর্তব্য। এই ব্যবস্থা এরূপ হওয়া আবশ্যিক যে, শিক্ষাশ্রেণী প্রচারকগণ গভীর জ্ঞান, বিশাল প্রেম, দৃঢ় বিশ্বাস এবং জলন্ত সেবাসুরাগে ভূষিত হ'য়ে কর্মক্ষেত্রে অগ্রণর হ'তে পারেন; যেন তাঁরা জনসমাজের শিক্ষিত অথচ কুসংস্কারের অধীন উপধর্মনিষ্ঠ ব্যক্তিগণের তুলনায়, জ্ঞানে প্রেমে ও সেবায় শ্রেষ্ঠতর আদর্শ দেখাতে পারেন।

৬। সুতরাং প্রচারবিভাগের কর্তব্য দুই প্রকার ১ম— প্রচারকগণকে বিধিমতে শিক্ষাদানের ব্যবস্থা করা, ২য় শিক্ষিত প্রচারকগণের কাজের ব্যবস্থা করা, এবং উভয় প্রকার কাজই সম্ববদ্ধ ভাবে করা (as an organised body)।

৭। প্রচার সভা—প্রচারার্থীনির্বাচন, নির্বাচিত প্রচারার্থীগণের শিক্ষা সাধন ও বাসাদির ব্যবস্থা, নিয়মিত পরীক্ষার ব্যবস্থা, এবং যথাকালে তাঁহাদের কাজের ব্যবস্থা, এবং সর্বতোভাবে প্রচারকার্য পরিচালনের জন্য একটি সভা থাকিবে।

৮। প্রচার সভা গঠন—প্রচার সভা ৫ বছরের জন্য গঠিত হবে। সাধারণ ব্রাহ্মসমাজের বর্ষিক সভার পর এক সপ্তাহ মধ্যে পরিচারক ও প্রচারকগণ ৪ জন প্রচারককে এই সভার সভ্য

নির্বাচন করিয়া সাধারণ ব্রাহ্মসমাজের সম্পাদককে জানাবেন। এই নির্বাচন কার্যনির্বাহক সভার অনুমোদনসাপেক্ষ। উক্ত নির্বাচনের পর এক সপ্তাহ মধ্যে অথবা অধ্যক্ষ সভার প্রথম অধিবেশনে অধ্যক্ষ সভা সাধারণ ব্রাহ্মসমাজের অপর সভাগণের মধ্য হ'তে আরও দুইজন সভ্যকে নির্বাচন করিবেন। সাধারণ ব্রাহ্মসমাজের সভাপতি ও সম্পাদক স্বতঃই এই সভার সভ্যরূপে গণ্য হবেন। যদি কখনও প্রচারকের সংখ্যা চারিজনের কম হয়, অথবা যদি প্রচারকগণের মধ্যে চারিজন প্রচারসভার সভ্য শ্রেণীভুক্ত হইতে স্বাক্ষর না হন, তবে যত জনের অভাৱ হইবে, “অধ্যক্ষ সভা” সাধারণ ব্রাহ্মসমাজের সভাগণের মধ্য হইতে ততজন নিযুক্ত করিতে পারিবেন।

৯। প্রচার সভা—নিজ কার্য সম্পাদনার্থ একজনকে সভাপতি এবং একজনকে আপনাদের সম্পাদকরূপে নিয়োগ করিবেন। সভাপতির নির্বাচন কার্যনির্বাহক সভার অনুমোদনসাপেক্ষ। সভাপতির সাধারণ ব্রাহ্মসমাজের প্রচারক হওয়া চাই।

প্রচার সভার কর্তব্য—প্রচারার্থীনির্বাচন, তাঁহাদের শিক্ষা, সাধন, পরীক্ষা, ও বাসেব ব্যবস্থা করা; পরিচারক ও প্রচারক নিয়োগ এবং তাঁহাদের কার্য ও বাসাদির ব্যবস্থা করা; উপাসক-মণ্ডলী গঠন ও আচাৰ্য্য নিয়োগ; মকঃস্বপ্নের মণ্ডলীগুলির সহিত যোগাযোগ, ও তাঁহাদের সহায়তা করা; পরিবারে ধর্মসাধন ও গৃহস্থানগণের ধর্মশিক্ষার সহায়তা করা; সাধনাশ্রমকে বা প্রচারকনিবাসকে ব্রাহ্মধর্ম সাধনের ও শিক্ষার সুব্যবস্থায় পূর্ণ অঙ্কুর স্থানরূপে রক্ষা করা। এবং সাধন ভঞ্নে ব্রাহ্মগণের মধ্যে গভীর মিলনসাধনের চেষ্টা করা, প্রচার বিভাগ সংক্রান্ত আয় ব্যয়ের হিসাব রক্ষা করা এবং ত্রৈমাসিক কার্য বিবরণ কার্য নির্বাহক সভায় প্রেরণ করা।

১০। কার্য প্রণালী—প্রতি সপ্তাহে অন্ততঃ একবার প্রচার-সভার অধিবেশন হইবে। সম্পাদক, সভা আহ্বান কার্য-বিবরণ রক্ষা এবং সভার নির্দেশ অনুসারে সমুদয় কার্যের ব্যবস্থা করিবেন। তিন জন সভ্য উপস্থিত থাকিলেই সভার কার্য হইবে। সভ্যগণ সর্বদা প্রার্থনাশীল অন্তরে একমত হইয়া কার্য করিবেন। কোন বিষয়ে মতবৈধ উপস্থিত হইলে, সেই প্রশ্নের বিচার কিছুকাল স্থগিত রাখিয়া, ভগবানের আলোক-পাতনের জন্য বিশেষ প্রার্থনা ও চিন্তা করিবেন। প্রচারার্থী গ্রহণ এবং পরিচারক ও প্রচারক নিয়োগ বা বর্জন অথবা কোন নিয়মপ্রণয়ন যে অধিবেশনে হইবে, তাহাতে অন্ততঃ ৬ জন সভ্যের উপস্থিত থাকা আবশ্যিক, এবং পরিচারক ও প্রচারক গ্রহণ ও বর্জনে। প্রস্তাব গ্রহণ করিতে হইলে, অন্ততঃ সভার ৬ অংশ সভ্যের তৎপক্ষে মত হওয়া আবশ্যিক, এবং উক্ত প্রস্তাব সাধারণ ব্রাহ্মসমাজের কার্যনির্বাহক সভার অনুমোদন-সাপেক্ষ থাকিবে।

১১। সভাপতির কার্য—প্রচারসভার নির্দেশ অনুসারে প্রচারার্থীগণের শিক্ষা সাধন পরীক্ষা ও বাসাদির ব্যবস্থা, এবং প্রচারকগণের কার্যব্যবস্থা সংক্রান্ত সমুদয় কাজ পরিচালনের ভার সভাপতির উপর থাকিবে। এই সকল কার্যে সম্পাদক তাঁহার সহায়তা করিবেন।

১২। প্রচারপ্রার্থী এবং প্রচারকার্যে লিপ্ত ব্যক্তিগণ চার শ্রেণীতে বিভক্ত থাকবেন :—

(১) প্রচারার্থী (বা সংকল্পাধীন পরিচারক ২। বছর। (২) পরিচারক—২ বছর। (৩) স্বেচ্ছ বা গৃহী প্রচারক (৪) প্রচারক।

ক্রমঃ

সুরেন্দ্রশশী গুপ্ত।

ব্রাহ্মসমাজ।

নারায়ণগঞ্জ ব্রাহ্মসমাজ—নারায়ণগঞ্জ ব্রাহ্ম-সমাজের সপ্তত্রিংশৎ সাহসসংস্কৃত উৎসব নিম্ন লিখিত প্রণালীতে সম্পন্ন হইয়াছে—৬ই মার্চ, উৎসবের উদ্বোধন। অপরাহ্নে কীর্তন ও সন্ধ্যায় উপাসনা। শ্রীযুক্ত অমৃতলাল গুপ্ত আচার্যের কার্য করেন। তাঁহার উপদেশে, তিনি শুদ্ধচিত্ত হইয়া উৎসবের জন্ত প্রস্তুত হইতে বলেন এবং সন্ধ্যায় একটি আখ্যায়িকা বর্ণনা করিয়া বিরূপে মানুষের জীবন বদলাইয়া যায় তাহা দেখান। ৭ই প্রাতে উষাকীর্তন করিতে করিতে গায়কদল মন্দিরে সমবেত হইলে শ্রীযুক্ত অক্ষয়কুমার সেন আচার্যের কার্য করেন। তিনি “মাহং ব্রহ্ম নিরাকুর্যাম্” শ্লোকটি বিবৃত করিয়া উপদেশ দেন। অপরাহ্নে শ্রীযুক্ত দীনবন্ধু মিত্রের স্বর্গীয় পিতৃদেবের স্মৃতি উপলক্ষে তাঁহার কনিষ্ঠ শ্রীযুক্ত শশিভূষণ মিত্রের বাসায় শ্রীযুক্ত ভবসিদ্ধু দত্ত আচার্যের কাজ করেন। পায় দীনবন্ধু বাবু ব্রাহ্মধর্মগ্রন্থ হইতে কয়েকটি শ্লোক পাঠ করিয়া প্রার্থনা করেন। প্রীতিজলযোগে অজ্ঞকার কার্য শেষ হয়। ৮ই প্রাতে সংকীর্তনান্তে শ্রীযুক্ত দীনবন্ধু মিত্র উপাসনার কার্য করেন। তাঁহার উপদেশের মর্ম এই—জগতে প্রেমই সর্বপ্রধান শক্তি, মিলনই বিধাতার মঙ্গল বিধান। অপ্রেম ও বিদ্বেষ মানুষকে মৃত্যুর পথে লইয়া যায়। এই প্রেমের জন্ত আমাদেরকে পরমেশ্বরের শরণাগত হইতে হইবে। অপরাহ্নে কীর্তন, পরে শ্রীযুক্ত যোগজীবন পাল উপাসনার কার্য করেন। উপদেশে তিনি বলেন, পরমেশ্বরই মানব-জীবনের একমাত্র লক্ষ্য বস্তু। মানুষের যে পরিমাণে ঈশ্বর লাভ হয় সেই পরিমাণে তাহার মনুষ্যত্ব, অত্যা জীবন ব্যর্থ হইয়া যায়। ৯ই প্রাতে শ্রীযুক্ত অমরচন্দ্র ভট্টাচার্য উপাসনা করেন। তাঁহার উপদেশের মর্ম এই—প্রণালীতে সামান্য মতভেদ সত্ত্বেও সমস্ত পৃথিবীর ধর্মবিশ্বাস একমেবাদ্বিতীয়মে প্রতিষ্ঠিত। বিগত ২-শে জাহ্নুয়ারীর কলিকাতার ধর্ম মহাসম্মিলনের কার্যবিবরণ ইহাই প্রকাশ করিতেছে। মধ্যাহ্নে মহিলা-উৎসব। শ্রীযুক্ত ভবসিদ্ধু দত্ত সঙ্গীত, সঙ্কীর্তন ও উপাসনা ও উপদেশ দ্বারা মহিলা উৎসব সম্পন্ন করেন। মহিলা ও বালিকাতে ৩০।৪০টি উপস্থিত ছিলেন। প্রীতিজলযোগে এই বেলায় কাজ শেষ হয়। ৪ টায় নগর সঙ্কীর্তন। সংকীর্ণ প্রার্থনান্তে গায়কদল বহুদূর ব্যাপিয়া নগরের দ্বারে দ্বারে কীর্তন করতঃ মন্দির-প্রাঙ্গণে উপস্থিত হন। সেখানে কিছুকাল প্রমত্তভাবে কীর্তনের পর শ্রীযুক্ত অমৃতলাল গুপ্ত “ধর্ম কি ?” বিষয়ে বক্তৃতা করেন। তিনি বলেন ধর্মকে তিন

শ্রেণীতে ধরা যাইতে পারে। প্রথমতঃ ধর্মমত, দ্বিতীয় ধর্মের সাধন, তৃতীয় ধর্মজীবন। ১০ই সমস্ত দিনব্যাপী উৎসব। প্রাতে কীর্তনের পর শ্রীযুক্ত অমৃতলাল গুপ্ত আচার্যের কার্য করেন। উপাসনার পর প্রীতি-ভোজনান্তে এবেলায় কার্য শেষ হয়। অপরাহ্নে ৩ ঘটিকায় পাঠ ব্যাখ্যা ও আলোচনা। কীর্তন ও সঙ্কীর্তনের পর শ্রীযুক্ত অশ্বিনীকুমার বসু সংকীর্ণ উপাসনা এবং ব্রাহ্মধর্ম গ্রন্থ হইতে কিছু পাঠ করেন। সন্ধ্যায় পুনরায় প্রমত্তভাবে কীর্তন ও উপাসনা হয়। শ্রীযুক্ত ভবসিদ্ধু দত্ত আচার্যের কাজ করেন।

ল নগরীতে রামমোহন-সমাপ্রি-মন্দির—ব্রীটন নগরীতে রাজর্ষি রামমোহন রায়ের সমাধির উপর যে স্মৃতিমন্দির নির্মিত হইয়াছিল, তাহা নিতান্ত জীর্ণ দশায় উপনীত হইয়াছে। তাহার সংস্কারের জন্ত ৫০০০ হাজার হইতে ৫০০০ টাকার প্রয়োজন। ভবিষ্যতে বাহাতে তাহা আর এইরূপ অবস্থায় উপনীত না হইতে পারে, তদনুরূপ সাময়িক সংস্কারাদি নির্বাহের জন্ত আরও ১০০০ হাজার পাউণ্ডের একটি স্থায়ী ধনভাণ্ডার স্থাপনও একান্ত আবশ্যিক। এই বিষয়ে আমরা এতদিন আমাদের কর্তব্য যথেষ্টই অবহেলা করিয়াছি। এতদিন পরেও যে আমাদের কিছু চৈতন্যোদয় হইয়াছে, ইহা স্মরণ বিষয়। এতদর্থে পিতাপুরমের মহারাজা সাহেব অন্ততঃ এক চতুর্থাংশ (৫০০০ হাজার) টাকা প্রদান করিতে প্রতিশ্রুত হইয়াছেন। অত্যাচার নিকট হইতে এ পর্য্যন্ত দুই তিন হাজার টাকার প্রতিশ্রুতি পাওয়া গিয়াছে। আশা করা যায় অবিলম্বে এই টাকা সংগৃহীত হইবে। এ সম্বন্ধে আমাদের যে গুরুতর দায়িত্ব রহিয়াছে তাহা যেন কেহ না ভুলি।

সিদ্ধিকলেঞ্জের সাহায্যার্থ দান—সিদ্ধিকলেঞ্জের বিল্ডিং ফণ্ডে বিগত সেপ্টেম্বর মাস হইতে নিম্নলিখিত দান প্রাপ্ত হওয়া গিয়াছে :—(সেপ্টেম্বর) মেসার্স এ পি সেন ২০০০, গিরীন্দ্রনাথ রায় ৫০, এস সি রায় ৮০০, হিরণকুমার সান্যাল ২৫০, শ্রীমতী পূর্ণিমা বসাক ৬০০, মেসার্স মোহিনীমোহন হাজারা ১০০, সর্বরীকান্ত ধর ৫০, জে এন সিংহ ২০০, মধুরানাথ নন্দী ১০০, বিপিনবিহারী বসু ১০০, (অক্টোবর) হিরণকুমার সান্যাল ২৫০, জে এন সিংহ ২০০, মোহিনীমোহন হাজারা ১০০, শ্রীমতী কাশি বাদে নাওরজি ১০০০, কুমারী জ্যোতির্ময়ী গাঙ্গুলী ১০০, মেসার্স গিরীন্দ্রনাথ রায় ৫০, (নভেম্বর) মোহিনী মোহন হাজারা ১০০, জে এন সিংহ ২০০, (ডিসেম্বর) স্মৃতির চন্দ্র চট্টোপাধ্যায় ২০০, মোহিনীমোহন হাজারা ১০০, শ্রীযুক্ত হেমলতা দেবী ২৫০, পরলোকগত রাজচন্দ্র চৌধুরীর পুত্রগণ ২০০০, মেসার্স বিপিনবিহারী বসু ১০০, জে এন সিংহ ২০০, ডি বি তেলিকার ১০০, (জানুয়ারী) কুমারী হেমপ্রভা মজুমদার ২৫০, মেসার্স ডি.বি তেলিকার ৫০, মোহিনীমোহন হাজারা ১২০, কুমারী শান্তিময়ী দাস ৫০, (ফেব্রুয়ারী) কুমারী জ্যোতির্ময়ী গাঙ্গুলী ১০০, শ্রীমতী কাশিবাই নাওরজী ১০০০, মেসার্স মোহিনী মোহন হাজারা ১২০, শশিভূষণ দত্ত ১০০,

গিরীন্দ্রনাথ রায় ৫, পরলোকগত মতিলাল হালদারের ট্রাষ্টফণ্ড হইতে ৩০০০ টাকা। পূর্ব স্বীকৃত ২,৫০০৬০/০ সহ ফেব্রুয়ারী মাসের শেষ পর্যন্ত মোট ৬৩০৪৬০/০।

সংক্ষিপ্ত সমালোচনা।

স্বামীজ্ঞানের কথা ও অশুপূর্বা-বিবাহ— মহারাঞ্জকুমার শৈলেন্দ্রকৃষ্ণ দেব প্রণীত। মূল্য ১ টাকা। “স্বামীজ্ঞানের কথা”তে বিবিধ পুরাণাদি হইতে ঐতিহাসিক তথ্য সংগ্রহের চেষ্টা করা হইয়াছে। গ্রন্থখানিতে গ্রন্থকারের গভীর অধ্যয়ন ও গবেষণার পরিচয় পাওয়া যায়। কিন্তু সংগৃহীত বিষয়গুলির তুলনামূলক সমালোচনা দ্বারা কোনও একটা সিদ্ধান্তে উপনীত হইবার কোনও প্রকার চেষ্টা নাই। তাই সাধারণ পাঠকের মনের উপর উহা কোনও ছাপ রাখিয়া যাইতে সমর্থ নহে। তবে সংক্ষেপে বহু বিষয় একত্র সংগৃহীত হওয়াতে, যাঁহারা ঐ সম্বন্ধে আলোচনা করিতে যাইবেন তাঁহারা ইহা হইতে বিশেষ সাহায্য প্রাপ্ত হইবেন। এই হিসাবে ইহার একটা বিশেষ মূল্য আছে। “অশুপূর্বা-বিবাহের” দুই খণ্ডে শাস্ত্র ও যুক্তির দ্বারা বিধবা বিবাহ সম্বন্ধিত হইয়াছে এবং বিধবা বিবাহ বিষয়ক আইনের ধারাগুলি প্রদত্ত হইয়াছে। ইহাতেও তাঁহার অধ্যয়ন ও গবেষণার এবং সঙ্কল্পতার পরিচয় পাওয়া যায়। আইনের যে কিছু পরিবর্তন আবশ্যিক তাহাও তিনি প্রদর্শন করিয়াছেন। আমরা আশা করি পুস্তকখানা সর্বত্র সমাদৃত হইবে।

(২) **কল্যাণ প্রতীপ**—শ্রীমতী মোক্ষদা দেবী প্রণীত। মূল্য ৩। ইহা বঙ্গমাতার বীর পুত্র পরলোকগত কাশ্যাপ কল্যাণকুমার মুখোপাধ্যায়ের জীবনী। তাহা ব্যতীত বাঙ্গালার জাতীয় সভ্যতার ইতিহাস ও নানা সামাজিক ও রাজনৈতিক প্রশ্নের আলোচনা এবং ইরাকে তুরস্ক-ব্রিটিশ সমবের সংক্ষিপ্ত বিবরণও ইহাতে সন্নিবিষ্ট হইয়াছে। গ্রন্থকারী অশীতিবর্ষের বৃদ্ধা হইয়াও দৌহিত্রের প্রতি স্নেহের টানে ও অসাধারণ মানসিক শক্তি বলে ৪০০ শত পৃষ্ঠার অধিক এই বৃহৎ গ্রন্থখানি লিখিয়াছেন। ইহাতে যেমন তাঁহার অপূর্ব লিপিতাত্ত্ব্য তেমনি গভীর চিন্তাশীলতারও যথেষ্ট পরিচয় রহিয়াছে। কেবল একটি বিষয়ে তাঁহার একটু ভ্রান্ত সংস্কারের পরিচয় পাওয়া যায় বটে, কিন্তু অপর সকল বিষয়ই বিশেষ উদারতার সহিত আলোচিত হইয়াছে। আমরা ইহা পাঠ করিয়া বিশেষ আনন্দ লাভ করিয়াছি। সকলেরই, বিশেষভাবে যুবকদিগের, ইহা পাঠ করা উচিত। আমরা ইহার বহুল প্রচার কামনা করি।

৩। **A Report of the proceedings of the Brahmo Samaj centenary celebration in Calcutta, August, 1928, Part I** মূল্য ১। বিগত শতবার্ষিক উৎসবের বিস্তারিত বিবরণ ও বক্তৃতাগুলির মর্ম ইহাতে প্রকাশিত হইয়াছে। যাঁহারা এখানে উৎসবে উপস্থিত হইতে পারেন নাই তাঁহারা ইহা পাঠ করিয়া উপকৃত বোধ করিবেন। যাঁহারা উপস্থিত ছিলেন

তাঁহারাও পুস্তকাকারে প্রাপ্ত হইয়া, ইহাকে আদরের সহিত রক্ষা করিবেন। আশা করি সর্বত্র ইহার সমাদর হইবে।

৪। **The Appeal of a Hindu to critics of Jesus Christ**—by Rai sahib Upendranath De, with a foreword by Rai Bahadur Chunilal Bose মূল্য ১। শ্রীযুক্ত স্বকুমার হালদার প্রণীত “The Cross in the crucible” নামক গ্রন্থের কোনও কোনও অংশের প্রতিবাদস্বরূপ ইহা লিখিত হইয়াছে। যেরূপ ধীরতা, উদারতা ও সত্যাত্ম-রাগের সহিত ইহা লিখিত হইয়াছে তাহা বিশেষ প্রশংসার যোগ্য। আমাদের বিবেচনায় তাঁহার উদ্দেশ্য এই ক্ষুদ্র গ্রন্থ দ্বারা বহু পরিমাণে সূক্ষ্ম হইয়াছে। যাহা বিতর্কের বিষয় তাহাতে মতভেদ অনিবার্য। কিন্তু কোনও দিকে একটা অতিরিক্ত যুক্তি লইয়া আলোচনায় প্রবৃত্ত হইলে সত্য নির্ধারণ যেমন কঠিন হয়, তেমন হৃদয়ের সাধুভাবগুলিও অনেক পরিমাণে বিনষ্ট হয়। আমরা ইহা পাঠ করিয়া আনন্দিত হইয়াছি। এবং ইহার বহুল প্রচার কামনা করি।

৫। **শ্রীভগবদ্গীতা**—দেবনাগরী অক্ষরে মূল ও সরল সংস্কৃত টীকা এবং ইংরাজী অনুবাদ সহ পণ্ডিত সীতানাথ ভট্টাচার্য ও শ্রীযুক্ত শ্রীশচন্দ্র রায় কর্তৃক সম্পাদিত। মূল্য কাপড়ে বাধান ২।। ভূমিকাতে বিস্তারিত ঐতিহাসিক ও দার্শনিক আলোচনা ব্যতীত আবশ্যকীয় মন্তব্য ও সমালোচনা-সহ প্রত্যেক অধ্যায়ের সংক্ষিপ্ত নার প্রদত্ত হইয়াছে। উহা পাঠে সহজেই গীতার শিক্ষা সম্বন্ধে একটা সুস্পষ্ট ধারণা জন্ম। ব্যাখ্যার সঙ্গেও টীকা টিপ্পনী এবং উপনিষদ ও বাইবেল গ্রন্থের কোন কোন অংশের সঙ্গে সাদৃশ্যের উল্লেখ আছে। আমরা যতদূর জানি এরূপ আর কোনও ইংরাজী বা বাঙ্গলা সংস্করণ নাই। টীকা ও অনুবাদ উভয়ই বেশ সরল হইয়াছে। আমরা ইহা পাঠ করিয়া বিশেষ সুখী হইয়াছি। ইহা সর্বত্র সমাদৃত হইবে বলিয়াই আমাদের বিশ্বাস। আমরা ইহার বহুল প্রচার কামনা করি। ছাপা এবং কাগজও বেশ সুন্দর হইয়াছে।

৬। **বৈষ্ণব সাহিত্য**—শ্রীযুক্ত সুনীলকুমার চক্রবর্তী প্রণীত। মূল্য কাপড়ে বাধান ২, টাকা। বৈষ্ণব সাহিত্য ও বৈষ্ণব ধর্মের তত্ত্ব গভীর, কিন্তু আমাদের বিবেচনায় একটু অত্যধিক, শ্রদ্ধার সহিত ইহাতে আলোচিত হইয়াছে। সকল বিষয়েই উহাটিকে জগতের সর্বশ্রেষ্ঠ স্থান দিতে গেলে তাহাকে অতিসমোক্তি ভিন্ন আর কিছুই বলা যায় না। তাত্ত্বিক ধর্মের বিকৃতি বেশ তীব্রতার সহিতই উল্লিখিত হইয়াছে, কিন্তু উহার যে একটা ভাল দিকও আছে সে বিষয়ে একটা কথাও নাই; অথচ বৈষ্ণব ধর্মের উচ্চতা ও মহত্ত্ব সম্বন্ধে কেবল শত মুখে প্রশংসাই আছে, তাহার বিকৃতি হইতে যে মহা অনিষ্টও সাধিত হইয়াছে তাহার একটু ইঙ্গিতও নাই। শাস্ত্রদের মধ্যে যে ভক্তির বিকাশ হইয়াছে তাহাও বৈষ্ণবী ভক্তিই; বৈষ্ণব ধর্ম ব্যতীত আর কোথাও যেন ভক্তি জন্মিতে পারে না। ইহাকে নিতান্ত একদেশদর্শিতা ও পক্ষপাতিতা ভিন্ন অপর কোনও নামে অভিহিত করা যায় না। বৈষ্ণব ধর্ম ও সাহিত্যের ভাল

দিকটা প্রদর্শন করিতে তিনি যথেষ্ট চেষ্টা করিয়াছেন। ইহা প্রশংসনীয়। কিন্তু মন্দ দিকটাও নিন্দা করা নিরপেক্ষ সমালোচকের কর্তব্য। অশ্লীলতা ও মানবীয় শারীরিক ভাব কোনও কোনও স্থানে অপরের জ্ঞান সমর্থন করিতে পারেন নাই বটে, কিন্তু তাহার বিরুদ্ধে তেমন কিছুই বলেন নাই। বরং বৈষ্ণব সাধুরা তাহা হইতে তাঁহাদের ধর্মজীবনের খোরাক সংগ্রহ করিয়াছেন বলিয়া প্রকাশান্তরে দোষক্ষালণেরই চেষ্টা করিয়াছেন। অল্প স্থান হইতে পরবর্তীকালে প্রাপ্ত কোন কোন তত্ত্ব আরোপণ দ্বারা বৈষ্ণব ধর্মের যে একটা আদর্শ উপস্থিত করা হইয়াছে তাহা বেশ উচ্চ ও সকলের গ্রহণীয়, কিন্তু উহা সম্পূর্ণ ঐতিহাসিক ভিত্তির উপর প্রতিষ্ঠিত নহে। আরও একটু নিরপেক্ষ সমালোচনার সহিত লিখিত হইলে গ্রন্থখানা অধিকতর আদর্শীয় হইত বলিয়া আমরা এত কথা বলিলাম। গ্রন্থকার হাতে যে শ্রম, অমূল্য ও পাঠান্তরগণের পরিচয় প্রদান করিয়াছেন তাহা বিশেষ প্রশংসা ও অতুল্যের যোগ্য।

৭। বন্ধুচিন্তন বা ধর্ম বিষয়ে কথোপকথন—শ্রীযুক্ত গোকুলচন্দ্র রায় ও শ্রীযুক্ত শনিভূষণ দাস কর্তৃক বিবৃত ও সংগৃহীত। মূল্য ১০। ইহাতে ব্রাহ্মধর্মের মূলতত্ত্ব সরল ভাষায় বিবৃত হইয়াছে এবং নানা শাস্ত্রবাক্যাদিও সংগৃহীত হইয়াছে। যে উদ্দেশ্যে লিখিত হইয়াছে তাহা ইহার দ্বারা সুসিদ্ধ হইবে বলিয়াই মনে হয়। আমাদের বিবেচনায় দুই এক স্থানের ভাষাতে যে একটু তীব্রতা লক্ষিত হইল তাহা পরিহার করিলেই আরও ভাল হইত। আমরা ইহার বহুল প্রচার কামনা করি।

অনাথ ব্রাহ্মপরিবার সংস্থান ধনভাণ্ডার।

প্রার্থনা পত্র।

অনাথ ব্রাহ্মপরিবারের সাহায্যের জন্ত ঢাকাতে বহুদিন যাবৎ এই ফণ্ডের প্রতিষ্ঠা হইয়াছে। পরলোকগত ভক্তিবাজন চণ্ডীকিশোর কুশারী মহাশয় এই ফণ্ডের উন্নতির জন্ত প্রাণপণ চেষ্টা করিয়াছেন। ফণ্ডের মূলধন ব্যয় হয় না, সুদের টাকা মাত্র ব্যয় হয়। সম্মিলনীর কার্যনির্বাহক সভার অনুমোদন অনুসারে সাতজন ট্রাস্টীর সম্মতি লইয়া সাহায্য প্রদত্ত হইয়া থাকে। সুতরাং ইহার একটি পয়সাও অপব্যয়িত হয় না। ইহার কাষাক্ষেত্র কেবল বঙ্গদেশ নয়, ভারতবর্ষ। এপযন্ত ভারতের নানা প্রদেশের অনেক অনাথ ব্রাহ্মপরিবার এই ফণ্ড হইতে মাসিক ও এককালীন অর্থ সাহায্য পাইয়াছেন এবং এখনও পাইতেছেন। সন্তুদয় মহোদয়গণের নিকট আমরা বিনীতভাবে এই ফণ্ডের জন্ত মাসিক ও এককালীন সাহায্য প্রার্থনা করিতেছি। পারিবারিক অস্থিতাদিতে সকলেই কিছু কিছু অর্থ সাহায্য করিলে এই ফণ্ডের যথেষ্ট উন্নতি হইতে পারে। অতএব অনুগ্রহ করিয়া আপনি মাসিক

কি এককালীন আস্থানিক সাহায্য নিম্নলিখিত ঠিকানায় পাঠাইয়া বাধিত করিবেন।

কিনীত
শ্রীব্রহ্মবিহারী কয়
সম্পাদক
অনাথ ব্রাহ্মপরিবার সংস্থান ধনভাণ্ডার।

স্থায়ী শতবার্ষিক উৎসব ফণ্ড

শ্রীযুক্ত তত্ত্বকৌমুদী সম্পাদক মহাশয় সমীপেষু :—
সবিনয় নিবেদন

ভগবানের রূপায় ব্রাহ্মসমাজের শতবার্ষিক উৎসব এক প্রকার সুসম্পন্ন হইল। ইংলণ্ড ও আমেরিকা হইতে আগত এবেশ্বরবাদী প্রচারকগণের সাহায্যে ভারতবর্ষের বিভিন্ন প্রদেশে ব্রাহ্মধর্মের বাণী ঘোষিত হইয়াছে। ব্রাহ্মসমাজের প্রচারকগণ এখনও নানা স্থানে ব্রাহ্মধর্ম প্রচার করিয়া বেড়াইতেছেন। শতবার্ষিক উৎসব কমিটির উদ্যোগে বিগত কয়েক মাস প্রবল উজ্জবে প্রচার কার্য সম্পন্ন হইয়াছে। বৎসর বৎসর এই ভাবে কাজ হইলে ভাল হয়। কিন্তু ইহার অল্প অর্থ আবশ্যিক। এতহুদ্যে শতবার্ষিক উৎসব কমিটি একটি স্থায়ী শতবার্ষিক উৎসব ফণ্ড স্থাপন করিতে মনস্থ করিয়াছেন। ইতি মধ্যেই তাঁহারা ইহার জন্য শত হাজার টাকা জমা দিয়াছেন। শতবার্ষিক ফণ্ডে প্রতিশ্রুত সমুদয় টাকা সংগৃহীত হইলে এই ফণ্ড নিতান্ত কম হইবে না। এতদ্বির এখনও অনেকে শতবার্ষিক উৎসব-ফণ্ডে কিছু দেন নাই। আশা করা যায় এখনও তাঁহারা স্ব স্ব দেয় টাকা দিবেন। আগামী কয় মাস এই স্থায়ী ফণ্ড গঠনের জন্ত শতবার্ষিক উৎসব-কমিটি বিশেষ চেষ্টা করিবেন সন্দেহ করিয়াছেন এবং এই কার্যে ব্রাহ্মবন্ধুগণের সাহায্য প্রার্থনা করিতেছেন। একটি স্থায়ী ফণ্ড গঠিত হইলে শতবার্ষিক উৎসবের কার্য সর্বাঙ্গসুন্দর হয়। আমরা আশা করি সকলে এই কার্যে যথাসাধ্য সাহায্য করিবেন। নিবেদন ইতি

২১০৬ বর্ণওয়ালিস্ট্রীট
কলিকাতা।

কিনীত
শ্রীহেমচন্দ্র সরকার
সাধন-আশ্রম।

বিজ্ঞাপন

আগামী ৪ঠা মে, শনিবার, সন্ধ্যা ৭ ঘটিকার সময় পূর্ব বাঙ্গালা ব্রাহ্মসমাজ মন্দিরে সমাজের বার্ষিক সাধারণ সভার অধিবেশন হইবে। সভাগণের উপস্থিতি একান্ত প্রার্থনীয়।

আলোচ্য বিষয় :—(১) গত বৎসরের বার্ষিক কার্যবিবরণ ও পরীক্ষিত আয় ব্যয়ের হিসাব। (২) ১৩৩৬ সালের কার্যনির্বাহক সভার সভ্য নির্বাচন। (৩) বিবিধ।

পূর্ব বাঙ্গালা ব্রাহ্মসমাজ।
২৮শে মার্চ, ১৯২৯।

শ্রীঅক্ষয়কুমার সেন,
সম্পাদক।

অল্প-কাম্বুদী

অসতো মা জনগময়,
ভমসো মা জ্যোতির্গময়,
মৃত্যোর্মাশ্রিতঃ গময় ॥

ধর্ম ও সমাজতত্ত্ব বিষয়ক পাক্ষিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ খ্রীঃ, ১৫ই মে প্রতিষ্ঠিত।

৫২ম ভাগ।

১৬ই বৈশাখ, সোমবার, ১৩৩৬, ১৮৫১ শক, ব্রাহ্মসংবৎ ১০০

প্রতি সংখ্যার মূল্য ৮/০

২য় সংখ্যা।

29th April, 1929.

অগ্রিম বাৎসরিক মূল্য ৩/-

প্রার্থনা

হে প্রেমময় জীবনবিধাতা, তুমি যে আমাদেরকে শুধু সৃষ্টি করিয়াছ এবং এই সংসারে রাখিয়াছ তাহা নহে, তোমার অসীম স্নেহে ও প্রেমে তুমি আমাদের নিয়ত তোমার কল্যাণের পথে অগ্রসর করিবারও নানা ব্যবস্থা করিতেছ। তুমি সর্বদা সকল স্থানে ও অবস্থাতে আমাদের সঙ্গে থাকিয়া পদে পদে আমাদের পথ দেখাইতেছ, সে পথে চলিতে উৎসাহিত ও আগ্রহান্বিত করিতেছ, এবং নানা বাধা বিঘ্ন হৃৎখ বেদনা উপস্থিত করিয়া বিরুদ্ধগমনকে কঠিন করিতেছ। মোহ বশতঃ তোমার নির্দেশ অগ্রাহ করিয়া বিপথে চলিয়া গেলেও, হে প্রেমস্বরূপ, তুমি আমাদের পরিত্যাগ না করিয়া অসীম প্রেম ও ধৈর্যের সহিত তোমার পথে ফিরাইয়া আনিবার জন্য সতত নিযুক্ত থাক। তোমার এই জীবন্ত মঙ্গল-বিধাতৃত্ব না থাকিলে যে আমরা কোন্ আবর্তে যাইয়া পড়িতাম জানি না। বার বার ইহার কত পরিচয় পাইয়াও কেন যে এখন পর্যন্ত আমরা তোমার অঙ্গুত হইয়া তোমার পথে চলিতে পারিতেছি না, তাহা তুমিই ভাল জান। স্তন্যদর্শী দেবতা তুমি, আমাদের সকল জন্মিষ্ঠী তুমিই নিশ্চিতরূপে জান; তুমি কৃপা করিয়া সে সকল দূর না করিলে আর উপায় নাই। তুমি আমাদেরকে শুভ বুদ্ধি প্রদান কর, তোমার বলে বলীয়ান কর। আমরা সকল অবস্থাতে একমাত্র তোমাকেই অঙ্গুসরণ করি, তোমারই দ্বারা চালিত হই। তোমার মঙ্গল ইচ্ছাই আমাদের সকল জীবনে অঙ্গুসরণ হউক। তোমার ইচ্ছাই সর্বোপরি পূর্ণ হউক।

নিবেদন।

শ্রীতি ও প্রিয়কার্য—কেবল কর্ম, কেবল কর্ম! চারিদিক হ'তে কর্মের আহ্বান। লোকে বলে, কি ব'সে ব'সে নাম কর? কত হৃৎখ নৈশ দেখ না? কাজে এস।

আমি কি করি? কাজ ত করতে হবে। কিন্তু কাজ যদি তাঁর প্রিয়কাজ না হয়, তাঁর প্রেমাম্বুদিত না হয়, তবে সব কাজই যে বৃথা! তবে কাজ যে বন্ধন হ'য়ে পড়ে! আবার লোকে বলে, কাজ ক'রে কি হবে? সবই ত প'ড়ে থাকবে; কেবল নাম কর, নামে ডুবে থাক; তাঁর সঙ্গ লাভ কর। নামে স্থখ আছে, নামে আনন্দ আছে, নামে সব ভুলে থাকা যায়। কিন্তু তাঁর দাস হয়েছে যে, তাঁর প্রিয় হয়েছে যে, সে কি কেবল সঙ্গস্বত্বটুকুই চাইবে? কেবল তাঁর কাছে ব'সে তাঁর বাণী শুনে আনন্দ উপভোগ করবে! তাঁর আদেশ পালন করবে না? তাঁর জন্ত হৃৎখ বরণ করবে না? তাঁর রাজ্যপ্রতিষ্ঠায় আত্মসমর্পণ করবে না? তাঁর চরণে বস, তাঁতে শ্রীতি ঢেলে দাও; আর সেই প্রেমের জন্ত সেবারত গ্রহণ কর। প্রেমশূন্য কাজ শুধু—বন্ধনের হেতু। সেবাসূত্র প্রেম ভাবুকতা।

সত্য পালন—কেবল মিথ্যা হইতে বিরত থাকলেই সত্য পালন করা হ'লো না—ভাবে চিন্তায়, কথায় কার্যে, সর্ব-বিষয়ে সত্য রক্ষা ক'রে চলতে হবে। মিথ্যা কথা বলা হ'তে মুক্ত থাকতে সহজ। কিন্তু তোমার মনে যদি এই ভাব জাগে যে, সত্যটা লোকে না জানুক, তা হ'লেও তুমি সত্যের অপলাপ করলে। তুমি যাহা, তাহার ভিন্নরূপ লোকে তোমাকে দেখুক, সেরূপ যদি তোমার ইচ্ছা হয়, তা হ'লেও সত্যের অপলাপ হ'লো। তোমার চিন্তাতে যা সত্য মনে কর, ভাবে বা কথায় যদি তাঁর ব্যতিক্রম কর, তা হ'লেও মিথ্যার প্রস্রাব দিলে। সত্য কি, তাহা জানবার জন্ত যদি তোমার আগ্রহ না থাকে, চেষ্টা না থাকে, তা হ'লেও তুমি মিথ্যারই আশ্রয় গ্রহণ করলে। সত্য মাহুঘের চিত্ত দর্পণের স্তায় স্বচ্ছ করে, মাহুঘেব ব্যবহার স্নিগ্ধ করে; সত্য মাহুঘের মনে তেজের সঞ্চার করে; সত্য মাহুঘের মুখে উজ্জল জ্যোতি প্রকাশ করে। সত্যসঙ্গ পুরুষ যে, তাঁর সম্মুখে মিথ্যা কপটাচার ভয় পায়। সত্য

সত্যস্বরূপের সঙ্গে যোগ স্থাপন করে। তবে চিন্তা সত্য হউক, বাক্য সত্য হউক, ভাব সত্য হউক, কাৰ্য্য সত্য হউক, বাশা আকাঙ্ক্ষা সত্য হউক। দৃষ্টি সত্য দেখুক, শ্রুতি সত্য শুনুক, মন সত্য চিন্তা করুক। সত্যস্বরূপ হৃদয়ে প্রকাশিত হউন।

সত্য প্রতিষ্ঠায়—সত্য যদি প্রাণে জেগে থাকে, নতুন আদর্শ যদি পেয়ে থাকে, তবে তা প্রতিষ্ঠা করতে হবে। সত্য-লাভের দায়িত্ব আছে। যে আলোক পেয়েছে, তাকে আলোক ধরতে হবে—অন্ধকারে যারা পড়ে আছে, তাদের হাত ধরে আলোকের পথে আনতে হবে। যে সত্য পেয়ে কৃতার্থ হয়েছে, তাকে সকল মানুষকে ডেকে সত্যের পথে আনতে হবে; ধর্ম্ম সত্তারাজ্য প্রতিষ্ঠা করতে হবে, এ জন্ত সর্ব্বথ অর্পণ করতে হবে। তুমি ঘরে বসে সত্য পালন করবে, স্নেহে আরামে থাকবে, আর, কোটি কোটি লোক অসত্যের পথে চলবে, তা হবে না। ঐ কোটি লোক যদি অসত্যের পথে চলে, একটি লোকও যদি অসত্যের পথে চলে, আর তুমি যদি তাদের না ডাক, তাদের সত্য পথে আনবার চেষ্টা না কর, তোমার অধর্ম্ম হবে; তোমার ঘরে অসত্য প্রবেশ করবে। এই সত্যপ্রতিষ্ঠায় তোমাকে হয় ত জীবন দিতে হবে, তোমার সব বিষয় সম্পত্তি পদ মান দিতে হবে, তোমাকে হয় ত ফকির হতে হবে। আপত্তি করতে পারবে না। সত্য পেয়েছ, সত্যস্বরূপের ডাক এসেছে; তাঁর হুকুম পালন করতে হবে। যে পথে এসেছ তাতে কেবল মিষ্ট সন্তোষ করলে চলে না, তিক্ততাও আদরে নিতে হবে। সব দিয়ে ভগবানের আদেশে সত্য প্রতিষ্ঠা করতে হবে।

সম্পাদকীয়

কোথায় নিবন্ধ রাখিতে হইবে—সর্ব্বদাই স্মৃতিতে পাওয়া যায়, দৃষ্টি ও উচ্চশক্তি না থাকিলে কোনও বিষয়েই জীবনে যথোচিত সাফল্য ও উন্নতি লাভ করা সম্ভবপর নহে। আমাদের চেষ্টা যত্ন যে লক্ষ্যেরই অমুরূপ হইয়া থাকে এবং অতিক্রমিত বাধা বিঘ্ন আসিয়া যাহাতে আমাদের চেষ্টা যত্নকে ব্যর্থ করিয়া না দিতে পারে, সেরূপ জ্ঞান ও আয়োজনের উপর যে সাফল্য অনেকটা নির্ভর করে, তাহাতে কোন সন্দেহ নাই। এই হেতু নিশ্চয়ই উহাদের একটা প্রয়োজনীয়তা আছে। কিন্তু সাধারণতঃ ইহাদের উপর একটু অতিরিক্ত মূল্য প্রদান করা হয় বলিয়াই অসুস্থিত হয়। একটু অসুস্থান করিলেই দেখিতে পাটবে, বিষয়টা ভাল করিয়া চিন্তা না করাতে এবং উহাদের উপর অতিরিক্ত দৃষ্টি প্রদান করাতেই আমরা অনেক সময় সফলতা লাভ করিতে পারি না। কার্য্যক্ষেত্রের পূর্বে, পথনির্দেশের সময়ে, উহাদের যেমন একটা বিশেষ উপকারিতা আছে, পরে পথ চলিবার বা কার্য্য করিবার সময়ে, সর্ব্বদা তাহাদের উপর দৃষ্টি রাখিবার যে শুধু তেমন কোনও আবশ্যিকতা নাই তাহা নহে, বরং কিছু অপকারিতাই আছে। আমরা চিন্তা ও পরীক্ষা করিয়া দেখি না বলিয়াই তাহা ধরিতে পারি না এবং আমাদের

ব্যর্থতার জন্ত যে উহা কতটা দায়ী সে কথা বুঝিতে পারি না। সাধারণ পথচলা সম্বন্ধে আমরা দেখিতে পাট, কোনও দূর প্রদেশে যাইতে অথবা উচ্চ পর্ব্বত-শিখরে উঠিতে হইলে, দূর-দৃষ্টির দ্বারা গন্তব্য স্থান ও পথ নির্ণয় করিয়া লইতে হয় এবং তাহার জন্ত কিরূপ আয়োজন উদ্যোগ প্রয়োজন হইবে তাহার একটা সূক্ষ্ম না হউক সূক্ষ্ম ধারণা লইয়া ও যথাযোগ্য ব্যবস্থা করিয়া কাঁধে প্রবৃত্ত হইতে হয়, পথ চলিতে আরম্ভ করিতে হয়। তাহা না করিলে কোনও প্রকারেই গন্তব্য স্থানে পৌঁছা যায় না। কিন্তু তাই বলিয়া দূরস্থিত পথসীমায় বা পর্ব্বত-শিখরের উচ্চ চূড়ায়, অথবা—আমরা যতটা চাই কাঁধতঃ ততটা করিতে পারি না, তাহার কতক অংশমাত্র করিতে সমর্থ হই বিধায়, লক্ষ্যটা একটু বেশী বড় করা উচিত, যাহাতে অন্ততঃ দীপ্ত স্থানের অনেকটা নিকটবর্ত্তী হইতে পারি, এরূপ বিচার করিয়া—দৃষ্টিসীমার বাহিরে বা আকাশে, দৃষ্টি নিবন্ধ রাখিয়া পথ চলিতে হইবে, এরূপ কথা বোধ হয় কেহ বলিবে না। তাহা করিতে গেলে যে অনেক সময় পদস্থলিত হইয়া বা ধাক্কা খাইয়া ভূপতিত হইতে হয়, এমন কি সময় সময় হাত পা ভাঙ্গিয়া অকর্ম্মণ্য হইয়া পড়িতে বা প্রাণ হারাইতেও হয়, তাহা সহজেই বুঝিতে পারা যায়। এ সম্বন্ধে আকাশে নিবন্ধদৃষ্টি নক্ষত্রদর্শনকারী পণ্ডিতের কৌতুকবহু গল্প অনেকেই পাঠ করিয়াছেন। গল্প হইলেও উহা সম্পূর্ণ সম্ভবপর ব্যাপারই; এরূপ যে না ঘটে তাহাও নয়। সে যাহা হউক, একধার সত্যতা স্বীকার করিয়াও অনেকে হয় ত বলিবেন যে, বৈষয়িক বা মানসিক ও আধ্যাত্মিক ব্যাপারে ইহা খাটে না, সেখানে উক্ত প্রকার বিপদের আশঙ্কা নাই, বরং উহার অভাবে শিথিলতা ও নিরুদ্যম জন্মিবারই পূর্ণ সম্ভাবনা রহিয়াছে। একটু চিন্তা করিয়া দেখিলেই এ কথা অসারতা সহজে প্রতিপন্ন হইবে। পথ চলিতে হইলে যেমন প্রধানতঃ পদস্থলস্থিত ভূমির উপরই দৃষ্টি নিবন্ধ করিতে হইবে, নিকটস্থ স্থানসমূহ নিরীক্ষণ করিয়া সূদূর ভূমির উপর পদ স্থাপন করিতে হইবে, সম্মুখস্থ সকল বাধা বিঘ্ন দেখিয়া তাহা পরিভ্যাগ বা অতিক্রম করিয়াই পথ চলিতে হইবে, নতুবা কিছুতেই অগ্রসর হওয়া সম্ভবপর হইবে না, ব্যর্থতা ও পতন নিবারিত হইবে না, এ ক্ষেত্রেও তেমন প্রধানতঃ পারিপার্শ্বিক অবস্থার দিকে, বর্ত্তমান অসুস্থতা প্রতিকূলতার দিকে, বাধা বিঘ্নের দিকে এবং তদুপযোগী উপায় অবলম্বনের দিকে দৃষ্টি রাখিয়াই অগ্রসর হইতে হইবে, তাহা ব্যতীত সফলতা লাভের কোনই সম্ভাবনা নাই, বিফলতা একেবারেই অনিবার্য্য। শুধু বিফলতা নহে, ইহাতে যদা অনিষ্টপাতেরও পূর্ণ সম্ভাবনা রহিয়াছে, পরে দেখিতে পাইব। সকলেই জানে, এক লক্ষ্যে যেমন পথের শেষ সীমায় বা পাহাড়ের উচ্চ চূড়ায় উপনীত হওয়া যায় না, ধীরে ধীরে পা পা করিয়াই পথ চলিতে হয়, তেমন এ ক্ষেত্রেও হঠাৎ এক মুহূর্ত্তে লক্ষ্যস্থানে পৌঁছা যায় না, দীপ্ত উন্নতি লাভ করা যায় না,—মুহূর্ত্তে মুহূর্ত্তে কিছু কিছু করিয়া উন্নতির পথে অগ্রসর হইতে হয়, প্রত্যেক মুহূর্ত্তের প্রতি অবস্থার যথোচিত ব্যবহার দ্বারা আপনাকে উপযুক্ত করিয়া তুলিতে হয়, গড়িয়া উঠাইতে

হয়। ইহার মধ্যে প্রতি মুহূর্তেরই যে একটা কর্তব্য আছে, অক্ষুণ্ণতা প্রতিকূলতা আছে এবং নানা বাধা বিঘ্ন আপদ বিপদ আছে, সে সকল জানিয়া বুঝিয়া ঠিক ভাবে কার্য না করিলে, যথাযথভাবে বহন পালন ও অতিক্রম করিবার উপযুক্ত পন্থা অবলম্বন না করিলে যে কিছুতেই চলে না, তাহাও সকলকেই স্বীকার করিতে হইবে। এখন এ সকল বর্তমান কর্তব্য ও অবস্থার কথা তুলিয়া, তত্পযোগী কার্যসকল অবহেলা করিয়া, যদি শুধু লক্ষ্যের কথাই সর্বদা চিন্তা করা যায়, সুদূর ভবিষ্যতের কল্পনাময় রাজ্যেই বাস করা যায়, তবে যে কোনও প্রকারেই লক্ষ্যস্থানে পৌঁছিতে পারা যাবে না, তাহা আর বিশেষ করিয়া বলিতে হইবে না। সর্বদা লক্ষ্যের কথা, বড় বড় কথা ভাবিতে গেলে, দূরে দৃষ্টি নিবন্ধ রাখিতে গেলে, বর্তমানের কথা, নিকটের অত্যাব্যাকীর্ণ ক্ষুদ্র ক্ষুদ্র বিষয় যে তুলিয়া যাইতে হয়, তাহাতে যে মন দিতে ইচ্ছা হয় না, এ সমস্ত অগ্রাহ্য করিয়া তাড়াতাড়ি গন্তব্যস্থানে পৌঁছিবার ব্যস্ততাবশতঃ অনেক কর্তব্য যে লজ্জিত হয়, বহু প্রয়োজনীয় উপায় যে পরিত্যক্ত হয়, নানা বাধা বিঘ্নের নিকট যে পরাজিত হইতে হয়, তাহা একটু চিন্তা ও অহুসন্ধান করিলেই বুঝিতে পারা যায়। আবার, ওরূপ ভাবিতে ভাবিতে লক্ষ্যটা যে অনেক নিকট-বর্তী—প্রায় আছত্তাধীনই—বলিয়া ভ্রম জন্মে এবং সেই হেতু চেষ্টা উদ্যমও কমিয়া যায়, একটা শিথিলতা ও শ্রমকাতরতা উপস্থিত হয়, পদে পদে প্রত্যেক বাধা বিঘ্নকে অতিক্রম করিয়া ধীরে ধীরে অগ্রসর হইবার ধৈর্য ও উৎসাহ থাকে না, তাহার অনেক প্রমাণও একটু পুঁজিলেই দেখিতে পাওয়া যাইবে। ইহা যে কি প্রকার অনিষ্টকর, বিশেষতঃ ভাবপ্রবণ কল্পনাপ্রিয় লোকের জীবনে ইহা যে কি মহা অনর্থ উৎপাদন করে, তাহা বিস্তারিত করিয়া বলিবার কোনও প্রয়োজন নাই। বাস্তবতা হইতে দৃষ্টিকে সরাইয়া, কাল্পনিক সিদ্ধিলাভকে ইহা এমনই সহজসাধ্য বলিধা মোহ জন্মায় যে, সমস্ত কর্মচেষ্টার মূল একেবারে উৎপাটিত হইয়া যায়, জীবন নিতান্ত অসাব হইয়া পড়ে—বিনা শ্রমে ও কষ্টে ফাঁকি দিয়া সিদ্ধিলাভ করিবার জন্ত, রাতারাতি বড় হইবার জন্ত আকাঙ্ক্ষা ও চেষ্টা জন্মে, চরিত্রের মেরুদণ্ড চিরতরে ভাঙিয়া যায়, প্রকৃত মনুষ্যত্ব লুপ্ত হয়। আমাদের দেশের সকল শ্রেণীর লোকের মধ্যে—স্ত্রী পুরুষ, বালক বৃদ্ধ যুবা, ছাত্র ব্যবসায়ী চাকরিয়া, শিল্পী সাহিত্যিক ধর্মসেবী প্রভৃতি সকল প্রকার মানুষের মধ্যেই—ইহার বহু দৃষ্টান্ত দেখিতে পাওয়া যায়। সকল ক্ষেত্রেই, এমন কি ধর্মসাধন ক্ষেত্রেও, আমরা যেরূপ নানা কৃত্রিম “সহজ পন্থা” অবলম্বন দ্বারা তাড়াতাড়ি সিদ্ধিলাভ করিবার জন্ত ব্যস্ত হই, তাহাতেই ইহার প্রমাণ পাওয়া যায়। সত্য স্বাভাবিক সাধনের কষ্টটুকু স্বীকার করিতে আমরা মোটেই প্রস্তুত নই। এরূপ আরামপ্রিয় অলস প্রকৃতির লোক বোধ হয় জগতে আর কোথাও নাই। আমরা যে ক্ষুদ্র হইয়াই পড়িয়া থাকিতে চাই, নিজেদের অবস্থায় বেশ তৃপ্ত ও সন্তুষ্টই আছি, কোনও প্রকার উন্নতি চাই না, উচ্চ আকাঙ্ক্ষা ও লক্ষ্য আমাদের মোটেই মাই, তাহা নহে। আমাদের আরামপ্রিয়তা ও নিশ্চেষ্টতা কোনও ক্রমেই এই প্রকার

জটি হইতে উৎপন্ন নহে। বরং অপরের তুলনায় আমাদের আকাঙ্ক্ষা অধিকতর উচ্চ লক্ষ্যেই নিবন্ধ, আমাদের দৃষ্টি দূরতর দেশেই প্রণারিত। আমরা ক্ষুদ্র ও বর্তমান লক্ষ্য কিছুতেই যেন ক্ষণকালের জন্তও আবদ্ধ হইয়া থাকিতে পারি না, কেবলই উর্দ্ধে ও সুদূরে ছুটিয়া যাইতে ব্যস্ত হই—প্রাকৃতিক নিয়মামুসারে, বিধাতার অমোঘ বিধানে, তাহা যে কোনও প্রকারেই সম্ভবপর নয়, সে কথা চিন্তা করিয়া দেখিবার একটু প্রবৃত্তি বা অবসরও আমাদের হয় না। যদি বর্তমানে ও বাস্তবে আমাদের দৃষ্টি নিবন্ধ থাকিত, তবে নিশ্চয়ই সকল বাধা বিঘ্ন অতিক্রম করিয়া তিলে তিলে জীবনকে গড়িয়া তুলিতে, উন্নতির পথে অগ্রসর করিতে, মহাসংগ্রাম অদম্য চেষ্টা ও যত্ন দেখা যাইত। তাহাতে আমাদের চরিত্র ও জীবন যেমন সুন্দর ও মহৎ হইয়া গড়িয়া উঠিত, তেমন উপাসনা প্রার্থনা প্রভৃতি ধর্মসাধনও অধিকতর সত্য সরল ও প্রাণপ্রদ হইত এবং প্রচারকার্যও অধিকতর সাফল্যমণ্ডিত হইত। এতদ্ব্যতীত, চারিদিকে যে ধর্মের প্রতি উদাসীনতা ও অবহেলা দেখিতে পাওয়া যায়, তাহাও আপনা হইতেই বিদূরিত হইত। মানুষ যদি কল্পনার রাজ্য ছাড়িয়া সত্যভাবে জীবন যাপন করিতে চেষ্টিত হয়, প্রতিমুহূর্তের সত্য অবস্থার মধ্য দিয়া গন্তব্য পথে চলিতে যত্নশীল হয়, সকল বাধা বিঘ্ন অতিক্রম করিয়া, প্রত্যেকটি কর্তব্য সম্পাদন করিয়া, আপনাকে সুস্থ সবল সুন্দর ও মহৎ করিয়া গড়িয়া তুলিতে চায়, সর্বপ্রকারের উন্নতি ও কল্যাণের পথে অগ্রসর হইতে প্রয়াসী হয়, তবে সে নিশ্চয়ই পদে পদে আপনার দুর্বলতা ও অক্ষমতা অহুভব করিবে, এবং সেই অহুভূতির সঙ্গে সঙ্গে তাহার হৃদয় হইতে সত্য সত্য আকুল প্রার্থনাও উথিত না হইয়া পারিবে না। আর, এরূপ প্রার্থনার ফলে প্রাণে করুণাময় পিতার যে পরিচয় পাওয়া যাইবে, যে বিশ্বাস ও নির্ভর জন্মিবে, তাহা কিছুতেই কোনও বিকল্প যুক্তি বা সংসর্গেই বিচলিত হইবে না। তখন উপাসনাদি উচ্চাঙ্গের সাধনও স্বভাবতঃই সত্য ও সরল হইবে। সাময়িক গুরুত্ব ও জীবনের নানা বিফলতা এবং কদম্ব্যতাও এ বিষয়ে শিথিলতা ও স্থায়ী সন্দেহ জন্মাইতে পারিবে না। তাই আমরা দেখিতে পাইতেছি, দৃষ্টিটা প্রধান ভাবে নিম্নভূমিতেই—জীবনের বর্তমান সত্য পারিপার্শ্বিক অবস্থার মধ্যেই—নিবন্ধ রাখিতে হইবে, সর্বদা সুদূর ভবিষ্যৎ গন্তব্যের কাল্পনিক রাজ্যে, শুধু উচ্চ লক্ষ্যের দিকে মুগ্ধ নেত্রে চাহিয়া থাকিলে চলিবে না। কিন্তু ইহাতে এরূপ বুঝিতে হইবে না যে, কোনও কারণে পথভ্রান্তি ঘটিলে অথবা বার বার পরাজিত হইয়া নিকংসাহ ও নিরাশাগ্রস্ত হইয়া পড়িলে, মাঝে মাঝে সুদূর লক্ষ্যের দিকে, উচ্চ আদর্শের পানে দৃষ্টি নিক্ষেপ করিয়া পথ নির্ণয় করিয়া লইলে, অথবা প্রাণে নূতন আকাঙ্ক্ষা উদয় আশা ও বল সংগ্রহ করিতে হইবে না, জীবনের আরম্ভে একবার মাত্রই সেই দিকে চাহিতে হইবে এবং তাহা হইলেই যথেষ্ট হইবে। হৃদয়ের অভ্যন্তরে সে ভাব ও আকাঙ্ক্ষা যে সর্বদাই পোষণ করিতে হইবে, তাহা বলা বাহুল্যমাত্র। কিন্তু কল্পনা ছাড়িয়া সত্যেই, সুদূর ভবিষ্যৎ ছাড়িয়া বর্তমানেই, প্রধান ভাবে আমাদের দৃষ্টি সর্বদা নিবন্ধ রাখিতে হইবে এবং প্রতি মুহূর্তের সকল

অবস্থা ও কর্তব্যের মধ্যে ধাপে ধাপে সত্য ভাবে জীবনকে গড়িয়া তুলিতে হইবে, সুস্থ সুন্দর সবল চরিত্র লাভ করিতে হইবে, সাক্ষাৎ যোগের সরল খাটি ব্রহ্মাহুগত জীবন অর্জন করিতে হইবে, উপাসনা প্রার্থনাদি সরল সহজ প্রাণপ্রদ ও সত্য প্রতিষ্ঠিত হইবে, ইহাই যে আমাদের মূল কথা, আশা করি তাহা বুলিতে কেহই ভুল করিবেন না। তাহা যে বিনা আশ্রমে, বিনা সাধনায়, শুধু ইচ্ছা ও আকাঙ্ক্ষার দ্বারা হঠাৎ এক মুহূর্তে কিছুতেই লাভ করা যায় না, বিশ্ববিধাতার এই অলজ্য নিয়মটা তুলিয়া যেন আমরা কেহ আর মিথ্যা মোহের কুহকে মুগ্ধ হইয়া আত্মপ্রতারিত না হই। কৰুণাময় পিতা কৃপা করুন, আমরা সকলে এইভাবে জীবনপথে চলি এবং তাঁহার ইচ্ছাহুগত সত্য জীবন লাভ করিয়া ধন ও কৃতার্থ হই। তাঁহার ইচ্ছাই আমাদের জীবনে ও সমাজে অক্ষয় হউক।

শতবার্ষিক ব্রহ্মোৎসব—কি হইয়াছে ও কি বাকী ?

ব্রাহ্মধর্ম মুক্তিপ্রদ ধর্ম। ইহা আমাদের অনেক বিষয়ে মুক্তি দিয়াছে; এবং অপর অনেক বিষয়ে আমাদের সম্মুখে পথ খুলিয়া দিয়াছে।

প্রথমতঃ, এই ধর্মের শিক্ষায় আমাদের বুদ্ধিবৃত্তি মুক্তি পাইয়াছে। আমরা শাস্ত্রের বন্ধন অতিক্রম করিয়া স্বাধীন ভাবে সত্য নির্ণয় করিতে শিখিয়াছি; এবং যাহা কিছু যুক্তি-সঙ্গত ও কল্যাণজনক তাহা নিঃসঙ্কোচে গ্রহণ করিতে পারিতেছি।

দ্বিতীয়তঃ, এই ধর্মের শিক্ষায় আমাদের হৃদয়বৃত্তি মুক্তি পাইয়াছে। আমরা জাতিভেদ ও সাম্প্রদায়িক গণ্ডী অতিক্রম করিয়া সকল জাতির ও সকল দেশের সাধুসম্মানদিগকে কেবলমাত্র যোগ্যতার গুণে, শ্রদ্ধা ভক্তি দান করিতে শিখিয়াছি। জগতের কোনও জ্ঞানী, কোনও ভক্ত, কোনও কর্মী আর আমাদের পর নাই।

তৃতীয়তঃ, এই ধর্মের শিক্ষায় আমাদের কর্মশক্তিও মুক্তি পাইয়াছে। আমরা মিথ্যা দেশাচার, অসার কৌলিক রীতি নীতি অতিক্রম করিয়া, যাহা কিছুতে ব্যক্তিগত জাতিগত ও বিশ্বজনীন মঙ্গল, তাহা করিতে সক্ষম হইতেছি।

সকল দিক দিয়া আমরা ক্ষুদ্রতার বন্ধন হইতে মুক্ত হইয়া বিশাল ক্ষেত্রে আসিয়া পড়িয়াছি। ইহা যে কত বড় মুক্তি, সকল সময়ে আমরা তাহা অনুভব করি না; কিন্তু ব্রাহ্মধর্মের প্রসাদে এই মুক্তি আমরা সর্বদাই উপভোগ করিতেছি। ইহার ফলে আমাদের ব্যক্তিগত, পারিবারিক ও সামাজিক সকল প্রকার উন্নতি বাধাহীন হইয়াছে।

এ সকল অপেক্ষাও গভীরতর বিষয়ে ব্রাহ্মধর্ম আমাদের অল্প মুক্তির দ্বার খুলিয়া দিয়াছে। সকল প্রকার সঙ্কীর্ণ ভাব দূর হওয়াতে সত্য আমাদের আত্মাতে বাধামুক্ত হইয়া প্রকাশিত হইতেছে। এ কথা বলিতে আর সঙ্কোচ হয় না, যে, আত্মার

(১লা বৈশাখ, প্রাতঃকালে, ঢাকা ব্রাহ্মসমাজে শ্রীযুক্ত অমরচন্দ্র ভট্টাচার্য কর্তৃক বিবৃত)।

প্রকৃত কল্যাণের পথ কোন্ দিকে, তাহা আমরা জানিয়াছি। ধর্ম যে কোনও মতবিশেষে মৌখিক বিশ্বাসপ্রদান নয়, বা কোনও নির্দিষ্ট পূজা-অর্চনার বিধিপালন নয়, ইহা যে আত্মার বিশুদ্ধতা, চরিত্রের নির্মলতা, হৃদয়ের প্রসার, সাধু কার্যের অনুষ্ঠান, তাহা আমরা জানিয়াছি। একমাত্র আত্মার বিশুদ্ধতা, চরিত্রের নির্মলতা, হৃদয়ের প্রসার ও সাধু-কার্যের অনুষ্ঠান দ্বারাই যে দিব্যজ্ঞান লাভ হয়, শক্তির রাজ্যে, আনন্দের অবস্থার, পৌছা যায়, তাহা আমরা হৃদয়ঙ্গম করিয়াছি। আমরা জানিয়াছি যে, অহংভাব হইতে বাহির না হইলে সত্যোত্তে প্রবেশ করা যায় না; হিংসা ঘেব হইতে মুক্ত না হইলে, প্রেমের তত্ত্ব প্রকাশ হয় না; শ্রবৃত্তির অনুগমন পরিত্যাগ না করিলে, আনন্দের আন্বাদন পাওয়া যায় না; সাংসারিকতাকে অস্বীকার না করিলে, জীবনের যাহা একমাত্র লভনীয় বস্তু তাহা লাভ হয় না। দুঃখ হইতে পরিত্রাণ কিসে হয়? পাপ পরিত্যাগে ও দিব্যজ্ঞানলাভে। পাপ পরিত্যাগ কিসে হয়? দিব্যজ্ঞান কিরূপে পাওয়া যায়? প্রাণগত যত্ন ও প্রাণগত প্রার্থনায়। পরিবারের কল্যাণ, সমাজের কল্যাণ, দেশের কল্যাণ, কিসে হয়? আপনাকে সংশোধন করিলে; নিজেকে মাহুত্ব হইলে। ব্রাহ্মধর্মের শিক্ষায় এ সকল জানিয়া আমরা পথ পাইয়াছি। এখন আর দ্বিধা নাই, সংশয় নাই, সঙ্কোচ নাই। আমাদের মন স্থিরভূমি লাভ করিয়াছে। এখন যদি চারিদিকে অজ্ঞায় অধর্মের উল্লাস দেখি, তাহাতে আমাদের চিত্ত বিচলিত হয় না; জানি যে, যাহারা অধর্মে উল্লসিত হইতেছে, তাহাদেরই অন্তরে ধর্মের সনাতন শাসন প্রতিষ্ঠিত আছে; দু'দিন পরে, তাহাদিগকে সেই শাসনের নিকট পরাজয় মানিতে হইবে। যদি মিথ্যা যুক্তিতর্কের ধুমরাশি উদ্‌গীরণ করিয়া কেহ সত্যের আলোককে আচ্ছন্ন করিয়া ফেলে, তথাপি আমরা ভীত হই না; জানি যে কণকাল পরে ধুমরাশি সরিয়া গিয়া সত্যালোক পুনরায় প্রকাশিত হইবে। দুঃখ পাইলে, প্রতিকূলতা দেখিলে, আমরা আত্মাহুসন্মানে প্রবৃত্ত হই, এবং আপনাকে সংশোধন করিয়া তাহা হইতে জ্ঞান পাইবার চেষ্টা করি। এইরূপে ব্রাহ্মধর্ম আমাদের নিকট সত্য পথ প্রকাশ করিয়াছে: শান্তিনিকেতনের গুপ্ত দ্বার উন্মুক্ত করিয়াছে। আমরা ইচ্ছা করিলে সংসারের দিকের দ্বার বন্ধ করিয়া, সংসারহুতকে অস্বীকার করিয়া, সেই নিম্ন মন্দিরে প্রবেশপূর্বক সকল জালা জুড়াইতে পারি।

যে উদার মুক্তিপ্রদ ধর্মের শিক্ষায় এ সকল হইল, তাহার অল্প আমরা কি করিলাম? নব বর্ষের প্রথম দিনে এই প্রশ্ন জিজ্ঞাস্য। আমরা কি এই ধর্মের হাতে আপনাদিগকে সম্পূর্ণ দিলাম? যে আলোক প্রকাশিত হইল, তদ্বারা কি আত্মাকে সর্বক্ষণ আলোকিত রাখিলাম? যেখানে যাই, যাহা করি, সকল আচরণের মধ্য দিয়া কি সেই আলোককে চারিদিকে বিকীর্ণ করিলাম?

আজ নববর্ষের উৎসব। আমাদের পক্ষে এবারকার এই উৎসবের একটু বিশেষত্ব আছে। গত ভাদ্র মাসে ব্রাহ্মসমাজের জীবনের একশত বৎসর পূর্ণ হইয়াছে; সুতরাং ব্রাহ্মসমাজের

দ্বিতীয় শতাব্দীতে এই প্রথম নববর্ষোৎসব। আমরা শতবার্ষিক ব্রহ্মোৎসবে প্রবৃত্ত। গত ভাদ্রমাসে শততম ভাদ্রোৎসব সম্পন্ন হইয়াছে; আগামী মাঘ মাসে শততম মাঘোৎসব সম্পন্ন হইবে। এই দুই পুণ্যোৎসবের মধ্যবর্তী দেড় বৎসর সময় আমরা শত-বার্ষিক-ব্রহ্মোৎসব-রূপ মহা-সাধনায় নিযুক্ত আছি। আজ আমরা এই সাধনার আট মাস অতিক্রম করিয়া নবম মাসে প্রবেশ করিতেছি। সুতরাং আজ আমাদের ভাষা উচিত, যে ধর্মের জন্ত কৃতজ্ঞতা প্রকাশের উদ্দেশ্যে আমাদের এই দেড় বৎসর-ব্যাপী মহোৎসব, সেই ধর্মকে কি আমরা যথোচিত গৌরবান্বিত করিলাম? অন্ততঃ এই দেড় বৎসরকাল কি আমরা এই স্বর্গীয় আলোককে জীবনে পরিবারে ও সমাজে উজ্জ্বল করিয়া ধরিলাম? করণাময় পরমেশ্বরের যে দানের জন্ত কৃতজ্ঞতা, সেই দানকে কি সর্ব প্রকারে আমরা মাথায় তুলিয়া ধরিয়াছি? ইহার জন্ত ত্যাগস্বীকার ও শ্রমস্বীকার করিয়া কি আমরা পরমেশ্বরকে ও দেশবাসী জনসাধারণকে দেখাইতেছি, যে, ইহাকে আমরা কত বড় দান বলিয়া জ্ঞান করি?

কেহ কেহ ত্যাগস্বীকার ও শ্রমস্বীকারের দ্বারা ঠাঁহাদের কৃতজ্ঞতার সত্যতা প্রমাণ করিয়াছেন, সন্দেহ নাই। অনেক আচার্য্য, অনেক ব্রাহ্ম, অনেক সঙ্কীর্ণকারী প্রভূত ক্রেশ স্বীকার করিয়া সহরে সহরে, গ্রামে গ্রামে ব্রাহ্মধর্মের গৌরব ঘোষণা করিয়াছেন ও করিতেছেন। অনেক দাতা অথ দিয়া এসকল কার্য্যে সহায়তা করিয়াছেন ও করিতেছেন। গ্রামে গ্রামে উৎসব করিতে বাহির হইয়া একজন বৃদ্ধ ও অক্ষম ব্যক্তি এমন উৎসাহ দেখাইয়াছেন ও এমন ক্রেশ স্বীকার করিয়াছেন, যে, দেখিয়া মনে হইয়াছে, তিনি ব্রাহ্মধর্মের গৌরবের জন্ত প্রাণ দান করিতে প্রস্তুত। কিন্তু এইরূপ লোকের সংখ্যা কত? ব্রাহ্মসমাজের আশ্রিত ও অনুরাগী প্রত্যেক নরনারী কি বলিতে পারেন, ঠাঁহার যাহা করিবার ছিল করিয়াছেন, যাহা দিবার ছিল দিয়াছেন? আমরা কি বলিতে পারি, যথোচিত করিয়াছি ও দিয়াছি? নিজের অন্তর পরীক্ষা করিয়া দেখিতেছি, এ পর্য্যন্ত আমার কিছুই করা হয় নাই, কিছুই দেওয়া হয় নাই। যখন তাহা করা হয় নাই ও দেওয়া হয় নাই, তখন শতবার্ষিক উৎসব আমার এখনও হয় নাই। ভাদ্র মাসে কলিকাতার দশদিনব্যাপী উৎসব সম্বোগ করিলাম, কার্তিক মাসে এখানে পাঁচদিন উৎসব সম্বোগ করিলাম; তাহাতে অনেক জ্ঞান-ভক্তি লাভ হইল, অনেক আনন্দ পাইলাম। কিন্তু শতবার্ষিক উৎসব ত পাওয়ার উৎসব নয়; এ যে দেওয়ার উৎসব! শত বৎসর ধরিয়া যত করণা পাইয়াছি, কিছু দিয়া ও করিয়া তাহার জন্ত কৃতজ্ঞতা প্রকাশ করিব, এই ত ছিগ উৎসবের উদ্দেশ্য!

শতবার্ষিক ব্রহ্মোৎসব একটি সমবেত সাধনা। মন্দিরের সাপ্তাহিক উপাসনা আমাদের একটি সমবেত সাধনা। স্থানীয় সমাজের বাৎসরিক উৎসব তাহা অপেক্ষা বড় সমবেত সাধনা; কেন না, তাহা কয়েকদিন ধরিয়া চলিতে থাকে। ভাদ্রোৎসব ও মাঘোৎসব তদপেক্ষাও বড় সমবেত সাধনা; কেন না, ওখন দেশের সকল ব্রহ্মোপাসকমণ্ডলী এক সময়ে একই আকাঙ্ক্ষায়

পরম পিতাকে ডাকেন। তেমনি, শতবার্ষিক ব্রহ্মোৎসব কালের দীর্ঘতায়, স্থানের বিস্তারে, আকাঙ্ক্ষার উচ্চতায় ও প্রণালীর বিচিত্রতায় আমাদের বৃহত্তম সমবেত সাধনা। ইহার মত বড় সাধনা ব্রাহ্মসমাজে আর আসে নাই; আমাদের জীবিতকালে আর আসিবে না। এই দেড় বৎসর কালের মধ্যে যেখানে যত উৎসব হইতেছে সকলই এই মহাসাধনার অন্তর্গত। এমন কি, যেখানে যত ব্যক্তিগত বা পারিবারিক উপাসনা প্রার্থনা হইতেছে, তাহাও ইহার অন্তর্গত। এমন সাধনায় আমরা আমাদের হৃদয় মন ভক্তদের সঙ্গে, ত্যাগীদের সঙ্গে, সংগ্রাম-শীলদের সঙ্গে, প্রার্থনাপরায়ণদের সঙ্গে মিলাইয়া দিলাম না, এ অপেক্ষা ছুঃখের বিষয় আর কি হইতে পারে?

এই মহোৎসবকে সাধনার দৃষ্টিতে না দেখিয়া, প্রচারের সুযোগরূপে দেখিলে, অথবা ত্যাগস্বীকারের দৃষ্টিতে না দেখিয়া রস-সম্বোগের আয়োজনরূপে দেখিলে, ইহাকে অত্যন্ত হীন করা হয়। এইরূপে ইহার ব্যবহার নিতান্তই অপব্যবহার।

এই উৎসবকে ঠিক ভাবে দেখা ও ইহার যথোচিত সম্পাদনের উপর দ্বিতীয় শতাব্দীতে ব্রাহ্মসমাজের কার্য্যের সফলতা বহু পরিমাণে নির্ভর করে। ইহাকে যদি আমরা অল্প কয়েক জনের প্রচার, ও অবশিষ্ট সকলের শ্রবণরূপে দেখি, এবং কয়েক-দল লোক সমগ্র ভারতে ব্রাহ্মধর্ম প্রচার করিলেন ও হাজার হাজার লোক তাহা শ্রবণ করিল, এই দেখিয়াই সন্তুষ্ট হই, তবে আগামী শত বৎসর যে ব্রাহ্মধর্ম প্রধানতঃ বলা ও শুনার ধর্মই থাকিবে, তাহা একরূপ ধরিয়া লওয়া যাইতে পারে। পক্ষান্তরে, ইহাকে যদি আমরা ব্যক্তিগত, পারিবারিক, মণ্ডলীগত ও সম্প্রদায়গত সাধনারূপে দেখি, এবং এই চারি ভাবে ত্যাগ-স্বীকার দ্বারা ইহা সম্পাদন করি, তবেই আশা করা যাইতে পারে যে, নূতন শতাব্দীতে ব্রাহ্মধর্ম সাধনার ধর্ম হইবে, এবং ইহা ব্যক্তিগত জীবনে, পারিবারিক জীবনে, মণ্ডলীর জীবনে ও সম্প্রদায়ের জীবনে বহুমূল হইবে।

যে ধর্ম বহুতার উপর প্রধানতঃ নির্ভর করে, তাহার স্থায়িত্বের ভিত্তি বড় দুর্বল; কেন না বাস্তবী লোকের অভাব হইলে অল্প কালের মধ্যেই তাহার প্রভাব ম্লান হইয়া পড়িবে; এবং ক্রমে তাহা বিলুপ্ত হইয়া যাইবে ও অসম্ভব নয়। কিন্তু যে ধর্ম আশ্রিত নরনারীর জীবনে ও পরিবারে বহুমূল, তাহার উচ্ছেদ করে তাহার সাধ্য?

পাশ্চাত্য দেশে খ্রীষ্টধর্মের রক্ষা ও বিস্তার প্রধানতঃ বহুতা ও উপদেশের উপর নির্ভর করে। প্রতি সপ্তাহে শত শত শিক্ষায় উপদেশ দিয়া আচার্য্যেরা লোকের ধর্ম-বিশ্বাস রক্ষা করিয়া যত্ন করেন। সৌভাগ্যক্রমে ঠাঁহাদের এমন একটি ব্যবস্থা গড়িয়া উঠিয়াছে, যাহাতে উপযুক্ত আচার্য্যের অভাব হয় না। কোনও গৃহস্থের পাঁচটি পুত্রপুস্তান থাকিলে, চারটিকে যেমন তিনি নানা প্রকার ব্যবসায়ের জন্ত প্রস্তুত করেন, একটিকে তেমনি ধর্মোপদেশের কাঙ্ক্ষের জন্ত প্রস্তুত করাও কর্তব্য বলিয়া মনে করেন। ইহাতেই সেই দেশে ধর্মোপদেশের অভাব হইতেছে না।

আমাদের দেশের ব্যবস্থা অন্যরূপ। এ দেশে ধর্মকে

ব্যক্তিগত জীবনে ও পারিবারিক ব্যবস্থার মধ্যে এমন করিয়া প্রতিষ্ঠা করিয়া দেওয়া হইয়াছে, যে, আর বক্তৃতা ও উপদেশের প্রয়োজন হয় না। ব্রাহ্মধর্মের যত কেন দোষ থাকুক না, ইহার এই একটি মহৎ গুণ, যে, ইহা আপনার বিশ্বাসামুখ্যায়ী ধর্ম্মানুষ্ঠানকে ব্যক্তিগত ও পারিবারিক জীবনে প্রবেশ করাইয়া দিয়াছে। এই ধর্ম্ম যে নানা প্রতিকূল অবস্থার মধ্যে এতকাল বাঁচিয়া আছে, তাহার প্রধান কারণ এই যে, ইহা অনুষ্ঠান-প্রধান, এবং ইহার অনুষ্ঠানসকল পারিবারিক ও সামাজিক গঠনের সহিত জড়িত।

ব্রাহ্মধর্ম্মকেও যদি এ দেশে জঘী ও স্বামী হইতে হয়, তবে ইহার জীবনে ও পরিবাবে বন্ধমূল হওয়া চাই। অবশ্য ব্রাহ্মধর্ম্মের অনুষ্ঠানসকল বর্তমানে বহুপরিমাণে অর্থহীন ও প্রাণহীন হইয়া পড়িয়াছে; আমরা সেরূপ প্রাণহীন ক্রিয়াবহুলতা চাই না। কিন্তু জীবন্ত অনুষ্ঠানের দ্বারা ধর্ম্মকে সৃষ্টিমান করিয়া তোলা ত চাই ?

পরিবারে জীবন্ত ধর্ম্মের প্রতিষ্ঠা বড়ই কঠিন; এবং আমাদের দুঃখের সহিত স্বীকার করিতেই হইবে যে, আমরা এ বিষয়ে হারিয়া গিয়াছি। ব্রহ্মানন্দ কেশবচন্দ্র ও আচার্য্য শিবনাথ কত দুঃখ করিয়া গিয়াছেন যে, ব্রাহ্মসমাজের প্রতি গৃহে দৈনিক উপাসনা প্রতিষ্ঠিত হইল না। আচার্য্য নবদ্বীপচন্দ্র বেহত্যাগের দুই তিন দিন পূর্বে কলিকাতার উপাসকমণ্ডলীর একত্র যে উপদেশ রচনা করিতে আরম্ভ করিয়াছিলেন, যাহা শেষ করিয়া উপাসকমণ্ডলীকে শুনাইবার সময় তিনি পাইলেন না, পরিবারে ধর্ম্মপ্রতিষ্ঠাই সেই উপদেশের বিষয় ছিল। তাঁহার অন্তিম আক্ষেপ এই ছিল, যে, আমাদের মধ্যে আদর্শ পরিবার তিনি অল্পই দেখিলেন। অতএব নূতন শতাব্দীতে ব্রাহ্মসমাজের যদি কিছু অত্যাবশ্যকীয় কার্য্য থাকে, তবে তাহা পরিবারে ধর্ম্মপ্রতিষ্ঠা। কিন্তু এই অত্যাবশ্যকীয় কার্য্য যে সম্পন্ন হইবে, তাহা আমরা কি হইলে আশা করিতে পারি? যদি শতবার্ষিক ব্রহ্মোৎসবে তাহার পূর্বাভাস দেখিতে পাই। কিন্তু গভীর পরিতাপের বিষয়, শতবার্ষিক উৎসব মন্দিরে হইতেছে, সহরে সহরে, গ্রামে গ্রামে বেড়াইতেছে, কিন্তু এ পর্য্যন্ত পরিবারে পরিবারে ফুটিয়া উঠিল না! পরিবারে পরিবারে উৎসব করাও ত আমাদের কার্য্য-প্রণালীর অন্তর্ভুক্ত ছিল। কিন্তু পারিবারিক উৎসব করিতে হইলে, ঘরে ঘরে যে পরিমাণ প্রাণশক্তির দরকার, তাহা আমাদের মধ্যে নাই। ব্রাহ্মধর্ম্ম আমাদের পারিবারিক সুখ সুবিধা বাড়াইয়াছে। ইহা পরিবারে প্রত্যেক ব্যক্তির আর্থিক উন্নতিকে বাধামুক্ত করিয়াছে। সুতরাং এই ধর্ম্মের শতবর্ষ পূর্ণ হওয়াতে আমাদের পারিবারিক কৃতজ্ঞতা ও আনন্দ প্রকাশের যথেষ্ট কারণ আছে। প্রত্যেক পরিবারের উচিত ছিল, একটি আনন্দোৎসব করিয়া সর্বসাধারণকে জানান, যে, আমরা এই মহৎ ধর্ম্ম পাইয়া কৃতার্থ হইয়াছি।

নিজের অক্ষমতা স্বরণ করিয়া এ বিষয়ে আমার নীরব থাকাই উচিত ছিল; কিন্তু সকল কথা বলিয়া, আসল কথাটি না বলিলে অপরাধ হয়, এই কারণে নিতান্ত কর্তব্যবোধে বলিতে হইল।

ব্রাহ্মসমাজের গঠন এখনও সম্পূর্ণ হয় নাই; ইহা আজও গড়িয়া উঠিবার পথে। একশত বৎসরে ইহার উপাসনা-প্রণালী, উৎসবদির প্রকৃতি, অনুষ্ঠান-পদ্ধতি, রীতি-নীতি, কিম্বৎ পরিমাণে গড়িয়া উঠিয়াছে বটে; কিন্তু এখনও গঠনকায়া অনেক বাকী। এই কথাটি স্বরণ রাখিয়া আমাদের সকল বিষয়ে চিন্তা করা ও প্রয়োজনমত পরিবর্তন ও পরিবর্জন করা আবশ্যিক। আমাদের মাঘোৎসবটিকে শুধু মন্দিরের উপাসনা-বক্তৃতা ও সঙ্গীত-সঙ্গীতনে না রাখিয়া, কিরূপে গৃহে গৃহে সৃষ্টিমান করা যায়, এ বিষয়ে একজন চিন্তাশীল ও ধর্ম্মপ্রাণী মহিলা গত ১লা মাঘের তত্ত্বকৌমুদীতে একটি প্রবন্ধ লিখিয়াছিলেন। তিনি প্রবন্ধ করিয়াছিলেন—

“উৎসব জিনিসটা কি শুধু সামাজিক? প্রত্যেক পরিবারের নিজস্ব জিনিস নয়? উৎসবটাকে এমন কোনও রূপ দেওয়া যায় না কি, যাতে পরিবারের প্রত্যেকটি শিশু পর্য্যন্ত অনুভব করে যে এটা আমাদের পারিবারিক ব্যাপার?”

মাঘোৎসবকে পারিবারিক উৎসবরূপে গ্রহণ করিবার কয়েকটি উপায়ের উল্লেখ করিয়া, তিনি লিখিয়াছিলেন—

“যারা সামাজিক উৎসবের আয়োজনে যোগ দিতে পারছেন, তাঁরাও পরিবারে যদি আরও প্রচারিত করে’ ইহার অনুষ্ঠানের আয়োজন করেন, তবে নিশ্চয়ই আরও সুন্দর, আরও সার্থক, আরও পূর্ণরূপে ইহার ফল পাবেন; এবং সম্ভাব্যেরাও আর ধর্ম্মানুষ্ঠানে এত উদাসীন থাকতে পারবে না।”

বাস্তবিক, আমাদের স্বীকার করিতেই হইবে, যে, যতদিন মাঘোৎসবটি কেবল মন্দিরের উৎসব থাকিবে, ততদিন ইহা হইতে আমরা যোগ আনা কল্যাণ পাইব না। সামাজিক উৎসবের সঙ্গে সঙ্গে পারিবারিক উৎসব হইয়া উঠিলেই সর্বাঙ্গ-সুন্দর ও অধিক মধুর হইবে।

শতবার্ষিক মহোৎসবের সম্বন্ধেও এই কথাই সত্য। ইহা শত শত পারিবারিক উৎসবের আকারে প্রকাশ পাইলেই আমরা ইহার যথার্থ শোভন ও কল্যাণপ্রদ রূপ দেখিতে পাইতাম। মন্দিরে মন্দিরে যাহা হইয়াছে ও হইবে তাহারও প্রয়োজনীয়তা যথেষ্ট আছে; কিন্তু গৃহে গৃহে হওয়ার প্রয়োজনীয়তাও অল্প নহে। পুঙ্কেই বলিয়াছি, মন্দিরে উপাসনা বক্তৃতাতির দ্বারা ধর্ম্মের রক্ষা ও বিস্তার প্রধানতঃ পাশ্চাত্য রীতি; গৃহে অনুষ্ঠানই দেশীয় রীতি। আমাদের উভয় রীতির মিলনসাধন করিতে হইবে।

এখনও দশ মাস সময় বাকী আছে। আমাদের প্রাণ কি এখনও এমন ভাবে আগিবে, যে, শতবার্ষিক ব্রহ্মোৎসবকে আমরা যথার্থ দৃষ্টিতে দেখিব ও যথোচিতরূপে সম্পন্ন করিব? যিনি এই মহাসাধনার লক্ষ্য, তিনি উপযুক্তভাবে আমাদের দ্বারা ইহা সম্পন্ন করাইয়া লউন; এবং ভারতক্ষেত্রে ব্রাহ্মসমাজের দ্বারা দ্বিতীয় শতাব্দীতে তাঁহার মহৎ অভিপ্রায় পূর্ণ করুন—এই প্রার্থনা। নূতন বৎসরের প্রথম দিনে সকলে মিলিয়া তাঁহার চরণে ভক্তিভরে প্রণাম করি।

বর্ষশেষ ও নববর্ষ উৎসব।

বর্ষশেষ ও নববর্ষ উপলক্ষে নিম্নলিখিত প্রণালীতে উৎসব সম্পন্ন হইয়াছে :—

৩০শে চৈত্র (১০ই এপ্রিল) শনিবার—
প্রাতে উপাসনা। শ্রীযুক্ত অন্নদাচরণ সেন আচার্যের কার্য করেন। তাঁহার প্রদত্ত উপদেশের মর্ম্ম নিম্নে প্রকাশিত হইল—

আজ বৎসরের শেষ দিন। এই দিনে আমাদের দেশের ব্যবসায়িগণ তাহাদের সমগ্র বৎসরের লাভ ও ক্ষতির হিসাব পুঙ্খানুপুঙ্খরূপে আলোচনা করে। আজ লাভবান ব্যবসায়ীর মুখকান্তিদর্শনে আত্মীয় স্বজন কতই প্রীতলাভ করিতেছেন! ব্যবসায়ীর মনে আজ নূতন উৎসাহের ফোঁসারা ফুটে উঠেছে—
প্রাণে কতই আনন্দ, হৃদয়ে কত নব নব সঙ্কল্প ফুটিয়া উঠেছে। কিন্তু কতিগ্রস্ত ব্যবসায়ীর প্রাণ ফাটিয়া ক্রন্দন বাহির হইতেছে—নিরুৎসাহে, নিরাশায় সে যেন মাটির সহিত মিশিয়া গিয়াছে। সাধনাধীর পক্ষেও আজ নূতন রকমের হিসাব নিকাশের দিন। আজ তাঁহারও নিবিষ্টচিত্তে লাভ ও ক্ষতি গণনা করিবার দিন। বৎসরের এই শেষ দিনটিতে আমরা প্রত্যেক হৃদয়কে এই প্রশ্ন জিজ্ঞাসা করি—তপস্যার কুশল তো? জীবনবিধাতার চরণতলে কি বসিতে শিখেছি? বস্তুতে কি প্রাণ সত্য সত্যই ব্যগ্র? আমাদের বিশ্বাস কি দৃঢ় হইয়াছে? হৃদয়ের সকল অঙ্ককার কি অপসারিত হয়েছে? কর্তব্যে কি দৃঢ়তা জন্মেছে। সাধু সঙ্কল্পগুলি কি ভেসে গিয়েছে, না কার্যে পরিণত হয়েছে? অস্ত্রের দুঃখে কি সমবেদনা প্রদর্শন করিতে শিখেছি? অস্ত্রের আনন্দে কি স্থবী হ'তে পেরেছি? বিপন্নবাক্তির হাতখানা কি ধরতে শিখেছি? যাহারা প্রশ্নগুলির সন্তোষজনক উত্তর দিতে পেরেছেন, তাহারা যে এই একটা বৎসরে আশান্তিরিক্ত লাভবান হয়েছেন তাহাতে অণুমানও সন্দেহ নাই। কিন্তু যাহারা প্রশ্নগুলির উত্তর খুঁজিয়া পান না, আজ তাঁহাদের চিত্ত নিরাশায় পূর্ণ হয়েছে। ব্যক্তিগত জীবনের বিবম কতি—সঙ্কল্প ভঙ্গে, ব্রহ্মরূপাধ অবিশ্বাসে, এবং সাধনে দৃঢ়তার অভাবে। স্বীয় জীবন পর্যালোচনা করিয়া যখন দেখিতে পাই যে, বৎসরে তেমন কিছু লাভ করি নাই, অর্থাৎ ব্রহ্মরূপাধ প্রবাহের এক বিন্দুও প্রাণে ধারণ করিতে পারি নাই, আদর্শের দিকে একটুও অগ্রসর হইতে পারি নাই, তখনই বসিতে পারি যে, জীবনশ্রোত নিম্নগামী হইতেছে। সাধনরাজ্যে কেহ তো একস্থানে দাঁড়াইয়া থাকিতে পারে না,—হয় অগ্রসর হইবে, না হয় পশ্চাৎপদ হইবেই। আজকার দিনে আমরা নূতন করিয়া জীবন-গ্রন্থ অধ্যয়ন করি। হৃদয় কত সময় অর্থাৎ ভাবে ভগবৎ প্রেম অনুভব করেছে তাহা স্মরণ করি; জীবনসংগ্রামে কত বিফল হইয়া এক মুহূর্তের জন্তও মাথা রাখিবার যে স্থান পেরেছি, তাহার কথা আজ অধ্যয়ন করি। অসহ বেদনা দিয়াও পরম দয়াল যে আমাদের মোহকলুষ বারংবার দূর করিতেছেন, তাহা স্মরণ করিয়া আজ তাঁহার চরণে গর্জিত মন্তক অবনত করি। সকল স্মরণ করিয়া জীবন আজ উৎসুক হউক, আজ জীবনের গতি আলোকের দিকে ধাবিত

হউক। আজ নবজীবনলাভের জন্ত সংকল্প গ্রহণ করি। অস্ত্রদৃষ্টি আজ খুলুক। প্রাণের অন্তরতম প্রদেশ হইতে বিশ্বাসী ও ভক্ত কবি শিবনাথের অমর ভাষায় বলি;—

“খাঁটি থেকে সদা নিজ আলোকের কাছে,

পতনেও রাখিও ধরমে;

নিও সাজা দুর্গতির যা নিবার আছে,

বাঁচা'ওনা আপন করমে।

আস নাই এ জগতে বাহবা লইতে,

আস নাই সুখ-অধেষণে;

আছে কিছু কাজ যাহা এন্দেছো সাধিতে,

সাধ তাহা জীবনে মরণে।

* * *

এ জগতে বড় কিছু করিতে না পার,

খাঁটি থাক আছরে যেখানে,

মহৎ, পবিত্র, শুভ্র, যা কিছু নেহার,

খাঁটি থাক তাঁব সন্নিধানে।

সায়ংকালে “যুগান্তর সংগঠন” বিষয়ে শ্রীযুক্ত প্রভুলচন্দ্র সোম একটি বক্তৃতা প্রদান করেন।

১৯শে বৈশাখ (১৪ই এপ্রিল) শনিবার—প্রাতে সংকীর্্তন ও উপাসনা। শ্রীযুক্ত হেরম্ভচন্দ্র মৈত্রেয় আচার্যের কার্য করেন। “নবীন দিনে আজি নূতন বরষে” ইত্যাদি সংগীত হইলে পর তিনি নিম্ন-লিখিত মর্মে উদ্বোধন করেন :—

সংসারতাপের মধ্যে, কলুষ কলঙ্কের মধ্যে, অহুতাপ বেদনার মধ্যে আশার কথা আছে। যিনি বিশ্ব ব্রহ্মাণ্ডের উপাস্ত তিনি আমাদের প্রলুব্ধ করিয়াছেন, পূজার মন্দিরে আহ্বান করিয়া আনিয়াছেন, সন্দেহ নাই। তাঁহার যে বর্ণনাভীত রূপ, কতবার তাহার আভাস দিয়াছেন! ইহাতেই আশা। আপনারা বলিতে পারেন, ইহাতে কি বেদনাতে আশা বুঝায়? হাঁ, বেদনাতেই আশা। তিনি অনবরত শাসন করিতেছেন, বেদনা দিয়া কাছে ডাকিতেছেন, এই আশার কথা। তাহা না হইলে কোনও আশা থাকিত না। আর একটি ভাব কিছুদিন হইতে প্রাণে আসিতেছে—পুরাতন কথা—নিয়ত বিশ্বের সকলের জন্ত কল্যাণকামনা করিতে হইবে। শুধু মাতৃগণেরই কল্যাণ হউক তাহা নহে, জড়ের—রক্ষ লতা, নদী গিরি বনের,—সমস্ত বিশ্বের কল্যাণ হউক, এই কামনা করিতে হইবে। তাহাদের একটিরও মঙ্গল দেখিলে মনে হয়, বিশ্বপাত কত শোভায় তাহাদিগকে শোভিত করিতেছেন, তিনি কত স্নেহ করিতেছেন! বর্ষার দিনে জল সিঞ্জন কারয়া তাহাদিগকে কিরূপ স্নিগ্ধ করিতেছেন! শীতকালে ইউরোপে না গেলে evergreen (চিরশ্যামল বৃক্ষলতা) শব্দের অর্থ বুঝা যায় না। শীতকালে সেখানে দুই একটি evergreen ব্যতীত অপর সমস্ত বৃক্ষলতার পাতা বরিয়া পড়ে, কেবল শুষ্ক মৃত ডাল লইয়া গাছগুলি দাঁড়াইয়া থাকে। ফাদার লরেন্স এরূপ একটি গাছ দেখিয়া মনে ভাবিলেন, কয়দিন পরেই ত ইহার নূতন পাতা বাহির হইবে, এই দুদিন আর থাকিবে না। ইহাতে বিশ্ববিধাতার কি রূপা! ইহা হইতে তিনি আশা পাইলেন। শাস্ত্রী মহাশয়কে জিজ্ঞাসা

করিয়াছিলাম, বৃক্ষ লতা নবপল্লবে শোভিত দেখিলে যে তাহার মধ্যে পরমেশ্বরের কৃপা অল্পভূত হয়, ইহা কি কল্পনা? তিনি উত্তর করিলেন, “বল কি? ইহা দেখিয়াই ফাদার লরেন্স নবভক্তি পাইলেন।” এই বলিয়া ফাদার লরেন্সের কথা উল্লেখ করিলেন। কিছুদিন হইল একখানা ইংরাজী পত্রিকাতে একটি নূতন কবিতা পাইলাম, তাহা পড়িয়া মুগ্ধ হইলাম, সংগ্রহ করিয়া রাখিয়া দিলাম। সাহিত্যের অধ্যাপক এক সুপণ্ডিত বন্ধুকে পড়িয়া শুনাইলে তিনিও মুগ্ধ হইয়া তাহা লিখিয়া লইলেন। সেট কবিতার লেখিকা মহিলাটি ভগবানকে বলিতেছেন, “আমি শাস্তি চাই না, বেদনা আমাকে দেও, এই বেদনার মধ্য দিয়াই আমি পরম শান্তি পাইব। অসার আমোদ প্রমোদ আমি চাই না, আমাকে গভীর চিন্তাশীলতা দেও।” কবি ওয়ার্ডস্‌ওর্থ বলিয়াছেন—In the ports of levity there is no refuge for the human spirit in distress—অসার আমোদ প্রমোদের বন্দরে (পোতাশ্রয়ে) বিপন্ন মানবাত্মার কোনও নিরাপদ আশ্রয় নাই। অসার আমোদ প্রমোদে শাস্তি নাই। বেদনার দ্বারা কি শাস্তি পাওয়া যায় কবি ওয়ার্ডস্‌ওর্থের মতবাদ তাহা দেখাইয়াছেন। এখানেই তাঁহার মহত্ব। এই মহিলায় কবিতাটি পড়িয়া অন্তরে বল পাইলাম। ঘোর শোকের সময় ভক্তিভাজন ভুবনমোহন সেন মহাশয় আমাকে বলিয়াছিলেন, “এই পথ দিয়াই যাইতে হইবে”।

আজ এই ভাবেই নববর্ষ আশু। তিনি আমাদের শাসন করিতেছেন। ভয় কি? তিনি আমাদের প্রলুব্ধ করিয়াছেন। এই ত আশা। নানা যুগে নানা লোকে তাঁহার অপূর্ণ সৌন্দর্যের কথা বলিয়াছেন। ইহা কি কল্পনা? তিনি ভুলনারহিত। তবে কেন ক্ষুদ্রের পশ্চাতে ছুটিয়া বেড়াইব? ক্ষুদ্রের পূজা করিব? প্রেটো, উপনিষদ, এমার্সন প্রভৃতির কথা অনেকবার বলিয়াছি। আজ আর একজনের কথা বলি। জেমস্‌ ফ্রিম্যান ক্লার্ক বলিয়াছেন এক বচনাতীত সৌন্দর্য্য আমাদের নিয়ত প্রলুব্ধ করিতেছে। আজ তাহাই স্মরণ করি। তিনি আমাদের ডাকিয়াছেন, ইহাতেই আশা। সকল সময়ে তাঁহার আভাস পাইব, একরূপ আশা করিতে পারি না। যিক্‌কেও বলিতে হইয়াছিল “পিতা, তুমি কেন আমাকে এ সময়ে পরিত্যাগ করিলে?” Tides of the inner life—আধ্যাত্মিক জীবনের জোয়ার ভাটা—কেন হয় বলা যায় না। তবে সকলের জীবনেই তাহা দেখিতে পাওয়া যায়। সেন্টফ্রান্সিস্ অফ্‌ এসিসি দুই বৎসর কি বিরহ কষ্টই না ভোগ করিয়াছিলেন! ম্যাডাম গিয়ঁো সাত বৎসর কি কষ্ট পাইয়াছিলেন! তিনি বলিয়াছিলেন “আমার মাথা রাখিবার স্থান নাই।” আমারও অনেক সময় ঠিক তাহাই মনে হয়। এখানে সাধ পাইলাম। এমন সাধ যিনি, তাঁহার এই অবস্থা হইল! আমার তবে কি হইবে! নিয়ত শাস্তি ও আনন্দ সন্তোগই যে আধ্যাত্মিক উন্নতির লক্ষণ তাহা নহে। নিষ্ঠাই উন্নতির প্রকৃত লক্ষণ। অল্প কল পাইলেই যে তাঁহার স্নেহ উপলব্ধি করিতে হইবে এমন নহে, না পাইলেও তাঁহার স্নেহে বিশ্বাস করিতে হইবে। রাজনারায়ণ বসু ভক্তিভাজন নবদীপস্র দাস মহাশয়কে বলিয়াছিলেন, “যিনি

অনাহারে থাকিমাও ভক্তিভাবে স্বস্তির পূজা করিতে পারেন তিনিই ব্রাহ্ম।” আমাদের সঙ্গীতে আছে, “যখন যে ভাবে বিভূ রাখিবে আমারে সেই হুমজল, যেন না তুলি তোমারে।” গীতাকার বলিয়াছেন “তৎপর” হইতে হইবে। তৎপর অর্থ তদেকনিষ্ঠ, এক তাঁহারই উপর নির্ভর। “ব্রহ্মরূপাহি কেবলম্” এই মন্ত্র যদি সাধন করিতে পারি তবেই নির্ভরের শক্তি আসিবে। নববর্ষের দিনে তিনি কৃপা করিয়া সেই দৃঢ়তা, নিষ্ঠা ভক্তি দিন, যেন তাঁহাকে ধরিয়া থাকিতে পারি। Pray without ceasing, অবিশ্রান্ত প্রার্থনা কর। নিয়ত তাঁহার প্রসাদাকাজী হইয়া যেন থাকিতে পারি। সকলের প্রাণেই শাস্তির আকাজক্ষা আছে, কিন্তু তাহা অপেক্ষাও শ্রেষ্ঠ প্রার্থনা তাঁহার জন্ত নিয়ত আকাজক্ষা। আমাদের প্রাণে সেই প্রার্থনা আশুক। যিনি দেশাতীত কালাতীত তাঁহার সঙ্গে যুক্ত হওয়ার আকাজক্ষা আশুক। কিছুতেই তাঁহার আকাজক্ষা ছাড়িব না, নিরাশ হইয়া ফিরিব না। নিয়ত প্রতীক্ষা করিতে হইবে, তিনি প্রকাশিত হউন আর না হউন। তাঁহার চিন্তনে প্রাণ ডুবিয়া যাউক। বৈজ্ঞানিক তত্ত্বের আলোচনায় মানুষ ডুবিয়া যায়। আর্কিমিডিস্ কি দৃষ্টান্ত দেখাইলেন! রোমান সৈন্য তাঁহাকে বধ করিতে আসিলে তিনি প্রাণত্যাগ করিলেন না, বলিলেন, “অপেক্ষা কর, এই অঙ্কটা শেষ হউক।” তাঁহার চিন্তনে সেরূপ ডুবিতে পারিলাম না! তবে আমরা কি করিয়া ভূমার উপাসক হইব? আমরা তাঁহাতে ডুববার জন্ত আকাজক্ষিত হই। নব নিষ্ঠা, নব ভক্তির আকাজক্ষা প্রাণে জাগুক। পৃথিবী সূর্যকে প্রদক্ষিণ করিয়া পূর্ব স্থানে ফিরিয়া আসিল, ইহাতে আশ্রয় নববর্ষ হয় না। আশ্রয় নববর্ষ নূতন সত্যলাভে হয়, নব ভক্তিতে হয়, নিষ্ঠাতে হয়। তাহাই আমাদের হউক।

এমার্সনের কথা—“খাল নালা সকল বস্তুতেই সূর্যের ছায়া পড়ে, তুমি যদি না দেখ তবে তুমি অন্ধ।” তাঁহার প্রকাশ সকলের মধ্যেই আছে। “ঈশায়াস্ত মিদং সর্বম্” বলিলেই হয় না। তাহা সাধন করিতে হয়। আমাদের প্রাণে নূতন আকাজক্ষা আশুক। তাঁহার প্রকাশ ভিক্ষা করিয়া আমরা অতীত পূজাতে প্রবৃত্ত হই। হে অসীম, আমাদের নিকট প্রকাশিত হও। তোমার কৃপা ভিন্ন “নাহি অস্ত গতি।” সেই বচনাতীত রূপের আভাস দিয়াছ। প্রাণে নব আকাজক্ষা, নব নিষ্ঠা দেও। তোমার পূজার তুমি পুরোহিত। আমরা কিরূপে তোমার পূজা করিব? তুমি পাপীকে দিয়াও তোমার পূজা করাইয়া লও, দেখাইয়াছ। আজও তাহাই করাও।

অনন্তর “প্রাণ সখাহে আমার” ইত্যাদি দ্বিতীয় সঙ্গীতের পর আরাধনা ও মিলিত প্রার্থনা। তাহার পর “জয় জয় পরব্রহ্ম তুমি অপার অগম্য” ইত্যাদি তৃতীয় সঙ্গীত গীত হইলে পর যে উপদেশ প্রদত্ত হয় তাহার মর্ম্ম নিম্নে প্রকাশিত হইল:—

অন্তরে একটি নব যুগের প্রার্থনা করিতেছি। সেই নব-যুগ যদি পাই তবেই নববর্ষ আসিয়াছে বলিতে পারি। সেই নবযুগ স্বয়ং হইলি জাতির উপাস্ত দেবতা ষাডে (ঈশাকে যিহোভা বলা হয়) যাহা বলিয়াছেন তাহা প্রাণে আগিতেছে। তিনি জেরিমায়াকে বলিতেছেন “এতদিন তোমাদের সঙ্গে আমার এই

অঙ্গীকারপত্র বিনিময় হইয়াছিল যে, তোমরা যদি আমার আদেশ পালন কর তবে আমি তোমাদিগকে রক্ষা করিব, স্তম্ভেখ্য দিব, আর যদি তাহা না কর তবে তোমাদিগকে বিনষ্ট করিব—তাহা এখন চলিয়া গেল, তাহার পরিবর্তে ইহদি জাতির অন্ত নৃতন ব্যবস্থা করিতেছি। I will put the law in their inward parts আমি তোমাদের অন্তরে আমার বিধি নিহিত করিয়া দিব। এখন হইতে তোমরা যে আমার অধীন হইবে তাহা মণ্ডের ভয়ে নয়, পুরস্কারের আশায়ও না, শাস্তির আকাঙ্ক্ষায় নয়, বেদনার ভয়েও নয়। আমার অধীন হইবে এই বলিয়া যে তাহা না হইয়া পার না।” এই আহুগত্যের ভাব ব্যতীত আর আশা নাই, এই ভাবটি প্রাণে আসিয়াছে। “মুক্তির আশা ছাড়িয়া দেও, আমাকে অহুসরণ করিয়া যাও!” আমাদেরও যেন তিনি এই কথা বলিতেছেন আমাদের কাছে তাঁহার অহুগত হইয়া চলিতেই হইবে। এই কথার উপর জোর দিতেই হইবে—“তুমি যে বিধি কর বিধি সেই হয় মঙ্গল বিধি।” আমার পরিজ্ঞাপ যদি না হয়, আমার বেদনা যদি দূর না হয়, পাপের জন্ত যদি নিয়ত দণ্ডই পাইতে হয়, তবে তাহাতেই কল্যাণ। পাপের দণ্ড হইলে, তাহা দেখিয়া লোকের শিক্ষা হইবে; আমারও শিক্ষা হইবে। এই আহুগত্য যদি পাই, তবেই নব যুগ, নব বর্ষ, আসিয়াছে বলিতে পারি। ইহাই আমাদের পাইতে হইবে। কেবল আমার জ্ঞান নয়, গতি-মুক্তি নয়, জগতের গতি-মুক্তি তাঁহার চরণে প্রার্থনা করিতে হইবে।

শর্ত বাসবণ সম্বন্ধে অনেকটী জানেন, তাঁহার জীবন ভাল ছিল না, কত অপরাধ ছিল; কিন্তু তিনি যে ভাবে প্রাণ দিলেন তাহাতে মনে হয় তিনি যেন পাপের প্রায়শ্চিত্ত করিলেন। গ্রীসের দুর্দশায় তাঁহার প্রাণ কাঁদিল। তাহার কল্যাণের জন্ত কবিতাতে প্রাণ ঢালিয়া দিলেন। তাঁহার কথায় সকলের প্রাণ কাঁপিয়া উঠিল। তিনি কেবল প্রতিভা দিয়াই সেবা করিলেন না, কবিতা লিখিয়াই ক্ষান্ত হইলেন না। গ্রীসের জন্ত প্রাণ দিলেন, তাহার স্বাধীনতার জন্ত যুদ্ধ করিতে যাইয়া প্রাণ চারাইলেন।

অন্তরে এই ভাব জাগিতেছে—এমন ভাবে জগতের মঙ্গল কামনা কর যাহাতে তোমার নিজের ভাবনা থাকিবে না। লোকে প্রেমের জন্ত কি না করিতে পারে? জগতে পিতা-মাতা সন্তানের জন্ত কি না করেন! যে সন্তান পাপে মলিন তাহাকেও পিতা-মাতা স্নেহ করেন। তথাপি এমন লোকও আছে, যাহারা সন্তানকে দূর করিয়া দেয়। কিন্তু পরম জননী কাহাকেও ছাড়িবেন না। তাঁহার প্রেম সকল সন্তানের জন্তই আছে। প্রত্যেকেই অন্তরে সে প্রেমের পরিচয় পাই। “এখন তোমাদের অন্তরে আহুগত্যের ভাব দিব, স্তম্ভেখ্য, সম্পদ বিপদ সকল অবস্থার মধ্যে তোমরা আমার অহুগত হইয়া চলিবে”, এই আহুগত্যের যুগ তিনিই প্রাণে আনিয়া দিন। “তোমার প্রতি নিগূঢ় প্রেম যার, প্রাপ্ত হয় আশ্রয়িত্ব, ব্যাপ্ত হয় জগতে শ্রীতি।”

আমাদের উপাস্ত দেবতা অসীম। তাঁহাকে যে একটু শ্রীতি করিতে পারে সেই বলিতে পারে,—“তুমি যে বিধি

কর বিধি সেই হয় মঙ্গল বিধি।” ভক্ত বাহারা তাঁহারা এই কথা বলিয়াছিলেন। তবে এই প্রার্থনা প্রাণে আসিয়াছে—আপনাদের কাছে বলিতে পারি সকলেই যেন এই প্রার্থনা করি—আর শাস্তি চাই না, শাস্তির প্রার্থনা করি না, তিনি যাহা দেন তাহাই যেন মাথা পাতিয়া লই। তিনি যে রূপ দেখাইয়াছেন তাহাতে অস্ত্র আকাঙ্ক্ষা থাকে না। দেখা দেন ভাল, না দেন ভাল। তিনি যে পথ দেখান তাহাই অহুসরণ করিব,—আহুগতা চাই, সকলের কল্যাণ চাই। বুদ্ধদেবের উপদেশ হইতে এই শিক্ষা লইতে হইবে, জগতের কল্যাণ কামনা করিতে হইবে, সকলের বেদনা আপনার করিয়া লইতে হইবে। স্তম্ভেখ্য ইচ্ছা হইতে যে পূজা তাহা পূজাই নয়। কল্যাণের জন্তই পূজা করিব। এমাসন বলিয়াছেন, I am dear to the heart of Being—যিনি জগতের অন্তরাত্ম আমি তাঁহার প্রিয়। তিনি আমাকে ভাল বাসেন, তিনি আমার কল্যাণই করিবেন।

আমি যদি তাঁহার অহুগত হই, তাঁহাকে পাই, তবে জগতেরও সেবা তাহাতে হইবে, পূজা ভাল করিয়া করিলে নিজের কল্যাণ হইবে, জগতের কল্যাণ হইবে। লোকশ্রীতি, লোক-সেবা তাঁহার পূজার অঙ্গ। কালই ফাদার ডামিয়ানের কথা হইতেছিল; লিটল সিটাস অব দি পুণ্ডরদের কথা অনেকটী জানেন। তাঁহারা কি করিয়া পরকে আপনার করিয়াছেন! পিতাকে পুত্র তাড়াইয়া দিয়াছে—তাঁহারা বলিতেছেন “আমরাই তোমার পুত্র।”

“I will put the law in their inward parts.” আহুগত্যের জন্তই পূজা, শাস্তির জন্ত পূজা কিছু নয়। আমার কল্যাণ হইলেও জগতের কল্যাণ, আমিও জগতের একজন।

লর্ড মগি বার্কের কথায় প্রতিবাদ করিয়া বলিয়াছেন “ধর্ম দিয়া লোকের কি উপকার হইবে? এই যে তত্ত্ববায় সমস্ত দিন খাটিয়াও পরিবার পালন করিতে পারিতেছে না, তাহার জন্ত ধর্ম কি করিবে?” ইহার উত্তরে বলা যায়, তাহারও আশ্রয় কুখা আছে, ঘর-বাড়ী দিয়া তাহা দূর হয় না, একমাত্র ধর্মই সে কুখা নিবারণ করিতে পারে। “তব বলে কর বলী যে জনে, কি ভয় কি ভয় তাহার!” তিনি বাহাকে বল দেন তাহার কিছুতেই ভয় নাই। তাই অন্তরে এই ভাব আসিয়াছে “তুমি যে বিধি কর বিধি সেই হয় মঙ্গল বিধি।” সাধুরা যে যত্নকে কষ্টে বরণ করিয়াছেন, তাহা নহে। তাঁহারা আনন্দেই দুঃখ কষ্ট যত্নে কাঁপ দিয়াছেন। ম্যাডাম গিয়োর সমুদ্রে ঝড়ের মধ্যে ডুবিবেন একরূপ অবস্থার মধ্যে পড়িয়াও বলিলেন, “ভয় হইল না, আনন্দই হইল।” তাঁহার প্রভাবে তাঁহার পরিচারিকাও ঘোর বিপদের সময় আনন্দেই অহুগত করিল। ইহাই আহুগত্য। “তুমি যে বিধি কর বিধি সেই হয় মঙ্গলবিধি”, একথা যেন আনন্দেই বলিতে পারি। ভয়ে নয়, স্তম্ভেখ্য আশায় নয়, অহুগত না হইয়া পারি না, এই জন্তই আহুগত্য চাই। প্রাণে একটা বিশ্বাসের স্থান চাই। যদি প্রাণ বলিদান দিতে পারি, তবেই সেই বিশ্বাসের স্থান পাই, আহুগত্য আসে।

যিও প্রার্থনা করিয়াছিলেন “Nevertheless, not as I will, but as thou wilt.” বিপদে পড়িয়া যিও একবার প্রাণ

চাহিয়াছিলেন বটে, কিন্তু পরক্ষণেই “তথাপি, আমি ঘেৰুপ ইচ্ছা করি সেরূপ নয়, তুমি যাহা ইচ্ছা কর তাহাই হউক”, এই বলিয়া আপনার ইচ্ছা বলিদান করিলেন, আত্মগত্যের সহিত যত্নকে বরণ করিলেন।

লোকের মঙ্গলকামনায় বেদনার মধ্যে আনন্দে কাঁপিয়া পড়িতে হইবে। আমাদের উপাস্ত দেবতা বলিতেছেন, “আমার অধীন না হইয়া পারিবে না, আমি যাহা দেখাই তাহা দেখিবে, যাগা শুনাই শুনিবে, যে পথে চালাই চলিবে।” সেই অসীমের চরণে আত্মদান ব্যতীত কল্যাণ নাই।

এমার্সন প্রচার করিতে বড় অগ্রসর হন নাই। কিন্তু যাহা বলিয়াছেন তাহাতেই জগতের অসীম কল্যাণ হইতেছে। দেবেন্দ্রনাথ অনেক গ্রন্থ লেখেন নাই, অধিক কথা বলেন নাই, কিন্তু যাগা বলিয়াছেন, তাহাতেই মহা কল্যাণ সাধিত হইতেছে। ব্রহ্মের চরণে যদি স্থান পাই, তাহা হইলে জগতের কল্যাণ হইবেই। তিনি অন্তরে থাকিমা যে প্রেরণা দিবে, তাহার অচ্যুত হইয়া চলিলেই কল্যাণ। জেরিমায়া যাহা বলিয়াছিলেন প্রাণে জানিয়াই বলিয়াছিলেন। ব্রহ্ম আমাদের পূজা হয় নাই। কোনও ফল কামনার নয়, জগতের কল্যাণকামনাই পূজা হয়। যখন ফলকামনা পরিত্যাগ করিমা তাঁহার পূজা করিতে পারিব, লোকপ্ৰীতিতে আশুনে কাঁপ দিতে পারিব, তখনই পূজা হইবে। আমাদের জীবনে এই পূজা আত্মক, এই ভক্তি আত্মক, এই উপাসনা আত্মক।

বিশ্বপতি বিশ্বরাজ, অন্তরে সেই ভক্তি চাই যাহাতে সুখ দুঃখের অতীত হইতে পারি। অন্তরে সেই লোকপ্ৰীতি চাই যাহাতে সকলের কল্যাণ কামনা করিতে পারি। অন্তরে সেই নূতন যুগ আনিমা দেও, যাহাতে তোমার গৌরবেই আমরা গৌরবান্বিত হইতে পারি। এই প্রেম আমাদের দেও।

“ওহে জীবনবল্লভ সাধু-দুর্লভ” ইত্যাদি সংগীত হইয়া এই বেলার উপাসনা শেষ হয়।

অপরান্ত্রে সমাজের কার্যব্যবস্থা বিষয়ে আলোচনা হয়। তাহাতে শ্রীযুক্ত প্রাণকৃষ্ণ আচার্য্য সভাপতির কার্য করেন। সায়ংকালে সঙ্কীৰ্ত্তন ও উপাসনা। শ্রীযুক্ত সতীশচন্দ্র চক্রবর্তী আচার্য্যের কার্য করেন। তাঁহার উপদেশের মর্ম পরে প্রকাশিত হইবে।

প্রচার ব্যবস্থা

(পূর্বে প্রকাশিতের পর)

১০। প্রচারার্থী গ্রহণ—

(১) অনূন ২ বৎসর কাল সাধারণ ব্রাহ্মসমাজের সভ্য না থাকিলে কেহ প্রচারার্থী বলিয়া গৃহীত হইবেন না।

(২) যোগ্যতা—কেহ প্রচারার্থী হইবার জন্য প্রার্থনা করিলে (১) সাধারণ ব্রাহ্মসমাজের অন্ততঃ ৫ জন সভ্যের সেই আবেদনকারী অনূন ২ বৎসর কাল তাঁহাদের পরিচিত (personally known), (২) তিনি ধর্ম্মাচরণী, (৩) উপাসনামূল,

(৪) বিশ্বচরিত্র, (৫) সাধারণ ব্রাহ্মসমাজের উদ্দেশ্য ও কার্যের সহিত তাঁহার বিশেষ সহানুভূতি আছে, এবং (৬) শিক্ষা ও প্রকৃতিতে প্রচারক হইবার উপযুক্ত, এই সকল বিবরণ জ্ঞাপন করা আবশ্যিক।

(৩) এই বিবরণ প্রাপ্ত হইলে, প্রচারসভা তাঁহাকে প্রচারকপদের উপযুক্ত বোধ করিলে প্রচারার্থীরূপে গ্রহণ করিবেন এবং কার্যনির্বাহক সভার নিকট প্রেরণ করিবেন। এবং কার্যনির্বাহক সভা কর্তৃক অনুমোদিত হইলে, প্রচারসভা প্রচারার্থীর ব্রতগ্রহণের জন্য বিশেষ উপাসনার ব্যবস্থা করিবেন।

১৪। প্রচারার্থীর প্রতিজ্ঞা—

প্রচারার্থীগণকে বিশেষ উপাসনাস্ত্রে গ্রহণ করা হবে। প্রত্যেক প্রচারার্থীকে নিম্নোক্ত প্রতিজ্ঞা করিতে হবে :—

(১) ব্রাহ্মধর্ম্ম সাধন ও ব্রাহ্মধর্ম্ম প্রচার এবং অপরের সেবা আমার প্রধান ব্রত। (২) এই ব্রত সাধনে আমি প্রচারসভার নির্দেশের অনুগত হ'য়ে চলব। (৩) চার বছর আমি প্রচারসভার শিক্ষাব্যবস্থার অধীন থেকে শিক্ষা লাভ করিতে সম্মত। (৪) সকল বিষয়ে বিলাসিতা ও লঘুতা বর্জন ক'রে, আমি সরল শুদ্ধ সংযত থাকিতে চেষ্টা করব। (৫) ধর্ম্ম-জীবনের গভীরতালাভকে প্রধান উদ্দেশ্যরূপে সায় রেখে, আমি সকল কাজ করব। (৬) শিক্ষাধীন অবস্থায় এবং তার পর, আমি সমাজের সেবার ক্ষেত্রে কার্যনির্বাহক সভা ও প্রচারসভার নির্দেশ অনুসারে কার্য করিব।

১৫। শিক্ষা ও পরীক্ষার সময় ও ক্রম—

প্রচারার্থীগণ বৎসরান্ত্রে ডিসেম্বর মাসের মধ্যভাগে নির্দিষ্ট বিষয়ের পরীক্ষা দিবে। ১ম বার্ষিক পরীক্ষায় উত্তীর্ণ হ'লে, জ্যৈষ্ঠ মাসে ২য় বার্ষিক শ্রেণীতে উন্নীত হ'বেন। ২য় বার্ষিক পরীক্ষায় উত্তীর্ণ হলে, মাঘোৎসবের পূর্বে বিশেষ উপাসনাস্ত্রে “পরিচারক” রূপে ৩য় বার্ষিক শ্রেণীতে প্রবেশ করিবেন। ৩য় বার্ষিক পরীক্ষায় উত্তীর্ণ হওয়ার পর, পরিচারক অধ্যয়নের সঙ্গে নির্দিষ্ট প্রচারকার্য্যও করিবেন এবং বৎসরের মধ্যে কোন একটি নির্দিষ্ট বিষয়ে নিজের অধ্যয়ন ও গবেষণার ফল রচনার আকারে প্রচারসভার বিচারার্থ অর্পণ করিবেন। শিক্ষা বিষয়ে প্রচারার্থী ও পরিচারকগণ প্রত্যক্ষভাবে প্রচারসভার ও সভাপতির তত্ত্বাবধানে থাকিবেন।

১৬। পরীক্ষা—(ক) পরীক্ষার নাম :—প্রথম তিন বছরের পরীক্ষার নাম আন্ত, মধ্য অস্ত্য পরীক্ষা। অস্ত্য পরীক্ষায় পরীক্ষার্থীর কৃতত্ত্ব অনুসারে কোন উপাধি দেওয়া প্রচারসভার বিবেচনাগোপক। কিন্তু চতুর্থ বৎসরের শেষভাগে পরিচারক যে রচনা প্রচারসভার বিচারার্থ দিবে, তা গ্রাহ্য হ'লে লেখককে কোন উপাধি দিবে এবং তাঁকে প্রচারকরূপে বরণ করবার জন্য কার্যনির্বাহক সভাকে অনুরোধ করিবেন।

(খ) শিক্ষণীয় বিষয় :—

(১) ভাষা—(ক) বাংলা, (খ) ইংরাজী, (গ) হিন্দী, (ঘ) উর্দু, (ঙ) সংস্কৃত ; (বাংলা এবং অস্ত্য দুই)। (২) ইতিহাস (ভূগোল)—ভারতবর্ষ, ইংলণ্ড, জাপান, টার্কী, (আমেরিকার যুক্তপ্রদেশ)। (৩) দর্শন—Logic, Psychology, Ethics—

ভারতীয় দর্শন, পাশ্চাত্য দর্শন। (৪) বিজ্ঞান (গণিত) —
পদার্থবিদ্যা, Chemistry, Astronomy, Physiology,
Nursing, Hygiene, First Aid. (৫) ব্রাহ্মসমাজের (ক)
ইতিহাস—সংগ্রাম, (খ) দর্শন, (গ) সামাজিক আদর্শ, (ঘ) সাধন-
তত্ত্ব ও প্রণালী, (ঙ) ব্রাহ্মসমাজ, (চ) অস্থান, (ছ) Constitu-
tion, Act; (জ) ভারতের নানাস্থানের ব্রাহ্মসমাজের তথ্য। (৬)
গান, বাজনা, Gramophone, Magic Lantern, Bicycle
চড়া, notice লেখা, রিপোর্ট লেখা, সমিতি গঠন, Typing,
Postal Rules, Railway guide, Proof-reading. (৭)
Practical ministry. পাঠ, উচ্চারণ, উপদেশ রচনা ও দেওয়া,
বক্তৃতা তৈরী ও দেওয়া; আরাধনা, প্রার্থনা, ধ্যান।
(৮) ধর্মশাস্ত্র—হিন্দু (শাস্ত্র, বৈষ্ণব), বৌদ্ধ, শিখ, Bible,
কোরান (৯) ধর্ম বিধানের ইতিহাস... N. B. যে শিক্ষার্থী
যে সব বিষয় B. A. পর্যন্ত পড়েছেন, তাঁকে আর সে সব
বিষয় পড়তে হবে না; কিন্তু পরীক্ষা দিতে হবে। (১০) জীবনী
—বুদ্ধ, যিশু, মহম্মদ, পার্কার, লুথার, রামমোহন, দেবেন্দ্রনাথ,
কেশবচন্দ্র।

ক্রমশঃ

স্বরেঙ্গশশী গুপ্ত।

ব্রাহ্মসমাজ।

সাপ্তাহিক ব্রাহ্মসমাজের জন্মদিন—
সাধারণ ব্রাহ্মসমাজের একাধিক পঞ্চাশত জন্মদিনের নিম্নলিখিত
প্রণালী অনুসারে সম্পন্ন হইবে :—

১লা জ্যৈষ্ঠ (১৫ই মে) বুধবার—সায়ংকালে বক্তৃতা।
বক্তা—শ্রীযুক্ত প্রতুলচন্দ্র সোম, শ্রীযুক্ত নির্মলচন্দ্র চক্রবর্তী ও
ডাক্তার কালিদাস নাগ।

২রা জ্যৈষ্ঠ (১৬ই মে) বৃহস্পতিবার—প্রাতে উপাসনা।
আচার্য—শ্রীযুক্ত হেমচন্দ্র সরকার। সায়ংকালে উপাসনা।
আচার্য শ্রীযুক্ত ললিতমোহন দাস।

কোম্পানীর ব্রাহ্মসমাজ :—বিগত ২৫শে মার্চ
কোম্পানীর ব্রাহ্মসমাজের ষট্টিতম সাংসারিক উৎসব নিম্ন-
লিখিত প্রণালী অনুসারে সম্পন্ন হইয়াছে। এতদুপলক্ষে প্রায়
ছই শত নরনারী কলিকাতা হইতে তথায় গমন করিয়াছিলেন।
প্রাতে ৮ ঘটিকার শ্রীযুক্ত ললিতমোহন দাস উপাসনা ও
শ্রীযুক্ত মানিকলাল দে সঙ্গীত করেন। সাড়ে দশ ঘটিকার সময়
শ্রীযুক্ত হেরম্বচন্দ্র মৈত্রের সংক্ষেপে প্রার্থনা করিলে শ্রীযুক্ত
মনীন্দ্রনাথ বসু তাঁহার পরলোকগতা মাতা যোগেন্দ্রমোহিনী
দেবীর জীবনী পাঠ করেন এবং বিজ্ঞানাগর কলেজের প্রধান
সংস্কারাধ্যাপক শ্রীযুক্ত কালীকৃষ্ণ ভট্টাচার্য্য উক্ত মহিলার কয়েকটা
সংস্কার উল্লেখ করিয়া তাঁহার জীবনের বিশেষত্ব বর্ণনা করেন।
তৎপরে শ্রীযুক্ত মৈত্রের মহাশয় সমাজপ্রাঙ্গণে নবনির্মিত
“সাক্ষী যোগেন্দ্রমোহিনী সেবাপ্রমের” ঘর উদ্ঘাটন করেন।
উপস্থিত সকলকে সামান্য জল যোগে আপ্যায়িত করা হয়।
মধ্যাহ্নে প্রীতিভোজন হয়। অপরাহ্ন পাঁচ ঘটিকার সময়
শ্রীযুক্ত মানিকলাল দে সংকীর্ণন করিলে অধ্যাপক শ্রীযুক্ত
ধীরেন্দ্রনাথ চৌধুরী বিষ্ণুপূরণ হইতে প্রহ্লাদের ভক্তি সাধন

বিষয়ে কিছু পাঠ করিয়া সংক্ষেপে উপাসনা করেন ও তদীয়
পত্নী শ্রীযুক্তা বিনোদিনী চৌধুরী সঙ্গীত করেন। সন্ধ্যাকালীন
উপাসনার স্থানীয় তত্ত্বমণ্ডলীর দ্বারা মন্দির পূর্ণ হইয়া গিয়াছিল
এবং স্থানাভাবে অনেকে বাহিরে দাঁড়াইয়া ছিলেন।

পান্ডুলিপি—আমাদিগকে গভীর দুঃখের সহিত
প্রকাশ করিতে হইতেছে যে বিগত ২১শে এপ্রিল কলিকাতা-
নগরীতে পরলোকগত ডাক্তার গিরীশচন্দ্র দেব পত্নী অমরধামে
গমন করিয়াছেন। শান্তিদাতা পিতা পরলোকগত আত্মাকে
চিত্র শান্তিতে রাখুন ও আত্মীয়-স্বজনদের শোকসন্তপ্ত হৃদয়ে
শান্তনা বিধান করুন।

সিটিকলেজ বিল্ডিং ফণ্ড—মার্চ মাসে সিটি-
কলেজ বিল্ডিং ফণ্ডে নিম্নলিখিত দান প্রাপ্ত হওয়া গিয়াছে—
মেসার্স জে এন দাস ১০০, এম্ বি দত্ত ১০০, অমরনাথ ভট্টাচার্য্য
১০০, জে এন বসু, ২৫০, বিজয়চন্দ্র মজুমদার ৫০০,
শৈলেন্দ্রনাথ ব্যানার্জী ৫০, মোহিনীমোহন হাজরা ১২,
মোট ২৩২, পূর্ব স্বীকৃত ৬,৬০৪৮৮ সর্বমুদ্র মোট
৭,৫৩৬৮০।

গৃহপ্রতিষ্ঠা—বিগত ২১শে এপ্রিল ডাক্তার শিশিরকুমার
মিত্রের বালিগঞ্জস্থ নবনির্মিত গৃহের প্রতিষ্ঠা উপলক্ষে বিশেষ
উপাসনা হয়। শ্রীযুক্ত ললিতমোহন দাস আচার্য্যের কাৰ্য্য
করেন। নব গৃহ প্রেম-স্বরূপের পুণ্যময় আবাস হইল।

স্নাতকসম্মান—বিগত ৬ই এপ্রিল কলিকাতা নগরীতে
শ্রীযুক্ত সচিদানন্দ সিংহের প্রথম কন্যার স্নাতকসম্মান (জন্ম ৫ই
মার্চ) সম্পন্ন হইয়াছে। শ্রীযুক্ত প্রাণকৃষ্ণ আচার্য্য আচার্য্যের
কাৰ্য্য করেন। এই উপলক্ষে শিশুর পিতামহ শ্রীযুক্ত পরম-
কুমার সিংহ ব্রহ্মমন্দিরের জন্ত একখানা পাখা দিয়াছেন।

বিগত ২৮শে এপ্রিল ঢাকুরিয়া উপনগরীতে শ্রীযুক্ত
অখিনীকুমার বর্ষণের অষ্টম সন্তানের স্নাতকসম্মান সম্পন্ন
হইয়াছে। শ্রীযুক্ত হেমচন্দ্র সরকার আচার্য্যের কাৰ্য্য করেন।
অখিনী বাবু প্রচার বিভাগে ৫, সাধনাশ্রমে ৫, প্রদান
করিয়াছেন।

মঙ্গলময় বিধাতা শিশুদিগকে সতত রক্ষা করুন।

শুভ বিবাহ—বিগত ২৩শে এপ্রিল বরিশাল নগরীতে
বোলপুর প্রবাসী অধ্যাপক ফার্মাণ্ড বেনোয়া ও পরলোকগত
কালীকুমার চট্টোপাধ্যায়ের কনিষ্ঠা কন্যা কল্যাণীয়া শান্তিহৃদার
শুভ বিবাহ সম্পন্ন হইয়াছে। শ্রীযুক্ত মনোমোহন চক্রবর্তী
আচার্য্যের কাৰ্য্য করেন। প্রেমময় পিতা নবদম্পতিকে প্রেম
ও কল্যাণের পথে অগ্রসর করুন।

বিশ্বাস্ত্র—গত ২ই বৈশাখ অধ্যাপক সরোজকুমার
দাসের পুত্রের জন্মদিনে পঞ্চম বৎসর পূর্ণ হওয়াতে তাহার
বিচারস্ত্র অনুষ্ঠান সম্পন্ন হইয়াছে। বালকের পিতামহ শ্রীযুক্ত
গোলোকচন্দ্র দাস আচার্য্যের কাৰ্য্য করিয়াছেন। এই উপলক্ষে

ভাষার পিতা কোন দরিদ্র বালকের পাঠের সাহায্যার্থে দাতব্য বিভাগে ১০০ টাকা দান করিতে প্রতিশ্রুত হইয়াছেন। মঙ্গল বিধাতা বালককে কল্যাণের পথে অগ্রসর করুন।

দান—পরলোকগত নগেন্দ্রনাথ দেব বাধিক প্রাচ্যোপলক্ষে ভাষার পত্নী প্রচার বিভাগে ৫ পাঁচ টাকা দান করিয়াছেন। এই দান সার্থক হউক ও পরলোকগত আত্মা শান্তি লাভ করুন।

কালীচৈত্র মাসে—১১ই মাঘ সন্ধ্যার সময় শ্রীযুক্ত মহেশচন্দ্র মুখোপাধ্যায়ের বাসায় মাঘোৎসব সম্পন্ন হয়। শ্রীযুক্ত শরৎচন্দ্র আচার্য্য আচার্য্যের কার্য্য করেন। শ্রীযুক্ত শচীন্দ্রনাথ মজুমদার ও শ্রীযুক্ত নীলমণি পাল সঙ্গীত এবং মহেশ বাবু প্রার্থনা করেন। ব্রাহ্ম ও অনেক হিন্দু নর-নারীর সমাগম হইয়াছিল। উপাসনাস্তে জলজোগের ব্যবস্থা ছিল। ১৪ই রবিবার দিগ্দিগকে কিছু চাউল ও পয়সা দেওয়া হয়।

হরিনাভি ব্রাহ্মসমাজ।

(আবেদন পত্র)

প্রায় ৬২ বৎসর গত হইল কলিকাতার দক্ষিণবর্তী হরিনাভি গ্রামে ব্রাহ্মসমাজ প্রতিষ্ঠিত হইয়াছে। হরিনাভি ব্রাহ্মদের নিকট এক পবিত্র তীর্থক্ষেত্র। এই স্থানের ব্রাহ্মমন্দিরের প্রাঙ্গণে মহর্ষি দেবেন্দ্রনাথ, সাধু উমেশচন্দ্র দত্ত, পণ্ডিত শিবনাথ শাস্ত্রী, ভাই কেদারনাথ দে প্রভৃতি ভক্তবৃন্দের ভস্মাবশেষ রক্ষিত হইয়াছে। এই স্থানের সন্নিকটবর্তী চাংড়িপোতা গ্রামে পণ্ডিত শিবনাথ শাস্ত্রী জন্মগ্রহণ করিয়াছিলেন। প্রতি বৎসর উৎসবে অনেকেই সেই জন্মস্থান দর্শন করিতে গমন করিয়া থাকেন। পণ্ডিত শিবনাথ শাস্ত্রী ও সাধু উমেশচন্দ্র দত্ত হরিনাভি ইংরাজী বিদ্যালয়ের প্রধান শিক্ষক ও এই গ্রামের বিবিধ জনহিতকর কার্য্যের অগ্রদূত ছিলেন। এই স্থানের প্রাচীন মন্দির জীর্ণ হইয়াছে, মন্দিরপ্রাঙ্গণের প্রাচীর প্রায় ভূমিসাৎ হইয়াছে। অচিরে ইহার সংস্কার না করিলে ইহার আর কোন চিহ্ন থাকিবে না। হিসাব করিয়া দেখা গিয়াছে যে সংস্কারের কার্য্যে ৩০০০ টাকার প্রয়োজন হইবে। আমাদের ভরসা, এই কার্য্যে সকলেই মুক্তহস্ত হউবেন। যিনি যাহা অল্পগ্রহপূর্ব্বক দান করিবেন তাহা ৩২ এটনি বাগান লেন কোষাধ্যক্ষ শ্রীযুক্ত আনন্দকুমার দত্ত, এম এ, মহাশয়ের নিকট প্রেরণ করিয়া বাধিত করিবেন।

শ্রীহেমচন্দ্র সরকার, শ্রীহেমচন্দ্র মৈত্র, শ্রীকৃষ্ণকুমার মিত্র, শ্রীপ্রাণকৃষ্ণ আচার্য্য, শ্রীসতীশচন্দ্র চক্রবর্তী, শ্রীহরকুমার গুহ।

আবেদন পত্র।

বীরভূমের ভূতপূর্ব্ব সিভিল সার্জন পরলোকগত কর্ণেল ডি বসু, আই এম এম, ভূতপূর্ব্ব জেলার জজ পরলোকগত

মিঃ কে এন, রায়, এম এ এবং ভূতপূর্ব্ব কালেক্টর মিঃ এম্ সি মুখার্জি, আই সি এম, মহোদয়গণের চেষ্টায় ১৮৩৩ সালে বীরভূম জিলার সদর সিউড়ি সহরে একটি ব্রাহ্মসমাজ সংস্থাপিত হয়। ভাষার সিউড়ি থাকাকালীন ব্রাহ্মসমাজের কার্য্য হুচাকরূপে নির্বাহিত হইত; ভাষার এই স্থান ত্যাগের সঙ্গে সঙ্গে ব্রাহ্মসমাজের কার্য্য সাধারণের বিশেষ উৎসাহ দেখিতে পাওয়া যায় না। একমাত্র শ্রীযুক্ত কৃষ্ণদয়াল রায় মহাশয় সমাজের কার্য্য উৎসাহের সহিত সম্পন্ন করিতেন; কিন্তু তিনিও সিউড়ি ত্যাগ করাতে সমাজের কার্য্য প্রায় ৮ বৎসর বন্ধ থাকে। কলিকাতা সাধারণ ব্রাহ্মসমাজের প্রচারক সময় সময় বাইয়া ব্রাহ্মসমাজ খুলিয়া উপাসনায় আচার্য্য কার্য্য করিয়া আসিতেন। প্রায় ৭৮ বৎসর সমাজের সম্পূর্ণ ভার লইবার কেহ না থাকায়, ঐ সময়ের মধ্যে সমাজের বেঞ্চ চেয়ার আলমারি, আলো প্রভৃতি সমুদয় চূরি হইয়া যায়। শ্রীযুক্ত কৃষ্ণদয়াল রায় মহাশয়ের চেষ্টায় এবং পরলোকগত ডাক্তার বসু ও পরলোকগত ট্রাষ্ট লর্ড সিংহের অহুমোদনে নলগাটি ব্রাহ্মসমাজের তত্ত্বাবধায়ক ও নৈশবিদ্যালয়ের ট্রাষ্টী শ্রীযুক্ত কালীদাস সরকার মহাশয় সিউড়ি ব্রাহ্মসমাজের ভার গ্রহণ করিয়াছেন; এবং এক্ষণে দৈনিক ও সাপ্তাহিক উপাসনার কার্য্য হুচাকরূপে নির্বাহিত হইতেছে। সমাজ-গৃহটী বহুদিন বে-মেয়ামত অবস্থায় থাকায় গত বর্ষায় সমাজের ছাদ হইতে প্রচুর জল পড়িয়াছে এবং দল্লজাগুলিও অধিকাংশ নষ্ট হইয়া গিয়াছে। সমাজের সংলগ্ন জমির উপর দিয়া সাধারণে ও নিকটবর্তী অতিবেশিসন্ধ্যাতাঘাতের পথ করিয়াছেন এবং কেহ কেহ সামান্য জমিও নিজ সীমানার মধ্যে লইয়াছেন। সমাজগৃহটী মেয়ামত এবং ভবিষ্যতে যাহাতে সমাজের সহিত অগ্রের জমির কোন গোলযোগ না হয় এবং সাধারণের যাতায়াত বন্ধ হয়, সেই জগু চারিধারে ২১০ ফুট উচ্চ পাকা প্রাচীর দেওয়া একান্ত প্রয়োজন হইয়াছে। শ্রীযুক্ত কালীদাস সরকার হোমিওপ্যাথ মহাশয় প্রস্তাব করেন “প্রাচীর দিবার সময় প্রাচীরের সহিত একটা ১৫ ফুট লম্বা এবং ৬ফুট প্রশস্ত রানীগঞ্জ টাইলের ঘর রাস্তার ধারে প্রস্তুত করিয়া ঐ স্থানে প্রত্যহ প্রাতে ৭ ঘটিকায় সমাগত দরিদ্র রোগীদিগকে হোমিওপ্যাথিক ঔষধ বিতরণ এবং সন্ধ্যায় দরিদ্র শ্রমজীবীদের জন্য অর্নৈতিক নৈশ বিদ্যালয় স্থাপন করা হয়।” এই সমুদয় কার্য্য সম্পন্ন করিতে অন্ততঃ ৫০০ টাকা প্রয়োজন। সিউড়ির জায় কুজ সহর হইতে ঐ টাকা সংগ্রহ হওয়া একান্ত অসম্ভব। সেইজন্য আপনার সমীপে এই আবেদন প্রেরণ করিতেছি আশা করি আপনি আমাদের প্রস্তাবিত এই সংস্থানে সাধ্যমত অর্থ সাহায্য করিবেন। আপনার সাহায্য সাধারণ ব্রাহ্মসমাজের সম্পাদকের নামে ২১১ নং কর্ণওয়ালিস স্ট্রীট, কলিকাতা, পাঠাইলে যথা সময়ে বীরভূমের সাপ্তাহিক এবং ইণ্ডিয়ান মেসেঞ্জার নামক ইংরাজী পত্রিকাতে কৃতজ্ঞতার সহিত স্বীকার করা যাইবে। ইতি

শ্রীহেমচন্দ্র সরকার।

সাধারণ ব্রাহ্মসমাজের সভাপতি ও প্রচারক।

ব্রাহ্মসমাজ প্রেস হইতে শ্রীজগদাননাথ রায় দ্বারা ৩০শে বৈশাখ মুদ্রিত ও প্রকাশিত। সম্পাদক—শ্রীকৃষ্ণদয়াল বসু বি, এ

অক্ষয়কামিনী

অসতো মা লদগময়,
ভমসো মা জ্যোতির্গময়,
মৃত্যোর্মামৃতং গময় ॥

ধর্ম্য ও সমাজতত্ত্ব বিষয়ক পাক্ষিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ খ্রীঃ, ১৫ই মে প্রতিষ্ঠিত।

৫২ম ভাগ।

১লা জ্যৈষ্ঠ, বুধবার, ১৩৩৬, ১৮৫১ শক, ব্রাহ্মসংবৎ ১।

প্রতি সংখ্যার মূল্য ৮০

৩য় সংখ্যা।

15th May, 1929.

অগ্রিম বাৎসরিক মূল্য ৩৯

প্রার্থনা

নিবেদন।

হে ধর্ম্যবহ পাপহীন বিশ্ববিধাতা, তুমিই রূপা করিয়া তোমার বিত্তক ধর্মের বার্তা আমাদের নিকট প্রকাশ করিয়াছ এবং আমাদের শতকটি দুর্কলতা সত্ত্বেও আমাদেরকে তাহার আশ্রয়ে আনিয়াছ। তোমার রূপা ব্যতীত আমরা কিছুতেই তোমার এই মুক্তিপ্রদ ধর্মের মর্ম গ্রহণ করিতে এবং সকল বাধা বিঘ্নের মধ্যে ইহাকে অবলম্বন করিতে পারিতাম না। সংসারের নানা দুঃখ তাপ মলিনতার মধ্যে তোমার অপার করুণাই আমাদেরকে এতদিন ধরিয়া রাখিয়াছে, তোমার জীবন্ত প্রেমের অপূর্ণ পরিচয় প্রদান করিয়া প্রাণে আশা ও বল সঞ্চার করিয়াছে। কিন্তু দুঃখের বিষয়, তোমার এত করুণা পাইয়াও আমরা এখন পর্যন্ত তাহার মূল্য ভাল করিয়া জ্ঞয়গ্রহণ করিতে পারিলাম না, আমাদেরকে যে কি উচ্চ অধিকার দিয়াছ তাহা সম্যক বুঝিতে পারিলাম না, তোমার ধর্মকে জীবনে সম্পূর্ণরূপে গ্রহণ করিতে দিলাম না। আমরা যদি আমাদের গুরুতর দায়িত্ব অহুভব করিয়া তোমার পবিত্র ধর্মের হাতে আপনাদিগকে অর্পণ করিতাম, তবে না আমরা কতই সুখী হইতে পারিতাম, তোমার ধর্মের গৌরবও না কতই বর্দ্ধিত হইত! আমাদের উদাসীনতা ও অবহেলাতেই আমরা এত মলিন ও দুর্কল হইয়া পড়িয়া রহিয়াছি; চারিদিকে কেবল মৃত্যুর বীজই ছড়াইতেছি। হে জীবনদাতা, তুমি আমাদের মধ্যে নব জীবনের সঞ্চার কর, আমরা যেন আর এমন কৃষ্ণের জায় পড়িয়া না থাকি। তোমার ধর্মকে তুমি আমাদের সকলের জীবনে গ্রহণ কর। আমাদের এই মঙ্গলকে প্রেমে পুনো সৌন্দর্যে মণ্ডিত কর, তোমার উপযুক্ত করিয়া পড়িয়া তোলা। তোমার পবিত্র ইচ্ছাই পূর্ণ হউক।

নন্দী—গঙ্গা, যমুনা, ব্রহ্মপুত্র, নর্মদা, সিন্ধু, কাবেরী, কত নদ নদী কোন্ অনাদি কাগ হতে বহিয়া চলেছে! কোন্ স্বর্গলোকে, কোন্ গিরিকন্দরে, তারা জন্মিল, জানি না; কিন্তু তারা দিন রাত চলেছে, কার সন্ধানে ছুটছে। অনন্ত সাগরে আপনাদিগকে হারিয়ে তাদের কৃতার্থতা। কত দেশ জনপদ উর্ধ্বর ক'রে যাচ্ছে; কত বাণিজ্যসস্তার বহন কচ্ছে; কত প্রাণে শাস্তি দিচ্ছে; তৃষ্ণা নিবারণ কচ্ছে; কল্যাণ ছড়িয়ে তারা আপন মনে কুল কুল রবে গান গাইতে গাইতে চলেছে। অনন্তের পানে ছুটছে। এ গতির বিরাম নাই, এ প্রতিরোধ কব্বার কারও সাধ্য নাই। এই সন্দীত-ধ্বনি অবিরাম অনন্ত গগনে উঠছে। আমারও ইচ্ছে হয়, সব ভুলে কেবল অনন্তের পানে ছুটি! আমারও ইচ্ছা হয়, প্রেম ও কল্যাণ ছড়িয়ে যাই; আমারও ইচ্ছা হয়, আপনাকে অনন্তের ভিতর হারিয়ে ফেলি। ঐ ত অনন্ত আমাকে ডাকছেন; ঐ ত প্রাণনাথ আমার প্রাণ উদাস ক'রে দিচ্ছেন। ঐ ত তাঁর ইচ্ছিত। তবে আমিও ছুটি—অনন্তের পানে ছুটি। তোমরা আমাকে বাধা দিও না, তোমরা কণিক স্বখে আমাকে ঠেকিয়ে রেখো না। আমি আত্ম কারও কথা শুনবো না; আপনার কিছু রাখব না; তোমাদের সব বিলিয়ে দিয়ে যাব। তোমাদের অস্ত রইল আমার জ্ঞয়ভরা প্রেম, রইল আমার প্রাণভরা কল্যাণ-কামনা ও মঙ্গলচেষ্টা। আমি ছুটলাম, নদীর মতন অনন্তের টানে, অনন্তের পানে।

পতঙ্গ—ওগো পতঙ্গ, তুমি কোথায় যাও, কোন্ দিকে তুমি ছুটছ? আগুনের দিকে? আগুনের টান বুঝি এড়াতে পার না? ওহে যে পুড়ে যাবে! ঐ দেখ না, শত সহস্র পতঙ্গ

পু'ড়ে ম'রে আছে। তবুও তুমি যাবে? পু'ড়ে ম'তে যাবে? এতটু টান, এতটু প্রেমের আকর্ষণ? প্রাণ দিয়ে তুমি আগুনকে বরণ করবে? ধন্য তুমি, ধন্য তোমার প্রীতি। আমারও ইচ্ছে হয়, প্রিয়তমের সৌন্দর্য্য দেখে তোমারই মত কতভাবে তিনি ডাকছেন, কতরূপে তিনি টানছেন, ইচ্ছিত কচ্ছেন! এ পথে চলছি, ছুটেছি, বেদনা পেয়েছি। প্রেমের আঘাত অনেক—প্রেম যে ভাবেই প্রাণকে মজিয়ে তুলুক, অনেক আঘাত সহিতে হয়। মানুষকে ভাল বাস, দেশকে ভাল বাস, সব প্রেমই ত সেট প্রেমের প্রকাশ। সব প্রেমই ত বেদনা; সব প্রেমতে আত্মবিলাপ। তবে আমি ছুটি। পতঙ্গ, তোমার মত আপনা ভুলে ছুটি। তোমার মত আত্ম-বিসর্জন দেই। আমার প্রাণের দেবতা ডাকছেন; ঐ যে তাঁর অপকৃপ জ্যোতি, ঐ যে তাঁর মনোমোহন আকর্ষণ! ঐ আকর্ষণে ছুটে যাউ, এ জীবন দান করি। প্রেম যে রূপেই আসুক, তাতেই বেদনা—প্রেমের জন্ত মৃত্যুতেই কৃতার্থতা। প্রাণ-প্রিয়ের জন্ত এ জীবন অর্পণ করি; মৃত্যুতেই নতুন জীবন।

নির্খল কর, উজ্জ্বল কর—মুকের মুখ দেখতে চাও, মুকের পরিষ্কার রূপে মুখ দেখতে চাও? মুকের খানি পরিষ্কার কর, নির্খল কর, উজ্জ্বল কর; তবেই তাতে তোমার মুখ, সকলের মুখ স্নান প্রতিভাত হবে। একটু ময়লা থাকলেও মুখ ভাল দেখা যাবে না। জীবন-মুকের ঈশ্বরের মুখ প্রতিভাত দেখবে? জীবনকে নির্খল কর, উজ্জ্বল কর, ময়লামুক্ত কর, পবিত্র কর। তুমি শুদ্ধভাবে অস্থান ক'রে যাচ্ছ, সব শাস্ত্র-বিধি পালন কচ্ছ। তাতে যে জীবন নির্খল হবে, ঈশ্বরের মুখ প্রতিভাত হবে, তা নয়। চিন্তে যদি একটু মিথ্যা ভাব থাকে, একটু মিথ্যা চিন্তা আসে, তা হ'লেও চিত্ত নির্খল হলো না। একটু অপ্রেম যদি আসে, একজনের প্রতিও যদি হিংসার ভাব জাগে, জীবন নির্খল হলো না। দৃষ্টিতে, বাক্যে, মনে, কার্যে যদি একটু কুভাব আসে, চিত্ত শুদ্ধ হলো না। যদি একটু স্বার্থের ভাব আসে, যদি স্বার্থকাঙ্ক্ষার, দয়ার কাঙ্ক্ষার পশ্চাতেও একটু অভিসন্ধি থাকে, তবে মন পবিত্র হলো না। জীবন নির্খল করলে ঈশ্বরের রূপ প্রতিভাত দেখবে। সকল অসত্য দূর কর, সকল অপ্রেম হ'তে মুক্ত থাক, চিন্তা, বাক্য, ভাব ও কার্যে পবিত্র হও, সকল অভিসন্ধি, সকল স্বার্থচিন্তা, সকল অহংকার থেকে মুক্ত থাক। সত্য আসুক, প্রেম আসুক, পবিত্রতা আসুক, ত্যাগ আসুক, সেবা আসুক, আত্মবিলাপ আসুক। চিত্ত শুদ্ধ হবে; নির্খল চিন্তে ঈশ্বরের প্রতিভাত হবেন।

সম্পাদকীয়

সাধারণ ব্রাহ্মসমাজের সভ্যের দাবি—

সাধারণ ব্রাহ্মসমাজ আমাদের ও জনতের নিকট যে উচ্চতম উদারতম ও বিত্তমতম ধর্মের আদর্শ ও তত্ত্ব প্রকাশিত করিয়াছে এবং ইহা এই একান্ত বৎসরের জীবনে যে কাণ্ড সাধন

করিয়াছে, তাহাতে আমরা সকলেই বিশেষ গৌরববোধ করিয়া থাকি। আমাদের আকাঙ্ক্ষা ও আদর্শের তুলনায় কাজ যে অতি সামান্যই হইয়াছে, সে কথা আমরা সকলেই জানি ও অনুভব করি; তথাপি এপয্যন্ত ইঙ্গা যাহা করিতে সমর্থ হইয়াছে তাহা যে নিতান্ত উপেক্ষণীয় নহে, তাহার মধ্যে সত্যই গৌরব অনুভব করিবার যথেষ্ট কারণ আছে, সে কথাও সকলকেই স্বীকার করিতে হইবে। বিশেষতঃ, ইহা প্রত্যেকেই যে উচ্চ অধিকার দিয়াছে, যে বিত্তমতম অদর্শ আমাদের সম্মুখে ধরিয়াছে, তাহাতে বাহিরের সকল কাজ অপেক্ষাও অধিকতর গৌরব অনুভব করিবার কারণ রহিয়াছে। কিন্তু ইহার কোনটাতেই যে অহংকার অনুভব করিবার কিছু নাই, সে কথা যেন আমরা কোনও ক্রমেই ভুলি না যাই। সত্য গৌরব-বোধ দৃষ্টিটাকে যেমন করুণাময় বিশ্বনিয়ন্ত্রার দিকে প্রসারিত করিয়া হৃদয়কে কৃতজ্ঞতায় পূর্ণ করিবে, তেমনি আমাদের অপূর্ণতার জানটাকে উজ্জ্বল করিয়া প্রাণে দায়িত্ববোধটাকেও আগ্রহ করিবে, আমাদের এ বিষয়ে আরও কত করিবার আছে তাহাও অনুভব করিতে সমর্থ করিবে। অহংকার যে ইহার সম্পূর্ণ বিপরীত ফলই উৎপন্ন করিয়া থাকে, তাহা বিশেষ করিয়া বলিবার কোনও প্রয়োজন নাই। স্তত্রাং অহংকার সর্বথা পরিত্যাজ্য হইলেও, গৌরবের অনুভবটা একান্ত বাঞ্ছনীয়। এই গৌরববোধটা যে আমাদের মধ্যে যথেষ্টই আছে, এ কথা ত বলিতে পারি না। কেন না, ইহাকে যে আমরা উপযুক্ত মূল্য প্রদান করিতেছি, সাধারণ ব্রাহ্মসমাজ আমাদেরকে কি অমূল্য জিনিষ দিয়াছে তাহা যে আমরা সম্যক প্রকারে হৃদয়ঙ্গম করিতে পারিয়াছি, এরূপ কোনও পরিচয় ত আমাদের জীবনে ঐ কাণ্ডে পাওয়া যায় না। যে ভাবে আমরা ইহার জন্মোৎসব সম্পাদন করি, তাহা ত ইহার বিপরীত সাক্ষ্যই দিতেছে। ইহার গুরুত্ব যদি আমরা সত্যভাবে অনুভব করিতাম, তবে নিশ্চয়ই মাঘোৎসব ও ভাদ্রোৎসব অপেক্ষাও ইহার উপর অধিকতর মূল্য প্রদান করিতাম, ইহার জন্ত অধিকতর কৃতজ্ঞ হইতাম। বাহিরের নানা ঘটনাবশতঃ ইহাদের বাহিরের আকারে অনিবার্য-রূপেই যে পার্থক্য ঘটিয়াছে, সে সম্বন্ধে কিছু বলিবার প্রয়োজন নাই। যদিও তাহার পরিবর্তনসাধন কোনও ক্রমেই সাধ্যাতীত নহে, তথাপি বর্তমান পার্থক্যের যথেষ্ট বাহিরের কারণ আছে স্বীকার করিয়া লইতে আমরা প্রস্তুত আছি। কিন্তু তাহা সত্ত্বেও আমাদেরকে বলিতেই হইবে যে, এই পার্থক্যের মূল কারণ বাহিরের অবস্থা ততটা নয় বরং অন্তরের। অন্তর বাহিরের উপর কিছু না কিছু কাণ্ড করিবেই,—যত অল্প পরিমাণেই হউক না কেন, বাহিরকে একটু প্রভাবান্বিত করিবেই। সে যাহা হউক, শুধু অন্তরের ভাব দিয়া বিচার করিতে গেলেও দেখিতে পাওয়া যাইবে যে, আমরা অধিকাংশই অতি লঘু ভাবে এই উৎসব সম্পন্ন করিয়া থাকি, ইহার গুরুত্ব যথেষ্ট পরিমাণে অনুভব করিয়া বেরূপ কৃতজ্ঞ-চিত্ত হওয়া উচিত তাহা হই না। আমরা সাধারণ ব্রাহ্ম-সমাজের মধ্য দিয়া করুণাময়ের যে অপার করুণা পাইয়াছি, তাহা সম্যক প্রকারে অনুভব করিলে, এই সময়ে তাহার

মহৎ আদর্শটাকে জীবনে উজ্জ্বল রূপে ফুটাইয়া তুলিবার জন্ত, সর্ব প্রকারে তাঁহার অঙ্গুত হইয়া তাঁহার ধর্মের গৌরবকে বর্ধিত করিবার এবং ইহার সাধনে ও সেবায় নিজেয়া ধন ও কুতর্থা হইবার জন্ত, আকুল আকাঙ্ক্ষা ও প্রার্থনা আমাদের প্রাণে স্বভাবতঃই অধিকতর প্রবল হইত। আমরা কিছুতেই একরূপ উদাসীনতার মধ্যে ডুবিয়া থাকিতে পারিলাম না। ইহাতেই প্রমাণিত হইতেছে যে, আমরা যাহা পাইয়াছি তাহার মূল্যটা ভাল করিয়া বুঝিতে পারি নাই। কিন্তু আমরা ইহার প্রসাদে যে সকল উচ্চ অধিকার পাইয়াছি তাহাকে যে আমরা মোটেই মূল্যবান জ্ঞান করি না, তাহার জন্ত যে আমাদের কোনও আগ্রহ ও আকাঙ্ক্ষা নাই, এমন নহে। বরং একভাবে আমরা তাহাদিগকে যথেষ্টই মূল্যবান মনে করি, তাহা লাভ করিবার জন্ত খুবই বাস্ত। কেন না, অধিকার স্থাপন ও রক্ষা করা বিষয়ে আমাদের কোনও প্রকার শৈথিল্য বড় একটা লক্ষিত হয় না, অপিচ একটু অতিরিক্ত আগ্রহ ও চেষ্টাই দেখিতে পাওয়া যায়। তবে দুঃখের বিষয় এই যে, আমরা অনেকেই শাঁস ফেলিয়া খোসার পশ্চাতে ছুটিয়া বেড়াইতেছি। আমাদের দৃষ্টিটা অন্তরের পরিবর্তে বাহিরেই নিবদ্ধ। আমরা অধিকারের জন্ত যত ব্যস্ত, তৎসংসৃষ্ট কর্তব্যপালনদ্বারা কল্যাণ ও উন্নতির জন্ত তাহার শতাংশের একাংশও চেষ্টিত নহি। আমাদের পূর্ণ বিকাশের জন্তই, সুস্থ স্বন্দর মহৎ জীবন, প্রকৃত মনুষ্যত্ব, লাভের জন্তই যে আমরা অন্তরের ও বাহিরের সকল বন্ধন হইতে মুক্তি পাইয়াছি, পূর্ণ স্বাধীনতা প্রাপ্ত হইয়াছি, তাহা না ভাবিয়া বা না দেখিয়া, আমরা বাহিরের মুক্তি ও স্বাধীনতাটাকেই একমাত্র লক্ষ্য বলিয়া ধরিয়াছি। ইহাতে যে আমরা আসল মূল্যবান বস্তুটা হইতেই বঞ্চিত হইতেছি, তাহা একবারও ভাবিয়া দেখিতেছি না বা বিন্দু পরিমাণেও বুঝিতে পারিতেছি না। এই হেতু আমরা প্রকৃত মুক্তি বা স্বাধীনতা কাহাকে বলে তাহা বুঝিতে অসমর্থ হইয়া যে উচ্ছ্বলতার মধ্যেই যাইয়া পড়ি এবং ইহের পরিবর্তে নিজেদের ও অপরের মহা অনিষ্টই সাধন করি, তাহাও কখন চিন্তা করিয়া দেখি না বা বুঝিতে সমর্থ হই না। কল্যাণ ও উন্নতির সীমাকে লঙ্ঘন করিলে স্বাধীনতা দাড়াইতে পারে না, উচ্ছ্বলতায় পরিণত হইয়া অকল্যাণই উৎপন্ন করে, একথা একমাত্র তাহারাই বুঝতে পারে, বিধাতানির্দিষ্ট মহৎ লক্ষ্যের দিকে যাহাদের দৃষ্টি আছে, প্রকৃত পক্ষে মানবজীবনের সার্থকতা কোথায় যাহারা বুঝিতে পারিয়াছে। সে লক্ষ্য ও দৃষ্টি যাহাদের নাই তাহারা যে শাঁস ছাড়িয়া খোসার পশ্চাতে ছুটিয়া নিজের ও অপরের জন্ত কেবল দুঃখ কষ্ট ব্যর্থতাই সংগ্রহ করিবে, তাহা বিস্তারিত করিয়া বলিবার কোনও প্রয়োজন নাই। একটু পরীক্ষা করিয়া দেখিলে দেখা যাইবে, সকল প্রকার অধিকার সব্বক্কেই এই এক কথা। উন্নতি ও বিকাশের, ব্রহ্মাঙ্গুত জীবন স্থাপন করিবার, অধিকারই মাহুষের সর্ব শ্রেষ্ঠ অধিকার—অপর সমস্তই ইহার অন্তর্গত। অথচ মাহুষ অনেক সময় এই মূল কথাটা ভুলিয়া নানা অধিকার লাভের ও স্থাপনের জন্ত সর্বদা ব্যস্ত হয়, সংগ্রামেও প্রবৃত্ত হয়। ইহার অতিরিক্ত বা বিরোধী

কোনও অধিকার যে বিধাতা কাহাকে দেন নাই, সে রূপ কোনও অধিকার থাকিলেও যে কল্যাণের পরিবর্তে উহা অকল্যাণেরই কারণ হইবে, এবং প্রকৃতপক্ষে অধিকারের সঙ্গে কর্তব্য ও দায়িত্ব যে অচ্ছেদ্য সম্বন্ধে মশ্বক, কর্তব্যশূন্য কোনও অধিকার যে বিধাতা কাহাকেও প্রদান করেন নাট, একটু অঙ্গুসন্ধান করিলেই আমরা সহজে এই সত্যটা বুঝিতে পারি। অধিকারের প্রকৃত মণ্ড বুঝিতে না পারিয়াই আমরা উহার অপব্যবহার দ্বারা নিজের ও অপর সকলের অকল্যাণ সাধন করি, সংগারে নানা বিরোধ ও দুঃখ কষ্ট অশান্তি উৎপাদন করি। অধিকারের অর্থ যে অপরের উপর ক্ষমতাপরিচালন নহে, অব্যাহত ভাবে ও প্রকৃষ্ট রূপে আপনার কর্তব্যপালনদ্বারা নিজের ও অপরের কল্যাণসাধন, ইহাই ব্রাহ্মধর্মের শিক্ষা। সাধারণ ব্রাহ্মসমাজ আমাদেরকে এ বিষয়ে যেরূপ পূর্ণ অধিকার প্রদান করিয়াছে, অব্যাহত-ভাবে বৈদগ্ধচিত্তচালনার, সকল কর্তব্যসম্পাদনের ও সমাজেব সেবা করিবার বে সুযোগ দিয়াছে, আর কোথাও তাহা দেখিতে পাওয়া যায় না। আমরা যে অনেক সময় ইহাকে বিকৃত দৃষ্টিতে দেখিয়া আমাদের শ্রেষ্ঠ ও প্রকৃত অধিকার হইতে বঞ্চিত হই, তাহা বলা বাহুল্য মাত্র—মানুষের কার্যকলাপ একটু সূক্ষ্ম ভাবে পরীক্ষা করিলেই সহজে তাহা বুঝিতে পারা যাইবে। সর্বশ্রেষ্ঠ অধিকারের উপরই যদি আমরা দৃষ্টি নিবদ্ধ রাখি, তাহা হইলে আমাদের আর একরূপ ভ্রমে পড়িতে হয় না। তখন আমরা সহজেই বুঝিতে পারিব, সমগ্র মন প্রাণ দিয়া জীবনের সকল প্রকার কর্তব্যগুলি সম্পন্ন করিয়া যাওয়ার এবং সকল বিষয়ে ব্রহ্মাঙ্গুত জীবন স্থাপনদ্বারা নিজের ও জগতের কল্যাণসাধন করিবার বিধাতাদত্ত অধিকার অপেক্ষা উচ্চতর ও মহত্তর অধিকার আর কিছু নাই—প্রকৃত মনুষ্যত্বলাভের, মানবজীবনের সার্থকতাসাধনের, চিরস্থায়ী বিত্তক সুখশান্তি অর্জনের, প্রকৃষ্টতর উপায়ও আর কিছুই নাই। কাজেই এ বিষয়ে আমাদের গুরুতর দায়িত্ব রহিয়াছে। সাধারণ ব্রাহ্মসমাজের জন্মদিন উপলক্ষে প্রত্যেক সভ্যকে এই গুরুতর দায়িত্বের বিষয়ই বিশেষভাবে চিন্তা করিতে হইবে। ইহা ব্যতীত আমাদের কাহারও ব্যক্তিগত উন্নতি ও বিকাশের কোনও সম্ভাবনা নাই, সমাজেরও কল্যাণ নাই—কোনও প্রকার আনন্দ সুখেরও আশা নাই। প্রেমময় পিতা আমাদের নিকট তাঁহার পবিত্র ধর্মের সুমহান আদর্শ প্রকাশ করিয়া এবং আমাদেরকে এই ধর্মের আশ্রয়ে আনিয়া, আমাদের গ্রাম অযোগ্য ব্যক্তির প্রতি যেমন অপার করুণা প্রদর্শন করিয়াছেন, তেমনই দুর্বল সম্মানদের স্বক্ষে অতি গুরুতর দায়িত্বভার গুপ্ত করিয়াছেন। তিনি যে ভার প্রদান করেন, তাহা বহন করিবার বলও চিরদিনই তিনিই দিয়া থাকেন। আমাদের কাণ্ড যতই কঠিন বলিয়া অজুত হউক না কেন, আমরা যদি সরল ভাবে আমাদের কর্তব্যপালনে আকাঙ্ক্ষিত ও চেষ্টাযুক্ত হই এবং সকল প্রকার দুর্বলতার মধ্যে আকুল প্রাণে তাঁহারই শরণাপন্ন হই, তবে কখনও আমরা তাঁহার করুণা ও সহায়তা হইতে বঞ্চিত হইব না,—তিনি কখনও আমাদেরকে পরিত্যাগ করিবেন না, নিশ্চয়ই

প্রয়োজনীয় বুদ্ধি ও শক্তি দিবেন। আমরা যেন আমাদের গুরুতর কর্তব্য ও দায়িত্বের কথা ভুলিয়া আর বৃথা উদাসীন ভাবে জীবন ক্ষয় না করি, অথবা অন্যের মিথ্যা কথাকে ভুলিয়া বিপথে গমন করিয়া মৃত্যু ও অকল্যাণকে ডাকিয়া না আনি। মঙ্গলবিধাতা আমাদের গুরুতর কর্তব্য ও দায়িত্বের কথা ভুল করিয়া হৃদয়ঙ্গম করিতে ও তদনুযায়ী জীবন যাপন করিতে সমর্থ করুন। আমাদের জীবনে ও সমাজে তাঁহার দক্ষ অঙ্গবৃত্ত হউক। তাঁহার ইচ্ছাই পূর্ণ হউক।

সাধন।

ব্রহ্ম বিচিত্র রূপ। এই অশ্রেয় ভক্তের প্রাণে তাঁর আশ্বাদনও বিচিত্র প্রকার। প্রত্যয়ে ভক্ত তাঁর যে আশ্বাদন পান, বিপ্রহরের আশ্বাদন সেরূপ নয়; সঙ্কায় বা নিশীথে অশ্রু প্রকার। প্রকৃতির শ্রী যেমন মুহূর্তে মুহূর্তে বদলায়, ভক্ত হৃদয়ে ব্রহ্মের রূপও তেমনি বদলায়; সঙ্কে সঙ্কে তাঁর আশ্বাদনও বদলায়। কালের পরিবর্তনে যেমন ব্রহ্মের আশ্বাদন বদলায়, স্থানের পরিবর্তনেও তেমনি। রুদ্ধপ্রকোষ্ঠে তাঁর যে আশ্বাদন, প্রান্তরে বা সাগরতটে অথবা পর্বতশিখরে ঠিক সেই আশ্বাদন নয়। এক এক স্থানে হৃদয়ে এক এক প্রকার ভাব উদ্ভিত হইয়া, তাঁর আশ্বাদনকে ভিন্ন করে।

কাল ও স্থানের গুণ, জীবনের বিভিন্ন অবস্থাও ব্রহ্মের বিচিত্র আশ্বাদ জন্মায়, সুখে সম্পদে, সুযোগ সুবিধায়, আশায় আনন্দে, ভক্ত তাঁর বিধাতার যে আশ্বাদন পান, দুঃখে বিপদে, বিয়ে প্রতিকূলতায়, নিরাশায় নিরানন্দে সেই আশ্বাদন পান না। প্রতি অবস্থার আশ্বাদন ভিন্নরূপ। কৃতজ্ঞতায় তাঁর একরূপ আশ্বাদন, ভয়ে অশ্রু রূপ, শোকে আবার অশ্রু প্রকার। হৃদয়ের সরসতায় একরূপ আশ্বাদন, শুষ্কতায় অশ্রু আশ্বাদন। শুষ্কতার সময়ে আমরা তাঁকে পাই না, মনে করি; ইহা ভুল। সরসতায় তিনি যেমন হৃদয়ে থাকেন, শুষ্কতায়ও তেমনি হৃদয়ে থাকেন; কোথাও সরিয়া যান না;—কেবল আশ্বাদন ভিন্ন। যখন তাঁকে পাই না ভাবি, তখনও তাঁকে পাই—না জানিয়া পাই; অশ্রুভাবে পাই। কাছেই থাকেন, প্রাণেই থাকেন, কেবল আশ্বাদন বদলিয়া যায়। বিচ্ছেদেও প্রাপ্তি আছে; কিন্তু সেই প্রাপ্তি অশ্রু প্রকার। যেমন তরুলতা শ্রাবণের বারিধারায়ও প্রকৃতিমাতার করুণা পায়, নিদাঘের উত্তাপেও তাঁহার করুণা পায়, কেবল উভয় প্রকার করুণার আকার ভিন্ন; তেমনি আমরাও সরসতায় ও নীরসতায়, বিচ্ছেদে ও মিলনে, লীলাময় বিধাতার করুণা বিভিন্ন আকারে পাইয়া থাকি। বাস্তবিক, বিচ্ছেদ নাই; কেবলই মিলন। বিচ্ছেদ আমাদের ভ্রান্তি।

পাপী কি পুণ্যময় ব্রহ্মকে পায় না? পায়; ভিন্নরূপে পায়; শাস্তিদাতা-রূপে পায়; রুদ্ধরূপে পায়। কিন্তু তাঁকে

পায় বলিয়া বুঝিতে পারে না। মা যখন আদর করেন, তখন যেমন মা, যখন শাস্তি দেন, তখনও তেমনি মা। ব্রহ্মকে আমরা পুণ্যে পাপে সকল সময়েই পাই; কেবল আশ্বাদন ভিন্ন রকম হয়। রোগের সময় চিনি তিক্ত লাগে। তিক্ত লাগিলেও উহা চিনিই। তিক্ত স্বাদ বশতঃ আমি যদি উহাকে চিনি বলিয়া বুঝিতে না পারি, তথাপি উহা চিনি ভিন্ন আর কিছুই নয়।

বুঝি আর না বুঝি, দিন রাত্রি তাঁকেই পাইতেছি—সকল আশ্বাদন তিনিই জন্মাইতেছেন। আমার সঙ্গে তাঁরই অবিরাম লীলা, বিচিত্র লীলা! এই অশ্রুই ব্রহ্ম-ভক্তের সাধন জীবনব্যাপী। জীবনের কোনও একটি মুহূর্তকে বা কোনও একটি ঘটনাকে তিনি সাধনক্ষেত্রে ব হিরে ফেলিতে পারেন না। সাধন আর কি?—সকল কালে, সকল স্থানে, সকল অবস্থায়, সকল ঘটনায়, তিনি যে সঙ্গে আছেন ও সাক্ষাৎভাবে লীলা করিতেছেন, তাই দেখা; আর না দেখিতে পাইলে দেখিবার উপায় করা। না দেখিতে পাইলে, দেখিবার উপায় করা তাই! না দেখিলে, জীবন যে দুঃখময় ও ব্যর্থ। জীবনে সকল ভোগের মধ্য দিয়া কাহাকে পাইতেছি, তাই যদি না জানিলাম, তবে ত জীবনের অর্থই পাইলাম না। সুখ দুঃখের আন্দোলনে আন্দোলিত হইলাম, কিন্তু ফল কিছুই হইল না।

প্রথম তাঁকে সত্যভাবে চেনা চাই। বস্তুর লক্ষণ না জানিলে, অন্বেষণ-বিপথগামী হয়। আর লক্ষণ না জানিলে, পাইয়াও হয়ত হেলায় ফেলিয়া গিয়া মনের কল্পনার পশ্চাতে ধাবিত হইব।

পরমেশ্বরের অস্তিত্বের স্মরণ আভাস মাহুৎস মাজেরই মনে স্বভাবতঃ আসে। কিন্তু বাল্যকাল হইতে তাঁর সখকে নানারূপ জড়ীয় ভাব ও মানবীয় ভাব কল্পনার সহিত মিশ্রিত থাকে। চারিদিকের মাহুৎসের ব্রাহ্ম সংস্কারও সেই কল্পনাকে বিশ্বাসে পরিণত করে। এ সকল ব্রাহ্ম কল্পনা ও ব্রাহ্ম বিশ্বাসকে মন হইতে দূর করিয়া, তাঁর সখকে সত্য ধারণা পাইবার জন্য ব্রহ্ম-বিদ্যার চর্চা করা প্রয়োজন। পরমেশ্বরকে রাগ ঘেঁষ, পক্ষপাতিতা, প্রতুষ্প্রিয়তা, স্তুতিপ্রিয়তা, যথেষ্টাচারিতা প্রভৃতি হইতে মুক্ত বলিয়া জানা আবশ্যিক। তাঁকে অসীম অথচ ক্ষুদ্রের সহিত সখকবিশিষ্ট, শক্তিমান্ অথচ সংযত, গায়বান্ অথচ করুণাময়, সাধারণের অথচ প্রত্যেকের, বলিয়া বোঝা, এবং তাঁর নিয়ম-সকলকে অমোঘ, সমদণ্ডী, দোষরহিত ও মানবাত্মার সর্বাঙ্গীণ কল্যাণের সহায় বলিয়া জানা প্রয়োজন। দীর্ঘকালব্যাপী ব্রহ্ম-বিদ্যার আলোচনা ভিন্ন এ সকল বিষয়ে সন্দেহাতীত জ্ঞান লাভ করা যায় না। সুতরাং ব্রহ্মবিদ্যার চর্চা এক প্রধান সাধন। এই সাধন সাকারবাদী পরিবার হইতে আগত সন্তানদেরও যেমন প্রয়োজন, নিরাকারবাদী পরিবারে উৎপন্ন সন্তানদেরও তেমনি প্রয়োজন। কারণ, কেবল সাকারবাদ হইতে মুক্ত হইলেই ব্রহ্মরূপ সখকে সকল জ্ঞান লাভ হইয়া যায় না। নিরাকারবাদী হইয়াও ব্রহ্মরূপ সখকে নিতান্ত কুসংস্কারাচ্ছন্ন থাকা কিছুমাত্র অসম্ভব নহে। আর এই সাধন যে শুধু প্রথমাবস্থায়ই প্রয়োজন, পরে প্রয়োজন নাই, তাহাও নহে। সর্বদাই তাঁর সখকে নির্মল হইতে নির্মলতর জ্ঞান লাভের প্রয়োজনীয়তা আছে।

ব্রহ্মজ্ঞানের গুণ, একত্বভিত্তিক ও চর্চার প্রয়োজন। তত্ত্ব-

বিগত ৮ই মাঘ সঙ্কতমতায় উৎসব উপলক্ষে পূর্ব-বাক্যলা ব্রাহ্মসমাজমন্দিরে শ্রীযুক্ত অমরচন্দ্র ভট্টাচার্য্য কর্তৃক পঠিত।

বিষয়ক গ্রন্থাদি পাঠ, ভক্তদের জীবনচরিত পাঠ এ বিষয়ে পরম সহায়। ধর্ম-শাস্ত্রের কার্য কেবল জ্ঞানদান নয়; অহুসার উৎপাদন, উদ্দীপনা প্রদান এবং সাধনপথে আলোক-পাতও ধর্ম শাস্ত্রের কার্য। স্মরণ্য উৎকৃষ্ট শাস্ত্র পাঠ আমরা জীবনের কোনও অবস্থাতেই পরিত্যাগ করিতে পারি না।

জগতের সকল শাস্ত্রই আমাদের শাস্ত্র। আমরা কোনওটিকে পরের শাস্ত্র বলিয়া বাদ দিতে পারি না। উপনিষদ্ পাঠে ত্রয়ের যে পরিচয় পাই, গীতায় ঠিক তাহা নয়। ভাগবতে অল্পরূপ। কোরাণে বা বাইবেলে আবার অল্পপ্রকার। প্রত্যেকটির রস ভিন্ন, উপকারিতা ভিন্ন। একটিকে পরিত্যাগ করিলে আমরা ধর্ম-জীবনে সেই পরিমাণে বঞ্চিত হইব।

পূর্বে শাস্ত্র সম্বন্ধে জাতিভেদ ছিল। ঋগ্বেদ এক শ্রেণীর লোকের শাস্ত্র; তঁাহারা ঋগ্বেদী। তঁাহাদের সন্ধ্যাবন্দনা ও জাহাদি অহুষ্ঠানের মন্ত্র ঋগ্বেদ হইতে গৃহীত। অগ্নি বেদের মন্ত্রে সন্ধ্যাবন্দনা করা বা ক্রিয়াহুষ্ঠান করা তঁাহাদের পক্ষে অবৈধ। সামবেদ আর এক শ্রেণীর শাস্ত্র; তঁাহারা সামবেদী। তঁাহাদের সন্ধ্যাবন্দনাদির মন্ত্র সামবেদ হইতে গৃহীত; তঁাহাদেরও সেইগুলি পরিবর্তন করিবার ঘো নাহি। এইরূপে ভিন্ন ভিন্ন বেদের আশ্রিত ব্রাহ্মণেরা ভিন্ন ভিন্ন শ্রেণীতে বিভক্ত ছিলেন। পরিচয় জিজ্ঞানার সময়, নাম, পিতার নাম, গোত্র, প্রবর ইত্যাদির সঙ্গে একটি প্রশ্ন হত—“আপনাদের কোন্ বেদ?” উত্তর—অমুক বেদ। আমরাদিগকে বাল্যকালে এইরূপ প্রশ্নোত্তর শিক্ষা দেওয়া হইয়াছিল। তোমার নাম কি? পিতার নাম কি? কোন্ শ্রেণীর ব্রাহ্মণ? উত্তর—শ্রোত্রীয়। রাঢ়ী না বৈদিক? উত্তর—বৈদিক। কোন বেদ? যজুর্বেদ। কোন্ শাখা? কৃষ্ণ শাখা। যজুর্বেদের দুই শাখা আছে—শুক্ল যজুর্বেদ ও কৃষ্ণ যজুর্বেদ। ‘কৃষ্ণ শাখা’ পদ্যান্ত আমরাদিগকে প্রশ্নোত্তরে বলিতে হইত। যজুর্বেদ কখনও দেখি নাই; উহা কি বস্তু জানিতাম না। ‘কৃষ্ণ শাখা’ শব্দের অর্থ কি তাহাও জানিতাম না। যজুর্বেদ দেখিবার বা জানিবার বা যজুর্বেদ অহুসায়ী ব্রহ্ম সাধনার বিপ্লুমাত্রও সম্ভাবনাও ছিল না; ওথাপি বলিতাম, আমার যজুর্বেদ। স্বপ্নের বিষয় বেদের দ্বারা এইরূপ শ্রেণী বিভাগের রীতি আজকাল চলিয়া যাইতেছে। উদার ইংরাজী শিক্ষার শিক্ষিত ব্যক্তিদের মধ্যে বোধহয় এমন একজনও নাই, যিনি বলিবেন,—“আমার অমুক বেদ”। এখন চারি বেদই সকলের হইয়া গিয়াছে। ধর্মপিপাসু শিক্ষিত হিন্দু সকল বেদ হইতেই আত্মার আহার সংগ্রহ করেন। তেমনি সেইদিন আসিতেছে, যখন আর বেদ বাইবেল কোরাণ বা জেন্দ-আবেস্তার দ্বারাও মানুষের শ্রেণী বিভাগ থাকিবে না। সকল শাস্ত্রই সকলের হইবে। আমি বেদপন্থী, উনি বাইবেলপন্থী, তিনি কোরাণপন্থী, এইরূপ পরিচয় দিতে লোকে লজ্জা বোধ করিবে। তখন সকল সম্প্রদায় এক পন্থী হইবে—সত্যপন্থী, উপরপন্থী। মহাত্মা রামা রামমোহন রায়ের শিক্ষার ফলে আমরা এই আলোক পাইয়াছি। আমরা আর শাস্ত্র সম্বন্ধে সর্কারী ভাব গোষণ করিতে পারি না। বাস্তবিক, যার

ধর্মপিপাসা নাই, অথবা যার মন কুসংস্কারে আচ্ছন্ন, কেবল সে-ই শাস্ত্র সম্বন্ধে সর্কারী সীমায় আবদ্ধ থাকিতে পারে।

যেমন শাস্ত্র সম্বন্ধে, তেমনি সাধু সম্বন্ধে। আমরা জগতের কোনও সাধুকে ভিন্ন সম্প্রদায়ের বলিয়া অনাদর করিতে পারি না। অমুক অমুক সাধু মহাজন আমাদের আপন, আর অন্তেরা পর, এইরূপ ভেদ করিলে উদার বিশ্বজনীন ধর্মের সাধনা হইতে পারে না। একটি মাত্র মহাপুরুষকে আশ্রয় করিয়া তাঁহার উপদেশে জীবন গঠন করিলে গভীর ধর্মভাব লাভ হইতে পারে না, এমন কথা বলি না; কিন্তু অসাম্প্রদায়িক মহাধর্মের যে আলোক আমরা পাইয়াছি, তাহাকে উজ্জ্বল করিয়া ধরা, এবং সকল সম্প্রদায়ের মিলন সাধন করাও আমাদের একটি কর্তব্য। আমরা কোনও একজন মহাপুরুষের প্রদর্শিত পথ বিশেষভাবে আশ্রয় করিতে পারি, কিন্তু সকলের উপদেশের প্রতিই প্রণিধান করা এবং সকলকে যথাযোগ্য ভক্তি প্রদান করা আমাদের কর্তব্য।

অতীতের সাধুগণের উপদেশ ও চরিত্রের আলোচনা যেমন প্রয়োজন, বর্তমান সাধুদিগের সঙ্গও তেমনি বা ততোধিক প্রয়োজন। সাধুসঙ্গ ধর্মাহুসার বর্ধিত করে, এবং প্রতিকূল অবস্থাসকলের মধ্যে বল দেয়। কিন্তু বর্তমানে সাধু সঙ্কলন পাইতে হইলে অন্তরে শঙ্কার প্রয়োজন। দোষেণ্ডে মিশ্রিত মানুষের মধ্যেই শঙ্কার যোগে মৎস্ব দেখা প্রয়োজন। ইহা যদি না পারি, যদি দোষের অংশই প্রধান ভাবে দেখি, তবে বর্তমানে সাধু খুঁজিয়া পাইব না। ভক্ত প্রকাশচন্দ্র রায় মহাশয় বলিতেন, “চারি দিকেই সাধু রহিয়াছেন; শঙ্কার সহিত গুণগুলি দেখিলেই সাধু; অশঙ্কায় দোষ দেখিলেই অসাধু।” তিনি আরও বলিতেন, “সাধু গাড়িয়া, তাহার সঙ্গ করিতে হয়। প্রত্যেক মানুষের মধ্যেই সাধু আত্মা বর্তমান। সংকথা বলিয়া, সদ্ব্যবহার করিয়া, তার সাধুতাকে জাগাইয়া তুলিতে হয়। ইহা করিলে, প্রতিদিনই সাধুসঙ্গ সম্ভব।” তিনি বলিতেন, “সদালাপ এ সদ্ব্যবহার দ্বারা শিশুর সহিত বা ভৃত্যের সহিতও সাধুসঙ্গ করা যায়।”

সঙ্গীতসংকীর্তন, আরাধনা, ধ্যান, প্রার্থনা, স্তোত্রপাঠ, নাম-জপ প্রভৃতি কোনও সাধনকে আমরা বাদ দিতে পারি না। এ সকলের প্রত্যেকটিতে এক এক প্রকার রস। কৃষ্টি ও প্রয়োজন অনুসারে আমাদের সকল রসই আশ্বাদন করা কর্তব্য। আমরা আরাধনা ও প্রার্থনা এবং এ দুয়ের সহায়রূপে সঙ্গীতকে সর্ব-প্রধান সাধনরূপে অবলম্বন করিয়াছি। যেমন বৈষ্ণব ধর্মবিধানে নামসংকীর্তন ও নামজপ প্রধান সাধন হইয়াছিল, তেমনি ব্রাহ্ম-ধর্মবিধানে আরাধনা ও প্রার্থনা প্রধান সাধন হইয়া দাঁড়াইয়াছে। আমাদের প্রত্যেক পারিবারিক ও সামাজিক অহুষ্ঠানে আরাধনা প্রার্থনা ও সঙ্গীত অপরিহার্য অঙ্গ হইয়া গিয়াছে। এমন সর্ব-সাধারণের উপযোগী ও ফলপ্রদ সাধনাকে যে আমরা সমাজের অন্তিমজ্জায় গ্রহণ করিয়াছি, ইহা মজলজনক। “সত্যং জ্ঞানমনস্তং ব্রহ্ম” ইত্যাদি আরাধনামন্ত্রটি নবযুগের নূতন গায়ত্রী হইয়া দাঁড়াইয়াছে। এই মন্ত্র ও ইহার ভাব আমাদের সকল সাধনার কেন্দ্র হইয়াছে। এই শ্রেষ্ঠতর মন্ত্র পাইয়া আমরা আর ইচ্ছা

করিলেও পুণ্যাতন গায়ত্রী মন্ত্রে ফিরিয়া যাইতে পারিতেছি না। প্রাচীন গায়ত্রীতে পাইয়াছিলাম—“সেই জগৎপ্রসবিতা দেবতার বনীয় হেতুকে ধ্যান করি, যিনি আমাদের বুদ্ধিবৃত্তি সকলকে প্রেরণ করিতেছেন।” ইহা ধ্যান করিবার উদ্বেগ। নূতন গায়ত্রী মন্ত্রে সত্য সত্য ধ্যান করিলাম—তিনি “সত্যস্বরূপ, জ্ঞান-স্বরূপ, অনন্ত ব্রহ্ম; যিনি আনন্দরূপে অমৃতরূপে প্রকাশ পাইতেছেন; শাস্ত্রস্বরূপ, মঙ্গলস্বরূপ, অধিতীয়; শুদ্ধ পাপস্পর্শ-শূণ্য”। এই মহামন্ত্রের সাধনায় আমরা জ্ঞাতসারে ও অজ্ঞাত-সারে পরিভ্রাণের পথে অগ্রসর হইতেছি। আমরা অনেক সময় এই মহামন্ত্রের মূল্য না বুঝিয়া, ইহাকে হেলায় ব্যবহার করিতেছি। কিন্তু ব্রাহ্মসমাজ সাধনরাজ্যে যাহা কিছু নূতন আনিয়াছেন, তন্মধ্যে এই মন্ত্র ও ইহার অবলম্বনে আরাধনাই প্রধান। এই আরাধনায় কত তাপিত আত্মা জুড়াইতেছে; কত পিপাসু আত্মা জ্ঞান-স্রোত পুণ্যে অগ্রসর হইতেছে! সংসার-মরুভূমিতে ইহা ওয়েসিসের জায় আমাদিগকে আশ্রয়, আশ্বাস ও সাহায্য দিতেছে। আমাদের মধ্যে যাহারা সজ্ঞানে কোনও সাধনাই করি না, তাহারাও শোকতাপের সময়ে এই আরাধনা ও প্রার্থনা দ্বিগুণা বাঢ়িয়া যায়। ব্রাহ্ম পরিবারে মৃত্যুঘটনা ঘটিলে, আর বন্ধুজনের প্রবোধবাক্যের বড় প্রয়োজন হয় না। তাঁহারা আসিয়া যদি আরাধনা ও প্রার্থনায় সাহায্য করেন, তবে তাহাতে ডুবিয়া শোকাক্ত পরিবার প্রচুর সাহায্য লাভ করেন। এমন দুর্দিনের সম্মুখি আর কি আছে? আরাধনা ও প্রার্থনা আমাদের মৃত্যুশয্যারও সহল। কত ব্রাহ্ম ব্রাহ্মিকা, এমন কি ব্রাহ্ম ঘরের কত বালক বালিকা, মৃত্যুকালে এই আরাধনা প্রার্থনা ও তাহার সত্যস্বরূপ সঙ্গীতের অবলম্বনে মৃত্যুভয়কে অতিক্রম করিয়া হস্তমুখে পরলোক চলিয়া গিয়াছেন! এমন বস্তুকে অবহেলা করা আমাদের কোনও মতে উচিত নয়।

উপাসনা তিন প্রকার—ব্যক্তিগত, পারিবারিক ও সামাজিক। তিন প্রকার উপাসনার আশ্বাসন ও ফল ভিন্ন ভিন্ন। একটির কার্য্য অপরটির দ্বারা হয় না। প্রত্যেকটিই অবলম্বন-যোগ্য। একজন ভক্ত বলিয়া থাকেন, “ব্রাহ্মকে তিন প্রকোষ্ঠে ব্রহ্মের উপাসনা করিতে হইবে—প্রথম, নির্জনে মনোমন্দিরে; দ্বিতীয়, পরিজনের সহিত গৃহমন্দিরে; তৃতীয়, সর্বসাধারণের সহিত সমাজমন্দিরে।” এই তিন প্রকোষ্ঠের একটিকেও বাদ দিলে পূর্ণাঙ্গ উপাসনা হয় না। কিন্তু, এই তিন প্রকোষ্ঠের উপাসনার মধ্যে দ্বিতীয় প্রকোষ্ঠের উপাসনা সর্বাপেক্ষা কঠিন। নির্জনে ব্যক্তিগত উপাসনা, যে যেমন পারি, করা সহজ। যথার্থ উপাসনা হউক না হউক, অন্ততঃ বসিতে সকলেই পারি। সমাজ-মন্দিরেও যেমন মন লইয়া হউক উপস্থিত হওয়া সহজ। কিন্তু পরিবারে দৈনিক উপাসনাপ্রতিষ্ঠার অন্তরায় অনেক। বাহিরের অন্তরায় অপেক্ষা ভিতরের অন্তরায় গুরুতর। পরিজনের সঙ্গে প্রতিদিন উপাসনা করিতে হইলে, আচার্য্য ডাকিয়া করান চলে না; গৃহকর্তা বা গৃহকর্ত্রীর নিজে করিতে হয়। অথচ, যে ব্যক্তি অকপট চিত্তে ধর্মকে অঙ্গস্বরূপ করিতেছে না, যে ধর্মের শাসনে আপনাকে বাধিতে কৃতসঙ্কল্প নয়, যে মেনাপাওনায় খাঁটি নয়, যার ব্যবসারে বা আচরণে এমন কোনও দোষ আছে যাহা সে

বুঝিতে পারিয়াও চাড়াতে চায় না, তাহার পক্ষে পরিজনের সম্মুখে মুখ খুলিয়া উপাসনা করা বড় কঠিন। কেন না, পরিবারস্থ লোকেরা সকলেই জানে; অশ্রদ্ধ দোষ ঢাকিয়া চলা সম্ভব হইলেও, নিজ গৃহে সম্ভব নয়। প্রণালীবদ্ধ মন্ত্র আওড়ান একরূপ অবস্থায়ও তেমন কঠিন নয়; কিন্তু জীবন্ত উপাসনা কঠিন। ব্রাহ্মধর্মের সাধন আশ্রম ও মন্ত্র-উচ্চারণ মন্ত্রে পরিণত হয় নাই। “লোকে জীবনে প্রমাণ চায়।” স্বামী জী হইতে, জী স্বামী হইতে “জীবনে প্রমাণ চায়”। বালক বালিকারও পিতামাতা হইতে “জীবনে প্রমাণ চায়”। পরিবারে দৈনিক উপাসনাপ্রতিষ্ঠার এই এক অন্তরায়। এ ছাড়া, যে গৃহে স্বামী-স্ত্রীর মধ্যে মিলন নাই, ছুঁজন দুই পথের পথিক, সেখানেও পারিবারিক উপাসনা প্রতিষ্ঠিত হওয়া সম্ভব নয়। এই সকল অন্তরায় বশতঃ, এবং সম্ভবতঃ আমাদের চেটারও ক্রটিবশতঃ ব্রাহ্মসমাজে পারিবারিক উপাসনা যথোচিত পরিমাণে প্রতিষ্ঠিত হয় নাই। অথচ, আমাদের চিন্তাশীল নেতৃগণ অসুভব করিয়াছেন যে, গৃহে গৃহে নিত্য উপাসনার প্রতিষ্ঠা ভিন্ন ব্রাহ্মসমাজের কল্যাণ নাই।

নিত্য উপাসনার জায়, নৈমিত্তিক অহুষ্ঠানসকলও আমাদের সাধনের এক। জন্মদিন, নামকরণ, দীক্ষা, বিবাহ, শ্রাদ্ধ প্রভৃতি অহুষ্ঠানসকলকে কেবল কল্যাণকর রীতি বলিয়া না দেখিয়া, নিজ নিজ ব্যক্তিগত সাধনার অঙ্গরূপে দেখা উচিত। অহুষ্ঠান করিয়া আমি যদি স্বয়ং কিছু উপকার লাভ না করি, তবে অন্তের পক্ষে যাহাই হউক, আমার পক্ষে সেই অহুষ্ঠান ব্যর্থ। শিশুদের জন্ম-দিনের ছোট উপাসনা কি কেবল শিশুদেরই জন্ত? না না; বয়স্কদেরও জন্ত। ছোট বলিয়া তুচ্ছ করা উচিত নয়। উপাসনার ছোট বড় নাই। যখন কোনও বন্ধুর গৃহে কোনও অহুষ্ঠানে নিমন্ত্রিত হইয়া গমন করি, তখন ইহাকে কেবল সামাজিক আত্মীয়তারক্ষা মনে না করিয়া নিজের সাধনার সাহায্য বলিয়া মনে করা কর্তব্য। যতই সামান্য অহুষ্ঠান হউক, শ্রদ্ধার সহিত যোগদান করিলে, তাহা হইতে আমরা প্রচুর কল্যাণ লাভ করিতে পারি। আচার্য্যের দেখা উচিত যেন অন্তের গৃহে পারিবারিক অহুষ্ঠান সম্পন্ন করিতে গিয়া কেবল পৌরহিত্য না হয়; যেন তদ্বারা নিজেরও আত্মাতে কিছু লাভ হয়।

প্রত্যেক মানুষের আত্মিক উন্নতি পরিবার পরিজন, বন্ধু বান্ধব, এমন কি জনসাধারণের উন্নতির সহিত জড়িত। এই জন্তই বলা হইয়াছে—“একাকী যাইলে পথে নাহি পরিভ্রাণ”। প্রত্যাশে নিজের উপাসনা যতই গভীর ও সরস হউক, যদি পরিজন-বর্গ অহুকুল না হন, তবে তাঁহাদের এক জনের একটি কথায় বা কার্য্যে সেই উপাসনার ফল মুহূর্ত্তে নষ্ট হইয়া যাইতে পারে। এক গৃহে সর্বদা বাহাদের সহিত বাস করি, তাঁহাদের সাধনা বা সাধনার অভাবের উপর ব্যক্তিগত সাধনার ফল বহু পরিমাণে নির্ভর করে। আবার, আফিসে আদালতে বা হাটে বাজারে বাহাদের সহিত সংসর্বে আসিতে হয়, তাঁহাদের অন্তরের ভালমন্দ অবস্থাও আমাদিগকে সর্বদা স্পর্শ করিয়া থাকে। একটি জিনিস কিনিতে গিয়া দোকানদারের একটি অশ্রদ্ধ কথায় রূপায়ণি ঘটিলে, সেই দিনের নির্জনে সাধনা পণ্ড হইয়া যায়। অতএব, হাটবাজারের লোকদের আত্মিক কল্যাণ ভিন্ন আমাদের আত্মিক

কল্যাণ সম্যক্রূপে হইতে পারে না। পরিজনের কল্যাণ, ধর্ম-বন্ধুদের কল্যাণ, মণ্ডলীর কল্যাণ ও জনসাধারণের কল্যাণ, এ সকল আমাদের নিজের কল্যাণ হইতে পৃথক্ নয়। সকলের সাধনার বা সাধনার অভাবের ফল আমরা প্রত্যেকে ভোগ করি; এবং আমাদের প্রত্যেকের সাধনার বা সাধনাতাবের ফল সকলে ভোগ করেন। সমগ্র মানব জাতির সাধনার ফল একই ভাণ্ডারে সঞ্চিত হয়। অতএব, অগ্রের সাধনার সহায় হওয়া নিজের সাধনারই অঙ্গ।

সাধনা ও প্রচার দুইটি ভিন্নধর্মী বা ভিন্নমুখী বস্তু নয়। উভয়ের লক্ষ্য একই। সেই লক্ষ্য এই—অগ্রসর হওয়া। সাধনা—স্বয়ং অগ্রসর হইয়া অপরের পথ স্বগম করা; 'প্রচার' কথাটির সহিত দাতা ও গ্রহীতার ভাব, শিক্ষক ও ছাত্রের ভাব, শ্রেষ্ঠ ও নিকৃষ্টের ভাব, জড়িত হইয়া গিয়াছে। এই ভাবে পরিবর্তন করিয়া সহযাত্রীর ভাব আনা আবশ্যিক। সহযাত্রীর ভাব আসিলে 'প্রচার' উভয় পক্ষের অধিকতর কল্যাণজনক হইতে পারে। বাস্তবিক প্রচারও সাধনারই অঙ্গ। সকলেরই আপন আপন শক্তি অনুসারে অপরের সাধনার সহায় হওয়া উচিত।

সাধন সম্বন্ধে আর একটি কথা বলিয়া বক্তব্য শেষ করিব। ব্রাহ্মধর্ম অতিশয় উচ্চ ও অতিশয় মহান্। ধর্ম ও যাহা, ব্রাহ্মধর্ম ও তাহা। সুতরাং জগতের সকল প্রকার উৎকৃষ্ট সাধনপ্রণালীই আমাদের সাধনপ্রণালী। যেমন জগতের সকল উৎকৃষ্ট শাস্ত্র আমাদের আপনার, সকল উৎকৃষ্ট শাস্ত্র সাক্ষী আমাদের আপনার, সকল উৎকৃষ্ট সাধনপ্রণালীও আমাদের আপনার। ব্রাহ্মধর্ম চারিদিকের সকল প্রাচীর আমাদের জন্ত সরাইয়া দিয়াছেন। আমরা সময় সময় ব্রাহ্মধর্মের এই বিশালতা ভুলিয়া গিয়া, এমন ভাবে কথা বলি, যেন কেবল রামমোহন, দেবেন্দ্রনাথ, কেশবচন্দ্র প্রভৃতিই আমাদের সাধু মহাজন, যেন কেবল ব্রাহ্মসমাজের ধর্ম-সাহিত্যই আমাদের শাস্ত্র, যেন কেবল এই ক্ষুদ্র সমাজের অবলম্বিত সাধনপ্রণালীই আমাদের সাধনপ্রণালী। এইরূপ ভাবিলে আমরা সন্ধীর্ণ ও বদ্ধ হইয়া পড়িব। কেহ কেহ বলিয়া থাকেন, "ব্রাহ্মসমাজ ধর্মসাধনের এমন কোনও সুনির্দিষ্ট পথ বলিয়া দিতে পারেন নাই, বাহা ধরিয়া যে কোনও ব্যক্তি চলিতে থাকিলে, ব্রহ্মলাভ হইবেই হইবে"। এমন কোনও পন্থা আছে কি না, এবং ব্রাহ্মসমাজ এমন পন্থা দেখাইতে পারিয়াছেন কি না, সেই প্রশ্নের বিচার না করিয়াও বলি, ধর্মসাধনকে stereotype করা ব্রাহ্মসমাজের কাজ নয়। সকল সম্প্রদায়ের নির্দোষ ও ফলপ্রসূ সাধনাকে প্রয়োজন অনুসারে শ্রদ্ধার সহিত গ্রহণ করিবার উপদেশই ব্রাহ্মসমাজ দিয়া আসিতেছেন। ব্রাহ্মসমাজ আমাদের সকল দিকে মুক্তি দিয়াছেন। মুক্তি দেওয়াই ব্রাহ্মসমাজের কাজ। যেমন ব্রাহ্মসমাজ একটি নূতন অস্ত্র শাস্ত্র দিতে আসেন নাই, একজন নূতন অস্ত্র মহাপুরুষ খাড়া করিতে আসেন নাই, তেমনি কোনও অস্ত্র সাধনপ্রণালীও দিতে আসেন নাই। সকল শাস্ত্রে সকল সাধন প্রণালীতে প্রবেশের পথ উন্মুক্ত করিয়া দেওয়া এবং এই উপায়ে সকল সম্প্রদায়কে এক মহাসম্প্রদায়ে পরিণত করাই ব্রাহ্মসমাজের কাজ। এই কাজ ব্রাহ্মসমাজ করিয়াছেন ও করিতেছেন।

পরিভ্রাণের পথ অনন্ত। প্রত্যেকের জীবনের অবস্থা যেমন ভিন্ন ভিন্ন, আচার প্রয়োজনও তেমনি ভিন্ন ভিন্ন। পরিভ্রাতা পরমেশ্বর প্রত্যেকের প্রয়োজন বুঝিয়া ভিন্ন ভিন্ন প্রণালীতে আপন চরণে গ্রহণ করেন। একজনের সহিত তাঁর যে লীলা, অপর কাহারও সহিত ঠিক সেই লীলা নয়। সুতরাং কেহ কাহারও সুনির্দিষ্ট পথ বলিয়া দিতে পারে না। তবে একটি মাত্র সুনির্দিষ্ট পথ সকলেরই জন্ত আছে; তাহা—ব্রাহ্মসমাজের উদ্দেশ্য। চাহিয়া তাঁকে পায় নাই, এমন কখনও শুনা যায় নাই। প্রণালীর জন্ত আটকাইয়া থাকে না। যে চায়, উপযুক্ত প্রণালী ও সুযোগ সুবিধা তার নিকট আপনি আসিয়া উপস্থিত হয়। অতএব, সুনির্দিষ্ট প্রণালীর জন্ত বাস্ত হওয়া অপেক্ষা, তাঁর জন্ত বাস্ত হওয়াই আমাদের অধিক প্রয়োজন। ব্রহ্মকৃপাটিকে কেবলম্।

পরলোকগতা রুক্ষিণী মহলানবীশ

(শ্রীমদ্ভাগবতের ছোট পুত্র শ্রীযুক্ত সুবোধচন্দ্র মহলানবীশ কথক পঠিত)

আমাদের মাতৃদেবীর লোকান্তর গমনে প্রাচীনতমা নিষ্ঠাবর্তী ব্রাহ্মিকার তিরোধান হইল। অতীতের ব্রাহ্মসমাজের সঞ্চিত এই পরিবারের সম্পত্তি বহু ব্যাপী সাক্ষাৎযোগ ছিল হইল। এই সুদীর্ঘ জীবনে মাতৃদেবী অকস্মাৎ ব্রহ্মকৃপা লাভ করিয়াছেন—ব্রাহ্মসমাজের অভিব্যক্তির ভিতর দিয়া বিধাতার অপূর্বলীলা দেপিবার সুযোগ পাওয়া গিয়া হইয়াছেন।

অথও কলিকাতা ব্রাহ্মসমাজ বিধা হইবার অব্যবহিত পূর্বে যে মুষ্টিমেয় ব্রাহ্ম সংখ্যা ও নূনতর ব্রাহ্মিকাদের লইয়া সমাজ গঠিত হইয়াছিল—যাহারা একমেবাদ্বিতীয়মের উপাসনার জন্ত নানাবিধ পরীক্ষা ও নিষ্ঠাতনের বাস্ত্য অকাতরে সহিয়াছিলেন—মাতৃদেবী সেই মণ্ডলীভূক্তা ছিলেন। ক্রমান্বয়ে আদি, ভারত-বর্ষীয় ও সাধারণ ব্রাহ্মসমাজের ত্রিধাবার পুত্র সালিলে তাঁহার ধর্মজীবন অভিব্যক্ত হইয়াছে। আজ শ্রীমদ্ভাগবতের মাতৃদেবীর আড়ম্বরশূন্য জীবনের কয়েকটি কথা উল্লেখ করিবার পূর্বে সেই মাতার মাতা পঞ্চম মাতার চরণে প্রণিপাত করি, এবং যে সকল সমব্যথী বন্ধুগণ এই পুণ্যানুষ্ঠির প্রতি শ্রদ্ধা নিবেদন করিতে আমাদের সহিত মিলিত হইয়াছেন ও যাহারা দূরে থাকিয়াও পরলোকগত আত্মার কল্যাণোদ্দেশ্যে শুভ কামনা জানাইয়াছেন—তাঁহাদের কৃতজ্ঞ হৃদয়ে প্রণাম করি।

বিক্রমপুরের অন্তর্গত আমতলী গ্রামে এক পণ্ডিতকুলে আত্ম-মানিক ১৮৩৭ খৃষ্টাব্দে মাতৃদেবীর জন্ম হয়। আমার মাতামহের নাম গৌরেশ্বর চক্রবর্তী। তাঁহাদের বাটীতে বহুকাল হইতে সংস্কৃত টোল ছিল। আমার মাতামহ সেই টোলে সংস্কৃত শিক্ষা করিয়া উপাধিলাভের জন্ত নবমীপ গিয়াছিলেন। তথায় কৃত-কার্য হইয়া জগন্নাথদর্শনের জন্ত শ্রীক্ষেত্র গমন করেন। তথা হইয়া কিরিবার সময় পথে বিষচিকা রোগে তাঁহার মৃত্যু হয়। মাতামহের মৃত্যুর পর তদীয় অল্প বয়স্ক ছাত্রদল জগন্নাথদেবীকে পালন করেন। সেই সময় স্ত্রীশিক্ষা প্রচলিত হওয়া

দূরে থাকুক, তখন কলিকাতা বিশ্ববিদ্যালয়েরও জন্ম হয় নাই। মাতৃদেবী লেখাপড়ানা শিখিয়াও ব্রহ্মসমাজের শিষ্টাচার শিক্ষা করিয়াছিলেন এবং সুনীতিপরায়ণা ও গৃহকার্যে সুনিপুণা ছিলেন। তিনি কখনও বিলাসিতার লেশমাত্র জানিতেন না। অল্প বয়স হইতেই তাঁহার কৰ্ত্তব্যজ্ঞান ও স্বাধীনচিন্তাপ্রসূত নিষ্ঠীকতা জন্মিয়াছিল; উত্তরকালে তাহার বিশেষ পরিচয় পাওয়া গিয়াছে।

১৮৬৪ খৃষ্টাব্দে মাতৃদেবী কলিকাতায় আসেন ও আমার পিতার সহিত পরিণীতা হইয়া ব্রাহ্মসমাজের আশ্রয় গ্রহণ করেন। আজ ব্রাহ্মসমাজের প্রসাদে—স্বাধীনতার মুক্ত বাতাসে অসংখ্য নারীজীবনে জ্ঞান বয় ও কর্ম স্ফূর্তি পাইতেছে; কিন্তু পঞ্চাষষ্টি বৎসর পূর্বে সেই ঘোর অন্ধকারের দিনে সুদূর বিক্রমপুরবাসিনী একজন গ্রামা মহিলার পক্ষে এত বিবাহ ও ব্রাহ্মসমাজে যোগপ্রদান কি অসাধারণ সাহসিকতার পরিচায়ক ছিল, তাহা এখন সম্যক অস্মিত না হইতে পারে। আমাদের পিতামাতাকে জীবনের এই মহা সন্ধিক্ষেত্রে কি ভীষণ পরীক্ষার ভিত্তর দিয়া বাইতে হইয়াছে তাহা বর্ণনাতীত।

সেই সময়ে পণ্ডিত ঐশ্বরচন্দ্র বিদ্যাসাগর মহাশয়প্রবর্তিত বিধবাবিবাহের তুমুল আন্দোলনে বঙ্গদেশকে আলোড়িত করিয়াছিল। একদিকে আমার পিতা ও মাতা উভয় পক্ষেরই আত্মীয়েরা এই বিবাহের বিরুদ্ধে খড়্গহস্ত, অপরদিকে পিতৃদেবের এক প্রিয়তম বন্ধু, যিনি এই বিবাহের প্রধান উদ্যোগী ছিলেন, তিনি হঠাৎ লোকের কুৎসাহত্রে পৃষ্ঠভঙ্গ দিলেন, এবং পক্ষবন্ধুকে ফেলিয়া কলিকাতা হইতে পলায়ন করিলেন। এই ঘোর বিপদের সময়, দয়ার সাগর বিদ্যাসাগর মহাশয় কল্যাণকর্ত্তারূপে বিবাহের সকল ব্যয়ভার বহন করিতে প্রস্তুত ছিলেন। কিন্তু পিতা উপবীত ত্যাগ করিয়া ব্রাহ্মধর্ম গ্রহণ করিয়াছিলেন, সুতরাং আর হিন্দুমতে অসুষ্ঠান করিতে সম্মত হইলেন না। মাতৃদেবীও তাহা সমর্থন করিলেন। তখন শ্রীযুক্ত অঘোরনাথ গুপ্ত, কৃষ্ণদয়াল রায়, হরগোপাল সরকার, রামপ্রসাদ সেন, মধুসূদন লাহিড়ী, ও কামাখ্যাসরণ ঘোষ প্রভৃতি পিতার কতিপয় বন্ধুর উদ্যোগে ব্রাহ্মমতেই বিবাহ হইল।

ব্রহ্মানন্দ কেশবচন্দ্র তখন বোম্বাই ও মাদ্রাজ প্রদেশে প্রচারার্থে গমন করিয়াছিলেন। আদি ব্রাহ্মসমাজের উপাচার্য্য শ্রীযুক্ত কেশবদেবনাথ রায় এই বিবাহে আচার্য্যের কার্য্য করেন। এ স্থলে বলা আবশ্যক যে প্রথমোক্ত বন্ধুটি পরে নিজ ব্যবহারের ভুল অত্যন্ত লঙ্ঘিত হইয়া পিতার নিকট অসুতাপের সহিত ক্ষমা প্রার্থনা করেন এবং তাঁহাদের পুনর্মিলনে ছুঁ পরিবার প্রগাঢ় প্রীতির বন্ধনে বদ্ধ হয়।

এই সময়ের বিবরণ পিতৃদেবের লিখিত আত্মজীবনী হইতে উদ্ধৃত করিতেছি। “যে সময়ে কলিকাতাতে শ্রীযুক্ত বিজয়কৃষ্ণ গোস্বামী ও কিশোরীলাল মৈত্রেয় মহাশয় সপরিবারে এক বাড়িতে বাস করিতেন। অঘোরনাথ গুপ্তও সেই বাড়িতে থাকিতেন এবং সেই বাড়িতে আমার বিবাহ হইয়াছিল। তখন তিন চারিজন মাত্র প্রচারক হইয়াছিলেন। কিন্তু তাঁহাদেরও সকলের পরিবার

তখনও পর্য্যাপ্ত ব্রাহ্মসমাজে আসেন নাই। তখন কলিকাতাতে ব্রাহ্ম পরিবার অধিক না থাকিতে মফঃস্বলের কোন ব্রাহ্ম কলিকাতাতে আসিলে আমার বাড়িতেই আতিথি হইতেন, তাহাতে আমার খুব আনন্দ হইত, এবং ব্রাহ্মগণ কলিকাতা দেবীর সহিত আলাপ করিয়া বড়ই সুখী হইতেন।”

ব্রাহ্মসমাজের আদিবার পর মাতৃদেবীর প্রাথমিক শিক্ষা আরম্ভ হয় ও তিনি অতি যত্নের সহিত বাঙ্গালা লেখাপড়া শেখেন। বরিশাল নিবাসী পরলোকগত ভক্তিভাষন গিরিশচন্দ্র মজুমদার মহাশয় তাঁহার শিক্ষাগুরু ছিলেন।

ক্রমেই ব্রাহ্ম পরিবার বাড়িতে লাগিল। এই সময় দলে দলে স্কুল ও কলেজের ছাত্রেরা এবং হিন্দুসমাজের অনেক বিধবা ও কুলীন কুমারী ব্রাহ্মসমাজের আশ্রয় গ্রহণ করিতে লাগিলেন। মেয়েরা প্রথমেই আমাদের মাতৃগৃহেই আসিয়া অবাস্থিত করিতেন। মাতৃদেবী তাঁহাদের কল্যাণ-নির্ব্বিশেষে যত্ন করিতেন এবং পক্ষান্তরে মেয়েরাও তাঁহাকে “মা” বলিয়া ডাকিতেন।

ইহাদের মধ্যে কেহ কেহ বৎসরাধিক কাল আমাদের বাড়িতে থাকিয়াছেন। পিতৃদেবী ইহাদের ব্যয়ভার বহন করিয়াছেন ও অনেকেরই উপযুক্ত পাত্র বিবাহ দিয়াছেন। এই সকল কাহিনী মাতৃদেবীরও সহকারিতা ও অসুরাগের উল্লেখ করিয়া পিতৃদেব লিখিয়াছেন “জগদীশ্বরের কৃপায় আমি একদম সুগৃহিণী পাইয়াছিলাম বলিয়াই এই সকল ছেলে মেয়েদের বাড়িতে রাখিয়া সুখী হইতে পারিয়াছি।” প্রথম ব্রাহ্মসমাজে আসিয়া অন্যান্য বিংশতিজন মহিলা অল্পাধিক কাল আমাদের মাতৃগৃহে আতিথ্য লাভ করিয়াছেন। মাতৃদেবী মিতব্যয়ী ছিলেন বলিয়াই পিতৃদেব কখনও ঋণগ্রস্ত হন নাই, বরং নানারূপ সদসুষ্ঠানে অর্থসাহায্য করিতে পারিয়াছেন। মাতৃদেবী প্রতিদিন আমাদের পিতার সহিত মিলিত হইয়া পূর্ণাঙ্গ উপাসনা করিতেন। পিতৃদেবের মৃত্যুর পরেও তাঁহার দৈনিক উপাসনায় নিষ্ঠার ক্রটি হয় নাই। পারিবারিক উপাসনা ব্রাহ্ম-জীবনের মেধদণ্ড; ইহার শৈথিল্যে ব্রাহ্মসমাজে অবসাদ ও দূরপণ্যে ব্যাধির লক্ষণ দেখা যাইতেছে। পুরাতন ব্রাহ্ম ও ব্রাহ্মিকারা উপাসনাকে জীবনের সকল শক্তি ও প্রেরণার মূল জানিয়া তাহাকে প্রাণের সম্বল করিয়াছেন।

আমাদের মাতা সুগৃহিণী ছিলেন। আমাদের পরম সৌভাগ্য যে স্নেহময়ী মাতার কোড়ে বলিয়া তাঁহার সুমিষ্ট কঠোর ব্রহ্মসঙ্গীত শুনিয়াছি। শৈশবের সুমধুর স্মৃতিরানির স্রোত মনে পড়ে মাতার প্রিয় সঙ্গীত “কর তাঁর নাম গান, যতদিন রহে দেহে প্রাণ।” এই সঙ্গীতের সার্থকতা তাঁহার জীবনে দেখিলাম। পূর্ণাঙ্গ উপাসনায় ব্রহ্মসঙ্গীতের স্থান বিশিষ্ট বলিয়া মানিতেই হইবে। ব্রাহ্মসমাজ ব্রহ্মসঙ্গীত প্রচার করিয়া বঙ্গদেশকে অমূল্য সম্পত্তি দিয়াছেন। আজ ব্রাহ্মসমাজের প্রভাবেই গৃহে গৃহে ব্রহ্মসঙ্গীতের আদর ও সঙ্গীতচর্চার প্রতি ৩৫ সমাজের আঁকা বাড়িয়াছে।

১৮৬৫ খৃষ্টাব্দে আচার্য্য ব্রহ্মানন্দ ব্রাহ্মিকাসমাজ প্রতিষ্ঠিত করেন। মাতৃদেবী নিয়মিতরূপে ইহাতে যোগ দিতেন। তখন ব্রাহ্ম পরিবার ও ব্রাহ্মিকার সংখ্যা অতি বিরল ছিল। সেই

সময়ে পিতৃদেব ও শ্রীযুক্ত যদুনাথ চক্রবর্তী, শ্রীযুক্ত চণ্ডীচরণ সিংহ, পণ্ডিত বিজয়কৃষ্ণ গোস্বামী, সাধু অঘোরনাথ প্রভৃতি পিতৃ বন্ধুরা সপরিবারে এক বাড়ীতে থাকিতেন। এই বাড়ীতেই কিছুদিন ব্রাহ্মিকা সমাজের অধিবেশন হয়।

১৮৬৬ খৃষ্টাব্দে যে ব্রাহ্মমণ্ডলী, কলিকাতা ব্রাহ্মসমাজ হইতে বিচ্ছিন্ন হইয়া, ব্রহ্মানন্দ কেশবচন্দ্রের নেতৃত্বে ভারতবর্ষীয় ব্রাহ্ম-সমাজ স্থাপন করিলেন, আমাদের পিতামাতাও সেই দলভুক্ত ছিলেন। ভারতবর্ষীয় ব্রাহ্মসমাজপ্রতিষ্ঠা ও তৎপরবর্তী ঘটনাবলীতে ব্রাহ্মসমাজের অপূর্ণ সঙ্গীততা প্রকাশ পাইয়াছে। আচার্য্য ব্রহ্মানন্দের কলুটোলাস্থ গৃহে তখন ধর্মপ্রচারের কেন্দ্র ছিল। সেখানে দিবানিশি, সংপ্রসঙ্গ, উপাসনা ও সদমুষ্ঠানের সূচনা হইতে লাগিল। বিশ্বাস বৈরাগ্য ও ভক্তি জলন্ত ভাবে প্রকাশ পাইতে লাগিল।

এই সময়ে ব্রহ্মানন্দ-জননী দেবী সারদা স্মরনী নিষ্ঠাবতী হিন্দু হইয়াও আমার মাতার প্রতি পূজবধু নির্বিশেষে যে স্নেহ প্রদর্শন করিয়াছিলেন, তাহার কথা পিতৃদেব আত্মজীবনীতে লিপিবদ্ধ করিয়া গিয়াছেন ও মাতৃদেবী চিরদিন প্রাণে রাখিয়া রাখিয়াছিলেন।

সেই স্মৃৎ অতীতের ব্রাহ্মবন্ধুরা এখন অমর লোকে চলিয়া গিয়াছেন। যে সকল ব্রাহ্মিকার সখিত্বে মাতৃদেবী জীবনে অনেক উপকার, শিক্ষা ও আনন্দ লাভ করিয়াছেন, আজ কৃতজ্ঞ ভরে তাঁহাদের স্মরণ করিতেছি। সেই সময়ের একটি স্মরণীয় ঘটনা স্মরণীয় অনহিতৈষিনী কুমারী মেরী কার্পেন্টারের কলিকাতা আগমন। তাঁহার সধর্জনা উপলক্ষে শ্রীযুক্ত ডাক্তার সূর্যকুমার গুড্ডিভ, চক্রবর্তীর বাটীতে এক সায়ংসমিতি হয়, তাহাতে মাতৃদেবী ও তাঁহার সমসাময়িক ব্রাহ্মিকারা উপস্থিত ছিলেন। অস্তঃপুংবাসিনীদের সায়ংসমিতিতে যোগের এই প্রথম উদাহরণ।

কখনও লোকনিন্দা বা উপহাসের ভয় মাতৃদেবীকে কর্তব্যপথ হইতে বিচলিত করে নাই। উচ্চ শিক্ষা লাভ না করিয়াও ব্রাহ্মসমাজে নারীর আদর্শের ক্রমবিকাশের সঙ্গে তিনি নিজ জীবনকে মিলাইয়া চলিতে যত্নবতী থাকিয়াছেন। পতির সহকারিণী-রূপে অনবচ্ছিন্ন অমুষ্ঠান মাত্রেই প্রাণের যোগ রাখিয়াছেন। আজ রমণীর অবরোধপ্রথার বিরুদ্ধে ও নারীর স্বাধীন অধিকার লাভের প্রয়াসে সমগ্র ভারত আলোড়িত হইয়াছে। আমার মাতৃদেবী ইহার অগ্রগণীদের একজন ছিলেন। ঘিষটি বৎসর পূর্বে মাতৃদেবী বিনা আড়ম্বরে রাজপথ দিয়া প্রকাশ্যভাবে পদব্রজে যাতায়াত করিতেন।

১৮৩২ খৃষ্টাব্দে আমার ভগিনী সরলা দেবীর জন্ম হয়। তিনি আমাপেক্ষা ছই বৎসরের বয়োজ্যেষ্ঠ ছিলেন। আমার অল্প প্রবেশচন্দ্রে ব্যতীত আর একটি ভাই ও সর্ককনিষ্ঠ এক ভগ্নী ছিলেন। অল্প বয়সেই সর্ক কনিষ্ঠ ভ্রাতার মৃত্যু হয়। এই শেষোক্ত ভগ্নীর জন্মের পর স্মৃতিকা-গৃহেই মাতার আবার এত কঠিন পীড়া হয় যে, আর নবজাত শিশুটিকে পালন করার শক্তি ছিল না। এই সময়ে ভারতবর্ষীয় ব্রাহ্মসমাজের প্রচারক পরলোকগত মহেন্দ্রনাথ বহু মহাশয়ের সহধর্মিণী এবং পিতৃবন্ধু

পরলোকগত কামাখ্যাচরণ ঘোষ মহাশয়ের পত্নী ক্রমাগত এই শিশুটির পালনের ভার লইয়াছিলেন। কিন্তু তাঁহাদের যত্ন সত্ত্বেও ইহার প্রাণ রক্ষা হইল না। এই নমস্ত মহিলাঘয় এখনও জীবিত আছেন। আজ মাতৃপ্রাণবাসরে মাতার এই পুরাতন বন্ধুদের কৃতজ্ঞতা জানাইতেছি।

এক সময়ে মহাত্মা রামতল্লাহী মহাশয়ের ভ্রাতৃপুত্রীঘর শ্রীযুক্তা অন্নদায়িনী ও রাধারানী ও তাঁহাদের অভিভাবক এবং আমার পিতা মাতা এক বাটীতে বাস করিতেন। এই মহিলা-ঘরকে মাতৃদেবী বিশেষ ভাবে স্নেহ করিতেন। ভক্তিভাজন লাহিড়ী মহাশয় অনেক সময় সেখানে আসিতেন। তাঁহার সাধু জীবনের সংস্পর্শে আমার পিতা মাতা বিশেষ উপকৃত হইয়াছিলেন। মাতৃদেবীকে লাহিড়ী মহাশয় বড়ই স্নেহ করিতেন ও তাঁহার পণ্ডিতকূলে জন্ম বলিয়া সমাদর করিতেন। পরে পিতৃবন্ধু হরগোপাল সরকার মহাশয়ের সহিত শ্রীযুক্তা অন্নদায়িনীর বিবাহ হয়। লাহিড়ী পরিবারের সহিত আমাদের পরিবারের বন্ধুতা চিরদিন অক্ষুণ্ণ থাকে।

পরলোকগত স্বনামধন্য দুর্গামোহন দাস মহাশয় ও তাঁহার সহধর্মিণী ব্রহ্মময়ী দেবীর নিকটে এই পরিবার অশেষ ঋণী। আমাদের মাতা অসুস্থ অবস্থায় কিছুকাল তাঁহাদের বাটীতে আতিথ্য লাভ করিয়া উপকৃত হইয়াছেন। দাস পরিবারের সহিত আমাদের পারিবারিক ঘনিষ্ঠতার স্মরণ্য বাল্যস্মৃতি ভুলিবার নহে।

১২৭৮ খৃষ্টাব্দে সাধারণ ব্রাহ্মসমাজপ্রতিষ্ঠার পর এই মণ্ডলীর সকল কার্য্যেই মাতৃদেবী প্রাণের সহিত যোগ দিয়াছেন। এই অর্ধ শতাব্দীর স্মৃতি আমাদের পিতা মাতা উভয়েরই জীবনকে কিরূপ নিবিষ্ট ভাবে জড়াইয়া আছে তাহা ব্রাহ্ম সাধারণের অবিদিত নহে। এই স্মরণ্য কালে সংখ্যাভীত ধর্ম-বন্ধুর সৌহার্দে এই পরিবার কৃতার্থ হইয়াছেন। তাহা আজ বিশেষ ভাবে স্মরণ করিয়া কৃতজ্ঞতা নিবেদন করিতেছি।

১৮৮৭ খৃষ্টাব্দে হৃৎক বিস্মৃচিকা রোগে প্রাণপ্রিয় দুহিতা সরলা দেবীর একবিংশ বয়সে মৃত্যু হয়। প্রিয়তমা কন্যাকে হারাইয়া মাতার প্রাণে যে শেল বিদ্ধ হইয়া ছিল, আমরণ তাহার দাগ মুছে নাই।

১২২৬ খৃষ্টাব্দে ডিসেম্বর মাসের শেষভাগে মাতৃদেবী জীবনের চরম শোকের আঘাত পান। আমার পিতৃদেবের স্বর্গারোহণে অর্ধশতাব্দীরও অধিককালব্যাপী সাধী সাধু পিতৃদেবকে হারাইয়া শোকাভূত হইয়েন। ইহার সখ্য ও সাহচর্য্যে ব্রাহ্ম-সমাজের পবিত্র আশ্রমে আসিয়া অজস্র ব্রহ্মরূপা ও সৌভাগ্য-রাশি লাভ করিলেন, ইহার সাধু দৃষ্টান্তে ও সপ্রেম পরিচালনায় মুক্তির পথ চিনিলেন, ইহার হাত ধরিয়া জীবনতরী তরঙ্গ-সকল সংসারপাথারে ডাসাইয়া স্মরণ্য জীবনে কত প্রবল ঝটিকা অতিক্রম করিয়াছেন, সেট পুণ্যশ্লোক স্বামী জগজ্ঞানীর আহ্বানে অমরলোকে চলিয়া গেলেন। সেই সময় হইতেই মাতৃদেবীর স্বাস্থ্য ভাঙ্গিয়া গেল। তখন হইতেই এই দারুণ বিচ্ছেদের অবসানে দিব্যধামে পুনর্মিলনের প্রতীক্ষায় দ্বাদশ বৎসর ধরিয়া চলৎশক্তিহীন হইয়া রোগব্রণা সঙ্ঘ করিয়াছেন। ইহার

মধ্যেও প্রিয়তম পৌত্রদ্বয় ও স্নেহের পৌত্রীদ্বয়ের বিবাহে বিশেষ আনন্দ লাভ করিয়াছেন। ক্রমে বার্ক্যভারে অরাকান্ত দেহ ক্ষীণ, দৃষ্টি ও শ্রবণ শক্তি প্রায় লুপ্ত ও দৈহিক যন্ত্রসকল শিথিল হইয়া আসিতে লাগিল। তথাপি গত ১২ই পৌষ তারিখে প্রগাঢ় নিষ্ঠার সহিত, পিতৃদেবের দ্বাদশ বার্ষিক আত্মাহুষ্ঠানে যোগ দিয়াছেন। তাহার পর হইতেই ক্রমশঃ জীবনের আন্তিম লক্ষণ সকল প্রকাশ পাইতে লাগিল। যে গৃহে পিতৃদেব দেহমুক্ত হইয়া, মাতৃদেবীর জীবনপ্রদীপও সেই গৃহেই ধীরে ধীরে নিবিয়া গেল। দ্বিনবাত বৎসর বয়সে, বিগত ৫ই চৈত্র তারিখে মাতৃদেবীর অমর আত্মা নিশীথিনীর আধার অঞ্চলে লুকাইয়া আত্মীয় স্বজনের দৃষ্টির অগোচরে এক অজ্ঞাত মুহুর্তে সকল রোগ শোকের অতীত হইয়া অমৃতময়ের কোড়ে আশ্রয় লইলেন। আমরা মাতৃহীন হইলাম।

হে মাতার মাতা, আমাদের মাতাকে তুমি বন্ধে লুকাইয়াছ, —তোমার দিকে চাহিব বলিয়া। তবে অশ্রুগলিগধোত দিবা চক্ষু দাও যেন তোমার ভিতরে মাতাকে দেখিতে পাই। কত গুণে সে জীবনকে এখানেই সাজাইয়া ছিলে! না জানি সেই অমৃতনিকে হনে নইয়া আরো কত অতুল সম্পত্তি দিতেছ! শোকের ভিতর দিয়া তুমি স্বর্গের ছবি দেখাইয়া থাক। এ ছবি যেন প্রাণে চির মুদ্রিত হয়। সে সাস্বনা আমরা চাহি না, যাহা উহাকে ভুলাইয়া দিবে। যে অনন্ত ধামে মাতৃদেবী আমাদের পিতাকে অহুসরণ করিলেন, আমরা সেই লোকের দিকেই চাহি, সেই পুণ্যস্থতি যাহাতে প্রাণে আশ্রয় রাখিতে পারি, এই ভিক্ষা দাও। তোমার মঙ্গল ইচ্ছার কৃপা হউক। তোমার প্রসাদে বায়ু মধু বহন করুক, সূর্য্য মধু স্রবণ করুক, জগৎ মধুময় হউক। হহলোক পরলোক মধুময় হউক।

প্রচার ব্যবস্থা

(পূর্ব প্রকাশিতের পর)

১৭। কোন্ বছরে কোন্ কোন্ বিষয় এবং কোন্ কোন্ বই পাঠ্য নির্দিষ্ট থাকবে।

১৮। বৃত্তির ক্রম—প্রত্যেক স্তরের বৃত্তির ক্রম নির্দিষ্ট থাকবে।

বিশেষ রোগ বা অস্ত্র কোন কারণে, কাণ্ডানির্বাহক সভা যথাসাধ্য সাহায্য করবেন।

১৯। প্রচারাধিগণ বছরে দুই মাস ছুটি পাবেন; ছুটির সময় তাঁরা কোথায় কি ভাবে থাকবেন তা প্রচারসভার অহুমোদনসাপেক্ষ। পরিচারক ও প্রচারকগণ বছরে দেড়মাস ছুটি পাবেন। প্রচারকগণ কাজের ব্যবস্থা বৃষ্টিয়া ছুটি লইবেন।

২০। জীবন বীমা—কোন ব্যক্তিকে প্রচারকরূপে গ্রহণের সঙ্গে সঙ্গেই কার্যনির্বাহক সভা, তাঁর বৃত্তি অহুসারে ২০০০—৩০০০ টাকার জীবন-বীমা করা হইয়া দিবে।

প্রচারকগণের কার্যব্যবস্থা

১। প্রচারকেন্দ্র, প্রচারকেন্দ্র, প্রচারকসংখ্যা, এবং অর্থ এই কয়টি বিষয়ের সমাবেশ করে স্থায়ী ব্যবস্থা থাকা বাইনীর।

এলোমেলো ভাবে কাজ হওয়ার বহু শক্তি ও সময় ব্যথা ব্যয় হয়

নির্দিষ্ট কেন্দ্রে এবং নির্দিষ্ট কেন্দ্রে আমাদের দায়িত্বকে সুস্পষ্ট করে রাখলে, সেখানেই কর্মশক্তিকে ক্রমাগত নিযুক্ত রাখলে, কর্মক্ষেত্র গড়ে উঠে। যেখানে দায়ী স্থায়ী ব্যবস্থা হয়েছে সেখানেই কিছু দাঁড়িয়েছে।

২। প্রথমতঃ দেখতে হবে, কোন্ কোন্ স্থান আমরা প্রচারকেন্দ্ররূপে গণ্য করতে পারি। সে সকল স্থানের মধ্যে আবার কোন্ কোন্ স্থান বেশী অহুকুল। প্রচারকেন্দ্র বিস্তৃত, আমাদের শক্তি সামান্য। সুতরাং প্রথমতঃ আমাদের শক্তি অহুসারে কয়টি বিশেষ স্থান নির্বাচন করতে হবে। পরে ক্রমশঃ বিস্তারের চেষ্টা হবে। বিশেষ স্থান বা কেন্দ্র নির্বাচনের সময় দেখতে হবে, কোথায় কোথায় (১) সমাজমন্দির, (২) উপাসকমণ্ডলী ও (৩) প্রচারকনিবাস আছে এবং উপাসক-মণ্ডলী (৪) প্রচারকের সেবাপ্রাপ্তি ইচ্ছুক ও (৫) তাঁর সহায়তা করতে প্রস্তুত। যেখানে এই পাঁচটি বিষয় বর্তমান সে স্থানকে সর্বপ্রধান কেন্দ্র করতে হবে। সেট সেই স্থানের মণ্ডলীর সঙ্গে একটা স্থায়ী ব্যবস্থা করতে হবে। দৃষ্টান্তরূপে বাঁচি, ঢাকা, চাটগাঁ ও বাঁকুড়ার উল্লেখ করা যেতে পারে। প্রথম তিন স্থানে মন্দির মণ্ডলী ও নিবাস আছে। বাঁকুড়ায় মন্দির ও নিবাস আছে, মণ্ডলী নাই। কোথায় মন্দির ও মণ্ডলী আছে, নিবাস নাই। কোথায় মন্দির আছে, মণ্ডলী নাই; কোথায় মণ্ডলী আছে, মন্দির নাই। মণ্ডলী, মন্দির, প্রচারক-নিবাস, এই তিনই যে যে স্থানে আছে, সেট সেই স্থানই কেন্দ্র হওয়ার বেশী অহুকুল স্থান। যেখানে প্রচারকনিবাস নাই, আর সব আছে, সেরূপ স্থানে কেন্দ্র করতে হলে প্রচারকের বাসের ব্যবস্থা করা কর্তব্য।

৩। যে যে স্থান কেন্দ্র হওয়ার যোগ্য বলে প্রচারসভা মনে করেন, সেই সেই স্থানের মণ্ডলীর সঙ্গে পরামর্শ করে স্থির করবেন যে স্থানীয় মণ্ডলী প্রচারকের বাসস্থান ও ব্যয়নির্বাহ বিষয়ে কিরূপ সাহায্য করবেন। উভয় পক্ষের ব্যবস্থা অহুসারে প্রচারসভা, কয়েকটি স্থানকে নিজেদের প্রচারকেন্দ্ররূপে স্থির করবে এবং সেই কয় স্থানে প্রচারকাৰ্য্যপরিচালনের অস্ত্র নিজেই দায়ী মনে করবেন। পাঁচ জায়গার যদি এইরূপ পাঁচটা কেন্দ্র হয়, তা হলে সেই পাঁচ কেন্দ্রের কাজ ধারাবাহিক রূপে পরিচালনের ব্যবস্থার জন্য প্রচারসভা নিজেকে দায়ী মনে করবেন, সে দিকে সর্বদা দৃষ্টি রাখবেন এবং কাজের প্রসারবৃদ্ধির সহায়তা করবেন। স্থানীয় মণ্ডলী এবং প্রচারকের সঙ্গে পরামর্শ করে, আংশিক মত এক স্থানের প্রচারককে অস্ত্র পাঠাতে পারেন।

৪। কোথায় কোথায় কর্মক্ষেত্র হবে এবং কোন্ প্রচারক কোথায় থাকবেন, এবং তাঁর থাকার কিরূপ ব্যবস্থা হবে, এ সবের যেমন স্থায়ী ব্যবস্থা হওয়া উচিত, তেমনই প্রচারকের কয়েকটি কাজেরও নির্দিষ্ট ব্যবস্থা থাকা উচিত, যা স্থায়ী হবে, প্রচারকের খুসীর উপর নির্ভর করবে না। যেমন, রবিবারের উপাসনা, সঙ্গত, নীতিবিদ্যালয়, ছাত্রসমাজ, মহিলা সমিতি, পারিবারিক উপাসনা, Temperance, জনসেবা,

শিক্ষাবিত্তার প্রভৃতি। প্রচারকের পরিবর্তনেও এই সব কাজ
ঠিক চলবে

ক্রমণঃ

সুরেন্দ্রশশী গুপ্ত

প্রাপ্ত।

বিবেক ও ধর্মমত।

শাস্ত্র আওড়ান আমাদের মজ্জাগত অধ্যাস হইয়া উঠিয়াছে। ইহা দোষ কি শুণ সে কথা বলিবার প্রয়োজন নাই। এ স্থলে আমার ইহা বলিবার উদ্দেশ্য এই যে, অনেক সময় আমরা তাৎপর্য যথাযথ ভাবে হৃদয়ঙ্গম না করিয়া শাস্ত্রোক্তি করিয়া থাকি। এমন কি ইহাও সচরাচর দেখা যায়, শাস্ত্রের দোহাই দিয়া অশাস্ত্র প্রচার করা হয়—কত অশাস্ত্রকে শাস্ত্র বলিয়া প্রতিপন্ন করিবার চেষ্টা করা হয়। আমরা বলিয়া থাকি, 'বিজ্ঞাহীনা জনাঃ পশুভিঃ সমানাঃ'—কিন্তু ইহার গূঢ় অর্থ বুঝিতে চেষ্টা করি না। যেমন বিদ্যার অভাব অবিদ্যা, তদ্রূপ অবিদ্যার নাশ বিদ্যা। আবার, অবিদ্যার নাশে অর্থাৎ বিদ্যার উৎপত্তিতে বিবেকের বিকাশ। সুতরাং, উল্লিখিত শ্লোকংশে বিদ্যাহীন বলিলে বিবেকহীনই বিশেষরূপে বুঝায়। একটু চেষ্টা করিলে ইহা আরও স্পষ্টতর ভাবে বুঝা যাইবে। আমরা জানি, মনুষ্য বলিলে আমরা সাধারণতঃ দুইটি কথা বুঝিয়া থাকি; তাহা পশুত্ব ও বিবেকবুদ্ধি (Animality ও rationality) অর্থাৎ 'মানুষ' শব্দের অর্থ—বিবেকসম্পন্ন পশু—প্রেতোর পালক-হীন বিপদ নয়। এই স্থলেই মানুষে ও পশুতে প্রভেদ। বিবেক আছে বলিয়াই মানুষ পশু হইতে শ্রেষ্ঠ। এই বিবেকাত্ম্যায়ী কাজ করে বলিয়াই মানুষ মানুষ, পশু নয়! কিন্তু এক্ষণে অনেক লোক আছে—তাহাদের সংখ্যাই অধিক—যাহারা এই বিবেকের বাণী হৃদয়ের অন্তস্তলে লুকায়িত রাখিয়া কাঁচা করে, তাহারা পার্থিব সুখসম্পদের বিনাময়ে বিবেক বিক্রয় করে। তাহারা মনুষ্যাত্ম্য পাইবার উপযুক্ত কি না, তাহা বিবেচ্য।

যাহা হউক, ইহা নিঃসংশয়ে বলা যাইতে পারে যে, এই বিবেকাত্ম্যায়ী কাঁচা করাই মনুষ্যের বিশেষত্ব এবং এই বিবেকই মানুষকে প্রকৃত মনুষ্যত্ব প্রদান করে। বিবেক অন্তরাত্ম্যের সুরণ; বিবেক যখন মানবহৃদয়ে জাগরিত হয়, তখন কোন বাহ্যিক শক্তি ইহার উপর প্রভাব বিস্তার করিতে পারে না। তাই, তখন ইহা প্রস্রবণের দম! জলধারার স্তম্ভ অবাধগততে বাহিরের কার্যে প্রকাশ পায়; তখন ইহা মিথ্যা আবরণ অপসারিত করিয়া সত্যকে প্রকাশ করিবার ক্ষমতা ব্যাকুল হয়; পুরাতন অম-প্রমাদ লোকমত খণ্ডন করিয়া নূতন সত্য ঘোষণা করে। কিন্তু এই বিবেকের বাণী প্রচার করিতে হইলে যথেষ্ট স্বার্থত্যাগ এবং নৈতিক সাহসের প্রয়োজন হয়। যাহারা নৈতিক বলে বলীয়ান্ নয়, যাহারা ভগবানের উপর সম্পূর্ণ বিশ্বাস স্থাপন করিতে পারে না, তাহারা ইহা প্রকাশ করিতে পারে না। ইহা তাহাদের কঠাগ্রে আসিয়া, সামাজিক উৎপীড়ন ও রাজশক্তির অক্রুটির ভয়ে, পলায়ন করে; সম্মুখীন হইয়া সম্মুখ-সমরে শত্রুকে আক্রমণ করিতে পারে না। তাই বলিতেছি,

সাধারণ লোকে বহিঃ শত্রুর নির্ঘাতনের ভয়ে ভগবানের আদেশ প্রচার করিয়া কৃতার্থ হইতে পারে না। এই স্থলেই সাধারণ ও অসাধারণে পার্থক্য। যাহারা ভগবানের ইতিহাসে মগাপুরুষ বলিয়া প্রতিষ্ঠালাভ করিয়াছেন, তাহারা এই আশ্রয় বাণী বহির্জগতে প্রচার করিতে সঙ্কোচ বোধ করেন নাই। তাই, ব্রহ্মসমাজের গত শত বার্ষিক উৎসবে রামমোহনকে লক্ষ্য করিয়া বিশ্ববি রবীন্দ্রনাথ যথার্থই বলিয়াছেন—মগাপুরুষে যখন আসেন, তখন বিবোধ লইয়া আসেন। বাস্তবিকই উক্তিটি অত্যন্ত অর্থবোধক। বস্তুতঃ, এষ্ট বিবেকের বাণী বাহিরে প্রকাশ করিতে কত লোকের জীবনপাত করিতে হইয়াছে, কত আশ্রয় স্বপ্নের বিরোধ, কত সামাজিক মানি, কত রাজনিগ্রহ সহ্য করিতে হইয়াছে! কিন্তু শেষে এই শাস্ত্র শাস্তিতে পরিণত হইয়াছে। পোপ কবি সত্যই বলিয়াছেন,—
'Blood of the martyrs is the seed of the church.'

যে সমস্ত মগাপুরুষের ধর্মজীবনে এই বিবেক প্ৰতিফলিত হইয়াছিল, আমি তাহাদের মধ্যে কেবলমাত্র কয়েকজনকে স্মরণে সামান্য উল্লেখ করিব। যীশুর জীবনে এই বিবেক পরিষ্কৃত হইয়াছিল। কত বড়বন্দ, কত অপবাদ, কত নিগ্রহ! তথাপি তিনি এই বিবেকের বাস্তব ঘোষণা করিতে নিরন্তর হন নাই। তাহার বিবেক সঙ্গোপসঙ্গো উজ্জ্বলভাবে প্রকাশিত হইয়াছিল যখন তিনি বলিয়াছিলেন,—
'Who is my father, mother, brother and sister? Whoever doeth the will of my father who is in heaven, is my father, mother, my brother and sister. বাগকের কি অদ্ভুত ভগবদ্-জ্ঞান! ভগবানই যে আমাদের একমাত্র মাতা পিতা একমাত্র ধারণা বালক যীশুর জীবনে দেখুন। পার্থিব মাতা পিতার অপেক্ষা স্বর্গস্থ পিতা ভগবানের স্থান যে কত উচ্চ, তাহা তিনি বেশ বুঝিয়াছিলেন। বস্তুতঃ, এ সমস্ত বিষয়ে চিন্তা করিলে হৃদয় যুগপৎ বিস্ময় ও আনন্দরসে পরিপ্লুত হয়। যীশু খৃষ্টের কথা ছাড়িয়া দিই। আমাদের দেশে রাজা রামমোহনের জীবনেও এই বিবেক পূর্ণ বিকাশ লাভ করিয়াছিল। মূর্ত্তিপূজা যে এক অধঃপতিত জাতির ভ্রান্তসংস্কার এবং ইহা যে প্রকৃত ভগবানের আরাধনার ঘোর অস্তরায়, তাহার বিবেক বলিয়া দিয়াছিল এবং তিনি কখনও সে ধারণা হইতে বিচ্যুত হন নাই। তাহার জননী রুণাবস্তায় শায়িতা; মরণপন্ন মাকে তিনি দেখিতে যান। মা যখন শুনিলেন, রামমোহন আসিয়াছেন, তখন তিনি তাঁহাকে প্রথমে তাঁহার রাধাগোবিন্দ ঠাকুরকে প্রণাম করিয়া তাঁহার নিকট আসিতে বলিলেন। এ অবস্থায় রামমোহন কি করেন? যে মায়ের কোলে তিনি বাল্যকালে লালিত পালিত হইয়াছেন, যাহার স্নেহ ও অপার করুণায় তিনি জীবনধারণ করিতে সক্ষম হইয়াছেন, সেই মাকে তিনি জীবনের তরে আর একবার মাত্র দেখিতে গিয়াছেন। তাই, জীবনের শেষ মুহূর্ত্তে তাহার হৃদয়ে শাস্ত্রি বিধানের নিমিত্ত ঠাকুরের দিকে লক্ষ্য করিয়া বলিলেন, "আমি আমার মায়ের রাধাগোবিন্দকে প্রণাম করিলাম।" যুবকের কি অসাধারণ উক্তি! কি বিবেক-জ্ঞান! যে মূর্ত্তিপূজা

একবার ভ্রান্ত বলিয়া বিবেচিত হইয়াছে, তাহা নিজের বলিয়া কি প্রকারে গ্রহণ করিবেন? আচার্য্য শিবনাথের জীবনেও এই বিবেক পরিপূর্ণতা লাভ করিয়াছিল। স্বগ্রাম মন্ডলপুরস্থ বাড়ীতে তাঁহার পিতা একদিন তাঁহাকে ঠাকুরপূজা করিতে বলেন। পিতার আদেশ হইলেও তিনি তাহা কি প্রকারে করিবেন? তাহা যে ভ্রম-প্রমাদ, কুসংস্কার বই আর কিছুই নয়। তাই বলিলেন, “বাবা, মাপ করিবেন। আমি আপনার সমস্ত আদেশ পালন করিতে পারি, কিন্তু ঠাকুরপূজা করিতে পারিব না”। পিতার নিকট পুত্রের কি বেয়াদবী! কিন্তু এ বেয়াদবীর বাল্যই লইয়া মরিতে হইয়াছে। প্রথম জীবনের এই বেয়াদবী শেষ জীবনে অনেক যুবককে নগাপুরুষে পরিণত করিয়াছে, এবং এট বেয়াদবীর ভ্রম অনেকে চিরস্মরণীয় হইয়া রহিয়াছেন।

বাহা হউক, বিবেকানুযায়ী কার্য্য করাই মানুষের প্রকৃত ধর্ম, বিবেক-বাণীর অনুবর্তী হইয়া চলাই মানুষের প্রকৃত কর্ম। বিবেকানুসারে কাজ করা যেমন ধর্ম, বিবেকের বাণী গোপন করাও তেমন অধর্ম; এবং তদনুযায়ী কাজ না করাও তেমন কুকর্ম বলা যাইতে পারে। এট বিবেকে অনুপ্রাণিত হইয়া বাকালার অমর কবি হেমচন্দ্র সত্যাই গাহিয়াছেন—

ধর অঙ্গ, কর রণ,

যায় যাবে যাক্ প্রাণ।

লিখিতক বসিলে অনেক কথা মনে আসে। কিন্তু পত্রিকার স্থানান্তর বিবেচনা করতঃ বড়ই দুঃখের সহিত পাঠক পাঠিকা-গণের নিকট হইতে বিদায় লইতে হইতেছে। প্রত্যেক ব্রাহ্ম ভ্রাতা ভগিনী মনে রাখিবেন, ব্রাহ্মসমাজ এই বিবেকের উপর প্রতিষ্ঠিত। সকলে যেন বাহিরের পাপ-পঙ্কিল চিন্তা হইতে মুক্ত হইয়া এই বিবেকের অনুবর্তী হইয়া মনের উজ্জ্বল স্তোত্রসবে যোগদান করেন। তাহা হইলে তাঁহাদের ধর্মজীবন সার্থক হইবে—ইহাই আমার বিনীত নিবেদন।

ত্রিংশোদীমোহন রায়, বি এ।

ব্রাহ্মসমাজ।

স্বাস্থ্যসংক্রান্ত—আমাদিগকে গভীর দুঃখের সহিত প্রকাশ করিতে হইতেছে যে—

শ্রীযুক্ত শ্রীনাথচন্দ্র মহাশয়ের কনিষ্ঠা ভগিনী সারদা দেবী গত ২৫শে এপ্রিল দেহাচ্যুত নগরে বার্কক্যান্ডনিত রোগে কয়েক মাস কষ্ট পাইয়া দয়াময় নাম স্নানিতে স্নানিতে ৭৫ বৎসর বয়সে জীবনলীলা সম্বরণ করিয়াছেন। ব্রাহ্ম-সমাজের প্রথম সময়ে যে সকল মহিলা ধর্মজীবনে উন্নতি লাভ করিয়াছিলেন, তিনি তাঁহাদেরই একজন। উপাসনার দৃঢ়-নিষ্ঠা এবং উদার প্রেমপূর্ণ ব্যবহার দ্বারা তিনি সকলেরই আস্থা আকর্ষণ করিয়াছিলেন। ডাক্তার বিমলচন্দ্র ঘোষ প্রভৃতি পুত্র কন্যাগণ প্রায় সকলেই উপস্থিত ছিলেন। গত ৫ই মে ময়মনসিংহ নগরীতে তাঁহার পারলৌকিক অস্থান সম্পন্ন হইয়াছে। মনোরঞ্জন বন্দ্যোপাধ্যায় উপাসনা করেন এবং শ্রীমান সুরেশনাথ চন্দ্র স্বামী পিসিমাভার সংক্ষিপ্ত জীবনী পাঠ করেন। শ্রীনাথ

বাবুও তাঁহার জীবনের কথা বলিয়া প্রার্থনা করিয়াছিলেন। এই উপলক্ষে নিম্নলিখিত দান প্রতিশ্রুত হইয়াছে:—সারদা দেবী যে ব্রহ্মমন্দিরে প্রথম সামাধিক উপাসনা আশ্রয় করেন, ময়মনসিংহের সেই পুরাতন ব্রহ্মমন্দিরে ৫ টাকা, ব্রাহ্মসমাজের প্রাচীনতম প্রচারক ভাই প্যারোমোহন চৌধুরী মহাশয়ের সেবার অল্প ৫ টাকা, সাধনাশ্রমের কয় পরিচারকদিগের পথ্যাদির অল্প ৫ টাকা, ঢাকা অন্য আশ্রমের শিশুদিগের ছুফের অল্প ৫ টাকা। বিধবাশ্রমের গরীব বিধবাদিগের বস্ত্রের অল্প ৫ টাকা। মোট ২৫ টাকা।

গিরীড-প্রবালী শ্রীযুক্ত ফণীপ্রনাথ বহুর পত্নী সরসাবালা বহু দেড় বৎসরকাল শয্যাশায়ী থাকিয়া বিগত ১৪ই মে কলিকাতা নগরীতে ৪১ বৎসর বয়সে পরলোক গমন করিয়াছেন।

শান্তিনাথ পিতা পরলোকগত আত্মাদিগকে চিরশান্তিতে রাখুন ও আত্মীয় স্বজনদের শোকসন্তপ্ত হৃদয়ে শান্তনা বিধান করুন।

ব্রাহ্মসমাজ ব্রাহ্মসমাজ—বর্ষ শেষ ও নববর্ষের উৎসব উপলক্ষে ২২শে চৈত্র সাংকালে একটা বক্তৃতা সভা হয়। শ্রীযুক্ত মনোমোহন চক্রবর্তী সভাপতির আসন গ্রহণ করেন। তিনি প্রার্থনাস্তে “বাকালার শতবর্ষ” বিষয়ে প্রারম্ভিক বক্তৃতা করিলে, শ্রীযুক্ত সত্যানন্দ দাস, শ্রীযুক্ত সতীশচন্দ্র চট্টোপাধ্যায় এবং শ্রীযুক্ত শ্রীচরণ সেন উক্ত বিষয়ে বক্তৃতা করেন। সভাপতির মস্তব্যস্তক বক্তৃতাস্তে সভার কার্য্য শেষ হয়। ৩০শে চৈত্র প্রাতঃকালে কীর্তনাস্তে মনোমোহন বাবু সংক্ষিপ্ত উপাসনা করিলে, বাবু শ্রীচরণ সেন তাপসমালা হইতে পাঠ ও প্রার্থনা এবং বাবু ললিতকুমার বহু প্রার্থনা করেন। সাংকালে উপাসনা হয়। শ্রীযুক্ত সতীশচন্দ্র চট্টোপাধ্যায় আচার্য্যের কার্য্য করেন। ১লা বৈশাখ প্রাতে সঙ্গীত সঙ্গীর্জন ও উপাসনা হয়। শ্রীযুক্ত সত্যানন্দ দাস আচার্য্যের কার্য্য করেন। সাংকালে উপাসনার সঙ্গীত কীর্তনাস্তে শ্রীযুক্ত মনোমোহন চক্রবর্তী আচার্য্যের কার্য্য করেন।

বিগত ১৮ই বৈশাখ সাংকালে ডাক্তার বিহারীলাল বিশ্বাসের ভবনে তাঁহার কঠিন রোগমুক্তি উপলক্ষে উপাসক বন্ধুদিগকে লইয়া বিশেষভাবে উপাসনা কীর্তনাদি হয়। শ্রীযুক্ত মনোমোহন চক্রবর্তী আচার্য্যের কার্য্য এবং বিহারী বাবু প্রার্থনা করেন।

তিন মাসের অধিক হইল রবিবারের নীতি বিভাগের কার্য্য পুনরায় কল্যাণ-কুটিরে মনোমোহন বাবুর তত্ত্বাবধানে সম্পন্ন হইয়া আসিতেছে। ব্রাহ্মকল্যাণ শিক্ষাদান করিতেছেন। বালক বাণিকার সংখ্যা ৪০ হইবে।

১৫ বৎসরের অধিককাল হইল কল্যাণ-কুটিরে মনোমোহন বাবুর প্রথমে মঙ্গলবারে উপাসনাদি হইত। তিনি অস্থায় হইয়া পড়াতে প্রায় দুই বৎসর বন্ধ ছিল। ২৩ মাস হইল পুনরায় মঙ্গলবারের সমবেত উপাসনা বণ্ডাপন্থী প্রতি ব্রাহ্ম পরিবারে পাল্যক্রমে সম্পন্ন হইতেছে।

ব্রাহ্মমিশন প্রেস হইতে শ্রীজগদীশনাথ রায় দ্বারা ১০ই জ্যৈষ্ঠ মুদ্রিত ও প্রকাশিত। সম্পাদক—শ্রীবরদাকান্ত বহু বি, এ

অল্প-কায়দা

অসতো মা সপগময়,
ভমসো মা জ্যোতির্গময়,
মৃত্যোমীমৃতং গময় ॥

ধর্ম ও সমাজতত্ত্ব বিষয়ক পাক্ষিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ খ্রীঃ, ১৫ই মে প্রাকটিক

৫২ম ভাগ।

৪র্থ সংখ্যা।

১৬ই জ্যৈষ্ঠ, বৃহস্পতিবার, ১৩৩৬, ১৮৫১ শক, ব্রাহ্মসংবৎ ১।
30th May, 1929.

প্রতি সংখ্যার মূল্য ৮।

অগ্রিম বাৎসরিক মূল্য ৩২।

প্রার্থনা

হে জ্ঞানময় জীবন-বিধাতা, তুমি আমাদের উপর যে সকল কর্তব্যতার অর্পণ করিয়াছ, আমরা কেন যে সে সমস্ত উপযুক্ত রূপে সম্পন্ন করিতে পারি না, তাহা তুমিই জান। আমরা কত সময় সুযোগ সুবিধার অভাবের অথবা বাহিরের নানা বাধা বিপ্লবের বা অপরের ক্রটির কথা বলিয়া, নিজেদের দোষকালনের চেষ্টা করি, মনে একটা মিথ্যা সাস্তনা লাভ করিতে যত্নশীল হই। প্রকৃত কারণ যে কোথায় তাহা একবার ভাবিয়াও দেখি না। যখন তোমারই দিকে লক্ষ্য করিয়া কার্য করিতে অগ্রসর হই, তখন ত দেখিতে পাই, সুযোগ সুবিধা দিতে তুমি কখনও ক্রটি কর না, সমস্ত বাধা বিপ্লবে অগ্রাহ্য করিয়া অগ্রসর হইবার উৎসাহ ও শক্তি তুমিই প্রদান কর। আমরা যখন বাহিরের দিকে লক্ষ্য রাখিয়া, আপনার উপর নির্ভর করিয়া কাজ করিতে যাই, তখন সামান্য অসুবিধাতেই নীরুৎসাহ হইয়া পড়ি, তুচ্ছ প্রতিবন্ধকতার নিকটই পরাজিত হই। তুমি কখনও আমাদেরকে অসহায় অবস্থায় ফেলিয়া রাখ না, শরণাগতকে পরিত্যাগ কর না। আমরা তোমার শরণ লই না, তোমার অসুগত হইয়া চলিতে প্রস্তুত হই না, তোমাকে জীবনের প্রধান লক্ষ্য স্থানে রাখি না বলিয়াই একপ ঘটে। হে শুভবুদ্ধিদাতা করুণাময় পিতা, তুমি কৃপা করিয়া আমাদের হৃদয়ে শুভবুদ্ধি প্রদান কর, আমরা অপর কোনও দিকে দৃষ্টি না করিয়া, এক তোমারই ইচ্ছাকে জীবনের প্রধান চালক করি; তোমার বাধ্য সন্তান হইয়া, অসুগত দাস হইয়া, তোমার কার্য করিয়া যাই। তুমি যে ভার দিয়াছ তাহা নিশ্চয়ই সুসম্পন্ন হইবে। তুমি দুর্বলের বল, তুমিই সর্বদা বল বিধান করিবে। তোমার কার্য তুমিই সম্পন্ন করাইয়া লইবে। তোমার ইচ্ছাই আমাদের

সকলের জীবনে জঘন্য হউক, তোমার ইচ্ছাই সর্বোত্তমভাবে পূর্ণ হউক।

নিবেদন

ধর্মের বিলাস—সংসারে অনেক লোক দেখা যায়, তারা কেবল উপর উপর চলে; কেবল ফুলে ফুলে মধু খেয়েই বেড়ায়; সংসারের সুখ ও আরামটুকুই কেবল খোঁজে—যেখানে কর্তব্য, যেখানে কষ্টস্বীকার করতে হয়, সেখানে তারা নাই। বন্ধু তারা চায়; তাদের সমসুখ ভালবাসে; একত্রে গল্প করে; কিন্তু বন্ধুর অসুখ কবুল, সে বিপদে পড়িল, তখন আর তাদের দেখা গেল না। সংসারে পরিবারে তারা যেন সরকারে খাট, খায় দায় আমোদ করে; কিন্তু কোথা থেকে কি আসে, কার কখন অসুখ, তার খবর রাখে না। খবর পেলেও তার ব্যবস্থা করতে, রাত জেগে সেবা করতে, তারা প্রস্তুত নয়। এরা সংসারের বিলাসটুকুই চায়; দায়িত্ব নিতে চায় না। ধর্মসমাজেও এক দল লোক আছেন, তারা কেবল ধর্মের মধুটুকু চান; ধর্মের অস্ত্র যে ক্রেপ ক'রে সেবাও করতে হয়, তা তারা চান না। তাঁর নাম করেন, কীর্তন করেন, বেশ আনন্দ পান; কিন্তু ধর্মের ভিতরে যে কঠোর কর্তব্য আছে, সেবার ক্রেপ আছে, দশমের কাজ করতে গেলে যে অনেক খোঁচা লাগে, সেটুকু তারা চান না। ইহারাও ধর্মের বিলাস চান, ধর্মের কঠোর দায়িত্ব চান না। ধর্ম আনন্দ আনে; সে আনন্দ কেবল মাধুর্যসম্বোধে নয়, প্রিয়তমের কাছে কেবল ব'সে থাকতে নয়; প্রিয়তমের অস্ত্র, তাঁর আদেশে, কর্মক্ষেত্রে দুঃখ লাগনা বরণ করতে হয়।

নিষ্ঠার সহিত প'ড়ে থাক—তিনি কখন আসবেন, কোন্ পথে আসবেন, তাহা তিনিই জানেন।

তোমার কাজ তাঁর চরণে প'ড়ে থাক; প্রাণমন তাঁর চরণে সমর্পণ করা। তাঁর কৃপার তিথারী হ'য়ে ব'সে থাকবে; যদি তাঁর দর্শন না-ই পাও, তবুও ব'সে থাকবে। তাঁর সন্ধান করবে, তাঁর আশীর্বাদ তিক্তা করবে; অহুতাপের অশ্রুতে পাপ ধোত করবে; তাঁর ইচ্ছিত বুঝে তাঁর সেবা করবে; তাঁর চরণে আকুল প্রার্থনা জানাবে। তাঁর সময়ে তিনি আসবেন। যদি প্রাণে শুদ্ধতা থাকে, তা নিয়েও তাঁর চরণে বসবে; যদি চিত্ত বিক্ষিপ্ত থাকে, তবুও তাঁর চরণে বসবে; যদি চারিদিকে বিপদভাল ঘনিয়ে আসে, তবুও তাঁর চরণে প্রণতি করবে। অনন্তগতি হ'য়ে তাঁর চরণে বসবে; তিনি ছাড়া আর কেহ নাই, এই ব'লে তাঁর চরণে বসবে; এ জীবনে যদি তিনি দেখা না-ও দেন, তবুও তাঁর চরণে প'ড়ে থাকবে। তাঁর সময়ে তিনি আসবেন; জীবনের প্রভাতে না হয় সন্ধ্যায় আসবেন; ইহ জীবনে না হয়, পরজীবনে আসবেন; সে তাঁর কাজ। তোমার কাজ, আকুল চিত্তে তাঁর চরণে প'ড়ে থাক।

কি ভাবলাম কি হলো—কি আলোক দেখে, কি স্বপ্ন দেখে, ছুটে এলাম! ব্রহ্মনাম কণ্ঠে কণ্ঠে গীত হবে; গৃহে গৃহে ব্রহ্মের সিংহাসন প্রতিষ্ঠিত হবে; ব্রহ্মের নামে মানুষ ভেঙ্গে উঠবে; তাঁর প্রেমে প্রেমিক হ'য়ে পরস্পর পরস্পরকে ভাই বোন ব'লে দেখবে; প্রেম পরিবার প্রতিষ্ঠিত হবে; সত্য প্রেম ও পবিত্রতার হাওয়া প্রবাহিত হবে; দুর্নীতি কুসংস্কার, অশিক্ষা কুশিক্ষা দূর হবে; মানুষ দেবতা হ'য়ে উঠবে; সর্ব বিমর্ষ মানুষ স্বাধীন হবে। কি স্বর্গীয় চিত্র দেখে ছুটে এলাম! আজ কি দেখছি! ঈশ্বর, তুমি কোথায় লুকালে? ষাদের ডেকে এনেছিলে, তারাও তোমাকে ভুলে গেল! যারা তোমার জন্তু কত ক্রেশ, কত নির্ধ্যাতন সহ করুল, তারাও পথের ধারে ঘুমিয়ে পড়ল! মানুষ কোথায় ছুটে চলছে? কোন্ দিকে তার গতি? ঐ যে দলে দলে মানুষ আমাদের পশ্চাতে ছুটেছে, তারা সূত্র স্বার্থ বিলাস নিয়ে ভুলে রইল! তোমার নামের মাদুরা আশ্বাদ করলে না; তোমার নামে ভাগ এল না, প্রেম এল না, পবিত্রতা শুদ্ধতা এল না? কি দেখলাম, আর আজ কি দেখছি! প্রাণ ভেঙ্গে পড়ে, চোখে জল আসে। তিনি তোমাকেও কত ডাকলেন, কত প্রেমের আশ্বাদ দিলেন; তুমিও এসে তাঁর প্রেমের সাক্ষ্য দিলে না! তুমিও তাঁর জন্তে রইলে না! তুমিও আপনাকে অর্পণ করলে না! ভগবান্, এ যে আর দেখতে পারি না। যা ভাবলাম, তা কোথায় গেল? যা দেখলাম, তা লুকাল কেন? আবার এস, নতুন আলোকে নতুন দৃষ্টি দেখাও; প্রেম প্রতিষ্ঠা কর।

সম্পাদকীয়

কেন এমন হল—সমাজের কার্য আশাহুরূপ লভেছে বিস্তার লাভ করিতেছে না এবং যাহা কিছু চলিতেছে তাহাও অতি পছন্দাবেই অগ্রসর হইতেছে বলিয়া আমরা সকলেই বিশেষ চ্ছঃখ অহুত্ব করিয়া থাকি; এবং প্রয়োজনীয় অর্থের ও

যথেষ্ট সংখ্যক অবসরপ্রাপ্ত কর্মীর অভাবেই যে এরূপ ঘটতেছে তাহাও সর্বদাই সকলের মুখে শুনিতে পাওয়া যায়। কিন্তু এরূপ অবস্থার মূল কারণ কোথায় এবং তাহা দূর করিবার প্রকৃষ্ট উপায়ই বা কি, সে বিষয়ে আমরা কে কতটা গভীর ভাবে চিন্তা করি, জানি না। টাকা ও লোকের অভাব যে আমাদের খুবই বেশী এবং তাহার জন্ত যে গুরুতর কতিই সাধিত হইতেছে, তাহাতে কোনও সন্দেহ নাই। কিন্তু টাকা ও অনন্তকর্মী লোক যথেষ্ট হইলেই সকল কার্য আশাহুরূপ ভাবে চলিবে, আমরা কি নিঃসন্দেহভাবে এরূপ স্থির-নিশ্চয় হইতে পারি? বাহিরের দিকে চাহিয়া ত সে রূপ বলা যায় না। চারিদিকে এরূপ অনেক প্রতিষ্ঠান দেখিতে পাওয়া যায়, যাহাতে টাকা ও লোকের কোনও অভাবই নাই, বেশ প্রাচুর্য্যই আছে—অথচ তাহার দ্বারা প্রকৃত কাৰ্য্য, কল্যাণকর কার্য্য কিছু হইতেছে না, বরং অনেক অপকাৰ্য্যই সাধিত হইতেছে। অবশ্য আমাদের মধ্যে এখন পর্য্যন্ত সে রূপ সুযোগ উপস্থিত হয় নাই, উক্ত প্রকার ঘটনাও ঘটে নাই। কিন্তু তাই বলিয়া যে কখনও উক্ত প্রকার ঘটতে পারে না, দৃঢ়তার সহিত এরূপ কথাও বলা কঠিন। তবে তাহা হইবে না বলিয়া আমরা সহজেই আশা করিতে পারি। সে যাহা হউক, বর্তমানে এ বিষয়ে কোনও আলোচনায় প্রবৃত্ত হইবার প্রয়োজন নাই। যথেষ্ট টাকা ও কর্মী যখন হয়, তখন আবশ্যক হইলে সেই আলোচনার সময় ও সুযোগ পাওয়া যাইবে। বর্তমানে প্রধান প্রশ্ন এই—আমরা যথেষ্ট টাকা ও লোক পাই না কেন? আমাদের দারিদ্র্য ও সংখ্যার অল্পতাই কি ইহার প্রধান কারণ? তাহা একটা কারণ বলিয়া স্বীকার করিলেও ত আমরা বলিতে পারি না যে, পূর্বের তুলনায় আমাদের দারিদ্র্য ও সংখ্যার অল্পতা বৃদ্ধিপ্রাপ্ত হইয়াছে, অথবা আমরা সমান অহুপাতে টাকা ও লোক পাইতেছি। টাকা সম্বন্ধে অনেকে বলেন, পূর্বে বাহিরের লোকের নিকট হইতে অনেক টাকা পাওয়া যাইত, এখন আর তাহা পাওয়া যাইতেছে না। ইহার কারণ কি? কেহ কেহ হয়ত বলিবেন, তাহাদের মতি গতি অল্পরূপ হইয়া গিয়াছে বলিয়াই আর আমাদের সঙ্গে তাহাদের সহায়ত্ব নাই, আমাদের কার্য্যাদিতে তাহাদের অহুরাগ নাই। কতক লোক সম্বন্ধে ইহা সত্য বলিয়া স্বীকার করিয়া লইলেও, সকলের সম্বন্ধে ত এরূপ কথা কিছুতেই বলা যায় না। কোনও মিথ্যা হুজুগে মাতেন না, প্রকৃত কল্যাণ কোথায় বৃদ্ধিতে পারেন এবং সাধু স্বাধো অহুরাগী, এরূপ লোকও ত অনেক আছেন। আমরা তাহাদের সাহায্য ও সহায়ত্ব পাই না কেন? আবার কেহ কেহ বলেন, আমরা কাহারও মুখের দিকে চাহিয়া চলি না, তাই তাহারাও আমাদের পানে চাহেন না, বিরক্ত হইয়া দূরে চলিয়া যান। এখানে জিজ্ঞাস্য এই, পূর্বে কি আমরা ইহা অপেক্ষা অধিক পরিমাণে লোকের মুখে দিকে চাহিতাম, অপরকে সন্তুষ্ট করিয়া চলিতে ব্যস্ত ছিলাম? ইতিহাস বলিবে ইহার বিপরীতটাই সত্য। আজ কালই উক্ত প্রবৃত্তির পরিচয়টা স্থানে স্থানে কিছু পরিমাণে দেখা যাইতেছে। পূর্বে উহা মোটেই দেখা যাইত না। কোনওরূপ বন্দোবস্ত করিয়া চলিবার ভার, ঈশ্বর অপেক্ষা মানুষের

সন্তোষের দিকে' অধিকতর দৃষ্টিপ্রদান করা, পূর্বের ব্রাহ্মজীবনে কখনও দেখা যায় নাই। আর, এই উপায়ে যে লোকের শ্রদ্ধা ও অনুরাগ আকর্ষণ করা যায় না, বরং ভিতরে ভিতরে অশ্রদ্ধাই উৎপাদন করা হয়, তাহারও প্রচুর দৃষ্টান্ত চারিদিকে রহিয়াছে। যাহা কর্তব্য বলিখা বুঝা যায়, নির্ভয়ে তাহা করিয়া গেলে যে বিরুদ্ধ পক্ষেরও শ্রদ্ধা আকর্ষণ করা সহজ হইয়া উঠে, তাহারও অনেক দৃষ্টান্ত আছে। তাহা ছাড়া, সকল লোকের পছন্দই যে একই প্রকারের, এমন ত কোনও কথা নাই। আমাদের পছন্দই পছন্দ করেন, এরূপ লোকও ত বাহিরে অনেক আছেন। তাঁহাদের সাহায্য পাই না কেন? আমাদের দেশে স্বতঃপ্রবৃত্ত হইয়া কোনও সাধু কার্যের সাহায্যে অগ্রসর হওয়ার ভাবটা অত্যন্ত দেশের তুলনায় অনেকটা কম স্বীকার করিলেও এ বিষয়ে যে কেবল অপরকে দায়ী করা যায় না, দায়িত্বের বেশীর ভাগটাই আমাদের আপনায় স্কন্ধেই নিতে হয়, তাহা সহজেই বুঝিতে পারা যায়। নিশ্চয়ই আমাদের ক্রটিতেই আমরা তাঁহাদিগকে যথেষ্ট পরিমাণে আকৃষ্ট করিতে পারিতেছি না। ইংরাজীতে একটি প্রবাদবাক্য আছে—Nothing succeeds like success—কিছুই সফলতার দ্বারা সফল হয় না। যে কাজ সন্তোষের ভাবে চলে তাহা সহজেই অধিকতর সফলতা লাভ করে, সকলের উৎসাহ অনুরাগ সহায়তা লাভে সমর্থ হয়। নিশ্চয়ই আমরা এমন ভাবে কাজ চালাইতে পারিতেছি না, যাহাতে অপরের প্রাণে বিশেষ উৎসাহ ও অনুরাগ সঞ্চারিত হইতে পারে। আমাদের পূর্বের বিস্তীর্ণ কার্যক্ষেত্রে যে আমরা বহু পরিমাণে সফল করিয়া ফেলিয়াছি এবং যাহা কিছু সামান্যরূপ করিতেছি তাহাও অতি মৃদুভাবেই চণ্ডিতেছে, এ কথা স্বীকার করিবার কোনও উপায় নাই। বাহিরের কেন, ভিতরের লোকদিগকেও আমরা যথেষ্টরূপে আকৃষ্ট ও উৎসাহিত করিতে পারিতেছি না, নিজেরাও নিজেরদের কাজে সন্তুষ্ট হইতে সমর্থ হইতেছি না। আমাদের প্রচারকার্য বিষয়ে অনেক মফঃস্বলস্থ বন্ধুদের নিকট হইতে যাহা শুনিতে পাওয়া যায়, এই প্রসঙ্গে সেই কথাটাও স্মরণ রাখা আবশ্যিক। অনেকে বলেন, "আজ কাল প্রচারকগণকে আর মফঃস্বলে বড় একটা দেখিতে পাওয়া যায় না, এমন কি উৎসবদির সময়ও লোক চাহিয়া পাওয়া যায় না, বিশেষতঃ তাঁহাদের নিকট হইতে সেরূপ কোন উপকারও পাওয়া যায় না। প্রচার ক্ষেত্রে টাকা দিয়া কি হইবে?" প্রচার বিভাগেব চাঁদা ও দান যে কমিয়া গিয়াছে, তাহাতে কোনও সন্দেহ নাই। কতকগুলি স্থায়ী ভাণ্ডারের হ্রাস হইতেই যাহা কিছু আয় হয়। বন্ধুদের উৎসাহ ও অনুরাগ হারাণ একটা গুরুতর কতি। তাঁহারা যে সকল দিক ভাল করিয়া ভাবিয়া চিন্তিয়া একটা যুক্তিসঙ্গত মীমাংসায় উপনীত হইয়াছেন, তাঁহাদের অভিযোগের মধ্যে কোনও তুলনাস্থি নাই, এরূপ কথা আমরা বলিতেছি না। যথেষ্ট লোকের অভাব যে এরূপ ঘটবার একটা প্রধান কারণ, এবং টাকার অভাবও যে লোকাভাবেব জন্য অনেক পরিমাণে দায়ী, তাহা সহজেই বুঝিতে পারা যায়। পূর্বের দ্বারা খাটিতে না পারিলেও ভয়বাহ্য প্রচারকদের প্রতি যে আমাদের একটা কর্তব্য আছে, তাহা বলা বাহুল্য। তথাপি,

তাহাদের যে অভিযোগ করিবার কোনও কারণ নাই, এরূপ কখনও আমরা বলিতে পারি না। আমাদের যে আয়োজন আছে তাহার উপযুক্ত ব্যবহার করিতে পারিলে যে ইহা অপেক্ষা অধিকতর সন্তোষজনক কার্য হইতে পারিত, তাহা স্বীকার করিবার উপায় নাই। আর, শুধু লোক পাঠাইলেই যে ইহার সন্তুষ্ট হইবেন, তাহাও নহে। যে সকল লোক সময় সময় পাঠান হয়, অনেক স্থলে তাহাদের ব্যবহারাদি সযত্নেও নানা অভিযোগ শুনিতে পাওয়া যায়,—তাহাতে প্রচারকার্যের প্রতি অনুরাগের পরিবর্তে বিরাগটাই বর্দ্ধিত হয়। বাধা হইয়া লজ্জার খাতিরে একবার অর্থ প্রদান করিলেও চিরদিনের জন্য অনেকে বিমুখ হইয়া দাঁড়ান। ইহাতে মফঃস্বলের সঙ্গে বন্ধনটা দৃঢ়ীকৃত না হইয়া, একেবারে শিথিল হইয়া যায়। বাহিরের দুই চারিটা উপাসনা, বক্তৃতা, সঙ্কীর্ণনাদির বিবরণ কাগজে ছাপাইয়া, আমরা সফলতার একটা উজ্জল চিত্র স্বকনধারা একটু সাময়িক বাহবা অর্জন করিয়া, আত্মপ্রতারিত হইতে পারি বটে, কিন্তু পরে দেখিতে পাইব ইহার দ্বারা ইষ্টের পরিবর্তে গুরুতর অনিষ্টই সাধিত হইয়াছে। এমন ভাবে কাজ করা চাই, যাহাতে লোকে উপকৃত বোধ করিয়া আগ্রহের সহিত আপনা হইতে টাকা দিবে, খ্রীতির বন্ধনে যুক্ত হইয়া থাকিবে। শুধু লোক হইলেই হইবে না, সর্বোপরি উপযুক্ত লোক চাই। শুধু টাকা হইলেই যে উপযুক্ত লোক পাওয়া যাইবে, এরূপও বলা যায় না। তথাপি টাকা নিশ্চয়ই চাই। কোনও লোকেরই নিজের ও পরিবার পরিজনদের ভরণ পোষণ বিনা টাকায় চলিতে পারিবে না। আর, যেরূপ যদি তাহাকে টাকা অর্জন করিতে হয়, তবে হস্ত আবশ্যক সময়ে অবসর পাইবে না। অনন্তকর্মী লোক না হইলে সমাজের কাজে প্রয়োজনীয় সময় দিতে পারিবে না। কিন্তু টাকা দিয়া অনন্তকর্মী লোক নিযুক্ত করিলেই যে তাহার নিকট হইতে সর্বোপেক্ষা বেশী কাজ পাওয়া যাইবে, এরূপ কোনও কথা নাই। যাহার যথেষ্ট অবসর আছে, সে-ই যে সকল সময় সর্বোপেক্ষা বেশী কাজ করিতে পারে, তাহা বলা যায় না। সংসারে সর্বদা দেখিতে পাই, নানা কাজে লিপ্ত থাকিয়াও এক জন যে পরিমাণ কার্য করিয়া থাকে, তাহার অপেক্ষা সহস্রগুণে অধিক অবসরপ্রাপ্ত ব্যক্তিও তাহার শতাংশের একাংশ করিতে পারে না। গ্রাডষ্টোনের সঙ্গে তাঁহার সমসাময়িক নানা লোকের তুলনা করিলেই ইহার প্রমাণ পাওয়া যাইবে। অল্পসন্ধান করিলে আমাদের মধ্যেও ইহার বহু দৃষ্টান্ত দেখিতে পাওয়া যাইবে। শুধু অবসর থাকিলেই হয় না, ক্ম করিবার আকাঙ্ক্ষা ও শক্তি সর্বোপরি আবশ্যিক। যাহারা কর্তব্যজ্ঞানহীন অলস প্রকৃতির লোক, তাহাদের কথা গণনার মধ্যে আনিবার কোনও প্রয়োজন নাই। কিন্তু সাধারণ কর্তব্যজ্ঞান থাকিলেই যথেষ্ট নয়। একটা উচ্চতরের নিষ্ঠা, অনুরাগ ও আত্মত্যাগের ভাব থাকা আবশ্যিক। যাহার তাহা আছে, সে অল্প অবসরের মধ্যেও বহু কাজ—এবং ভাল করিয়াই—করিতে সমর্থ হয়। আর তাহা না থাকিলে অনেক অবসর পাইয়াও অতি অল্পই করিতে পারে, তাহাও ভাল করিয়া পারে না। শুধু অর্থ দিয়া এরূপ চরিত্র

ক্রম করা যায় না, ঐশ্বর্য্যও যায় না। একমাত্র জীবন্ত ব্রহ্মরূপ, ব্রহ্মপ্রেমে আত্মবিসর্জন হইতেই ইহা জন্মিতে পারে। আমাদের মধ্যে একরূপ লোক কেন যথেষ্ট পরিমাণে হয় না, এবং কি প্রকারে হইতে পারে তাহা ভাবিয়া দেখা আবশ্যক। এখন কথা হইতে পারে যে, একরূপ লোক ত আমরা ইচ্ছা করিয়া গড়িয়া তুলিতে পারি না, তবে কি তাহার অপেক্ষায় আমরা কাজ বন্ধ করিয়া বসিয়া থাকিব? কাজ নিশ্চয়ই বন্ধ করিতে হইবে না, কিন্তু যাহাতে উহা স্বাভাবিকভাবে সম্পন্ন হয় তাহা ত দেখিতে হইবে। উপযুক্ত লোক চাই-ই। ইচ্ছা করিলেই একরূপ লোক পাওয়া যায় না সত্য। কিন্তু ইহা সম্পূর্ণ সত্য নহে। একরূপ লোকের জন্ম যে আমাদের উপর কিছুমাত্র নির্ভর করে না, তাহা বলা যায় না। আমরা যেকোন শ্রেণীর লোক পাইবার জন্য চেষ্টা ও আকাঙ্ক্ষা করি অনেক পরিমাণে সেই শ্রেণীর লোকই আমাদের মধ্যে গড়িয়া উঠিবে। আমাদের মধ্যে একরূপ লোক যাহাতে জন্মিতে পারে, তাহার অল্পকূল অবস্থা আনয়ন বহু পরিমাণে আমাদের উপর নির্ভর করে। আমরা যদি ধর্ম্মার্থই আমাদের মধ্যে ধর্ম্মকে প্রতিষ্ঠিত করিবার জন্য, ব্রহ্মরূপত জীবন লাভের জন্য আকাঙ্ক্ষিত হই, তাহার জন্য আকূল প্রার্থনা ও সরল মন প্রাণে যথাসাধ্য চেষ্টা যত্ন করি, তবে নিশ্চয়ই আমাদের মধ্যে এমন ধর্ম্মার্থি প্রজন্মিত হইবে, যাহাতে সমস্ত ক্ষুদ্র বিষয়সম্বন্ধি আপনিই দৃষ্ট হইয়া যাইবে, ত্যাগের অপূর্ণ মাধুর্য্য উদ্ভাসিত হইবে। বিষয়কে, অর্থ মান বিস্তকেই, যদি আমরা প্রধান স্থানে রাখি, তবে আমাদের মধ্যে কোনও ক্রমেই ত্যাগের ভাব জন্মিতে ও বর্দ্ধিত হইতে পারিবে না। একটু সামান্য অল্পসঙ্কান করিলেই দেখিতে পাইব, আমরা কাহাকে প্রধান স্থানে রাখিয়া চলিতেছি। আমাদের মধ্য হইতেও অধিক টাকা কেন পাইতেছি না, তাহার কারণটাও একবার ভাবিয়া দেখা আবশ্যক। টাকা যে আমরা শুধু অধিক উপার্জনই করিতেছি তাহা নহে, ব্যয়ও অনেক বেশীই করিতেছি। অথচ ধর্ম্মার্থে দান, সমাজের কাজে যথোচিত অর্থপ্রদান, সেই অল্পপাতে কিছুমাত্র বৃদ্ধি পায় নাই, বরং হ্রাসই পাইয়াছে। পারীক্ষিক স্বপ্ন সুবিধা আরামের জন্য, বিলাস ব্যাসন আশ্রয় প্রমোদের জন্য, মান প্রতিপত্তি বর্দ্ধনের জন্য, একাতরে অর্থ ব্যয় করিতে অতি অল্প লোকেই বিধা করিতেছে, যতকিছু অর্থ্যভাব সমাজে কিছু দেওয়ার বেলায়। একরূপ কেন হয়, তাহা কি আমরা ভাবিয়া থাকি? না, তাহা দূর করিবার জন্য কোনও উপায় অবলম্বন কর? সংসারের কত অসার গল্প গুজবে বহুমূল্য সময় নষ্ট করিতে অধিকাংশই কিছুমাত্র কুণ্ঠিত নহে। যত সময়ভাব সমাজের কাজে। কথায় বলে “মাছে গন্ধ না বহে হাল, তার দুঃখ চিরকাল।” আমাদের সেই দশা ঘটিয়াছে। সুতরাং কিছুতেই আমাদের দুঃখ দৈনন্দিন মুচিতেছে না। বাস্তবিক যদি আমাদের যথাসক্তি দিবার ও করিবার প্রবৃত্তি থাকিত, তাহা হইলে কখনও একরূপ অর্থ্যভাব ও লোকাভাব ঘটিত না। আর, সামান্য যাহা কিছু আছে তাহার দ্বারাও ইহা অপেক্ষা অনেক বেশী এবং ভাল কাজ হইত। অনেক থাকিয়াও যে আমাদের কিছু নাই, প্রাচুর্য্যের মধ্যেও যে আমাদের অভাব কিছুতেই মুচিতেছে না, তাহার একমাত্র কারণ আমাদের মধ্যে ত্যাগ নাই, ধর্ম্ম অহুরাগ নাই।

অহুরাগ থাকিলে ত্যাগ আপনা হইতে আসে। আমরা এই মূল কথাটা ধরিতে না পারিয়া নানা বাহিরের উপায় অবলম্বন করিতে যাইয়া কেবলই পদে পদে ব্যর্থকাম হইতেছি। আমাদের কাজের মধ্যে যে যথোচিত বৃদ্ধি বিচার চিন্তা অপেক্ষা ভাবেরই প্রাধান্য দেখিতে পাওয়া যায়, তাহাও ব্যর্থতার একটা কারণ, এই কথাও ভুলিলে চলিবে না। একটু গভীর ভাবে পরীক্ষা করিলে দেখিতে পাইব, আমাদের দৃষ্টিটা এখনও বাহিরের প্রদর্শনের দিকেই আবদ্ধ হইয়া আছে, প্রকৃত কাজের দিকে যায় নাই। তাই আমরা কৃষিক কৃত্রিম উপায়ের পশ্চাতেই ছুটিতেছি, প্রতীকারের প্রকৃত পন্থা অবলম্বন করিতেছি না। আমরা সকলে গভীর ভাবে চিন্তা করিয়া দেখি, আমাদের প্রকৃত অভাব কোথায়, কেন এমন হইতেছে এবং কি প্রকারেই বা তাহা দূর করা যাইতে পারে, আমাদের সর্ব্বাঙ্গে কি করিতে হইবে। তাহা হইলে যে অল্পদিনের মধ্যেই এই অবস্থা বিদূরিত হইবে, তাহাতে কিছুমাত্র সন্দেহ নাই। করুণাময় পিতা আমাদের স্তম্ভবৃদ্ধি প্রদান করুন এবং সমগ্র মন প্রাণের সহিত সকল বিষয়ে তাঁহাকে অহুরাগ করিতে, জীবনে তাঁহার ইচ্ছাকে সর্ব্বতোভাবে পালন করিতে সমর্থ করুন। আমরা সকলে সর্ব্বোপরি তাঁহারই হই।

সাধারণ ব্রাহ্মসমাজের এক-পঞ্চাশৎ জন্মোৎসব।

সাধারণ ব্রাহ্মসমাজের এক-পঞ্চাশৎ জন্মোৎসব নিম্ন লিখিত ভাবে সম্পন্ন হইয়াছে :—

১৯শ জ্যৈষ্ঠ (১৫ই মে) সুধবান্দ—সায়ংকালে বক্তৃতা। পণ্ডিত সীতানাথ তত্ত্বভূষণ সভাপতির আসন গ্রহণ করেন। ত্রীমুখ প্রভুলচন্দ্র সোম “অনাগতের আহ্বান” বিষয়ে বক্তৃতা করেন। তিনি আরাধনাসাধনকেই সাধারণ ব্রাহ্মসমাজের বিশেষ কার্য বলিয়া নির্দেশ করেন। অত্যাশ্রয় বক্তাগণ উপস্থিত না থাকাতে সভাপতি মহাশয় একটু বিস্তারিত ভাবে বক্তৃতা করিয়া সভা ভঙ্গ করেন।

২০শ জ্যৈষ্ঠ (১৬ই মে) স্বহস্তান্তর—সাধারণ ব্রাহ্মসমাজ প্রতিষ্ঠার দিন—প্রাতে উপাসনা। ত্রীমুখ হেমচন্দ্র সরকার আচার্য্যের কার্য করেন। তিনি “সাধারণ ব্রাহ্মসমাজের কার্য” বিষয়ে যে উপদেশ প্রদান করেন তাহার মর্ম্ম নিয়ে প্রকাশিত হইল :—

ব্রাহ্মসমাজের শতবর্ষের ইতিহাসে ঈশ্বরের করুণা উজ্জলরূপে প্রকাশিত। রামমোহন হইতে দেবেন্দ্রনাথ, দেবেন্দ্রনাথ হইতে কেশবচন্দ্র, এবং কেশবচন্দ্র হইতে সাধারণ ব্রাহ্মসমাজের কার্যে ভগবানের মঙ্গল অভিপ্রায় ধীরে ধীরে প্রকৃষ্টি হইয়াছে। ব্রাহ্মসমাজের ইতিহাসে বিচ্ছেদ ঘটয়াছে, কিন্তু ভগবানের মঙ্গল ধারার ক্রমতঃ ঘটে নাই। কেশবচন্দ্র দেবেন্দ্রনাথকে পরিত্যাগ করিয়া আসিয়াছিলেন, কিন্তু তাঁহারই কার্য পূর্ণতরূপে সমাধা করিয়াছিলেন। তজ্জন সাধারণ ব্রাহ্মসমাজ কেশবচন্দ্র হইতে বিচ্ছিন্ন হইয়াও তাঁহার অমুণ্ডিত কার্যই রক্ষা এবং পূর্ণ করিয়াছেন। সাধারণ ব্রাহ্মসমাজ পূর্বাচার্য্যগণের সাধনা

কার্যের উত্তরাধিকারী হইয়া ভ্রমগ্রহণ করিয়াছেন। ভারত-বর্ষীয় ব্রাহ্মসমাজ যে কার্য আরম্ভ করিয়াছিলেন, জ্ঞাতসারে বা অজ্ঞাতসারে সাধারণ ব্রাহ্ম সমাজের স্বত্ব সেই কার্যভার আশ্রিয়া পড়িয়াছে। মহাত্মা রাজা রামমোহন রায় যে উদার আধ্যাত্মিক সার্বজনীন ধর্মের আদর্শ জগতে প্রচার করিয়াছিলেন, মহর্ষি দেবেন্দ্রনাথ ও ব্রহ্মানন্দ কেশবচন্দ্র যাহাতে ভাব ও ভক্তি সঞ্চার করিয়াছিলেন, সাধারণ ব্রাহ্মসমাজের হস্তে তাহারই সাধনের গুরুতর কার্য অর্পিত হইয়াছে। রামমোহন জ্ঞানে ধরিলেন, মহর্ষি ও ব্রহ্মানন্দ ভাবে মাতাইলেন, সাধারণ ব্রাহ্মসমাজকে কার্যে পরিণত করিতে হইবে। জ্ঞান, ভক্তি ও কর্ম সমন্বয়ের বৃহৎ আদর্শ সাধনজগতে ব্যাপ্ত করিবার সময় আসিয়াছে। ভগবান সাধারণ ব্রাহ্মসমাজের হস্তে এই গুরুতর ভার অর্পণ করিয়াছেন।

ব্রাহ্মধর্মের আদর্শ উদার, সর্বতোমুখী ও জীবনব্যাপী। ইহার সাধনের তিনটি ক্ষেত্র—ব্যক্তিগত জীবন, পরিবার ও সমাজ। সাধারণ ব্রাহ্মসমাজ প্রথম হইতেই ব্যক্তিগত জীবনে ব্রাহ্মধর্মসাধনের প্রয়োজনীয়তা বিশেষরূপে উপলব্ধি করিয়াছেন। সাধারণ ব্রাহ্মসমাজের আচার্য্যগণ ব্যক্তিগত জীবনে ধর্মের মহৎ আদর্শ দেশের লোকের সম্মুখে ধরিয়াছেন। জ্ঞানে গভীরতা, প্রেমে বিশালতা, বিবেকের উজ্জলতা, মানবের সেবা এবং সর্বোপরি ভগবৎভক্তি, ব্যক্তিগত ধর্মজীবনের এই পূর্ণ আদর্শ। ব্রাহ্মধর্ম কেবল জ্ঞানীদের জন্য নয়, ইহা সকল শ্রেণীর লোকের জন্য; কিন্তু জীবনে ব্রাহ্মধর্মের প্রভাব পতিত হইলেই জ্ঞানের জন্য ব্যাকুল আকাঙ্ক্ষা জাগিবে। সত্যাত্মসন্ধান এবং জ্ঞানচর্চা ব্রাহ্মজীবনের লক্ষ্য; 'আরও জ্ঞান', ইহাই ব্রাহ্মজীবনের মন্ত্র। দ্বিতীয়তঃ, ব্যক্তিগত ব্রাহ্মজীবনের আদর্শ প্রেমে বিশালতা। মানবমাত্রই ভগবানের সন্তান, সূতরাং আমাদের ভাই; এখানে বেশ জাতি বর্ণের পাথক্য নাই। সমুদয় মানবমণ্ডলী এক পরিবার। মহাত্মা রাজা রামমোহন রায় এই মহৎ আদর্শ সাধন ও প্রচার করিয়াছিলেন। সমগ্র মানবজাতির সুখে সুখী ও দুঃখে দুঃখী হইতে হইবে, আমাদের প্রেম কোথাও বাধা পাইবে না। তাহা দেশ জাতি ও বর্ণের গণ্ডী অতিক্রম করিয়া বিশ্বে ব্যাপ্ত হইবে।

তৃতীয়তঃ, ব্রাহ্মজীবনের লক্ষণ বিবেকের তীক্ষ্ণতা। কেবল জ্ঞান ও ভাবেই ধর্ম পর্য্যবসিত হইবে না। ধর্মের একটি প্রধান কার্য বিবেককে তীক্ষ্ণ ও উজ্জল করা। বিবেকের শিক্ষা ও ও চর্চা আবশ্যিক। ব্যক্তিগত ও সামাজিক জীবনে বিবেক জ্ঞান হইয়া যাইতে পারে। একজন বা একজাতি যাহাকে ঘোর অজ্ঞায় মনে করিতেছে, অপর ব্যক্তি বা জাতি অসঙ্কোচে তাহা করিতেছে। এই জন্য অনেক চিন্তাশীল ধার্মিক লোক বিবেককে যথেষ্ট মনে করেন নাই। কিন্তু পরিণামে বিবেক ভিন্ন ব্যক্তিগত জীবনে কর্তব্যনির্ধারণের অন্য উপায়ও নাই। তবে, সেই বিবেকের শিক্ষা ও উন্নতি সম্ভবপর ও আবশ্যিক। সাধন ও চর্চার দ্বারা বিবেক উজ্জল হইতে উজ্জলতর হইয়া উঠুক। ব্রাহ্মধর্ম নীতিপ্রধান ধর্ম। বিবেকের আদেশে ব্রাহ্মগণ বহুক্ষেপ ও নিখ্যাতন সহ করিয়াছেন। কত ব্রাহ্ম বিবেকের

অনুরোধে ধন মান, আত্মীয় স্বজন, পিতা মাতা পরিভ্যাগ করিতে বাধ্য হইয়াছেন। ব্রাহ্মধর্ম বিবেকের প্রাধান্য ঘোষণা করিয়া ভারতে এক নব আদর্শ আনয়ন করিয়াছেন।

“কর্তব্য বুঝিব যাহা নির্ভয়ে করিব তাহা,
যায় যাক, থাকে থাক, ধন প্রাণ মানরে।”

ইহাই ব্রাহ্মসমাজের বাণী। সাধারণ ব্রাহ্মসমাজের ব্যক্তিগত জীবনে এই আদর্শ রক্ষা করিতে হইবে।

তৎপরে মানবের সেবা। এখন দেশমধ্যে সেবার ভাব বিস্তৃতি লাভ করিতেছে। কিন্তু প্রথমে ব্রাহ্মসমাজই এই আদর্শ আনয়ন করেন। ধর্ম মত ও ক্রিয়াকাণ্ডে আবদ্ধ ছিল। মহাত্মা রাজা রামমোহন রায় বলিলেন, মানবের সেবাই ঈশ্বরের সেবা। মহর্ষি দেবেন্দ্রনাথ তাঁহারই বাক্যের প্রতিধ্বনি করিয়া বলিলেন, 'তস্মিন্ প্ৰীতি স্তস্য প্রিয়কার্যসাধনঞ্চ তদুপাসনমেব।' পরবর্তী আচার্য্যগণ জীবন ও উপদেশের দ্বারা এই আদর্শ প্রচার করিতে চেষ্টা করিয়াছিলেন। মানবের সেবা ব্রাহ্মধর্মের একটি পবিত্র সাধন। অনুরোধের ভাবে নয়, দয়া করিয়া নয়, প্রেমে পূর্ণ হইয়া, স্বীয় আত্মার কল্যাণের জন্য, ভগবৎপ্ৰীতির জন্য, সেবা ও সংকার্য্য করিবে; ইহাই ব্যক্তিগত ব্রাহ্ম জীবনের লক্ষ্য।

সর্বোপরি ভগবৎভক্তি। মানবজীবনের গৌরব ও মুকুট ঈশ্বরপ্রেম। যদি গভীর জ্ঞান থাকে, অনেক কাজ করি, আর ঈশ্বরে ভক্তি না পাই, তাহা হইলে জীবনের শ্রেষ্ঠ সম্পদ হারাইলাম।

“কি সুখে জীবনে মম নাথ দয়াময় হে।

যদি চরণ-সর্বোজ্জৈ পরাণ-মধুপ চিরমগন না রথ হে।”

“ইহ চেদবেদীং অথ সত্য মস্তি

ন চেদিহাবেদীমহতী বিনষ্টিঃ।”

‘যদি ভগবানকে না জানিলাম, তাঁহাকে ভাল না বাসিতে পারিলাম, তাহা হইলে ‘মহতী বিনষ্টি।’ ব্রাহ্ম জীবনের প্রথম এবং প্রধান লক্ষণ ভগবৎভক্তি। ব্রাহ্মসমাজের প্রধান কার্য ঈশ্বরোপাসনাপ্রতিষ্ঠা। দেশে জ্ঞান বিস্তার হইতেছে, সেবার ভাবও আগিতেছে; কিন্তু ইহাতেই ব্রাহ্মসমাজের কাজ শেষ হইবে না; ব্রাহ্মসমাজকে সরস, জীবন্ত ভক্তির ধর্ম প্রতিষ্ঠিত করিতে হইবে। ব্যক্তিগত জীবনে গভীর, মধুর, উচ্ছ্বসিত ভক্তি ব্রাহ্মের লক্ষণীয় ও লোভনীয়।

সাধারণ ব্রাহ্মসমাজের দ্বিতীয় কার্য পরিবারে ব্রাহ্মধর্মের প্রতিষ্ঠা। এ দেশে অতি প্রাচীনকাল হইতে ব্যক্তিগত ধর্মসাধন ছিল; কিন্তু ধর্ম যে পরিবারে ও সমাজে সাধন করিতে হয় সে ভাব একেবারে অজ্ঞাত না হইলেও অতি বিরল ছিল। পরিবার ও সংসারকে ধর্মের বিরোধীই মনে করা হইয়াছে। গভীর ধর্মলাভ করিতে হইলে সমাজ ও সংসার পরিভ্যাগ করিয়া বনে বাইবার ব্যবস্থা ছিল। ব্রাহ্মধর্ম ঘোষণা করিলেন, জী পুত্র পরিবার লইয়া ধর্মসাধন করিতে হইবে। মানবের গৃহই ধর্মসাধনের প্রকৃত ক্ষেত্র। প্রথম হইতেই ব্রাহ্মগণ পরিবারে ধর্ম প্রতিষ্ঠা করিতে ব্যগ্র হইয়াছেন। বিশেষতঃ সাধারণ ব্রাহ্মসমাজ এই আদর্শ দৃঢ়তার সহিত অবলম্বন করিয়াছিলেন। সাধারণ ব্রাহ্মসমাজের প্রতিষ্ঠাতা-

গণ চাহিয়াছিলেন, স্ত্রী ও পুরুষ সম্পূর্ণ স্বাধীনভাবে একত্র ধর্ম-সাধন করিবেন। এইজন্য তাঁহাদিগকে নির্ধ্যাতন সহ করিতে হইয়াছিল। ভারতবর্ষীয় ব্রাহ্মসমাজ হইতে বিচ্ছেদের ইহাও একটি কারণ। কিন্তু সময়ে সাধারণ ব্রাহ্মসমাজের অগ্রগণ্যের চেষ্টা সফল হইয়াছে। দেশমধ্যে স্ত্রীশিক্ষা ও স্ত্রীস্বাধীনতা বিগত ৫০ বৎসরে দ্রুতগতিতে প্রসার লাভ করিয়াছে। কিন্তু এখনও অনেক ক্রিয়াকার আছে। শিক্ষা ও স্বাধীনতার সঙ্গে ধর্ম প্রতিষ্ঠা করিতে হইবে। যে পরিমাণে জ্ঞান বিস্তার হইবে, সেই পরিমাণে ধর্মের গভীরতা আবশ্যিক। আদর্শ-গৃহ প্রতিষ্ঠিত করা ব্রাহ্মসমাজের কার্য। দুঃখের বিষয়, এখনও দেশে আদর্শ ব্রাহ্মগৃহ কত বিরল!

সাধারণ ব্রাহ্ম সমাজের তৃতীয় কার্য সমবেত জীবনে ধর্ম-সাধন অথবা মণ্ডলীগঠন। জীবনের সকল ক্ষেত্রেই ধর্ম প্রতিষ্ঠিত করিতে হইবে। দেশের কাজ, সমাজের কাজ, ধর্মভাব লইয়া যাইতে হইবে। সাধারণ ব্রাহ্মসমাজ ধর্ম ও সংসারের মধ্যে প্রাচীর ভাঙিয়া দিয়াছেন। এখানে আধ্যাত্মিক ও বৈষয়িকের মধ্যে বেধা টাঙ্গ হয় নাই। কি ভাবে কাজ করা হয়, তাহাতেই বৈষয়িকতা ও আধ্যাত্মিকতা প্রকাশ পায়। তদুৎসাহিত্যে মানবের হিতার্থে যে কাজ করা হয়, তাহাই ধর্মকার্য। এই ভাবে প্রণোদিত হইয়াই সাধারণ ব্রাহ্মসমাজের আচার্য্য ও নেতৃগণ দেশসেবা, সমাজসেবা, সমাজসংস্কার প্রভৃতি কার্যে অগ্রসর হইয়াছেন। অতীতের নিকটে ইহা শুষ্ক, বাহিরের কাজ। ব্রাহ্মগণের নিকটে তাহাই ঈশ্বরের সেবা। এষ্ট জগতই আনন্দমোহন বসু কংগ্রেসের সভাপতিরূপে মাদ্রাজে যে বক্তৃতা দিয়াছিলেন তাহা শুনিয়া শ্রোতৃবৃন্দ কাঁদিয়াছিলেন। ব্রাহ্মসমাজের এই আদর্শ দেশের সকল কাজেই প্রতিষ্ঠিত করিতে হইবে। ইহা অতি কঠিন কাজ। লোকের এখনও মনে করিতেছে, মিথ্যা প্রবঞ্চনা শঠতা দ্বারা দেশের কল্যাণ হইতে পারে; রাজনৈতিক আন্দোলন, সমাজসংস্কার, ধর্মের প্রয়োজন নাই; ধর্মকে মন্দিরে বা গৃহকোণে অথবা কথায় আবদ্ধ রাখিয়া দেশের ও দেশের কাজ চলিতে পারে। সাধারণ ব্রাহ্ম সমাজকে দৃঢ়তার সহিত বলিতে হইবে—'Righteousness exalteth a nation.' ধর্ম ছাড়িয়া দেশ বড় হয় না। সাধারণ ব্রাহ্মসমাজের কার্য শেষ হয় নাই। ভগবান সাধারণ ব্রাহ্মসমাজের হস্তে বৃহৎ কার্যভার দিয়াছেন। ভারতে ও জগতে ধর্মের এই বৃহৎ আদর্শ প্রচার ও প্রতিষ্ঠিত করাই সাধারণ ব্রাহ্মসমাজের ভগবৎপ্রদত্ত কার্য। আজ সাধারণ ব্রাহ্ম সমাজের জন্মদিনে আমরা এই আদর্শ স্মরণ করি এবং ইহার সাধনে নতুন করিয়া দেহ মন প্রাণ উৎসর্গ করি।

সায়ংকালে উপাসনা। তাহাতে শ্রীযুক্ত ললিতমোহন দাস আচার্য্যের কার্য করেন এবং "সাধারণ ব্রাহ্মসমাজের বিশেষত্ব" বিষয়ে নিম্নলিখিত উপদেশ প্রদান করেন :—

প্রাচীন ঋষি শিষ্যকে বলিয়াছিলেন, "তপস্যা ব্রহ্মবিজ্ঞানম্"—তপস্যা দ্বারা ব্রহ্মকে জানিতে ইচ্ছা কর। ব্রহ্মকে জানাই

জীবনের লক্ষ্য। ব্রহ্মকে কেবল নিজে জানিলে হবে না, যাতে সকলে ব্রহ্মকে জানিতে পারে, যাতে ব্রহ্মের রাজ্য ধরাতে প্রতিষ্ঠিত হয়, যাতে সত্য প্রেম ও পবিত্রতা হৃদয়ে হৃদয়ে লাগত হয়, এবং মানুষ প্রেমে এক হ'য়ে ব্রহ্মেরই উপাসনা করে, ব্রহ্মকেই জানিতে চায়, তাহা করা প্রত্যেক মানুষের কর্তব্য। তপস্যা দ্বারা ব্রহ্মকে জানিতে হইবে—উপাসনাই তপস্যা। এই উপাসনা কাহাকে বলে? মহর্ষি দেবেন্দ্রনাথ একটি মন্ত্রে উপাসনা-তত্ত্ব ব'লে দিয়াছেন, "তস্মিন্ প্রীতিস্তপ্ত প্রিয়কার্যসাধনঞ্চ তত্পাদনমেব"। এক সত্য প্রেম পবিত্রতার আধার নিরাকার পরব্রহ্মে প্রীতি, সাক্ষাৎভাবে প্রেম ভক্তি সহযোগে তাঁর অর্চনা, আর তাঁর প্রিয়কার্যসাধন, তাঁর প্রেমপ্রণোদিত হ'য়ে, তাঁহারই প্রিয়কার্য-বোধে, মানবের সেবা, লোকশ্রেয়সাধন,—ইহাই উপাসনা। পূর্বাচার্য্যগণ "ঈশ্বরে ভাল বাস" ও "প্রতিবেশীকে আপনার আশ্রয় ভাল বাস", অথবা "নামে রুচি" ও "জীবে দয়া" এই ভাবে এই তত্ত্ব ব'লে গিয়াছেন। কিন্তু এই যে "প্রতিবেশীকে আপনার আশ্রয় ভাল বাস" এই যে "জীবে দয়া", ইহা উপাসনার অঙ্গ ব'লে বলেন নাই,—ঈশ্বরে প্রীতি আর মানবে প্রীতি, মানবের সেবা, এ যেন দুইটি কার্য। ইহাদের মধ্যে যে একত্রী ভাবে যোগ রয়েছে, উহা যে একই রজ্জ্ব দুইটি দিক মাত্র, তাহা মহর্ষি দেবেন্দ্রনাথই প্রথম ব'লে গিয়াছেন। ঈশ্বরে প্রীতি কর, আর মানবে প্রেম—মানবের সেবা—কর, ঈশ্বরের প্রিয়কার্য ব'লে; সংসারধর্ম সাধন কর, ঈশ্বরের প্রিয়কার্য ব'লে; লোকের দুঃখ বিষোচন কর, ঈশ্বরের প্রিয় কার্য ব'লে; দেশের সামাজিক ও রাজনীতিক উন্নতি সাধন কর, মানবকে সকল প্রকার বন্ধন হ'তে মুক্ত কর, ঈশ্বরের প্রিয় কার্য ব'লে; এই যে মহা উপাসনার আদর্শ মহর্ষিই এক কথায় ব্যক্ত করিয়া গিয়াছেন। মহাত্মা রাজা রামমোহন রায়, এই মন্ত্রেই তপস্যা করেছিলেন এবং মানব-মণ্ডলীকে এই তপস্যায় নিযুক্ত হ'তেই সকলকে আহ্বান করেছিলেন। তাঁর প্রিয়কার্যসাধন সর্বাঙ্গীণ ও সর্বতোমুখীন ছিল। ঈশ্বরে চিত্ত রেখে তাঁরই প্রীতি-প্রেরণায়, তাঁরই প্রিয়-কার্যবোধে, তিনি মানবের সর্বাঙ্গীণ কল্যাণচিন্তায় ও কল্যাণ-চেষ্টায় নিযুক্ত ছিলেন। মানবের শিক্ষা কুশিক্ষা দূর করা, দুঃখ দারিদ্র্য দূর করা, সমাজের দুর্গতি কুসংস্কার দূর করা, রাজনীতিক স্বাধীনতা লাভ করা, সর্ব বিষয়ে মানব আত্মাকে মুক্তির পথে লইয়া যাওয়া, তাঁহার জীবনের লক্ষ্য ছিল। মহর্ষি দেবেন্দ্রনাথও ঐ মন্ত্রেই তপস্যা করেছিলেন; কিন্তু প্রিয়কার্য-সাধনকে তিনি একটু যেন সর্বাঙ্গীণ করেছিলেন। লোকের দুঃখ দৈন্ত্য দূর করা, জাতি-বর্ণ নির্বিশেষে সকলকে ব্রহ্মের চরণে আনা, ইহা তাঁহার লক্ষ্য ছিল। তিনি নিজে ব্যক্তিগত ভাবে এবং তাঁহার অনেক বন্ধু বান্ধব, রাজনীতিক ও সামাজিক সংস্কারেও নিযুক্ত ছিলেন। নিজে ব্রাহ্মণের চিহ্ন যজ্ঞোপবীত পরিত্যাগ করিয়াছিলেন, ব্রিটিশ ইণ্ডিয়ান এসোসিয়েশনের সম্পাদক রূপে দেশের রাজনীতিক আন্দোলনে যুক্ত ছিলেন; কিন্তু সমাজসংস্কার, রাজনীতিক উন্নতি-চেষ্টা তিনি ধর্ম-সমাজের কাষের—প্রিয়কার্যসাধনের—মধ্যে আনয়ন করেন

নাই। ব্রহ্মানন্দ কেশবচন্দ্র প্রিয়কার্যসাধনকে আরও বিস্তৃতভাবে দেখিলেন—সমাজসংস্কার, জাতিভেদ দূর করা, বাল্যবিবাহ রহিত করা, ব্রাহ্মণের জাতির দ্বারা আচার্য্য ও পুরোহিতের কাজ করান প্রভৃতি সমাজসংস্কারগুলিকে, প্রিয়কার্যসাধনের অঙ্গ বলিয়া গ্রহণ করিলেন। এই জগুই গুরু ও শিষ্যে, পিতা ও পুত্র, মতভেদ হইল; ব্রাহ্মনন্দের অনুরাগী ব্রাহ্মগণ আদি ব্রাহ্মসমাজ হইতে আসিয়া ভারতবর্ষীয় ব্রাহ্মসমাজ স্থাপন করিলেন। এখানেও উপাসনাসাধনই তপস্যা রহিল। ঈশ্বরে প্রীতি ও তাঁর প্রিয়কার্যসাধনই উপাসনা; প্রীতি ব্যতীত প্রিয়কার্যসাধন হয় না। ঈশ্বর-প্রেমে মগ্ন হ'য়ে তাঁর প্রিয়কার্য-বোধে মানবের সেবা করা। এখানেও সমাজসংস্কার প্রিয়কার্য-সাধনের অন্তর্ভুক্ত হলো বটে, প্রিয়কার্যসাধনের প্রসার বর্দ্ধিত হলো বটে, কিন্তু ব্রহ্মানন্দও ঠিক রামমোহনের উদার আদর্শ সম্পূর্ণরূপে গ্রহণ করিলেন না। যদিও ব্যক্তিগত ভাবে তিনি ও তাঁহার পারিষদবর্গ রাজনীতিচর্চা সময় সময় করিতেন—বিশেষতঃ তিনি ইংলণ্ডে এ বিষয়ে বক্তৃতা করিয়াছিলেন—তথাপি ব্রাহ্মধর্মসাধনের, প্রিয়কার্যের, অবশ্য করণীয় অঙ্গরূপে রাজনীতিক চর্চাকে তিনি গ্রহণ করেন নাই। সাধারণ ব্রাহ্মসমাজ এ বিষয়ে মহাত্মা রাজা রামমোহন রায়ের আদর্শই গ্রহণ করিয়াছেন। ধর্মের অধিকার মানবজীবনের প্রত্যেক বিভাগে। আমার খাওয়া পরা, পরিবারপ্রতিপালন, তাঁর প্রিয়কার্য-বোধে করিতে হইবে। লোকের দুঃখনিবারণ, স্বশিক্ষা বিস্তার, রোগীর সেবা, সমাজের দুর্নীতি কুসংস্কার দূর করা, রাজনীতিক উন্নতি সাধন করা, মানবের মনুষ্যত্ব ফুটিয়ে তোলা, সর্ব বিষয়ে মানবাত্মার স্বাধীনতার সুযোগ দেওয়া, সবই তাঁর প্রিয়কার্যের অন্তর্গত। রাজনীতিকেও সাধারণ ব্রাহ্মসমাজ উন্নীত ক'রে তুলিলেন, প্রিয় কার্যের অন্তর্ভুক্ত করিলেন। অবশ্য কে কোন ভাবে রাজনীতি চর্চা করিবে, কে নরমপন্থী হবে, কে চরমপন্থী হবে, তাহা সমাজ নির্দেশ করিবেন না, করিতে পারেন না; কিন্তু ব্রাহ্মধর্মের তপস্যার ভিতরে ব্রাহ্মধর্মমুখোদ্ভিত উপাসনার ভিতরে, রাজনীতিচর্চার, অর্থনীতিচর্চারও স্থান আছে। কিন্তু ঈশ্বরে প্রীতি রাখিয়াই এই প্রিয়কার্যসাধন করিতে হবে। নতুবা জনহিতকর কার্যের ভিতরেও ঝগড়া আসিতে পারে, অপ্রেম আসিতে পারে, অসত্য আসিতে পারে। আগে ঈশ্বরপ্রেমে প্রতিষ্ঠা, তারপর ঈশ্বরের প্রিয়কার্যবোধে লোকসেবা, সমাজসংস্কার, দেশের উন্নতিসাধন। রাজা রামমোহন রায় যে আদর্শ দেখাইয়া গিয়াছিলেন ব্রাহ্মসমাজ সেই মহান্ আদর্শ, সর্বাঙ্গীণ ও সর্বতোমুখীন্ উন্নতির আদর্শকে একটু ধর্ম করিয়াছিলেন; সাধারণ ব্রাহ্মসমাজের অগ্রগণ্য প্রিয় কার্যের পূর্ণ আদর্শ অনুসরণ করিলেন; প্রিয় কার্যকে ব্যাপক ভাবে গ্রহণ করিলেন; তাই যেমন সমাজ-সংস্কার ধর্ম সংস্কার করিতে যাওয়া ব্রাহ্মগণ নির্ধ্যাতন বরণ ক'রে নিয়েছিলেন, রাজনীতিক স্বাধীনতার পথে অগ্রসর হ'তে যেয়েও তাঁরা অনেকে নিগ্রহ ও লাঞ্ছনা মাথায় পাতিয়া লইয়াছেন। সাধারণ ব্রাহ্মসমাজের ইহা একটি বিশেষত্ব। আজ সাধারণ ব্রাহ্মসমাজের জন্মদিনে এই বিশেষত্বটিকে বিশেষ ভাবে স্মরণ

করিতে হবে। আমরা যেন আমাদের বিশ্বব্যাপী আদর্শকে, উপাসনার সমগ্রত্বকে, ধর্ম ক'রে না ফেলি, কার্যক্ষেত্র যেন সর্বাঙ্গীণ না করি, তাহা দেখিতে হইবে।

সাধারণ ব্রাহ্মসমাজের দ্বিতীয় বিশেষত্ব প্রত্যেক মানুষের ভিতরে যে ব্রহ্ম রয়েছে, প্রত্যেক মানুষের প্রাণে যে অমূল্য-প্রাণনা ঋণাত হ'তে পারে, প্রত্যেক মানুষই যে সমাজগঠনে, ধর্ম-সমাজপরিচালনে আপনার হৃদয় মন বিচার বুদ্ধি দিয়া সহায়তা করিতে পারে, প্রত্যেক মানুষেরই যে ধর্ম-সমাজেও অধিকার আছে, তাহা সাধারণ ব্রাহ্মসমাজই বিশেষ ভাবে স্বীকার করিয়াছেন, এবং “নরনারী সাধারণের সমান অধিকার” এই মহাবাণী বঙ্গনিমাদে ধ্বনিভ করিয়া সকলকে সমাজগঠনে আপনার শক্তি প্রয়োগ করিবার জগু আহ্বান করিয়াছেন। মহাত্মা রাজা রামমোহন রায়ই মানবের সর্বাঙ্গীণ স্বাধীনতা ঘোষণা করিয়া গিয়াছেন; প্রত্যেক মানুষের মধ্যে যে ব্রহ্ম রহিয়াছেন, প্রত্যেক মানুষ যে সেই ব্রহ্মের আদেশ শুনিয়াই চলিবে, এবং মানুষ পরস্পর ব্রহ্মের আদেশেই মিলিত হ'য়ে মণ্ডলী গঠন করবে, ধরাতে স্বর্গরাজ্য স্থাপন করবে, এ কল্পনা রামমোহন রায়ই করিয়া গিয়াছেন। মহর্ষি তাহা আরও স্পষ্টভাবে বলিলেন। সেই দিন কি শুভদিন, যে দিন মহর্ষি বেদের অভ্রাস্ততা স্বীকার করিয়া, মানবের চিত্তের বিস্তার জ্ঞানোজ্জ্বলিত ধর্মবুদ্ধিকেই ধর্মের ভিত্তি বলিয়া ঘোষণা করিলেন। “ধিযো যো নঃ প্রচোদয়াৎ” গায়ত্রীর এই মহাবাক্য তিনি মর্মে মর্মে অনুভব করিলেন—প্রত্যেক মানবের হৃদয়ে ব্রহ্ম জীবন্ত জাগ্রত ভাবে বিরাজিত থাকিয়া বুদ্ধিবৃত্তি প্রেরণ করেন, তিনিই মানবকে পরিচালিত করেন। মানুষ গুরুবাক্য কিম্বা শাস্ত্রবাক্য শ্রদ্ধার সঙ্গে শুনিবে বটে, কিন্তু তাহাই অভ্রাস্ত বলিয়া গ্রহণ করিবে না; হৃদয়ে ঈশ্বর বিরাজিত, তিনিই কথা বলেন প্রাণে; তিনিই বুদ্ধিবৃত্তি প্রেরণ করেন। জ্ঞানোজ্জ্বলিত ধর্ম-বুদ্ধিই তোমার চিন্তা বাক্য ভাব ও কার্যের নিয়ামক। প্রত্যেক মানুষই স্বাধীন, কারণ ঈশ্বরের স্বাধীন; স্তব্ধতা কেবল যে তাঁর নিগ্রহের ধর্মজীবনগঠনেই সে ঈশ্বরের আদেশ লইয়া স্বাধীন ভাবে চলিবে, তা নয়, ধর্মমণ্ডলী গঠনে, ধরাতে প্রেম-রাজ্য, ঈশ্বরের রাজ্য স্থাপনেও প্রত্যেক মানবের অধিকার আছে, কিছু করবার আছে। ব্রহ্মানন্দ কেশবচন্দ্র এই কথাটা আরও উজ্জল ভাবে মানবের সম্মুখে ধারণ করিলেন। প্রত্যেকের অন্তরেই ঈশ্বর কথা বলেন; বিবেক তাঁহাই বাণী; মানুষ তুমি আর কারও কথা শুনিও না, বিবেক অনুসারে চল; বিবেক যখন ঈশ্বরে প্রীতি সাধন দ্বারা বিস্তৃত হয়, তখন তাহাই আবার ঈশ্বরের বাণীরূপে আসে; ঈশ্বর কেবল প্রাচীন কালে মানবের সঙ্গে কথা বলেন নাই, তিনি এখনও কথা বলেন, তোমার আমার প্রাণেও তিনি কথা বলেন; কেবল কাণ পেতে থাকতে হয়; ঈশ্বরের প্রীতি সাধন ক'রে কাণ পেতে থাকতে হয়; তাঁর ইচ্ছিত আসে, বাণী আসে; তা শু'নে চলতে হয়। Imitation of Christ পুস্তকে পড়েছি “জগতের শিক্ষকগণ, গুরুগণ, এখন নির্ধাক হউন, সমস্ত জগৎ, হে ঈশ্বর, তোমার সম্মুখে স্তব্ধ হউক, কেবল তুমিই আমার কাছে কথা

বল।” “এখন যেন মুসা কিম্বা অশ্ব কেহ আমার কাছে কথা বলিতে না আসেন, এখন কেবল তুমিই আমার সঙ্গে কথা বল।” এই যে প্রত্যেক মানবের প্রাণে ঈশ্বর বিরাজিত, এই যে প্রত্যেক মানবের প্রাণেই ঈশ্বর কথা বলেন, এই যে প্রত্যেক মানুষই স্বাধীন, ইহার উপর ভিত্তি করিয়াই ব্রাহ্মসমাজ ঘোষণা করিলেন—“নর নারী সাধারণের সমান অধিকার”। মানুষ, তুমি ব্রাহ্মসমাজ, তোমার ভিতরে ব্রাহ্ম বিরাজিত, ব্রাহ্ম তোমার প্রাণে কথা বলিতেছেন, তুমি ছোট নও, ক্ষুদ্র নও, তুমি স্বাধীন—তুমি শ্বেত হও আর কৃষ্ণ হও, ব্রাহ্মণ হও আর শূদ্র হও, ধনী হও আর নিধন হও, পতিত হও আর মূর্খ হও, তুমি ঈশ্বরের সমান, ঈশ্বর তোমার প্রাণে বাণী প্রেরণ করিতেছেন; তুমি নিজ জীবনে সেই বাণী শুনে চলিবে। তোমার মানুষত্বের অধিকার আছে; সকল শুভ কর্মে তোমার অধিকার আছে। ধর্মমণ্ডলী গঠনে তোমারও কিছু কারবার, কিছু বলিবার আছে; দেশ শাসনে, সমাজ সংগঠনে তোমার অধিকার আছে; দরায় স্বর্গরাজ্য স্থাপনে, প্রেমরাজ্য প্রতিষ্ঠায়, তোমার অধিকার আছে। ব্রাহ্মধর্ম যে আদর্শ, ধর্মের আদর্শ, ঈশ্বর প্রীতি ও তাঁর প্রিয়কাষাসাধনের আদর্শ দিয়াছেন, তাহা নিজ জীবনে, পারিবারিক জীবনে, সাধন করিতে হবে, মানবের মধ্যে প্রতিষ্ঠিত করিতে হবে; সেজন্ত মণ্ডলীর প্রয়োজন। সে মণ্ডলীগঠনে, মণ্ডলীর নিয়মপ্রণালী প্রণয়নে তোমারও অধিকার আছে। প্রত্যেক মানবের বিবেক অহুসারে, ঈশ্বরের আদেশ অহুসারে চলিবার, ধর্ম সাধন করবার অধিকার ব্রাহ্মসমাজে প্রথম হইতেই স্বীকৃত হইয়াছে। কিন্তু ধর্মমণ্ডলী গঠনে, ধর্ম-সমাজ পরিচালন যে প্রত্যেকেই অধিকার আছে, তাহা পূর্বে স্বীকৃত হয় নাই। কখনও একনেতৃত্ব ছিল, কখনও বহু-নেতৃত্ব ছিল; কিন্তু সর্ব সাধারণের অধিকার এই সাধারণ ব্রাহ্মসমাজেই প্রথমে স্বীকৃত হইয়াছে। সাধারণ ব্রাহ্মসমাজই প্রথম হইতে ধর্মসমাজ গঠন ও পরিচালনেও গণতন্ত্র-প্রণালী অবলম্বন করিয়াছেন—এবং প্রত্যেক ব্রাহ্মেরই এখানে অধিকার আছে, তাহা স্বীকার করিয়াছেন। ব্রাহ্মসমাজ যখন মহেশ্বর হাতে আসিল, তখন এক নেতৃত্ব ছিল। অল্প কয়েক বৎসর পরেই তাহা বিভক্ত হইলে সেল : তারপর এল বহুনেতৃত্বের যুগ, প্রচারকদের হস্তে নেতৃত্ব যেরূপে পড়িল। ১২ বৎসর যেতে না না যেতেই আবার মতবৈধ হইলো, আবার ভারতবর্ষীয় ব্রাহ্ম-সমাজ দুই দলে বিভক্ত হইয়া পড়িল। কিন্তু সেই ১৮৭৮ সালে সাধারণ ব্রাহ্মসমাজ যখন স্থাপিত হইল, তখন ‘নর নারী সাধারণের সমান অধিকার’ এই মন্ত্র গ্রহণ করিয়া ব্রাহ্মসমাজ যে সমাজগঠনে সকলের অধিকার প্রদান করিলেন, মানুষকে মানুষের অধিকার দিলেন—নর এল, নারী এল, বৃদ্ধ এলেন, যুবক এলেন, সকলে সমবেত হইয়া সমাজমণ্ডলী গঠন করিতে প্রবৃত্ত হইলেন। আজ ৫১ বৎসর পূর্ণ হইলো; এখানে মতবৈধতা এসেছে, সময় সময় কলহও হয়েছে, মনান্তরও হয়েছে—কিন্তু সাধারণ ব্রাহ্মসমাজ তবুও অধিক থাকিয়া মানব-কল্যাণসাধনে নিযুক্ত রহিয়াছে। মানুষের ভিতরে ঈশ্বর; মানুষকে বিশ্বাস করিতে হয়; মানুষকে বিশ্বাস করলে পরিণামে

শুভই উৎপন্ন হয়। এই ৫১ বৎসর সাধারণ ব্রাহ্মসমাজ প্রত্যেক মানুষের হৃদয় নিহিত ঈশ্বরের বাণীতে নির্ভর করিয়া যে মণ্ডলী গঠন ও মণ্ডলী পরিচালন করিয়াছেন, তাহাতে কতি-গ্রস্ত হইতে হয় নাই। প্রত্যেকেই অহুত্ব করিতেছে এ সমাজ আমারই, এখানে আমারও কিছু বলিবার আছে, কিছু করিবার আছে। আজ আমার কথা সমাজ শুনিল না। যদি আমি সত্য যাহা, কল্যাণকর যাহা, তাহা বলি, তবে কালে আমার কথা শুনবে; কারণ, ভগবান সকলের প্রাণে বুদ্ধিবৃত্তি প্রেরণ করেন। তবে এখানেও যে বিপদ নাই তাহা নহে। বিপদ প্রত্যেক মানুষের যে অধিকার স্বীকার করা হইয়াছে সেখানে নয়; কিন্তু প্রত্যেক মানুষ সেই অধিকার কতটুকু পরিচালনা করবে, কি ভাবে পরিচালনা করবে, তাহার উপর সমাজের মঙ্গল অমঙ্গল নির্ভর করে। সেখানে যখন মানুষ ভুল করে—তখন বিপদের সম্ভাবনা হয়। মানুষের যে অধিকার আছে, সে অধিকার অস্ত্রের খর্ক করিবার শক্তি নাই, কিন্তু নিজেরই মনসিক বিবেচনা করিয়া অনেক সময় অধিকার খর্ক করার প্রয়োজন হয়। আমার বাড়ীতে অশ্ব কাঠকেও আসতে না দিবার অধিকার আমার আছে, ভিতরী এলে তাড়িয়ে দিবার অধিকার আছে, ঝড় ঝড়বাতের মধ্যে রাত্তার পথিক আশ্রয় চাইলে দরজা বন্ধ করবার আমার অধিকার আছে; কিন্তু এ অধিকার ঈশ্বরেরই বাণীতে খর্ক করিতে হয়। আমার ধন আছে—চারদিকে দুর্ভিক্ষে লোক মারা যায়—আমার ধন আছে কাঠকেও দিব না, এ অধিকার আমার আছে; কিন্তু তবুও মহাশয় বলে, প্রাণে নিহিত দেবতা বলেন, না, ঐ অর্থ তোমাকে পরাহিতের অশ্ব, লোকের প্রাণ বাঁচাবার অশ্ব বণ্টন করে দিতে হবে। সমাজগঠনে সকলেরই এক ভোট, সাধুভক্ত যারা, পণ্ডিত জানী যারা, তাহাদেরও যেরূপ অধিকার, আমার মত মূর্খ তমসাজ্ঞর যে তারও এক ভোট, সেই অধিকার। কিন্তু আমাকে আমার মত সংঘত করিতে হবে—জ্ঞানের কথা, ধর্মজীবনের অভিজ্ঞতার কথা, শুনতে হবে; আপনার অধিকার তাহাদের কথা শুনে সময় সময় খর্ক করিতে হবে। সংসারে, পরিবারে এইরূপ অধিকার-খর্কের দৃষ্টান্ত, ইচ্ছাপূর্বক আত্মবিলোপের দৃষ্টান্ত, বিরল নহে। এই আত্মবিলোপ, অধিকার খর্ক, যে পরিবারে নাহ, সে পরিবার ভেঙে যায়, সেখানে অপারিত্ব আসে। ধর্মসমাজেও অধিকার পেয়েও যদি সংঘম মানুষ না দেখে, কোথায় অধিকার খর্ক করিতে হবে তাহা না জানে, তবেই অনর্থ উপস্থিত হয়। যে ধর্মের এই যে প্রথম অঙ্গ—ঈশ্বরে প্রীতিসাধন—তাহাতে নিযুক্ত না হয়, যে ঈশ্বরের নামকীর্তন, তাঁতে প্রেম অর্পণ, না করে, তাঁর চরণে বসে আত্মসমর্পণ না করে, সে অধিকার খর্কের কি মাধুর্য্য, কি শৌন্দর্য্য, তাহা অহুত্ব করিতে পারে না। সমাজের কল্যাণের অশ্বও অধিকারখর্ককে সে দুর্বলতা, ভীকতা মনে করে। কিন্তু ঈশ্বরে ঈশ্বর প্রীতি অর্পিত হয়েছে, সে জানে আমার অধিকারের সীমা কোথায়, সে জানে কখন আমাকে আত্মবিলোপ করিতে হবে; সে জানে কোন্ স্থানে ঈশ্বরের আমার সামর্থ্য কুলায় না। বর্তমান সময়ে এই পরাধীন

দেশেও রাষ্ট্রনীতিতে কতকগুলি অধিকার সকলেরই স্বীকৃত হইয়াছে। প্রত্যেক ভোটারই কাউন্সিলের মেম্বর হবার অধিকারী; কিন্তু সে অধিকার অবস্থা বুঝে সকলে ভোগ করিতে অগ্রসর হয় না। প্রত্যেকেই হাইকোর্টের জজ হ'তে পারে, জাতি বর্ণের বাধা নাই; কিন্তু কার্যতঃ প্রত্যেকেই জজ হ'তে পারে না; তার আকাঙ্ক্ষা ও অধিকার খর্ব্ব ক'রে চলতে হয়। অধিকার আছে—সকলের কাছেই ধার উন্মুক্ত—কিন্তু সকলে সকল কাজ করবে না; আমার অধিকার আর অপরের অধিকারে সংঘর্ষ না হয়, তাহা দেখতে হবে। আমি আমার শক্তি অতিক্রম ক'রে অধিকার বিস্তার করিতে না যাই, এই দেখতে হবে। সমাজ—মণ্ডলীর কল্যাণ—উপেক্ষা ক'রে আমার অধিকার বিস্তার না করি, তাহা ভেবে দেখতে হবে। কিন্তু আমার যাহা দিবার আছে, যাহা করিবার আছে, যাহা বসিবার আছে—তাহাধারা সমাজের সেবা করিতে হবে। এই যে অধিকারের সংঘর্ষ, এই যে অধিকারের সীমালঙ্ঘন, এই যে আবশ্যকবোধে অধিকারের খর্ব্বতা, এই যে অধিকারত্যাগ, আত্মবিলাপের কথা বলা হলো, এই দিকে দৃষ্টি পড়ে তখনই যখন মানুষ ভগবানে শ্রীতি রাখে, তাঁর চরণে দৃষ্টি রাখে, তাঁর নিকট আত্মসমর্পণ করে। তিনি বাস্তবিক প্রাণে এসে যখন আদেশ করেন,—আপনার খেয়ালে নয়, তাঁহার আদেশেই যখন চলি,—তখনই প্রকৃত ভাবে অধিকারের পরিচালনা করা হয়। তাঁকে ভুলিয়া, শ্রীতিসাধনে প্রবৃত্ত না হইয়া, অধিকার পরিচালনা করিতে যাওয়াতেই সময়ে সময়ে সমাজে সংঘর্ষ উপস্থিত হইয়াছে—প্রেমের পরিবর্তে অপ্রেমের সৃষ্টি হইয়াছে, ধর্ম্মের নামে অশান্তির সৃষ্টি হইয়াছে—সমাজের গতি রুদ্ধ হইয়াছে; কিন্তু তবুও বলি, মানুষ মোটের উপর অবিখ্যাসের কাজ করে নাই। তবুও বলি, মানবের বুদ্ধিতে, ঈশ্বরপ্রদত্ত মার্জিত বুদ্ধিতে, স্নিগ্ধ বিবেকে, বিশ্বাস কর; ভয় নাই, সমাজ-তর্কণী নির্ভয়ে বিপদসঙ্কুল তরঙ্গবিক্ষোভিত সমুদ্রবক্ষ পার হ'য়ে যাবে।

এই যে “নর নারী সাধারণের সমান অধিকার” ইহার আর একটা দিক আছে। সেই দিকে লক্ষ্য না রেখে কেবল অধিকার পরিচালনা করিতে গেলেই অনর্থ উপস্থিত হ'তে পারে। অপর দিকটা এই—যাহা ধর্ম্মসমাজেই বিশেষ ভাবে খাটে—আমার ধর্ম্মসমাজগঠনে অধিকার আছে বটে, আমার কথাও, আমার ভোটার, মূল্য আছে বটে; কিন্তু ধর্ম্মসমাজগঠনে ও পরিচালনে ভোটার অধিকার, কথা বলিবার অধিকার, সর্ব্বোচ্চ অধিকার নহে। তুমি ব্রাহ্ম, তুমি ব্রহ্মোপাসক, তুমি ব্রহ্মের পূজা করিতে এসেছ, তুমি ব্রহ্মোপাসনা—তাঁর শ্রীতি ও শ্রিয়কার্যসাধন—ধরায় স্থাপন করিতে এসেছ। এ রাজনীতিক রাজ্য নহে, এ যে ধর্ম্মরাজ্য—প্রেমরাজ্যস্থাপন—এখানে অনেক রকম তোমার অধিকার আছে, কিন্তু এখানে তোমার সর্ব্বোচ্চ অধিকার সেবার অধিকার। কে কতটা আপনামত চালাতে পারে, সেটা এখানে দেখতে হবে না; এখানে দেখতে হবে, কে কতটা আপনাকে বিলোপ ক'রে, ঈশ্বরের সেবা, সমাজের সেবা ক'রে যেতে পারে। হৃত সমাজ তোমার কাজের মূল্য

দিব না, তোমার যে অধিকার প্রাপ্য তাহাতে বঞ্চিত করিল, কিন্তু সেদিকে তোমার লক্ষ্য রাখিলে চলবে না; তোমাকে ঈশ্বরের প্রেমপ্রেরণায়, তাঁর শ্রিয়কার্য-বোধে সেবা ক'রে যেতে হবে—অপমান সহিষ্ণা, লাঞ্চার বোঝা বহিষ্ণা, লোকের গল্পনা মাথায় করিয়া, অত্যাচার নির্ঘাতন সহিষ্ণা সেবা ক'রে যেতে হবে।

সাধারণ ব্রাহ্মসমাজ প্রথমাবধিই আর একটা কথা বলিয়াছেন—প্রত্যেক ব্রাহ্মই প্রচারক। ব্রাহ্ম যে সকলের প্রাণে থেকে বুদ্ধিবৃত্তি প্রেরণ করিতেছেন, সকলকে সাক্ষাৎভাবে অল্পপ্রাণিত করিতেছেন, সকলের প্রাণে—কেবল প্রাচীন ঋষিদের প্রাণে নয়, এখনও সকলের প্রাণে—স্পষ্ট কথা বলেন, এই মহাসত্য হইতেই প্রসূত যে বাণী, তার একদিক “নর নারী সাধারণের সমান অধিকার”, আর একদিক “প্রত্যেক ব্রাহ্মই প্রচারক।” ব্রাহ্মসমাজ, বিশেষ ভাবে সাধারণ ব্রাহ্ম-সমাজ, সকল প্রকার সেবা ও কর্ম্মের দ্বারা নর নারী—উচ্চ বর্ণ, নিম্ন বর্ণ—সকলের নিকট উন্মুক্ত করিয়া দিয়াছেন। অস্পৃশ্যতা দূর করিয়াছেন; সার্কর্ষণিক, সার্কর্ষণিক বিবাহ প্রবর্তিত করিয়াছেন; সকল বর্ণের লোককে কমিটিতে, আচার্য্যের পদে, প্রতিষ্ঠিত করিয়াছেন; নারীকে সভানেত্রীর পদে, আচার্য্যের পদে উন্নীত করিয়াছেন; বিবাহে এ পর্য্যন্ত নারী সম্পত্তির সমান ছিল, পিতা কিম্বা অভিভাবক নারীকে বরের নিকট সম্পত্তির ছায় দান করতেন, বর গ্রহণ করত; নববিধান সমাজেও বরের নিকট কস্তার ভার অর্পণ করা হয়। কিন্তু সাধারণ ব্রাহ্মসমাজ “নর ও নারীকে” সমান ভাবে দেখিয়াছেন; নর নারী পরস্পরকে মনোনীত করিয়া বিবাহ করেন, পিতা কিম্বা অভিভাবক তাহাদিগকে বিবাহার্থে উপস্থিত করেন মাত্র। সর্ব্ব বিষয়ে, অন্ততঃ মতে, ‘নর নারী সাধারণের সমান অধিকার’ স্বীকৃত হইয়াছে। কিন্তু যত প্রকার অধিকার মানুষ লাভ করিয়াছে, সে-সব অধিকার ইচ্ছা ক'রে মানুষ সমাজের মঙ্গলের জন্য, অপরের সুবিধার জন্য, নিজের অযোগ্যতার জন্য, সঙ্কুচিত করিতে পারে! ঈশ্বরে শ্রীতিসাধন চাই, তাহা হ'লেই কতদূর আমার অধিকারের প্রসার তাহা বৃত্তিতে কষ্ট হয় না। কিন্তু সর্ব্বপ্রধান অধিকার সেবার অধিকার, ঈশ্বরের শ্রিয়-কার্যবোধে তাঁর প্রেমরাজ্যস্থাপনের সহায় হইবার অধিকার। তাই বলিতেছিলাম, সাধারণ ব্রাহ্মসমাজ প্রথম হইতেই ঘোষণা করিয়াছেন, প্রত্যেক ব্রাহ্মই প্রচারক। প্রচারক ও যারা প্রচারক নহেন, তাহাদের মধ্যে অনেক স্থানে যে কল্পিত সীমা-রেখা অঙ্কিত করা হয়,—প্রচারকগণ যেন অল্প একশ্রেণীর লোক, প্রচারক ও অপ্রচারকে যে কেবল পরিমাণে পার্থক্য নয়, প্রকারেও পার্থক্য আছে (not difference in degree but in kind)—এই যে ভ্রান্ত মত তাহা মুছিয়া ফেলা হইয়াছে। অবশ্য প্রচারকে ও অপ্রচারকে প্রভেদ আছে; প্রচারকে প্রচারকেও প্রভেদ আছে। আবার, অনন্তকর্ম্ম প্রচারকের যে একান্ত প্রয়োজনীয়তা আছে, তাহাও আমি অস্বীকার করিতেছি না। তবুও বলিতেছি, প্রত্যেক ব্রাহ্মসমাজ প্রচারক—প্রত্যেকেই সেন্ট পলের মত বলা প্রয়োজন, Woe

unto me if I preach not the Gospel—ঈশ্বর যে বাণী আমার নিকট প্রকাশ করিয়াছেন তাহা যদি আমি প্রচার না করি, তবে আমি হতভাগ্য, আমাকে দিক। প্রত্যেক মানবের প্রাণেই সাক্ষাৎ ভাবে এবং পরোক্ষ ভাবে উগবান্ আলোক প্রজ্জ্বলিত করেন; সেই আলোক লুকিয়ে রাখবার জন্ত নয়। তুমি যে সত্য পেয়েছ, তাহা তোমাকে বণ্টন ক'রে দিতে হবে। কত লোক পাপে তাপে জর্জরিত, অত্যাচার অবিচারে প্রপীড়িত, রোগে শোকে দরিদ্রতায় কাতর, কত দুর্নীতি, কত কুসংস্কার, কত ধর্মের নামে অধর্ম, কত রক্তপাত, কত ব্যতিচার! তুমি প্রাণে সত্য পেয়েছ, পরিজ্ঞানের মন্ত্র পেয়েছ, তুমি নূতন আলোক দেখেছ। তুমি কেমন ক'রে নীরবে থাকবে? তোমার প্রাণ কি কাঁদবে না? তোমার প্রাণে কি লোকসেবার, ঈশ্বরের প্রিয়কার্য্য করবার, তাঁর প্রেমরাজ্যপ্রতিষ্ঠার সহায় হবার ইচ্ছা জাগ্রত হবে না? প্রচার ত সকলেই করে; নানা ভাবে মানুষ আপনার মত প্রচার করে; কেবল বক্তৃতাতে নয়, কেবল পুস্তকপ্রচারে নয়, জীবনের খুঁটিনাটির দ্বারা, জীবনের গতিদ্বারা, লোকের সঙ্গে আচার আচরণ, আলাপ ব্যবহার দ্বারা মানুষ প্রচার করে। প্রত্যেক মানুষ যতই সে ক্ষুদ্র হউক, তারও একটি সঙ্গত আছে, একটি গোষ্ঠী আছে, যার সে মধ্যবিন্দু; ইচ্ছায় অনিচ্ছায়, প্রত্যক্ষ পরোক্ষে তারা তার হাব ভাব, আচার ব্যবহার, নীতি নীতি, অনুকরণ ও অনুসরণ করিতেছে। সুতরাং প্রত্যেক মানুষেরই দায়িত্ব গুরুতর। তুমি ব্রাহ্ম, নূতন সত্য পেয়েছ; সেই সত্য নিজ জীবনে পালন করবার, ঈশ্বরে শ্রীতি ও তাঁর প্রিয়কার্য্যসাধন দ্বারা তোমার নিজের উন্নতি করবার, ঈশ্বরাজ্যগত প্রাণ করবার জন্ত যেমন তুমি দায়ী—সত্যের একটা দায়িত্ব আছে, সে দায়িত্ব গুরুতর, সে দায়িত্ব লঙ্ঘন করা যায় না—তেমনি সেই সত্যের দিকে অগ্রকে ডাকিবার জন্তও তুমি দায়ী। সকলেই যে অনগ্রকর্মা হ'য়ে ধর্মপ্রচার করবে তাহা নয়; নানা ভাবে ধর্মপ্রচারের, সত্য-প্রচারের, ব্রহ্মের প্রেমরাজ্যস্থাপনের, সে সহায় হইবে। কর্মক্ষেত্র বিস্তৃত—কত স্থানে যেতে হয়, কত কাজ করতে হয়, কত লোকের সঙ্গে মিশিতে হয়—মনে থাকে যেন তুমি ব্রাহ্ম, তুমি ব্রহ্মোপাসক, তুমি সত্য ধর্ম, নীতির ধর্ম, প্রেমের ধর্ম প্রাণে পেয়েছ; তোমার কার্য্য, তোমার চিন্তা, তোমার ব্যবহার, তোমার আচার আচরণ, তোমার কথাবার্তা, তোমার চাল চলন, এই ধর্মের অঙ্গরূপ হবে; তোমার আমোদ প্রমোদ, তোমার সাজ সজ্জা, তোমার পাঠ ও অধ্যয়ন, এই সত্য প্রেম ও পরিজ্ঞতার ধর্মের অঙ্গরূপ হবে। কেবল তাহা নহে, তোমার শক্তি, তোমার অর্থ, তোমার সময়, যথাসম্ভব ধর্ম-কার্য্যে, ঈশ্বরের আদেশপালনে, ব্যয়িত হইবে। ও কোথায় তুমি যেতেছ? কোন্ পথে চলিতেছ? কিসে অর্থ ব্যয় করিতেছ? কোন্ আমোদে যোগ দিতেছ? সাবধান, ব্রহ্ম দেখিতেছেন, আর কেহ না দেখুক, ব্রহ্ম তোমার প্রাণে থেকে দেখিতেছেন। তুমি সেবা করবে চাও, ব্রাহ্মসমাজের কাজ করতে চাও, তাই তুমি আচার্য্য হ'তে এসেছ, কার্য্য নির্বাহক সভা, অধ্যক্ষ সভার সভ্য হ'তে ইচ্ছা করেছ। ভাল কথা, এই ভাবে সেবা করতে পার। কিন্তু

যদি সেরূপ না হয়, যদি এইভাবে সেবা করার সুযোগ তোমাকে সমাজ না দেন, কতি কি? The world is wide enough for all men to work পৃথিবীতে প্রত্যেক মানুষেরই কাজ করবার স্থান আছে। অধিকার চাও? অধিকার ত পেয়েছ। কিন্তু সে অধিকার সংঘত ক'রে সেবার রাজ্যে প্রয়োগ কর। ঈশ্বরের দিকে দৃষ্টি ফিরাও; তাঁর চরণে বস; তাঁর নাম গান কর; একাকী নির্জনে তাঁর সাধন কর, দশজনের সঙ্গে তাঁর নাম কীর্তন ও ধ্যান কর, তাঁর শ্রীতিপ্রেরণায় তাঁর প্রিয়কার্য্য-সাধনে অগ্রসর হও; দেখবে, এখানে সংঘর্ষ আসবে না; ভাই ভাই এ কলহ বাধিবে না। সব যে তোমরা এক পিতার সন্তান; সকলে যে প্রেমে প্রেমে বাঁধা। শ্রীতিসাধন ব্যতীত প্রিয়কার্য্য-সাধন হয় না। এ ধর্মসমাজ—ধর্মসমাজে সেবাব্রত গ্রহণ করতে হ'লে আগে ঈশ্বরচরণে বস চাই, তাঁর নিকট হইতে অনুপ্রাণনা লাভ করা চাই, তাঁর প্রিয়কার্য্য-বোধে সেবাব্রতে ব্রতী হওয়া চাই। এই ভাবে যদি সেবার কার্য্য গ্রহণ কর, তবে যে কার্য্যই কর তাহাই প্রচারকার্য্য হবে, তাহাতেই ব্রহ্মের প্রিয় কার্য্য সাধন হবে। তখন অধিকার লইয়া ঘন কলহ আসিবে না; মাতৃষে মানুষে অপ্রেম আসিবে না; ঈশ্বর থাকবেন জীবনের মধ্যবিন্দু, প্রাণের দেবতা। তাঁর নাম ল'য়ে প্রচার, তাঁর নাম নিয়ে সেবা, তাঁরই শ্রীতির জন্ত কার্য্য।

প্রাণ ব্রহ্মপদে, হস্ত কার্য্যে তাঁর,

এই ভাবে দিন কাটুক আমার।

এই যে মহাবাণী ভক্তিবান্ আচার্য্য উচ্চারণ ক'রে গিয়াছিলেন, ইহাই ব্রহ্মধর্মের আদর্শ, ইহাই সাধারণ ব্রাহ্মসমাজ প্রচার করেছেন।

আজ সাধারণ ব্রাহ্মসমাজের জন্মদিনে আমাদের লক্ষ্য, আমাদের দায়িত্ব, আমাদের কার্য্য অঙ্গুভব কর। ঈশ্বরে শ্রীতি রেখে প্রত্যেকে আমরা তাঁর প্রিয়কার্য্যে নিযুক্ত হই। তিনি আশীর্বাদ করুন।

প্রচার ব্যবস্থা

(পূর্বপ্রকাশিতের পর)

৫। এই সব ব্যবস্থা এমন হওয়া আবশ্যিক যে, প্রতি বছর কে কোথায় কাজ করবেন, কার কি ব্যবস্থা হবে, এ নূতন ক'রে আমূল স্থির করতে না হয়। ব্যবস্থা চিরস্থায়ী করা যায়, করা উচিত; অবশ্য, উন্নতির পথ খোলা রেখে। কেবল মানুষই মাঝে মাঝে বদলানো দরকার হয়। কোন কেন্দ্রের প্রচারকের নির্দিষ্ট কর্মক্ষেত্র কত দূর, তাঁর কি কি অবশ্য করণীয় স্পষ্টরূপে নির্দিষ্ট করা যায়; এবং করা থাকলে নূতন লোকের তাতে সাহায্য হয়। প্রত্যেক প্রচারকের সমস্ত বছরের rough প্রোগ্রাম নির্দিষ্ট ক'রে দেওয়া সম্ভব—যেমন, কোন্ মাসে কোথায় যাবেন, কোন্ কোন্ স্থানের উৎসবের সময় সেখানে যাবেন ইত্যাদি। (যেমন, ঢাকা কেন্দ্র হইতে চাটগাঁ, নোয়াখালী, কুমিল্লা ইত্যাদি)।

৬। কোন একটি শিক্ষাপ্রতিষ্ঠানের অধীনে পাঁচ জায়গায়

পাঁচটি স্থল থাকলে যেমন হয়, প্রচারসভার সঙ্গে পাঁচটি কেন্দ্রের সম্বন্ধ সেইরূপ হওয়া বাঞ্ছনীয়। নিয়মাদি ও কার্য-ব্যবস্থাও ঠিক সেইরূপই হবে।

৭। প্রচারকগণকে শিক্ষা শক্তি পদমধ্যাদায় উন্নত করায় সমাজের নিচ্ছের উন্নতি। প্রচারার্থী ২৩ জনের বেশী হোক আরুনা হোক, ব্যবস্থা সম্পূর্ণ থাকা আবশ্যিক।

সম্বন্ধ রচনা—পরিচয় ও ঘনিষ্ঠতা

সব চেয়ে বড় সমস্যা কমিটি প্রচারক এবং পরিবারগুলির মধ্যে সম্বন্ধ। এ বিষয়ে প্রচারসভার গুরুতর দায়িত্ব আছে। শিক্ষার্থী অবস্থা হ'তেই বিধিপূর্বক প্রচারাদিগকে জ্যেষ্ঠ স্বেচ্ছগণের সঙ্গে এবং পরিবারগুলির সঙ্গে আঁকার ও প্রীতির সূত্রে যুক্ত করতে হবে। শিক্ষার্থীগণকে শিক্ষালাভের জন্তে নির্দিষ্ট শ্রেণী ব্যতীত ব্যক্তিগতভাবে এক এক জন বিশিষ্ট ব্যক্তির কাছে পাঠানো যেতে পারে—কথাবার্তা বলতে, আলাপ করতে। আবার, তাহাদিগের কোন কোন পরিবারে ছেলে মেয়েদের সঙ্গে নীতিশিক্ষার সহায় বন্ধু শিক্ষকরূপে মিশতে দেওয়া যেতে পারে। নিয়মপূর্বক একরূপ করা উচিত।

সমাজের প্রতিষ্ঠানগুলির কাজের সঙ্গেও শিক্ষার্থীগণকে যুক্ত করা উচিত। লাইব্রেরী, সমাজের বই, Messenger, তত্ত্ব-কৌমুদী, নীতিবিদ্যালয়, সঙ্গত, তত্ত্ববিদ্যা সভা, উৎসব, অস্থান—এ সব বিষয়ে জায়গা প্রস্তুত করা, সাজানো, plan করা, প্রবন্ধ রচনা ও পাঠ, বিতর্কে যোগদান, রিপোর্ট লেখা ইত্যাদি বিবিধ কাজের মধ্যে দিয়ে শিক্ষার ও পরিচয়ের ব্যবস্থা থাকা আবশ্যিক। এসবের মধ্য দিয়েই আধ্যাত্মিক সেবার যোগ্যতা এবং অধিকার বিকশিত হয়।

সুরেন্দ্রশশী গুপ্ত।

ব্রাহ্মসমাজ।

পারলোকিকক—আমাদিগকে গভীর দুঃখের সহিত প্রকাশ করিতে হইতেছে যে—

বিগত ৯ই মে কাকিনাতে তথাকার ব্রাহ্মসমাজের ভূতপূর্ব সম্পাদক ও ট্রাস্টী নিষ্ঠাবান ব্রাহ্মোপাসক রসিকচন্দ্র গুপ্ত দীর্ঘকাল রোগশয্যায় শায়িত থাকিয়া পরলোকগমন করিয়াছেন। তাঁহার পরলোকগমনে স্থানীয় ব্রাহ্মসমাজ বিশেষ ক্ষতিগ্রস্ত হইল।

কিছুদিন হইল কলিকাতা নগরীতে শ্রীযুক্ত প্রমোদকুমার নিয়োগীর কনিষ্ঠা কন্যা মেলিঞ্জাইটিস রোগে বেড়বৎসর বয়সে পরলোক গমন করিয়াছেন।

বিগত ২৬ মে কলিকাতা নগরীতে শ্রীযুক্ত ফকিরচন্দ্র সাধুখার দ্বিতীয় জামাতা কালীপদ বসাক ২৯ বৎসর বয়সে দুইটি শিশুপুত্র ও পত্নীকে রাখিয়া অতি শোচনীয় অবস্থায় ইহলোক পরিত্যাগ করিয়াছেন।

বিগত ১৭ই মে কলিকাতানগরীতে শ্রীমতী প্রেমলতা রায় মাতা সরসীবালা বহুর আত্মপ্রাণাহরণ সম্পন্ন করিয়াছেন। পণ্ডিত সীতানাথ তত্ত্বভূষণ আচার্যের কার্য করেন। এই উপলক্ষে প্রচার ভাণ্ডারে ২ টাকা প্রদত্ত হইয়াছে।

শান্তিদাতা পিতা পরলোকগত আত্মাদিগকে চিরশান্তিতে রাখুন ও আত্মীয়স্বজনদের শোকসন্তপ্ত হৃদয়ে সাধনা বিধান করুন।

শুভ-বিবাহ—বিগত ১৮ই মে কলিকাতা নগরীতে পরলোকগত নির্মলচন্দ্র মল্লিকের কনিষ্ঠা কন্যা কল্যাণীয়া সাধনা ও পরলোকগত রজনীকান্ত দেব চতুর্থ পুত্র শ্রীমান অমলচন্দ্রের শুভ বিবাহ সম্পন্ন হইয়াছে। পণ্ডিত সীতানাথ তত্ত্বভূষণ আচার্যের কার্য করেন।

বিগত ১৮ই মে কলিকাতা নগরীতে বহরমপুর নিবাসী পরলোকগত শ্যামাচরণ রায়ের কনিষ্ঠা কন্যা কল্যাণীয়া অমিয়া ও পরলোকগত চারুচন্দ্র বন্দ্যোপাধ্যায়ের দ্বিতীয় পুত্র শ্রীমান সুধীন্দ্রকুমারের শুভ বিবাহ সম্পন্ন হইয়াছে। শ্রীযুক্ত ললিত-মোহন দাস আচার্যের কার্য করেন।

বিগত ২৪শে মে কলিকাতানগরীতে শ্রীযুক্ত জ্ঞানেন্দ্র নাথ হালদারের কনিষ্ঠা কন্যা কল্যাণীয়া সুজাতা ও পটীয়া নিবাসী শ্রীমান সুরেন্দ্রনাথ রক্ষিতের শুভ বিবাহ সম্পন্ন হইয়াছে। শ্রীযুক্ত প্রাণকুমার আচার্য আচার্যের কার্য করেন। এই উপলক্ষে কন্যার পিতা সমাজের দেয় টাকার সমস্ত শোধ করিয়া দিয়াছেন এবং প্রচার বিভাগে ৫, নববিধান ট্রাস্টফণ্ডে ৫ ও সরোজনলিনী স্কুল বিধবাদের সাহায্যার্থে ৫ টাকা দান করিয়াছেন।

প্রথময় পিতা নবদম্পতিনিগকে প্রথম ও কল্যাণের পথে অগ্রসর করুন।

নামকরণ—বিগত ১২শে মে চট্টগ্রামে শ্রীযুক্ত ললিত-কুমার বায়ের কন্যার নামকরণ ও মঙ্গলপ্রার্থন উপলক্ষে বিশেষ উপাসনা হয়। শ্রীযুক্ত শ্যামাচরণ সেন আচার্যের কার্য করেন। কন্যার নাম লীলা রাখা হইয়াছে। এতদুপলক্ষে কন্যার পিতা কলিকাতা সাধারণ ব্রাহ্মসমাজে “তিন টাকা ফণ্ডে” তিন টাকা দান করিয়াছেন। মঙ্গল বিধাতা শিশুকে কল্যাণের পথে বন্ধিত করুন।

দান—শ্রীযুক্ত জ্যোতিরিন্দ্রনাথ দাস পরলোকগত পিতা ব্রজমোহন দাসের প্রথম বাবিক শ্রাদ্ধ উপলক্ষে নিম্নলিখিত দান প্রতিশ্রুত হইয়াছেন—সাধারণ ব্রাহ্মসমাজ প্রচার ফণ্ডে ৫ টাকা, শ্রীহট্ট ব্রাহ্মসমাজে ৩ টাকা, তেজপুর ব্রাহ্মসমাজে ২ টাকা। এই দান সার্থক হউক ও পরলোকগত আত্মা চির-শান্তিলাভ করুন।

ছাত্রীদেব পত্রীক্ষার ফল—ঢাকা বিশ্ববিদ্যালয়ের হাইস্কুল ও অন্ত্য পত্রীক্ষাতে নিম্নলিখিত ছাত্রীগণ উত্তীর্ণ হইয়াছেন দেখিয়া আমরা সুখী হইলাম,—প্রথম বিভাগে—সুপ্রভা দাস, মনোজ্যোৎস্না ভট্টাচার্য, শতদলবাসিনী সরকার, আশা গুহ, হেমলতা দাস, মঞ্জীঠা ঘোষ, শৈলবালা দে, অরুণপ্রভা তত্ত্ব' বীণাপাণি দাসগুপ্ত, শোভা ঘোষ, প্রমীলাবালা গুপ্ত, লীলাবতী দত্ত। দ্বিতীয় বিভাগে—শোভাময়ী গুপ্ত, কৃষ্ণপ্রভা নাগ, লীলাবতী সেন গুপ্ত। তৃতীয় বিভাগে—লীহারিকা দাস, মহামায়া সেন।

আই এ—প্রথম বিভাগে—করণাকর্ণা গুপ্ত (১ম স্থান অধিকার করিয়া), মীরা দে, (৪র্থ স্থান), ললিতা সেন (৬ষ্ঠ স্থান), স্বকৃতী দাস (৯ম স্থান), রেণু সেন গুপ্ত, নিরমল সেনগুপ্ত, অশোকা সেনগুপ্ত, সুনীতিপ্রভা নাগ, কমলা সেনগুপ্ত, সুলেখা সেন, সুধাময়ী বন্দ্যোপাধ্যায়, ইন্দিরা দাসগুপ্ত। দ্বিতীয় বিভাগে—লতিকা দাসগুপ্ত, নবমল্লিকা দত্ত রায়, কিরণবালা দে, প্রীতিময়ী ঘোষ, জ্যোতির্ময়ী গুপ্ত, অণুপ্রভা নাগ, বীণাপাণি রায়, মনীষা সেন, অমিয়া সেনগুপ্ত। তৃতীয় বিভাগে—ত্রিগ্নয়ী পাল।

আই এমসি—প্রথম বিভাগে—উমা বৈজ্যেয়।

বি, টি—কলিকাতা বিশ্ববিদ্যালয়ের বি টি পরীক্ষায় নিম্নলিখিত ছাত্রীগণ উপাধি প্রাপ্ত হইয়াছেন দেখিয়া আমরা আনন্দিত হইলাম—প্রথম বিভাগে—শান্তি দে (২য় স্থান অধিকার করিয়া), ফ্লোরেন্স মরিসন (৪র্থ), ক্যাথলীন নাহপীট (৫ম), সিলভিয়া মেবেল ওয়েব, মার্গারেট হান্না লেজেরাস, শোভনা সরকার, এলিস ডাকওয়ার্থ। উত্তীর্ণ—সুলতা বসু, বনজ্যোৎস্না ভট্টাচার্য, বেল হাড্‌সন, আনন্দী কেলোয়াড়, গায়ত্রী রায়, বনজিনী সাহ, অমিয়া সেন।

আই এ—কলিকাতা বিশ্ববিদ্যালয়ের ইন্টারমিডিয়েট পরীক্ষায় নিম্নলিখিত ছাত্রীগণ উত্তীর্ণ হইয়াছেন দেখিয়া আমরা সুখী হইলাম :—প্রথম বিভাগে—রমা বসু (২য় স্থান অধিকার করিয়া), বীণা দাস, জ্যোৎস্না হাওয়ার্ড, মাদার মেয়ী সেন্ট চাড, জ্যোৎস্নাকুমারী দেবী, অঞ্জলী দাস, সরস্বতী দত্ত, ননী-বালা দত্তগুপ্ত, এনা গরেন্স, মৃগালিনী বন্দ্যোপাধ্যায়, প্রণতি রায় চৌধুরী, ভেঙ্কালীক কৃষ্ণা চিন্নাম্বালু আম্মা, অমিতা দত্ত, জেরবাহু জেহাকীর কাবরাজী, মার্গারেট ডব্লিউ ক্লার্ক, বীণা দত্ত, রমলা ঘোষ, ডরিস পেয়ী, অমিথা দাসগুপ্ত, পারিজাত ঘোষ, খুষ্টিনা মণ্ডল, উষা রায়, উমা চট্টোপাধ্যায়, ইন্দিরা বসু, মার্গারেট গ্রেগরী, লরা লেলা লতিকা দে, জ্যোতিপ্রভা দাস গুপ্ত, বীণাপাণি দাস, মানেক এন্স পডুরী, উমারানী বসু, এনী স্কিয়ান্স, সঙ্ক্যালতা দত্ত, শেফালিকা সেন গুপ্ত, বেলা দাস, মার্গারেট ভীরা আবুল, বীণা মজুমদার, লীলা বসু, ইন্দিরা দে, বিভাবতী রায়, এডিথ ভায়োলেট হেপডন, শান্তি দাস গুপ্ত, মায়ী দেবী, লতিকা বসু, জেইন এন্স কোয়েন্, জ্যোতিপ্রভা দাস গুপ্ত, অমর ঘোষ, শান্তি গুহ, শান্তি নিয়োগী, বীণা চৌধুরী, কবি মৃগালিনী গৌড়। দ্বিতীয় বিভাগ—আশালতা বন্দ্যোপাধ্যায়, ইন্দিরা বন্দ্যোপাধ্যায়, মীরা বসু, উষ্মিলা ভট্টাচার্য, অমিয়া বিশ্বাস, সুধমা বিশ্বাস, শকুন্তলা চন্দ্র, পাকুল চট্টোপাধ্যায়, বেলাবেগু চৌধুরী, মণিকা দাস, জ্যোৎস্না দাস গুপ্ত, ফুলবেগু দত্ত, শান্তি দত্ত, সিদ্ধরানী দে, গাট্টুড অমিতা গৌড়, নীহার গুপ্ত, নীলিমা গুপ্ত, প্রভাবতী মজুমদার, স্নেহলতা মল্লিক, কমলা মিত্র, ষ্টেলা উবারনী মুখার্জি, নির্মলা নাগ, ওরা নায়ক, কনকপ্রভা নিয়োগী, নর্মা ফোর্ডাম, অশোকা রায়, কবি কোহেন, অরুণা সেন, জ্যোৎস্না সেন, নিভা সেন, নীলিমা সেন, স্নেহলতা সেন, মণিকুন্তলা সেন গুপ্ত। তৃতীয় বিভাগ—শান্তিপ্রভা রায়।

আই এমসি—প্রথম বিভাগ—চামেলী দত্ত, লক্ষ্মীরাণী সান্যাল, অমলপ্রভা দাস, কৃষ্ণ মিলিসেন্ট ক্যাথেল, সুহাসিনী দত্ত, কেলোলিডা খাস্তাই, সুনীতি সেন, অমিয়া দাস গুপ্ত, রমা দাস, কুঞ্জলতা গোগাই, নির্মলা ঘোষ। দ্বিতীয় বিভাগ—প্রতিভা বসু, কমলা গুপ্ত, ক্যাথারীন অলিভ রিচার্ড, সুলেখা সেন।

অনিশ্চাল ব্রাহ্মসমাজ—বিগত ১০ই বৈশাখ অপরাহ্নে বরিশালস্থ কল্যাণ-কুটিরে “ব্রহ্মবাদী” পত্রিকার

ত্রিংশৎ-বর্ষাবৃত্তিক একটি প্রীতিসম্মিলন হয়। সহরের জমিদার, তালুকদার সাব জজ, মুন্সেফ, ডাক্তার, উকীল, অধ্যাপক, এবং শিক্ষক প্রভৃতি সকল শ্রেণীস্থ গ্রাহক বর্গের উপস্থিতিতে একটি পবিত্র মধুর বিধ্বজন সমাবেশ হইয়াছিল। ত্রিযুক্ত জগদীশ মুখোপাধ্যায় সভাপতির আসন গ্রহণ করিলে একটি সঙ্গীতান্তে ব্রহ্মবাদী সম্পাদক ত্রিযুক্ত মনোমোহন চক্রবর্তী প্রার্থনা করেন। তৎপরে শ্রীমান্ কল্যাণকুমার চক্রবর্তী ঠেংশাখের ব্রহ্মবাদী পত্রিকায় লিখিত সম্পাদকের সম্ভাষণ ও নিবেদন পাঠ করিয়া গ্রাহকদিগকে বিতরণ করেন। কবিতাবৃত্তি, সঙ্গীত এবং এতদ্ভা বাণ হইলে, রায় গণেশচন্দ্র দাস বাহাদুর, ত্রিযুক্ত গোপালচন্দ্র বিশ্বাস, অধ্যাপক বনমালী বেদান্ততীর্থ প্রভৃতি ব্রহ্মবাদী পত্রিকার প্রবন্ধের এবং সম্পাদকের এই ব্রত সাধনে কৃষ্ণের ভূয়সী প্রশংসা করেন। সম্পাদক কৃতজ্ঞতা প্রকাশ্যে কিলু নিবেদন করিলে সভাপতির সজ্জনস্বতাপূর্ণ মন্তব্য অন্তে প্রীতি জলযোগে সম্মিলনের কার্য শেষ হয়। পুরুষ মহিলা ও বালক বালিকাগণ সহ প্রায় দেড়শত লোক এই সম্মিলনে যোগদান করিয়া আনন্দ সম্ভোগ করিয়াছেন।

বিগত ৩০ শে বৈশাখ সর্বানন্দভবনে ব্রাহ্মিকা সমাজের মাসিক অধিবেশন হয়। ত্রিযুক্ত মনোমোহন চক্রবর্তী আচার্যের কার্য করেন এবং “বিচারের ধর্ম ও নিষ্ঠার ধর্ম” বিষয়ে উপদেশ প্রদান করেন।

বিগত ২ রা জ্যৈষ্ঠ সাধারণ ব্রাহ্মসমাজের একপঞ্চাশৎ সাধৎ-সুরিক উৎসব দিনে বরিশাল ব্রহ্মমন্দিরে সাংকালে জমাট কীর্তন ও উপাসনা হয়। মনোমোহন বাবু আচার্যের কার্য করেন। “ব্রাহ্মসমাজের ইতিহাস এবং সাধারণ ব্রাহ্মসমাজের কার্য ও পরীক্ষা” বিষয়ে উপদেশ দেন।

৩৪ মাস যাবত কল্যাণ-কুটিরে রবিবাসরীয় নীতি বিদ্যালয়ের কার্য চলিতেছে। বিগত ৫ই জ্যৈষ্ঠ বালকবালিকাগণ সঙ্গীত কবিতাবৃত্তি প্রভৃতি করিলে, মনোমোহন বাবু আচার্যের উপদেশ প্রদান করেন। সকলকে মিষ্টি বিতরণ করা হইলে তিন সপ্তাহের জন্ত স্কুল বন্ধ দেওয়া হয়।

বিগত ২৪ শে বৈশাখ সাংকালে বাবু প্রসন্নকুমার দাসের মাতার পরলোক গমন-দিনে, ৫ই জ্যৈষ্ঠ সর্বানন্দভবনে ডাক্তার রায় প্রেমানন্দ দাস বাহাদুরের পরলোকগমন-দিনে এবং ৬ই জ্যৈষ্ঠ ভৈরবভবনে কালীকুমার চট্টোপাধ্যায়ের পরলোকগমন-দিনে বিশেষ উপাসনা হয়। তিন অস্থানেই মনোমোহন বাবু আচার্যের কার্য করেন। সকল স্থানেই প্রীতিজলযোগে অস্থান শেষ হয়।

বিজ্ঞাপন।

ব্রহ্মসুন্দর বৃত্তি

পূর্ব-বাল্লা ব্রাহ্মসমাজ হইতে দরিদ্র ব্রাহ্ম ছাত্র এবং ছাত্রী-দিগকে “ব্রহ্মসুন্দর বৃত্তি” নামক নিম্নলিখিত বৃত্তিগুলি ১৩৩৬ সালের বৈশাখ মাস হইতে এক বৎসরের জন্ত দেওয়া হইবে।

মাসিক ৮ টাকার বৃত্তি ১টি, মাসিক ৪ টাকার বৃত্তি ২টি, মাসিক ৩ টাকার বৃত্তি ৪টি।

আবেদন পত্র ২৪শে জুন, ১৯২২, তারিখের মধ্যে নিম্নস্বাক্ষর-কারীর নিকট পাঠাইতে হইবে।

পূর্ব বাল্লা ব্রাহ্মসমাজ

শ্রীঅক্ষয়কুমার সেন

ঢাকা

সম্পাদক

২৬শে মে, ১৯২২

পূর্ব বাল্লা ব্রাহ্ম সমাজ

ব্রাহ্মমিশন প্রেস হইতে শ্রীত্রিগুণানাথ রায় দ্বারা ২২শে জ্যৈষ্ঠ মুদ্রিত ও প্রকাশিত। সম্পাদক—শ্রীবরদাকান্ত বসু বি, এ

তত্ত্ব-কৌমুদী

অসতো মা সদগময়,

তমসো মা জ্যোতির্গময়,

মৃত্যোর্মান্নতঃ গময় ॥

১৮ (১১-১) ৬৫২ ২১৮

ধর্ম ও সমাজতত্ত্ব বিষয়ক পার্শ্বিক পত্রিকা

সাধারণ ব্রাহ্মসমাজ

১২৮৫ সাল, ২রা ভৈশাখ, ১৮৭৮ খ্রীঃ, ১৫ই মে প্রকাশিত।

৫২ম ভাগ

১৬ই চৈত্র, রবিবার, ১৩৩৬, ১৮৫১ শক, ব্রাহ্মসংবৎ ১০১

প্রতি সংখ্যার মূল্য ৮০

২৪শ সংখ্যা।

30th March, 1930.

অগ্রিম বাৎসরিক মূল্য ৩২

প্রার্থনা

হে অবিরামকর্মা বিশ্ববিধাতা, তোমার জীবন্ত কর্মপ্রবাহ ত নিরন্তর অবিশ্রাম গতিতে বিশ্ব-ব্রহ্মাণ্ডকে চির উন্নতি ও বিকাশের পথে লইয়া যাইতেছে! তুমি ত সর্বত্র অপূর্ণতা ও কদর্যতা বিদূরিত করিয়া নিত্য পূর্ণতা ও সৌন্দর্য্য মাধুর্য্য ফুটাইয়া তুলিতেছ! তবে আমাদের জীবনে কেন তাহার স্পষ্ট লক্ষণ কিছু দেখা যাইতেছে না? দিনের পর দিন, বৎসরের পর বৎসর চলিয়া যাইতেছে, আমরা ত এখনও জানে প্রেমে পুণো, সৌন্দর্য্যে ও মাধুর্য্যে, মগ্ন হইয়া তোমার উপযুক্ত বাধ্য সন্তান হইয়া গড়িয়া উঠিতে পারিলাম না! তুমি ত দীর্ঘকাল হইতেই সম্পূর্ণরূপে তোমার অমুগত হইয়া চলিবার জন্য নানা উপায়ে বিভিন্ন ভাবে, আমাদের গাঢ়িত করিতেছ। অশেষ প্রকার করণও ত করিয়াছ! তোমার অমুগত হইয়া চলিবার আনন্দ এবং আলস্যে ও উনাসীনতার মধ্যে সংসারস্রোতে ভাসিয়া বেড়াইবার দুঃখ, উভয়ই ত জীবনে অনেক বার অনুভব করিতে দিয়াছ! তবু যে কেন আমাদের চৈতন্য হইতেছে না, মোহঘোর ছুটিতেছে না, বুঝিতে পারিতেছি না। দিন ত ক্রমেই শেষ হইয়া আসিতেছে,—ক্রমগতিতে চলিয়া যাইতেছে। আর কতকাল এই ভাবে যাইবে? তুমি এবার আমাদের সকল মোহঘোর গাঢ়িয়া দেও, আমাদের গাঢ়িয়া চূরিয়া, দুঃখাশ্রিতে মগ্ন করিয়া, তোমার অপার প্রেমে গলাইয়া, চিরদিনের তরে তোমার করিয়া লও। আমরা চিরদিনের জন্ত সম্পূর্ণরূপে তোমার হইয়া ধন্য ও কৃতার্থ হই। তোমার জীবন্ত মঙ্গল-বিধাতৃত্ব আমাদের জীবনে ও সমাজে অমুগত হউক। তোমার ইচ্ছাই সর্বোপরি পূর্ণ হউক।

শততম মাঘোৎসব।

(পূর্ক প্রকাশিতের পর)

১২ই মাঘ (২৬শে জানুয়ারী) রবিন্দ্রনাথ—
প্রাতে সাধনাশ্রমের উৎসব উপলক্ষে সংকীর্তন ও উপাসনা।
শ্রীযুক্ত সতীশচন্দ্র চক্রবর্তী আচার্য্যের কার্য্য করেন। তিনি প্রথমে
নিম্নলিখিত মর্মে উদ্বোধন করেন :—

প্রায় ৩৮ বৎসর পূর্কে ভক্তিবাজন আচার্য্য শিবনাথ শাস্ত্রী
মহাশয়, সাধারণ ব্রাহ্মসমাজে ধর্মভাবের মনোভাব অনুভব ক'রে,
বিশেষতঃ ধর্ম প্রচার কার্য্যে উৎসাহের অভাব অনুভব ক'রে,
সাধনাশ্রম প্রতিষ্ঠা করেন। ইহার অদীভূত মাহুগলির মধ্যে
কত জন আজ পরলোকে র'য়েছেন। তাঁদের আজ ভক্তি শ্রদ্ধা
প্ৰীতির সহিত স্মরণ করি। আজ এই বিশেষ উৎসবের দিনে
স্বর্গীয় শিবনাথ, নবদ্বীপচন্দ্র, প্রকাশদেবজী, সুন্দর সিংহজী,
চঞ্চলা দেবী, কাশীচন্দ্র, হরিমোহন, মহেন্দ্রনাথ, কেশবকর,
অবিনাশচন্দ্র, গুরুদাস প্রভৃতি সাধনাশ্রমের সংস্কৃত বিশ্বাসী কর্মী
ভক্ত আত্মগণের সান্নিধ্য অনুভব করি। সেই সত্যস্বরূপ
পরমেশ্বরের জীবন্ত লীলা আশ্রমের জীবনে ও ইহার দাসদের
জীবনে অনুভব করি। তিনি যে আশ্রমের সব অভাব পূরণ
ক'রুচেন, তিনি যে আমাদের খেতে প'বুতে দিচ্ছেন, তাঁর এ দয়া
আমরা জীবনে অস্বীকার করি না। কিন্তু সে কথাই আজ বিশেষ
ক'রে বল'ব না। কারণ, তিনি তদপেক্ষা আরও কত শ্রম
দিয়ে আশ্রমের জীবনকে ধন্য ক'রেছেন। এমন অমুগতময়
ধর্মজীবনের অধিকার দিয়েছেন, এমন অমুগতময় সঙ্গ দিয়েছেন!
মাধু ভক্তদিগকে ঘেন ঘরের লোক ক'রে দিয়েছেন।
তাঁর নিজ সঙ্গ দিয়ে ও আমাদের পরম্পরের মধুময় সঙ্গ
দিয়ে, আমাদের জন্ত জীবন মধুময়, অগত মধুময়, ও কর্ম

মধুময় ক'রে দিয়েছেন। সেবার মহানু অধিকার দিয়ে আমাদের তুচ্ছ জীবন ধ্বংস ক'রে দিয়েছেন। আজ সেই কৃতজ্ঞতাতে মনকে পরিপূর্ণ ক'রে, পরলোকস্থ ও দূরস্থ সকল আত্মাগণকে প্রাণে নিয়ে, প্রাণস্বরূপের পূজায় প্রবৃত্ত হ'ল।

উপাসনাস্থে তিনি নিম্নলিখিত মন্ত্রে উপদেশ প্রদান করেন :—

প্রেমভক্তি সাধনের অনুকূল ক্ষেত্র রচনা।

সাধনাশ্রমকে এখন আর সাধারণ ব্রাহ্মসমাজের প্রচার কার্যের দ্বিতীয় একটি আয়োজন ব'লে দর্শন কবুবার আবশ্যিকতা নাই। প্রথম স্থাপনের সময়ে ইহাকে কিছু পরিমাণে সেই ভাবে কাজ করতে হ'য়েছিল বটে। কিন্তু এখন সাধারণ ব্রাহ্মসমাজের ধর্মজীবন সংস্কে একটি বিশেষ মণ্ডলীরূপে তাহার অঙ্গীভূত হ'য়ে জীবিত থাকাই ইহার সার্থকতা। আমি কোন কোন বার ইহাকে সাধারণ ব্রাহ্মসমাজের ধর্মজীবনের একটি gland রূপে বর্ণনা ক'রেছিলাম। মানবদেহে glandএর কাজ, রক্ত হ'তে নানি রূপ রস উৎপন্ন ও সংকত ক'রে, এবং সমগ্র দেহে তাহা সঞ্চারিত ক'রে, দেহের কাষাকে বিশেষ বিশেষ ভাবে পরিচালিত করা। ধর্মসমাজেও তেমনি, বিশেষ বিশেষ ভাব উৎপন্ন ও সঞ্চার কবুবার জন্য বিশেষ বিশেষ কেন্দ্র থাকা আবশ্যিক।

এই ভাবে চিন্তা কবুলে দেখা যায়, সাধনাশ্রমের একটি হৃদয় কাজ, ধর্মপিপাসু মানুষকে ঈশ্বরের সঙ্গে পরিচয় লাভের বিষয়ে, ও ঈশ্বরের সাহিত সম্বন্ধে আবদ্ধ হবার বিষয়ে, সহায়তা করা। আমি 'পরিচয়' ও 'সম্বন্ধ', এই কথা দুটি কি অর্থে ব্যবহার কবুচি, তা প্রথমতঃ একটি তুলনার সাহায্যে ব্যক্ত কবুবার চেষ্টা করি।

হিন্দু সমাজের একটি বাগিকা বধু তার পিতৃগৃহ ছেড়ে পতিগৃহে চ'লে যাবে। তার মন নানা সংশয়ে আকুল হ'য়ে রয়েছে। আমি পরিচিত পিতৃগৃহ ছেড়ে কোন্ অচেনা অজানা জায়গায় যাব, কোন্ অচেনা একদল লোকের সঙ্গে আমাকে বাস কবুতে হবে, কাদের অধীনতার মধ্যে, নূতন কোন্ এক পরিবারের শাসন-শৃঙ্খলার (disciplineএর) মধ্যে আমাকে গিয়ে পড়তে হবে, এই ব'লে তার মন অস্থির। তার এই অস্থির ভাব দূর কবুবার জন্য তার বাবা তাকে বোঝাতে লাগলেন। "না, আমি খুব ভাল ক'রে জেনে শুনে, খুব ভাল ঘরেই তোমার বিয়ে দিয়েছি। তোমার যিনি স্বামী, তিনি অতি সদাশয় ও মহৎ অন্তঃকরণের লোক। তাঁদের বাড়ীর সব লোকগুলির বিষয়ে আমি খোঁজ নিয়েছি, সকলেরই প্রকৃতি বড় ভাল। তাঁদের শরীবে বড় দয়ামায়া। তোমার কোন ভাবনার কারণ নাই।" এইরূপে পিতা তাঁর কণ্ঠস্বর কাছের তার স্বামীর ও স্বামীর আত্মীয়দের গুণসকল বর্ণনা ক'রে ক'রে, ও স্মৃতিপূর্ণ কথা ব'লে ব'লে, তার দ্বিধা সংশয় দূর ক'রে দিবার চেষ্টা কবুলেন।

তার পরে ঘর ছেড়ে যাবার সময়টি নিকটে এল। তখন তার সমবয়স্ক অগ্রাঙ্গ বধুরা তাকে নিজ নিজ জীবনের অভিজ্ঞতার সাক্ষ্য দিয়ে আশ্বাস দিতে লাগল। বলল, "প্রথম প্রথম

আমাদেরও কত ভয় ক'রেছিল। বাপ মা ভাই বোনকে ছেড়ে গিয়ে, ও পরিচিত সব মানুষ পরিচিত ঘর বাড়ী ছেড়ে গিয়ে, প্রথম প্রথম কষ্টও পেয়েছিলাম বই কি? তা'ছাড়া, নূতন পরিবারের শাসন-শৃঙ্খলার বশবর্তী হ'য়ে চলতে গিয়েও প্রথম প্রথম অনেক কষ্ট পেতে হ'য়েছিল। কত অভ্যাস বদলাতে হ'য়েছে, কত রকমে আপনাকে জোর ক'রে বাধতে হ'য়েছে। কিন্তু ক্রমে ক্রমে সে কষ্টের দিন চ'লে গিয়েছে। এখন, দেখ না, আমরা কত মনের আনন্দে ঘরকন্না কবুচি।" বাপের বাড়ীর বউয়েরা এ রকম বলল। স্বত্তরবাড়ীতে পূর্বে আগত অগ্রাঙ্গ বউয়েরাও এই রকম কথাই বলল। তাদের সকলের সাক্ষ্য শুনে সেই নব বধুর মন একটু নির্ভয় হ'ল।

আর সকলের সাক্ষ্যের চেয়ে সে তার নিজের মার সাক্ষ্য পেয়ে অধিক আশ্বস্ত হ'ল। তার মা বললেন, "এই দেখ না, মা, আমিও তো এক দিন তোমাদের এ বাড়ীতে বউ হ'য়েই এসেছিলাম। আমি তখন এসেছিলাম ব'লেই না তোমরা সকলে আমার কোলে জমেছ?" এই প্রকারে সকলে নিজ নিজ জীবনের সাক্ষ্য দিয়ে নব বধুকে নির্ভয় ক'রে দিবার চেষ্টা কবুল।

সে স্বত্তরবাড়ীতে গিয়ে সাবধানে সকলকে খুসী ক'রে চলবার চেষ্টা করে। এই ভাবে কিছুকাল যাবার পর নিজ পতির সঙ্গে তার পরিচয় হ'ল ও প্রণয় জন্মাল। তখন তার এক নূতন জীবন আরম্ভ হ'ল। তখন আর তার সে সংশয়ও নাই, সে ভয়ও নাই। আপনা হ'তেই সে সব দূর হ'য়ে গিয়েছে। এখন তার জীবন দিনে দিনে আনন্দে পরিপূর্ণ হ'য়ে উঠ'চে। এই সময়ে সে একদিন তার স্বামীকে বলল, "আমি মনে ক'রেছিলাম, এখানে এসে কেবল সাবধানে নিজেকে সংযত ক'রে ক'রে, ও সকলকে খুসী ক'রে ক'রে, ভয়ে ভয়েই আমাকে চিরকাল চলতে হবে। আমি তো তার জন্তই মনকে প্রস্তুত ক'রেছিলাম। সে ভাবে এখানকার জীবন আরম্ভ ক'রেই তো আমি সন্তুষ্ট ছিলাম। কিন্তু এখন তোমাকে ভালবেসে আমার এ কি-জীবন আরম্ভ হ'য়ে গিয়েছে! এমন আনন্দময় জীবন যে আমার ভাগ্যে আছে, তা তো আমি আগে জানতাম না!"

ধর্মের ঘরে কোন মানুষ যখন প্রথম আসে, তখন তাকে ঐ নব বধুর সঙ্গে তুলনা করা যায়। ধর্মরাজ্য তার কাছে নূতন। ঈশ্বরকে তখন সে জানে বটে, কিন্তু তাঁকে আপনার ব'লে চেনে নি। পিতৃগৃহ ছেড়ে পতিগৃহে গমনোদ্যত বধুর সম্বন্ধে তার পিতা বা ক'রেছিলেন, ধর্মসমাজের পক্ষে নবাপত্তের জ্ঞতা করা প্রয়োজন হয়। তার চিন্তার সকল সংশয় দূর ক'রে দিবার জন্য, তাকে ঈশ্বরের বর্তমানতা ও মঙ্গলস্বরূপ প্রকৃতি ভাল ক'রে বুঝিয়ে দিবার জন্য, তাকে ধর্মরাজ্যের সুপথ বিপথ ভাল ক'রে চিনিয়ে দিবার জন্য, একটি ভাল আয়োজন ধর্ম-সংগে থাকা প্রয়োজন হয়। অজান অন্ধকারে তার হাতখানি ধরুবার জন্য, সারা জীবনে তার জ্ঞানপিপাসাকে জাগিয়ে রাখবার ও তৃপ্ত কবুবার জন্য, ধর্মসমাজে উপযুক্ত ব্যবস্থা থাকা প্রয়োজন হয়।

তৎপরে দেখতে পাই, চিন্তা ও যুক্তির জ্ঞানের দ্বারা ধর্মপথে নূতন যাত্রীর সব সংশয় দূর হ'য়ে গেলেও, তার অন্তরের ভয় দূর হয় না। ভীকতা ও অল্প-বিশ্বাস মনুষ্যমানুষেরই প্রকৃতিগত। নূতন পথে চলতে গেলেই মানুষের প্রকৃতিগত সেই ভীকতা ও বিশ্বাসের অল্পতা এসে মানুষকে ভীত করে। এজন্য প্রত্যেক ধর্মসমাজে এমন ধর্মমণ্ডলী থাকা প্রয়োজন, যেখানে গিয়ে নূতন মানুষ একদল সাক্ষীর সাক্ষাৎ পাবে। সাক্ষীর দরকার কেন? তারা যে তাকে কিছু বোঝাবে, তা নয়। এমন কি, তাকে কিছু যে বলবে, তাও নয়। কিন্তু তারা তাকে কিছু দেখাবে। “আমাদের দিকে তাকিয়ে দেখ। ধর্মের পথে আমরাও চ'লেছি। এ পথে হুঃখ সংগ্রাম আছে বটে, কিন্তু তাতে ভয় নাই। দেখ, আমরা কত সংগ্রাম পার হ'য়ে এসেছি; ভূমিও তোমার সব সংগ্রাম পার হ'য়ে যাবে, ভয় নাই,” এই বলে যারা সাক্ষী হ'য়ে তার সম্মুখে দাঁড়াবে, এমন মানুষ থাকা দরকার।

দয়ালের দ্বারা ধর্মজগৎ এইরূপ সাক্ষীর দ্বারা পরিপূর্ণ। প্রথমতঃ দেখতে পাই, সকল দেশের ও সর্ব কালের সাধুভক্তেরা এইরূপ সাক্ষী। তাঁরা অভয় দিয়ে বলছেন, “চলে এস, শাস্তি আছে। পরিশ্রান্ত ও ভারাক্রান্তেরা এস, বিশ্রাম আছে। দুঃখী তাপীরা এস, অশ্রু মুছে যাবে।” প্রত্যেক ধর্মসমাজেও একটি বিশেষ কাজ, ধর্মপিপাসু নরনারীকে সাধুভক্তগণের সহিত জীবন্ত যোগে যুক্ত ক'রে দিবার জন্য একটি কেন্দ্র রচনা করা। যে ধর্মসমাজে ধর্মের আলোচনা অনেক আছে, কিন্তু এট সাক্ষীদের সঙ্গে ব্যক্তিগত যোগ-স্থাপনের ভাগ ব্যবস্থা নাই, সে ধর্মসমাজ ব্যাকুল-হৃদয় নূতন নূতন মানুষ পাবার ও রাখবার যোগ্য স্থান নয়। ধর্মসমাজের সর্বপ্রধান কাজই বোধ হয়, সাধু ভক্ত, ধর্মবীর, চরিত্রবীর ও মহামনা মানুষদের সঙ্গে এইরূপ ব্যক্তিগত সম্বন্ধ সাধনের একটি কেন্দ্র প্রস্তুত করা। সে ব্যক্তিগত সম্বন্ধ কিরূপ? শুকতায় যখন আমার প্রাণ কাঁদবে, তখন আমি অশ্রুভব করব, চৈতন্যদেব আমার কাছে এসেছেন; আমার হৃদয় নিঃসর চোখের জল ফেলে, আমার শুক চোখের যে জল উৎসারিত হ'চ্ছিল না, তাকে উৎসারিত করে দিচ্ছেন। পরিশ্রান্ত ভারাক্রান্ত ও গুণ চূর্ণ অবস্থায় আমি অশ্রুভব করব, যীশু আমার কাছে এসেছেন; এসে তাঁর করুণ চোখের দৃষ্টি দিয়ে আমার হুঃখ তাপ হরণ করছেন। রিপূর উত্তেজনায় আমি অশ্রুভব করব, বুদ্ধদেব আমার কাছে এসে তাঁর অমৃতময় নির্দোষ-বাণী উচ্চারণ ক'রে আমার সে উত্তেজনা শান্ত ক'রে দিচ্ছেন। ভগবান্ কি ধর্মরাজ্যটাকে একটা বিশাল জনহীন প্রান্তরের মতন ক'রে, একটি নির্জন বন্ধুহীন স্থান ক'রে, সৃষ্টি ক'রেছেন? তা কখনও নয়। সাধুভক্তগণের দ্বারা, কত বন্ধুজনের দ্বারা, তাহা পরিপূর্ণ। সেই সাধুভক্তগণকে কি অতীত যুগই স্মরণে ফেলেছে? তাঁরা কি এ যুগে বর্তমান নাই? তাঁদের আশাসবাণী কি আমরা শুনে পাব না? যীশুর “come unto me” এই অমৃতময় আহ্বান কি আমরা শুনে না? তা কখনও নয়। ধর্মজগতের বড় কাজ, মানুষকে দয়ালের দ্বারা এই সাক্ষীদের জীবন্ত সংস্পর্শের মধ্যে স্থাপন করা।

কিন্তু যেমন সেই বালিকা বধুর পক্ষে আর সকলের সাক্ষীর চেয়ে নিজের মাথের সাক্ষ্য বড় হ'য়েছিল, তেমনি মানুষের পক্ষে আর সব যুগের সব দেশের সাক্ষীর চেয়ে নিজ মণ্ডলীর সাক্ষ্য বেশী বড় হয়। নিজ মণ্ডলী যেন নিজের মা। আমাদের ব্রাহ্মসমাজ কিসে এই বিষয়ে ধর্মপিপাসু আত্মাগণের পক্ষে মাথের মতন হ'তে পারেন, কিসে সাধনাশ্রম সেই বিষয়ে ব্রাহ্মসমাজকে সাহায্য ক'রতে পারেন, ব্যাকুল হ'য়ে আজ আমরা তাহা ভাবি, ও সেজন্য সচেষ্ট হই।

তার পর, প্রত্যেক ভাল পরিবারে নব বধু গিয়ে কতকগুলি নিয়ম শৃঙ্খলা ও আজ্ঞাদীনতার হাওয়াতে বাস করে। যে পরিবারে তার ব্যবস্থা নাই, সেখানে মানুষ ভাল গড়ে না। আজকাল এমন অনেক দুর্ভাগ্য উচ্ছৃঙ্খল পরিবার দেখা যায়, যেখানে বধুরূপে পবিত্র হবার পর, সুশিক্ষিতা সুবিনীতা বস্ত্রাগণের চরিত্র হ'তে পূর্বের সঙ্গ সুশিক্ষা ও সদৃশ্য মুছে গিয়েছে। যা হওয়া উচিত ছিল মানুষ গড়বার স্থান, তা হ'য়ে গিয়েছে মানুষ নষ্ট ক'রবার স্থান। ধর্মরাজ্যেও তেমনি। যে সমাজের হাওয়াটি প্রত্যেক নবাগত মানুষের মনে প্রথম হ'তেই ঈশ্বরের হাতে আত্মসমর্পণের শিক্ষা, সর্ব বিষয়ে আদেশের অচরণ হ'য়ে চলবার শিক্ষা, মুদ্রিত ক'রে দিবার অশুকল নয়, সে-সমাজ প্রকৃত ধর্মসমাজ নয়। ধর্মসমাজের হাওয়া কিরূপ? একজন নূতন মানুষ সেখানে গেলে তার আত্মার রোমে রোমে এই ভাব প্রবর্ত হ'য়ে যায় যে, “কিচি বাসনা করনা বিষয়ে, শক্তি অর্থ ও সময়ের ব্যবহার বিষয়ে, আমি নিয়ন্ত্রণ পরম প্রভুর আজ্ঞাদীন।” এই আজ্ঞাদীনতার হাওয়া যে-সমাজে নাই, অথচ স্বাধীনতার হাওয়া আছে, সেখানে গিয়ে নবাগত মানুষের মন স্থগ, স্বাচ্ছন্দ্য, স্মৃতি, পারিবারিক ও সামাজিক আনন্দ আফ্লাদ, এবং ভোগ-বিশ্বাসের দিকেই ঝুঁকিয়া যায়; মনঃস্থ ও উন্নত চরিত্রের দিকে অগ্রসর হ'বার পক্ষে প্রয়োচনা কিংবা সাহায্য প্রাপ্ত হয় না। কিসে সমাজমধ্যে এই আজ্ঞাদীনতার হাওয়া, আদেশের অশুকলিতার হাওয়া, নিরন্তর প্রবাহিত থাকে, সে বিষয়ে দৃষ্টি রাখা একান্ত আবশ্যিক। একটি সঙ্গীত ধর্মমণ্ডলী এ বিষয়ে বড় সহায়।

সাধনাশ্রমের ভাই বোন, আমাদের মণ্ডলীটি হ'তে আমরা এ বিষয়ে যে সাহায্য পেয়েছি, চিরদিন তা যেন মুক্ত কর্তে স্বীকার ক'রতে পারি। জীবনের কিছু অভ্যাস সব ভেঙে চূরে নূতন ক'রে গড়া, সুখাসক মনকে প্রভুর সেবায় উদ্যোগী ক'রা, ইঞ্জিয়াসক্ত প্রকৃতিকে শুদ্ধ করা,—এ সকলের কঠিন সংগ্রামে সাধনাশ্রমের মণ্ডলী হ'তে যে সাহায্য পেয়েছি, তা চিরদিন স্বীকার করব। আমার জীবনে দয়ালের বড় দয়া যে আমাকে এই পরিবারের শাসন-শৃঙ্খলার হাওয়ার মধ্যে তিনি এনে ফেলেছেন। এ মণ্ডলীর কত ভালবাসার সুকোমল স্পর্শ, কত ব্যাকুল প্রার্থনার বেটনে, কত শাসনের চাপে, কত আদরে উৎসাহ দণ্ডে, আমার জীবন গ'ড়ে উঠবার সৌভাগ্য লাভ ক'রেছে। আমার আত্মার রক্তে সে সকল মিশে র'য়েছে। চিরদিন তার সাক্ষ্য দিয়ে যাব। প্রকৃতিকে ঈশ্বরের আজ্ঞাদীন

কবুবার কঠিন সংগ্রামে এই মণ্ডলী হ'তে আমি যে সাহায্য লাভ করেছি, তার তুলনা নাই। সাধনাত্মকের ভাই বোন, আমার আখৌবনের অভিজ্ঞতায় আমি দেখলাম, নিজ প্রকৃতিকে বশ করে ঈশ্বরের চরণে দান করার মত কঠিন কাজ আর কিছু নাই। আমার জীবনের অনেক শত্রুকেই আমি এক কোপে কেটে নিঃশেষ করতে পারি নাই। তোমাদের জীবনে যদি এক কোপে কাটবার মত জিনিস কিছু থাকে, তবে তা তেমনি ক'রেই কাট'। লাগাও তার উপর ব্রহ্মনামের খাঁড়া, তীক্ষ্ণ বৈরাগ্যের খাঁড়া। আর, লাগাও সাধকদের কাছে আত্মসমর্পণ-রূপ খাঁড়ার কোপ! আমার অভিজ্ঞতায় আমি দেখেছি, এই শেবোক্ত ভাবের ষড়্‌গাধাতে বড় কাজ হয়। কাট' এমনি ক'রে বিষয়াসক্তি, মূখ্যাসক্তি, অহঙ্কার! কিন্তু ভাই বোন, কত বিষয়ে যে সারা জীবন ধ'রে আত্মার অণু পরমাণুকে ধোত করতে হয়, শরীরের বক মাংসকে বিন্দু বিন্দু ক'রে শুদ্ধ করতে হয়। এই কাজের জন্য একা একা সেই স্বদেশেশ্বরের চরণতলে প'ড়ে প'ড়েও কাঁদতে হয়; আবার, ধর্মমণ্ডলীতে যারা বাপ-মায়ের মত', জ্যেষ্ঠ ভ্রাতা ভগিনীর মত', স্নেহভাজন সহোদর সহোদরার মত', তাঁদের কাছে ব'সে ব'সে, অশ্রুজলে ভেসে ভেসে জীবন ধোত করতেও হয়। এ বিষয়ে ধর্মপরিবার আমাদের কত সহায়!

তার পরে ধর্মসমাজের হাওয়াটি এমন হওয়া দরকার যে তাহাতে বেষ্টিত থেকে প্রত্যেক ধর্মপিপাসু আত্মা ঈশ্বরের প্রেমানুভূতিতে ও তাঁহার প্রতি প্রেম-ভক্তিতে ফুটে ওঠবার সাহায্য পায়। ধর্মসমাজের প্রকৃত সার্থকতা প্রেমের অমূল্য ও ভক্তির অমূল্য হাওয়া সৃষ্টিতে। যে হাওয়াতে মানব-হৃদয়ে মাহুস-সম্বন্ধে নম্রতা ও কোমলতার ভাব প্রথমে প্রস্ফুটিত হ'য়ে, মাহুসের মূল্য-অনুভূতিটি প্রথমে জাগরিত হ'য়ে, তাহাকে ভক্তির জীবনের জন্ম উন্মুখ ক'রে রাখে; যে হাওয়াতে আত্ম-ইচ্ছাপরায়ণতার কঠোর ভাবটি জাগতেই পায় না; যাতে, সেরূপ ভাব নিয়ে কেউ এলে শীঘ্রই সে পরিবর্তিত হ'য়ে যায়; শীঘ্রই সে কোমল স্নিগ্ধ হ'য়ে, আত্মবিলোপে অভ্যস্ত হ'য়ে, প্রেম-ভক্তির জীবনের জন্ম প্রস্তুত হ'য়ে যায়। যদি ধর্মসমাজের হাওয়াটা কেবল যুক্তিতর্কের হাওয়া, জ্ঞানালোচনার হাওয়া, অথবা কর্মব্যস্ততার হাওয়া মাত্র হয়, তার বেশী আর কিছু না হয়, অর্থাৎ প্রেম-ভক্তির অমূল্য হাওয়া না হয়, তবে তো সেখানে এসে মাহুস ধর্মজীবনের প্রকৃত পরিণতি লাভ করতে পারবে না। বহু নূতন বাড়ীর খুব ভাল রানুনি বা ভাল দাসী হ'য়ে থাকলেও যেমন সেখানে তার প্রকৃত জীবন হ'ল না,—প্রকৃত জীবন হয় যখন সে পতির সঙ্গে এবং পতিকুলের লোকগুলির সঙ্গে প্রেমের সম্বন্ধে বাঁধা পড়ে,—এখানেও তেমনি। ধর্মসমাজ তার নবাগত মাহুসটির উপরে কিরূপ প্রভাব বিস্তার করেন? সে সমাজে এসে নবাগত মাহুসটি ভাল জানী, কর্মী, এমন কি নিষ্ঠাবান্ তপস্বী হ'লেও হ'ল না। প্রশ্ন এই যে, তার প্রেম-ভক্তি-ফুল কি সে হাওয়াতে ফোটে? যে সমস্ত স্নিগ্ধ হাওয়াতে মানব-হৃদয়ের সুকোমল ভক্তি-বৃত্তি অকুরিত ও প্রস্ফুটিত হয়, তাহা কি সেখানে প্রবাহিত?

প্রেমভক্তি মানবহৃদয়ের অতি সুকোমল বৃত্তি। এসকল বৃত্তিকে বাঁচাবার জন্ম যাদের মনে আগ্রহ থাকে, তারা বাহিরের জীবনেও কোমলতা ও স্নেহতার প্রতি দৃষ্টি রাখে। ইংরাজীতে আজকাল bonhomie ও camaraderie ব'লে দুটি কথা বড় প্রচলিত হ'য়ে প'ড়েছে। মানব-প্রকৃতিতে যে-সুলচর্চ্ছের ভাবটি বিদ্যমান থাকলে ভিড়ের মধ্যে থাকে খেয়ে খেয়ে ও থাকা দিয়ে দিয়ে মাহুস অমানবদনে অগ্রসর হয়, অথবা কমিটির তর্কবিতর্কের সময়ে খোঁচা দিয়েও পরে তার কিছু মনে থাকে না, খোঁচা খেয়েও পরে তার কিছু মনে থাকে না, সেই প্রকৃতির প্রশংসার জন্ম ঐ শব্দ দুটি ব্যবহৃত হ'য়ে থাকে। সাধারণ ব্রাহ্মসমাজে যেন আমরা ঐ প্রকৃতি অভ্যাস করছি ব'লে মনে হয়। ইহার মধ্যে প্রশংসার যোগ্য কিছু যে নাই, তা নয়। কিন্তু ভাব' দেখি, ভাই বোন, spirit of democracyর পক্ষে ঐ প্রকৃতি যথেষ্ট হ'লেও, প্রেমভক্তির সাধনের পক্ষে কি উহা যথেষ্ট? অথবা উহা কি তার অমূল্য প্রকৃতি? প্রেমভক্তির সাধনের পক্ষে পরিবারের মতন হাওয়া থাকা প্রয়োজন,—যেখানে সামান্য একটু স্নেহ চড়িয়ে কথা বলার দরুণই পরে মনে অসুখ হ'য়, যেখানে আমার দৃষ্টিটি একটু গরম হ'য়েছিল ব'লেই পরে কেঁদে মরি। আমরা যাতে সুলচর্চ্ছী আত্মা হ'য়ে, coarse-fibred souls হ'য়ে, না পড়ি, সেদিকে সর্বদা সতর্ক দৃষ্টি রাখা প্রয়োজন।

বাহিরে তো এইরূপ অপ্রতিকূল হাওয়ার প্রয়োজন। তৎপর একটু ভিতরে প্রবেশ করলেই দেখতে পাই, প্রেম-ভক্তির সাধনার জন্ম সাধককে একটি ঘনিষ্ঠ মণ্ডলীর মধ্যে থাকতে হয়। প্রেমভক্তির জীবনের অমূল্য আবেষ্টন (setting) হ'ল একটি মণ্ডলী; একাকিন্দে তাহার সাধন হয় না। একা একা ধ্যানধারণা সম্ভব, কিন্তু ভক্তিসাধন সম্ভব নয়। ভক্তির সাধকের প্রথম কথাই এই যে, আমি আত্মার সঙ্গীদের দ্বারা বেষ্টিত না হ'য়ে জীবন ধারণ করব না। তিনি দৃশ্য ও অদৃশ্য দ্বিবিধ মণ্ডলীতে বেষ্টিত হ'য়ে বাস করেন। ভক্তির সাধক কিসে ভরপুর হ'য়ে থাকেন? কিসে ভগ্নমগ্ন হ'য়ে থাকেন? তাঁর প্রেমময় দেবতা যে নিত্য তাঁর কাছে! এবং তাঁর প্রিয়জনেরা যে নিত্য তাঁর আত্মার কাছে কাছে! যে সাধু ভক্তেরা তাঁকে মাতিয়ে রাখেন, তাঁরা যে আত্মার গায়ে গায়ে লেগে রয়েছেন! এই আত্মিক সঙ্গের দ্বারা possessed না হ'লে, যেন কিয়ৎ পরিমাণে ভূতাবিষ্টবৎ অবস্থা না হ'লে, ভক্তির সাধন হ'তে পারে না। সাধনাত্মকের ভাই বোন, মনে রেখো, শুধু কীর্তনে ও খোল করতালের ধ্বনিতেই ভক্তির অমূল্য অবস্থা রচিত হয় না। তার অন্য চাই, ভক্তদের ও প্রিয় আত্মাদের আত্মিক সঙ্গ; তার অন্য চাই, রেশমের পোকা যেমন আপনাকে সোনালি সূতা-বিঁধা জড়াইয়া কেলে, তেমনি ক'রে প্রাণেশ্বরের ও প্রিয় আত্মাশ্বরের সঙ্গের দ্বারা নিজ আত্মাকে নিষত জড়াইয়া রাখা।

নর বহুর ভ্রমণাটি হ'তে কেবল ধর্মসমাজের বিষয়ে নয়, ধর্মসমাজের আত্মাত্মিক সেবকের বিষয়েও উপদেশ স্নাত করা যায়। যিনি ধর্মসমাজের আত্মিক সেবা করতে চান, প্রথমতঃ তিনি ধর্মপিপাসু মাহুসের সংসর্গ ছেদন করতে সক্ষম হবেন।

বই পড়া জ্ঞান যদি তাঁর না-ও থাকে, তবু নিজ অন্তর-আলোকে তিনি মানুষের সংশয় দূর করে দিবেন। দ্বিতীয়তঃ, তাঁর মধ্যে মানবজীবনের সুখ দুঃখের, সংগ্রাম ও আনন্দের, অভিজ্ঞতার এমন প্রাচুর্য্য থাকা প্রয়োজন, যার দ্বারা তিনি ধর্মরাজ্যের যাত্রীর কাছে সে রাজ্যের জীবনের ভাল সাক্ষীরূপে দণ্ডায়মান হ'তে পারেন। তৃতীয়তঃ, তিনি আত্মাধীনতার জীবনে, নিয়ত ঈশ্বর-ইচ্ছায় আত্মসমর্পণের জীবনে, সুপ্রতিষ্ঠিত হবেন। চতুর্থতঃ এবং সর্বোপরি, তিনি স্বয়ং ঈশ্বরের প্রেমানন্দে জীবিত থেকে, ভক্তির জীবনে প্রস্ফুটিত হ'য়ে, অপর মানুষকেও সেই প্রেম-প্রলোভনের দ্বারা আকর্ষণ করবেন, ভক্তির জীবনের দিকে অগ্রসর ক'রে দিবেন। হে ব্রাহ্মসমাজের সেবকগণ, হে সাধনাশ্রমের অঙ্গীভূত সেবকগণ, এই আদর্শকে যাতে আমরা অন্তরে ভাল করে ধারণ করতে পারি, তার জন্য ব্যাকুল হই।

প্রেমভক্তির সাধনা করা ও তাহার অমূল্য একটি স্থান রচনা করাতেই যে ব্রাহ্মসমাজের সার্থকতা, এই সংগঠিত একবার ভক্তি-ভাজন আচার্য্য শিবনাথ শাস্ত্রী মহাশয় একটি তুলনার সাহায্যে প্রকাশ ক'রেছিলেন। এই তুলনাটি তিনি আমাদের কাছে ১৯০৪ সালে ব'লেছিলেন; সে আজ ২৬ বৎসরের কথা। তিনি ব'লে-ছিলেন, মজিলপুর অঞ্চল থেকে অনেক লোক স্কন্দরবনে মধু আহরণ করতে যায়। মৌমাছির যখন চাকের দিকে ফিবুতে থাকে, তখন এক জন লোক একটি মৌমাছির দিকে দৃষ্টি নিবদ্ধ করে। সে মানুষটি ঘাড় উঁচু ক'রে সেই মৌমাছির দিকে তাকিয়ে থাকে, আর মৌমাছি যে দিকে যায় সেই দিকে অগ্রসর হ'তে থাকে। তার তো চোখ না মাঝার খো নাই, তাই পথে খানাখন্দ কাঁটা থাকলে সে তাহা এড়াতে পারে না। তার হাত ধরে আর এক জন বা দুই জন লোক যায়। তারা তার সঙ্গে সঙ্গেই দৌড়াই, এবং তাকে পথের বিপদ হ'তে রক্ষা করে। ধর্মসমাজের কাজও এইরূপ। ইহার প্রধান মানুষগুলির লক্ষ্য থাকবে প্রেম ভক্তির সাধনার দিকে; সমাজমধ্যে প্রেমামুগত স্বভাব, ভক্তির অমূল্য স্বভাব সঞ্চার ক'রবার দিকে। তাঁদের দৃষ্টি অগ্র কোন দিকে গেলে চলবে না। বর্তমান যুগের মানুষ ভক্তির আভিশয়া হ'তে উদ্ভূত অকল্যাণকে বড় ভয় করে। যদি সমাজমধ্যে সে ভয়ের কারণ দেখ, তবে না হয় ধর্ম-রাজ্যের খানা-খন্দ ও কাঁটা বন হ'তে রক্ষা পাবার জন্য প্রধান ব্যক্তিদের সঙ্গে সাবধান জ্ঞানী ও কর্মীদের সংযোগ ক'রে দিও; কিন্তু তথাপি প্রধান ব্যক্তিদের দৃষ্টিটা সেই প্রেম ভক্তির দিকেই রাখতে দিও। ব্রাহ্মসমাজে প্রেমভক্তির সাধনার অপিতচিত্ত একাগ্রমনা মানুষের বড় অভাব হয়েছে। কে ব্রাহ্মসমাজকে প্রেমভক্তির সেই মধুচক্রের দিকে নিয়ে যাবে? কার দৃষ্টি একেবারে সেই দিকে লেগে র'য়েছে? ঈশ্বর করুন, যেন ডরায় সেই অবস্থা ব্রাহ্মসমাজে আগমন করে।

২৬ বৎসর পূর্বে শাস্ত্রী মহাশয় যাহা ব'লেছিলেন, আজ তাহা আরও প্রবল ভাবে অমূল্য ক'রুচি। কিসে ব্রাহ্মসমাজ প্রেমভক্তিতে স্নিগ্ধ স্থান হয়, কিসে ইহা সংসারতাপে তপ্ত আত্মাদের জুড়াবার স্থান হয়, আমাদের সকলের চেয়ে বড় ভাবনার বিষয়

তো তাই। সমাজমধ্যে ঈশ্বরের প্রেম-প্রলোভন যদি প্রবল ভাবে বিদ্যমান থাকে, তবে সূত্র সাংসারিক প্রলোভন মানুষকে কেন টেনে নেবে? তাঁর প্রেমরাজ্যে কত অমূল্যময় স্বাদ! মানুষে-মানুষে, মানুষে-ঈশ্বরে, ঈশ্বরে-মানুষে,—তিনে মিলে তাঁর প্রেমরাজ্যে কি প্রেমগীতা, কি মধুময় নিত্য গীতা! কেন আমরা এ সকল হ'তে বঞ্চিত থাকব? সকলে মিলে কাতর হ'য়ে প্রার্থনা করি, ব্রাহ্মসমাজে আবার সুদিন আসুক, ব্রাহ্মসমাজ প্রেমভক্তির স্রোতে আবার দিল্ল হোক, সরস হোক।

অপরায় ২ ঘটিকায় প্রচার বিষয়ে আলোচনা। তাঁহাতে শ্রীযুক্ত হেমচন্দ্র সরকার সভাপতির কার্য্য করেন এবং শ্রীযুক্ত ক্রীতীন্দ্রনাথ ঠাকুর, শ্রীযুক্ত সশীশচন্দ্র চক্রবর্তী, শ্রীযুক্ত নীলমণি চক্রবর্তী, শ্রীযুক্ত কালীপ্রসন্ন বিশ্বাস (সদানন্দ), শ্রীযুক্ত অধিনাশ চন্দ্র গাতিড়ী, শ্রীযুক্ত কৃষ্ণকুমার মিত্র, শ্রীযুক্ত আশাকুমার বন্দ্যোপাধ্যায়, শ্রীযুক্ত বসন্তকুমার চৌধুরী, শ্রীযুক্ত দেবেন্দ্রনাথ ভট্টাচার্য্য, রায় সাহেব শরৎচন্দ্র দাস, প্রভৃতি নিজ নিজ বক্তব্য প্রকাশ করেন। দল করিয়া প্রচারযাত্রা করিবার ব্যয় নির্বাহার্থে শরৎ বাবু ৫০০ টাকা ও কৃষ্ণকুমার বাবু ১০০ টাকা প্রদান করিতে প্রতিশ্রুত হন।

সাধুকালে কীর্তন ও উপাসনা। শ্রীযুক্ত হেরম্বচন্দ্র মৈত্রের আচার্য্যের কার্য্য করেন। তিনি নিম্নলিখিত মধ্যে উদ্বোধন করেন :—

আপনাদের সকলের আশীর্বাদ ভিক্ষা করি। দুর্বল দৃষ্টি হৃদয় লইয়া কি রূপে অনন্তস্বরূপের মহিমার কথা বলিব? তবে যিনি দুর্বলের বল, ঈহার কৃপাতে অনেক বার অতি গুরুতর কার্য্যভার গ্রহণ করিয়া আপনাদের আদেশ পালন করিতে— বিশেষতঃ বিদেশে, যেখানে অপর কেহ সঙ্গে ছিল না—সমর্থ হইয়াছি, তাঁহার কৃপা ভিক্ষা করি, তিনি বল দিউন। তাঁহার নিকট অন্তর-প্রেরণা লইয়া সরল ভাবে প্রার্থনার কথা নিবেদন করি। বিশ্বাস করি, সরল প্রার্থনে তাঁহার নাম করিলে কখনও তাহা বৃথা যায় না—ভাব ভক্তি অন্তরে থাকুক আর না থাকুক। সরল প্রার্থনে যদি তাঁহার কথা বলা যায়, তবে তাহাতে সফল হইবেই হইবে।

ব্রাহ্মসমাজের একটি বিশেষ ঘটনা আদি ব্রাহ্মসমাজের মন্দির-প্রতিষ্ঠা। তাহার শতবর্ষ পূর্ণ হইল। যদিও ব্রাহ্মসমাজ তাহার দেড় বৎসর পূর্বে স্থাপিত হইয়াছিল, তথাপি মন্দির-প্রতিষ্ঠা একটা বিশেষ ঘটনা। এই শতবর্ষের ইতিহাসে দেখা যায়, ব্রাহ্মধর্মের ইতিহাসের ঘটনার সঙ্গে ইয়ুরোপ ও আমেরিকার বর্তমান যুগের একেশ্বরবাদের ইতিহাসের কয়েকটা ঘটনার একটা সমসাময়িকতা আছে। যে বৎসর মন্দিরপ্রতিষ্ঠা হয় সেই বৎসরই লিখিত হইল, "ব্রহ্মাণ্ডপতি প্রকাশ"—The Everlasting Yea (চিরন্তন "আমি আছি")। ইহা এতদ্বারা পরে প্রকাশিত হইয়াছিল, কিন্তু এই বৎসরই লিখিত হইয়াছিল। মানব-প্রার্থনার এই প্রস্ন কেহ কোন কালে রোধ করিতে পারে নাই। ব্যাকুল অহুসহানের পর, অসহনীয় বেদনা ও যাতনার পর, উত্তর আসিল। লেখক বলিতেছেন, "একদিন ব্রাহ্ম

ক্লান্ত মনে নিস্ত্রিত হইয়া পড়িয়াছি, জাগিয়া দেখি কে যেন অস্তরে প্রকাশিত হইয়াছেন, সকল দুঃখ বেদনা দূর হইয়া গিয়াছে।”

আর এটি ঘটনা, যে বৎসর মহাসমারোহের সঙ্গে মাঘোৎসব সম্পন্ন হইল, তাহারই কাছাকাছি এই সভা প্রচারিত হইল,— “God, not spake, but speaketh”—ঈশ্বর পুরাকালে কথা বলিয়াছিলেন একরূপ নহে, (এখনও) কথা বলেন। এই কথা যিনি বলিয়াছেন তিনি জীবনের দ্বারা ইহার সাক্ষ্য দিয়াছেন খিওডার পার্কের বলিলেন, “একরূপ stirring oration (প্রাণ-স্পর্শী বক্তৃতা) শুনি নাই”। তিনি আচার্যদের সম্বন্ধে বলিয়াছেন, “তোমরা যদি ভগবানের বাণী না শুনিয়া থাক, তবে তোমাদের বেদীতে বসিবার কি অধিকার আছে?” এই সভা কথা বলিবার পুরস্কার হইল এই যে, তাঁহাকে সকলে তীব্রভাবে আক্রমণ করিলেন। এই হার্ডার্ভের বক্তৃতা সম্বন্ধে বলা হইল “Whatever in it is not pernicious is meaningless—ইহার মধ্যে যাহা নিতান্ত অনিষ্টকর নয় তাহা অর্থশূন্য”।

তৃতীয় ঘটনা, আমাদের Centenary Celebrations (শতবার্ষিক উৎসব) আর ডাক্তার এটেলীন কার্পেন্টার ও ডাক্তার সাগুরল্যাণ্ডের ব্রাহ্মধর্মের সরল ব্যাখ্যা, একই সময়ে প্রকাশিত হইল। এই তিনটি ঘটনা স্মরণ করিয়া অল্প দেশের সহিত আমাদের একেশ্বরবাদের আধ্যাত্মিক যোগ অল্পভব করিতে পারি।

ডাক্তার কার্পেন্টার বলিলেন, “I had not sought God, but he sought me—আমি ব্রহ্মকে খুঁজি নাই, তিনিই আমাকে খুঁজিয়াছেন”। ইহাতে দূরদেশে যাহারা ব্রহ্মবিশ্বাসী তাঁহাদের নিকট আমরা কত সাহা পাই! এই সমসাময়িকতা চিন্তার ও আনন্দের বিষয়। তিনি স্বপ্রকাশ, তাঁহার বাণী শুনিতে পাওয়া যায়। ইহা চিন্তার বিষয়, প্রার্থনার বিষয়, নিবেদন করিবার বিষয়। পথহারা মানবের অস্তরে বাণীরূপে প্রকাশিত হইয়া তিনি পথ বলিয়া দিতেছেন। তাই আশা করিয়া আমরা আসিয়াছি এবং তাঁহার কৃপায় নির্ভর করিয়া উৎসবে প্রবৃত্ত হইতেছি।

তুমি জানাইতেছ, তোমার দর্শন ব্যতীত, স্পর্শ ব্যতীত বাঁচিবার আর অল্প উপায় নাই, অল্প গতি নাই। আনন্দধারা বহিতেছে, উৎসবে তুমি ডাকিয়া আনিয়াছ। তুমি তোমার পূজার পুরোহিত, তুমি তোমার পূজা করাইয়া লও। ইহাতেই পরিজ্ঞান। “তোমার মহিমা মহাপাপীর পরিজ্ঞানে কিছু যায় জানা।” আমাদের পরিজ্ঞান করিমা সে মহিমার পরিচয় দেও।

“ও অকূলের কুল, অগতির গাঁত, অনাথের নাথ” ইত্যাদি দ্বিতীয় সঙ্গীত হইলে পর আরাধনা, ধ্যান ও মিলিত প্রার্থনা। অনন্তর “তুমি হে ভরসা মম অকূল পাথারে, আর কেহ নাহি যে বিপদ ভয় বারে” ইত্যাদি তৃতীয় সঙ্গীতান্তে তিনি নিম্নলিখিত মর্মে উপদেশ প্রদান করেন :—

As many as are led by the spirit of God they

are the sons of God. For ye have not received the spirit of bondage again to fear; but ye have received the spirit of adoption, whereby we cry “Abba, Father”. The spirit itself beareth witness, that we are the children of God. And if children, then heirs of God and joint-heirs with Christ.

যাহারা পরমাত্মার দ্বারা চালিত তাহার ঈশ্বরের সন্তান। তোমরা পুনরায় দাসত্বের ভাব প্রাপ্ত হও নাই যে ভয় পাইবে; কিন্তু তোমরা পুত্ররূপে গৃহীত হইবার ভাব প্রাপ্ত হইয়াছ, যাহাতে আমরা “বাবা”, বলিয়া ডাকি। আমরা যে ঈশ্বরের সন্তান, পরমাত্মাই তাহার সাক্ষী; যদি সন্তান, তবে উত্তরাধিকারীও—ঈশ্বরের উত্তরাধিকারী এবং ঈশ্বরের সহিত তুল্যাকারী।

সেন্ট পলের এই কয়েকটি কথা ছাত্রদের নিকট ব্যাখ্যা করিতে করিতে প্রাণে যে কি আনন্দ হইল তাহা কি করিয়া বলিব? যাহারা পরমাত্মার কথা শুনিয়া চলেন কেবল তাঁহারা ই সন্তান, এ কথা মানি না। যাহারা তাহা করে না, তাহারাও তাঁহার সন্তান। সকলেই তাঁহার সন্তান।

Ye have not received the spirit of bondage to fear—ইহুদিদিগকে বলা হইয়াছে, “তোমরা এই সকল আদেশ বা বিধি পালন করিবে, নতুবা তোমাদের দণ্ড হইবে,” সেই দিন চলিয়া গিয়াছে। এখন আর তোমরা দাসরূপে ভয়ে তাঁহার পূজা করিবে না। Ye have received the spirit of adoption তোমরা পুত্ররূপে গৃহীত হইয়াছ, জানিয়াছ তিনি পিতা, তাই ভগবানকে Abba, Father (পিতা) বলিয়া ডাক।

আমার এক ভক্তভাজন বন্ধু বলিলেন, “একদিন উপাসনার সময় দেখি, যতই আমি ‘বাবা’ বলিয়া ডাকি, ততই আরও ডাকিতে ইচ্ছা হয়, ডাকা আর শেষ হয় না।” এইরূপে ডাকিয়াই ঘোর দুঃখের মধ্যে তিনি শান্তি পান।

The spirit itself beareth witness that we are the children of God. The Holy Spirit—the Oversoul—পরমাত্মাই সাক্ষ্য দেন আমরা তাঁহার সন্তান। তিনিই প্রাণে থাকিয়া বসিতেছেন, তিনি আমাদের পিতা, নতুবা সাহস করিয়া পিতা বলিতে পারি না। অনেক সময় তাঁহার রূপ দেখি, তাহাতে ভয়ে পিতা বলিয়া ডাকিতে পারি না। তিনি পরিচয় দেন বলিয়াই পারি।

If children then heirs—পিতা যদি সন্তানকে তাঁহার ধনস্বত্ব না দেন তবে কি উত্তরাধিকারী হওয়া যায়? তবে কি পিতার উপযুক্ত কার্য হয়? তিনি তাঁহার ধন আমাদের দিবেন। আমি মলিন, অযোগ্য, তবু তাঁহার পুণ্য দিতেছেন, আরও দিবেন। আমি অশ্রেয়িক, তিনি প্রেম দিবেন, চিরদিন অশ্রেয়িক থাকিব না। আমি দুঃখ তাপে দগ্ধ, তিনি শান্তি দিবেন। আত্মাতে উত্তরাধিকার বিরূপ? পৃথিবীর জায় পিতার স্বত্বের পর তাঁহার ধন সম্পত্তি পাইব তাহা নয়, এখনই তাহা পাইব। পরম পিতার ভাণ্ডার অনন্ত, যত দেন, ততই থাকে, কিছুতেই ফুরাইবে না।

আমাদের গ্রাম নানাপ্রকার পাপ তাপের স্থান। সকলের

ক্লেশ স্মরণ করিয়া প্রার্থনা করি। এক অতি দরিদ্র ব্যক্তি তাঁহার কন্ডার কষ্টের কথা শুনিয়া বলিলেন, “সে মনে করুক আমি মরিয়া গিয়াছি, এক মুষ্টি অন্নও আমি তাঁহাকে দিতে পারি না।” পরম পিতা আমাদের সেরূপ পিতা নহেন। তাঁহার অক্ষয় ভাণ্ডার কিছুতেই ফুরায় না। আমরা সাক্ষ্য দিতে পারি। সাধু জনেরা কি আনন্দে ক্রেশ যাতনা বহন করিয়াছেন, পরম পিতা প্রেমের সাক্ষ্য দিয়া জীবন বিসর্জন করিয়াছেন! আমি অধম জনও সাক্ষ্য দিতে পারি। পাপ সন্তাপের তুল্য কোনও সন্তাপ নাই। আশা পাইতেছি, তিনি বলিতেছেন “পাপ থাকিবে না, আমি আছি, আমি তোমার প্রাণের প্রাণ, এই সত্য উপলব্ধি কর, তোমার পাপ সন্তাপ থাকিবে না।” এষ্ট টুকু পর্য্যন্ত পাইয়াছি। তাঁহাকে এখনও সেরূপ ভাবে পাই নাই যাহাতে ইহা অপেক্ষা অধিক বলিতে পারি। এমার্সন বিনয় পরিত্যাগ করিয়া বলিলেন, We are all great, all rich in God—আমরা সকলেই ব্রহ্মকে পাইয়া ধনী। অহুতাপের অবকাশ নাই, বিনয়ের অবকাশ নাই, তাঁহার প্রকাশের আনন্দেই পূর্ণ তৃপ্তিবোধ, গৌরবাহুভব। পাপ সম্বন্ধে আইজ্যাকার উক্তি—“Though thy sins be red as blood yet they shall be white as snow—তোমার পাপ যদি রক্তের স্তায় লালও হয় তথাপি তাহা বরফের স্তায় সাদা হইয়া যাইবে,” স্মরণ করিয়া আগে ভাবিতাম, ইহা কেমন করিয়া হইতে পারে? বানিয়ান বলিয়াছেন, “তুই ভাবিস্ না, তোর পাপের বোঝা পড়িয়া যাইবে।” এখন বুঝিতে পারিতেছি, তাঁহার পুণ্য তিনি দান করিতেছেন, আরও দিবেন। এই বেদী হইতে আমাদের আচার্য্যগণ অতি অমূল্য কথা বলিয়াছেন। এক বন্ধু আরাধনার মধ্যে বলিলেন “তোমার প্রকাশে অগৎ এক প্রকাণ্ড তীর্থ হইয়া রহিয়াছে।” এরূপ আরও কত সাক্ষ্য পাওয়া গিয়াছে!

ধোরো বলিয়াছিলেন, ওয়াল্ডেন হ্রদের তীরস্থিত ক্ষুদ্র ক্ষেত্রে আমি দেখাইব যে ছয় সপ্তাহের পরিষ্কমে বৎসরের খরচ চলিয়া যায়। হৃদয়-ক্ষেত্রে বিশ্বাস ও প্রেমের বীজ রোপণ করিয়াছি, তাহাও হৃদয়র কসল উৎপন্ন করিবে। সকল অতাব দূর করিয়া দিবে।

ভগবান দিতেছেন সন্দেহ নাই; কিন্তু সাধন বলিয়া একটা জিনিষ আছে। পিতার ধন যে পাইব তাহার অল্প চেষ্টা করা চাই। প্রধান সাধন, পাপসংগে, অহুতাপ—অপরাধ স্বীকার করিয়া ঘরে বসিতে হইবে, তাহা না হইলে কৃপা কেমন করিয়া পাইব? তোমার না হইলে দিন চলে না, এইভাবে পড়িয়া থাকা চাই। প্রেম নাই, আমি অপ্রেমিক, এইজন্য লজ্জা ও বেদনা থাকা চাই। একজন আরম্যান সন্ন্যাসীকে একব্যক্তি জিজ্ঞাসা করিলেন, এক কথার খৃষ্টধর্মের মর্ম কি করিয়া বলিয়া দেওয়া যায়? উত্তর—Love thy neighbour as thyself, তোমার প্রতিবেশীকে আপনার স্তায় ভালবাস। প্রেমই সকল ধর্মের সার। আমাদের সেই প্রেমের বড়ই অভাব। কোথায় সেট কাণিস, কোথায় চৈতন্য, আর কোথায় আমরা পড়িয়া আছি।

শাস্ত্রী মহাশয় এই বেদী হইতে বলিয়াছেন, স্মরণকে সকলেই ভালবাসে, কুৎসিক্ত ভালবাসিতে পারিলেই প্রকৃত ভালবাসার পরিচয় পাওয়া যায়। প্রফেসর কেনি বলিয়াছেন, আমার পিতা লণ্ডনের অতি কুৎসিক্ত পল্লীতে ছুগাচার লোকদের মধ্যে ধর্ম-যাজকের কার্য্য করিতেন। উহাদিগকে তিনি ভালবাসিতেন। উহারও ভগবানের রূপায় পবিত্র ও স্মরণ হইবে, ইহা ভাবিয়া ভালবাসিতে হইবে। তখনক খৃষ্টীয় ধর্মযাজক প্রাণদণ্ডের আদেশ-প্রাপ্ত অপরাধীর কাছে যাইয়া প্রার্থনা করিলেন, বলিলেন, ঈশ্বরের নিকট ক্ষমা ভিক্ষা কর। শাস্ত্রী মহাশয়ও আমাদের একটি যুবকের নিকট জেলে যাইয়া প্রার্থনা করিয়াছিলেন। অপরাধীর প্রতি স্নেহশীল হইতে হইবে। কার্লাইল তাঁহার Past and Present নামক গ্রন্থে একটি স্মরণ কথা বলিয়াছেন—His misconduct, that also is his misfortune,—তাঁহার দৃষ্টিভ্রমতাও তাঁহার একটা দুর্ভাগ্য। এই আদর্শ সম্মুখে রাখিধা, আমাদের দীনতা হীনতা অহুভব করিয়া, যদি প্রতিদিন তাঁহার কৃপা ভিক্ষা না করি, তবে কিরূপে তাঁহাকে পাইব?

প্রেমপরিবার কি স্মরণের বস্তু, কি স্বর্গীয় বস্তু! The kindred points of Heaven and home—গৃহপরিবার ও স্বর্গ দুই একই সূত্রে গ্রথিত, পরস্পর সম্বন্ধ। আমি স্নেহশীল হইতে চেষ্টা করিতেছি কি না, ইহা নিয়ত প্রার্থনার বিষয়, সাধনের বিষয়। তিনি কি স্নেহের বীজ অস্তরে রোপণ করেন নাই? সন্তানকে যেরূপ স্নেহ করি সেরূপ স্নেহ কি সকলকে দিতে পারি না? সাধনের দ্বারা পিতার ধন লাভ করিতে চেষ্টা করিতে হইবে। আমি যদি ব্যাকুল হইয়া সাধন না করি, তবে সে ধন কি করিয়া লাভ করিব? ব্যাকুল অস্তরে সে প্রেম প্রার্থনা করিতে হইবে, যাহা hopeth all things, endureth all things (সবই আশা করে, সবই সহ্য করে)। আশা ছাড়িয়া দিলে ব্রাহ্মধর্ম পালন করা হইবে না। মনিকা বিপথগামী সন্তানের জন্ম ৪০ বৎসর প্রার্থনা করিয়াছিলেন। জর্জ মুলার কোনও বন্ধু জন্ম ৬০ বৎসর প্রার্থনা করিয়াছিলেন। মুলারের মৃত্যুর পর একজন তাঁহার জীবনীলেখককে জানাইলেন যে অবশেষে সেই লোকের জীবন পরিবর্তিত হইয়াছিল। একমাত্র উপায় প্রগাঢ় প্রেম।

স্বামীর স্বভাবের পরিবর্তনের কথা সে দিন আচার্য্যমুখে শুনিয়াছি। পোকেস অপেক্ষাও ক্লেশ আছে। আমেরিকার একখানা কাগজে How to meet desperate situations (মহাশঙ্কটে কি উপায় অবলম্বন করা যায়) নামক একটি প্রবন্ধ পাঠ করিলাম। কত প্রকার মহাশঙ্কট উপস্থিত হয় লেখক তাহার কথা আলোচনা করিয়াছেন, কিন্তু কিছু মীমাংসা করিতে পারেন নাই, প্রকৃত উপায় নির্দেশ করিতে পারেন নাই।

We laugh and grin and chuckle at a brother's shame, However we may brave it out, we are a little breed—আমরা ভাইয়ের অধঃপতনে হাসি তামাসা করি। আমরা যতই বড়াই করি না কেন, আমরা ছোট লোক।

সকলের দুঃখে দুঃখ অল্পভব করিলে জগৎ মহৎ হয়। চিরদিন দুঃখ থাকিবে না। “শাস্ত্র অষ্টমীয় চরণে” বিকাইলে কোনও দুঃখ তাপ থাকিবে না। “বঞ্চিত হওরে কেন লভিতে পরম দন?” অবর্ণনীয় রূপের পরিচয় পাইলাম। সে রূপে মুগ্ধ হইলে কিছুতেই শাস্তি হরণ করিতে পারে না।

নিয়ত সন্ধান করিতে হইবে। ঠহা মনে রাখিতে হইবে, Knock and it shall be opened unto you—দ্বারে আঘাত কর, নিশ্চয়ই দ্বার খোলা হইবে। নিয়ত প্রার্থনা করিতে হইবে। “পিতা, খোল দ্বার”, অনেক সময়ই এই প্রার্থনা করি। দেবেন্দ্রনাথ বলিয়াছেন “অনেক সন্ধান পাইয়াছি।” শাস্ত্রী মগশয় এই বেদীতে বসিয়া ক্রন্দন করিয়াছেন। “সংশয় তিমির মাকে” একটি পা রাখিবার স্থান প্রার্থনা করিয়াছেন। শেষে দার্জিলিংএর একটি উপদেশে কি শাস্তির সাক্ষ্য দিলেন! আগে ব্যাকুল ক্রন্দন, তার পর শাস্তি।

এমন লোক চাই ঠাহরা আরামের, শাস্তির সাক্ষ্য দিতে পারেন। আমাদের মধ্যে এরূপ লোকের বড়ই প্রয়োজন হইয়াছে।

তিনি যখন ঠাহর পরিচয় কিছু দিয়াছেন, তখন দ্বার ছাড়িয়া যাইব না। ঠাহর দ্বারেই পড়িয়া থাকিব।

আমার সন্ধান, আমার ভাই ভগিনী যেরূপ আমার প্রিয়, সকল পরিবারের সকল সন্ধান, সকল ভাই ভগিনী সেরূপ প্রিয় হইতে পারে। তিনি প্রেমের ভাণ্ডার, আমরা প্রেম পাইব না, এমন হইতে পারে না।

প্রেমের তুল্য মিষ্ট বস্তু আর কিছু নাই। এই প্রেম আমরা পাইব। ঠাহর চরণে অভাব নাই। নিয়ত যেন প্রার্থনা করিতে পারি। সাধন করিতে হইবে, ব্যাকুল প্রার্থনার দ্বারা সাধন করিতে হইবে। আমরা উৎসবের সময় ব্রাহ্মসমাজের কল্যাণের জন্য প্রার্থনা করি। একদিন কল্যাণ প্রার্থনা করিলে আর হইল কি? নিয়ত সকলের জন্য প্রার্থনা করিতে হইবে।

আমরা! যেন এক পরিবার হই। সে স্থখের আভাস তিনি দিয়াছেন। তাহার আশ্বাস অনেক সময় পাইয়াছি। তাহার জগৎ আমাদের সাধন করিতে হইবে। ধন পাইয়াও অনেকে অনেক সময় অবহেলায় ও অপরাধে উহা হারায়। বিষয়বাসনার বশে স্থখের আশায় অপবিত্রতার মধ্যে যদি গেলাম, তবে কেমন করিয়া ঠাহাকে পাইব? কামনাহরণ তিনি, ঠাহাকে পাইতে হইলে অপর সকল কামনা বর্জন করিতে হইবে। আর, কেশকর সাধন লইতে হইবে। অপরের বেদনাকে আপনার করিয়া লইতে হইবে।

ব্রহ্মরূপের প্রকাশে যে অসীম স্থখ তাহা স্বরণ করিয়া প্রার্থনা করিতে হইবে—তোমার পূজার ভূমি পুরোহিত, একটু স্থান নাও যেখানে বসিয়া তোমার পূজা করিতে পারি।

হে জগৎকারণ, ভূমি আমাদের সকলের প্রাণের প্রাণ হইয়া হৃদয় অধিকার করিয়া বস। কেবল তোমাকে লাভ করাই আমাদের এক মাত্র লক্ষ্য হউক। সকলের ভার ভূমি লও;

সকলের পণামর্শনাত্ম হও, সর্বত্র তোমার রাজ্য প্রতিষ্ঠিত কর। সংঘনে নিষ্ঠা দেও, সকলকে তোমার করিয়ালও।

১৩ই মাস (২৭শে জ্যৈষ্ঠ) শোভাসভা—প্রাতে সংকীর্তন ও উপাসনা। শ্রীযুক্ত নীলমণি চক্রবর্তী আচার্যের কার্য করেন। ঠাহর প্রদত্ত উপদেশের মর্ম হৃৎগত হইলে পরে প্রকাশিত হইবে।

অপরাহ্নে মেরী কার্পেটার হলে রবিবাসরীয় নীতি বিদ্যালয়ের পুস্তক বিতরণ। মিসেস ব্রাউন সভানেত্রীর কার্য করেন। প্রার্থনাস্ত্রে বার্ষিক কার্য বিবরণ পঠিত হয় ও বালক বালিকাগণ আবৃত্তি করেন।

সায়ংকালে মন্দিরে সাধারণ ব্রাহ্মসমাজের বার্ষিক সভার অধিবেশন। শ্রীযুক্ত হেমচন্দ্র সরকার সভাপতির কার্য করেন এবং ঠাহর নির্দেশ অনুসারে কুমারী শকুন্তলা রাও ঠাহর অভিভাষণ পাঠ করেন। সমস্ত কার্য সম্পন্ন না হওয়াতে ৮ই ফেব্রুয়ারী পর্যন্ত অধিবেশন স্থগিত করা হয়।

১৪ই মাস (২৮শে জ্যৈষ্ঠ) অক্ষয়বাস—প্রাতে সংকীর্তন ও উপাসনা। শ্রীযুক্ত অমৃতলাল গুপ্ত আচার্যের কার্য করেন। ঠাহর প্রদত্ত উপদেশের মর্ম হৃৎগত হইলে পরে প্রকাশিত হইবে।

অপরাহ্নে বালকবালিকাসম্মিলন। তাহাতে শ্রীযুক্ত কৃষ্ণকুমার মিত্র প্রার্থনা করেন এবং শ্রীমতী কুমুদিনী বসু ও শ্রীমতী নীরপ্রভা চক্রবর্তী তাহাদিগকে কিছু উপদেশ দেন। বাল্যদান ভাণ্ডারে তাহাদের দান সংগৃহীত হয়। অনন্তর অগ্রাহ্য বৎসরের শ্রায় স্যার নীলরতন সরকারের ব্যয়ে তাহাদিগকে আহ্বার করান হয়।

সায়ংকালে শ্রীযুক্ত রজনীকান্ত গুহ “সমাজ-সংস্কার” বিষয়ে একটি বক্তৃতা প্রদান করেন।

১৫ই মাস (২৯শে জ্যৈষ্ঠ) বুদ্ধবাস—সায়ংকালে সঙ্গত সভার উৎসব উপলক্ষে শ্রীযুক্ত ধীরেন্দ্রনাথ চৌধুরী “নিগূঢ় ধর্ম—প্রাচ্য ও পরাচ্য” বিষয়ে একটি বক্তৃতা প্রদান করেন।

১৬ই মাস (৩০শে জ্যৈষ্ঠ) স্বহৃৎপতি-বাস—প্রাতে কাদালী-বিদায়। সায়ংকালে সংকীর্তনে উপাসনা। শ্রীযুক্ত মণিকলাল দে তাহা পরিচালন করেন।

১৭ই মাস (৩১শে জ্যৈষ্ঠ) শুক্রবাস—সায়ংকালে শ্রীযুক্ত কৃষ্ণকুমার মিত্র “জাতীয় সম্মান” বিষয়ে একটি বক্তৃতা প্রদান করেন।

১৮ই মাস (১লা ফেব্রুয়ারী) শনিবাস—সায়ংকালে ইংরাজীতে উপাসনা। শ্রীযুক্ত হেরমচন্দ্র মৈত্রের আচার্যের কার্য করেন।

১৯শে মাস (২রা ফেব্রুয়ারী) রবিবাস—প্রাতে উপাসনা। তাহাতে শ্রীযুক্ত নীলমণি চক্রবর্তী আচার্যের কার্য করেন। মধ্যাহ্নে তিন সমাজের সম্মিলিত

উদ্ভাসন-সম্মিলন। তাহাতে মহারাণী সূচাক্ষেপী উপাসনা করেন। এবং শ্রীযুক্ত প্রিয়নাথ মল্লিক ও শ্রীযুক্ত নির্মলচন্দ্র সেন কিছু পাঠ করেন ও প্রসঙ্গাদি হয়; অনন্তর শ্রীতিভোজন। সায়ংকালে মন্দিরে উপাসনা। তাহাতে পণ্ডিত সীতানাথ তত্ত্বভূষণ আচার্য্যে কাষ্য করেন। তাঁহার প্রদত্ত উপদেশ নিয়ে প্রকাশিত হইল :—

মাঘোৎসবের এই শেষ উপাসনার ভার ষাঁর উপর থাকে তাঁর কাছ থেকে আশা করা হয় যে, তিনি তাঁর উপদেশে সমগ্র উৎসবের ভাব, অন্ততঃ তার ক্বিকিংশ উপাসকমণ্ডলীকে দিবেন। এই কাজটা বড় কঠিন, কিন্তু কঠিন হোলেও আমি তা সাধ্যানুসারে কস্তে চেষ্টা করবো। কাজটির বিশেষতঃ এই জায়গায় যে একই উপদেশ বা বক্তৃতার সারভাগটুকু, এ সম্বন্ধে ভিন্ন ভিন্ন লোকের মনে ভিন্ন ভিন্ন ধারণা হয়, আর বিবরণ দিতে গিয়ে কতটুকু বলা উচিত কত টুকু অমুক্ত থাকা উচিত সে সম্বন্ধেও ভিন্ন ভিন্ন মত হয়। মোট কথা—বিবরণটা ব্যক্তিগত রুচি ও ভাবের দ্বারা রঞ্জিত না হ'য়েই যায় না। সুতরাং আমি উৎসব সম্বন্ধে যা বলতে যাচ্ছি তা আপনারা আমার ব্যক্তিগত ধারণা ও মন্তব্য ব'লেই গ্রহণ করবেন।

১লা জানুয়ারি থেকে মন্দিরের প্রাত্যহিক উপাসকমণ্ডলীর সংক্রমে মাঘোৎসবের প্রস্তুতি কল্পে দিন কয়েক আলোচনা হয়। পূর্ক পূর্ক বারে এই চেষ্টা তেমন ফলবতী হয়নি, কিন্তু এবারে ঈশ্বরকৃপায় কিছু ফল পাওয়া গিয়েছে। আলোচনায় মণ্ডলীর নিয়মিত সভা ছাড়া আরো কয়েকজন আগ্রহবান ব্যক্তি উপস্থিত হোতেন। আলোচনা খুব হৃদয়গ্রাহী হ'তো। উৎসবে ব্রহ্মকৃপ বিশেষ ভাবে বর্ষিত হ'য়ে আমাদেরকে ত্রিকাস্তিক ভক্তিসাধনে প্রবৃত্ত করুক, এই আকাঙ্ক্ষাই মণ্ডলীর মধ্যে প্রবল দেখা যেতো। আমি এই আকাঙ্ক্ষা নিয়েই উৎসবে প্রবেশ ক'রেছিলাম আর উৎসবের প্রত্যেক অহুষ্ঠানে এই আকাঙ্ক্ষারই ইচ্ছন অব্বেষণ করেছি।

৪ঠা মাঘ শ্রদ্ধাম্পদ কৃষ্ণকুমার মিত্র মহাশয় উৎসবের উদ্বোধন উপলক্ষে যে উপদেশ দেন তাতে ব্রাহ্মসমাজের উপাসনার আদর্শ ও প্রণালীর মাহাত্ম্য কীর্তন করেন। অনেক ব্রাহ্মের জীবন এই উপাসনাসাধনে বিশেষভাবে প্রভাবিত ও উন্নীত হয়েছে। স্বর্গীয় মহাত্মা রামকৃষ্ণ পরমহংস এবং স্বামী বিবেকানন্দও এই উপাসনায় আকৃষ্ট হ'য়ে সমাজের সহিত শ্রদ্ধাধোগে যুক্ত হ'য়েছিলেন।

৫ই মাঘ প্রাতে ব্রাহ্মযুবক সমিতির উৎসব উপলক্ষে শ্রদ্ধাম্পদ রামানন্দ চট্টোপাধ্যায় মহাশয় একটি অতি উপাদেয় ও সময়োচিত উপদেশ দেন। তরুণ বয়সেই ধর্মসাধন আরম্ভ করবার আবশ্যিকতা, ব্রাহ্মসমাজের প্রধান প্রধান নেতৃগণ, অত্র ধর্মের প্রবর্তকগণ, এবং আরো অনেক সমাজনেতা যে যৌবন বয়সেই ধর্মাহ্বরক্ত ছিলেন, সর্ককল্যাণকর কার্যের সহায় মঙ্গলময় ঈশ্বরের অস্তিত্বে বিশ্বাস না থাকলে যে সামাজিক ও রাজনৈতিক সংস্কারচেষ্টা ভিত্তিহীন ও পরিণামে নিফল হয়, এ সকল কথা উপদেষ্টা অতি পরিষ্কাররূপে বুঝিয়ে দেন।

মাধ্যাহ্নিক আলোচনার সভাপতি তাঁর শেষ বক্তৃতায় দেখাতে চেষ্টা করেন যে স্বাধীনতা ও স্বরাজচেষ্টার মূলে শ্রদ্ধা ও বিবেকা-হুসারিতা না থাকলে সেই চেষ্টা স্বার্থপরতা ও উচ্ছৃঙ্খলতায় পর্যাবসিত হয়। সায়ংকালে শ্রমজীবীদিগের উৎসব উপলক্ষে শ্রদ্ধেয় প্রচারক অবিনাশচন্দ্র লাহিড়ী মহাশয় উপাসনাস্ত্রে ঈশ্বরে ত্রিকাস্তিক আত্মসমর্পণ বিষয়ে উপদেশ দেন।

৬ই মাঘ প্রাতে মহর্ষি দেবেন্দ্রনাথ ঠাকুর মহাশয়ের স্বর্গী-রোহণ উপলক্ষে অধ্যাপক ধীরেন্দ্রনাথ বেদান্তবাগীশ উপাসনা করেন এবং উপদেশে বৌদ্ধ ও শাক্তর বৈরাগ্যের সহিত মহর্ষি-দেবের বৈরাগ্যের তুলনা ক'রে দেখান যে এই শেযোক্ত বৈরাগ্য ঈশ্বর-শ্রীতি-সম্মত। ইহার ফলে মহর্ষি ঈশ্বরকে লাভ করে-ছিলেন এবং তৎসঙ্গে পূর্কপরিত্যক্ত বৈভবও পুনঃপ্রাপ্ত হ'য়ে-ছিলেন। সায়ংকালে তিন সমাজের মিলিত মহর্ষিতর্পণে সমাজ-ত্রয়ের মৌলিক একত্ব দৃঢ়ীকৃত হয়।

৭ই মাঘ প্রাতে শ্রদ্ধেয় মথুরানাথ নন্দী মহাশয় উপাসনাস্ত্রে সাধু পল ও সাধু স্মরসিংহের উৎসাহময়ী জীবনী বিবৃত ক'রে ব্যাকুলতা ও ঈশ্বরে আত্মসমর্পণ সম্বন্ধে উপদেশ দেন। সায়ংকালে ছাত্রসমাজের উৎসব উপলক্ষে নির্ধাচিত বক্তা মেয়র মেসনের অহুপস্থিতিতে অধ্যক্ষ হেরশচন্দ্র মৈত্রের মহাশয় বহুল আখ্যানিকায়োগে জ্ঞান ও ধর্মের সামঞ্জস্য বিষয়ে বক্তৃতা করেন।

৮ই মাঘ প্রাতে শ্রদ্ধেয় ললিতমোহন দাস মহাশয় উপাসনাস্ত্রে কতিপয় মূল্যবান আধ্যাত্মিক অভিজ্ঞতা বিবৃত ক'রে উপদেশ দেন। সায়ংকালে "ভক্তিমর্মের প্রতিষ্ঠা" বিষয়ে বক্তৃতা হয়। তাতে প্রথমে এই দেখাবার চেষ্টা করা হয় যে ধর্মবিষয়ে ঐদাস্য এবং ভক্তিসাধনে শৈথিল্য অনেক স্থলেই সরল বিশ্বাস ও যৌক্তিক মতের ফল নহে, প্রবল বিশ্বাসাত্মক ও মানসিক চঞ্চলতার ফল। তৎপরে ভক্তিমর্মের তাত্ত্বিক ও নৈতিক ভিত্তি দেখিয়ে ভক্তিসাধনের একান্ত সহায় ভক্তগোষ্ঠীগঠনের আবশ্যিকতা প্রদর্শিত হয়।

৯ই মাঘ প্রাতে সিটিকলেজ-গৃহে শ্রদ্ধেয় প্রচারক নীলমণি চক্রবর্তী মহাশয় উপাসনাস্ত্রে মহর্ষি দেবেন্দ্রনাথ ঠাকুর মহাশয়ের আধ্যাত্মিক অভিজ্ঞতা বিষয়ে উপদেশ দেন। মন্দিরে মহিলাদের উৎসবে সরকারজায়া শ্রীমতী হেমলতা দেবী উপাসনা করেন এবং পরিবারে ধর্মশিক্ষা সম্বন্ধে মহিলাদের দায়িত্ব বিষয়ে উপদেশ পাঠ করেন। সায়ংকালে এলবার্ট হলে তিন সমাজের মিলিত উপাসনা হয়। এতে সমাজত্রয়ের মৌলিক একতা উজ্জল রূপে সূচিত হয়। এরূপ মিলিত কাষ্য যত হয় ততই ভাল। এতে যে তিন সমাজের বিশেষত্ব বিলুপ্ত হবে তা আশা করি না, কিন্তু এতে এই সফল হবে যে আমরা পরস্পরের বিশেষ মত ও সাধনকে সম্মানের চক্ষে দেখতে শিখব।

১০ই মাঘ প্রাতে শ্রদ্ধাম্পদ অধ্যক্ষ হেরশচন্দ্র মৈত্রের মহাশয় উপাসনাস্ত্রে ভক্তিসাধনের আবশ্যিকতা বিষয়ে উপদেশ দেন। মধ্যাহ্নে তাঁরই সভানেতৃত্বে স্বর্গীয় প্রচারক নবদ্বীপচন্দ্র দাস মহাশয়ের স্মৃতি-তর্পণ আচার্য্য-জায়া শ্রীমতী সুবাল দেবী প্রভৃতি

বাগী সম্পন্ন হয়। বৈকালিক নগর সংকীর্ণনের ষোল্লি দল দেখে আমার মনে বিশেষভাবে এই চিন্তার উদ্রেক হয় যে ইদানীং বালক-বালিকাদের স্বতন্ত্র দল করে সমাজ ত্যাগকে উৎসাহিত করে এবং বিশেষ আয়োজন করেছেন। বিশেষতঃ মেয়েদের স্বতন্ত্র দল সৃষ্টি করে দেশের সামাজিক ও নৈতিক হাওয়া দলবার উৎকৃষ্ট ব্যবস্থা করেছেন। সায়ংকালে প্রকল্পিত ডাক্তার পাঠক আচার্য উপাসনাস্তে এই ভাবে উপদেশ দেন যে যেমন প্রাতঃবন্দরে উভয়দিকে বৃক্ষলতা বীর্ণপ্রভৃতি ত্যাগপূর্বক নববেশ দারণ করে, এবং নির্দিষ্ট কালবেশে প্রাণীদেহ ত্যাগ-গুলি পরিহ্যায় এবং নতুন বেশ ধারণপূর্বক বস্ত্র : পুনর্জীবিত হয়, তেমনি আমরা আশা করি যে উত্তরায়ণে সমাগত মাঘাংশে আমাদের পুরাতন মলিন আকাঙ্ক্ষা ও অভ্যাসগুলিকে ধৌত করে আমাদের মনকে নবজীবন দান করবে।

১১ই মাঘে প্রাণিকালীন কার্য সময়োচিত ভাব ও আবেগ পূর্ণ হয়েছিল। বিশেষতঃ উপদেশ খুব প্রাণস্পর্শী ও উৎসাহদায়ক হয়েছিল। আচার্য—প্রকল্পিত সতীশচন্দ্র চক্রবর্তী—নবজীবনপ্রাপ্তির বিষয় বলেন। প্রাকৃত জীবন আত্মকর্ম করে নব আধ্যাত্মিক জীবন লাভ করে মানুষ ঈশ্বরে সম্পূর্ণরূপে আত্মসমর্পণ করে। প্রাকৃতিক জীবনে কখনও নিরাশা আসে না। একরূপ ব্যক্তি-ভেদে ভিতরে ঈশ্বরের জীবন্ত সত্তা অনুভব করে নিত্য আশাবৃত থাকেন। কখন মানুষ তাঁর সহায়, তাঁর দলভুক্ত, তা তিনি দেখেন না। একমাত্র প্রকল্পিত উপরই তিনি নির্ভর করেন। মধ্যাহ্নে প্রকল্পিত বরদাকান্ত বসু মহাশয় উপাসনা করেন। [তাঁহার প্রদত্ত উপদেশ “তত্ত্বকৌমুদী”র পূর্ব সংখ্যায় প্রকাশিত হইয়াছে।] বৈকালিক ইংরেজী উপাসনাস্তে অধ্যাপক রজনীকান্ত গুহ গীতার শ্রীকৃষ্ণ ও নিউটেম্‌টেম্‌টের সাধু পলেব বচন উদ্ধৃত করে ব্রহ্মে সমুদায় কর্ম সমর্পণের উপদেশ দেন। সায়ংকালে প্রকল্পিত কৃষ্ণকুমার মিত্র মহাশয় উপাসনাস্তে এই মর্মে উপদেশ দেন যে ব্রাহ্মণমাজের সংগ্রহে এসে বহুসংখ্যক লোক শান্তি ও নবজীবন লাভ করেছেন।

১২ই মাঘ প্রাতে সাধনাজ্ঞের উৎসব উপলক্ষে বাবু সতীশচন্দ্র চক্রবর্তী সাধনাজ্ঞস্বাপনের বিশেষ উদ্দেশ্য বিবৃত করে উপদেশ দেন। সম্পূর্ণরূপে ঈশ্বরে সমর্পিত কতিপয় জীবন প্রস্তুত করা এবং সমাজমধ্যে একটা আধ্যাত্মিকতার হাওয়া সৃষ্টি করা—ইহাই সেই উদ্দেশ্য। মাধ্যাত্মিক প্রচারবিষয়ক আলোচনার বিশেষ উল্লেখযোগ্য কথা রায়সাহেব শরচ্চন্দ্র দাস মহাশয়ের প্রস্তাব—একটা বিশেষ পরিব্রাজকদলের সৃষ্টি। প্রস্তাবক বিশেষ অর্থসাহায্য অঙ্গীকার করে প্রস্তাবিত বিষয়ে ঐকান্তিক আগ্রহের পরিচয় দেন। সায়ংকালীন উপাসনাস্তে আচার্য অধ্যক্ষ হেরষচন্দ্র মৈত্রেয় মহাশয় বহু আধ্যাত্মিক ও উদ্ধৃত মহাজনোক্ত সহযোগে ব্রহ্মপুত্র লাভ এবং মানবপ্রীতি সম্বন্ধে আবেগপূর্ণ উপদেশ দেন।

১৩ই মাঘ প্রাতে আচার্য শ্রীযুক্ত নীলমণি চক্রবর্তী মহাশয় এই মর্মে উপদেশ দেন যে প্রেমই ঈশ্বরকে মানুষের এবং মানুষকে পরম্পরের নিকটবর্তী করে। প্রেম না থাকলে কেবল দেশকালের নৈকট্য আশ্রয় ব্যবধান দূর কতে পারে না। সায়ংকালে সমাজের বার্ষিক সভার অধিবেশন কেবল উল্লেখ-মাজেই যোগ্য, সে সম্বন্ধে এখানে আর কিছু বক্তব্য নেই।

১৪ই মাঘ প্রাতে প্রকল্পিত প্রচারক অমৃতলাল গুপ্ত মহাশয় উপাসনাস্তে ঈশ্বরনিষ্ঠা বিষয়ে উপদেশ দেন এবং দৃষ্টান্তরূপে একটা সম্ভ্রান্ত ধনী পরিবারের উল্লেখ করেন যারা ব্রাহ্মধর্ম গ্রহণ করে ব্রহ্মোপাসনায় পরম তৃপ্তি লাভ করেছিলেন এবং সেই তৃপ্তির বলে শেষ দশায় ধননাশেও অবিচলিত ছিলেন। অপরাহ্নে বালকবালিকা সম্মিলনে শ্রীমতী কুমুদিনী বসু বালক-বালিকাদিগকে উপদেশ দেন এবং তৎপরে সাধু নীলরতন সরকার মহাশয় তাহাদিগকে প্রীতিভোজন করান। সায়ংকালে অধ্যাপক

বক্রনীলাস্তু গুহ সমাজসংস্কার বিষয়ে একটা গভীর চিন্তাপূর্ণ ও শিক্ষা দায়ক বক্তব্য করেন। প্রকৃত সমাজসংস্কার অতি কঠিন ব্যাপার, ইহার সফল ব্যক্তিগত ও জাতীয় চরিত্রের গুরুত্বপূর্ণ আবশ্যিক এবং ঈশ্বরবিশ্বাস ইহার ভিত্তি—ইহাই বক্তব্যের সার কথা।

১৫ই মাঘ সায়ংকালে অধ্যাপক যীবেন্দ্রনাথ দেবদাসবাগীশ “নিগূঢ়ম্—প্রাচ্য ও প্রতীচ্য” বিষয়ে বক্তব্য করেন। তাতে তিনি হিন্দু মুসলমান ও খ্রীষ্টীয় নিগূঢ়ম্ (Mysticismএব) মৌলিক একতা ও ঐতিহাসিক যোগ দেখিয়ে বিশেষ ভাবে সাধনী টেরেসার সাধনাবিজ্ঞতার বর্ণনা করে শ্রেষ্ঠমণ্ডলীকে মুগ্ধ করেন।

১৬ই মাঘ সায়ংকালে প্রকল্পিত মাণিকলাল দে মহাশয়ের পরিচালিত কীর্তিনেত্র দল সন্ধ্যাকালে উপাসনার কার্য সম্পন্ন করেন।

১৭ই মাঘ সায়ংকালে প্রকল্পিত কৃষ্ণকুমার মিত্র মহাশয় আধুনিক জাতীয় জাগরণ বিষয়ে বক্তব্য করেন। সর্বপ্রকার বন্ধনমুক্ত হইলে প্রকৃত স্বাধীনতা লাভের আকাঙ্ক্ষা ও চেষ্টা যে স্বাভাবিক এবং সর্ববধ উন্নতির নিদান, তা ব্যাখ্যা করে তিনি দেখান যে কাম্য যে ধর্মগ্রন্থ করে জাতীয় উন্নতির প্রয়াস কচ্ছে এবং ভারতবর্ষে যে কতিপয় লোক সেই প্রয়াসের পক্ষপাতী, তাই কারণ উন্নত দেশে ধর্মের মানি এবং ধর্মের নামে পবিত্রতা-সমর্থন। পক্ষান্তরে বহুধর্ম স্বাধীনতার বিরোধী হওয়া দূরে থাক, উহা সর্বপ্রকার সাধু উন্নতির সহায় এবং ব্যক্তিগত ও জাতীয় শক্তির উৎস।

১৮ই মাঘ অধ্যক্ষ হেরষচন্দ্র মৈত্রেয় মহাশয় ইংরেজীতে উপাসনা করেন এবং এই মর্মে উপদেশ দেন যে বিজ্ঞান ও শিল্প ঈশ্বরকে নিঃশেষে আনিতে পারিলেই মানবের বিশেষ কল্যাণকর হয়। অগতের সর্বাপেক্ষা মূল্যবান বস্তু প্রেম, এবং ইহাই একমাত্র স্থায়ী ও নিত্য বস্তু।

অন্য প্রাতে এই মন্দিরে প্রকল্পিত নীলমণি চক্রবর্তী মহাশয় আচার্যের কার্য সম্পাদনা করেছেন। তিন সমাজের উদ্যান সম্মিলনে ময়ূরভঞ্জের রাজমাতা মহারানী শ্রীমতী সূচাক দেবী আচার্যের কার্য করেন। বহুদিন পরে তিন সমাজের ব্রাহ্ম-ব্রাহ্মিকাদের এই ঘনিষ্ঠ মিলন অতি মধুর বোধ হলো।

এখন আমার বিশেষ বক্তব্য বলি। স্থায়ী ভক্তি জীবন লাভের যে আকাঙ্ক্ষা নিয়ে উৎসবক্ষেত্রে প্রবেশ করেছিলাম, বিবৃত কাব্যাবলীর ভিতরে সে আকাঙ্ক্ষার ঘণ্টে ইচ্ছন পাওয়া যায়। আশা করি আমার এবং অন্য অনেকের পক্ষে এই উৎসব সেই জীবনলাভের সহায় হবে। আমি এই ভক্তিধর্ম সম্বন্ধে আজও কিছু বলবো। ৮ই মাঘের বক্তব্য যে সকল কথা বলেছিলাম সে সকল কথারই কোন কোন কথা একটু বিবৃত করে বলবো, নতুন কিছু বলতে পারি আর নাই পারি। ভক্তিহীন ধর্ম ও অগতে আছে। প্রাচীনকালের তো কথাই নাই, আধুনিক সময়েও দেশে বিদেশে ভক্তিহীন ধর্মপ্রাত্যহর চেষ্টা হচ্ছে। কিন্তু ইতিহাস ও নিজ জীবনের অভিজ্ঞতা সাক্ষ্য দিচ্ছে যে ভক্তিহীন ধর্ম ব্যক্তি বা জাতি কাহাকেও উদ্ধৃত্ত করতে পারে না এবং শান্তি স্বায় আনন্দও দিতে পারে না। ভক্তিহীন ধর্ম মানবপ্রকৃতির সর্বাপেক্ষা প্রবল উপাদান যে ভাব—তাকে বাদ দিয়ে চিন্তা করে। এই জায়গায়ই ইহা মারাত্মক ভুল করে। বিশেষতঃ বাল্যজী জাতি—শ্রীচৈতন্য ও ভক্ত রাম-প্রসাদের স্বভাব—যে কোন দিন ভক্তিশূন্য ধর্মে, গাণ্ডুন্য উপাসনায় বা উপাসনানু্য কর্মে তৃপ্ত হবে তা আমার বিশ্বাস হয় না। যারা তা মনে করেন তাঁরা স্বজাতিকে চিনেননি আর এই যুগের ধর্ম কেন বাঙলাদেশে আবিষ্কৃত হলো তাও বুঝেননি। বাহ্যিক ভক্তিধর্মের ভিত্তি সম্বন্ধে যা সে দিন বলেছিলাম তাই প্রকারান্তরে পুনরুক্তি করি। যতদিন দেশে বৈজ্ঞানিক প্রণালীর

শিক্ষা আনন্দিত ততদিন জ্ঞানশূন্য বিশ্বাসের উপর দাঁড়িয়ে ভক্তিসাধন সম্ভব হইবেছিল। এখনও যে স্থলে শিক্ষা নাট, অথবা কেবল সার্ভিক শিক্ষা আছে, সেখানে তা সম্ভব। কিন্তু বৈজ্ঞানিক প্রণালীর শিক্ষা, অর্থাৎ জড়, জীব, আত্মা, নীতি, সমাজ, ধর্ম, ইতিহাস—সকল বিষয়ে বিচার-বিশ্লেষণ-মূলক চিন্তা সবে পড়েছে, সেখানে আর শাস্ত্রী ও ব্রহ্মসংস্কৃত-বাদের উপর নির্ভর করে ভক্তিসাধন চলবে না। সেখানে ভক্তির সাধনস্বতন্ত্র ভগবান সাক্ষ্য জ্ঞানের বিষয় হওয়া চাই। এ সাক্ষ্য জ্ঞান কেবল ব্যক্তিগত থাকলে চলবে না। যত দিন ইহা ব্যক্তিগত থাকবে ততদিন ইহার প্রত্যক্ষ সন্ধিষ্ঠ থাকবে এবং ইহা প্রচারযোগ্যও হবে না। প্রত্যক্ষ জ্ঞান কেবল ব্যক্তিগত ব্যাপার নহে, উহা সার্বজনিক বৈজ্ঞানিক বস্তু। উহা জ্ঞানোপলব্ধিকম ব্যক্তিমাত্রেরই কাছে অপ্রাপ্য। এই জ্ঞানলাভের পন্থা সাধারণ ব্রাহ্মসমাজের দার্শনিক সাহিত্যে নানাভাবে ব্যাখ্যাত হয়েছে, আমার সেদিনকার বক্তৃতায়ও আমি ইহা সংক্ষেপে ব্যাখ্যা করেছিলাম। এই প্রণালীর তাত্ত্বিক (theoretic) দিকটা সংক্ষেপে বলতে গেলে এই যে, দেশকাল এবং দেশকালস্থিত রূপরসাদি নিজ্ঞানের অহুত্বের সঙ্গে সঙ্গে এই অহুত্বের আশ্রয়রূপে এক অনন্ত নিত্য পুরুষ জীবের আত্মারূপে প্রকাশিত হন। এদ্বারা নিজে আত্মত্বের মধ্যে পরমাত্মাকে প্রত্যক্ষভাবে না দেখা স্বীয় ঈশ্বরবিশ্বাস নিঃসন্দেহ ও স্থায়ী হয় না এবং স্থায়ী ভক্তিস্বার্থেরও প্রতিষ্ঠা হতে পারে না। কিন্তু ভক্তিস্বার্থের প্রতিষ্ঠার জন্য জ্ঞানের তাত্ত্বিক দিক দেখা যথেষ্ট নহে, নৈতিক (practical) দিকও দেখা চাই। আমাদের কণ্ঠের মূল্যবোধ কল্পে আমরা দেখতে পাব সেই মূল প্রেম,—আত্মপ্রেম ও পরপ্রেম। আর প্রেম অর্থ মঙ্গল বা শ্রেয় কবুবার ইচ্ছা। নিজের কল্যাণ করা আর যাকে নিজের মনে করি তার কল্যাণ করা, ইহাই প্রেমের স্বভাব। শ্রেয় বা কল্যাণের ধারণা ব্যক্তিগত জীবন, পারিবারিক জীবন, জাতীয় জীবন ও অর্জাজাতীয় জীবন, এই চার স্তরের ভিতর দিয়ে বিকশিত হয়। যার নৈতিক চিন্তা উচ্চতম স্তরে উঠেছে তার নিজ শ্রেয়বোধ সার্বজনিক শ্রেয়বোধের সঙ্গে এক হয়ে গেছে। এই হলো শ্রেয়বোধের পরিমাপের দিক (quantitative side)। গুণের দিক থেকে (qualitatively) শ্রেয়বোধ দৈহিক, মানসিক, ভাবগত ও আধ্যাত্মিক, এই চার স্তরে বিকশিত হয়। প্রকৃত জ্ঞানীর পক্ষে দৈহিক স্বাস্থ্য ও সুখ, জ্ঞানলাভ, প্রেম ও ভক্তির বিকাশ, সমস্তই প্রকৃত কল্যাণের অন্তর্ভুক্ত হয়ে যায়। উনার সর্বাঙ্গিনী সাধনের প্রভাবে গুণ ও পরিমাণে পূর্ণ বিকশিত এই শ্রেয়ের আদর্শ উজ্জ্বল বিবেকালোক-রূপে আত্মাতে প্রকাশিত হয়ে সমগ্র জীবনকে নিয়ন্ত্রিত করে,—প্রত্যেক চিন্তা, ভাব, বাক্য ও কার্যকে অহুমোদন বা তিরস্কার করে। কিন্তু এই আদর্শ কেবল আদর্শ নয়, চিরসত্তা (abstract) ধারণামাত্র নয়। যেমন প্রত্যেক তাত্ত্বিক জ্ঞান সাক্ষ্য পরমাত্মার জ্ঞানময় প্রকাশ, তেমনি প্রত্যেক নৈতিকবোধ তার সাক্ষ্য ইচ্ছাময় প্রকাশ। এতে তিনি তার পূর্ণ প্রেম, পূর্ণ পবিত্রতা, পূর্ণ সৌন্দর্য, পূর্ণ মাধুর্য নিয়ে জীবাত্মার ভিতরে প্রত্যক্ষরূপে প্রকাশিত হন। যারা গভীর ধ্যানমূলক আরাধনার অভ্যস্ত, তাঁদের নিকট এই প্রকাশ দৈনিক অভিজ্ঞতার বিষয়। এই প্রকাশে ঈশ্বরের পূর্ণতা সম্বন্ধে বিশ্বাস একবারে নিঃসন্দেহ হয়। জাগতিক ঘটনায় ঈশ্বরিক চরিত্র সাক্ষ্যভাবে প্রকাশিত হয় না, অতমানের বিষয়ীভূত থাকে। কিন্তু আত্মাতে এই দৈব চরিত্র সাক্ষ্য অহুত্বের বিষয় হয়। কোন্ ঘটনার মূলে কি মঙ্গলাভিপ্রায় আছে তা আমরা অহুমানসারা জানতেও পারি, না ভাবতেও পারি; কিন্তু সাক্ষ্য অহুত্বযোগে ব্রহ্মপ্রেম দেখলে তার সন্দেহ থাকে না যে জাগতিক ঘটনামাত্রই প্রেম-মূলক। যারা উপাসনায়োগে পূর্ণ পুরুষকে সাক্ষ্যভাবে দেখেন

না, তাঁদের সন্দেহই এই ধারণাটা থেকে যায় যে আমাদের বুদ্ধিতে প্রকাশিত পূর্ণতার আদর্শ কেবলই একটা আদর্শ। এই আদর্শ কোথাও মুক্তিমান হয়নি। তারা মানবচরিত্রে এই আদর্শ মুক্তিমান করতে চেষ্টা করেন বটে, কিন্তু তাঁদের ধারণা ও চেষ্টা দুইই আত্মঘাতী (suicidal)। জগৎকারণকে যে ভাবে ভাবা হোক, এহ আদর্শপ্রকাশ যে তাঁরই কার্য, সে সম্বন্ধে কোন সন্দেহ থাকতে পারে না। সুতরাং নিরীশ্বরবাদী এই অসম্ভব ও স্ববিরোধী কথায় বিশ্বাস করেন যে, যা কারণে নেই তা কার্যে আছে এবং ব্যষ্টি বা অংশ সমষ্টির চেয়ে বড়। আর তিনি যে আপন নৈতিক আদর্শ নিজ জীবনে ও সামাজিক জীবনে মুক্তিমান করতে চেষ্টা করেন সে চেষ্টাও অসম্ভব। জগৎকারণ যখন প্রেমক নন, পবিত্র নন, সুন্দর নন, মধুর নন, তখন মানবজীবনে যে এই আদর্শ মুক্তিমান হবে, প্রকৃতি যে আমাদের ধর্মচেষ্টার সহায় হবে, এই আশা কি একবারেই ভিত্তিশূন্য নয়? ফলতঃ ঈশ্বর-সম্বন্ধীয় সমস্ত সন্দেহট যে স্ববিরোধী এবং অবিশ্বাসীর সমস্ত সংস্কারচেষ্টা যে আত্মঘাতী ও অনেক স্থলেই ব্যর্থ, তা সময় পেলে অপ্রাধিকারেরই দেখান যায়। দুর্ভিক্ষ, অলপাবনাদি ক্লেশের জাগতিক ঘটনা দেখে যে আমরা ক্লেশের সহিত সহ্যহুত্বের পূর্ণ চেয়ে তাঁদের হিতসাধন ব্যস্ত হই, আর ঈশ্বর ঘটনার মূল-কারণকে নির্দেয় বলে সন্দেহ করি, এই ভাবনাতে ইহাই মনে করা হয় যে জগৎকারণে যা নেই, যে দৃশ্য নেই, আমাদের ভিতরে তা আছে। আমাদের দয়াটা কোথা থেকে আসছে সে কথা আমরা ভেবে দেখি না। “ঈশ্বর কি সত্যিই আমাকে ভাল-বাসেন? আমার পূর্ণ মঙ্গল চান?” এই সন্দেহমূলক চিন্তা তো যখন তখনই আমাদের মনে আসে। কিন্তু এই চিন্তা বস্তুতঃ স্ববিরোধী। আমি যে আমাকে ভালবাসি, আমি যে আমার সর্বাঙ্গীণ কল্যাণ চাই, সে বিষয়ে তো আর কোন সন্দেহ নাই। তবে কি ঈশ্বরের চেয়ে আমি বেশী প্রেমিক? তা হো অসম্ভব। সুতরাং এই সন্দেহ নিজেকেই নিজে বিনাশ করে। সাক্ষ্য ব্রহ্মযোগের অবস্থায় এই সন্দেহ আসে না, কারণ তখন আত্মজ্ঞানে ব্রহ্মজ্ঞান, আত্মপ্রেমে ব্রহ্মপ্রেম সাক্ষ্যভাবে প্রকাশিত হয়।

যাঁহোক এখন সাধনের কথা কিছু বলে শেষ করা যাক। জ্ঞান তো উজ্জ্বল ভাবেই ঈশ্বরকে নিকটে, অতি নিকটে, দেখিয়ে দেয়। আধুনিক তত্ত্ববিদ্যার সাহিত্য অধ্যয়ন করে দেখা যায় কোন পূর্ণ যুগে ব্রহ্মজ্ঞান এমন উজ্জ্বল ও সুগভ হইনি। কিন্তু বস্তুতঃ ক’জন এই জ্ঞান লাভ করতে চেষ্টা করে? আর যারা এই জ্ঞান পেয়েছেন তাঁদের ক’জনই বা এই জ্ঞানের অহুত্ব, এই জ্ঞানবৃক্ষের অমৃতময় ফলস্বরূপ, প্রেমভক্তি লাভের জন্য সাধন করেন? উভয় স্থলেই সাধনতীব্রতার ফল নৈতিক বা আধ্যাত্মিক জড়তা। জগতে প্রকাশিত জ্ঞানালোক অন্বেষণ করে যে পাননি, যার ঐকান্তিক জ্ঞানচেষ্টা নিষ্ফল হয়েছে, এরূপ সরল সন্দেহবাদী (honest sceptic) অতি বিরল। বড় বড় সন্দেহ-বাদীর স্থলেই দেখা গিয়েছে তারা ব্রহ্মবিদ্যার সাহিত্য সম্বন্ধে অতি অনভিজ্ঞ। সাধারণ শিক্ষিত লোকের তো কথাই নেই। আমি সে দিন বলেছিলাম, আজও বলি, আমি অনেকের হাতে ব্রহ্মবিদ্যার বই তুলে দিয়েছি, তারা তা ফেলে রাখে, পড়ে না, চিন্তা ও অধ্যয়নের পরিশ্রম করতে চায় না। জ্ঞানলাভের চেষ্টাতে নৈতিক জড়তা ও ভোগসাক্ষ্য তাদের অন্তরায় হয়, অথচ তারা সরল সন্দেহবাদীর (honest doubter এর) সম্মান চায়। যারা কেবল বিশ্বাসে সন্তুষ্ট, ঈশ্বরপ্রেম সম্বন্ধে খুব বড় বড় কথা বলেন, অথচ প্রেমভক্তিসাধনে যথেষ্ট সময় ও শক্তি নিয়োগ করেন না, তাঁদের অনাধ্যাত্মিকতার মূল্যবোধ কল্পে ঐ জড়তা ও বিষয়াসক্তির দৃষ্ট হয়। যারা জ্ঞানের পক্ষপাতী এবং জ্ঞানের মহিমাভীর্ণ করেন, তাঁদের দায়িত্ব এবং ভক্ততীব্রতার অপরাধ আরো বেশী। যার কাছে যত উচ্চ আদর্শ প্রকাশিত হয় তার

বিচারও তত তীব্র হয়। অনেক সময়েই প্রকাশিত উচ্চ আদর্শের সঙ্গে বাস্তব জীবনের স্ক্রুতা ও মলিনতা দেখে একান্ত লজ্জিত হই। এই দুর্গতির মুখে কর্তব্য বিষয়ে জড়তা ও আধ্যাত্মিক প্রসংগভঙ্গতা ছাড়া আর কোন কারণ দেখি না। নিজ অপরাধের জন্য ব্যাকুল ক্রন্দন ব্যতীত ব্রহ্মরূপাগ্নির আর কোন উপায় দেখি না। জড়তা চ'লে গেলে সাধনের পথ উজ্জল-রূপেই দেখা যায়। জ্ঞান ভক্তির ভিত্তি বটে, এবং জ্ঞানলাভ ত্রৈকাত্মিক সাধনের বিষয়ও বটে, কিন্তু ভক্তির সাধন জ্ঞানসাধন থেকে ভিন্ন। স্থায়ী এবং গাঢ় ভাবট ভক্তি। এই ভাবরূপী ভক্তি সাধন কত্রে হোলে হৃদয়ের স্বাভাবিক ভাবপ্রবণতাকে সমস্তে রক্ষা কত্রে হবে। কর্মবাহুলা, বাক্যবাহুলা, কর্ম ও বাক্যে ব্যস্ততা, চিত্তচঞ্চলতা, বাক্য ও ব্যবহারে শ্রদ্ধা বিনয় ও সংযমের অভাব, এই সমস্ত ক্রটি ও অপরাধ হৃদয়ের ভাবপ্রবণতা নষ্ট করে। ভক্তিপিপাসাকে এই সমস্ত বাধা সাধনানে পরিহার কত্রে হবে। পক্ষান্তরে ভক্তজীবনের আলোচনা, ভক্তজীবনী পাঠ প্রভৃতি উপায়ে ভক্তিব উচ্চ আদর্শ সম্মুখে রেখে সেই আদর্শের আলোকে নিজ জীবনের গীনতা উপলক্ষিপূর্বক অবনত-মস্তক হোতে হবে। সর্বোপরি গভীর ধ্যানযোগে জ্ঞান-প্রকাশিত বস্তুর সাক্ষাৎ উপলক্ষি এবং সরস আরাধনায়োগে সেই বস্তুর মাধুর্য আনন্দন করে ভাব সঞ্চয় কত্রে হবে। এই সাধনে ঈশ্বরের লীলা-ব্যাখ্যায়ক সঙ্গীত ও সংকীর্ণন পরম সহায়। কিন্তু সাধনান হোতে হবে যেন গান ও কীর্তনে বাদ্য ও কোলাহলের বাহুল্য না হয়। তাতে ভাবের গাঢ়তা না হ'য়ে ভাব নষ্ট হ'য়ে যায়। অগ্রসর সাধকের সরস উপাসনায় যোগ দেওয়া, যোগ দিতে না পারলেও তা নির্ভর সহিত শোনাও ভক্তিসাধনের পরম সহায়। সমসাধক—যার সঙ্গে ব্রহ্মরূপ সম্বন্ধে ঐকমত্য এবং স্বরূপানুধান সম্বন্ধে প্রণালীগত সাদৃশ্য আছে—এরূপ সাধকের উপাসনায় যোগ দেওয়াও ভক্তিসাধনের উৎকৃষ্ট সহায়। সমবেত উপাসনায় পরম্পরের এই গাঢ়যোগ এবং এই যোগ থেকে স্বভাবতঃ যে চিন্তা ও অভিজ্ঞতার বিনিময় হয়, তাতেই ভক্তগোষ্ঠী গঠিত হয়। ভক্তগোষ্ঠী—সাধকমণ্ডলী—গঠন সম্বন্ধে অনেক সময় অনেক কথা বলেছি, কিছু চেষ্টাও করছি। কিন্তু চেষ্টার ফল এ পর্যন্ত অতি অল্পই হয়েছে। আরো বেশী চেষ্টা, আরো বেশী ফল না হওয়া পর্যন্ত সমাজে ভক্তিব্রহ্মপ্রতিষ্ঠার কোন আশা দেখি না। এবিষয়ে প্রবীণ নবীন সকলের চেষ্টা কেন্দ্রীভূত হওয়া আবশ্যিক। সমাজের আধ্যাত্মিকতা রক্ষা ও বৃদ্ধির আর কোন উপায় নাই। “নাত্তঃ পস্থা বিদ্যাতেহয়নায়।”

এখানেই শততম মাঘোৎসবের জন্ত অবলম্বিত কার্য প্রণালী শেষ হইল। আমাদের অসম্পূর্ণ বিবরণও আমরা এখানে শেষ করিলাম। প্রকৃত পক্ষে উৎসবের যথাযথ বিবরণ পূর্ণভাবে দেওয়া সম্ভবপর নহে। হৃৎখের বিষয়, যাহা সম্ভবপর তাহাও আমাদের নানা প্রকার অক্ষমতা বশতঃ ভালরূপে করিতে সমর্থ হই নাই। যথাসাধ্য চেষ্টা করিয়াও কোন কোন বিষয়ে সফল হইতে পারি নাই। করুণাময়ের রূপায় যেটুকু করিতে পারিলাম তাহার জন্যই তাঁহাকে আমাদের হৃদয়ের কৃতজ্ঞতা জ্ঞাপন করি। তিনি রূপা করিয়া সকলের জীবনে উৎসবের ফল স্থায়ী করুন। তাঁহার মঙ্গল ইচ্ছাই সর্বোপরি পূর্ণ হউক।

ব্রাহ্মসমাজ

স্মারকস্মারিক—বিগত ১৬ই মার্চ কলিকাতা নগরীতে শ্রীযুক্ত বিনয়ভূষণ ও ইন্দুভূষণ গুপ্ত তাঁহাদের জ্যেষ্ঠ ভ্রাতা পরলোকগত নলিনীভূষণ গুপ্তের আদ্য শ্রাদ্ধাহুষ্ঠান সম্পন্ন করেন। তাহাতে শ্রীযুক্ত সত্যানন্দ চক্রবর্তী আচার্যের কার্য করেন এবং শ্রীযুক্ত অনিমেব দাসগুপ্ত মিঃ গুপ্তের জীবনী সম্বন্ধে শ্রীযুক্ত শরচ্চন্দ্র আচার্যের, শ্রীযুক্ত সত্যানন্দ দাসের ও মিসেস

সরলা রায়ের তিনখানা পত্র পাঠ করেন। স্মারক প্রভাসচন্দ্র মিত্র এবং আচার্য্য ও জীবনী সম্বন্ধে কিছু বলেন। উক্ত তারিখে বরিশাল নগরীতে ভ্রাতৃপুত্র শ্রীযুক্ত অশোকগুপ্ত কর্তৃকও তাঁহার শ্রাদ্ধাহুষ্ঠান সম্পন্ন হয়। তাহাতে শ্রীযুক্ত সত্যানন্দ দাস আচার্যের কার্য এবং শ্রীযুক্ত মনোমোহন চক্রবর্তী শাস্ত্রপাঠ ও জীবনী বর্ণন করেন।

বিগত ২০শে মার্চ শ্রীযুক্ত অধরচন্দ্র বসুর পুত্রবধু পরলোক-গতা প্রফুল্লনলিনীর আদ্য শ্রাদ্ধাহুষ্ঠান সম্পন্ন হইয়াছে। শ্রীযুক্ত শশিভূষণ বসু আচার্যের কার্য করেন। এই উপলক্ষে প্রচার বিভাগে ৫, হৃৎখ ব্রাহ্মপরিবার ধনভাগারে ৩, ও ডবানীপুর সম্মিলন ব্রাহ্মসমাজে ২ টাকা প্রদত্ত হইয়াছে।

শান্তিনাতা পিতা পরলোকগত আত্মাদিগকে চিরশান্তিতে রাখুন ও আত্মীয় স্বজনদের শোক-সন্তপ্ত হৃদয়ে সান্ত্বনা বিধান করুন।

দ্রাব্য—শ্রীযুক্ত বিপিন বিহারী বসু পিতা পরলোকগত মদনমোহন বসুর বার্ষিক শ্রাদ্ধ উপলক্ষে প্রচার বিভাগে ২, ও দাতব্য বিভাগে ১ দান করিয়াছেন। এই দান সার্থক হউক ও পরলোকগত আত্মা শান্তি লাভ করুন।

উৎসব—যশোহর জিলার নড়াইল সাবডিভিসনের অন্তর্গত মালিয়াট প্রমুখ নমঃশূদ্র গ্রামসমূহের অষ্টাদশ বার্ষিক কাঙ্ক্ষনোৎসব নিম্নলিখিত প্রণালীতে সম্পন্ন হইয়াছে :—

৩০শে কাঙ্ক্ষন গ্রামে শ্রীযুক্ত রমেশচন্দ্র সেন স্থানীয় উপাসক-মণ্ডলীর আচার্য্য শ্রীযুক্ত গুরুচরণ সমদ্বারের বাসভবনে উপাসক-মণ্ডলীর সঙ্গে এবং সন্ধ্যায় বালিকা বিদ্যালয়ে যুবকদের সংকীর্ণনের পর প্রার্থনা ও প্রার্থনার প্রয়োজনীয়তার বিষয়ে উপদেশ প্রদান করেন। ১লা চৈত্র গ্রামে রমেশ বাবু শ্রীযুক্ত নেহালচন্দ্র মোহন্তের বাড়ীতে উপাসনা করেন। নয় ঘটিকার সময় ব্রহ্মমন্দিরে শ্রীযুক্ত মাধবচন্দ্র বিশ্বাস উপাসনা করেন। ২রা চৈত্র গ্রামে ব্রহ্ম সংকীর্ণনের দল গ্রাম প্রদক্ষিণ করিয়া ব্রহ্মমন্দিরে প্রবেশ করিলে রমেশ বাবু সকল সম্প্রদায়ের সাধু ভক্তগণকে স্মরণ করিয়া উপাসনা করেন। এবং ব্রহ্মবাণী শ্রবণ বিষয়ে উপদেশ প্রদান করেন। ত্রিপ্রহরে শ্রীযুক্ত রাসমোহন মিশ্রের বাড়ীতে রমেশবাবু ধর্মপ্রসঙ্গ ও প্রার্থনা করেন। সন্ধ্যায় ব্রহ্মমন্দিরে উপাসনায় শ্রীযুক্ত আদিত্যচন্দ্র মৈত্র আচার্যের কার্য করেন। ৩রা চৈত্র গ্রামে শ্রীযুক্ত কালিদাস বিশ্বাস বালিকা বিদ্যালয়ে উপাসনা করেন। রমেশবাবু ও মাধববাবু প্রার্থনা করিয়া যুবকগণের সঙ্গে ধর্মপ্রসঙ্গ করেন।

এই গ্রামের শ্রীযুক্ত হারকানাথ মিশ্র ও শ্রীযুক্ত নিবারণচন্দ্র শিকদার উপাসকমণ্ডলীর সম্পাদক ও সভাপতিরূপে নিযুক্ত আছেন। শ্রীযুক্ত রাসমোহন মিশ্র, শ্রীযুক্ত গুরুচরণ সমদ্বার, শ্রীযুক্ত কালিদাস বিশ্বাস, শ্রীযুক্ত রাজবিহারী মল্লিক, শ্রীযুক্ত বক্রবিহারী রায় ও শ্রীযুক্ত আদিত্যকুমার মৈত্র উপাসক মণ্ডলীতে উপাসনা করেন। শ্রীযুক্ত বলরাম ঘোষাল ও সীতানাথ সরকার প্রকৃতি সঙ্গীত করেন। একটা পাকা ব্রহ্ম মন্দির আছে। প্রতি রবিবার সন্ধ্যায় সময় ব্রহ্মমন্দিরে সাপ্তাহিক উপাসনা হয়। শনিবার অপরাহ্নে মালিয়াট রাসমোহন মধ্য ইংরেজী স্কুলে ছাত্র এবং বালিকা উচ্চ প্রাথমিক স্কুলের ছাত্রীগণকে পুরস্কার বিতরণ উপলক্ষে ও নমঃশূদ্র জাতির উন্নতি কল্পে এক বিরাট সভা হইয়াছে। যশোহর ডিষ্ট্রিক্টবোর্ডের ডাইন্স চেয়ারম্যান ঠেয়র আবহুল রউপ সাহেব সভাপতি ও শ্রীযুক্ত রমেশচন্দ্র সেন সহ সভাপতি ছিলেন। রমেশবাবু প্রার্থনা করিয়া সভার কার্য আরম্ভ করেন। শ্রীযুক্ত মাধবচন্দ্র বিশ্বাস প্রমুখ অনেকেই বক্তৃতা করেন। সভার অধিকাংশ সভ্যের মতে বিধবা-বিবাহের প্রস্তাব গৃহীত হয়। ছাত্র ছাত্রীগণকে পুরস্কার দেওয়া হয়।

তত্ত্ব-কৌমুদী

অসতো মা সদগময়,
তমসো মা জ্যোতির্গময়,
মৃত্যোর্মামৃতং গময় ॥

ধর্ম ও সমাজতত্ত্ব বিষয়ক পার্শ্বিক পত্রিকা


সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ খ্রী: ১৫ই মে প্রতিষ্ঠিত।

৫৪ম ভাগ
১৫শ সংখ্যা।

১লা অগ্রহায়ণ, সোমবার, ১৩৩৭, ১৮৫২ শক, ব্রাহ্মসংবৎ ১০১
17th November, 1930.

প্রতি সংখ্যার মূল্য ৮০
অগ্রিম বাৎসরিক মূল্য ৩০



প্রার্থনা।

হে জীবনবিধাতা, তুমি আমাদের উন্নত মন ও শুদ্ধ হৃদয়
করিবার জন্য এই সংসারক্ষেত্রে পাঠাইয়াছ, প্রেম ও নানা
কর্তব্যের বন্ধনে আবদ্ধ করিয়াছ, সুখ দুঃখ সম্পদ বিপদের
ব্যবস্থা করিয়াছ। কিন্তু আমরা অনেক সময়ই ইহার মধ্যে
তোমাকে না দেখিয়া, তোমার মঙ্গল ব্যবস্থা ভুলিয়া,
অপ্রেম বিবেক মলিনতা ও ক্ষুদ্র স্বার্থপরতার মধ্যে ডুবিয়া, সুখ
সম্পদে অত্যধিক উল্লসিত ও অহঙ্কৃত, এবং দুঃখ বিপদে
একান্ত মুছমান ও আত্মবিশ্বস্ত হইয়া, জীবনের কর্তব্যসকল
অবহেলা করিয়া, অবনতি ও গভীর দুর্গতির পথে ধাবিত হই,
মহা মৃত্যুর মধ্যে পতিত হই। তুমি আমাদের সঙ্গে সঙ্গে থাকিবা
সত্তা আমাদের সতর্ক ও সাবধান করিয়া দিতেছ, প্রাণে
শুভ আকাঙ্ক্ষা জাগ্রত করিয়া এবং নানা উপায়ে ঘুরাইয়া
ফিরাইয়া ধীরে ধীরে তোমার পথে একটু টানিয়া আনিতেছ
বলিয়াই, নানা কর্তব্যগলনে প্রকারান্তরে বাধ্য করিতেছ
বলিয়াই, আমরা সে মৃত্যু হইতে রক্ষা পাইতেছি, চিরন্তনে
ডুবিতেছি না। আবার, তোমার কৃপাতে যখন সময় সময়
তোমার মেহের দান বলিয়া সংসারের সমস্ত গ্রহণ করি, তখন
তাহারা আমাদের কণ্ঠহীন সহায় হয়, কণ্ঠ সহজেই না উন্নতি
কল্যাণ মঙ্গল ও পূর্ণতার পথে লইয়া যায়,—ইহা দেখিয়া বুঝিয়াও
কেন যে আমরা বার বার ভুলিয়া যাই, মোহাবিভূত হইয়া
থাকি, জানি না। হে অন্তরদর্শী দেবতা, তুমি আমাদের সকল
ক্রটি দুর্ভাগ্য জান। হে করুণাময় পিতা, তোমার কৃপা তির
কিছুতেই এই দুর্ভাগ্য হইতে আমরা মুক্ত হইতে পারিতেছি না।
তুমি আমাদের সে কৃষ্ণ ও বল দেও, বাহাতে আমরা সম্পূর্ণরূপে

তোমার অহুগত হইয়াই সংসারে বাস করিতে পারি। তোমার
মঙ্গল ইচ্ছাই আমাদের সকলের জীবনে জয়যুক্ত হউক। তোমার
ইচ্ছাই পূর্ণ হউক।

সম্পাদকীয়।

দোষ ক্ষেত্রের নয়, সাধনেন্দ্র—পূর্ববাবালা
ব্রাহ্মসম্মিলনীর বিগত অধিবেশনে “ব্রাহ্মধর্মসাধন” সম্বন্ধে যে
আলোচনা হয়, তাহাতে ধর্মসাধনের ক্ষেত্র বিষয়ে একটু বিশেষ-
ভাবে তর্ক উপস্থিত হইয়াছিল মনে হয়। ব্রাহ্মধর্ম যে সংসার-
ক্ষেত্রেই সাধন করিতে হইবে, স্বভাবতঃই প্রায় সকলে তাহা
প্রদর্শন করেন। কিন্তু জনৈক বন্ধু একরূপ মত প্রকাশ করেন যে,
সংসারে থাকিয়া ধর্মসাধন হইতেই পারে না। আলোচনার
বিস্তারিত বিবরণ আমরা প্রাপ্ত হই নাই। আমরা অনুমান
করি, তিনি তত্ত্বের দিক হইতে এই মত প্রকাশ করেন নাই।
তিনি যে ধর্ম সম্বন্ধে পূর্বকালের সংকীর্ণ আদর্শ ও ধারণা গোষণ
করেন, তাহা মনে হয় না। বস্তুতঃ কোনও শিক্ষিত
লোকের পক্ষে বর্তমানে সেরূপ করা সম্ভবপর নয়। মতের
নানা বিভিন্নতা সত্ত্বেও, ধর্মটা যে আর জীবনের বিশেষ একটা
অংশের বিষয় নহে, সমগ্র জীবনটাই, সকল চিন্তা ভাব কার্যই,
যে উহার অন্তর্গত, কোনও প্রকার কর্তব্যকে অবহেলা করিয়া
যে পূর্ণাঙ্গ ধর্মসাধন হইতে পারে না, ধর্মের এই বিশালতর
আদর্শ নিশ্চয়ই সকল চিন্তাশীল শিক্ষিত লোকের চিত্তেই
উল্লসিত হইয়াছে। সংসারটা যে সত্যই যাবার খেলা, ইহার
বিবিধ কর্তব্য লক্ষ্যন করিয়া, হৃদয়ের প্রেমকে সমূলে পরিণত
করিয়াও পূর্ণাঙ্গ ধর্মসাধন সম্ভবপর, একরূপ কথা আজকাল আর

কেহ বলেন না। নানা বাধা বিঘ্ন সংগ্রাম ও প্রলোভনের দ্বারা মানুষ কাছাকাছি জীবনে ধর্মকে পরিত্যাগ করিয়া শুধু সংসারেই মজিয়া রহিয়াছে দেখিতে পাইয়াই তাহার মনে করেন, সংসারে থাকিয়া ধর্মসাধন হয় না—সংসার পরিত্যাগ করিয়া বন জঙ্গলে একাকিত্বের মধ্যে, অনেক সংগ্রাম প্রলোভন হইতে মুক্ত হইয়া, চিন্তা ও ধ্যানের অমুকুল অবস্থা পাওয়া যায়, তাহাতে পূর্ণাঙ্গ ধর্মলাভ না হইলেও, অনেকটা ত হয়, একেবারে ধর্মহীনতা অপেক্ষা আংশিক ধর্মও বাঞ্ছনীয়, অথবা অপরাধ পরে নানা উপায়ে পূর্ণ করিয়া লওয়াও কঠিন হইবে না। ইহার মধ্যে যে কোনও সত্যই নাই, একরূপ কথা কেহই বলিতে পারে না। এই সংসার ভগবানেরই ব্যবস্থা। শয়তানের নয়, মানবজীবনের পূর্ণ বিকাশের জন্ত ইহা বিশেষ অমুকুল ও একান্ত আবশ্যিক, ইত্যাদি তত্ত্বজ্ঞের কথা বলিলেই যে ইহাদের সম্যক উত্তর প্রদান করা হয়, তাহা বলা যায় না। তাহার এই তত্ত্ব অস্বীকার করেন, এমনও নহে। ইহা স্বীকার করিয়াও, কাছাকাছি জীবনে যে গুরুতর কাঠিন্য রহিয়াছে, সাধারণতঃ এ বিষয়ে সফলতার দৃষ্টান্ত যে বড় একটা দেখিতে পাওয়া যায় না, নিতান্তই বিরল, একান্ত দুর্লভ বলিলেও চলে,—এই কথাই তাহার বলেন। আমরাও তাহা অনেকটা না দেখিতেছি এমন নহে। ইহার একমাত্র সম্যক উত্তর—যতই কঠিন হউক না কেন, সফলতার দৃষ্টান্ত যতই দুর্লভ হউক না কেন, ইহা যে একান্ত অসম্ভব নয়, সে-কথা আমাদের মধ্যে যে দুই চারিটি দৃষ্টান্ত রহিয়াছে, তাহার দ্বারা প্রমাণিত হইতেছে। কিন্তু এই উত্তরেই যে সকলে সন্তুষ্ট হইবেন, তাহা বলিতে পারি না। কেবলমাত্র শক্তিশালী দুই চারিজনের পক্ষেই ইহা সম্ভব, সাধারণ লোকের পক্ষে নহে, একরূপ আপত্তিও সঙ্গদাই উনিতে পাওয়া যায়। ইহা সম্পূর্ণ যুক্তিসঙ্গত না হইলেও, কথাটাকে একান্ত অসম্ভবও বলা যায় না। আমরা অধিকাংশ লোক যে সত্যই অনেকটা বিফল হইতেছি, তাহা ত অস্বীকার করিবার উপায় নাই। সুতরাং মূল কারণ নির্ণয় করিয়া, তাহা বিদূরিত করিবার যথোচিত উপায় নির্দেশ ও অবলম্বন একান্ত আবশ্যিক।

অবস্থার অমুকুলতা প্রতিকূলতা বিষয়ে বিণেয় কিছু আলোচনা করিবার কোনও প্রয়োজন আছে বলিয়া মনে হয় না। সংসারে ও সন্ন্যাসে উভয়ই অমুকুল ও প্রতিকূল দুইরূপ অবস্থাই রহিয়াছে। পূর্ণাঙ্গ ধর্মসাধনের কথা ছাড়িয়া দিলেও, সংসার পরিত্যাগপূর্বক সন্ন্যাস গ্রহণ করিয়া সকলেই যে আংশিক ধর্মজীবনলাভেও সফল হইয়াছে, সিদ্ধ হইয়াছে, তাহা ত পুরাকালের ও বর্তমানের ইতিহাস প্রমাণ করে না। গৃহীদিগের মধ্যে যেমন ব্যর্থতা, সাংসারিকতা, ঘোর অধঃপতনের দৃষ্টান্ত রহিয়াছে, গৃহত্যাগীদের মধ্যেও যে সেরূপ দেখিতে না পাওয়া যায়, এমন নহে। কাহাদের মধ্যে তুলনায় বেশী দেখা যায়, তাহা অমূল্যমান করিবার কোনও প্রয়োজন নাই। কেন না, সংসার নানাধিক্যে কিছু আসে যায় না। গৃহত্যাগী সন্ন্যাসীকেও যে পতিত হইতে দেখা যায়, ইহাই যথেষ্টরূপে প্রমাণ করিতেছে যে, গৃহ সংসার

ত্যাগ করিলেই নিরাপদ হওয়া যায় না, সাধনে সিদ্ধিলাভ করা যায় না। বলা বাহুল্য যে, প্রকৃত সাধনক্ষেত্রে গৃহ সংসারও নয়, নির্জন গিরি ওহা বন জঙ্গলও নয়—হৃদয়-ক্ষেত্রেই সে স্থান, যেখানে গৃহী ও সন্ন্যাসী উভয়েই ধর্মসাধন করিতে হইবে। এখন আর কেহ ধর্মকে একটা বাহিরের বস্তু, কতকগুলি মত বা আচার অনুষ্ঠান মাত্র, মনে করিতে পারে না। হৃদয় মন চরিত্রের সর্বাঙ্গীণ বিকাশ ব্যতীত যে ধর্ম হইতে পারে না, এ কথা এখন সকলকেই স্বীকার করিতে হইবে। জানে প্রেমে পুণ্যে, কর্তব্যসাধনে, সকল বিষয়ে সম ভাবে, উন্নতির পথে অগ্রসর না হইলে কিছুতেই ধর্মলাভ হইতে পারে না। যেখানে যে অবস্থায়ই মানুষ থাকুক না কেন, ইহা তাহাকে অর্জন করিতেই হইবে, না করিলে কিছুতেই চলিবে না। এ বিষয়ে অবস্থা হইতে সে যেরূপ সাহায্য বা প্রতিবন্ধকতাই প্রাপ্ত হউক না কেন, তাহার সফলতা ও উন্নতি মূলতঃ আপনার সাধন বা চেষ্টা যত্নের উপরই নির্ভর করে, তদভাবে যে অপরিগাধ্যরূপেই বিফলতা ও অবনতি আসিবে, তাহাতে কিছুমাত্র সন্দেহ নাই। কেত্র উর্ধ্বই হউক আর অমূর্ধ্বই হউক, বিনা কষণে কোনটাই প্রয়োজনীয় ফল প্রদান করিবে না। নিপুণ কৃষক উষর ভূমি হইতেও প্রচুর ফসল উৎপন্ন করে, আর অপরে অতি উর্ধ্ব জমিতেও বিশেষ কিছু করিতে পারে না। মানবজীবন সম্বন্ধেও ইহাই দেখিতে পাওয়া যায়। জাই ভক্ত সাধক দুঃখ কারয়া গাহিয়াছেন, “মনরে, কৃষিকাজ জান না, এমন মানবজমি রইল পতিত, আবাদ করলে ফলত সোণা।”

কৃষকের পক্ষে যেমন শুধু চেষ্টা যত্ন শ্রম ও অমুরাগ থাকিলেই যথেষ্ট হইল না—এ সকল অপরিহার্যরূপে আবশ্যিক হইলেও, তদতিরিক্ত আরও কিছু চাই, প্রকৃষ্ট কৃষিপ্রণালীও একান্ত প্রয়োজনীয়,—তেমনি সাধকের পক্ষেও অমুরাগ ব্যাকুলতা, কষ্টসহিষ্ণুতা, শ্রমশীলতা, সাধননিষ্ঠা প্রভৃতি ব্যতীত সাধনের যথোচিত প্রণালী অবলম্বন ও অনুসরণ করা একান্তই আবশ্যিক, তাহা না করিলে সিদ্ধিলাভের কোনই সম্ভাবনা নাই, ব্যর্থতা স্থনিশ্চিত। সাধারণতঃ ধর্মসাধনের প্রণালী বলিতে যাহা বুঝায়, অল্প সে বিষয়ে কোনও আলোচনা উপস্থিত করা আমাদের উদ্দেশ্য নহে। সংসারে ধর্মসাধনের প্রকৃষ্ট প্রণালী কি, সাংসারিকতা হইতে মুক্ত হইয়া কি প্রকারে সংসারে বাস করা যায়, সংসার ধর্মসাধনের সর্বাঙ্গীণ অমুকুল ক্ষেত্র হইলেও, সংসারের বাহিরে পূর্ণাঙ্গ ধর্মসাধন কিছুতেই হইতে পারে না মনে করিয়াও, কি কারণে আমরা অধিকাংশ লোক সিদ্ধিলাভে একরূপ ব্যর্থকাম হইতেছি, উন্নত ধর্ম হইতে বিচ্যুত হইয়া ক্ষুদ্র সাংসারিক জীবনই বাপন করিতেছি, কল্যাণভ্রষ্ট হইয়া অকল্যাণের পথেই ধাবিত হইতেছি, সে সম্বন্ধেই আমরা একটু আলোচনা করিতে ইচ্ছা করি।

সংসারে থাকিয়া ধর্মসাধন করিবার প্রকৃষ্ট প্রণালী কি, সংসারকে কি চক্ষে দেখিতে হইবে, কি ভাবে গ্রহণ করিতে হইবে, কিরূপে সংসারে বাস করিতে হইবে, সে বিষয়ে আমাদের যথোচিত জ্ঞানের যে কোনও অভাব আছে, তাহা আমরা মনে

করি না। এ বিষয়ে অতি উচ্চ তত্ত্ব ও আদর্শই আমরা লাভ করিয়াছি। সে তত্ত্ব কাহারও অজ্ঞাত নহে, তাহার মধ্যে শুধু কিছুই নাই। সমস্ত জানিয়াও আমরা কাষাতঃ তাহা অবলম্বন করি না, সে প্রণালীতে সাংসারিক জীবন যাপন করিতে বা সংসারে বাস করিতে কোনও চেষ্টা করি না বলিয়াই যে এরূপ ঘটিতেছে, অল্প একটু চিন্তা ও পরীক্ষা করিলেই তাহা সহজে বুঝিতে পারা যায়। আমরা কথায় বলি ও মতে বিশ্বাস করি, এ সংসারের যাহা কিছু—ধন জন সম্পদ, স্ত্রী পুত্র পরিবার, আত্মীয় স্বজন বন্ধু বান্ধব, অর্থ বিত্ত মান প্রতিপত্তি,—সমস্তই ভগবানের দান। আমাদের সাহায্য ও ভোগের জন্তই তিনি আমাদেরকে এই সমস্ত দিয়াছেন। তাঁহার স্নেহের দানরূপে কৃতজ্ঞচিত্তে এই সমুদয় ভোগ করিয়া তাঁহার সহিত প্রেমে যুক্ত হইতে হইবে। কিন্তু আমরা যখন এ সকল ভোগ করি, তখন কি সে কথা আমাদের স্মরণে থাকে? আমরা কি সেজন্ত তাঁহার নিকট কোনও প্রকার কৃতজ্ঞতা অঙ্গুভব করি? অথবা, তাঁহার স্নেহ প্রেমের এত নিদর্শন দেখিয়া তাঁহার দিকে আকৃষ্ট হই, প্রেমে ভক্তিতে তাঁহার সঙ্গ যুক্ত হই? তাহা করিলে যে এই ভোগ পরম কল্যাণেরই কারণ হইত, ধর্মজীবনবিকাশের বিশেষ সহায়ই হইত, সে বিষয়ে কি কোনও সন্দেহ আছে? প্রকৃত পক্ষে যে আমরা তাঁহার কথা ভুলিয়াই, শুধু ক্ষুদ্র বাসনা কামনার দ্বারা চালিত হইয়াই, এই সমস্ত ভোগ করি, তাহা ত আমাদেরকে স্বীকার করিতেই হইবে। তাহার ফলে যে আমরা অশান্তস্বামী রূপেই তাঁহা হইতে বিচ্যুত হইব, মোহগ্রস্ত হইয়া সংসারসর্কণ হইব, এ সমস্তের মধ্যেই ডুবিয়া থাকিব, কল্যাণ-লাভে ও ধর্মজীবনের উন্নতি ও বিকাশসাধনে অসমর্থ হইব, তাহা বোধ হয় কাহাকেও বিস্তারিত ভাবে বুঝাইতে হইবে না,— সে কথা অতি সহজেই বুঝিতে পারা যায়।

আমরা জানি ও বলি, জীবনবিধাতাই আমাদের জন্ত সংসারের নানা কর্তব্য নির্দেশ করিয়া দিয়াছেন, বিশেষভাবে গৃহ পরিবারের ও জগতের সেবা আমাদেরকে নিযুক্ত করিয়াছেন। তাহাতেই আমাদের উন্নতি ও বিকাশ সাধিত হয়। কিন্তু আমরা যে সে সকল কার্যে দিবারাত্রি অক্লান্তভাবে পরিশ্রম করিয়া জীবন কয় করি, তাহা কি ইহা স্মরণে রাখিয়া, জীবনদেবতার আজ্ঞাধীন হইয়া করি, না, ইহাদের মায়ায় মুগ্ধ হইয়া, অথবা পদমানের জন্ত, তাঁহাকে এবং জীবনের উচ্চ আদর্শ ও লক্ষ্যকে সম্পূর্ণরূপে ভুলিয়াই করিয়া বাই? যথার্থই যে আমরা নিতান্ত মোহগ্রস্ত হইয়াই, তাঁহা হইতে বিচ্যুত হইয়াই, নানা ক্ষুদ্র মলিন লক্ষ্য লইয়াই, বিবিধ প্রকার বাসনা কামনার বশেই, সংসারের সব কাজ করিয়া থাকি, তাহার মধ্যে অপর কোনও উচ্চত্তর ও মহত্তর লক্ষ্যই থাকে না, তাঁহার প্রীত্যর্থে অনাসক্ত ভাবে কিছু করি না, সে কথা স্বীকার করিবার উপায় নাই। এবং এই হেতু যে ধর্মসাধনের অঙ্গরূপে সংসার করা একটা কথার কথা হইয়া যায়, অনেক সময় আমরা কর্তব্যের নামে অনেক অকর্তব্যও করি, অজ্ঞান কর্তব্যে নিযুক্ত হই, সময় সময় কেহ কেহ গভীর পাপে ডুবিতোও ক্ষান্ত হই না, তাহাও একটু অঙ্গসন্ধান করিলেই

দেখিতে পাওয়া যাইবে। ইহার ফলও যে পূর্ববৎই হইবে, শুধু সাংসারিকতাই বৃদ্ধি পাইবে, এবং অপর পক্ষে ভগবানের আজ্ঞাধীন হইয়া, কর্তব্যজ্ঞানে সকল কার্য করিলে, তাহা হইতে যে অশেষ কল্যাণ প্রসূত হইতে পারে, পূর্ণাঙ্গ উন্নত ধর্মজীবন গড়িয়া উঠিতে পারে, সে কথা বিস্তারিত ভাবে আলোচনা করিবার কোনও প্রয়োজন নাই—কাহারই তাহা বুঝিয়া লওয়া কঠিন হইবে না।

আরও একটা দৃষ্টান্ত গ্রহণ করা যাউক। আমরা যে নূতন তত্ত্ব লাভ করিয়াছি, তাহার বলে আমরা উচ্চতরে ও দৃঢ়তার সহিত ঘোষণা করি যে, জগতের বাবতীয় দুঃখ শোক সংগ্রাম বিপদও মঙ্গলময় বিধাতারই অতি প্রয়োজনীয় কল্যাণকর ব্যবস্থা। ইহা ব্যতীত জীবন পূর্ণ বিকাশ লাভ করিতে পারে না, সুন্দর ও সুদৃঢ় হয় না। এ কথা যে কত সত্য এবং দুঃখ তাপ সম্বন্ধে পূর্বকালের ধারণা যে কত ভ্রান্ত, তাহা আর বিশেষ করিয়া বলিবার প্রয়োজন নাই। কিন্তু আমরা কি কাষাতঃ এ সকলকে সকল সময় মঙ্গলময় বিধাতারই প্রেমের দান বলিয়া গ্রহণ করিয়া থাকি? অভিযোগ না করিয়া, বিদ্রোহী না হইয়া, অবনত মস্তকে কৃতজ্ঞচিত্তে সমস্ত গ্রহণ করিতে পারি? তাহা করিতে পারিলে যে জীবন কিরূপ সুন্দর মধুর ও সতেজ হইয়া উঠে, অহঙ্কার অর্থাপরতা নিশ্চেষ্টতা হইতে মুক্ত হইয়া, ত্যাগে বিনয়ে উদামশীলতায়, প্রেমে ও নিঃস্বার্থপরতায়, মহৎ ও পবিত্র হইয়া উঠে, তাহা আর কাহাকেও বলিতে হইবে না। তখন দুঃখ ক্লেশ, শোক তাপ, বিপদ সংগ্রাম যে ভারবহ না হইয়া আনন্দ রূপেই পরিণত হয়, তাহাও বিশেষ করিয়া বলা অনাবশ্যক। এই ভাবে গ্রহণ করিতে পারি না বলিয়াই আমরা মিথ্যা ভয়ের চাপে পিষ্ট হইয়া যাই, অনেকে সময় সময় অবিশ্বাসী নাস্তিকও হইয়া পড়ি। স্থির ভাবে চিন্তা করিয়া দেখিলে দেখিতে পাওয়া যায়, আমাদের বহন কবিবার শক্তির অতীত কোনও চাপই কখনও আমাদের মস্তকে পতিত হয় না, তিনি আমাদের পরিত্যাগ করিয়া এক মুহূর্তের অশ্রুও দূরে চলিয়া যান না, সাহায্য করিবার জন্ত সর্বদাই নিকটে রহিয়াছেন। সুতরাং ইহাতে বিশ্বাসকে সুদৃঢ় প্রতিষ্ঠিত করিবারই বিশেষ সহায়তা হয়। অনন্তগতি হইয়া তাঁহার শরণাপন্ন হওয়ার এমন সুযোগও আর কোনও অবস্থায় পাওয়া যায় না। আমরা তাহা করি না বলিয়াই ভয়ে কাতর হই, ও সে মহা সুযোগ হারাই—কল্যাণের পরিবর্তে অকল্যাণ প্রাপ্ত হই, উন্নতি ও বিনাশের পরিবর্তে অবনতির পথে চলি।

এই সমস্ত হইতে সম্পষ্টই দেখিতে পাওয়া যাইতেছে যে, আমাদের সাধনের ক্রটি বশতঃই, আমাদের মত ও আদর্শ অল্পসারে যে-ভাবে সংসারে বাস করিতে হয়, আমরা কাষাতঃ তাহা করি না বলিয়াই, সংসারক্ষেত্রে আমাদের ধর্মজীবনের পরম সহায় হইয়াও প্রকারান্তরে অনিষ্টের কারণ হইয়া উঠে। আমাদের সকলের দৃষ্টি এই দিকে আকৃষ্ট হউক; আমরা ঠিক ভাবে সাংসারিক জীবন যাপন করিয়া, সংসার-ক্ষেত্রে সাধনক্ষেত্ররূপে ব্যবহার করিয়া, সংসারকে ধর্মগর্ভামে পরিণত

করিয়া, ধন ও কৃতার্থ হই। মঙ্গলময় জীবনবিধাতা আমাদেরিগকে
সে বুদ্ধি ও বল প্রদান করুন। তাঁহার মঙ্গল ইচ্ছাই সকলের
জীবনে অমমুক্ত হউক।

অমর কথা (২৭)

শুকতার জয়

চ'লে যবে যাই, গাহি' অমর জয়,
সমাধি-মৌন-মহিমাপুরে,
থামিবে সেদিন মোহ পরমাদ,—
বিধাতার দান অসীম সুরে।
যত নিন্দা মানি, যত অভিশাপ,
আজ খেমে গেল মরণ-গানে,
উঠিছে বাজিয়া বিজয়ের ভেরী,
ছুটে চলি নব জীবনের পানে।
খামিল রিপূর যতেক পীড়ন,
খামিলরে আজ যতেক দহন,
দেবতা ডেকেছে মধুর লগনে,—
মরণ-বুকেতে পরম শরণ।
অসীম মুক্তি দেহের লীলাতে,
ছাই হ'য়ে আজ রয়েছে চাহি',
রূপ কোথা আগে অরূপ বীণাতে,—
অভর নামটী উঠিছে গাহি'।
আনন্দে গায় জাগায়ে লহরী,
বিশ্ব ভুবনে তাঁহারি জয়,
জয়গানে ওড়ে বিজয়-কেতন,—
ধন যে আমি হে দয়াময়।
বিজয়-মাল্য হাসে বুকতে,
মিটে গেল তাই দীনতার খেদ;
তাঁহারি মহানু ইচ্ছামাঝারে
উঠিছে ফুটিয়া জীবন-বেদ।
তাই সেই আমি যতেক বেদনা,
রিক্ত কাতর দহন-আলা,
তাই বই বুক শতেক আঘাত,—
আকুল কাদন, বিরহ-পালা।
যে জন গড়েছে ধরণীর বুক
নিতি নব নব প্রেমের বাণা,
সে কি দেবে টেলে মরণ-পাথারে
যত আকাঙ্ক্ষা, যা কিছু আশা ?
উদাস পরাণী, অনিমেব আধি,
জেগে বসে আছি হরষ-পুরে;
তাও কিগো তুল, হুদিন খেলাতে
সব শেষ হবে ভাঙ্গন সুরে ?
যেদিন মাহুয সত্য পূজারীর শাস্ত মঙ্গলস্বরূপ বুকতে না

পেরে তাঁর যোগসুখ দেহখানিকে শত কণ্টকাঘাতে কত বিকৃত
ক'রে, কাঁটার মালা গলায় দিয়ে, নরকের দৃশ্য রচনা কোরল
সংসারে, আর রক্তাত হ'য়েও যেদিন ভক্ত হাতে হাতে কুমার
মঙ্গল-মহিমায় সকলের অঙ্গ কল্যাণ-প্রার্থনার তিতরে দেহমুক্ত
হ'য়ে গেলেন, সেদিনই মানবের প্রায়শ্চিত্ত আরম্ভ হোল।
তখন কণিকহুখলিঙ্গু অত্যাচারী জনের বুক ভয় ও
বিভীষিকার অকুটীভঙ্গিমা আকুল করিয়া তুলিল। সেদিন
দেবতার সম্মান, দেবতার পূজার অঙ্গ, শত শত জন অশ্রুজলে
আকুল হ'য়ে বিজন কোণে লুকোতে চাইল। তখন তাঁর
বেদনার ভিতর কত সন্দেহকুহেলী জ'মে উঠল। তখন মনে
করে মাহুয সত্যের এত লাঞ্ছনা কেন? কেন ভগবান তাঁহার
সন্তানকে বিশ্বের কাছে এমনি কোরে পীড়িত করেন? বিধাতা
কি নেই তবে? একজন জায়বান পুরুষ যদি থাকেন, তবে কেন
তাঁর সত্য পূজারীর এ অপমান, পীড়ন? তবে কেন নির্দোষীর
এই অসহনীয় তাপ ও লাঞ্ছনা? যদি এমনি ক'রে ভগবন্তেরও
রক্তাক্ত হ'য়ে ফিরতে হয় সংসারে, তবে কোথায় বিধাতা,
কোথায় সত্য বিচার?

এমনি সঙ্কম-অন্ধকারের ভিতর ও কি কথা শুনি সব?
ঐ দেখ থাকে লাহিত করেচ, কাঁটার মুকুট পরিয়েছ, আজ তিনি
মৃত্যুকে জয় ক'রে জাগ্রত হ'য়ে এসেছেন। এমনতর আশার
কথায় সকলের বুক আনন্দে উৎফুল্ল হ'য়ে উঠল। ও কি দেখল,
তখন বোলে উঠল সব, এ কি জয়গৌরব, এ কি উজ্জল শোভন
সুন্দর ভাগবতী তম্বু! ওগো ভক্ত, ওগো দেবতা, কে তুমি?
বুকেছি শুকতারই জয়, পুণ্যেরই

অধ্যাত্মজগতে শুকতা কা'কে বলে? এক কথায় এ যে
একেবারে সুনির্মল! এখানে বিন্দুমাত্র লুকোচুরি নেই,
একেবারে সরল সুন্দর সত্য স্বরূপ। তাইত মনখানিও পুণ্য-
মহিমায় পুণ্যময়। এখানে কোন উত্তেজনা নাই, কোন পরাজয়ের
কথাই নেই। তাইত যখন জীবাত্মা শুক মুক্ত হ'য়ে চলেন,
থাকে দৈহিকতা ঐহিকতা স্পর্শ ক'রতে পারুল না, যিনি
দেবতাবের ভিতরই দেবমহিমায় মহিমাম্বিত হ'য়েই গেলেন, সে যে
একেবারে সুনির্মল, সুন্দর। সে দেব আত্মার অঙ্গ পরমকল্যাণ
অবশ্রুতাবী। ইনি যে দিনের পর দিন পরিপূর্ণতার দিকেই
চলেছেন, এ শুকতা যে অবিনাশী—অমর অমর। কেবল
পঞ্চকুতের দেহ যা থেকে জন্মালো তাতেই পরিণত হোল।

হী বিদেহী সকলের কাছেই এ কথা সত্য, এ যে অখণ্ড নিয়ম
জগতের, যা কিছু আমার ইঞ্জিয়জ্ঞানপ্রসূত সবইত পঞ্চকুত-
জাত। যেই একটীর সঙ্গে একটীর সম্বন্ধ, তখনই তাঁর সে
পূরসত্তা বিকৃত। আবার যেই সম্বন্ধ অণুপরমাণুর বিশেষণ,
তখনই আবার তাঁর সেই পূর্ব সত্তা পরিণতি। শুক কাঞ্চনেরই ত
মূল্য সংসারে। তাঁর সে উজ্জল সত্তা শত অগ্নিদাহনেও
পরিবর্তিত হয় না। অলিত কাঠখণ্ডের অবশিষ্ট ভস্মরাশি ত
আবার কাঠেই পরিণত হয় না, অখণ্ড সোণাকে যতই আগুনে
দহ কর, ততই তাঁর অখণ্ড উজ্জল স্বরূপ। তেমমিতর শুকবনা
মানবজীবন যতই সংসারের দুঃখ তাপে দহ হয়, ততই মনখানি

তার ঐহিক ধন মান ভোগ বা কিছুর ভিতর তিনি অভিভূত থাকেন, সব কিছু পু'ড়ে ছাই হ'য়ে যায়, অথচ তার হুনির্মল হৃদয় শুদ্ধ স্বরূপ সত্য উজ্জল মহিমার মহিমাযুক্ত হ'য়ে ওঠে।

সকল সংগ্রাম জয়গৌরব শুদ্ধতার ভিতরই। যুগে যুগে সকল ইতিহাস এ কথাই সাক্ষ্য দিয়ে যাচ্ছে। সেই আদিম যুগে যখন মানুষ সত্য বোঝে নি, কত অসত্যের পথেই চলেছে! অথচ যতই সত্যের বিকাশ, ততই অসত্যের তিরোধান। কোন ভুলই, কোন অসত্যই, স্থায়ী নয়; অথচ যা সত্য তার অবিনাশী মঙ্গলধারা কেমন যুগের পর যুগ প্রকাশিত হ'য়ে আসছে! যেমন মেঘের অন্তরালের ভিতর দিয়েই সূর্যের মহিমা প্রকাশ, তেমনি অসত্য-মেঘাবরণের ভিতর দিয়েই সত্যসূর্যের বিমল জ্যোতি। অথচ মেঘমালা সূর্য হ'তে সম্পূর্ণ স্বতন্ত্র, তেমনি অসত্য-পুঞ্জেরও সত্য হোতে তার সম্পূর্ণ স্বতন্ত্র স্বরূপ। যন অসত্য-অন্ধকার মোচন ক'রেই সত্যের উজ্জলতর আনন্দপ্রকাশ। মানুষের ঘোর অত্যাচারে দুর্ভাগ্য ভীত জন হয়ত সত্যের মহিমা প্রকাশ ক'রতে কুণ্ঠিত হোল, কিন্তু যে সত্য সাধু পুত্রারী সে ত ভীত হোল না, সে ত শত অগ্নিদাহনের ভিতরই সত্য বাণী জলদগন্তীর স্বরে ঘোষণা ক'রে গেল, সে ত যত্নকে ভয় পেল না! চিন্তাভ্রমে তার আত্মা মুক্ত, সে ত মানুষের অসত্য অসাধু ভাবকে চিরদিন ঘৃণা ক'রেই গেল! তাই শত যত্ন-পীড়ন নিষ্পেষণের ভিতরও সত্যের অবিনাশী তেজ চিরদিন জয়গৌরব লাভ করেছে।

যা শুদ্ধ তা-ই সত্য, তাই মঙ্গল। জগৎ তার সাক্ষী, যা কিছু মঙ্গল তার ফলও কল্যাণপ্রদ। যা সত্য তা-ই মঙ্গল, তাই আত্মবীণায় প্রকৃতির বৃক মঙ্গলস্বরে সত্যমঙ্গল গান বেজে উঠে। বা অমঙ্গল তার জগতের বৃক ধ্বংস কোথায়? কত সময় হয়ত আপাত জয়ের মুকুট পরিধান ক'রে অসত্যের ভিতরই মানুষ কত গর্বে, কত দর্পে, চ'লে যায় কত নির্দোষীর বৃক পদদলিত ক'রেই! আবার, কত সময় কত সত্যসেবকের কত লাঞ্ছনা, কত গঞ্জনা! কত বেদনার তীব্র আঘাতেই তার পরম পুরস্কার হোল সংসারে, কত ভক্তপ্রাণকে অগ্নিদাহনে দগ্ধ কোরল! কিন্তু দেখতে দেখতে এ কি হোল তার শেষ পরিণতি? আশু-দহনের ভিতরই, সেই জলন্ত শ্মশানের বৃকতেই, আবার কেমন সত্য জল জল ক'রে জ'লে ওঠে!

তাই যিশুর রক্তপাতে আজ লক্ষ শ্রীণ তার প্রারম্ভিত ক'রছে, কত রাজমুকুট আজ সে চরণ পূজা ক'রছে! তাইত ধার্মিক ও জ্ঞানীর পূজা সর্বত্র সর্বকালে। যদিও হয়ত তাঁরা ইহজগতে তেমন স্বথ স্বচ্ছন্দ সম্মান পেলেন না, তবুও সত্যতাই জয়। সাধুতার পূজা মানুষ চিরদিনই কোরছে। এমনি ক'রে দুঃখ বেদনার ভিতর যিনি সত্যের পূজা ক'রে গেলেন, তাঁর সকল দুঃখের সার্থকতাও ঐখানেই—সত্যতাই সকল পরীক্ষার পুরস্কার। সকল অবিচার নিন্দা কলকে তাঁর ভয় নেই। তিনি যে সত্যসেবক হ'য়ে সাধু ইচ্ছা, ভগবদীচ্ছা, পালন ক'রে গেলেন, এতেই ত আনন্দ। কি হবে তাঁর লোকে নিন্দা লাঞ্ছনা? তাঁরা জগতে প্রতীকিত হ'লেও খাণ্ডপ্রভাবিত হ'য় না, তাঁদের বিবেক উজ্জল,

শুদ্ধ জ্যোতির্মণ্ডিত স্বরূপ, তাই ত শত অপমানের দৈন্তের ভিতরও শুদ্ধতার জয়।

এমনি করিয়া ভগবন্তের অসীম বিশ্বাসে শুদ্ধ স্বরূপ যখন মানুষ মনে করে, তখন সেও তার দুঃখল জীবনেও আশা ও আনন্দে উৎফুল্ল হয়, সত্য পথে চলতে সাহসী হয়। তখন সত্যের জন্ত ভগবানের মুখের দিকে তাকিয়েই এমন দুঃখ নাই যা সহ্য করিতে পারেন না, এমন ত্যাগ নাই যাহা ছাড়িতে পারেন না।

ধন্য সে সত্য পুত্রারী, ধন্য তাঁর সে দেব স্বরূপ। মানবের হৃদ্যে এক আলো জ্বলে নিয়ে তাঁরা এলেন, সত্যের পথে মঙ্গলের এক মাঠে বাণী শোনালেন! তাই ত আশার কথা, তাই ত সত্যতার জয়, শুদ্ধতার জয়।

যুগে যুগে যত সত্য পুত্রারী আহন, আমাদের সত্য দীক্ষায় সহায় হউন। আমার দুঃখ দৈন্তে, নিঃসঙ্গ যাত্রাপথে, বল দিন, আমার জীবনসংগ্রামে আশার আলো জ্বলে নিয়ে আহন, বলুন ভাল করিয়া শুদ্ধতার, সত্যতার, জয় হবেই হবে। অশুদ্ধতারই বিনাশ—তাইত বলেছেন সত্যসেবকদল, ওগো দুঃখী তাপী যা কিছু অপবিত্রতা সব কিছু হইতে সরিয়া দাঁড়াও, ঐ শোন ভগবদ্বাণী, ঐ দেখ প্রকৃতির বৃক সত্য আলো, ঐ দেখ মানব-জীবনের সকল উত্থান পতনে সত্যেরই জয়, শুদ্ধতারই জয়।

ওগো শুদ্ধ হও, সত্য হও, ক্ষণিক ইন্দ্রিয়স্বথ হইল না বলিয়া আর ক্ষোভ করিও না। সংসারে সম্মান পাইলে না বলিয়া আর মুহমান কেন? যা সৎ, যা ধর্ম, তাহাই করিয়া যাও, কোন কিছুর প্রতিদান আশা করিও না। যদি স্বথের আশা কর, তাহা হইলে তোমার হুনির্মল শুদ্ধ জীবনলাভ হইল না। সকল দুঃখ ভুলিয়া যাও; ওরে অবোধ মন, ভালবাসা পাবে বলিয়া কাহাকেও ভালবাসিও না। তোমার সর্বস্বদান ব্যর্থ হইল বলিয়া আর কেন ক্লিষ্ট হও? কেবল সত্য পথে চল, বিবেকের শুদ্ধ স্বরূপের ভিতর আগিয়া থাক, তবেই ত তোমার সকল দৈন্ত দূরে যাবে, তবেই ত অগ্নি-শুদ্ধ উজ্জল কাঞ্চনজ্যোতিলাভ হবে।

ভক্ত প্রেমিক বলিয়া গেলেন, যে তোমাকে দুঃখ দিলেন তাকেই স্নেহালিননদান কর, অভাবগ্রস্তের অভাব যতটুকু পার দুঃখ কর। কে তোমায় দুঃখ দিয়েছে, তাই বলিয়া তুমি তার হৃদ্যে বিমুখ হইও না; ওগো, প্রতিশোধ লইতে হইবে বলিয়া কাণকেও রোগে শোকে গর্বে দর্পে ফিরিয়া দাঁড়াইও না। এমনি করিয়া নির্বিচারে যদি সত্যব্রত পালন করিতে পার, তবে আর তোমার দুঃখ কোথায়? তখন প্রতি কর্মসাধনার কি শুভ সাধুরীজ্যোতি, সৌন্দর্য! তখনই তোমার মঙ্গললোকে শুভযাত্রা। তাইত রক্তাক্ত হইয়াও শুদ্ধতার সাধনা। যে হারিয়া গেল, তার যে সবই ব্যর্থতার দৈন্তে দীন হীন। যে ভগবদ্ব-বলে বলীয়ান হইয়া সংগ্রাম করিতে পারিল না, সংসারে সে দুঃখ দৈন্তের স্বরূপ জন্ম বিধব হইয়া বিনাশের পথে ছুটিয়া ত যাবেই।

সকল মানুষই মানুষের মনের দুঃখ ও বিবেকের সত্য

সন্মান করে। যে অতি বড় দুর্জন; সেও সত্যনিষ্ঠ শত্রু ভক্তের
আজীবন সত্যত্রতপালন যখন দেখে, তখন সেও চমকে ওঠে।
যে মানুষ সংশয়-দোলায় এ-দিক ও-দিক ফেরে,—আজ সত্যের
পথে চলতে, কাল আবার অসত্যের পথে, আজ ধর্মপালন ক'রছে
কাল অধর্মের পথে ছুটেছে—এমন মানুষ কি করিয়া মানুষের
স্বভাবভক্তি লাভ করিবে? তাদের জীবন ত তেমন শুদ্ধতার
স্বপ্রতিষ্ঠিত নয়! হায়! হায়! অভাগা মানুষ পারিল না তার
কণিক লালসার উর্কে উঠিতে, তাই সংশয়-দোলায় ফুলে ফুলেই—
একবার সুপথে আবার বিপথে, এমনি ভাবেই—দিন কেটে যায়।
তাইত হইল না শুভ সাধনা, হইল না শুদ্ধ জীবনলাভ।

মনে রেখ সুনির্মল সত্য পুণ্যময় জীবনেরই জয় সংসারে।
মনে রেখ শুদ্ধজীবন, মনে রেখ ভগবৎপ্রেম, জানে গভীরতা,
প্রেমে বিশালতা, মনে রেখ সন্ন্যস্ত্যাগ, মনে রেখ কঠোর সংযম,
মনে রেখ দৃঢ় নিষ্ঠা, সত্যসাধনা। সুদিনে যখন আনন্দকানন
হেসে ওঠে চারিদিকে, তখনও তোমার শক্তির পরিচয় হয় না;
কিন্তু যেদিন ঝড় ঝপা নেমে আসে, যেদিন অন্ধকার, সেদিনই
সত্য পরীক্ষা, সেদিনই ধর্মের অগ্নি-দীক্ষা।

সেই ঘন অন্ধকারে যিনি বিশ্বমঙ্গল-দেবতাকে ধ্রুবতারার
করিয়া চোটেন, অন্ধকারেও তিনি ত পথ হারাবেন না—তাঁর
গম্য পথে ছুটে যাবেনই যাবেন। যিনি সঙ্কল্প করেছেন বাক্যে
মনে ব্যবহারে সত্য হবেন, নির্মল হবেন, তখনই তাঁর সংগ্রাম-
সাজ। যদি সত্যসাধনে সে বীরত্ব ও ধীরত্ব না থাকে, তবে
কেমন ক'রে উন্নতির পথে অগ্রসর হবে? যে মানুষ সত্য হবে
মনে করে, তার সকল প্রকার নিন্দা উপহাস উপেক্ষা করিতে
প্রস্তুত হইতে হবে, তখন জগতের নিন্দা প্রশংসার অতীত হইতে
হইবে, তখন সকল স্বার্থসম্বোগ বলিদান দিতে হবে, তখন সকল
ভোগের পিপাসা ভুলতে হবে, তখন সকল মানুষের অভিলাষ,
সকল মানুষের ঘাত প্রতিঘাত, বুক পেতে নিতেই হবে, তখন
সকল দুঃখ মাথার ভূষণ ক'রতে হবে। তবেইত সকল দুঃখের
পুরস্কার হবে পুণ্যসম্বোগে। যদি আজীবন সত্য পূজারী হ'য়ে
চলতে পার, যদি শুদ্ধ শ্রীতি ভক্তিতে নম্র ও নিষ্ঠাসাধনে যত্নবান
হও, যদি শেষ মুহূর্ত পর্যন্ত সত্যের জয়গান গাইতে পার, যদি
সকল উদ্বেগনা জয় ক'রতে পার, তাহা হইলে আর ভয় নাই।
মঙ্গলময় শুদ্ধ হৃদয়, চির সত্য, ধ্রুব সত্য। তিনিই বরণীয়,
ভজনীয়, তবে কেন দুঃখ সংসারে দৈন্তপীড়নে? আনুক দুঃখ
বেদনা, ভয় নাই, দেবতা আছেন সঙ্গে, পুণ্যময় চির নবীন
হৃদয়।

এক এক সময় ঘন ঝপা ঝাপটে পথ খুঁজে পাই না, তবু বৃকে
বল চাই। আছেন হৃদয়ের দেবতা হৃদয়ে, সে অন্ধকারেও ওঠে,
আগ্রত হও; আছেন আগ্রত ভগবান চির সঙ্গী, চির বন্ধু, তাঁকেই
বৃকে চেপে ধর। পরাভিত, তবুও ভেঙে পড়িব না, হারাবো না
পথের সঞ্চল। সকল প্রশংসা গৌরব হইতে বঞ্চিত হোলাম, তবুও
ভয় নাই। সংসারে দুদিনের প্রশংসা ধন জনসাতে কি হবে? অথচ এ
কি দেব-আশীর্বাদ ক্ষুদ্র মানবজীবনে! সব হারালাম, তবু
অমৃতলাভে ত বঞ্চিত হোলাম না! তাই বলি, বৈধা ধর,

বিশ্বাসীর মত সত্যের পথে, সত্যের পথে, এগিয়ে চল। যা
পার্থিব, তা ত দেহের সঙ্গেই ধূলিসাৎ হবে। শেষ মুহূর্ত পর্যন্ত
অপেক্ষা কর, সত্য কখনও বিনষ্ট হবে না। ওগো সত্য পূজারি!
তুমি হয়ত হেরে যেতে পার জীবনসংগ্রামে, কিন্তু সত্য কখনও
হারাবে না। সত্যের জয় হবেই হবে। তাইত ভক্ত প্রাণস্ব
মৃত্যুর ভিতরই অমৃত হ'য়ে এসেছেন। তাইত তাঁদের বদন-
কমলে স্বর্গের আনন্দনিভা। তাইত তাঁদের মঙ্গলসমাধি
পুণ্যের বিজয়মহিমা কীর্তন করে। তাইত মানবজীবনে সকল
দুঃখ তাপের ভিতরই দেবপূজা, সত্যসাধনা, পুণ্য তপস্বা।

ভাবুক আমার আত্মীয় স্বজন, বন্ধু বান্ধব, প্রতিবাসী আমাকে
ক্ষুদ্র দীন হীন, ভাবুক আমার পাখিব গৌরবহীন, সুখ-আনন্দ-
বঞ্চিত দুর্ভাগ্য জীবন, তবু সত্য পথে চল, নীরবে পুণ্যসঞ্চয় কর,
কান্নের কিছু এসে যাবে না। সত্যের বীজাণু, পুণ্যের বীজাণু,
কখনও ধ্বংস হবে না। একদিন জগতের বৃকে তার অখণ্ড শক্তি
জাগ্রত হবেই হবে। তোমার আমার উত্থান পতনে কার কি
এসে যায়? কান্নের কিছু এসে যাবে না। কিন্তু তুমি-আমাদের
ব্যক্তিগত জীবন যে বড় দীন হীন হ'য়ে যাবে, ছোট হ'য়ে যাবে,
আত্মগৃহে যদি না পার সত্য পথে চলতে। তাই বলি, বলীমান
হও, সংগ্রামসাজে সজ্জিত হও, সত্যসাধনে, শুদ্ধতার আলোকে
জীবাশ্মার নব জ্যোতিলাভ হউক। সকল দুঃখ বন্ধন পরীক্ষা
সার্থক হউক, ধন হউক এ ক্রন্দন। ধন হউক এ নীরস প্রতীক্ষা,
কঠোর প্রতীক্ষা—সত্যের জয়, পুণ্যের জয়, ধর্মের জয়। তাই
বলি, ওগো শুদ্ধ হৃদয়, পবিত্র কর, নির্মল কর, উজ্জল কর। দাও
হৃদয়ে মে ব্রহ্মবল, ব্রহ্মতেজ—সকল কিছুর অতীত হ'য়ে যাই।
সকল বাধা বিঘ্ন অগ্রাহ্য ক'রে ছুটে চলি শুদ্ধ সুনির্মল লোকে।
আমার বৃকের ঘরেই সকল কিছুর ভিতর পুরস্কার। বৃকে হাত
দিয়ে যেন বোলতে পারি, ওগো শুদ্ধ হৃদয় হৃদয়মণি, এ হৃদয়ে
বাস কর—এ যে দেবতার আসন, শুদ্ধ উজ্জল জ্যোতি-উদ্ভাসিত
হৃদয়। আর কি চাই? এ শুদ্ধতারই জয় হউক।

গীতা — প্রতিবাদ ও উত্তর প্রেরিত পত্র

প্রকাশ্যদ

শ্রীযুক্ত তত্ত্ব-কৌমুদী সম্পাদক মহাশয় সমীপেষু
মহাশয়,

অনুগ্রহ পূর্বক বর্তমান সংখ্যা তত্ত্ব-কৌমুদীতে এই চিঠিখানি
পত্রস্থ করিয়া বাধিত করিবেন।

এই বিষয় বহুদিন হইতে লেখা হইয়া রহিয়াছে। ভাবিয়াছিলাম,
লাহিড়ী মহাশয়ের ধারাবাহিক লেখা শেষ হইলেই ইহা
পত্রস্থ করিব। কিন্তু দেখা গেল যে, এক একটি বিষয়ের
সঙ্গে অপরাটীর বিশেষ কোন সঘর্ষ নাই, বরং পূর্বেই প্রকাশ
হওয়া বাঞ্ছনীয়। সুতরাং এই ব্যয়েই অনুগ্রহ করিয়া এই
লেখাটি পত্রস্থ করিলে কৃতজ্ঞ হইব।

বিগত ১৬ই আষাঢ়ের তত্ত্ব-কৌমুদীতে প্রেরিত শ্রীযুক্ত

অবিনাশচন্দ্র লাহিড়ী মহাশয়ের “গীতার ধর্ম” (৪) প্রবন্ধে “গীতার মতে যজ্ঞাচুঠান” সম্বন্ধে যাহা ব্যক্ত করিয়াছেন, সেই সম্বন্ধে দুই চারিটি কথা বলিতে ইচ্ছা করি।

যজ্ঞ শব্দে নানা প্রকার অর্থ বুঝায়। যজ্ঞ—যজ্ঞ+ন। যজ্ঞ ধাতুর অর্থ অনেক—দেবপূজা—সঙ্গতি—করণ—দানেষু যজ্ঞ। যজ্ঞ বলিলে ঈশ্বর-আরাধনা, সংযোগ, আসক্তি, কৰ্ম, দান ও হোম বুঝায়। গীতার ভিন্ন ভিন্ন অর্থে এই যজ্ঞ শব্দের প্রয়োগ দৃষ্ট হয়।

শ্রদ্ধেয় লাহিড়ী মহাশয়ের মতে “গীতাকার যে যজ্ঞের দ্বারা বিষ্ণু-আরাধনা লক্ষ্য করেন নাই, বৈদিক যজ্ঞ ও আরও কতকগুলি কার্য বুঝাইতেছেন, তাহা ৩য় ও ৪র্থ অধ্যায়ে নিজেই স্পষ্ট করিয়া বলিয়াছেন” ব’লে তো মনে হয় না। এবং “যজ্ঞ বলিতে প্রধানতঃ বৈদিক হোমের কথাই বলা হইয়াছে”, আলোচনা করিলে তাহাও প্রমাণিত হয় না। ইহা ৩।১০—১৬ শ্লোক প্রত্যেকটি বিশ্লেষণ করিলেই বুঝিতে পারা যায় :—

৩।১২ যজ্ঞার্থাৎ...ব্রহ্মনিষ্ঠালাভের জন্ত (যজ্ঞ=ব্রহ্মসঙ্গ, ব্রহ্মনিষ্ঠা)

৩।১০ সহযজ্ঞা প্রজ্ঞা—যজ্ঞের সহিত, ঈশ্বরসঙ্গবিশিষ্ট জীব, স্বাভাবিক ভাবে ঈশ্বরযুক্ত জীব। যজ্ঞ—যজ্ঞ+ন (কৰ্মবাচ্য) যিনি শরণ্য বলিয়া উপাস্য, পরমাত্মা

৩।১১ অনেন যজ্ঞেন, ব্রহ্মনিষ্ঠাদ্বারা (মনোবুদ্ধি প্রভৃতিকে গুহ্য করা)

৩।১২ যজ্ঞভাবিতা—ঈশ্বরনিষ্ঠা

৩।১৩ যজ্ঞশিষ্টাশিনঃ—ঈশ্বরনিষ্ঠার শেষ (পরিণাম) ভোগ করেন যাহারা; ব্রহ্মানন্দভোগীগণ।

৩।১৪ যজ্ঞাস্তবতি পর্জন্তো—যজ্ঞ—সঙ্গ, রূপরসাদিতে আসক্তি। পর্জন্ত—ইন্দ্র—আত্মা। স্থূল প্রকৃতির সঙ্গ বশতঃ আত্মা জন্মগ্রহণ করে (অর্থাৎ দেহধারণ করে)। যজ্ঞঃ কৰ্ম-সমুদ্ভবঃ—যজ্ঞ—প্রকৃতিসঙ্গ (কৰ্ম হইতে অর্থাৎ রূপ রসাদি ভোগের ইচ্ছা হইতে) প্রকৃতিসঙ্গ ঘটে।

৩।১৫ যজ্ঞে প্রতিষ্ঠিতম্—যজ্ঞ—কৰ্ম

সুতরাং “৩য় অধ্যায়ে প্রধানতঃ হোমের কথা” বলা হয় নাই। ‘সহযজ্ঞাঃ প্রজ্ঞাঃ’ ও ‘পুরোবাচ প্রজ্ঞাপতিঃ’, এই বাক্য দুইটির ব্যাখ্যা সম্বন্ধে কিঞ্চিৎ বলা প্রয়োজন; কারণ, এই বাক্য দুইটির মর্মার্থ লইয়াই যত গোলযোগ বাধিয়াছে।

পূর্বেই উক্ত হইয়াছে, সহযজ্ঞাঃ অর্থাৎ যজ্ঞের সহিত (প্রজ্ঞা পদের বিশেষণ) ঈশ্বরসঙ্গবিশিষ্ট। সকলেই ঈশ্বরের সহিত যুক্ত বলিয়া সকলের ক্ষময়ে আপনা হইতেই একটা মহা চৈতন্যময় অলক্ষ্য আত্মার ভাব আসে। এইরূপে স্বাভাবিক ভাবে ঈশ্বরযুক্ত বলিয়া জীবকে সহযজ্ঞ বলা হইয়াছে।

পুরোবাচ প্রজ্ঞাপতিঃ, এই কথার তাৎপর্য এই যে, জীব-সমূহের অন্তঃকরণে মহাপ্রকৃতি হইতেই এই ভাব প্রেরিত হইয়াছে। “প্রজ্ঞাপতি” শব্দ এখানে বিরাট প্রকৃতিকে বুঝাইতেছে। ইহা মনে করিবার আবশ্যক নাই যে, চতুর্দশ

মানবসদৃশ কোন একটি ব্যক্তি এই সমস্ত সৃষ্টি করিয়া মানুষের কাণে কাণে ঐ কথাগুলি বলিয়া দিয়াছেন। প্রকৃতির অন্তর্গত যে রজোগুণে সৃষ্টির কার্য চলিতেছে, তাহাই ব্রহ্মা নামে রূপক ভাবে কথিত। সেই প্রকার স্থিতি এবং বিনাশ বা রূপান্তর ঘটাইবার জন্ত তাহাদের মূলভূক্ত কারণস্বরূপ সত্ত্ব ও তমঃ এই দুইটি গুণ যথাক্রমে বিষ্ণু ও মহেশ্বর নামে রূপকভাবে কথিত হয়। সুতরাং “ঈশ্বর সৃষ্টি করিতে অসমর্থ হইয়া ব্রহ্মাকে সৃষ্টি করিয়া তাহার উপরেই সৃষ্টির ভার” দেন নাই।

৩য় অধ্যায়ের পূর্ববর্ণিত যজ্ঞশব্দ বাচক প্রত্যেকটি শ্লোকদ্বারা ইহা প্রমাণিত হয় না যে, “গীতাতে প্রধানতঃ বৈদিক হোমের কথা” বলা হইয়াছে, বরং তদ্বিপরীতই প্রমাণিত হয়, ঈশ্বরনিষ্ঠা ও আত্মজ্ঞান লাভের জন্তই কৰ্ম করিবার কথা উল্লেখ করা হইয়াছে। ৩য় অধ্যায়ের এই মীমাংসা ৪র্থ অধ্যায়ে আরো স্পষ্ট করা হইয়াছে। ব্রহ্মজ্ঞান-লাভের জন্ত কৰ্মই চতুর্থ অধ্যায়ের আলোচ্য বিষয়। ৪র্থ অধ্যায়ের ২১ হইতে ২২ শ্লোকের প্রত্যেকটি বিশ্লেষণ করিলে দেখিতে পাওয়া যাইবে যে, একমাত্র ৪।২৪ শ্লোকেই প্রথমতঃ বৈদিক আহুতির উল্লেখ রহিয়াছে, কিন্তু তাহার ভাব অতি গভীর, অতি মহান্! [যিনি ব্রহ্মের উদ্দেশে অগ্নিতে আহুতি-দানরূপ যজ্ঞ করিতে করিতে তন্ময় হইয়া যান, তাহার তখন সমাহিত অবস্থা, তখন সেই অবস্থায় তাহার নিকট] অর্পণও ব্রহ্ম, ব্রহ্মরূপ অগ্নিতে ব্রহ্মকর্ষক হবনীয় বস্তুও ব্রহ্ম; ব্রহ্মকৰ্মে সমাহিত তিনি ব্রহ্মময় হইয়া যান। এই মন্ত্র উচ্চারণ করিয়া ব্রাহ্মণকে আহারের পূর্বে গণ্ডুস করিতে হয়। কৌ মহান্ আদর্শ! তন্ত্রের ৪র্থ অধ্যায়ে অন্তান্ত শ্লোকে দৈব যজ্ঞ (ঈশ্বরের বিশেষ বিশেষ শক্তির উপাসনা), ব্রহ্মতে কৰ্মফল অর্পণরূপ যজ্ঞ, ইন্দ্রিয়সংযম, মনঃসংযম, ইন্দ্রিয় ও প্রাণাদি বায়ুর সংযম, দান, তপ, যোগ, প্রাণায়াম, কৃষ্ণক প্রভৃতি (ব্রহ্মনিষ্ঠালাভের নিমিত্ত) যজ্ঞের উল্লেখ আছে। বৈদিক হোম যজ্ঞের কথা নাই। এই সমস্তই কৰ্মসাপেক্ষ।

গীতার সমস্ত কৰ্ম বিষয় আলোচনা করিয়া বলা হইয়াছে, ৪।৩৩ অর্থাৎ, পুষ্প, নৈবেদ্যাদি লইয়া কৰ্ম অপেক্ষা জ্ঞানলাভের জন্ত কৰ্ম উৎকৃষ্ট, কারণ সমস্ত কৰ্মের সমাপ্তি হয় জ্ঞানে। ৩৪। তত্বদশী ব্রহ্মবিদগণ (জ্ঞানলাভের জন্ত) তোমায় কি করা কর্তব্য বুঝাইয়া দিবেন।

দেখা গেল গীতা প্রধানতঃ ব্রহ্মনিষ্ঠালাভের নিমিত্ত, ঈশ্বর-আরাধনা, তপ, যোগ, আত্মসংযম ইত্যাদি কৰ্মযজ্ঞসাধনের উপদেশ দিতেছেন। সুতরাং এই প্রকার গীতাক্ত যজ্ঞাচুঠানে কি আপত্তি থাকিতে পারে?

শ্রীশ্রী

শ্রীমহিমচন্দ্র চৌধুরী

উত্তর

শ্রীযুক্ত মহিমচন্দ্র চৌধুরী মহাশয় যজ্ঞ সম্বন্ধে যে ব্যাখ্যা দিয়াছেন, তাহা তিনি কোথা হইতে পাইয়াছেন, আমরা সে

কথা অসম্মান করিতে পারিলেও, তাহা আলোচনা করিবার এখানে কোন প্রয়োজন নাই। আমার যতদূর জানা আছে, তাহাতে বলিতে পারি যে, ইহা কোন প্রাচীন ব্যাখ্যাকারসম্মত নহে। বর্তমান সময়ে শাস্ত্রের অভ্যাসতা রক্ষা করিবার জন্ত এইরূপ ব্যাখ্যা ভারতে চলিতেছে। যে যাহা হটুক, নিম্নলিখিত কারণে তাহার ব্যাখ্যা যুক্তিযুক্ত নহে, ইহাচারি গীতার পূর্বাঙ্গের সামান্য রক্ষিত হয় না এবং সেই কারণে সুধীজনস্বীকৃতও হইতে পারে না।

(১) সংস্কৃত ভাষায় এক একটি শব্দের একাধিক অর্থ থাকিলেও, অধিকাংশ শব্দেরই এক একটি প্রসিদ্ধ অর্থ আছে। এই অর্থ পরে ব্যাপকভাবে কিছু রূপান্তরিত হইয়া ব্যবহৃত হইতে পারে। কিন্তু ব্যাকরণ অনুসারে এক একটি শব্দের যে বহু প্রকার অর্থ করা যাইতে পারে, তাহার অধিকাংশই অপ্রসিদ্ধ ও প্রায় অপ্রচলিত। সেই সকল অর্থের অনুরূপ অর্থজ্ঞাপক অন্য শব্দ রহিয়াছে। যিনি লোক-শিক্ষার্থে কোন পুস্তক প্রণয়ন করেন, তিনি কোন শব্দের প্রসিদ্ধ অর্থ ছাড়িয়া তাহা অপ্রসিদ্ধ অর্থে প্রায়ই ব্যবহার করেন না; করিলেও নিজেই তাহার ব্যাখ্যা দিয়া থাকেন। এরূপ না করিলে লোক-শিক্ষার পরিবর্তে মানবকে কেবল অন্ধকারে রাখা হয়। অবশ্য এখানে ইহাও বলা প্রয়োজন যে, কোন কোন গ্রন্থ, বিশেষতঃ বৌদ্ধ মহাযান অন্তর্গত তন্ত্রযান ও মন্ত্রযান সম্প্রদায়ের অনেক গ্রন্থ, প্রকৃত অর্থ গোপন করিয়া লেখা হইয়াছে। অভিপ্রায় এই যে, অজ্ঞ লোকে স্থূল অর্থ গ্রহণ করুক, কিন্তু জ্ঞানিগণ প্রকৃত অর্থ বুঝিবে। ইহার একটি দৃষ্টান্ত দিতেছি। বজ্রবেদের প্রাচীন বৌদ্ধ কবিতাতে সৃষ্টিতত্ত্ব সম্বন্ধে উক্ত হইয়াছে যে, পূর্বে সব জলময় ছিল, তাহার উপর এক পেচক আসিল, আর সব সৃষ্টি হইল। সাধারণ লোক জল ও পেচকই বুঝিত। কিন্তু ইহার প্রকৃত অর্থ আমরা বৌদ্ধ যোগাচার্য্য দর্শন হইতে বুঝিতে পারি। জগতের মূল কারণকে প্রবহমান জলরাশির সহিত তুলনা করা হইয়াছে, এবং অবিদ্যাকে অন্ধকারবাসী পেচকের সহিত তুলনা করা হইয়াছে। উক্ত দর্শনের মত এই যে, জন্ম মৃত্যু সুখ দুঃখপূর্ণ এই জগৎ বিশ্বের মূল কারণের সহিত অবিদ্যার সংশ্রব হইতে উৎপন্ন হইয়াছে।

গীতার লোকশিক্ষার্থে যথাশক্তি সহজ করিয়া আপন মত ব্যক্ত করিয়াছেন। অপ্রসিদ্ধ অর্থে শব্দ প্রয়োগ করিয়া মানবসকলকে অন্ধকারে রাখিলে, তাহার প্রয়োজন সিদ্ধ হইত না। এমন কি যাহা অনেকটা স্পষ্ট, তাহাও অজ্ঞদের প্রেরণ উত্তরপ্রসঙ্গে আরও স্পষ্টতর করিয়াছেন। ইহাতেও যাহা অস্পষ্ট রহিয়া গিয়াছে, তাহা দ্বিতীয় লেখক ১৩ শ অধ্যায় হইতে ১৮শ অধ্যায় পর্য্যন্ত যথা সম্ভব পরিষ্কার করিয়া গিয়াছেন। দ্বিতীয়তঃ, গীতা মানবকে স্থলার্থ (exoteric) বুঝাইয়া জ্ঞানিগণের জন্ত সুস্মার্থ (esoteric) রাখিয়াছেন, এরূপ বৈত অর্থবোধক পুস্তকও নহে। এই সকল কারণে “যজ্ঞ” শব্দ যেখানে ব্যবহার করা হইয়াছে, সেখানে তাহা প্রসিদ্ধ অর্থে অর্থাৎ প্রসিদ্ধ অর্থের ব্যাপক আকারে ব্যবহার করা হইয়াছে,

এই কথাই যুক্তিযুক্ত। গীতাকার মানবসকলের মধ্যে অর্থ লইয়া পরস্পর বিবাদ করিবার জন্ত ব্যাকরণ খাঁটিয়া খাঁটিয়া অপ্রচলিত অর্থে শব্দ ব্যবহার করিয়াছেন, ইহা যুক্তিযুক্ত নহে। “যজ্ঞের” প্রসিদ্ধ অর্থ, যাহা বেদে ও ব্রাহ্মণশাস্ত্রে গ্রহণ করা হইয়াছে, তাহা দেবপূজার তুষ্টির উদ্দেশ্যে হোম। পরে শ্বতিকায়ে (ঐধরও শ্রৌত ও স্মার্ত যজ্ঞের কথা উল্লেখ করিয়াছেন) মুক্তি ও স্বর্গভোগের উদ্দেশ্যে হোম ব্যতীত অনেক ক্রিয়াকে “যজ্ঞ” বলা হইয়াছে, যেমন জপযজ্ঞ, ত্রব্যযজ্ঞ বা দান, মনুসংহিতার পঞ্চযজ্ঞ, ইত্যাদি। এইটি ইহার ব্যাপক অর্থ। গীতার তৃতীয় অধ্যায়ে “যজ্ঞ” শব্দকে প্রসিদ্ধ অর্থে গ্রহণ করা হইয়াছে। ইহার সরলার্থ ও ডাক্তার চৌধুরী মহাশয়ের অনুযায়ী ব্যাখ্যা পরে যেখানে তুলনা করিয়াছি, তাহা দেখিলেই ইহা বুঝা যাইবে। ৪র্থ অধ্যায়ে তাহার সহিত বহুবিধ স্মার্ত যজ্ঞের উল্লেখ করা হইয়াছে, যথা প্রাণায়াম, স্বাধ্যায়, কুস্তক, আত্মসংযম ইত্যাদি। গীতার শেষাংশের লেখক এই উভয় অর্থে এক শব্দ ব্যবহারে যে গোল উৎপন্ন হয় (কারণ প্রাণায়াম ও কুস্তকের দ্বারা দেবতাগণ বর্দ্ধিত হন এবং তাহারা অন্নদান করেন, ইহা অসঙ্গত, কেবল অগ্নিতে প্রক্ষিপ্ত হবিদ্বারাই তাহারা বর্দ্ধিত হইতে পারেন), তাহা দূর করিবার জন্ত চতুর্থ অধ্যায়োক্ত ক্রিয়াসকলকে যজ্ঞ, দান ও তপস্যা এই তিন ভাগে ভাগ করিয়াছেন (১৮ শ অধ্যায়ের ৫ শ্লোক ত্রুটব্য)। ১৭ শ অধ্যায়ের ১১-১৩ শ্লোকে যজ্ঞ অর্থ যে হোম তাহা স্পষ্টই রহিয়াছে; বিশেষতঃ ১৩ শ্লোকে, “শাস্ত্রবিদিশুভ্র, অন্নদানহীন, মন্ত্রহীন, দক্ষিণাহীন ও শ্রদ্ধাবিহীন যে যজ্ঞ তাহা তামস নামে কথিত।” শাস্ত্র অনুসারে যজ্ঞ করিতে হইবে, তাহাতে অন্নদান করিতে হইবে, মন্ত্র চাই, ব্রাহ্মণের দক্ষিণা চাই ও শ্রদ্ধা চাই। ইহা হোমকেই নির্দেশ করে।

গীতায় এমন স্পষ্টার্থ থাকিতে ব্যাকরণ বা অভিধান হইতে অপ্রচলিত অর্থ খুঁজিয়া বাহির করিবার প্রয়োজন কি?

গীতার বহু ব্যাখ্যাকার আছেন, তাহার মধ্যে ১৩শ অধ্যায় হইতে ১৮শ অধ্যায়ের লেখক সর্বাপেক্ষা প্রাচীন ও বিশ্বাস্ত। কারণ, ইহার লেখা গীতার সহিত একীভূত হইয়া গিয়াছে। গীতায় যজ্ঞ শব্দ কি অর্থে ব্যবহার হইয়াছে তাহা তাহার লেখায় পাওয়া যায়।

(২) কোন প্রসিদ্ধ ধর্মগ্রন্থপ্রণেতা একটি শব্দকে তিন্ন ভিন্ন অর্থে একই শ্লোকে, বা একই প্রসঙ্গে অব্যবহিত পর পর শ্লোকে ব্যবহার করেন না। এরূপ ব্যবহারের দোষ এই যে, ইহাচারি মানুষকে ধোঁকা লাগাইয়া দেওয়া হয়। ইহা ধর্মগ্রন্থ-প্রণেতার উদ্দেশ্য নহে। ইহার আরও কারণ এই, এমনিই তাহাদের মত অপরাপর মতের প্রতিদ্বন্দ্বী, তাহার উপর যদি তাহা অস্পষ্ট হয়, তাহা হইলে সে গ্রন্থ প্রচলন করা কঠিন। তবে যাহারা আপনাদের শব্দজ্ঞানের বাহাদুরী দেখাইতে চাহেন, তাহারা সেরূপ করিয়া থাকেন। ইহার দৃষ্টান্ত দাঁড় রাধিক পাঁচালী

যনের ভঙ্গ দিওরীকে,

বিজরাজে করিলে দয়া,

বায়নে ধরে বিজরাজে।

অথবা যাহারা হস্তরসের অবতারণা করিতে চাহেন, তাহারায় করিয়া থাকেন। ইংরাজী Punch সম্পাদক একই শব্দ ভিন্ন ভিন্ন অর্থে ভিন্ন ভিন্ন পদে বসাইয়া হস্তরসের অবতারণা করিয়াছেন।

ডাক্তার চৌধুরী মহাশয় “যজ্ঞ” শব্দ অপ্রচলিত অর্থে ব্যবহার করিয়াও, এক অর্থে বন্ধ থাকিতে পারেন নাই। প্রায় অব্যবহিত পরবর্তী তিনটি শ্লোকে তিনটি অর্থ দিয়াছেন। ৩য় অধ্যায়ের ২ম শ্লোকে “যজ্ঞ” অর্থ ব্রহ্মনিষ্ঠা করিয়াছেন, ১০ম শ্লোকে “যজ্ঞ” অর্থ ঈশ্বর করিয়াছেন, এবং ১৪শ শ্লোকে “যজ্ঞ” অর্থ প্রকৃতিসঙ্গ করিয়াছেন। এরূপ রচনা গীতাকারের পক্ষে সম্ভব নহে, কাব্যমোদিগণের পক্ষেই সম্ভব।

(৩) ডাক্তার চৌধুরী মহাশয় “পঙ্কজ” অর্থ ইন্দ্র করিয়াছেন। পঙ্কজের মে অর্থ হইতে পারে; কারণ, উপনিষদে দেখি, ইন্দ্র অর্থ মেঘও হইয়াছে (“ভয়াৎ ইন্দ্রশ্চ বায়ুশ্চ”), সেইরূপ মেঘ অর্থেও ইন্দ্র ব্যবহার হইতে পারে। কিন্তু ইন্দ্র অর্থ আত্মা, প্রায় ব্যবহার হয় না। ধরা খাউক, ইন্দ্র শব্দের অর্থ আত্মা, কিন্তু তাহাতে “পঙ্কজ” অর্থ আত্মা হইতে পারে না। এরূপ ব্যবহার করিলে ভাষাতে দোষ হয়। ইহার দুই একটি দৃষ্টান্ত দিতেছি। সিংহ শব্দের প্রতিশব্দ হরি, আবার হরি অর্থ ঈশ্বর, কিন্তু সিংহ শব্দে কখনও ঈশ্বর বুঝাইতে পারে না; ভল্লকের প্রতিশব্দ ঋক্ষ, আবার ঋক্ষ শব্দের অর্থ নক্ষত্রও হয়, কিন্তু কেহ যদি নক্ষত্র অর্থে ভল্লক শব্দ ব্যবহার করে, তবে সে হান্তাস্পদ হয়। সেইরূপ ইন্দ্রের প্রতিশব্দ যদি পঙ্কজ ও আত্মা উভয়েই হয়, তাহা হইলেও পঙ্কজ শব্দ কখনও আত্মা অর্থে ব্যবহার করা যাইতে পারে না।

(৪) “প্রজাপতি” অর্থ ডাক্তার চৌধুরী মহাশয় করিয়াছেন “বিরাট প্রকৃতি” এবং আরও বলিয়াছেন, “পুরোবাচ প্রজাপতি এই কথার তাৎপর্য এই যে, জীবসমূহের অন্তঃকরণে মহাপ্রকৃতি হইতে এই ভাব প্রেরিত হইয়াছে।” কিন্তু গীতায় ইহার বিপরীত কথাই রহিয়াছে। ১৩৩ শ্লোকে “মহদ্ ব্রহ্ম” শব্দ পাওয়া যায়, তাহার অর্থ প্রকৃতি। কিন্তু এই ব্রহ্মরূপী প্রকৃতি ঈশ্বরের প্রকৃতি হইলেও, গীতার মতে ইহা ঈশ্বরনিষ্ঠার কোন ভাব প্রেরণ করিতে পারে না। ৭ম অধ্যায়ের ১৩ ও ১৪ শ্লোক, “এই ত্রিগুণময় ভাবের দ্বারা এই সমুদায় অগৎ মোহিত রহিয়াছে, এই গুণসকলের অতীত যে অব্যয় আমি, আমাকে কেহ জানে না। এই অতীত আমার গুণময়ী মায়ী আত্ম হস্তর, আমাকে যাহারা ভজনা করে, তাহারায় এই মায়াই অতিক্রম করে।”

দ্বিতীয়তঃ প্রজাপতি শব্দের প্রচলিত অর্থ ব্রহ্ম। গীতায় যদি ব্রহ্মের কোন উল্লেখ না থাকিত এবং তিনি সৃষ্টিকর্তা এ কথাও না থাকিত, তাহা হইলে প্রজাপতির অন্য অর্থ সম্ভব হইত। কিন্তু গীতার ব্রহ্মকে স্পষ্টই স্বীকার করা হইয়াছে—

পশ্যামি দেবাং স্তব দেব দেহে সর্বাং স্তথা ভূতবিশেষ সজ্জান্।
ব্রহ্মাণম্ ঈশং কমলাসনস্থং ঋষিংশ্চ সর্বাভূরগাংশ্চ দিব্যান্।
১১১৫

“হে দেব! তোমার দেহে সকল দেবতা এবং বিশেষ বিশেষ প্রাণীর সজ্জ দেখিতেছি। (সকল দেবতার) প্রভু কমলাসনস্থ ব্রহ্মাকে, দিব্য ঋষিগণকে ও সর্পগণকে দেখিতেছি।”
১১ অ। ৩৭ শ্লোকে আরও স্পষ্ট—

কস্মাচ্চ তে ন নমেরন্ মহাত্মন্

গমীয়েসে ব্রহ্মণোহপি আদিকর্ত্রে।

“হে মহাত্মন! ব্রহ্মা অপেক্ষাও শ্রেষ্ঠ আদিকর্তা তুমি, তোমাকে কেন তাহারায় নমস্কার করিবে না?”

এখানে ব্রহ্মাকে আদি কর্তা বলা হইয়াছে, কিন্তু বিশ্বরূপী কৃষ্ণ তাহা অপেক্ষাও আদি কর্তা। এই সকল উক্তি থাকিতে প্রজাপতি অর্থে “বিরাট প্রকৃতিকে” গ্রহণ করা অপ্রাসঙ্গিক।

(৫) ডাক্তার চৌধুরী মহাশয় গীতার ৪র্থ অধ্যায়ের ২৪ শ্লোক, যাহার পরল অনুবাদ, “কাঠের হাতা ব্রহ্ম, ঘুতাদি ব্রহ্ম, ব্রহ্মরূপ অগ্নিতে ব্রহ্ম (অর্থাৎ যাজ্ঞিক) দ্বারা হোম সম্পাদিত হয়, এইরূপ ব্রহ্মকর্মে একাগ্রচিত্ত ব্যক্তি ব্রহ্মকেই প্রাপ্ত হন”, এই শ্লোক ব্যাখ্যা করিয়া বলিয়াছেন, “কী মহান্ আদর্শ!” কিন্তু দুঃখের বিষয়, আমরা ইহার মধ্যে মহান্ আদর্শের পরিবর্তে ব্রহ্মজ্ঞানকেই সন্ধান করিয়া প্রচলিত শাস্ত্রীয় আচার রক্ষা করিবার চেষ্টাই দেখিতে পাই। ব্রহ্মজ্ঞানের জন্য ভারত গীতার নিকট ঋণী নহে, গীতার বহুপূর্বে রচিত উপনিষদের নিকটই ঋণী। উপনিষদের ন্যায় আর কেহ (বেদান্ত দর্শন ব্যতীত) ব্রহ্মজ্ঞান প্রচার করিতে পারে নাই। ব্রহ্মজ্ঞানীদিগের নিকট যে যাগযজ্ঞ বৃথা ও অকর্তব্য, এ কথা গীতার পূর্বেই ভারতে প্রচারিত হইয়াছিল। প্রথমতঃ, উপনিষদে দেখা যায়, আরণ্যক ঋষিদিগের পক্ষে যজ্ঞের স্থলে আত্মসংযমের ব্যবস্থা রহিয়াছে। (বৃহদারণ্যক উপনিষদের প্রথম অংশে ঋষিমেধ যজ্ঞের আধ্যাত্মিক ব্যাখ্যা দ্রষ্টব্য)। দ্বিতীয়তঃ মুণ্ডক উপনিষদে যজ্ঞের বিকল্পে বাণী উদ্ভিত হইয়াছে (মুণ্ডক ১.২।৭)। এমন কি, মহাসংহিতা যাহা বর্ণাশ্রম ও যজ্ঞের প্রসিদ্ধ ব্যবস্থাপক, তাহাতেও দ্বাদশ অধ্যায়ে উক্ত হইয়াছে যে, যাহারা উপনিষদুক্ত ব্রহ্মজ্ঞান সাধন করেন, তাঁহাদের যজ্ঞ ও বর্ণাশ্রম অনুষ্ঠানের কোন প্রয়োজন নাই। এষ্ট উদার মতের বিকল্পে গীতা বলিতেছেন, হোম কর, কিন্তু হোমের সকল বস্তুকেই ব্রহ্ম বলিয়া মনে করিও, তাহা হইলেই ব্রহ্মলাভ হইবে—যেহ ব্রহ্ম কেবল কল্পনারই বস্তু। যাহাকে ব্রহ্ম মনে করা যাইবে, তাহাই সত্য ব্রহ্ম হইয়া যাইবে। মহাগুনির্দ্ভিত কাঠের হাতাকে ব্রহ্ম বলিয়া মনে করিলাম, অমনি তাহা ব্রহ্ম হইয়া গেল, গে’হুৎদ্বারা মহাগু যে যুত প্রস্তুত করিয়াছে, তাহাকে ব্রহ্ম মনে করিলাম, অমনি তাহা ব্রহ্ম হইয়া গেল, নানা পাপবাসনাযুক্ত ক্ষুদ্রাশয় আমাকে ব্রহ্ম বলিয়া মনে করিলাম, অমনি আমি ব্রহ্ম হইয়া গেলাম। এই যুক্তি যে মানুষকে কতদূর বিভ্রান্ত করিয়া রাখিয়াছে, তাহা ডাক্তার চৌধুরী এতকাল ব্রহ্মসমাজে থাকিয়াও বুঝিতে পারেন না,

ইহা বড় দুঃখের বিষয়। সাকারবাদিগণ এই যুক্তিবলে ক্ষুদ্র ও স্থূল বস্তুর পূজা সমর্থন করিতেছেন। তাঁহারা বলিবেন, মনে কর না কেন, প্রতিমা ব্রহ্ম, পূজোপকরণ সব ব্রহ্ম, তুমি পূজকও ব্রহ্ম, ছাগও ব্রহ্ম, খড়্গও ব্রহ্ম, ষাতকও ব্রহ্ম, তাহা হইলে এত সাকারপূজার দ্বারাই তোমার ব্রহ্মোপাসনা হইবে! শাস্ত্রও ছাড়িতে হইবে না, সাকারপূজাও ছাড়িতে হইবে না, অথচ তোমার নিরাকার ব্রহ্মোপাসনাই হইবে। যে গঙ্গান্নানে পুণ্য হয় না বলিয়া তাহা করিতে চাহে না, তাহাকে বলিবেন, মনে কর গঙ্গা ব্রহ্ম এবং তুমিও ব্রহ্ম, তাহা হইলে গঙ্গান্নানদ্বারা তোমার ব্রহ্মোপাসনা হইবে!

প্রকৃতপক্ষে, ব্রহ্মকে বুঝিতে না পারিয়া এইরূপ যুক্তির অবতারণা করা হয়। ব্রহ্ম শব্দের অর্থ বৃহৎ, অনন্ত। ব্রহ্ম কোন ক্ষুদ্র বস্তু হইতে পারেন না। যত ক্ষুদ্র বস্তু সে সকল ব্রহ্মের দ্বারা সৃষ্ট অথবা তাঁহার শক্তি জ্ঞান ও চক্ষা হইতে উদ্ভূত। যেমন আমার লেখা, আমার বাক্য বা আমার কাঁধা আমি নহি, সেইরূপ কোন সৃষ্ট বস্তু ব্রহ্ম নহে। কিন্তু সে সকল তাঁহাতে আশ্রিত বা নিমজ্জিত; কারণ, সে সকলের অস্তিত্বের আর কোন কারণ ও আশ্রয় নাই। “সর্বং খৰিদং ব্রহ্ম তচ্ছলানিতি,” “রূপং রূপং প্রতিক্রমং বহিষ্ঠ,” উপনিষদের এই মহাবাক্যের অর্থ ইহাই। সকল ব্রহ্ম হইতে উৎপন্ন এবং তাঁহাতে আশ্রিত, কিন্তু ব্রহ্ম এ সকল নহেন। তিনি কোন ইন্দ্রিয়ের গ্রাহ্য নহেন এবং রূপরসাদিবিশিষ্টও নহেন।

তাঁহার সৃষ্ট বিষয়ের মধ্যে মানবাত্মা তাঁহার স্বরূপবিশিষ্ট হইলেও ক্ষুদ্র ও স্বয়ং কর্তৃত্বসম্পন্ন। এই জগৎ সে ঈশ্বরের স্বরূপ হারাইয়া ফেলিতে পারে। তখন তাহাকে ব্রহ্মস্বরূপ-বিশিষ্টও বলা যায় না। দ্বিতীয়তঃ, হাতা, ঘি, প্রতিমা প্রভৃতি মনুষ্যরচিত, তাহার মধ্যে ঈশ্বরের সৃষ্টিকার্যেরও আভাস পাওয়া যায় না, বরং মানুষের কার্যেরই আভাস পাওয়া যায়। এই কারণে ব্রহ্মনাম করিয়া হোমই কর আর প্রতিমাপূজাই কর, ইহা দ্বারা ব্রহ্মোপাসনা হয় না, মানুষ ব্রহ্মে তন্ময়ও হইতে পারে না।

ডাক্তার চৌধুরী আরও বলিয়াছেন—“দৈব যজ্ঞ (ঈশ্বরের বিশেষ বিশেষ শক্তির উপাসনা)”, অজ্ঞাত বলিয়াছেন, প্রকৃতির সত্ত্ব, রজঃ ও তমঃ গুণ রূপকভাবে যথাক্রমে বিষ্ণু, ব্রহ্মা ও মহেশ্বর নামে কথিত হয়। এ বিষয়ে তাঁহাকে আমি রাজা রামমোহন রায়ের ইংরাজী গ্রন্থাবলীর “শঙ্কর শাস্ত্রীর সহিত বিচার” পড়িতে সন্নিবেশিত করিয়াছি। সেখানেই পূর্বেও মতের উত্তর আছে। যাহা ঈশ্বরের শক্তি তাহার জন্ম, (প্রলয়ে) মৃত্যু, বিবাহ, সং অসং কার্য, পিতা, মাতা ইত্যাদি কি প্রকারে হয়? যাহা অনাদি গুণময়ী প্রকৃতির গুণ, তাহারই বা জন্ম (মহাপ্রলয়ে) মৃত্যু, বিবাহ, স্ত্রী, সদস্য বহু স্বাধীন কার্য কি প্রকারে হয়?

(৬) এখন গীতার তৃতীয় অধ্যায়ের ২-১৪ শ্লোকের সুরল অর্থ ও ডাক্তার চৌধুরী মহাশয়ের প্রদত্ত অর্থের তুলনা

করিলে সহজেই প্রতীয়মান হইবে যে, শেষোক্ত অর্থের সঙ্গতি হয় না। আমরা এই উত্তর অর্থই পর পর দিতেছি।—

৩।২-১৪ শ্লোকের সুরলার্থ এই যে, যজ্ঞের প্রয়োজন ব্যতীত অল্প কৰ্মে এই লোক কৰ্মবন্ধন প্রাপ্ত হয়। হে কৌশ্লেয়! আসক্তিশূণ্য হইয়া তুমি যজ্ঞের প্রয়োজনে কৰ্মের অহুষ্ঠান কর। ২। প্রজাপতি সৃষ্টির প্রাক্কালে যজ্ঞের সহিত প্রজা-সকল সৃষ্টি করিয়া কহিলেন, এই যজ্ঞের দ্বারা তোমরা উত্তরোত্তর বর্দ্ধিত হও, ইহা তোমাদের অভীষ্টভোগপ্রদ হউক। ১০। তোমরা এই যজ্ঞের দ্বারা দেবগণকে বর্দ্ধিত কর, দেবগণ তোমাদিগকে বর্দ্ধিত করুন। পরস্পর পরস্পরকে বর্দ্ধিত করিয়া পরম অভীষ্ট (“শ্রেয়”) লাভ কর। ১১। যজ্ঞের দ্বারা বর্দ্ধিত হইয়া দেবতাগণ তোমাদিগকে অভীষ্ট কাম্য বস্তুসকল দান করিবেন। দেবগণের প্রদত্ত বস্তু দেবগণকে না দিয়া যাহারা ভোগ করে, তাহারা চৌরের স্তায়। ১২। যজ্ঞাবশিষ্ট-ভোগী সাধুগণ সকল পাপ হইতে মুক্ত হন। কিন্তু যাহারা (কেবল) আপনার কারণে রন্ধন করে সেই পাপিষ্ঠগণ পাপ ভোগ করে। ১৩। অন্ন হইতে ভূতগণ উৎপন্ন হয়, অন্ন মেঘ (“পর্জ্ঞা”) হইতে উৎপন্ন, মেঘ যজ্ঞ হইতে উৎপন্ন, যজ্ঞ কৰ্ম হইতে উৎপন্ন। ১৪।

এখন ডাক্তার চৌধুরী যে অর্থ দিয়াছেন, তদনুযায়ী ব্যাখ্যা করিয়া দেখা যাউক, কোন সঙ্গতি অর্থ হয় কি না।—

ব্রহ্মনিষ্ঠালাভের কারণ ব্যতীত অল্প কৰ্মে এই লোক কৰ্মবন্ধন প্রাপ্ত হয়। হে কৌশ্লেয়! তুমি আসক্তিশূন্য হইয়া ব্রহ্মনিষ্ঠালাভের জগৎ সম্যক প্রকারে কৰ্ম অহুষ্ঠান কর। ২। বিরাট প্রকৃতি (“প্রজাপতি”) সৃষ্টির প্রাক্কালে ঈশ্বরসঙ্গ-বিশিষ্ট করিয়া প্রজাসকল সৃষ্টি করিয়া কহিলেন, এই ব্রহ্ম-নিষ্ঠাদ্বারা তোমরা উত্তরোত্তর বৃদ্ধি প্রাপ্ত হও, ইহা তোমাদের অভীষ্টভোগপ্রদ হউক। ১০। এই ব্রহ্মনিষ্ঠাদ্বারা তোমরা দেবতাগণকে বর্দ্ধিত কর, সেই সকল দেবগণ তোমাদিগকে বর্দ্ধিত করুন। পরস্পর পরস্পরকে বর্দ্ধিত করিয়া পরম অভীষ্ট লাভ কর। ১১। (তোমাদের) ঈশ্বরনিষ্ঠাদ্বারা বৃদ্ধিপ্রাপ্ত দেবগণ তোমাদিগকে অভীষ্ট কাম্যবস্তুসকল দান করিবেন। তাহাদের প্রদত্ত বস্তুসকল তাহাদিগকে দান না করিয়া যাহারা ভোগ করে, তাহারা চৌরের স্তায়। ১২। ব্রহ্মানন্দ-ভোগী সাধুগণ সকল পাপ হইতে মুক্ত হন, কিন্তু যাহারা (কেবল) আপনার প্রয়োজনে রন্ধন করে, সেই পাপিষ্ঠগণ পাপ ভোগ করে। ১৩। অন্ন হইতে ভূতগণ উৎপন্ন হয়, আত্মা হইতে অন্ন উৎপন্ন হয়, রূপরসাদির আসক্তি বা প্রকৃতিসঙ্গ হইতে আত্মা উৎপন্ন হয়। ১৪।

একটু মনোযোগ করিয়া দেখিলে, বিশেষতঃ চিহ্নিত অংশ-গুলির সার্থকতা স্থির করিতে গেলেই বুঝা যায় যে, দ্বিতীয় অর্থ সঙ্গত হয় না। অসম্মতি বিস্তারিত।

শ্রীঅবিনাশ চন্দ্র লাহিড়ী।

পরলোকগত ব্রজমোহন দাসের জীবনের তু'একটি কথা ।

(শ্রীকবাসরে পুত্র শ্রীযুক্ত জ্যোতিরিন্দ্রনাথ দাস কর্তৃক বিবৃত)

মৃত্যু যে অমৃতের সন্ধান দিয়ে যাবার জন্ত আমাদের ছদ্মবে
এসে দেখা দেয়, তা সকল সময়ে ঠিক বুঝতে পারি না ;
বুঝতে পারি তখনই যখন সে এসে আমাদের প্রিয়জনের সঙ্গে
বিচ্ছেদ ঘটিয়ে দেয়। তখনই আমাদের মনে এ প্রশ্ন উঠে যে,
এক মুহূর্ত আগে যাকে এত আপনার বলে মনেছি, তিন কি
এই দেহের অবসানে আমার কাছে একেবারে চরমবিনাশপ্রাপ্ত
হ'য়ে গেলেন? তখনই সকল হৃদয় মন জুড়ে এই কথাই স্মরণিত
হ'য়ে উঠে যে, তিনি হারান-নি, তিনি আগে যেমন ছিলেন
এখনও আছেন। কিন্তু যদি আছেনই, তবে কোথায় আছেন?
আমার বহিরিঙ্গিয়ত তাঁকে দেখতে পাচ্ছে না, তাঁকে স্পর্শ
করতে পাচ্ছে না, তাঁর সঙ্গে কথা কইতে পাচ্ছে না, তবে কেমন
ক'রে বলব তিনি আছেন? তখনই অন্তর থেকে কে যেন
বলে, "ওরে যারে তুই দেখেছিলি, ছুঁয়েছিলি, যার সঙ্গে
কথা বলেছিলি, তাঁর প্রাণপঞ্জরের অদৃশ্য পাখাটি উড়ে যাবার
পরও ত সেই দেহখানা প'ড়ে ছিল, কিন্তু ঠেক, তাঁর সঙ্গে ত
তোমার কথা বলা চল না!" তা হ'লেই ত এই কথাই প্রমাণ
হলো যে, কথা বলা চলেছিল এই দেহাভ্যন্তরস্থ এমন কোন
অদৃশ্য বস্তুর সঙ্গে যে এই দেহ নহে, তা থেকে সম্পূর্ণ পৃথক।

এই দেহখানা যখন চোখের উপর ভস্মীভূত হ'য়ে গেলেও
আমরা বলতে পারি না যে তা বিনাশপ্রাপ্ত হ'য়েছে, তার
প্রতি অণুটি পর্যন্ত অবিনাশী হ'য়ে আছে বলে যখন প্রমাণ
পাচ্ছি, স্বীকারও করি, তখন কি ক'রে বলব যে, এই দেহাভি-
রিক্ত যে চৈতন্য ইহাকে আশ্রয় ক'রে ছিল বলে আমরা তাকে
'জীবিত' নাম দিয়াছিলাম, সেই চৈতন্যই বিনাশ পেয়েছে?
চৈতন্যের বিনাশ নাই, এই সত্যের সঙ্গে পরিচয় করিয়ে দেবার
জন্তই মৃত্যু ছদ্মবে আসে।

তাই প্রায় একমাস পূর্বে মৃত্যু এসে আমাদের পরিবারের
ছদ্মবে যখন দেখা দিল, ও শান্তির প্রতিমূর্তি আমার পরমারাধ্য
পিতৃদেবকে লোকান্তরের স্বাক্ষর ক'রে নিলে, তখন সে এই কথাই
আমার প্রাণে ব'লে দিলে যে, এ বিচ্ছেদ ত বিচ্ছেদ নয়, এ যে
চরম মিলন। দেহের বর্তমানে যে দূরত্ব সৃষ্ট হ'য়েছিল, দেহের
অবসানে সেই দূরত্ব খুঁচে গিয়ে তাঁকে আমার অন্তরেই পেলাম।
তখন দেখলাম, এ-লোক ও-লোক সব এক হ'য়ে গেছে, স্বয়ং
যোগেশ্বর ইহলোক ও পরলোকের সঙ্গে যোগসূত্র হ'য়ে ব'সে
আছেন, আর তাঁর অনন্ত ক্রোড়ে আমরা সকলে রয়েছি,—তখনই
ত মৃত্যুর মধ্যে অমৃতের সন্ধান পেলাম। ধন্ত সেই দেবতাকে
যিনি আমার পিতার ভিতর দিয়ে তাঁর অখিল পিতৃদেবর এমন
মধুর পরিচয় পাইয়ে দিলেন। আজ এই পবিত্র শ্রীকবাসরে
সর্বাগ্রে তাঁকে প্রণিপাত করি, ও তাঁর আশীর্বাদ ভিক্ষা ক'রে
আমার পরমারাধ্য পিতৃদেবকে স্মরণ করি। আমাদের এই
প্রকার স্মরণ তাঁর কৃপার সার্থক হোক।

আমার বাবা ত খুব নামজাদা লোক ছিলেন না যে সকলে
তাঁকে জানে। তিনি ছিলেন নীরব কর্মী, নীরব সাধক।
তাঁর জীবনের সকল কথা আমরা কেহই জানি না। নিজকে

জাহির করতে ত তিনি চাননি কোন দিন। কিন্তু যে দুই চারিটা
কথা তাঁর সম্বন্ধে জানি, তা থেকেই তাঁর জীবনের মাদুর্যের
পরিচয় সম্যক পাওয়া যায়। আজ তারই কিঞ্চিৎ আভাস দেবার
চেষ্টা করব।

১২৬২ সালের কাঠিক মাসে দীপাবলি অমাবস্তা তিথিতে
(শুকবার) বাবার জন্ম হয় বলে শুনেছি। তাঁরা তিন ভাই তিন
বোন ছিলেন। আমার দুই পিসীমা ছাড়া সকলেই বাবার
ছোট ছিলেন। বাবার বাল্যকালের কথা আমরা ঠাকুরমা ও
বড় পিসীমার কাছে যা শুনেছি, তা বিশ্বাস করতেই ইচ্ছা হ'তো
না; কারণ, বাবা নাকি বাল্যে বড় চঞ্চল, বড় ছরস্ক, ছিলেন।
লোকের গাছের ফল আধখানা খেয়ে আধখানা গাছে ফুলিয়ে
খেতে আসতেন, পায়রার খোপ থেকে তার ডিম নিয়ে এসে
উনানে ঢুকিয়ে রাখতেন। গ্রামের মেয়েরা পুকুরে কলসী
নিয়ে জল নিতে এসে কলসী ঘাটে খেতে কোথাও গেলে, সে
কলসী পুকুরে ভাসত, কিম্বা ফুটো হ'য়ে যেতো। আমার বুদ্ধি
হওয়ার পর থেকে বাবাকে যা দেখেছি, তার সঙ্গে এসব কথা
মোটাই খাপ খায় না। আমি দেখেছি তাঁর শাস্ত্র স্থির দীর্ঘ
প্রকৃতি। লোকে আমার দুইমীর জন্ত বলত, "তোমার বাবা এমন
শিবপুরুষ, আর তুই এমন ছষ্ট হ'লি কি ক'রে?" বাস্তবিক তিনি
শিবপুরুষই ছিলেন, যাকে বলে "দুঃখেদুঃখিগমনা স্থখেই বিগত-
স্পৃহঃ"। তাই তাঁর বাল্যের ছরস্কপনার কথা শুনে বিশ্বাস করা
কঠিন হতো।

বাবা বলেছেন প্রায় ২ বছর বয়স পর্যন্ত তিনি বড় কাপড়
পরেননি—পড়াশুনাও খুব দেবীতে শুরু করেন। এবে শুধু তাঁর
বেলা হ'য়েছিল তা নয়; সেই সময় আমাদের সে অঞ্চলে প্রায়
সকলেই এমনি দেবীতে পড়াশুনা শুরু করতেন। বাবা ত
আমাদের কোন ভাই বোনকেই পড়াশুনার জন্ত তাড়া দেননি;
অন্ত কেউ তাড়া দিলে ঐ কথাই বলতেন যে, ঐ বয়সে ত তিনি
পড়াশুনা শুরুই করেন-নি, স্তরাং এত তাড়া কেন?

বাবা মাইনর পাশ ক'রে এন্ট্রান্স স্কুলের ২য় শ্রেণী পর্যন্ত
বুঝি পড়েছিলেন, তার পর আর পড়া হ'য়ে উঠল না; কারণ, সে
সময়ে আমাদের আর্থিক অবস্থা খুব ভাল ছিল না, তাই বাবাকে
শীগগিরই সংসারের ভার নিয়ে উপার্জনের পথ খুঁজতে
হ'য়েছিল।

ক্রমশঃ

ব্রাহ্মসমাজ

শান্তলোকিক—আমাদিগকে গভীর দুঃখের সহিত
প্রকাশ করিতে হইতেছে যে—

গত ১৮ই কাঠিক কুমিল্লা নগরে পরলোকগত গুরুদেব
সিংহ মহাশয়ের কনিষ্ঠা কন্যা শ্রীমতী সিংহ প্রায় ৩ মাসকাল
রোগযন্ত্রণা ভোগ করিয়া শান্তিময়ী জননী ক্রোড়ে বিপ্রায় লাভ
করিয়াছেন।

বিগত ৮ই নবেম্বর বাণীবন নিবাসী শ্রীযুক্ত স্বধাংকৃষ্ণ
সিংহ রায়ের জ্যেষ্ঠতাতপত্নী জ্ঞানদাহন্দরী সিংহ রায় কলিকাতা
নগরীতে তাঁহার জামাতা শ্রীযুক্ত মোহিনীমোহন হাজারার গৃহে
হঠাৎ সন্ন্যাসরোগে ৫২ বৎসর বয়সে পরলোক গমন করিয়াছেন।
তিনি অতি সেবাপরায়ণা ছিলেন।

বিগত ২৮শে অক্টোবর বোরাগ্রাম নিবাসী শ্রীযুক্ত হুশীলচন্দ্র
বহু তাঁহার মাতার আত্মপ্রাণাচ্ছাদন সম্পন্ন করিয়াছেন। শ্রীযুক্ত
হেমচন্দ্র সরকার আচার্যের কার্য ও শ্রীযুক্ত অমৃতলাল গুপ্ত শাস্ত্র-
পাঠ করেন। এই উপলক্ষে হুশীল বাবু প্রচার বিভাগে ১২
শিবনাথ স্মৃতিভাণ্ডারে ১২ ও সাধনাশ্রমে ১২ দান করিয়াছেন।

বিগত ৫ই নবেম্বর সাধনাশ্রমে পরলোকগতা সতী মালের

আত্মপ্রাকান্তান সম্পন্ন হইয়াছে। শ্রীযুক্ত হেঙ্কলস মৈত্রেয় আচার্যের কার্য, শ্রীযুক্ত ধীরেন্দ্রনাথ চৌধুরী শাস্ত্রপাঠ এবং মাতুল শ্রীযুক্ত কৃষ্ণলাল ঘোষ চরিত্রবর্ণন ও প্রার্থনা করেন।

বিগত ৫ই নবেম্বর পরলোকগতা সরোজকুমারী দেবীর আত্মপ্রাকান্তান সম্পন্ন হইয়াছে। শ্রীযুক্ত কৃষ্ণকুমার মিত্র আচার্যের কার্য এবং কনিষ্ঠতমা ভগিনী জীবনীপাঠ ও প্রার্থনা করেন। পুত্র শ্রীমান শাস্ত্রিনাথ চট্টোপাধ্যায় এই উপলক্ষে সাধারণ বিভাগে ২০ দান করিয়াছেন।

বিগত ২ই নবেম্বর পরলোকগতা প্রতিভা ঘোষের আত্মপ্রাকান্তান সম্পন্ন হইয়াছে। শ্রীযুক্ত কৃষ্ণকুমার মিত্র আচার্যের কার্য এবং পতি শ্রীযুক্ত শচীন্দ্রনাথ ঘোষ ও পুত্র শ্রীযুক্ত দেবপ্রসাদ ঘোষ প্রার্থনা করেন। এই উপলক্ষে সাধারণ ব্রাহ্ম সমাজে ২০ ও ভারতবর্ষীয় ব্রাহ্ম সমাজে ৪০ প্রদত্ত হইয়াছে।

শাস্ত্রিনাথ পিতা পরলোকগত আত্মাদিগকে চির শান্তিতে রাখুন ও আত্মীয়-স্বজনদের শোকসঙ্কট হৃদয়ে সাহায্য বিধান করুন।

দান—শ্রীযুক্ত শচীন্দ্রনাথ মল্লিক পিতা পরলোকগত বেচারাম মল্লিকের বাষিক শ্রাদ্ধোপলক্ষে প্রচার ভাণ্ডারে ২০ ও দাতব্য বিভাগে ২০ দান করিয়াছেন। শ্রীযুক্ত শ্রীপতিনাথ দত্ত মাতার বাষিক শ্রাদ্ধ উপলক্ষে প্রচার বিভাগে ২০ দান করিয়াছেন। শান্তিপ্রিয় দেব পিতামহ পরলোকগত শিবচন্দ্র দেবের বাষিক শ্রাদ্ধ উপলক্ষে প্রচার বিভাগে ৫০ সাধারণ বিভাগে ২০ ও সাধনাশ্রমে ৩০ দান করিয়াছেন।

শ্রীযুক্ত প্রভাতকেন্দ্র ঘোষ পরলোকগতা পত্নী পুণ্যপ্রভা ঘোষের বাষিক শ্রাদ্ধ উপলক্ষে সাধারণ বিভাগে ২০ ও প্রচার বিভাগে ২০ দান করিয়াছেন।

এ সমস্ত দান সার্থক হউক এবং পরলোকগত আত্মা সকল চির শান্তিলাভ করুন।

স্বাস্থ্য সন্মিলন—ইংলণ্ডের ইউনিটেরিয়ান বন্ধুগণের প্রতিনিধিরূপে ব্রাহ্মসমাজের সহযোগে অস্তুতঃ এক বৎসর কার্য করিবার জন্য বেভাঃ ম্যাগনাম্ সি র্যাটার এখানে আসিয়াছেন। তাঁহাকে অভ্যর্থনা করিবার জন্য বিগত ৫ই নবেম্বর সিটিকলেজ গৃহে একটি স্বাস্থ্য সন্মিলনের ব্যবস্থা হইয়াছিল।

পূর্ববঙ্গলা ব্রাহ্ম-সম্মিলনের চত্বারিংশ বাষিক অধিবেশনের কতিপয় নির্ধারণ।

১। সম্মিলনী প্রত্যেক স্থানের ব্রাহ্মব্রাহ্মিকাগণকে অহরোধ করিতেছেন যে, আগামী টঃ ১৯৩১ সালের গবর্ণমেন্ট সেন্সাসে (Census এ.) যাহাতে ব্রাহ্মসংখ্যা যথায় নির্ণয় হয়, তৎকর্ত প্রত্যেকেই যেন গণনাকারীর কাগজে নিজকে ব্রাহ্ম বলিয়া লেখান।

২। উনচত্বারিংশ বাষিক অধিবেশনের নিম্নলিখিত নির্ধারণগুলি পুনর্গৃহীত (Re-affirmed) হইল :—

(ক) ব্রাহ্মসমাজের উন্নত নৈতিক আদর্শ অক্ষুণ্ণ রাখিবার জন্য চরিত্রহীন পুরুষ বা নারী সংশ্লিষ্ট থিয়েটার ও আপত্তিজনক সিনেমা দর্শন না করা প্রত্যেক ব্রাহ্মের কর্তব্য বলিয়া এই সম্মিলনী মনে করেন।

(খ) বর্তমান সময়ে নারীমূর্ত্যের যে আয়োজন চলিতেছে, এই ব্রাহ্মসম্মিলনী তাহার তীব্র প্রতিবাদ করিতেছেন। ব্রাহ্ম-ব্রাহ্মিকাগণ ইহার সঙ্গে কোনও প্রকার সহায়ত্ব বা সংশ্লিষ্ট না রাখেন, ইহাই বাঞ্ছনীয়।

(গ) যে সকল ব্রাহ্ম পতিভাঙ্গারী-সংশ্লিষ্ট থিয়েটার আপত্তিজনক সিনেমাগুলিকে প্রত্যক্ষ বা পরলোকভাবে সাহায্য

করিয়া সমাজের মধ্যে দুর্নীতির প্রচার দিতেছেন, এই সম্মিলনী তাঁহাদের কার্যের প্রতিবাদ করিতেছেন, এবং সমাজের নৈতিক আদর্শ অক্ষুণ্ণ রাখিবার জন্য তাঁহাদিগকে অবিলম্বে এই সকল অনিষ্টকর প্রতিষ্ঠানের সঙ্গে সমুদয় সম্পর্ক পরিত্যাগ করিতে অহরোধ করিতেছেন।

(ঘ) শেখোক্ত প্রস্তাব যাহাতে ফলপ্রসূ হয় সেই উদ্দেশ্যে, এই সম্মিলনী দেশের সকল ব্রাহ্মসমাজকে অহরোধ করিতেছেন যে, ঐরূপ আপত্তিজনক কোনও থিয়েটার বা সিনেমার সঙ্গে কোনও প্রকারে জড়িত কোনও ব্যক্তিকে তাহার সমাজের কার্যনির্বাহক সভার সভাপদে অথবা অপর কোনও প্রকার দায়িত্বপূর্ণ কার্যে নিয়োগ না করেন।

এই নির্ধারণগুলি আসাম, বঙ্গলা ও বিহারের ব্রাহ্মসমাজসমূহের এবং ব্রাহ্ম সাধারণের অবগতি জন্য মুদ্রিত ও প্রকাশিত হইল।

ব্রাহ্মসংঘ ও ব্রাহ্মসমাজ

সম্বন্ধীয় কয়েকখানি প্রয়োজনীয় বই।

- ব্রাহ্মসংঘ—কাপড়ে বাঁধা—২০ দিক বাঁধা—২১/০
- সদ্বীত ও সংকীর্ণন—মনোমোহন চক্রবর্তী—।০
- কীর্তন ও বন্দনা—ঐ —।০
- অনন্তের উপাসনা—নগেন্দ্রনাথ চট্টোপাধ্যায়—৮/০
- ধর্মপ্রিজ্ঞাসা—নগেন্দ্রনাথ চট্টোপাধ্যায়—৩ খণ্ড একত্রে—।১।০
- নবরত্নমালা—সত্যেন্দ্রনাথ ঠাকুর—২/০
- মায়ের ভালবাসায় আমাদের আশা—(সতীশচন্দ্র চক্রবর্তী) /১।০
- উদার ধর্মবাহিনী—আদিনাথ চট্টোপাধ্যায়—/০
- উপহার—মহর্ষি দেবেন্দ্রনাথ—৮/০ খেরী গাথা—১/০
- ধর্মপ্রাধারা—নবদ্বীপচন্দ্র দাস—।০ মহতীবাণী—৮/০
- গৃহধর্ম—শিবনাথ শাস্ত্রী—বাঁধান—।/০ আর্বাধান—।/০
- চরিত্রমাহুরী (কয়েকটি ব্রাহ্মিকার জীবনী)—।/০
- চিন্তাকণিকা—তত্ত্বভূষণ—।১।০ পূর্বকথা—প্রসন্নময়ী দেবী—।০
- সাধনপ্রসঙ্গ—আদিনাথ চট্টোপাধ্যায় ।০
- চিন্তাবিন্দু—/০ চিন্তামঞ্জরী—।০
- জীবন-সম্বল—শশীভূষণ বসু—/০ পুষ্পাঞ্জলি—শিবনাথ শাস্ত্রী—।০
- ধর্মসূত্র—/০ ব্রহ্মচর্য—(ভগিনী জোরা)—।৮/০
- নগেন্দ্রবালা—/০ প্রসাদীকুল—/০
- প্রেমের সেবা—সতীশচন্দ্র চক্রবর্তী—/১।০ অর্ঘ্য—।০
- পুষ্পমালা—শিবনাথ শাস্ত্রী—নূতন সংস্করণ—।০
- বিধান—আদিনাথ চট্টোপাধ্যায়—/০ অঞ্জলি—৮।০
- ব্রহ্মদর্শন—হেমচন্দ্র সরকার—।/০ প্রকৃতি চর্চা—।০
- ব্রাহ্মসমাজ ও মিলনমন্ত্র—সতীশচন্দ্র চক্রবর্তী—/০
- ব্রাহ্মসমাজের শতবর্ষ—সতীশচন্দ্র চক্রবর্তী—/০
- ব্রাহ্মধর্ম শিক্ষা—তত্ত্বভূষণ—।০ সার্বিক ধর্ম—/০
- ব্রাহ্মধর্মতত্ত্ব—।০ কবীর—।০
- ভক্তিলীলা—গাওত শ্রীনাথ চন্দ—।০ জার্ণনা ও প্রসঙ্গ—১/০
- যৌবন ও ধর্ম—সতীশচন্দ্র চক্রবর্তী—/০ ব্রহ্মোপাসনা—প্রসাদী /০
- রাজা রামমোহন রায়—শশীভূষণ বসু—।০
- রাজা রামমোহন রায়ের বাংলা গ্রন্থাবলী (১ম ভাগে)—২/০
- জৈন কালীনারায়ণ গুপ্তের জীবন কৃতান্ত—বহুবিহারী কর—।০
- ব্রাহ্মদার গয়েলের পত্রাবলী—হিম্মৎপ্রকাশ রায়—/০

সাধারণ ব্রাহ্মসমাজ, পুস্তক-বিভাগ, ২১১, কলিকাতা সিটি, কলিকাতা।

তদনুসারে মনোমোহন বাবু বলেন,—ব্রাহ্মসমাজে তিনটি বিভাগ আছে—আদি, নববিধান ও সাধারণ। সাধারণ সমাজের মধ্যেও আবার কয়েকটি শ্রেণীকে পৃথক করা যায়। আভিভাত্যের একটি দল আছে; তাঁরা সকলের সঙ্গে সমভাবে মিশেন না। এ সকল খণ্ডতায় সমাজশক্তিকে শিথিল ক'রে দেয়। ব্রাহ্মেরা ব্রাহ্মের নিকট সকল সময় আশাকরূপ সাহায্য ও সহায়ত্ব পান না। এ সব ক্রটি আমাদের রয়েছে।

নৈতিক অবস্থাও আগেকার চেয়ে হীন হয়েছে বলে মনে হয়। গত শতাব্দীতে ব্রাহ্মসমাজ সকল প্রকার দুর্নীতির বিরুদ্ধে প্রতিবাদ করেছিল। এখন সেই অবস্থা আছে, বলা যায় না। নারীদের বিধি, দৌর্য, সংসদ যদি না থাকে তবে বিধিদের আশঙ্কা। নরনারীর সহজ স্বাভাবিক মিলন ভাল; কিন্তু এ দুই পক্ষের মধ্যে বর্তমান বিধান তা হীন বোধ

আমরা পরদা প্রথা তুলে' দিয়েছি বটে; কিন্তু তাই বলে' বাড়ীতেও কি পরদা থাকবে না? নারীদের অত্যগ্রসর হওয়া কতদূর কল্যাণকর তা বিবেচনা করা উচিত। নারীমতের বিরুদ্ধে সঞ্জীবনী ঘোর প্রতিবাদ করেছেন। আমিও তত্ত্ব-কৌমুদীতে লিখেছিলাম; কেউ কিছু জবাব দেন নি। দূষিত বায়োস্কোপ ও বারবনিতা-সংশ্লিষ্ট থিয়েটারে ব্রাহ্মেরা যান না, এমন বলা যায় না। এই যে নীতিও ধর্ম বিষয়ে বক্তৃতা হ'লে আমাদের মন্দির খালি থাকে, পূর্বের স্ত্রায় যুবকদের ঠারা পূর্ণ হয় না, এর কারণ কি? ছাত্রগণকে হরণ করেছে কে? থিয়েটার ও বায়োস্কোপ ছাত্রগণকে হরণ করে' নিয়ে ঘোর দুর্গতিতে ফেলছে।

তারপর, বিবাহ-সমস্যা একটি গুরুতর বিষয়। ছেলের আয় কম হলে মেয়েরা আর তাকে পছন্দ করেন না। এর ফলে অনেক মেয়েকে অবিবাহিত থাকতে হয়। তাহাতে বিপদের আশঙ্কা আছে। অধিকবয়স্ক কস্তার সহিত অল্পবয়স্ক পাত্রের বিবাহ স্বাস্থ্যের দিক দিয়ে ও অন্ত সব দিক দিয়ে মঙ্গলকর কি না তাহাও বিবেচ্য।

তারপর আধ্যাত্মিক অবস্থার কথা। আমাদের উপাসনা-মন্দিরে ব্রাহ্মের সংখ্যা অল্প দেখা যায়। মন্দিরে যদি ব্রাহ্মের সংখ্যা ক্রমেই কমে যায়, তবে ছুঃখ রাখিবার স্থান নাই। আধ্যাত্মিক রস না পাওয়াতেই দলাদলি ও অপ্রেম ঘটে। বিবাহ-সভায় দেখা যায়, একদল উপাসনার সময়েও স্তুতি করেন, চুপট টানেন। স্বতরাং সমাজের আধ্যাত্মিক অবস্থা যে খুব ভাল, তা বলা যায় না।

সভাপতি মহাশয়ের অনুরোধে মনোমোহন বাবু উপরোক্ত বিষয় গুলি প্রস্তাবাকারে উপস্থিত করেন। সে গুলির সম্বন্ধে একে একে আলোচনা হয়, এবং পরিবর্তিত ও সংশোধিত হইয়া, কোনওটি সর্বসম্মতি ক্রমে এবং কোনওটি অধিকাংশের মতে সভায় গৃহীত হয়। গৃহীত প্রস্তাবগুলি এই :—

(১) যে সকল স্থানে অনেক ব্রাহ্ম আছেন, তথায় সামাজিক শক্তিবৃদ্ধির উদ্দেশ্যে, এবং ধনী নিধন নির্বিশেষে পরিচয় ও ভাবের বিনিময়ের জন্ত, বৎসরে অন্ততঃ দুইবার ব্রাহ্মদিগের সামাজিক সম্মিলন হওয়া বাঞ্ছনীয়।

(২) ব্রাহ্মদের পক্ষে বড় বড় পারিবারিক অস্থানে সামর্থ্য অনুসারে সমাজস্থ সকলকে আহ্বান করা বাঞ্ছনীয়।

(৩) ব্রাহ্মগণের পরস্পরের বাড়ী গিয়া সংবাদ লওয়া বাঞ্ছনীয়।

(৪) সন্তানগণের সংশিক্ষা ও চরিত্রগঠনের সাহায্যার্থে তাহাদের জন্ম ভাল সঙ্গ নির্বাচন করিয়া দেওয়া অতিভাবক-দিগের কর্তব্য।

(৫) প্রত্যেক ব্রাহ্ম ব্রাহ্মিকা, ব্রাহ্মসমাজের প্রত্যেক সভা, ও ব্রাহ্মদিগের বয়স্ক পুত্র কস্তার পক্ষে সামাজিক উপাশ্রয় ও সমাজমন্দিরের অস্থানাভাবে যোগদান বাঞ্ছনীয়।

(৬) আধ্যাত্মিক উন্নতির জন্ত প্রতি ব্রাহ্মবহুল স্থানে নীতি বিদ্যালয়, ছাত্রসমাজ ও বালকবন্দুসভার প্রতিষ্ঠা করা, এই সম্মিলনী অবশ্য কর্তব্য বলিয়া মনে করেন।

(৭) শ্রীমদ ভগবদ্গীতা ইত্যাদি পুস্তক পত্রিকা ব্রাহ্মপরিবারে গ্রহণ ও পাঠ করা অকর্তব্য।

(৮) নীতিবিগর্হিত ও অবৈধ বিবাহাদি অস্থানে এবং নীতিবিগর্হিত আমোদ প্রমোদে যোগদান না করা, বরং তাহার প্রতিবাদ করা, প্রত্যেক ব্রাহ্মের কর্তব্য।

(৯) ব্রাহ্মসমাজের উন্নত নৈতিক আদর্শ অক্ষুণ্ণ রাখিবার জন্ত, চরিত্রহীন পুরুষ বা নারী সংশ্লিষ্ট থিয়েটার ও আপত্তি-জনক সিনেমা দর্শন না করা প্রত্যেক ব্রাহ্মের কর্তব্য বলিয়া এই সম্মিলনী মনে করেন।

(১০) বর্তমান সময়ে নারীমতের যে আয়োজন চলিতেছে, এই ব্রাহ্মসম্মিলনী তাহার তীব্র প্রতিবাদ করিতেছেন। ব্রাহ্মব্রাহ্মিকাগণ ইহার সঙ্গে কোনও প্রকার সহায়ত্ব বা সংশ্রব না রাখেন, ইহাই বাঞ্ছনীয়।

অতঃপর শ্রীযুক্ত অক্ষয়কুমার সেনের নিম্নলিখিত প্রস্তাবটি আলোচিত ও পরিশেষে গৃহীত হয় :—

(১১) যে সকল ব্রাহ্ম পতিতানারী-সংশ্লিষ্ট থিয়েটার ও আপত্তিজনক সিনেমাগুলিকে প্রত্যক্ষ বা পরোক্ষভাবে সাহায্য করিয়া সমাজের মধ্যে দুর্নীতির প্রস্রয় দিতেছেন, এই সম্মিলনী তাহাদের কার্যের প্রতিবাদ করিতেছেন, এবং সমাজের নৈতিক আদর্শকে অক্ষুণ্ণ রাখিবার জন্ত তাহাদিগকে অবিলম্বে এই সকল অনিষ্টকর প্রতিষ্ঠানের সঙ্গে সমুদয় সম্পর্ক পরিত্যাগ করিতে অনুরোধ করিতেছেন।

তৎপরে নিম্নলিখিত প্রস্তাবটিও সর্বসম্মতিক্রমে গৃহীত হয় :—

(১২) এই শেষোক্ত প্রস্তাব যাহাতে ফলপ্রসূ হয় এই উদ্দেশ্যে, এই সম্মিলনী দেশের সকল ব্রাহ্মসমাজকে অনুরোধ করিতেছেন যে, ঐরূপ আপত্তিজনক কোনও থিয়েটার বা সিনেমার সঙ্গে কোনও প্রকারে জড়িত কোনও ব্যক্তিকে তাহার সমাজের কার্যনির্বাহক সভার সভ্যপদে অথবা অপর কোনও প্রকার দায়িত্বপূর্ণ কার্যে নিয়োগ না করেন।

এইরূপে বেলা সাড়ে বারটার সময় সম্মিলনীর চতুর্থ অধিবেশন শেষ হয়।

মধ্যাহ্নে মহিলা-সম্মিলন।

বেলা দেড় ঘটিকার সময় মহিলাদিগের বিশেষ সম্মিলন হয়। শ্রীযুক্ত অক্ষয়কুমার মিত্র সভাপতির আসন গ্রহণ করিলে, শ্রীযুক্ত

সতীশচন্দ্র চক্রবর্তী ও শ্রীযুক্ত হেমলতা ভট্টাচার্য প্রার্থনা করেন। তৎপরে শ্রীযুক্ত কুম্ভকুমারী দাস ও শ্রীযুক্ত রেণুকণা দাস প্রবন্ধ পাঠ করেন; এবং শ্রীযুক্ত মনোমোহন চক্রবর্তী ও সভাপতি মহিলাদিগকে কিছু বলেন।

অপরাত্রে সম্মিলনীর পঞ্চম অধিবেশন।

বেলা ৩ ঘটিকার সময় সম্মিলনীর পঞ্চম অধিবেশন হয়। প্রথমে অনাথ ব্রাহ্মপরিবার-সংস্থান ধনভাণ্ডার সম্বন্ধে আলোচনা হয়। আগামী বৎসরের জন্য শ্রীযুক্ত বক্রবিহারী কর উক্ত ভাণ্ডারের সম্পাদক ও শ্রীযুক্ত সুরেন্দ্রচন্দ্র দাস সহকারী সম্পাদক নিযুক্ত হন। তৎপরে শ্রীযুক্ত মনোমোহন চক্রবর্তী ঐ ভাণ্ডারের অর্থবৃদ্ধির প্রয়োজনীয়তা সম্বন্ধে কিছু বলিলে, সভাস্থলে ৩০ টাকা দান স্বাক্ষরিত হয়, এবং শ্রীযুক্ত বীরেন্দ্রনাথ দেব শ্রীযুক্ত অপর্ণাচরণ ভট্টাচার্য ও শ্রীযুক্ত গণেশচন্দ্র গুহ কলিকাতায় এবং শ্রীযুক্ত অশ্বিনীকুমার বসু ঢাকায় এই ভাণ্ডারের জন্য অর্থসংগ্রহের ভার গ্রহণ করেন।

তৎপরে নিম্নলিখিত প্রস্তাবটি গৃহীত হয় :—

(১৩) সকল স্থানের ব্রাহ্মসমাজসমূহের সম্পাদকগণকে ও ব্রাহ্মসমাজের পত্রিকাগুলির সম্পাদকগণকে অনুরোধ করা যাইতেছে, যেন তাঁহারা প্রত্যেক সমাজের সংবাদসকল পত্রিকাগুলিতে নিয়মিতরূপে প্রকাশ করিবার ব্যবস্থা করেন।

(১৪) সম্মিলনীর “পূর্ববাহালা ব্রাহ্ম-সম্মিলনী” নাম পরিবর্তন বাঞ্ছনীয় কিনা, এ সম্বন্ধে কিঞ্চিৎ আলোচনা হইয়া স্থির হইল যে নাম পরিবর্তনের প্রয়োজন নাই।

(১৫) সম্মিলনীর বার্ষিক অধিবেশনের বায় নির্বাচনের জন্য স্থানীয় অভিযর্থনা সমিতির পক্ষে উপস্থিত অতিথিগণের নিকট হইতে delegation-fee গ্রহণ করা বাঞ্ছনীয় কিনা, এ সম্বন্ধে আলোচনা হইয়া স্থির হইল যে, delegation-fee গ্রহণের পরিবর্তে সম্মিলনীর সভ্যগণের বার্ষিক টাকা বৃদ্ধি করা বাঞ্ছনীয়।

(১৬) কিছু ঐক্যপ করিতে হইলে পূর্বে বিজ্ঞাপন দেওয়া প্রয়োজন বলিয়া স্থির হইল যে, আগামী অধিবেশনের জন্য প্রত্যেক সভ্য বার্ষিক টাকা এক টাকার অতিরিক্ত আরও এক টাকা সাহায্য করিবেন; এবং যথাসময়ে বিজ্ঞাপন দিয়া চেষ্টা করিতে হইবে যে, আগামী অধিবেশনে যেন সম্মিলনীর সভ্যগণের বার্ষিক টাকার পরিমাণ ৩ টাকা নির্দ্ধারিত হয়।

(১৭) ইহাও স্থির হইল যে সম্মিলনীর অধিবেশন পর বৎসর কোথায় হইবে তাহা সম্মিলনীই নির্দ্ধারণ করিবেন। কার্যনির্বাহক সভা সেই স্থানের তিন ব্যক্তিকে অতিরিক্ত সভ্য (co-opted member) রূপে গ্রহণ করিয়া তাঁহাদিগের সহিত এক যোগে অধিবেশনের ব্যবস্থা করিবেন।

(১৮) আগামী অধিবেশন চট্টগ্রামে হইবে স্থির হইল।

(১৯) অল্পবয়স্ক শ্রেণীর মধ্যে ব্রাহ্মধর্ম প্রচারের জন্য শ্রীযুক্ত মাধবচন্দ্র বিশ্বাসকে পুনরায় এক বৎসরের জন্য নিযুক্ত করা হইল। শ্রীযুক্ত সতীশচন্দ্র চক্রবর্তী এই কার্যের ওদ্বাবধায়ক ও শ্রীযুক্ত অশ্বিনীকুমার বসু অর্থসংগ্রহকারী নিযুক্ত হইলেন।

(২০) বিগত বৎসরের কার্য নির্দ্ধারক সভায় সভ্য

সম্পাদক ও সহকারী সম্পাদকগণই আগামী বৎসরের জন্যও যথ পদে রহিলেন।

তৎপরে শ্রীযুক্ত বীরেন্দ্রনাথ বসুর প্রস্তাবে নিম্নলিখিত নির্দ্ধারণটি গৃহীত হয় :—

(২১) বাল্যবিবাহ নিবারণ জন্য আইন উপস্থিত করিয়া রায় সাহেব হরবিলাস সর্দা মহাশয়, এবং উক্ত আইন কাউন্সিলে সমর্থন ও পরিশেষে অল্পমোদন করিয়া গবর্নমেন্ট, এই সম্মিলনীর ধন্যবাদভাজন হইয়াছেন।

(২২) অতঃপর জগন্নাথ হোটেলের কর্তৃপক্ষ, ট্রেট বেঙ্গল ইন্সটিটিউশনের কর্তৃপক্ষ প্রভৃতি দ্বারা সম্মিলনীর বর্তমান অধিবেশনের সাহায্যতা করিয়াছেন, তাঁহাদের পক্ষে ধন্যবাদ প্রদান করা হয়।

(২৩) সম্মিলনীর সভ্যদের হস্তে, সভাপতি মহাশয়ের প্রতি কৃতজ্ঞতাজ্ঞাপন-সূচক নির্দ্ধারণ সর্বসম্মতিক্রমে ও সাদরে গৃহীত হইল।

সর্বশেষে সভাপতি মহাশয় বলেন—এই সম্মিলনী আমাদের বড়ই আগ্রহের বস্তু। বৎসর বৎসর ইহাতে উপস্থিত হইতে না পারিলে প্রাণে বেদনা হয়। মাঘোৎসবেও যোগদান করি; কিন্তু এই সম্মিলনীতে তদপেক্ষাও অধিক আনন্দ পাই। বহুদিন পরে পরিবারের সকলের সঙ্গে মিলিত হইলে যেমন আনন্দের উচ্ছ্বাস হয়, এই সম্মিলনীতে তেমনি হয়। অজ্ঞাত সভ্য-সমিতিতে এমন হয় না। এখানে আসিতে কত ক্লেশ হয়, এসেও ভাল আহারাদির অভাবে ক্লেশ পেতে হয়, তবুও অর্থব্যয় করে, সকলে কেন আসেন? আত্মিক আনন্দের জন্য। আত্মিক আনন্দের জন্য আমরা ক্লেশ স্বীকার করি। এ সকল আশার কথা। অতএব, আমরা আর পশ্চাতে যাব না। আমাদের অগ্রগতি কেউ নিবারণ করতে পারবে না। দশ বৎসর পূর্বে দেশের সম্বন্ধে যে ধারণা ছিল, এখন তার কত উন্নতি হয়েছে। ভগবান এখন আর কল্পনার বিষয় নন। তিনি ব্যাক্ত; তিনি এই বৃহৎ সমাজকে চালাচ্ছেন। যেমন পিতা সন্তানগণের উন্নতির জন্য যত্ন করেন, তেমনি তিনি আমাদের উন্নতির জন্য যত্ন করছেন। তাঁর উপর নির্ভর রেখে আমরা সকলে অগ্রসর হই। এই সম্মিলনীতে দ্বারা এসেছেন, যত পুরুষ নারী বালক-বালিকা সেবা করেছেন, সকলকে প্রণাম করি।

সভ্যার প্রাকালে শ্রীতি সম্মিলন।

এইরূপে সম্মিলনীর শেষ অধিবেশনের কার্য সম্পন্ন হইলে সভাস্থ সকলে ও আরও অনেকে ট্রেট বেঙ্গল ইন্সটিটিউশনের প্রাঙ্গণে মিলিত হন। বালক বালিকা সহ প্রায় চারিশত স্নাতক-ভগিনী সেখানে একত্রিত হইয়াছিলেন। তথায় কনসার্ট বাজ, পরস্পরের সহিত কথাবার্তা ও কিঞ্চিৎ জলযোগ হয়।

সভ্যার পর উপাসনা।

তৎপরে মন্দিরে উপাসনা হয়। শ্রীযুক্ত কুম্ভকুমার মিত্র মহাশয় আচার্য্যের কার্য করেন। উবোধনে তিনি বলেন, মানুষ মাত্রেই আপনাকে বড় অসহায় মনে করে। কিন্তু জীবনেরল অন্তরালে পরমেশ্বরের গভীর প্রেম আমাদের জন্য রহিয়াছে।

একবার এক পগলু শব্দে অস্বাভাবিক ভাবে
পর্যুতশিখরে বসিয়াছিল। শিশুর মাতা আকুল স্নেহের প্রেরণায়
সেই ছুরারোহ পর্ত্তে আরোহণ করিয়া শিশুটিকে উদ্ধার করে।
এই মায়ের স্নেহ যেমন, পরম মাতার স্নেহও তদ্রূপ। তিনি
আমাদের জন্ম এমনি ব্যাকুল। আমাদের একজন আপনার ধর্ম
ও মহুয্যস্ব দব হারাইয়াছিল। তার হৃদয়ে প্রেম ভক্তি ছিল না।
কেবল কিছু অর্থ ছিল; তার সাহায্যে সে নানা স্থানে ঘুরিয়া
বেড়াইতেছিল। পৃথিবীর কেউ তাকে উদ্ধার করিতে পারুল
না। অবশেষে ভগবানের বিধানে সে একজন সাধুর সংস্পর্শে
উদ্ধার হ'য়ে গেল। সেই শিশুহারা মায়ের প্রাণে যিনি স্নেহ
দিয়েছিলেন, তিনিই সাধুর মধ্য দিয়ে পাপীকে উদ্ধার করলেন।
তিনি জাগ্রত জীবন্ত পুরুষ। তাঁর প্রকাশ দেখবার জন্মই আমরা
মিলিত হয়েছি। সকলে একত্র হ'য়ে বলি, "তোমার প্রকাশ
হউক।"

আরাধনার পর সংক্ষিপ্ত উপদেশে তিনি উচ্ছ্বাসপূর্ণ হৃদয়ে
বলেন,—ঈশ্বরের দয়াতে অনেক সমস্যার মীমাংসা হয়েছে;
জীবনের ভার তিনি গ্রহণ করেছেন। নিরাশার দুর্দিনে
বলেছিলেন, "জীবনের ভার আমার দিয়ে থাক হে নিশ্চিন্ত
হয়ে"; এই কথা এখনও ভুলতে পারি নাই। ঐ বাক্যই
সর্বদা স্মরণ করি। তাহাতে নিজের চিন্তা গিয়েছে। তাঁর
ইচ্ছা পালন করিতে গিয়ে কত দুঃখ পেতে হয়েছে; কিন্তু
দেখেছি দুঃখের পর কি আনন্দ! সর্বাপেক্ষা বড় দুঃখ মৃত্যুর
দুঃখ। সেই দুঃখ চ'লে গিয়েছে। পরকাল আছে, চক্ষে দেখা
যায়, অণুরে বোঝা যায়। সংসারে কেন এত দুঃখ দারিদ্র্য?
এর কি কোনও মীমাংসা হবে না? মীমাংসা আছে। যদি
দুঃখে প'ড়ে তাঁকে দেখা যায়, তবে ত দুঃখ বাঞ্ছনীয়। তাঁকে
পেলে সব প্রব্লেম মীমাংসা হয়।

১৪ই অক্টোবর, প্রাতে উপাসনা।

১৪ই অক্টোবর প্রাতঃকালে উষা কীর্তনের পর উপাসনা
হয়। শ্রীযুক্ত রমেশচন্দ্র মূণোপাধ্যায় আচার্য্যের কার্য্য করেন।
উদ্বোধনে তিনি বলেন—মা শিশুকে জোর ক'রে দুধ খাইয়ে
বাঁচিয়ে রাখেন। তেমনি জগজ্জননীও আমাদেরকে জোর
ক'রে আত্মিক অন্নপান দান করেন। Estlin Carpenter
উপাসনার যেতেন; কিন্তু মন বস্তু না; উপাসনা ভাল লাগত
না। একদিন ছুটির সময় ছড়ি হাতে সঙ্গরের বাইরে বেড়াতে
গেলেন। একাকী যেতে যেতে এক অদৃশ্য ব্যক্তি তাঁর সম্মুখে
প্রকাশিত হলেন। বাহিরের চক্ষু দিয়ে যে দেখলেন, তা নয়;
কিন্তু এমন দেখা দেখলেন যে, জীবনে আর ভুলতে পারলেন
না। বন্ধুকে লিখলেন, "তুমি আমার কাছে আছ, ইহা যেমন
স্পষ্ট, তেমন স্পষ্ট দেখলাম।" চির জীবনের মত বাধা প'ড়ে
গেলেন। এ কি জোর ক'রে স্থখা পান করান নয়? মা সকলের
সঙ্গেই নিত্য এইরূপ করতেন।

এই যে উৎসবে এসেছি, পূর্বে আমাদের মনের অবস্থা কি
ছিল, আর এখন কি হয়েছে। আমার আত্মার অনেক বাধা ছিল।
হৃদয় ভক্তিতাজন ব্যক্তি হাত ধরলেন; জোর ক'রে আনলেন।
এ কি মায়ের হাত ধরা নয়? আশা সার্থক হয়েছে। সকলের

মুখে হৃদয় ছবি দেখি; সকলেই বেন তৃপ্ত। বড় সাধ হচ্ছে,
উৎসবের শেষদিনে সকলে মিলে মায়ের গুণ গান করি।

উপদেশে বলেন,—যে সব ছেলে মেয়েরা মা বাপকে ভাল
বাসে না, ভক্তি করে না, মা বাপের কথা শোনে না, তাদের
কখনও ভাল হয় না। যত বড় লোকের কথা শুনা যায়, তাঁরা
সকলেই মাকে বড় ভাল বাসতেন। মাকে ভাল বাসলে
সন্তানেরই ভাল হয়; সন্তানই বড় হন।

জগতের মাকে ধারা ভাল বাসেন তাঁদেরও ভাল হয়;
ভাল না বাসলে কখনও মঙ্গল হয় না। নিজ নিজ জীবনের
দিকে তাকাইলেই আমরা এটা বুঝতে পারি। ভাই বোন,
যদি জীবনের দিকে তাকিয়ে সন্তুষ্ট হতে না পার, যদি দুঃখ
দুর্গতি দেখ, তার কারণ জেনো, মাকে ভাল না বাসা! মহর্ষি
ঈশা বলেছিলেন, "Thou shalt love the Lord, thy God
with all thy heart, with all thy mind and with all
thy soul, and thou shalt love thy neighbour as
thyself. ঈশ্বরে ভক্তি ও মানবে প্রেম,—এই কথাটির মধ্যে সব
আছে। তাঁকে ভাল বাসতে পারলে জীবন ধন হ'য়ে যায়।
মাকে ভালবাসা সন্তানের পক্ষে কেমন স্বাভাবিক! এটা ব'লে
দিতে হয় না। কিন্তু আমরা জীবনটাকে এমন বিকৃত ক'রে ফেলি
যে, এই স্বাভাবিক জিনিষটাই অস্বাভাবিক হয়ে যায়। তাঁকে ভাল
বাসবে না? তাঁর অহুগত হবে না? জীবন যে তাঁর ভালবাসার
পূর্ণ; তাঁর ভালবাসাই ত জীবনকে রক্ষা করবে।

তিনি যেমন ভালবাসেন, আমরাও যদি পরস্পরকে তেমনি
ভালবাসতে পারতাম তবে ধন হতাম। ভালবাসার মতন
জিনিস আর নাই। মার শাসন প্রেমের শাসন। আমাদেরও
পরস্পরের প্রতি প্রেমের শাসনই হওয়া চাই। বাড়ীর একটি
পরিচারিকা কিছু কিছু চুরী করত। এটা যখন টের পাওয়া
গেল, তখন তাকে বিদায় ক'রে দিতে ইচ্ছা হয়েছিল। কিন্তু
শেষে স্থির করা গেল, ও ত ভাল খেতে পায় না ব'লেই চুরী
করে; ওকে একদিন ভাল ক'রে খাওয়ান যাক। তাই যখন
করা গেল, তখন সে অবাক হ'য়ে বলতে লাগল, "আমার
জন্ম এত খাবার! আমার জন্ম এত আয়োজন!" এই বলতে
বলতে সে চোখের জল ছেড়ে দিল। সেই অবধি তার
সংশোধন হ'য়ে গেল; আর সে চুরী অপরাধে অপরাধী হয় নি।
মা আমাদের প্রতি এইরূপ ব্যবহারই করেন। আমাদেরও
পরস্পরের প্রতি এইরূপ ব্যবহারই করা উচিত। সমাজের
ভাল দেখতে চাও? সমাজকে ভাল বাস। ভাইবোনকে
ভাল দেখতে চাও? ভাইবোনকে ভালবাস। জন্ম কর্ত্তে
চাও ত ভাল কর্ত্তে পারবে না। ভালবাসা থাকলেই সমাজ
স্থখের স্থান হয়। ভগবানেরও আশীর্বাদ নেমে আসে।

উপদেশ ও সঙ্গীত শেষ হইলে শ্রীযুক্ত নতীশচন্দ্র চক্রবর্তী
প্রাণের আবেগভরে চম্পিত বৎসর পূর্বে এই ঢাকা নগরে তাঁহার
ব্রাহ্মধর্ম গ্রহণকালের বিবরণ ও পরমেশ্বরের করুণার বর্ণনা
করেন। পিতা মাতা ও আত্মীয় স্বজনদের ভালবাসামিথিত
বাধার সঙ্গে কিরূপ সংগ্রাম করিতে হইয়াছিল, বাস্তবিক
ঢাকা হইতে টাঙ্গি পর্য্যন্ত পদব্রজে কিরূপ ক্লেশে বাইতে

হইয়াছিল, অশ্রুপাতের সহিত এ সকল স্মরণ করেন ও পূর্ব-
বাক্যলা ব্রাহ্মসমাজ মন্দিরের কোনও কোনও স্থান নির্দেশ
করিয়া সে সকলকে নিজ জীবনের তীর্থস্থান রূপে বর্ণনা করেন।

শ্রীযুক্ত অন্নদাচরণ দাসও ঐরূপে উচ্ছ্বসিত হৃদয়ে নিজের পূর্ব
কাহিনী ও দুঃখ ক্লেশ অনাহার প্রভৃতির মধ্যে পরমেশ্বরের দয়া
বর্ণনা করেন; এবং পূর্ববাক্যলা ব্রাহ্মসমাজকে তাঁহার তীর্থস্থান
বলিয়া ব্যক্ত করেন।

তৎপরে মহম্মদ জলিল উদ্দিনও সাশ্রমরূপে তাঁহার জীবনে
ব্রাহ্মধর্মের প্রভাব, স্বর্গীয় গুরুদাস চক্রবর্তী মহাশয়ের প্রতি
তাঁহার কৃতজ্ঞতা প্রভৃতি বর্ণনা করেন।

ঐরূপে উৎসবের শেষ দিনে সকলে পরমজননীর মধুময়ী
করণা বিশেষরূপে অমৃতভব করিয়া পরস্পর পরস্পরকে প্রেম-
লিঙ্গনপূর্বক তৃপ্ত হৃদয়ে স্ব স্ব স্থানে গমন করেন। ব্রাহ্মকৃপাহি
কেবলম্।

শ্রীঅমরচন্দ্র ভট্টাচার্য।

সম্মিলনীর পরে

আমাদের পূর্ববাক্যলা ব্রাহ্মসম্মিলনীর যে সম্মিলন ও উৎসব
হ'য়ে গেল, উহাতে যোগদান ক'রে অত্যন্ত আনন্দ লাভ
করেছি। শুধু আনন্দ লাভ নয়, কিছু যে উপকার পেয়েছি,
সে কথাও স্বীকার করা ভাল। অল্পই হউক আর বেশীই
হউক, অনেকেই ত কিছু কিছু পেয়েছি; সে পাওয়ার কথা
স্বীকার করলে লোকের মনে আশা জাগতে পারে, এই রকম
একটি সম্মিলনীর যে কত প্রয়োজন, সে বিষয়েও মানুষের
একটা ধারণা জন্মিতে পারে। এবার সম্মিলনী যে দিন শেষ
হ'ল, সে দিন অনেকেরই যেন সকলের সঙ্গে ছাড়াছাড়ি হ'তে
মনের মধ্যে কেমন কষ্ট চাছিল। আমি সেই সম্মিলনী বিষয়েই
সংক্ষেপে গুটিকয়েক কথা বলতে চেষ্টা করব।

আমরা অনেক সময় সম্মিলনীর মত উৎসবাদিতে, যথেষ্ট
বিশ্বাস, বিনয়, ব্যাকুলতা ও ঈশ্বরের প্রতি নির্ভর এবং মনের
অকপট নিঃস্বার্থভাব নিয়ে যোগদান করতে পারি নে, তারই
শাস্তি-স্বরূপ অনেক সময় ঐ সকলে তেমন কিছুই ফললাভ
করতে সমর্থ হই না। এই জন্ত যখনই একটা উৎসবাদি
ব্যাপার এসে উপস্থিত হয়, আমরা একদল নিরাশচিত্ত উৎসাহ-
বিহীন লোক, সুরক্ষিত মতন, কিছুই হবে না ব'লে সাবধান
করতে থাকেন। তাঁরা বলেন, আরে রেখেদাও বাপু তোমার
উৎসব, ও সব আমরা ঢের ঢের দেখেছি। সেই ত বৎসরের
পরে বৎসর একটা সম্মিলনী হয়, একজন সভাপতি এসে গরম
গরম একটা বক্তৃতা শুনান, তা ছাড়া কয়েকদিন সেই একঘেয়ে
উপাসনা উপদেশ আর আলোচনার মধ্যে কতগুলি মানুষ
বিষম নিয়ে কথার কাটাকাটি চলতে থাকে। তার পরে সমস্ত
বৎসর কাজের মতন কোন কাজই নাই। এই রকম সম্মিলনীতে
লাভ কি?

এই তিরস্কারের মধ্যে যে সত্য আছে, সে কথা মাথা পেতে
মনে নিতেই হবে। কিন্তু আমরা যারা সুরক্ষিত মতন এই
সকল বাক্য উচ্চারণ করি, অনেক সময় আমরা যে কি রকম
চিন্তাবিহীন ও আত্মপ্রতারণিত হ'য়ে এই সকল কথা ব'লে থাকি,
সে বিষয়েও একটুখানি আলোচনা ক'রে বুঝতে চেষ্টা করা
আবশ্যক। উৎসবাদি ও তত্ত্ব-সম্মিলনের মধ্যে যখন ঈশ্বরের
আশ্রয় করণা নেমে আসে, তখনও আমরা তাঁর বিন্দুমাত্রও
করণা দেখতে পাই না, কিছুই হ'ল না ব'লে কেবলই নিরাশার
কথা বলি;—তাঁহার মূলে কি আমাদের অবিশ্বাস, অহংকার ও
প্রতুষ্প্রিয়তা প্রচ্ছন্ন থাকে না? আমাদের এমনই সংশয় যে,

(৩রা নবেম্বর পূর্ববাক্যলা ব্রাহ্মসমাজে শ্রীযুক্ত অমৃতলাল ভট্ট
প্রদত্ত উপদেশ অবলম্বনে লিখিত।)

আমাদের কার্যের মধ্যে তত্ত্ব বিজয়কৃষ্ণ, ত্যাগী শিবনাথ ও
আচার্য্য নগেন্দ্রনাথের মতন লোক নেই ব'লে মনে হয়, আর
কিছুই হবার নয়। আমাদের মনের তলদেশে এমন একটা
অহংকার ও অশ্রদ্ধা লুকানো থাকে যে, এই উৎসবে যারা মিলিত
হয়েছেন, যারা উপাসনা, আলোচনা করছেন, তাঁদের কাছে
আর কিই বা শুনব? তাঁরা আমাদের কিই বা করবেন?
তাহা ছাড়া, সকল কার্যের মধ্যে আমরা কোন রকম কর্তৃত্ব
করবার সুবিধা যে হচ্ছে না, সে জন্তও কোন ভাল কাজকেও
অনেক সময় ভাল ব'লে মনে করতে পারি না। অন্তরে এই
চিন্তাই উদয় যে, ঐ সব কাজ আমার পরামর্শ ও ইচ্ছায় সম্পন্ন
হ'লেই হয় ত খুব ভাল হ'তে পারত। আসল কথা, সব জায়গায়ই
আমাদের অহংকার মাথা উঁচু করে দাঁড়ায় বলেই অনেক ভাল
জিনিসকে ভাল ব'লেই গ্রহণ করতে পারি না, তাতেই অনেক
বিষয়ে লাভবান হ'তে পারি না এবং অনেক সময় প্রকৃত আনন্দ
হ'তেই বিধিত হই।

কিন্তু এই সকলের চেয়েও আর একটি সুন্দর বিষয় আছে;
আমরা আর এক নিগূঢ় কারণে আত্মার মধ্যে আশ্রয় রকমের
কিছু না পেলে, খুব বড় রকমের একটা পরিবর্তন না হ'লে,
ধর্মরাজ্যের ছোট ছোট পাণ্ডাকে কিছু পেলেই মনে
করি না; এমন কি, সে রকম পাওয়ার কোন রকম অমুভূতিই
আমাদের মধ্যে জাগে না। আমাদের দেহাত্মবুদ্ধি আশ্রয়
প্রবল, মনের ও আত্মার সম্পদের চেয়ে বাহিরের ক্ষণস্থায়ী বস্তু-
প্রাপ্তির দিকেই অন্তরের বৌক অত্যন্ত বেশী। এজন্য কোন
উৎসবদির মধ্যে যদি দেখি, আমাদের প্রচার বিভাগ ও দাতব্য
বিভাগের জন্ত কয়েক শত টাকা নগদ হাতে হাতেই পাওয়া গেল,
আরো হাজার দুই দিবার জন্ত কেহ কেহ ঋতায় নাম সহি
করলেন, তা হ'লে কতই আনন্দ হয়, মনে ভাব, হাঁ, এবার
একটা কাজের মতন কাজ হয়েছে বটে, আমাদের উৎসবটা
সার্থক হয়েছে। কিন্তু প্রতিদিনের উপাসনা, আলোচনা, বক্তৃতা
ও ধর্ম-বুদ্ধিগের সঙ্গে মিলনের মধ্য দিয়া মনের ও আত্মার
যে কত প্রকার অপূর্ব সামগ্রী লাভ করি, আমরা কয়জন
লোক তাকে মূল্যবান সামগ্রী ব'লে মনে করি? কয়জনে উহা
লাভ ক'রে পরিতৃপ্ত ও পুলকিত হই?

আমাদের এক একটা উৎসবের মধ্যে প্রায়ই দুই একটি
অতি চমৎকার বক্তৃতা হয়, অনেকগুলি উৎকৃষ্ট উপদেশও আমরা
শুনতে পাই, তত্ত্বজ্ঞান ও ভক্তিরসপূর্ণ গ্রন্থপাঠও হ'য়ে থাকে।
এ সকলের মধ্য দিয়া কত সময় আমাদের অন্তরের এক একটা
অন্ধকারের দিক সহসা আলোকিত হ'য়ে উঠে, আমরা যে সত্য
জানিতাম না, তাহাও জেনে কত উপকৃত হই। এক উৎসবে
নয়, দুই উৎসবে নয়, এমন ত কত উৎসবেই হয়। কি বলেন?
আপনাদের তা হয় না কি? হয় বই কি? কিন্তু কে উহার মূল্য
দেয়? একটি সত্য, একটি তত্ত্ব, আমাদের অন্তরের যে কি সম্পদ,
তা আমরা মোটেই চিন্তা ক'রে দেখি না, উহাতে জীবনের যে কত
উপকার, তাহাও অমৃতভব করি না; এই জন্ত ঐ সকল সত্য
পাওয়ার আমাদের কাছে মিথ্যা পাওয়ার মতন।

এ সকল ত গেল জ্ঞান ও সত্য পাওয়ার কথা। কিন্তু
আমরা যে আধ্যাত্মিক সম্পদ অর্থাৎ বিশ্বাস, ভক্তি ও পবিত্রতা
প্রভৃতি লাভ করবার জন্য, উৎসবের মধ্যে বিশেষ ভাবে
ব্যাকুল হ'য়ে থাকি। সেই সমস্ত বিষয়েই একটুখানি স্মরণভাবে
চিন্তা ক'রে দেখুন। আমাদের এক একটা উৎসবের মধ্যে যখন
গভীর উপাসনা, উৎকৃষ্ট উপদেশ ও জঘাট কীর্তন হয়, তখন
কি আমাদের কল্প হৃদয়হার কিছু সময়ের জন্যও খুলিয়া যায়
না? আমরা কি শূন্যপ্রাণে ঈশ্বরের অতি অল্প একটুখানি স্পর্শ,
সংশয়ের মধ্যে অল্প একটু বিশ্বাস, বিশ্বাসসক্তির মধ্যে অল্প একটু
সাধনের আকাঙ্ক্ষা, স্বার্থপরতার মধ্যে সামান্য একটু ত্যাগের
ভাব লাভ করিতে সমর্থ হই না? আমাদের অন্তরে কি কিছু
কালের জন্যও পবিত্র সংকল্পের উদয় হয় না? হয় বই কি?

এই যে আমাদের সম্মিলনের উৎসব হয়ে গেল, একবার বলুন ত, আপনারা কি আত্মার মধ্যে কোনরূপ আধ্যাত্মিক ভাবের কম্পন অনুভব করেন না? করেছেন বই কি? অথচ অনেকেই বাস্তবের জীবনের দিকে চেয়ে কিতরের ঐ অল্প পরিমাণ আধ্যাত্মিক ভাবগুলির মূলা দিতে এবং উহা স্বীকার করতে কুণ্ঠিত। অথচ ঐ যে একটু স্পর্শ, একটু বিশ্বাস, একটু সাধনের আকাঙ্ক্ষা, এমন নিঃস্বার্থ লাভ করা, উহার মূলা ত কম নয়। আমরা ধর্মজগতের অতি সাধারণ নিয়ন্তরের লোক;—আমাদের ঐ রকম একটু একটু লাভ করতে করতেই ত অতি ধীরে ধীরে ধর্মজীবনের পথে অগ্রসর হতে হবে। কিন্তু এই কথাটাই আমরা ভাল করে বুঝি না। একটু একটু লাভের মূলা দিতেই চাই নে। এই জগতে ত আমাদের মনের মধ্যে অন্ধকার, অশ্রদ্ধা, ও অশ্রদ্ধা ও নিরাশা। আমরা নিরাশাকাতক সংশয়পূর্ণ চিন্তে ব'লে উঠি—স্বপ্না দাগ তোমার উৎসব ও উপাসনা, আমার উহাতে কিছুই হয় নাই। আসল কথা আমাদের মনের মধ্যে উৎসাহটি সম্বন্ধ এই রকম একটা ভাব লুক্কায়িত আছে যে, উৎসবের মধ্যে এক বিঘ্নরূপ গোপনীয় মতন ভক্তির উচ্ছ্বাসপূর্ণ উপাসনা, আচার্য্য শিবনাথের মতন গংগা গংগা বক্তৃতা ও উদ্দীপনাপূর্ণ উপদেশ হবে, আর তার ভিতরে দিয়ে একটা প্রবল ভাবের স্রোত এসে আত্মার মধ্যে খুব বড় রকমের পরিবর্তন উপস্থিত করবে আমি একেবারে নতুন মানুষ হয়ে যাব। যদি তাই না হয়, তবে ঐ সব ছোট গাট পাওয়া—যা কিছুদিন পরে কল্পনার বৃন্দ হয়ে মনের মধ্যে মিশিয়ে যাওয়াও বিচিত্র নয়, তা পাওয়া আবার কি একটা পাওয়া? সেই কথাও আবার আশ্চর্য্য করে মানুষকে শুনতে হবে?

আচ্ছা, এখন দেখা যাক, সম্মিলনের উৎসবের মধ্য দিয়া আমরা কি কি বিষয় লাভ করেছি; এবং সম্মিলনীতে আমরা ব্রাহ্মব্রাহ্মিকাগণ মিলিত হ'য়ে যে ভাবে উপাসনা আলোচনা এবং ব্রাহ্মসমাজের কল্যাণের জন্ত কথাবার্তা বলেছি, তাতে আমাদের কি কি উপকার হ'তে পারে।

প্রথমতঃ, কতকগুলি ধর্মপিপাসু ও ব্রাহ্মসমাজের কল্যাণার্থী ব্রাহ্মব্রাহ্মিকার যে কয়েকদিনের জন্ত আর সকল ভুলে গিয়ে একত্র হ'য়ে উপাসনা, ধর্মালোচনা, সমাজের কল্যাণচিন্তা এবং একত্র হ'য়ে আচার্য্য ও কথোপকথন,—ইহার মধ্য দিয়া আমরা যে কি রকম শক্তি লাভ করে থাকি, সে অনুভূতিই আমাদের নাই। ধর্মমণ্ডলী ও ধর্মসমাজ কেন? এই মিলনেরই জন্ত। আমাদের আধ্যাত্মিক মিলনের মধ্য দিয়া স্বয়ং মিলনদেবতা, একটা উন্নত হৃদয়ের ভাব অপর হৃদয়ে অতি আশ্চর্য্যভাবে সঞ্চার করেন এবং তন্মধ্যে তিনি আপনার ঐশীশক্তি ঢালিয়া দিয়া এক আধ্যাত্মিক গূঢ় নিয়মে আমাদেরকে সবেল করিয়া তোলেন। আমরা যখন একটা উন্নত আত্মার নিকটস্থ হই, তখন যেন স্পর্শমণির মতন সেই আত্মার আধ্যাত্মিক শক্তি আমাদেরকে সোণা করিয়া ফেলিতে চায়। আমরা অনেকে কেমন করে ব্রাহ্মধর্ম গ্রহণ করতে সমর্থ হইয়াছি? নিতান্তই শূন্য প্রাণে শুধুই খেরালের বশবর্তী হয়ে ব্রাহ্মসমাজের উপাসনায় এসেছিলাম। কিন্তু উন্নত আত্মার আধ্যাত্মিক ভাব কেমন করে যে অনুন্নত আত্মায় প্রবেশ করে পরিবর্তন ঘটানো, তা স্বরণ করলেও বিশ্বয় উজ্জ্বল হয়। পরস্পরের আধ্যাত্মিক মিলনে যে বিরূপ শক্তিবাহু করা যায়, সে বিষয়ে নির্ঝর ও নদীর দৃষ্টান্ত দিতে ইচ্ছা হয়। পাহাড়ে ভ্রমণ করিলে দেখতে পাওয়া যায়, ক্ষুদ্র ক্ষুদ্র অনেক নির্ঝরের অলধারা একটা স্থানে মিলিত হ'য়ে নদীর আকার ধারণ করেছে, আবার অনেকগুলি ছোট ছোট নদী মিলিত হইয়াই মহা নদী হয়েছে। আমরা যতকণ একল থাকি, ততকণ আমাদের শক্তিই বা কতটুকু, আর সেই শক্তিটুকু ধারা কতটা বড় কাণ্ডই বা আমরা করতে পারি? কিন্তু আমরা যখন সমাজে ও মণ্ডলীতে বড় হবার জন্ত, বড় কাজ করার জন্ত অকণট নিঃস্বার্থভাবে মিলিত হই, তখন আমাদের

ধর্মজীবনও গড়িয়া উঠে, সমাজের স্বার্থ কল্যাণকার্য্য করতেও সমর্থ হই।

বোধ হয়, এই অত্যন্ত সহজ কথাগুলি কেহই স্বীকার করতে পারেন না যে, যখনই কোন উৎসবাদিতে মিলিত হই, তখনই উন্নত আত্মাদিগের উন্নতি লক্ষ্য করে অতি স্বাভাবিক ভাবেই আত্মোন্নতির জন্ত আমাদের চিত্ত ব্যাকুল হ'য়ে উঠে। অতিশয় সাধুচরিত্র লোকদিগের পাশে ব'সে, আপনার হৃদয়ের নিকটই ভাবের কথা স্বরণ করে আপনাকে দিকার দিতে ইচ্ছা হয়; ভক্তদিগের ভক্তির উচ্ছ্বাস দেখে উহা কতই স্পৃহণীয় সামগ্রী ব'লে ধারণা জন্মে এবং ত্যাগীপুরুষদিগের জীবনের কাছে আপনার স্বার্থপর জীবনকে কতই হীন ব'লে মনে হয়।

হয় ত এট মন্দিরের অনেকেই স্বীকার করবেন, এবার আমাদের সম্মিলনের একটা বক্তৃতা খুব ভালই হয়েছিল, আমরা সেই বক্তৃতাটি শুনে অনেক শিক্ষালাভ করেছি। তা ছাড়া বিশেষভাবে শেষের দুই দিনের উপাসনা, উপদেশ ও আত্মনিবেদন, আমাদের অন্তরে আধ্যাত্মিক ভাব উদ্দীপিত করে তুলেছে, আমরা অনেকেই উহা সন্তোষ করেছি। কয়েক দিনের আলোচনা ব্রাহ্মসমাজের অনেক প্রয়োজনীয় বিষয়ে যে, মনের মধ্যে চিন্তা আগিয়ে দিয়েছে তাহাও স্বীকার করবার যো নাই। সুতরাং সম্মিলনের উৎসবে যে আমরা উপকৃত হইয়াছি, এ কথা স্বীকার করতে কুণ্ঠিত হবার কোন কারণই দেখতে পাউ না।

আমাদের এই সম্মিলনের মিলনের অভিজ্ঞতা হ'তে আরও একটা বিষয়ে যথেষ্ট জ্ঞানলাভ করতে পারি। আমাদের উপাসক-মণ্ডলীর প্রতি সপ্তাহে উপাসনার জন্ত যে মিলন অথবা সঙ্ঘত ও ব্রাহ্মবন্ধু সভাতে যে আমাদের মিলন, উহা আমাদের ধর্ম-জীবনের এবং আধ্যাত্মিক আনন্দ লাভের পক্ষে কতই প্রয়োজন। আমরা উৎকর্ষিত বিষয়াসক্তি, নিকট সাংসারিকতা এবং অন্তরের সংশয় ও লঘুভাব এষ্ট একপাশে সরিয়ে রেখে, একটু বিশ্বাস, একটু ব্যাকুলতা, একটু শ্রদ্ধা হৃদয়ে নিয়ে মন্দিরের উপাসনা ও সঙ্ঘতের আলোচনাদিতে যদি উপস্থিত হই, তা হ'লে ধীরে ধীরে আমাদের ভিতরে যে কি রকম একটা শক্তির প্রকাশ ও প্রীতির উচ্ছ্বাস হয়, তাহা আমরা অনেকেই চিন্তা করে দেখি না। চিন্তা করে দেখলে কি আর মন্দিরের সাপ্তাহিক উপাসনায় ও সঙ্ঘতদির আলোচনায় উপস্থিত না হ'য়ে, দূরে দাঁড়িয়ে ঐ সকলের সমালোচনা করতে পারিতাম?

আমরা যখনই অহঙ্কৃত মস্তক নত করে, নম্রহৃদয়ে, একটু বিশ্বাস, একটু ব্যাকুলতা ও শ্রদ্ধা নিয়ে উপাসনামন্দিরে আসি এবং বিশ্বাসী উপাসকদিগের কাছে বসি এবং ঈশ্বরের বর্তমানতা অনুভব করে তাঁর স্বরূপের অনুভূতি আত্মায় জাগ্রত করতে চেষ্টা করি, আর যখনই নিকটস্থ একটা বিশ্বাসী উপাসকের অন্তরে এবং আচার্য্যের ভিতরে একটু ভক্তির উচ্ছ্বাস হয়, তখনই এক আধ্যাত্মিক গূঢ় নিয়মে আমাদের আত্মায় অপর আত্মার আধ্যাত্মিক শক্তি প্রবেশ করে, আমরা উপাসনারাজ্যে একটুকু অগ্রসর হ'য়ে দেবাদিদেবের একটু স্পর্শলাভ করতে সমর্থ হই। সেই স্পর্শটুকু আমাদের আধ্যাত্মিক জীবনের পক্ষে কতই আবশ্যিক!

তুখু কি তাই? আমরা এক এক দিন মন্দিরের উপাসকবৃন্দের সহিত মিলিত হ'য়ে, উপাসনা ও উপদেশের মধ্য দিয়া কত কি যে লাভ করি, আত্মচিন্তা করে তা কি ভায়েরিতে লিখে রাখি? তা যদি লিখে রেখে দিতাম, তা হ'লে অনেক দিন পরে সেই ভায়েরি প'ড়ে বুঝতে পারতাম, মিলিত উপাসনায় আমি দুর্বলতার মধ্যে কত বল, গুহতার মধ্যে কত সরস ভাব, অশান্তির মধ্যে কত শান্তি, অজ্ঞতার মধ্যে কত জ্ঞান লাভ করেছি; এবং ধীরে ধীরে একটু একটু করে আমাদের কত পরিবর্তন হয়েছে, অন্তরে কতটা পরিষ্করণ হয়েছে। নিতাই আমার সম্মুখের উপাসকমণ্ডলী এ বিষয়ে কিছু না কিছু শাক্তি দিতে

পারেন। আপনারা কি ষড়ার্থই মন্দিরের এই মিলিত উপাসনার উপস্থিত থেকে আত্মার সম্বল কিছু কিছু সংগ্রহ করিতে সমর্থ হন নাই? আমাদের বাহিরের অর্থ ও সম্বল চেষ্টা সেই সম্বলেরই মূল্য কি অধিক নয়? বাইরের উল্লিখিত সঙ্কেই বাইরের ভোগ্যবস্তুর সম্পর্ক। ইন্দ্রিয়গুলি নিস্তেজ হয়ে পড়লে, তার শক্তি নষ্ট হ'লে ঐ সকল ইন্দ্রিয়ভোগ্যবস্তু থাকি না থাকি আমার কাছে উভয়ই সমান। কিন্তু উপাসনা-মন্দিরের মিলন হ'তে যে একটু একটু করে জ্ঞান, বিশ্বাস, পবিত্রতা ও প্রেম এবং নিঃস্বার্থ ভাব সংগ্রহ করি, উহাতেই ত আমার আত্মা শক্তিশালী হয়, উহাই ত আমার জীবনের চিরসম্বল।

পরলোকগত গগনচন্দ্র হোম

(পূর্বপ্রকাশিতের পর)

ময়মনসিংহে থাকিতে উপেন্দ্রকিশোরের ব্রাহ্মসমাজে আসা হয় নাট—কলিকাতা আসিয়া তিনি আর অনেকদিন আমাদের ছাড়িয়া থাকিতে পারেন নাই। ব্রাহ্মসমাজে আসিয়া উপেন্দ্র আদর্শ-জীবন যাপন করিয়া গিয়াছেন। একাধারে তিনি আমার পিতা, পুত্র, সখা, স্বহৃদ-স্থানীয় হইয়াছিলেন। তাঁহার বিবাহের অল্প দিন পরে আমি কঠিন ব্যাধিগ্রস্ত হই। তখন তাঁহার স্বামী স্ত্রীতে আমাকে আপন গৃহে আনিয়া পিতৃমাতৃ স্নেহে সেবা-শুশ্রূষা করিয়াছিলেন। আমার বিবাহের পর তাঁহারই স্বগৃহে নববধূ ও আমাকে সাধরে বরণ করিয়া লইয়াছিলেন। উপেন্দ্র ও আমাতে বাক্যালাপ বড় অধিক হইত না,—উভয়ে উভয়ের নিকট বসিয়া থাকিয়া শান্তি ও আনন্দ অল্পভব করিতাম। মৃত্যুর অল্প কয়েকদিন পূর্বে, রুগ্ন দেহে, গিরিধি হইতে যখন উপেন্দ্রকিশোর ফিরিয়া আসিলেন, তখন তাঁহার অবস্থা দেখিয়া আমার কান্না পাঠিতে লাগিল। আমাকে কাদিতে দেখিয়া তিনি বলিলেন,—“মামা, তুমি কাদছ কেন? আমাদের তো যাওয়ার বয়স হইয়াছে; এট ঘে তোমার প্রতিষ্ঠিত ব্রাহ্ম-পরিবার, ইহা দেখি আনন্দ কর।” তার পর মৃত্যুর প্রাকালে আমার স্ত্রীকে তিনি বলেন,—“তুমি আমার মামী নও, আমার মা,—মামা আমার বাবা।” উপেন্দ্রকিশোরের পরিবার আমাদের বড় আপনার,—তাঁহার ছোট পুত্র পরলোকগত স্বকুমার আমাদের বিশেষ প্রিয় ছিল, তাঁহার পরিবারস্থ সকলে আমাদের কত আপনার জন;—ব্রাহ্মসমাজে আমাদের এমন আপনার জন আর কেহ নাই।

শ্রদ্ধাস্পদ হেডমাষ্টার রতনমণিবাবু ব্রাহ্মধর্ম্মাঙ্কুরাগী ছিলেন। নবকুমার, গুরুদাসবাবু আর আমি তিনজনে তাঁহার বাসায় থাকিয়া অবাধে ব্রাহ্মসমাজের উপাসনায়, ব্রাহ্ম-বাসাতে সঙ্গত সংকীর্ণনে নিয়মিতরূপে যোগ দিতে পারিতাম। ব্রাহ্মদের একটা বাসা ছিল,—সেখানে পণ্ডিত শ্রীনাথ চন্দ্র, কবি আনন্দচন্দ্র মিত্র, আদিনাথ চট্টোপাধ্যায় ও প্রভাতচন্দ্র মুখোপাধ্যায় প্রভৃতি ব্রাহ্মগণ বাস করিতেন। তখন উপাধ্যায় গৌরগোবিন্দ রায়, তত্ত্ব বিজয়কৃষ্ণ গোস্বামী ও প্রেমিক বজ্রচন্দ্র রায় প্রমুখ প্রচারক মহাশয়গণ বৎসরে প্রায় এক এক মাস সেই বাসাতে থাকিয়া প্রকাশ্যে বক্তৃতা, ব্রাহ্মমন্দিরে উপাসনা এবং সন্ধ্যায় কীর্তন ও আলোচনা করিতেন। আমরা তিনজনে তৎসমুদয়ে যোগদান করিতাম। তাঁহাদের উপদেশ, ধর্ম্মালোচনা ও আরাধনা প্রার্থনাতে যোগ দিয়া জীবনে কত বল ও শিকালান্ত করিয়াছি! আমার ধর্ম্মজীবনে আমি প্রধানতঃ তত্ত্বজ্ঞান শ্রীনাথ চন্দ্র-মহাশয়ের নিকটেই অধিকতর ঋণী। আমি ময়মনসিংহে থাকিতে তাঁহার জীবনের প্রভাবই সর্ব্বাপেক্ষা অধিক অনুভব করিয়াছি। তাঁহার উপাসনা ও উপদেশ, সঙ্গতের আলোচনা আমাদের বড়ই স্বপ্নস্বামী হইত।

ময়মনসিংহের শরচ্চন্দ্র রায়-মহাশয় দুঃবর্ত্তী সম্পর্কে আমার মা-র খুড়া ছিলেন,—তাই আমি তাঁহাকে “দাদামহাশয়” ডাকিতাম। আমার ডাকে তিনি ছাত্রমহলে সরকারী “দাদামহাশয়” হইয়াছিলেন। তাঁহার স্নেহ-ভালবাসা সমস্ত ছাত্রমহলে ছড়াইয়া পড়িয়াছিল; তাঁহার প্রেমিক জীবনের সংস্পর্শে আসিয়া, তাঁহার কর্তৃত্বাধীনে, আমরা, ময়মনসিংহের তৎকালীন ব্রাহ্ম-সমাজের যুবকগণ, কত ওলাউঠাক্রান্ত রোগীর সেবা-শুশ্রূষা করিয়াছি! ব্রাহ্ম বলিয়া ষাঁহারা আমাদেরকে দূরে পবিষ্ঠার করিতেন, তাঁহাদের বাড়ীতেও কেহ পৌড়িত হইলে রোগীর সেবার জন্ত আমাদের ডাক পড়িত। তাঁহারা আমাদের “দাদামহাশয়কে” সংবাদ দিতেন,—তিনি আমাদেরকে স্নেহ করিয়া রোগীর বাড়ীতে উপস্থিত হইতেন; দিনের পর দিন, রাত্রির পর রাত্রি, আমরা পাল্লা করিয়া রোগীর সেবা করিতাম, ঔষধ পথা দিতাম। ময়মনসিংহে থাকিতে ব্রাহ্মসমাজের কি আনন্দের ও গৌরবের দিনই দেখিয়াছি! ময়মনসিংহের তৎকালীন ছাত্রবৃন্দ আমাদের দলকে কি শ্রদ্ধা, স্নেহের চক্ষেই দেখিত, তাহাদের উপর আমাদের কি প্রভাবই ছিল!

ময়মনসিংহে থাকিতেই কোচবহারের রাজার সহিত তত্ত্ব-ভাজন আচার্য্য কেশবচন্দ্র সেন মহাশয়ের ছোটা ক্তার বিবাহোপলক্ষ্যে ব্রাহ্মসমাজে দলাদলির সৃষ্টি হইয়া ময়মনসিংহের ব্রাহ্মদিগের মধ্যে মনোমালিন্য ঘটয়াছিল, প্রেমের বন্ধন ছিন্ন হইয়া বিবাদ বাধিয়াছিল। এই দলাদলির সময় আমি “দাদামহাশয়ের” স্নেহে কলিকাতা আসিলাম। তখন ১৪ নম্বর কলেজ স্ট্রীট আমার আত্মীয় শ্রীযুক্ত সীতানাথ দত্ত (তত্ত্বভূষণ) থাকিতেন;—তাঁহাদের বাসাবাটীতে আসিয়া উঠিলাম। সেখানে তখন ছিলেন বিপিনচন্দ্র পাল আর সুন্দরীমোহন দাস। তাঁহারা উভয়ে আমাকে কনিষ্ঠ ভাইয়ের মত গ্রহণ করিলেন। তাঁহাদের স্নেহ, মমতা হইতে একদিনের জন্যও আমি বঞ্চিত হই নাই। আমি তাঁহাদের স্নেহে, তাঁহাদের পরিবারেরই একজনের মত, কতকাল বাস করিয়াছি; বিপিনবাবুর প্রথম স্ত্রী, নিত্যকালী দেবী, আমার রুগ্ন-বস্থায় কত সেবা যত্ন করিয়াছেন। তিনি এখন পরলোকে, তাঁহার স্নেহ ভালবাসার কথা মনে হইলে প্রাণ কৃতজ্ঞতায় ভরিয়া উঠে। আর সুন্দরীবাবুর স্ত্রী, হেমালিনী আমার আর বিপিনবাবুর কত অত্যাচার, উপদ্রবই না অজ্ঞান বদনে সহ্য করিয়াছেন। আমরা তাঁহাকে কত কটুবাণী বলিয়াছি, তিনি আমাদের প্রতি স্নেহবশতঃ কখনও তাহা গায়ে মাখেন নাই—এখনও আমাকে “ঠাকুরপো” বলিয়া সম্বোধন করেন। এই দুই রমণীর সন্তানগণ আমার বড় প্রিয়, বড়ই স্নেহভাজন। এই দুই পরিবারের নিকট আমার কৃতজ্ঞতার ঋণ অপরিশোধনীয়।

আমি যখন ময়মনসিংহ ব্রাহ্মসমাজে যোগদান করি, তখন ব্রহ্মানন্দ কেশবচন্দ্র ইংলণ্ডে ছিলেন। তাঁহার অস্থপস্থিতিতে প্রতাপচন্দ্র মজুমদার মহাশয় ভারতবর্ষীয় ব্রহ্মমন্দিরে আচার্য্যের কার্য্য করিতেন। আমার দাদা, সীতানাথ দত্ত মহাশয়, আমাকে প্রতি সপ্তাহে মজুমদার-মহাশয়ের প্রদত্ত উপদেশের সারমর্ম্ম লিখিয়া পাঠাইতেন। আমি তাহা পাঠ করিয়া বিশেষ উপকৃত হইয়াছি। আমার ব্রাহ্মসমাজে যোগদানের পূর্বে সাধু অধোর-নাথ গুপ্ত-মহাশয় একবার প্রচারার্থ ময়মনসিংহে আসেন। তখন সঙ্গতে যে সকল গভীর ধর্ম্মতত্ত্বের আলোচনা হইয়াছিল, শরচ্চন্দ্র রায় মহাশয় তাহা একখানা খাতাতে লিপিবদ্ধ করিয়া রাখিয়াছিলেন। পরে শরৎবাবু সেই খাতাখানা আমাকে দান করেন। আমি তাহা পাঠ করিয়া তত্ত্ব অধোরনাথের আধ্যাত্মিক জীবনের স্বাদ পাইয়া কৃতার্থ হইয়াছিলাম।

১৪নং কলেজ স্ট্রীট হইতে ৯নং নিম্ন খানামার লেনে উঠিয়া আসিলাম; তখন সেখানে শ্রদ্ধাস্পদ কৃষ্ণকুমার মিত্র ও রামকুমার বিহারত মহাশয় বাস করিতেন। বিহারত মহাশয় একবার আমার অস্থানে প্রচারার্থ গিয়াছিলেন। আমাদের পরিবারের কথা তিনি তখন তত্ত্বজ্ঞান কালীকিশোর বিশ্বাস আর চন্দ্র-

মোহন বিশ্বাস মহাশয়দিগের নিকট অনিয়াছিলেন। ফিরিয়া আসিয়া তিনি আমাকে কনিষ্ঠের স্তায় স্নেহ করিতে লাগিলেন। তাঁহারই নির্দেশানুসারে আমি পরে আসামের চা বাগানের "কলিকাতিনী" প্রকাশ করি। বিদ্যারত্ন মহাশয়ের পত্নী ব্রাহ্মসমাজে আসিলে, তাঁহার গৃহ আমার আরামের স্থান হইয়াছিল, তিনি আমাকে 'দাদা' বলিয়া ডাকিতেন। বিদ্যারত্ন মহাশয় ব্রাহ্মসমাজ হইতে সরিয়া গেলেও আমি তাঁহার স্নেহ ভালবাসা হইতে কোনদিন বঞ্চিত হই নাই।

কলিকাতা আসিবার পরই শ্রীযুক্ত পরেশনাথ সেনের সহিত আমি সৌহার্দ্য-সূত্রে আবদ্ধ হই। সেট সৌহার্দ্য এখনও অক্ষুণ্ণ রহিয়াছে। তাঁহার মাতার উদারতা ও স্নেহপ্রবণতা, পরেশবাবুর বন্ধু আশাদের অনেককে এমনি আকর্ষণ করিয়াছিল যে, আশাদের অবসর সময়ের অধিকাংশকাল তাঁহার আবাগেই কাটিত, তাঁহার গৃহ আমাদের আপন গৃহস্বরূপ হইয়াছিল;—আমরা সে গৃহে কত আশ্বাস করিয়াছি, তাঁহার পরিবারস্থ সকলে আনন্দচিত্তে তাহা সহ্য করিয়াছেন। কলিকাতায় যখন প্রথম প্লেগ রোগের আক্রমণ হয়, তখন প্লেগের টীকা দিতে সহরের প্রায় সমস্ত লোকই ভয় পাউয়াছিল। বীরপুরুষ দ্বারকানাথ গাঙ্গুলী মহাশয় সর্বপ্রথমে টীকা লইয়া সকলকে আশ্বস্ত করিয়াছিলেন। দ্বিতীয় দলে পরেশবাবু, আমি ও আরও কেহ কেহ ছিলেন। প্লেগের টীকা লইয়া আমরা ৭৩নং মাণিকতলা স্ট্রীটে শয্যা লইলাম। জ্বরের ঘোরে ও টীকার যত্নায় আমরা কয়েকদিন তাঁহার গৃহে কি আশ্বাসনাও ও অত্যাচারই না করিয়াছিলাম! পরেশবাবুর স্ত্রী অকৃত্রিম সুহৃদ,—এমন সুখ-দুঃখে, চর্খ-বিষাদে, রোগে-শোকে, সকল সময়ের বন্ধু আমার অতি অল্পই আছে।

পরেশবাবু, নবকুমার আর আমি বিভিন্ন স্থানে বাস করিতেছিলাম। ৫০নং সীতারাম ঘোষের স্ট্রীটের বাড়ী ভাড়া করিয়া সকলে একত্রিত হইলাম। উপেন্দ্রকিশোর রায়, হেমেন্দ্রমোহন বসু, প্রমদাচরণ সেন, মধুরানাথ নন্দী, কালীপ্রসন্ন দাস এবং আরও কতিপয় ব্রাহ্মধর্মে অগ্রগামী যুবক আসিয়া সেখানে জুটিলেন। স্বর্গীয় মধুসূদন সেন মহাশয়ও কিছুকাল এখানে আমাদের সহিত বাস করিয়াছিলেন। ৫০নং সীতারাম ঘোষের স্ট্রীট সীতাই এক "ব্রাহ্ম-কেল্লা" হইয়া উঠিল। এখানে দ্বারকানাথ গাঙ্গুলী-মহাশয় আমাদের নেতা হইয়া দাঁড়াইলেন। তিনি প্রায় প্রতিদিন প্রাতে আমাদের সঙ্গে মিলিয়া রাজনীতি ও ধর্মনীতি আলোচনা করিতেন। মাঝে মাঝে ভক্ত বিষ্ণুস্বামী গোস্বামী, পণ্ডিত শিবনাথ শাস্ত্রী মহাশয় ও শ্রীযুক্ত নগেন্দ্রনাথ চট্টোপাধ্যায় মহাশয় আমাদের এই আবাগে আসিয়া উপাসনাদি করিতেন। গোস্বামী-মহাশয় এখানে কয়েকজন যুবককে ব্রাহ্মধর্মে দীক্ষিত করিয়াছিলেন; তাঁহাদের মধ্যে শ্রীযুক্ত বিজয়চন্দ্র মজুমদার ও শ্রীযুক্ত শশিভূষণ বসু সর্বত্র সুপরিচিত।

দেশহিঁচরী স্বরেন্দ্রনাথের কারামুক্তির পর, "সপ্ত"-পত্রিকার সম্পাদক বন্ধুবর প্রমদাচরণ সেনের উদ্যোগে, আমাদের এই বাসায় এক অভিনয়ে স্বরেন্দ্রনাথ বন্দ্যোপাধ্যায়, আনন্দমোহন বসু, কালীচরণ বন্দ্যোপাধ্যায় ও রেভারেন্ড, কৃষ্ণমোহন বন্দ্যোপাধ্যায়ের শুভাগমন হইয়াছিল। এ-বাটিতেই শাস্ত্রী-মহাশয়ের চেঁচায় "Indian Messenger" প্রথম প্রকাশিত হয়। আমরা এখানে থাকিতেই, দ্বারকানাথ গঙ্গোপাধ্যায় মহাশয়ের প্রেরণায়, সাপ্তাহিক সংবাদপত্র 'সঙ্গীতিনী' প্রচারিত হয়। পরেশবাবুর প্রদত্ত একশত টাকার দ্বারাই এই সংবাদ-পত্রের স্থচনা। তখন শ্রীযুক্ত কৃষ্ণকুমার মিত্র, কালীশঙ্কর স্কুল, হেরবচন্দ্র মৈত্রের, দ্বারকানাথ গাঙ্গুলী মহাশয়ের সঙ্গে পরেশবাবু এবং আমিও "সঙ্গীতিনী" স্বাধিকারী ছিলাম। পরেশবাবু অল্পদিন পরেই স্বাধিকারিত্ব পরিত্যাগ করেন,—আমিও কয়েক বৎসর পরে ছাড়িয়া দিই। ক্রমশঃ

ব্রাহ্মসমাজ

পূর্ববাবালা ব্রাহ্মসমাজের কার্য—টাকার পূর্ববাবালা ব্রাহ্মসমাজে প্রতিদিন প্রাতে উপাসনা হয়। প্রতি মঙ্গলবার সন্ধ্যাকালে সঙ্গত সভার, সঙ্গীত, সংক্ষিপ্ত উপাসনা, গ্রন্থপাঠ ও আলোচনা হইয়া থাকে। প্রতি শনিবার রাতে ছাত্র-সমাজের অধিবেশনে বক্তৃতা, প্রবন্ধ পাঠ, আলোচনা ও উপাসনাদি হয়। প্রতি রবিবার সকালের উপাসনার পরে গাড়ে আটটার সময়, নীতিবিদ্যালয়ের বালক ও বালিকাগণ মন্দিরে মিলিত হয়, তাহাদিগকে নানা দ্বিগুণে উপদেশ দেওয়া হইয়া থাকে। রবিবার রাতে সহরের নানা শ্রেণীর পুরুষ ও মহিলা ব্রাহ্মমন্দিরে উপস্থিত হইয়া উপাসনায় যোগদান করিয়া থাকেন।

অভিযান ব্রাহ্মসমাজ—বিগত ৭ই অগ্রহায়ণ বরিশাল ব্রাহ্মমন্দিরে ছাত্র সমাজের পক্ষ হইতে আচার্য্য গিরিশচন্দ্র মজুমদার মহাশয়ের স্বপার্থ একটা সভার অধিবেশন হয়। শ্রীযুক্ত মনোমোহন চক্রবর্তী সঙ্গীত ও প্রার্থনা করিয়া সভাপতির আসন গ্রহণপূর্বক বরিশালে গিরিশচন্দ্রের স্থান বিষয়ে মুখবন্ধে কিছু বলিলে, শ্রীযুক্ত সভ্যানন্দ দাস এবং শ্রীযুক্ত নৃত্যালাল মুখোপাধ্যায় তাঁহার বহুমুখীন কর্মজীবন বিষয়ে বিশদ ভাবে প্রশংসা করেন। তৎপরে, মৌলবী মফিজুদ্দিন আহম্মদ, শ্রীযুক্ত অধিনীকুমার দাস, মনমোহন দাস এবং পূর্ণচন্দ্র দে এই বিশ্বাসী সাধক জীবন বিষয়ে প্রশংসা করেন। সভাপতির মন্তব্য ও প্রশংসাতে সভার কার্য শেষ হয়।

শান্তিনিকেতন—আমাদিগকে গভীর দুঃখের সহিত প্রকাশ করিতে হইতেছে যে—

বিগত ১৭ই নবেম্বর বাণীবন গ্রামে শাস্ত্রী মহাশয়ের দ্বিতীয় জামাতা বাবু যোগেন্দ্রনাথ বন্দ্যোপাধ্যায় অল্প কয়েকদিনের অস্থি পরলোক গমন করিয়াছেন। বিগত ২৭শে নবেম্বর কটক নগরীতে তাঁহার কন্যা শ্রীমতী কল্পা রাও কর্তৃক ও কলিকাতা নগরীতে অগ্রান্ত আত্মীয়স্বজন কর্তৃক তাঁহার আশ্রয়স্থান সম্পন্ন হইয়াছে।

বিগত ২৩শে নবেম্বর কলিকাতা নগরীতে পরলোকগত কালীকুমার চট্টোপাধ্যায় মহাশয়ের অপর এক পুত্র বাবু জ্যোতিষচন্দ্র চট্টোপাধ্যায় মাতৃহীন এক পুত্র ও এক কন্যা রাখিয়া হীনস্বয়ে প্রাণে ইহলোক ত্যাগ করিয়াছেন। তিনি বেশ সুস্থকায় ছিলেন।

বিগত ২৬শে নবেম্বর কলিকাতা নগরীতে পরলোকগত স্বৈন্দ্রনাথ ঠাকুর মহাশয়ের অল্পতম পুত্র বাবু অক্ষয়েন্দ্রনাথ ঠাকুর অল্পদিনের অস্থি পরলোক গমন করিয়াছেন। কনিষ্ঠ ভ্রাতা স্বধীন্দ্রনাথ বাবুর মৃত্যুসংবাদ পাইয়া তিনি কলিকাতা আসিয়াছিলেন।

বিগত ১৭ই নভেম্বর পরলোকগত জ্যোতিষজীবন পালের আদ্যভ্রাতা অগ্রান্ত সম্পন্ন হইয়াছে। এই উপলক্ষে যুবকী ব্রাহ্মসমাজে ১ ও প্রচার বিভাগে ১ প্রদত্ত হইয়াছে।

শান্তিনিকেতন পিতা পরলোকগত আত্মদিগকে চিরশান্তিতে রাখুন ও আত্মীয়স্বজনদের শোকসন্তপ্তহৃদয়ে সাহায্য বিধান করুন।

দান—শ্রীযুক্ত গোপীকান্ত বাগচী তাঁহার পরলোকগত ভ্রাতা মুকুন্দকান্ত বাগচীর দ্বিতীয় বার্ষিক প্রাক উপলক্ষে প্রচার বিভাগে ২ ও সাধনাশ্রমে ৩ প্রদান করিয়াছেন। শ্রীযুক্ত শশিভূষণ বসু ও শ্রীযুক্ত অধরচন্দ্র বসু পরলোকগত কেদারনাথ পণ্ডিত মহাশয়ের প্রথম বার্ষিক প্রাক উপলক্ষে প্রচার বিভাগে ২ টাকা দান করিয়াছেন। এ সমস্ত দান সার্বিক হইবে এবং পরলোকগত আত্মাদিকল চিরশান্তি লাভ করুন।

স্বাইতে পারে। সাংসারিক বিষয়ে বাহ্য সত্য, ধর্মজীবন সম্বন্ধেও তাহাই সত্য। আমরা যে এই ভারতে জন্মগ্রহণ করিয়া আমাদের হৃদয় পিতৃপুরুষদের অপূর্ণ ধর্মসম্পদের উত্তরাধিকারী হইয়াছি, ইহা নিতান্তই সৌভাগ্যের বিষয়। তদপেক্ষাও অধিকতর সৌভাগ্যের কারণ, আমরা অতি নিকটবর্তী ব্রাহ্মসমাজের পিতৃপুরুষগণ হইতে অতুলনীয় ধর্মসম্পদ প্রাপ্ত হইয়াছি। ইহাতে ধর্মজীবন গঠনে বিশেষ সহায়তাই পাইয়াছি। মনে রাখিতে চাইবে, প্রকৃত পক্ষে আমরা উত্তরাধিকার স্বত্ত্ব কি পাই আর না পাই, তাহা সম্যকপ্রকারে বুঝিতে না পারিলে আমরা কখনও সত্য সৌভাগ্যমানে সমর্থ হইব না। যেমন স্বাস্থ্য বিদ্যা অর্থাৎ, তেমনি ধর্ম সম্বন্ধেও কতকগুলি স্বযোগ সুবিধা ব্যতীত অতি অল্প আমরা উত্তরাধিকার স্বত্ত্ব পাইতে পারি—সমস্তই আমাদের নিজ ইচ্ছা আকাঙ্ক্ষা ও চেষ্টা যত্ন দ্বারা অর্জন করিতে হয়। তাহা ব্যতীত উহার কিছুতেই স্বামী ও নিজের হইতে পারে না, অল্প দিনের মধ্যেই সব নষ্ট হইয়া যায়। এই জন্যই আমাদের ব্যক্তিগত দায়িত্ব এত অধিক, সাধনের প্রয়োজন এত বেশী। সাধন বিনা কিছুই লাভ করা যায় না। একমাত্র সাধনবলেই আমরা সিদ্ধি লাভ করিতে পারি, ব্রহ্মরূপার কোনও প্রয়োজন নাই, আমরা কখনও এরূপ ভ্রমাত্মক কথা বলিতেছি না। ব্রহ্মরূপা সম্যকভাবে গ্রহণ করিবার জন্যও সাধন একান্ত আবশ্যিক। আমরা কোনও অস্বাভাবিক কৃত্রিম সাধনের কথা মোটেই বলিতেছি না, সম্পূর্ণ স্বাভাবিক সাধনের কথাই বলিতেছি। সাধন ব্যতীত যেমন ব্যক্তিগত জীবন উন্নতিপথে অগ্রসর হইতে পারে না, তেমনি সামাজিক জীবনও পারে না। সাধনহীন জীবন যেমন উচ্চ মৃতপ্রায় হইয়া অধনতির দিকে গমন করে, যে সমাজের অধিকাংশ লোক সাধনহীন তাহারও তদ্রূপ অবস্থাই হয়। পিতৃপুরুষদের অতুল ধর্ম-সম্পদও তাহা কিছুতেই নিবারণ করিতে পারে না। শ্রীযুক্ত অমরচন্দ্র ভট্টাচার্য্য তাঁহার সম্বন্ধে সত্যই বলিয়াছেন, “পূর্ববর্তীদের চিন্তা ও ভাবের পুনরাবৃত্তি করিয়া আমরা কখনই বাঁচিতে পারিব না। সত্য চির-পুরাতন বটে; কিন্তু উপলব্ধির যোগে আত্মায় আত্মায় নূতন হইয়া প্রকাশিত হয়। এইরূপ তাহা সত্য ভিন্ন ধর্মজীবনও বাঁচেনা, ধর্মসমাজও থাকেনা।” প্রত্যেককেই সত্য স্বাস্থ্যকৃতি অর্জন করিয়া, খাটি শ্রেয় ভক্তি ঈশ্বরভক্ততা লাভ করিয়া, নিজের ধর্মজীবন গড়িয়া তুলিতে হইবে এবং সমাজের অন্ততঃ বহুসংখ্যক লোক সেই শ্রেণীর হইবে। তাহা না করিয়া শুধু ফাঁকা কথায় পূর্বপুরুষদের গৌরব ঘোষণা করিতে গেলে আমাদের দৈন্য ও অপদার্থতাটাই স্পষ্ট হইয়া উঠিবে। তাহা অপেক্ষা পিতৃপুরুষদের সম্পদের কথা না বলাই ভাল। চেষ্টা যত্ন সাধন দ্বারা পূর্ণ সম্পদ বৃদ্ধি করিলেই তাঁহাদের গৌরব রক্ষা পায়, আর আমরাও তাঁহাদের সন্মান বলিয়া পরিচিত হইবার যোগ্য হই। বাহ্যিক পূর্বপুরুষদের সম্পদ রক্ষণে ও বর্ধনে সমর্থ না হয়, তাহাদিগকে সোকে হুগুয়ে বলিয়াই গণ্য করে। সাধনের একান্ত আবশ্যিকতা বিষয়ে আর অধিক কিছু বলিবার দরকার নাই। তাহা আমরা সকলেই বেশ জানিয়া আসি। এ বিষয়ে আমাদের মধ্যে

জ্ঞানের যে বিশেষ অভাব আছে তাহা কিছুতেই বলা যায় না। তদনুসারে কাঁচা করিবার লোকেরই একান্ত অভাব। এ বিষয়ে আলোচনা উপস্থিত হইলেই আমরা তত্ত্বজ্ঞানের আলোচনাতে ডুবিয়া যাই, কি প্রকারে কি করিতে হইবে সে বিষয়ে নানা জনে নানা আলোক দিতেই নিযুক্ত হই। ভুলিয়া যাই, এ বিষয়ে জ্ঞানের যে বেশী অভাব আছে তাহা নহে। এত দিনে এ সম্বন্ধে বহু তত্ত্বই সংগৃহীত হইয়াছে। কিন্তু তদনুসারে কাঁচা করিবার, তাহার দ্বারা নিজ জীবন ও সমাজ গঠন করিতে নিযুক্ত হইবার লোক বেশী দেখা যায় না। কি প্রকারে সত্যদর্শীর সংখ্যা বৃদ্ধি পাইতে পারে, তাহার আলোচনা করিতে যাঁহা অমরবাবু তাঁহার অভিভাষণে অতি সত্য কথাই বলিয়াছেন—“এই প্রশ্নের উত্তর নানা দ্রব, নানারূপ দিতে পারেন। কিন্তু আমার মনে হয়, সেই ব্যক্তির উত্তরই যথার্থ উত্তর হইবে, যিনি বাক্যে কিছু না বলিয়া উঠিয়া থাকেন, এবং গৃহে গিয়া নীরবে সত্যের সাধনায় প্রযুক্ত হইবেন।” বাস্তবিক নীরব সাধকের অভাবই সর্বাপেক্ষা গুরুতর অভাব। এক সময় ব্রাহ্মসমাজে বহু সংখ্যক সাধক ছিলেন। তাই তাঁহারা পিতৃপুরুষদের ধর্মসম্পদ শুধু রক্ষা করেন নাই, নানা প্রকারে বহু পরিমাণে বৃদ্ধিতও করিয়াছেন। আমাদের মধ্যে সেরূপ সাধকের সংখ্যা অনেক হ্রাস পাইয়াছে। তাই আমরা অনেকে মিথ্যা বাক্যাভঙ্গ দ্বারা আমাদের মধ্যে সেই গৌরবে মগ্নিত করিতে যাইয়া কেবল উপহাসসম্পদই হইতেছি। মানুষ মিথ্যা অপেক্ষা সত্যকে অধিকতর সম্মান দেয়। অতি দীন দরিদ্রও যদি তাহার সত্য অবস্থার অকুরূপ দীনভাবে চলিয়া ধীরে ধীরে অবস্থার উন্নতি সাধনে সচেষ্ট হয়, তবে লোকে তাহাকে ঘৃণা না করিয়া সম্মানই করে। আমরা যখন অনেকে পিতৃপুরুষদের অতুলনীয় ধর্মসম্পদ হারা হইয়া অতি দীন হইয়া পড়িয়াছি, তখন আমাদের মধ্যে সেই দীনতার বোঝা মস্তকে বহন করিয়া অক্লান্ত সাধনার দ্বারা ধীরে ধীরে তাহা পুনরুদ্ধার এবং পরিশেষে বৃদ্ধিত করিবার জন্যই নিযুক্ত হইতে হইবে। তাহাই আমাদের সকলের সর্বপ্রধান কর্তব্য। ব্যক্তিগত ও সামাজিক জীবনকে সত্য ও জীবন্ত করিতে না পারিলে আমাদের কল্যাণ নাই, এই দেশেরও কল্যাণ নাই। এ বিষয়ে আমাদের সকলের দৃষ্টি আকৃষ্ট হউক। আমরা সকলে বৃথা কথা পরিভ্রাণ করিয়া সকলে এই সাধনে নিযুক্ত হই। করুণাময় পিতা আমাদের বলা ও শুভবুদ্ধি প্রদান করুন। আমরা সকলে পিতৃপুরুষদের সত্য সম্পদে সম্পদ্বান হই। তাঁহার ইচ্ছাই আমাদের প্রতি-জীবনে ও সমাজে জয়যুক্ত হউক।

পূর্ববাক্যলা ব্রাহ্ম সম্মিলনীর ৩৯তম অধিবেশন

(পূর্ব প্রকাশিতের পর)

১৩ই অক্টোবর প্রাতঃকালে উপাসনা।

১৩ই অক্টোবর রবিবার প্রাতঃকালে রাত্তায় উষাকীর্তন ও তৎপরে বলিরে উপাসনা হয়। শ্রীযুক্ত সতীশচন্দ্র চক্রবর্তী আচার্য্যের কাব্য করেন। তিনি উদ্বোধনে বলেন, সেই পরম প্রভু নানাভাবে আমাদের ডাকছেন। ব্রাহ্মসমাজের কথা দিয়ে

এ দেশকে ছেড়ে তিনি বলছেন, সব কলুষ হইতে মুক্ত হও, নবজীবনে জাগরিত হও। আবার বলছেন, দেখ, তোমাদের আমি কেমন আনন্দময় ধর্ম দিয়েছি। আকাশ গিরি নদী সংগরকে বন্ধ করে দিয়েছি; পরিবারকে পবিত্র তীর্থে পরিণত করে দিয়েছি; পূর্ব পশ্চিম সব দেশকে স্বদেশ করে দিয়েছি। আমাদের ব্যক্তিগত জীবনে কখনও রাজগভীর স্বরে তিনি বলছেন, ওরে আমার সম্মান, তুই মলুষাভবিহীন হয়ে পড়ে থাকবি? তুই স্মৃতির কীট হয়ে মাটিতে গড়াবি? তুই না আমার সম্মান? তুই গঠ; তুই আমার আদেশ নে; তুই আমার কাজে লাগ। আবার কখনও মিস্ট্রি করে মায়ের মতন তিনি ডাকছেন। মা যেমন ডাকেন, ওরে দেখবি শ্যাম, তোদের জন্তু কত কি রেখেছি। মা যেমন সম্মানকে ভাল করে খাইয়ে, ভাল করে সাজিয়ে নিজের সঙ্গে বেড়াতে নিয়ে গিয়ে সুখী হন। মায়ের কাজ সম্মানকে মুগ্ধ করা; সম্মানের কাজ মুগ্ধ হওয়া। এই সহরে এসে দুদিন প্রভাতে শবতের কি স্মৃতিশ্রল আকাশ দেখলাম। পৃথিবীতে কত রক্তের খেলা। এ সকল যেন তাঁরই ষাটুমুগ্ধ। মহর্ষি দেবেন্দ্রনাথ তাঁর এই যাত্নকে মুগ্ধ হতে বেশ জানতেন। তিনি যে কল খেতেন, তারও সৌন্দর্য্য তিনি আগে দেখতেন; তার গন্ধ নিতেন; তাকে ভাল করে স্পর্শ করে মায়ের করুণার অল্পভবে মগ্ন হতেন। এ উৎসবে আমাদেরও মায়ের দয়ায় মুগ্ধ হওয়া চাই, খুব কৃতজ্ঞ ও প্রফুল্ল হওয়া চাই।

সতীশ বাবুর উপদেশের মর্ম এইরূপ ছিল।—সংসারে মানুষে মানুষে নত বাবহার, তার মধ্যে দুই প্রকারের দৃষ্টি সর্বদা দেখিতে পাওয়া যায়। প্রথম দৃষ্টি, এক ইচ্ছার সম্মুখে অপর এক ইচ্ছা দণ্ডায়মান। দ্বিতীয় দৃষ্টি, একজন আর একজনের মনের উপরে বৃহৎ স্পর্শ দিয়া, তাহাকে ভুলাইয়া লইয়া, কাজ করাইতেছে। ধর্ম রাজ্যেও এই দুই দৃষ্টি সর্বদা দেখিতে পাওয়া যায়।

প্রাচীনকালে দুই প্রতিদ্বন্দ্বী যোদ্ধা বা knightএর মধ্যে যিনি জয়ী হইতেন, তিনি পরাজিতের বুক পা দিয়ে, কণ্ঠে নিষ্কোষিত অসির অগ্রভাগ রেখে, বলতেন, yield or die, হয় পরাজয় স্বীকার কর, নয় আমার হাতে মরিতে প্রস্তুত হও। মহম্মদকে একবার এক শত্রু অপ্রস্তুত অবস্থায় হঠাৎ আক্রমণ করে ও আক্ষালন করিয়া বলে, এখন তোকে কে রাখে? মহম্মদ সতেজে বলিলেন, ঈশ্বর রাখিবেন। সেই শত্রু মহম্মদের হাতে পরাস্ত হইল। তখন মহম্মদ তাকে জিজ্ঞাসা করিলেন, এখন তোকে কে রাখে? সে কাতর হইয়া বলিল, আপনি যদি দয়া করিয়া জীবন দান করেন। মহম্মদ বলিলেন, দিক্ কাপুরুষ, এমন সময়েও যার মুখে ঈশ্বরের নাম বাহির হয় না, তাহার রক্তপাত করিয়া আমার অঙ্গি কলঙ্কিত করিব না।

দুই প্রতিদ্বন্দ্বীর কথা চাড়ািয়া দিয়া দেখিতে পাই, সংসারে পিতা পুত্র, গুরু শিষ্য, প্রভু ভৃত্য, সেনাপতি ও সৈনিক, ইত্যাদের মধ্যে একজন আদেশ দেন, অপর জন তাহা পালন করেন। কখনও বা এমন tensionএর মুহূর্ত্ত আসে, যখন বড়'র ইচ্ছার সম্মুখে ছোট'র ইচ্ছা মাথা উচু করিয়া দাঁড়ায়, সহজে নত হইতে পারে না। তখন অধীন জনের ইচ্ছাকে সবলে চূর্ণ করিতে

হয়। আবার, কখনও বা সে আপনা হইতে প্রভুর অতি কঠিন কঠোর আদেশের সম্মুখে অবিচারে আত্মসমর্পণ করে। টেনিসনের Light Brigade সৈনিকগণের কথা, "Their's not to make reply, their's not to why, their's but to do and die," স্মরণ করুন।

ধর্মজগতে যখন আমরা ঐ ভাবে নিজ ইচ্ছাকে প্রভুর ইচ্ছার কাছে তৎক্ষণাৎ বিসর্জন দি, তখন আমরা ধর্ম। কতবার ষ্ট্রিম সংগ্রামে পড়ে বলতে ইচ্ছা হয়, "প্রভু আমাকে চূর্ণ কর; আমার বুক পা দিয়ে, কণ্ঠে নিষ্কোষিত অসি রেখে, আমার বিদ্রোহী ইচ্ছাকে বিনাশ কর।" প্রবৃত্তি-সংগ্রামে বারবার পরাস্ত হয়ে মৃত্যুর প্রার্থনা করে কখনও বলেছি, "প্রভু, আমি কি এতই কলঙ্কী যে আমাকে তুমি হত্যাও করবে না?"

সংসারে ও ধর্মজগতে, দুই ক্ষেত্রেই, ইচ্ছার সম্মুখে দণ্ডায়মান ইচ্ছা,—ইহা একটি দৃষ্টি। কিন্তু দয়ালের দয়ার এমনি বিধান যে, ইহাই একমাত্র দৃষ্টি নয়; এমন কি, ইহা সকলের চেয়ে বড় ব্যাপারও নয়।

বড় ব্যাপার,—পবিত্র প্ররোচনার হাতে আত্মসমর্পণ। যে ধরা দিতে চায় না, বন্ধু তাকে ভালবাসার টানে টেনে লন। একজন মুখ ফিরিয়ে থাকে, আর একজন তার বিমুখতাকে জয় ববে। একজন রাগ করে, অভিমান করে, আর একজন বিন্দু স্পর্শের দ্বারা তার রাগ অভিমান ভুলাইয়া দেয়।

যদি এইরূপ ভুলাইয়া দেওয়ার ব্যাপারই অধিক না হইত, তবে আমরা বাঁচিতাম না। যদি ঘটনাক্রমে এমন বাড়ীতে কাহাকেও দুদিনের জন্ত অতিথি হইতে হয়, যেখানে কেবল দুই দিন রাত্রি শাগিত তীক্ষ্ণ আদেশ দিয়ে সব কাজ করানো হয়, তবে সেখান হইতে সে পলাইতে পারিলে বাঁচে। তেমনি আমাদের জীবনস্বামী যদি পদে পদে একবার করে আমাদের ইচ্ছাকে জাগাইবার, এবং তার পরে তাকে চূর্ণ করিবার বিধি রাখিতেন, তবে কি আমরা বাঁচিতাম?

সংসারে এই দ্বিতীয় প্রকারের ব্যাপারই বেশী ঘটে। ধর্মরাজ্যেও পরমেশ্বর কেবল আদেশ করেন না; তিনি ভুলাইয়া আমাদের সঙ্গে নিযে যান। কাম ক্রোধের সহিত কয়টা সংগ্রামে আমরা প্রতিজ্ঞার বলে জয়ী হই? বিধাতা অল্প উপায়ে আমাদের জয়ী করেন। মেহ, দয়া, প্রেম, ভক্তি জাগিয়ে, প্রাণকে পবিত্র ও কোমল করে দিয়ে, তিনি কতবার এসব সংগ্রামে জয়ী করেন। সেই সুকৌশলী কৌশল করে আমাদেরকে ভুলিয়ে ভুলিয়ে শিক্ষা দেন। ভুলিয়ে তিনি আমাদের অহঙ্কৃত মস্তককে নত করেন। এইরূপ পবিত্র প্ররোচনার কত দৃষ্টান্ত আছে!

মন যখন কঠিন থাকে, একজন সাধু মানুষের সঙ্গ দিয়ে তিনি সেই কঠিন মনকে প্রকারকোমল করে দেন। হংতো আমি মনে করেছিলাম, টাকা বের করব না; 'বেউ ভাল কাজে টাকা চাইতে এলে কবির জায়গার দায়গ করব। বন্ধুরা টাকার জন্ত আসতে সাহস পেতেন না। কিন্তু পরম জননী একজন সাধুর সম্পর্শে আনলেন। সেই ব্যক্তির এমন বশ হ'লে

তত্ত্ব-কৌমুদী

অসতো মা সন্দগময়,
তমসো না জ্যোতির্গময়,
মৃত্যোর্মামৃতং গময় ॥

ধর্ম ও সমাজতত্ত্ব বিষয়ক পার্শ্বিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ খ্রিঃ, ১৫ই মে প্রাক্ষিত।

৫২ম ভাগ।

১লা পৌষ, সোমবার, ১৩৩৬, ১৮৫১ শক, ব্রাহ্মসংবৎ ১০০

প্রতি সংখ্যার মূল্য ৮০

১৭শ সংখ্যা।

16th December, 1929.

আগ্রাম বাৎসরিক মূল্য ৫২

প্রার্থনা।

যজ্ঞীরূপে।

জাগরণ স্বপ্ন স্থপ্তি ত্রিতন্ত্রী বৃকে,
যজ্ঞী হ'য়ে এ জীবন বাজ্রাণ্ড স্বপে তুখে।
জাগরণে জানি শুধু ধর যজ্ঞী রূপ,
রূপের জগতে ঢাকি' আপন স্বরূপ।
কত গান কত তাপ বিচিত্র মধুর,
আপনি বাজ্রা'য়ে তাতে হও ভরপুর।
স্বপনে আপন রূপ যাই হারাইয়া,
কিসে তবু ভাঙ্গি গড়ি না পাই ভাবিয়া।
স্বপন ভাঙ্গিলে দেখি তুমি আজ চাহি',
"নমিহে চৈতন্য"—ন'লে উঠি গান গাহি'।
স্থপ্তি-মাত্রা নিয়ে বৃকে করিছে অজ্ঞান—
শোক তাপ ঘুচাইতে বিচিত্র বিধান।
প্রতিদিন শুনি তাকি নবীন উষ্ময়,
মরণ-বিজয়ী তান উঠিছে ধণ্ডয়।
মধুর গভীর তানে উৎসারি' অমৃত,
হৃদয় রাখগো মোর চির সঙ্গীভিত।

সময়ে আমরা তাহা শ্রবণ করিতে সমর্থ হই না। অতীতকার
এই প্রভাত তুমি আমাদের চক্ষে কি সুন্দর, উজ্জল করিয়া,
অদা কি মোহনহরে তুমি আমাদেরকে ডাকিতেছ! এই
পৌষের আগমনে তুমি আমাদের প্রাণে কি নব আশা
জাগাইয়া দিতেছ! আমাদের যাহা ছিল তাহা যে আমরা নিজ
বুদ্ধির দোষে সব হারাইয়া ফেলিয়াছি! কি লইয়া তোমার কাছে
উপস্থিত হইব? হে উৎসবদেবতা, তোমার পুণ্যক্ষেত্রে প্রবেশ
করিবার মত তো কোন সম্বলই আমাদের নাই। তোমার
করণের উপর নির্ভর করিয়া, তোমারই আস্থানে আসিয়াছি।
তুমি রূপা কর। যে ভাবে আমাদেরকে তুমি তোমার উৎসব
সংগোগ করাইতে চাও, সেই ভাবে আমাদেরকে গঠিত কর।
তোমার আদর্শে তুমি আমাদেরকে প্রস্তুত কর। যদি তাহাতে
সংসারের সব ধন জন সম্পদ ত্যাগ করিতে হয়, তবে তাহা
করিবার জন্য তুমি আমাদেরকে বল দাও। তোমার হস্তের
দেওয়া হুঃ আমরা তোমার প্রেমের দান বলিয়া যেন গ্রহণ
করিতে পারি। তোমার করণের উপর নির্ভর করিয়া,
তোমারই ইচ্ছার অধীন হইয়া চলিবার শক্তি তুমি আমাদেরকে
দাও। তোমারই ইচ্ছা আমাদের জীবনে তুমি পূর্ণ কর।

নিবেদন।

হে করুণাময় বিধাতা, তোমার করণের শো সীমা নাই—
অকল্পিতারে তুমি আমাদের উপর তোমার করুণা বর্ষণ করিতেছ,
সকল ঘটনাতেই তোমার করুণা আমাদেরকে বেঁটন করিয়া
রহিয়াছে। সর্বত্রই তোমার করুণা। তোমার প্রেম আম-
দিগকে তো পরিত্যাগ করে না! আমরা কত সমর্থ তোমায়
ভুলিয়া থাকি! কিন্তু তুমি যে তোমার প্রেমস্পর্শে আমাদেরকে
জাগ্রত করিয়া তোমার দিকে নিঃসৃতই আস্থান করিতেছ!
সংসারের নানা কোলাহলের মধ্যে নিমগ্ন থাকি বলিয়াই সকল

প্রিয়জনের উপেক্ষা—তোমার প্রিয়জন যে,
যাকে তুমি অতি নিকট আপনার জন মনে কর, প্রাণভরা
স্নেহদ্বারা ঢেলে দাও, যে যদি তোমার স্নেহে প্রীতিতে সাড়া
না দেয়, সে যদি তোমাকে উপেক্ষা করে, সে যদি তোমার
অনিষ্টচেষ্টা করে, সে যদি তোমার হর্গামণ্ড রটনা করে, তবুও
তাকে প্রাণ ভরে প্রীতি করবে, তোমার স্নেহ অটুট রাখবে,
তার অনাদর উপেক্ষা মস্তক পেতে গ্রহণ করবে। তার মিন্দা
মানি, তার অনিষ্টচেষ্টার প্রতিবাদ করবে না। কাহারও

নিকট এ সব কথা বলবে না, অভিযোগ করবে না। তুমি তাৎ কল্যাণচিন্তা করবে, কল্যাণচেষ্টা করবে; অপ্রেমের প্রতিদানে প্রেম দিবে। প্রিয়জন যে, তার সম্বন্ধে অভিযোগ করতে নাই। বেদনা পাবে, প্রাণ ভেঙ্গে পড়বে; তবুও কল্পনাতেও তার অনিষ্টচিন্তা করবে না; তার এই কঠোর ব্যবহারের কথা কাগকেণ জানাবে না। নিজে নীরবে সহ্য করবে, অক্ষয়্যামীর নিকট তার জন্ম প্রার্থনা করবে, অক্ষরদেবতার চরণে অশ্রুপাত করবে। তিনি তার কল্যাণ করবেন, তার হৃদয় বদলিয়ে দিবেন। তুমি তাকে স্নেহ প্রেম দিয়েই যাবে, সে যদি তোমার প্রীতি-উপহার গ্রহণ করতে অস্বীকার করে, তবুও অন্ধরে অন্ধরে তাকে প্রীতি করবে, তার কল্যাণকামনা করবে, প্রভুর চরণে প্রার্থনা জানাবে।

প্রাণ কাঁড়ে কেন?—প্রভু, তুমি যে আমাকে এত সংগ্রামে পরীক্ষার মধ্যে ফেলতে, সেজন্য আমি ততটা দুঃখ করি না। আমার যত আশা আকাঙ্ক্ষা ছিল সবই ভেঙে গেছে; আমি যে অসহায় নিঃস্ব হ'য়ে পড়েছি; আমার উপর যে অপ্রত্যাশিত ভাবে বোঝার উপর বোঝা চাপিয়েছে, সে জন্মও আমি দুঃখ করি না। আমার প্রিয়জনসকল ক্রমে ক্রমে যে আমাকে ত্যাগ করিতেছে, আমার স্নেহ প্রীতিতে সাদা দিতেছে না, সে জন্মও আমি দুঃখ করি না। আমার দুঃখের কারণ, আমার বিধাদের কারণ, আমার যে প্রাণ ভেঙে পড়েছে তার কারণ তুমি ত জান, প্রভু। ঐ যে কতজন তোমার হ'তে দূরে চ'লে গেল, আমার প্রিয়জন, আপনাদের জন, যাদের এত স্নেহ করি, তারা যে বিপথে চ'লে গেল, তারা যে অমৃতময় জীবন ছেড়ে মৃত্যুর পথে চলিল, এখানেই যে আমার ব্যথা। প্রিয়জনের মৃত্যু ঘটিলে বেদনা পাই; কিন্তু সে বিপথে গেলে যে ব্যথা, তার তুলনা নাই। তাই প্রভু, অশ্রুস্রব ফেলতে ফেলতে তোমাকে প্রাণের ব্যথা জানাই—তুমি ডেকে আন যে দূরে গিয়েছে, তুলে ধর যে প'ড়ে গিয়েছে। আর যে সহিতে পারি না! তারা কি আর ফিরে আসবে না? হে দয়াল প্রভু, তুমি তাদের করুণা কর; তোমার করুণাই আমাদের আশা ও নির্ভর।

তাঁকে কতটা দিবে?—প্রিয়তম যিনি, প্রাণের দেবতা যিনি, তাঁকে কতটা দিবে, এই কথা তুমি ভাবছ? তুমি ভাবছ, তাঁর জন্মত এত ত্যাগ করলাম, এত কষ্ট সহিলাম, আর কি করব? ব্রাহ্ম তুমি; তোমার ত্যাগের গর্ভ হয়েছে। তুমি অবিখ্যাসের পথে চলেছ। তাঁকে কতটা দিবে? তিনি বাহা চাবেন, তাহাই দিবে; তাঁকে ধন দিবে, মান দিবে, শরীরের সকল শক্তি দিবে, স্বর্গের সমগ্র ভক্তি দিবে। তোমার তবু মন প্রাণ সর্বস্ব তাঁর চরণে অর্পণ করবে। তুমি বলবে, প্রভু, মাস সর্বদা প্রস্তুত, কি আদেশ হয়, বল। তিনি যে জীবন-স্বামী; তিনি যে তোমার সমগ্র হৃদয় মন চান; তিনি যখন চাহিবেন, তখন কি বলবে, প্রভু এতটা দিলাম, আর ঐটুকু আমার নিজের সন্তোষের জন্ম রেখে দিলাম? তা হবে না।

তোমার চোখের সম্মুখে তাঁর সন্তান রূপে পাবে, অন্যাহারে মৃত্যুমুখে পতিত হচ্ছে, অথচ তোমার অর্ধ সিদ্ধুক থেকে বের হবে না? তোমার ধর্মসমাজের কাজ বন্ধ হচ্ছে, অথচ তুমি স্বখে আহার বিহার বচ্ছে? তা হবে না; তিনি তোমাকে চান, তোমার সর্বস্ব চান; তাঁর জন্ম একটু নয়, সব দিতে হবে। সর্বত্যাগী হ'তে হবে। তার পর তিনি দয়া ক'রে তোমাকে যদি কিছু দেন, তাহা সন্তোষ করবে।

সম্পাদকীয়

ব্রহ্মসংসারের বাণী—ব্রহ্মসংসারের মঙ্গলবাণী আবার বাজিয়া উঠিয়াছে—আর একমাস পরেই আমাদের প্রিয় মাঘোৎসব আরম্ভ হইবে। সংসারের নানা দুঃখ তাপ ও সংগ্রামের মধ্যে অনেক সময়েই ব্রহ্মপূজার জন্ম প্রাণ ব্যাকুল হইয়া উঠে; নব বল ও উৎসাহ লাভ করিবার জন্ম প্রাণ স্বতঃই আকাঙ্ক্ষিত হয়। ব্রহ্মসংসারের এই বাণী আমাদের কর্ণে উপস্থিত হইয়া আমাদের অধিকতর জাগ্রত করিয়া তুলে—নির্জিত আত্মাত্মাকে সচেতন করিয়া দেয়। আর একমাস পরেই আমরা আমাদের প্রিয় মাঘোৎসবে প্রস্তুত হইব। ঐ সেই দিন আসিতেছে, যেদিন স্বয়ং ভগবান মানবের পরিজ্ঞানের জন্ম এই উদার বিব্রজনীন আধ্যাত্মিক ধর্ম প্রেরণ করিয়াছেন। তিনি স্বয়ংই আসিয়া আমাদের কর্ণে কর্ণে আশার বাণী শ্রবণ করাইতেছেন। আমরা উৎকর্ণ হইয়া তাহা শ্রবণ করি। সংসারের অসার কোলাহলে যেন কর্ণপাত না করি। আজ সকলে আশাবিহীন হই। উৎসবে তাহার করুণা লাভ করিবার জন্ম এখন হইতে বিশেষ ভাবে প্রস্তুত হই। দুঃখী হই, ভাপী হই, পাপী হই হই না কেন,—ব্রাহ্মণ হই আর চণ্ডাল হই—তাহার চরণ আশ্রয় করিবার অধিকার আমাদের প্রত্যেকেরই রহিয়াছে। তিনি সকলকেই অসীম স্নেহভরে ডাকিতেছেন। কিন্তু পূর্ব হইতে যদি আমাদের মনগুলিকে তাহার অঙ্কুর করিয়া বিশেষ ভাবে প্রস্তুত না হই, তাহা হইলে এই উৎসব আমাদের জীবনে কিছুতেই সফল হইবে না। যদি সবৎসর কেবল সংসারেরই সেবা করিয়া থাকি ও বাগনা চরিতার্থ করিবার জন্মই ব্যস্ত হইয়া থাকি, তথাপি ভীত হইব না। সকল বোঝা গইয়া ব্যাকুল ভাবে ও অমৃতপ্র চিত্তে উৎসব-মন্দিরে তাহার সন্নিধানে উপস্থিত হইব। হৃদয়কে প্রেমে সিক্ত করিয়া সকলের সঙ্গে মিলিত হইয়া সেই দিনের জন্য প্রস্তুত হইব। ঐ সেই মাঘের একাদশ দিবস আসিতেছে। ঐ দিন কি শুভ দিন! একশত বৎসর পূর্ণ হইতে চলিল, ঐ দিনে মহাত্মা রাজা রামমোহন রায় জগতের সমক্ষে কি মহাবাণীই ঘোষণা করিয়াছিলেন! ভাবিতে দুঃখ হয় যে, এতদিনেও আমরা ঐ দিনের মর্যাদা সম্যক্রূপে উপলব্ধি করিতে পারিতেছি না। আমাদের চকের সম্মুখে চতুর্দিকে প্রতিকূল আদর্শসকল দেখিতেছি। মানব মগে মলে কোন্ মরুভূমির দিকে ছুটিতেছে! আজ আমাদের সর্বপূর্ণে সে পথ পরিত্যাগ করিতে হইবে। দেবাদিদেবের উৎসবে বাইতে হইলে আমাদের সৎসারের পথ অবলম্বন করিতে হইবে।

তাঁহাতেই সমগ্র জন্ম মন অর্পণ করিতে হইবে। এবং তাঁহারই আদর্শে জীবন নিয়মিত করিতে হইবে। চারিদিকের নিরাশার বাণী শ্রবণ করিয়া চঞ্চল হইলে চলিবে না। আশাস্থিত জন্মে প্রেমময়ের করুণার উপর নির্ভর করিয়া তাঁহাকে বরণ করিয়া লইতে হইবে, জীবনের স্বামী বলিয়া স্বীকার করিতে হইবে, এবং তাঁহারই আদর্শকে জীবনের সকল বিভাগে প্রতিষ্ঠিত করিতে হইবে। ইহার জ্ঞান যদি সর্বত্র তাগ করিতে হয় তাহাও মানিয়া লইতে হইবে। এখন হইতে এই ভাবে জীবন চালিত করিবার জন্য অবিচ্ছিন্ন প্রার্থনা করিতে হইবে। প্রাণকে তাঁহার দিকে উন্মুক্ত করিয়া রাখিতে হইবে। তাহা না হইলে করুণাময়ের একবিন্দু করুণাও আমরা গ্রহণ করিতে পারিব না। এমন যে জীবনপ্রদ উৎসব, তাহা আমাদের নিকট ব্যর্থ হইয়া যাইবে। আমরা সকলে এই ভাবে উৎসবের জ্ঞান প্রস্তুত হই। তিনিই আমাদের প্রাণে বল দিবেন, আশা জাগাইয়া দিবেন। আমরা এ উৎসবে সম্পূর্ণ নৃতন হইয়া যাইব। তিনি আমাদের আশীর্বাদ করুন ও এই উৎসবের মধ্য দিয়া তাঁহার ইচ্ছাই আমাদের সমাজের জীবনে পূর্ণ হউক।

তরুণদিগের প্রতি নিবেদন।

যৌবনের বাসনাস্রোত।

যাঁহারা তরুণবয়স্ক, শরীরধর্মবশেই তাঁহাদের সেই বয়সে মনে নানা বাসনা কামনার উদয় হইতে আরম্ভ হয়। সঙ্গে সঙ্গেই প্রত্যেক স্বহৃদয় তরুণের মনে এই প্রশ্ন জাগে যে, এই সকল বাসনা কামনাকে আমি কি চক্ষে দেখিব? ইহাদের প্রতি আমার মনের ভাবটি কিরূপ হওয়া উচিত?

ধর্মপ্রাণ পিতামাতা ঈশ্বরের দিকে চাহিয়া ব্যাকুল প্রার্থনাপূর্ণ অন্তরে আশা করেন ও প্রতীক্ষা করেন যে, তাঁহাদের পুত্রকন্যাগণ কৈশোরের খেলাধুলায় সময়ে যেরূপ নির্মল ও সুন্দর ছিল, একদিন সেই বাল্যলীলা সমাপ্ত করিয়া তেমনই নির্মল ও সুন্দরভাবে তাঁহারা যৌবনে প্রবেশ করিবে। পিতামাতার হৃদয়ে বয়ঃপ্রাপ্ত সন্তানের ভ্রূ যে ব্যাকুল মঙ্গলকামনা জাগে, ধর্মিক মার্কিন কবি লংফেলো (Longfellow) তাহা একটি সুন্দর কবিতায় প্রকাশ করিয়াছেন। কবিতাটির নাম “কুমারী-জীবন” (Maidenhood)। তাহাতে যৌবনসীমায় উত্তীর্ণ একটি কুমারী কন্যাকে তিনি পরম স্নেহভরে a smile of God অর্থাৎ ঈশ্বরের একটি নির্মল হাসির সহিত তুলনা করিয়াছেন। তাঁহার এই কবিতাটি পৃথিবীর সহস্র সহস্র ধর্মপ্রাণ পিতা মাতার হৃদয় কাড়িয়া লইয়াছে, নয়ন অশ্রুসিক্ত করিয়াছে। কবির কয়েকটি উক্তি এইরূপ,—

Maiden, with the meek brown eyes,
In whose orbs a shadow lies,
Like the dusk in evening skies,—* *
Standing with reluctant feet,

[সাধারণ ব্রাহ্মসমাজ মন্দিরে ১৭ই নবেম্বর ১৯২৯ রবিবার সাংকালীন উপাসনার ত্রিযুক্ত সতীশচন্দ্র চক্রবর্তী কর্তৃক নিবেদিত]

Where the brook and river meet,
Womanhood, and childhood fleet !
Gazing, with a timid glance,
On the brooklet's swift advance,
On the river's broad expanse ! * *
O thou child of many prayers !
Life hath quicksands, Life hath snares !
Care and age come unawares !

ইহার মর্ম এই :—“হে কুমারি, তোমাকে দেখিয়া মনে হয়, তোমার চক্ষে যেন কি ভবিষ্যৎ ভাবনার ছায়া আসিয়া পড়িয়াছে। তোমার বালিকাধর্মের ক্ষীণ স্রোতস্রোতীটি যেখানে নারীধর্মের বেগবতী নদীর সহিত মিলিত হইবে, সেই বয়ঃসন্ধিস্থলের সম্মুখে আসিয়া তোমার চরণ যেন অগ্রসর হইতে সঙ্কচিত হইতেছে। তুমি চকিতনেত্রে দেখিতেছ, শৈশবের ক্ষীণ স্রোতস্রোতী কত দ্রুতগতিতে বহিয়া চলিয়া যাইতেছে, এবং সম্মুখে যৌবনের যে বেগবতী নদী, তাহা কত বিশালকায়া ! হে স্নেহের কন্যা, হে বহু প্রার্থনার ধন ! তুমি মনে রাখিও, জীবনস্রোতের মধ্যে অনেক ভয়ানক চোরাবালি প্রচ্ছন্ন থাকে, মানবজীবনে ইতস্ততঃ অনেক ফাদ পালা থাকে ! মনে রাখিও, অশান্তি ও সংগ্রাম অশান্তি ভাবে জীবনে আসে ; মনে রাখিও, অলক্ষিত ভাবে যৌবন চলিয়া যায়, জরা আসিয়া উপস্থিত হয়।”

কবি এখানে একটি কুমারী কন্যার সমক্ষে যাহা বলিয়াছেন, সব ছেলেমেয়েদের সম্বন্ধেই তাহা সত্য। যৌবন মানবজীবনে নানা প্রথর স্রোত ও প্রবল তরঙ্গ লইয়া আসে ; এবং সে স্রোতের বেগ, সে তরঙ্গের প্রবলতা, প্রত্যেক স্বহৃদয় যৌবন-প্রাপ্ত মাতৃয়ের মনকে নিশ্চয়ই চিন্তাকুল করে।

মিস্ত্র এই সুন্দর কবিতাটি পড়িতে পড়িতে এ কথা মনে করিয়া অন্তরে গভীর খেদের উদয় হয় যে, আজকাল কয়টি ছেলে মেয়েকে “বহু প্রার্থনার ধন” (child of many prayers) বলিয়া সম্বোধন করা যাইতে পারে? আজকাল কয়জন তরুণ তরুণীর এমন সৌভাগ্য, যে, তাঁহাদের জীবনগুলি পিতামাতার ও অভিভাবকের হৃদয় হইতে উথিত অসংখ্য ব্যাকুল প্রার্থনার দ্বারা নিরন্তর বেষ্টিত হইয়া অগ্রসর হইতেছে? এবং কয়জন তরুণ তরুণীর মনই বা কবি-বর্ণিত কুমারীর জায় যৌবনের আরম্ভকাল হইতে অন্তরের নৃতন বাসনাস্রোত সম্বন্ধে সজাগ, সতর্ক, সাবধান অবস্থায় থাকে?

প্রথম হইতে সজাগ ও সতর্ক থাকিবার বিষয়েই আজ আমি তরুণদিগের নিঃশেষে কিছু নিবেদন করিতে চাই। আমার বক্তব্য কথাটি আমি ক্রমে ক্রমে কয়েকটি তুলনার সাহায্যে প্রকাশ করিতে চেষ্টা করিব। পার্থিব তুলনার দ্বারা আত্মিক বিষয়ে অনেক আলোক লাভ করিতে পারা যায়। তন্মি, বিষয়টি এমন যে ইহার অনেক কথা আমাকে উপমা ও ইঙ্গিতের সাহায্যেই বলিতে হইবে।

ধর্মের পরামর্শ।

“যৌবনের সতেজ বাসনা কামনা সকলকে আমি কি চক্ষে দেখিব?” এই প্রশ্নের উত্তরে ধর্ম বলেন, “উহাদের উপরে নিত্য সতর্ক দৃষ্টি রাখ ; উহাদিগকে শাসন কর, ও সজাগ করিয়া রাখ।

যেন উহারা অস্তরের ধর্মবুদ্ধির নিকটে সর্বদা মাথা নত করিয়া থাকে। পরাজিত ও বশীভূত হইলে, ধর্মবুদ্ধির অধীন হইলে, উহারা তোমার আজ্ঞাবহ ভূতা হইবে, এবং একদিন হয়তো তোমার মিত্রেও পরিণত হইবে। কিন্তু যদি প্রথম হইতেই উহাদের প্রতি সজাগ দৃষ্টি ও শাসনের ভাব না রাখ, তবে ক্রমে উহারা তোমাকে পরাভূত করিবে, এবং তোমার পরম শত্রু হইয়া দাঁড়াইবে।”

আজকাল এক শ্রেণীর লোক তরুণদিগকে বলিতেছেন, “এই সতর্কতার কোন প্রয়োজন নাই। প্রবৃত্তিসকলকে অস্তরে স্বচ্ছন্দে আগিতে ও খেলিতে দাও। উহাদিগের সঙ্গে প্রথম হইতেই বন্ধুতা কর, জীবনে সুখের অনেক দ্বার খুলিয়া যাইবে। ধর্মের পরামর্শটি কঠোর, সুখহীন, শুষ্ক; তাহা শুনিও না।” এষ্ট শ্রেণীর পরামর্শদাতাদিগের সংখ্যা দিন দিন বাড়িয়া যাইতেছে। তরুণগণ তাহাদিগের নিকট হইতে প্রতিদিন যে ইঙ্গিত, যে প্রভাব, যে পরামর্শ প্রাপ্ত হইতেছে, তাহা অমুভব করিয়া আমাদের মন দুঃখে ও আশঙ্কায় আকুল হইয়া উঠে। তরুণগণ, তোমরা আমার কথাগুলি শুনিয়া একবার ভাবিয়া দেখিও, ধর্মের পরামর্শ গ্রহণ করিবে না, এই নূতন পরামর্শদাতাগণের পরামর্শ গ্রহণ করিবে।

“রিপু”।

প্রাচীনকালের ধর্মসাহিত্যে মানব-মনের বাসনা কামনা সকলকে, বিশেষতঃ শরীরহীন প্রবৃত্তিকুলকে ‘রিপু’ নামে অভিহিত করা হইত। ‘রিপু’ শব্দের অর্থ শত্রু। প্রবৃত্তিকুলের সম্বন্ধে মানুষের মনে প্রথম হইতেই একটি সজাগ সতর্ক ভাব উদয় করিয়া দিবার অভিপ্রায় ছিল বলিয়া প্রাচীনগণ এই নামটি ব্যবহার করিতেন। যে মানুষটি ঘোর অনিষ্টকারী, যাহার সঙ্গ ও প্রভাব একান্তই পরিত্যাগ্য, যে মানুষ হাজার সৌজ্ঞেয় প্রকাশ করিলেও অথবা মিষ্ট কথা বলিলেও তাহার সঙ্গে ঘনিষ্ঠতা করা কর্তব্য নয়, এমন মানুষকেই সংসারে ‘শত্রু’ বলা হয়। রূপক আশ্রয় করিয়া প্রবৃত্তিসকলকে এই অর্থেই ‘রিপু’ বলা হইত।

‘রিপু’ শব্দের এই ব্যবহারের ভিত্তরে যে রূপকটি নিহিত আছে, একটা তুলনামূলক কাহিনীর দ্বারা তাহাকে উদ্ঘাটিত করিয়া দেখা যাক। এক স্থানে একটি ভদ্র সচ্চরিত্র যুবক ছিল। একবার এক বন্ধুর বাড়ীতে একটি নূতন মানুষের সহিত তাহার সাক্ষাৎ ও আলোচনা হইল। সে মানুষটি খুব মিশুক ও আকর্ষণশক্তি সম্পন্ন। যে দলে সে দু-দণ্ড গিয়া বসে, হাসিতে কৌতুকে আমোদে গল্পে গানে সে-দলের সকলকে সে একেবারে মাতাইয়া রাখে। কিন্তু যুবকটি ক্রমশঃ লক্ষ্য করিতে লাগিল যে ঐ লোকটির মনের গতি নিয়মমুখী ও তাহার কৃতি প্রকৃতি অপকৃষ্ট। সে নিকটে আমোদ আহ্লাদই ভালবাসে। তাহার সঙ্গে যুবকটির নানা ক্ষেত্রে বারবার সাক্ষাৎ হওয়াতে, অবশেষে যুবকটি তাহার নমস্কার গ্রহণ করিতে ও তাহাকে প্রতি-নমস্কার করিতে লাগিল। এই ভাবে পরিচয় স্বীকার করিতে বাধ্য হইয়া যুবকের মনটা কিঞ্চিৎ অস্থির হইল বটে; কিন্তু মনে জোর করিয়া তাহার সঙ্গ বর্জন করিয়া সে কোনও উদ্যোগ করিল না। ক্রমে সেই লোকটি ঘনিষ্ঠ বন্ধুর দায় আচরণ করিতে লাগিল। যুবকটির সহিত হাসিয়া কথা কয়,

পথে দেখা হইলে রাজপথ পার হইয়া ছুটিয়া নিকটে আসে। তখনও যুবকের অস্তরে এই দ্বিধা আসিতে লাগিল যে, ঐরূপ একটি লোকের সহিত এতটা অস্তরঙ্গতা করা কি ভাল হইতেছে? কিন্তু তখনও সে উহা নিবারণের কোন উদ্যোগ করিল না। ক্রমে সে লোকটি ঐ যুবকের খেলার স্থানে দৈনিক সঙ্গী হইয়া দাঁড়াইল; তাহার সঙ্গে সঙ্গে নানা আমোদের স্থলে যাইতে লাগিল। তখন যুবকের মনের সতর্কতার বাধ একেবারে শিথিল হইয়া গেল। তখন হইতে সেই মানুষটিই যুবকের প্রধান পরামর্শদাতা, এবং তাহার জীবনে সর্বাপেক্ষা অধিক প্রভাব-সম্পন্ন বন্ধু হইয়া দাঁড়াইল। ক্রমে সে আপনার সঙ্গে জড়াইয়া তাহাকে অধঃপাতের পথে লইয়া গেল।

প্রবৃত্তির প্রথম উদয়েই সতর্ক হও।

যদি প্রশ্ন করা যায় যে সেই লোকটি ঐ যুবকের জীবনে সর্বনাশকারী শত্রুরূপে অভ্যুদয় লাভ করিতে পারিল কেন? তবে তাহার উত্তর এই যে, প্রথম হইতেই যুবকটি তাহার সম্বন্ধে মনের ভাবটি ঠিক করিয়া লয় নাই বলিয়া; প্রথম হইতেই সজাগ সতর্ক সাবধান হইয়া তাহাকে বর্জন করে নাই বলিয়া। সংসারে এইরূপ নিকটে প্রকৃতির মানুষের সঙ্গে আমাদের যে কখনও সাক্ষাৎ হইবে না, ইহা অসম্ভব। হয়তো কার্যসূত্রে এইরূপ মানুষের সঙ্গে স্বয়ং গিয়া দেখা সাক্ষাৎ করিবার ও কথা কহিবার প্রয়োজনও উপস্থিত হয়। কিন্তু সাবধান মানুষ প্রথম হইতেই মনকে বাধিয়া লয়। সে মনে মনে দৃঢ় সঙ্কল্প করে, “এই লোকটির সহিত ঘনিষ্ঠতা কখনও জন্মিতে দিব না। মানুষটিকে সর্বদা দূর হাত দূরে রাখিব। সে কখনও আমার সঙ্গে বন্ধুভাবে মিশিতে আসিবার সাহসই পাইবে না।” সাক্ষাৎকার নিবারণ করিতে না পারিলেও এরূপ মানুষকে দূরে রাখা নিশ্চয়ই সম্ভব। সর্বদা আমাদের সংসারে মানুষ সম্বন্ধে এ ভাবে চলিবার শিক্ষাটি গ্রহণ করিতে হইতেছে।

এই তুলনামূলক গল্পটিতে মানুষসম্বন্ধে যাহা বলা হইল, অস্তরের প্রবৃত্তিকুল সম্বন্ধে যৌবনে তাহাই করিতে হয়। যৌবন সেই কাল, যখন প্রবৃত্তিকুলের সহিত মানবমনের সাক্ষাৎ হওয়া অনিবার্য হয়। প্রবৃত্তিকুলের সহিত সাক্ষাৎ নিশ্চয়ই হইবে, প্রবৃত্তিকুলের মধ্যে প্রবল আকর্ষণশক্তি আছে, এবং সে আকর্ষণটি নিয়মিতমুখী, এই সকল কারণেই প্রবৃত্তিকুল রিপুর সঙ্গে তুলনীয় হইয়াছে। প্রত্যেক সুস্থস্থান্য তরুণের মনে একবার অস্তরের প্রবৃত্তিকুল সম্বন্ধে এই প্রশ্ন ও দ্বিধা আসে,—ইহাদিগকে লইয়া আমি কি করিব? ইহাদিগকে কতটা প্রশ্রয় দিব? যে আপনাকে ঈশ্বরের ও সাধুচরিত্র মানুষদের প্রভাবের মধ্যে রাখে, যে প্রথম হইতেই সজাগ ও সতর্ক থাকিবার পরামর্শটি পায় ও তাহার অনুসরণ করে, সে বাঁচিয়া যায়। যে অসতর্ক থাকে, তাহার জীবনের গতি অসংকল্প হয়। তাহার পক্ষে, প্রথম সাক্ষাতের পর ভাল লাগা, ভাল লাগার পর সেই সুখের প্রভাবের অধীন হইয়া পড়া, এবং অবশেষে তাহার হাতে আত্মসমর্পণ,—এই রূপে এক এক পা অগ্রসর হইয়া এই পিচ্ছিল পথের শেষ সীমা পর্যন্ত গিয়া পৌঁছিতে অধিক বিলম্ব হয় না।

প্রবৃত্তি যেন বলে, “দেখচ না, আমি এসেছি।” তার পর

বলে, “তুমি যখন এক! থাকবে, তোমার মনের ঘরে মাঝে মাঝে আমি উঠি দিয়ে যাব, আমাকে এই অধিকার টুকু দিও।” তার পর বলে, “খেলার সময়ে ও আমোদের সময়ে, যখন তোমার কাছে গুরুজনের প্রভাব থাকবে না, যখন তোমার আত্মা শক্তি সকল শিথিল (relaxed) অবস্থায় থাকবে, তখন আমাকে তোমার মনের ভিতরে গোপনে একটু স্থান দিও; দেখো, তাতে বিশ্বাসের ও আমোদের স্বাদ কত বেড়ে যাবে।” তার পর বলে, “এইবার তোমার মনে আমাকে স্থায়ী বাসা বাধতে দাও; আমিই এখন থেকে তোমাকে চালাব।” পথ এত পিচ্ছিল, এবং প্রবৃত্তিসকলের দাবী এইরূপ দূরগামী, তাই তাহার রিপুপদবাচ্য হইয়াছে।

তাঁই ধর্ম বলেন, “যদি অসতর্ক হও, প্রসন্ন দাও, বাসনা মাত্রই রিপু হইয়া দাঁড়াইবে।” ইহার বিরুদ্ধে নবযুগের নূতন পরামর্শদাতাগণ নানা কথা বলিয়া থাকেন। তাঁহাদের দুইটি মাত্র কথাই আমি আজ পরীক্ষা করিব। তাঁহাদের সব কথা এখানে আলোচনা করিবার যোগ্য নহে।

নূতন পরামর্শ।—(১) সতর্কতার প্রয়োজন নাই; স্বাভাবিক থাক।

এই নূতন পরামর্শদাতাগণের মধ্যে একদল স্বাভাবিকতাবাদী। তাঁহাদের কথা এইরূপ:—“মানুষকে স্বাভাবিক জীবন যাপন করিতে দাও। প্রবৃত্তি সকলকে স্বাভাবিকভাবে অকরে আসা যাওয়া করিতে, উদয় ও বিলয় হইতে, দাও। যাহা স্বাভাবিক তাহা নির্দোষ ও নিরাপদ। প্রবৃত্তিকুলের বিষয়ে বিশেষ করিয়া দৃষ্টি রাখিবার ও আত্মপরীক্ষা করিবার প্রয়োজন কি? স্বাভাবিক জীবন যাপন করিয়া যাও; তাহাতেই সব ঠিক থাকিবে, জীবন নিরাপদ থাকিবে।”

কিন্তু, যুগে যুগে, দেশে দেশে, মানুষের অভিজ্ঞতা এই কথাই বলিতেছে যে, ঐ প্রশংসিত চলিলে মানব জীবনে সব ঠিক থাকে না; কিছুই নিরাপদ থাকে না। অসতর্ক জীবনে প্রবৃত্তির স্পর্শ অতি শীঘ্রই বাড়িয়া যায়। আবার একটু গল্প বলি।

এক গ্রামে একজন চরিত্রবান্ ও তেজস্বী ব্রাহ্মণ পণ্ডিত বাস করেন। চরিত্রসম্পদকেই তিনি জীবনের সর্বশ্রেষ্ঠ ধন বলিয়া গণনা করেন। তিনি সহজে বড়লোকদের বাড়ী যান না; বড় মানুষদের সব চালচলন তাঁহার ভাল লাগে না। গ্রামের জমিদারের সঙ্গে তাঁহার বন্ধুতা হইল; তাঁহার শ্রদ্ধার দান একথাও তুমি তিনি গ্রহণ করিলেন। জমিদার একদিন সেই পণ্ডিতের বাড়ীতে আসিয়া তাঁহাকে নিজের ভবনে একটা নাচের মজলিসে একবার পদধূলি দিবার জন্ত সাহসনয়ে অনুরোধ করিয়া গেলেন। ব্রাহ্মণপণ্ডিতটির সে স্থানে যাইবার আদৌ ইচ্ছা ছিল না। তাই তিনি যখন বুঝিলেন, এতকণে নাচ গান হয়তো শেষ হইয়া আসিতেছে, সেই সময়ে একবার তথায় গিয়া দাঁড়াইলেন। নাচ গান শেষ হইল। স্বভাবসিদ্ধ স্পর্শ সহকারে বাই-ওখালী একে একে জমিদারের ইয়ারগণের নিকটে আসিয়া তুমি-তুমি বলিয়া তাহাদের সহিত আলাপ করিতে লাগিল। সকলকেই ভিজাসা করিতে লাগিল, “তোমার বাড়ীতে আমি কবে যাব?” শেষে সেই পণ্ডিতের নিকটে আসিয়াও

সে সেই বাক্য উচ্চারণ করিল! ক্রোধে ব্রাহ্মণের সর্ব শরীর কম্পিত হইতে লাগিল; মুখ দিয়া বাক্যস্ফুটি হইল না। তাঁহার মনে হইতে লাগিল, এখনই পায়ের চটি খুলিয়া উহার স্পর্শের প্রতিফল প্রদান করি। কিন্তু একে স্থালোক, তাই সম্ভ্রান্ত বন্ধুর বাড়ী। তিনি অতি কষ্টে আত্মসংবরণ করিলেন। জমিদার তাঁহার ভাব বুঝিতে পারিয়া তাড়াতাড়ি স্থালোকটিকে অল্প দিকে পাঠাইয়া দিলেন। ব্রাহ্মণ বাড়ী চলিয়া গেলেন। একজন পতিতা নারীর মুখ হইতে “তোমার বাড়ীতে আমি কবে যাব” এই কথা কর্ণে শুনিতে হইল বলিয়া আত্মগনিত্তে ক্ষোভে অহুতাপে তখন তাঁহার অন্তর জর্জরিত হইতেছে। বর্ণ ও অন্তর দুই-ই যেন অশুদ্ধ হইয়া গিয়াছে, যেন এখনও জলিতেছে। মনে মনে বলিতেছেন, “আমি নিজ আদর্শ হইতে নামিমা যে এমন স্থানে গিয়াছিলাম, তাহার উপযুক্ত শাস্তি আমার হইয়াছে। এ জীবনে এমন ভুল আর কখনও করিব না।”

এই তুলনামূলক দৃষ্টান্তটিকেও অন্তরের জীবনে প্রয়োগ করা যাক। অনিচ্ছাসত্ত্বেও একটা পতিতা নারীর সহিত ব্রাহ্মণ পণ্ডিতের সাক্ষাৎ হইয়াছিল। অনিচ্ছাসত্ত্বেও শুদ্ধচিত্ত মানুষের মাঝে মাঝে নিজ নিকট প্রবৃত্তির সহিত সাক্ষাৎ হইয়া যায়। ঘটনাক্রমে শুদ্ধচিত্ত লোকেরও সংসারের পাপমূলক নানা ব্যাপারের সহিত সাক্ষাৎ হবার ঘটে। যে মানুষ সাবধান সে তৎক্ষণাৎ মুখ ফিরায়। সে এমন করিয়া পশ্চাৎ ফিরে, যে, জীবনে আর কখনও সে-পাপ তাহার সম্মুখীন হইতে সাহসী হয় না।

নূতন পরামর্শদাতাগণ বলেন, “অত খুঁতখুঁতে হ’লে কি চলে? সংসারে চলতে হবে তো? একা একধারে গিয়ে কুণো হ’য়ে ব’সে থাকতে পারবে না তো? তবে অত বাছা-বাছি ক’রো না। সকলে যা করে, তাই কর। নিজে ভাল থাকলেই হ’ল।” তাঁহারা দু-একটি বিজ্ঞতার বাণীও তরণ-দিগকে শুনাইয়া দেন,—“সংসারে চলবে, যেন ধরি মাছ, না ছুঁই পানী”; অথবা, “বিকারহেতী সতি বিক্রিয়ন্তে যেষাং ন চেতাংসি ত এব ধীরাঃ।”

কিন্তু আমি বলি, এ পদ্ধতিতে চলিবার ফল কি হয়, তাহা একবার ভাবিয়া দেখ। একদিন সেই পাপ, সেই রিপু,—সৌজন্মের ঋতিরে তাহার সহিত একবার সাক্ষাৎমাত্র করিতে তুমি সম্মত হইয়াছিলে, সংসারে দেশে দেশে চলিবার ঋতিরে যাহাকে তুমি বর্জন করিলে না,—সে তোমাকে বলিয়া বসিবে, “আমাকে তোমার আত্মার অন্তঃপুরে লইয়া যাইবে কবে?” তখন তোমার সেই ব্রাহ্মণ পণ্ডিতের দশা হইবে। যে-প্রবৃত্তিকে পদতলে রাখিতে হয়, সে তোমার মাথায় চড়িতে চাহিবে! কত সে এমন কথা বলিবে, কত শীঘ্র প্রবৃত্তির স্পর্শ এত দূর পর্যন্ত বাড়িয়া যাইবে, তাহার কোন স্থিরতা নাই। অতএব বলি, হে তরণ, যদি তোমার এ ইচ্ছা থাকে যে প্রবৃত্তির মুখ হইতে ঐরূপ মলিন কণা শুনিয়া অন্তরের কর্ণকে কোনও দিন কলঙ্কিত হইতে দিবে না, তবে প্রথম হইতেই সজাগ থাক, সতর্ক হও। যাহারা বলেন, “স্বাভাবিক ভাবে চলিলেই সব ঠিক থাকিবে, অন্তরের গুপ্ততা নিরাপদ থাকিবে,” তাঁহাদের কথা কাণে তুলিও না। তাঁহারা সর্বনাশের বাণী বলিতেছেন।

নূতন পরামর্শ।—(২) স্বাধীনতা ও
আনন্দই জীবনের পথ।

নূতন পরামর্শদাতাদিগের মধ্যে দ্বিতীয় এক শ্রেণী আছেন, তাঁহারা অবাধ স্বাধীনতাবাদী এবং আনন্দবাদী। আজকাল “স্বাধীনতা” কথাটিকে মানুষ বড় গোরবের চক্ষে দেখে; তাই ইহারা সেট নামের দোহাই দিয়া থাকেন। প্রকৃতপক্ষে ইহারা স্বাধীনতার নামে প্রবৃত্তিকুলকে প্রত্যাশ দিবার পক্ষপাতী। ইহাদের কথা এইরূপ:—“প্রবৃত্তিসকলকে, বিশেষতঃ যৌবনে উদিত প্রবৃত্তিসকলকে, বাধা দিবে কেন? যৌবনে যে সকল সতেজ কামনা মানব-অস্তরে উদিত হয়, তাহারাই তো মানুষের জীবনকে ও জনসমাজকে উন্নতির পথে লইয়া যায়। তাহাদিগকে বাধা দিলে জীবন সতেজ হয় না, উন্নতি সম্ভব হয় না। অতএব, অবিচারে উচ্চ নীচ সকল প্রবৃত্তিকে অস্তরে অবাধে বাড়িতে খেলিতে দাও, জীবন সতেজ হইবে। তন্ত্রিণ, আনন্দের ভ্রম ও ইহা প্রয়োজন। সাহিত্য, কবিতা, অভিনয়, অচল ও সচল উভয়-বিধ চিত্র,—ইহারা সকলে মানবমনের ঐ সকল প্রবৃত্তিকে স্পর্শ করুক; তাহাতে বাধা দিও না। ঐ প্রবৃত্তিসকলের উপরে যুহু স্পর্শ দিয়া তাহাদিগকে অর্ধ-সাগরিত অবস্থায় রাখিলেই সাহিত্যে, কবিতায়, অভিনয়ে, চিত্রে স্বাদ আসে; নতুবা সে সকল আনন্দবিহীন ও বিষাদ হইয়া যায়। জীবন হঠাতে আনন্দ কাড়িয়া লইলে, জীবন ভরিয়া কেবল কতকগুলি গুহু নিষেধমূলক উপদেশ গলাধঃকরণ করিতে হইলে, বাঁচিয়া থাকা তো মরিয়া থাকার সমান হইয়া যায়।”

ইহারা শুধু এখানেই শেষ করেন না। তরুণদিগকে শুধু নিজ অস্তরের নবোদিত প্রবৃত্তিকুলের প্রত্যাশ দিতে শিক্ষা দেন না। কিন্তু সমাজের সঙ্গে গলৎকুঠবৎ যে পাপ-ব্যবসায় বর্তমান রহিয়াছে, তাহাও সহিত তরুণদিগের ঘনিষ্ঠতা জন্মাইয়া দিবার জন্তও ইহারা ব্যস্ত!

ইহারা তরুণদিগকে বলেন, “বাসনাসকলকে শত্রু বলিয়া দেখিয়া, তাহাদের সঙ্গে সংগ্রামে প্রবৃত্ত হইয়া, কেন জীবনে অশান্তি সৃষ্টি করিবে? তাহাদিগকে প্রথম হইতেই বন্ধু বলিয়া দেখ; তাহাদের সঙ্গে বেশ মাখামাখি ভাব রাখ; তাহাদিগকে খেলার ও আমোদের সহায় করিয়া লও। তাহাদিগের সঙ্গে বন্ধুতা রাখিয়াও জীবন বেশ ভালভাবেই কাটিয়া যাইবে।” এবং ইহারা বলেন, “মানুষ অত অধিক গুহুতাবাদী না হইলেও জনসমাজ বেশ চলিয়া যাইবে।”

আমরা বলি, যতদিন হইতে মানুষ রক্তমাংসের জীব, এবং যতদিন হইতে মানুষ আপনার মনের কথা ভাষায় লিখিয়া রাখিয়াছে, ততদিন হইতে জগতে একই সাক্ষ্য প্রবাহিত হইয়া আসিতেছে। সে সাক্ষ্য এই যে প্রবৃত্তিসকলকে পরাজিত শাসিত ও শৃঙ্খলিত করিতে পারিলেই জীবন নিরাপদ। সে সাক্ষ্য এই যে, প্রত্যাশ-প্রাপ্ত প্রবৃত্তি কখনও সীমার মধ্যে থাকে না। সে সাক্ষ্য এই যে, নিরস্তর আত্মদৃষ্টি আত্মশাসন ও বাসনা-সংযমের দ্বারাই অস্তরকে গুহু রাখিতে হয়।

প্রবৃত্তিসকলকে দমন করিয়াই মানবাখ্যা স্বাস্থ্য শক্তি ও সৃষ্টি লাভ করে। সাধু আত্মা সে সকলকে এমন বশীভূত করিতে

পারে, যে, প্রবল উত্তেজনার মুহূর্ত্তেও ঈশ্বরের নামে তাহারা তৎক্ষণাৎ পোষা কুকুরের মতন মাথা নোয়াইবে। ইহারই জন্ত ঈশ্বর মানুষের অস্তরে বিবেকরূপ জাগ্রত প্রহরীকে দণ্ডায়মান রাখিয়াছেন, এবং ইহারই জন্ত তিনি মানুষের ইচ্ছাতে আত্ম-সংযমের অপূর্ণ শক্তি বিধান করিয়াছেন। ইহারই জন্ত মানুষকে তিনি পিতামাতার গুরুজনের ও সাধুভক্তগণের দৃষ্টির মধ্যে স্থাপন করিয়াছেন। ইহারই জন্ত মানুষকে তিনি তাঁহার দিকে শীঘ্র কাতর দৃষ্টি উত্তোলন করিয়া প্রার্থনা করতে শিখাইয়াছেন।

এই অতি আধুনিক যুগে কি মানুষের প্রকৃতি আমূল পরিবর্তিত হইয়া গিয়াছে, অথবা ঈশ্বরের শাস্ত নিয়মসকল স্থগিত হইয়া গিয়াছে? না, তাহা হয় না। অবাধ প্রত্যাশের পরামর্শটি “স্বাধীনতার পূজা,” “যৌবনের পূজা,” প্রভৃতি নব উদ্ভাবিত যে কোন নামের দোহাই লইয়া আশুক না কেন,—কবি, সাহিত্যিক, শিল্পী বা জননায়ক যাহারই মুখ দিয়া উচ্চারিত হউক না কেন, উহা ভ্রান্ত, উহা সর্বনাশের বাণী।

সাধকের সহজাবস্থা, ও বিনা সাধনে তাহার দাবী।

সত্য বটে, মানব-অস্তরের কোনও স্বাভাবিক বৃত্তিই মূলতঃ তাহার শত্রু নহে; কিন্তু প্রত্যাশ পাইলেই তাহা শত্রু হইয়া দাঁড়ায়। ইহা আমরা যুককণ্ঠে স্বীকার করি যে, মানুষের মনোবৃত্তি সকল একদিন তাহার পরম বন্ধুরূপে পরিণত হইতে পারে কিন্তু তাহা কাহার জীবনে হয়? স্থূলোলুপ মানুষের জীবনে তাহা হয় না; সংযমী সাধকের জীবনেই তাহা হয়। ধর্ম্মরাজ্যেই এই অপূর্ণ ব্যাপার ঘটে যে পরাজিত শৃঙ্খলিত চূর্ণীকৃত শত্রু ক্রমে আজ্ঞাবহ ভৃত্যে পরিণত হইয়া যায়। আমাদের গানে আছে, “আমার বিপু-পরিচারিকাদল, আনন্দে মিলে! সকল, অহুদিন করিবে প্রভুর সেবার আয়োজন।” বশীকৃত প্রবৃত্তি শুধু আজ্ঞাবহ ভৃত্যই হয় না, তদপেক্ষাও অধিক হয়; এমন আনন্দের দিনও আসে যখন পরাজিত ও বশীকৃত প্রবৃত্তি, সাধকের পরম মিত্র হইয়া দাঁড়ায়। “তাপসমালা” গ্রন্থে দেখিতে পাই, তাপসী রাবেয়া একদিন বলিয়াছিলেন, “ঈশ্বর-প্রেমের বশ হওয়াতে পাপদৈত্যের সঙ্গে আমার সংগ্রাম ও শত্রুতা নাই।” কি আশার বাণী! আত্মজিৎ সাধকের কাছে রূপ রস গন্ধ শব্দ স্পর্শ সকলই পরম বন্ধু হইয়া যায়। এই জড়জগতের রূপরাশি তাঁহাকে সেই পরমহৃদয়ের লাভ্য দেখাইয়া দেয়। রসনায় স্মিট ভোজ্যের স্বাদ তাঁগকে পরম আনন্দময়ের মাধুর্য আনন্দন করায়। মানব-হৃদয়ের এমন অস্তর যে ক্রোধ, তাহাও সাধকের চিত্তে অগ্রে তাঁহার ধর্ম্মশক্তিতে বশীকৃত হইয়া, পরে জগতের অকল্যাণ দমনে, পাপ চূর্ণীতি ও অজ্ঞায়রূপ অহুরের দমনে, মহাশক্তিশালী ভৃত্যের জায় কার্য করে। পুরুষ ও নারীর সবকিছু যে ভক্তের চিত্তে ভগবানের মধুময় প্রেমের ছবি আনিয়া দেয়, তারতের ভক্তিধর্ম্মের সাধকগণ, ইস্লামের সূফী সাধকগণ, এবং পশ্চিমের প্রেমিকা মাদাম গেয়োঁ, তাহার অলস সাক্ষ্য দিয়া গিয়াছেন। কিন্তু কাহার জীবনে ইহারা এমন বন্ধু? যিনি অগ্রে ইহাদিগকে দমন করিয়াছেন, বশ করিয়াছেন, স্বায়ত্ত করিয়াছেন, তাঁহারই জীবনে। ভগবানের নিয়ম এই যে, যদি পরিণত হইয়া ইহাদিগকে বন্ধুরূপে লাভ করিতে চাহে, তবে প্রথম যৌবনে

ইহাদিগকে পরাস্ত কর। ঘোবনের পরাজিত ও শৃঙ্খলিত রিপু পরিণত বয়সে মিত্র হয় বটে; কিন্তু অপরাধিত অশাসিত কেবল-লালিত রিপু চিরদিনই রিপু রহিয়া যায়। ষাট বৎসরের বৃদ্ধের পক্ষেও তাহা রিপু, যদি তিনি ঘোবনে আত্মশাসনের শিক্ষাটি গ্রহণ না করিয়া থাকেন।

হে তরুণ, হে তরুণী, তোমরা যদি মনে করিয়া থাক যে কুড়ি বাইশ বৎসর বয়সেই তোমরা প্রবৃত্তিসকলকে বন্ধুভাবে দেখিবার অধিকার লাভ করিয়াছ, কবিকল্পনার মোহে পড়িয়া যদি তোমরা মনে করিয়া থাক যে সেই প্রাবৃত্তি অবস্থা তোমাদের জীবনে এখনই আসিয়াছে, তবে তোমরা আত্মপ্রতারিত; তবে তোমরা পদে পদে আপনাদিগকে কেবল ঘোর বিপদের মধ্যে লইয়া যাউবে।

নব যুগের নব প্রলোভন। তরুণদের সম্মুখে প্রস্থ।

চারিদিক হইতে নব নব প্রলোভনময় বাক্যস্রোত ও আমোদস্রোত তোমাদিগকে ঘিরিতেছে। তোমরা যদি ধর্মে ও পবিত্রতায় দৃঢ় থাকিতে চাও, তবে অগ্রে তাহার আদর্শ দিয়া সকল বস্তুকে পরীক্ষা করিতে অভ্যাস কর, এবং নব যুগের প্রলোভন সকল সম্বন্ধে মনের চিন্তাকে স্পষ্ট ও পরিষ্কার করিয়া লও। আমরা জানি, আমরা তোমাদিগকে যে সকল বস্তুর সংশ্রব হইতে দূরে রাখিতে চাহিতেছি, অনেকে সে সকলকে তোমাদের নিকটে নানাভাবে সমর্থন করিতেছে। যুরোপের ball নাচ, স্নান বেশে সজ্জিত নরনারীর সাগরতীরে ভ্রমণ ও রৌদ্র সন্তোষ, যুরোপ এবং এদেশ উভয় স্থানে কলঙ্কিত অথচ আকর্ষণশক্তি সম্পন্ন পুরুষ ও নারীর চরিত্র লইয়া রচিত গল্প ও নাটক, ঐরূপ বিষয়-ঘটিত অভিনয় ও চলচ্চিত্র, আমোদের জন্ত চরিত্রহীন মানুষের সংশ্রবে গমন,—এ সকলের সমর্থনসূচক অনেক উক্তি তোমাদের কর্ণে আসিয়া পৌছিতেছে। যদি জিজ্ঞাসা কর, এ সকলের দ্বারা কি জনসমাজ নষ্ট হইয়া যায়, ভগ্ন হইয়া যায়? তবে আমি বলি, জনসমাজকে রাখিবার কিংবা ভাঙিবার মালিক আর একজন আছেন। যুগে যুগে মানুষের মনের সকল স্রোতকে নিজ নিগূঢ় নিয়মে নানাভাবে নিয়মিত করিয়া তিনি মানব-সমাজকে রক্ষা করিতেছেন। কিন্তু তোমার ভাবিবার বিষয় তো তাহা নহে! তোমার ভাবিবার বিষয় এই যে, ঐরূপ :দৃশ্য দেখিয়া, ঐরূপ পুস্তক পড়িয়া, ঐরূপ অভিনয়ে বোপ দান করিয়া, তোমার অন্তরের নিকট বৃত্তির সঙ্গে তোমার মাখামাখি ভাব, বন্ধুতার ভাব, দাঁড়াইয়া যায় কি না? তোমার হৃদয়ের অন্তঃপুরে, যেখানে কেবল তোমার ঈশ্বরের ও তোমার পবিত্র সঙ্কল্প-সকলের প্রবেশাধিকার, সেখানে নিকট প্রবৃত্তিসকলকে গোপনে দেখা দিবার অধিকার দান করা হয় কি না? ক্রমশঃ সে অন্তঃপুর দখল করিয়া লইবার জন্ত শত্রুকে নিমন্ত্রণপত্র দান করা হয় কি না? বল পুত্র, বল কন্যা, তুমি কি তোমার অন্তরের সেই অন্তঃপুরকে পরমেশ্বরের ও সাধুতাবসকলের বিহারভূমি করিয়া রাখিতে চাও? তাহাকে শুভ্র ও নিষ্কলক রাখিতে চাও? তবে নিকট প্রবৃত্তিকে শত্রু বলিয়াই জান; তাহার সহিত মাখামাখি করিও না; তাহাকে মনের দরোজা হইতেই ঘৃণায় সহিত কিরাইয়া দাও।

ব্রাহ্মসমাজের পুত্র কন্যাগণের প্রতি।

ব্রাহ্মসমাজের পুত্রকন্যাগণ, তোমাদিগকে বিশেষ করিয়া জিজ্ঞাসা করি, তোমরা কোন্ পথ ধরিবে? “প্রবৃত্তিসকলকে লইয়া খেলা করা নিন্দোষ বাজ,” এরূপ কথা যদি কাহারও নিকট হইতে তোমাদের কর্ণে পৌছিয়া থাকে, তবে বলি, এ বিষয়ে ব্রাহ্মসমাজের পূজনীয় গুরুজনগণের সাক্ষ্যও একবার শ্রবণ কর। শোন, ভক্ত বিজয়কৃষ্ণ গোস্বামী কাঁদিয়া কাঁদিয়া গাহিতেছেন,—

“মলিন পঙ্কিল মনে কেমনে ডাকিব তোমায়?

পারে কি ত্বণ পশিতে জলন্ত অনল যথায়!

তুমি পুণ্যের আধার, জলন্ত অনল সম,

আমি পাপী ত্বণ সম কেমনে পূজিব তোমায়?

অভ্যন্ত পাপের সেবায় জীবন চলিয়া যায়,

কেমনে করিব আমি পবিত্র পথ আশ্রয়?

এ পাতকী নবাধমে তার যদি দয়াল নামে,

বল ক’রে কেশে ধ’রে দাও চরণে আশ্রয়।”

শোন, আচার্য্য শিবনাথ শাস্ত্রী কাঁদিতে কাঁদিতে বলিতেছেন,— “সহে না সংগ্রাম, আমি নারিছ রোধিতে ছরন্ত প্রবৃত্তিকুলে মোর!” শোন, শিবনাথ প্রার্থনা করিতেছেন, “দাও শক্তি শক্তিশালী-প্রবৃত্তি দলনে; দাও জ্যোতি, জ্যোতিষ্ময়, এ অন্ধ নয়নে!” শোন, শিবনাথ নিজে কাঁদিয়া ও সকলকে কাঁদাইয়া গাহিতেছেন,—“ভাইরে! গভীর পাপের কালি ঘুচিবার নয়, বিনা তাঁরি রূপাবারি জানিও নিশ্চয়।”

কত আর বলিব? ধর্মজগতের ইতিহাস এই সাক্ষ্য পরিপূর্ণ। পবিত্র জীবন যাপনের জন্ত দেখানে যিনি আকাঙ্ক্ষিত, তাঁহাদের সকলেরই জীবন এই প্রবৃত্তি-সংগ্রাম অমুতাপ ও ক্রন্দনের সাক্ষ্য পরিপূর্ণ। নূতন যুগে কি পবিত্রতার পথ পুষ্পাস্তীর্ণ হইয়া গিয়াছে? তাহা হয় নাই। তোমরা অনেকে ভক্ত বিজয়কৃষ্ণকে দেখে নাই, আচার্য্য শিবনাথকে দেখে নাই। আচ্ছা, তোমরা তোমাদের এই অধন দাসের সাক্ষ্য শুনিবে? তবে শোন। যখন তোমাদের মতন বয়স আমার ছিল, আমাকে একদিন কাঁদিতে কাঁদিতে বলিতে হইয়াছিল,—“এখন যে ঘোবনের প্রবৃত্তির অমানিশা, এখন চলিতে পথ আধারে পাই না দিশা, (কবে) ঘুচিবে এ অন্ধকার, ঘুচিবে এ হাহাকার? পবিত্র জীবনে কবে গাহিব তোমারি জয়?” স্নেহভাজন পুত্রকন্যাগণ, “প্রবৃত্তি-কুলের সঙ্গে খেলা করা চলে,”—এমন সাংঘাতিক কথা কখনও বিশ্বাস করিও না।

অর্ধ-জাগরিত প্রবৃত্তি।

যে শ্রেণীর সাহিত্য কবিতা চিত্র ও অভিনয় সম্বন্ধে আমি তোমাদিগকে আজ সাবধান করিতেছি, তাহাতে মানব-মনের নিকট বৃত্তিসকলকে অর্ধ-জাগরিত করিয়া তাহাদিগের সঙ্গে যেন খেলা করা হয়। এই ঈবৎ জাগরিত অস্পষ্ট ভাবটি থাকে বলিয়া অনেক অভিভাবক নিজ নিজ পুত্রকন্যাগণকে ঐ সকল বিষয়-বস্তু সম্বন্ধে সাবধান করিতে তুলিয়া যান। কত সময় তাঁহারা নিজেরা দৃষ্টান্ত দেখাইয়া, অথবা নিজেদের সঙ্গে লইয়া গিয়া, পুত্রকন্যাগণকে সর্বনাশের পথে অগ্রসর করিয়া দেন। প্রবৃত্তির ধর্মই এই যে,

উহা প্রথমতঃ খেলার বস্ত্র হইয়া মনকে আকর্ষণ করে; কিন্তু অধিক দিন আর উহা খেলার বস্ত্র হইয়া থাকে না। অতি শীঘ্রই শত্রু নিজ মূর্তি ধরে, আত্মকে আক্রমণ করে, ভূপতিত করে, তাহার রক্ত চুষিয়া খায়।

আর একটি গল্প বলি। একজন ভারতবাসী ইংরেজ একটি বাঘের ছানা পুষিয়াছিলেন। সেটি বেশ পোষ মানিল। অতি সুন্দর লীলাময় ভঙ্গীতে সে নানা খেলা করিত, সর্বদা সাহেবের কাছে কাছে থাকিত। অভিজ্ঞেরা সকলেই সাহেবকে বলিলেন, “ইহাকে লইয়া খেলা করিবেন না। হঠাৎ ইহার হিংস্র প্রকৃতি জাগিয়া উঠিবে। তখন আপনাকে বিপন্ন হইতে হইবে।” কিন্তু সাহেব তাহা শুনিলেন না; তিনি উহার খেলা ধূলায় মুগ্ধ হইয়া গিয়াছিলেন। কয়েক মাস এই ভাবে কাটিয়া গেল। তার পর একদিন সাহেব ঈজিচেয়ারে বসিয়া পড়িতেছেন, তাঁহার বাঁ হাতখানি পাশে ঝুলিয়া রহিয়াছে, বাঘের ছানা সেই হাতখানি চাটিতেছে, মাঝে মাঝে চিং হইয়া গুইয়া পড়িয়া হাতখানি মুখে ভিতরে লইয়া কামড়াইবার চল করিয়া খেলা করিতেছে। ক্ষণকাল পরে সাহেব হাতের এক স্থানে একটু বেদনা অনুভব করিলেন। দেখিলেন, হাতের এক স্থান দিয়া রক্ত পড়িতেছে, বাঘের ছানা সেই রক্ত চাটিয়া খাইতেছে। হাত টানিয়া লইবার উপক্রম করিতেই বাঘ ঘোঁ ঘোঁ শব্দ করিয়া অসন্তোষ জানাইল; তাহার লেজ ছলিয়া উঠিল, চক্ষু জ্বলিতে লাগিল। সাহেব বুঝিলেন, এই মুহূর্ত্তে আমার খেলার সাথীটি রক্তের স্বাদ পাইয়া সত্যকার বাঘে পরিণত হইয়া গিয়াছে। আর ইহাকে রাখা নয়! এই মুহূর্ত্তেই ইহাকে নিঃশেষ করা দরকার, নতুবা এখনই বাঘে ও আমাতে রীতিমত লড়াই বাধিয়া যাইবে। সাহেব প্রত্যাশমতিত্ব হারাইলেন না; হাত সরাইয়া লইলেন না। চাকরকে ডাকিয়া বলিলেন, তরা বন্দুক লইয়া আমার পশ্চাতের দরোজায় দাঁড়াও; ঠিক নিশানা কর, গুলি কর, (take good aim, and shoot!)—সাহিত্যে, অভিনয়ে, চিত্রে, প্রবৃত্তির খেলা দেখিবার আয়োজন বাহারা করেন, অন্তরের সৃষ্ট ব্যাপ্তপ্রকৃতির শত্রু কোনও দিন অতর্কিত ভাবে জাগিয়া তাঁহাদিগকে আক্রমণ করিবে, আত্মার রক্ত শোষণ করিবে।

প্রার্থনা-রক্ষিত জীবন।

তাঁই বলি, স্নেহের পুত্র কন্যাগণ, সুখপূজার কোন মন্ত্রণা শুনিও না। এই যৌবনেই, অন্তরে যাহা সত্য শিব সুন্দর, তাহাকে বিকশিত কর; মানব-জগতে যাহা সত্য শিব সুন্দর, তাহার অনুচর হও; এবং সেই সত্য শিব সুন্দরমের সহিত আত্মাকে মিলিত কর। তোমাদের হৃদয় হইতে পবিত্রতার স্রোত প্রার্থনা নিরন্তর তাঁহার দিকে উখিত হউক।

কবি সেই কুমারীকে “বহু প্রার্থনার ধন” (child of many prayers) বলিয়াছিলেন। তোমরা প্রত্যেকে তোমাদের পিতামাতাকে বলিও, অভিভাবককে বলিও, বন্ধুজনকে বলিও, “যৌবনের পথে চলিলাম, প্রার্থনার দ্বারা আমার জীবনকে ঘির্নিয়া রাখ।” এবং, তোমরা অনুভব করিও, সকল সাধু ভক্ত-গণের প্রার্থনা, ব্রাহ্মসমাজের অতীত যুগের শুভচরিত্র সেবকগণের প্রার্থনা,—বাহারা অমরলোক হইতে ব্যাকুল নয়নে আপনাদের

উত্তরংশীয় বলিয়া তোমাদিগকে দেখিতেছেন, তাঁহাদের প্রার্থনা,—তোমাদিগকে বেটন করিয়া আছে। মধ্যে তোমার নিজের অন্তরের প্রার্থনার অগ্নি, চারিদিকে তোমার পূজাগণের প্রার্থনার অগ্নি,—এই ভাবে প্রার্থনা-বেষ্টিত হইয়া তোমরা প্রতি জন মঙ্গলের পথে নিত্য অগ্রসর হও।

রাজা রামমোহন রায়।

মহাপুরুষেরা তাঁহাদের সময়ের বহু অগ্রবর্তী। তাঁহাদের সমসাময়িকেরা ত দূরের কথা, পরবর্তী যুগের লোকেরাও তাঁহাদিগকে ভালরূপে বুঝিতে পারে না। রাজা রামমোহন রায় সম্বন্ধে এই কথা বিশেষরূপে খাটে। কারণ, রাজার বিরাট ও বিচিত্র ব্যক্তিত্ব এবং তাঁহার সর্বতোমুখী প্রতিভা ও চরিত্র লোককে একেবারে হতবুদ্ধি করিয়া ফেলে। অনেকে তাঁহাকে হিন্দু, অনেকে মুসলমান এবং অনেকে তাঁহাকে খৃষ্টান বলিয়া দাবী করিয়া থাকেন। আবার অনেকে তাঁহাকে ধর্ম-সংস্কারক, শিক্ষা ও ভাষা-সংস্কারক, সমাজসংস্কারক, এবং অনেকে তাঁহাকে রাজনৈতিক সংস্কারক বলিয়া উল্লেখ করিয়াছেন। অথচ একাধারে সবই তিনি ছিলেন। লোকে তাঁহার এই অদ্ভুত জীবনের সামঞ্জস্য দেখিতে পায় না। তাই একশত বৎসর হইল তিনি কার্যক্ষেত্র হইতে অবসৃত হইয়াছেন, তবু দেখিতেছি তাঁহাকে জুল বুঝাই হইতেছে। বোধ করি সেই ব্রহ্মই একজন বিখ্যাত ইংরেজ লেখক তাঁহাকে “হাজার বছরের মানুষ” (a man of a thousand years) বলিয়াছেন। তবে আনন্দের বিষয় এই যে, তাঁহাকে বুঝিবার ও শ্রদ্ধা করিবার আগ্রহ দেশে দিন দিনই বৃদ্ধি পাইতেছে। সাময়িক পত্রিকা ও বক্তৃতাতে তাঁহার সম্বন্ধে নানা প্রকার আলোচনাই তার প্রমাণ। ইহাও দেশের পক্ষে একটা খুব শুভ লক্ষণ বলিতে হইবে। কারণ, যে জাতি তার মহাপুরুষদের শ্রদ্ধা দিতে ও ভালবাসিতে পারে না সেই জাতি কখনও উন্নত ও বড় হইতে পারে না। সেই হিসাবে রামমোহনকে এই জাতির বিশেষ প্রয়োজন আছে। তিনি শুধু এই যুগের প্রবর্তক নহেন, এই যুগের নায়কও তিনি। তাঁহাকে অবলম্বন করিয়াই এই জাতি জাগিয়াছে, আপনাকে চিনিতে আরম্ভ করিয়াছে এবং তাঁহার পদাঙ্কানুসরণ করিয়াই এই জাতি স্ব-প্রতিষ্ঠিত হইবে। এই যুগের এবং ভবিষ্যৎ বহু যুগের অবিসম্বাদী আদর্শ ও একচ্ছত্র নায়ক হইয়া থাকিবেন তিনিই।

কিন্তু মহাপুরুষকে বুঝিবার ও শ্রদ্ধা করিবার এই আগ্রহও যদি ঠিক পথে পরিচালিত না হয়, তবে তাহাও দেশের কল্যাণ না করিয়া অকল্যাণই করিবে। কারণ, আমাদের এই চূর্তাগ্য দেশে অতীতে ও বর্তমানে মহাপুরুষের প্রতি অশ্রদ্ধাভক্তি অন্ধ নরপুঞ্জায় পরিণত হইয়াছে ও হইতেছে, এবং দেশের মধ্য অকল্যাণ সাধন করিয়াছে ও করিতেছে। মহাপুরুষেরা তাঁহাদের জীবদ্দশায়ই অবতার বলিয়া পূজিত ও প্রচারিত হইয়াছেন এবং তাঁহাদের দেহত্যাগের পর তাঁহাদের মহৎ জীবনাদর্শের অনুসরণ না করিয়া ঘনঘটাৎ সহিত তাঁহাদের

নখ দস্ত ও খড়মের পূজা চলিয়া আসিতেছে। বর্তমানেও দেখিতেছি যে, "ঠাকুর" নামধারী ব্যাণ্ডের ছাতার মত গজাইয়া উঠা ভুঁইফোড় তথাকথিত কতকগুলি বৃক্ষকণের কথা বাদ দিলেও, দুইজন সন্তিকার সাধুপুরুষকে লইয়া মহাপুরুষপূজার অধিক বিকৃতি ও অপব্যবহার চলিতেছে। আমি মগায়া বিজয়কৃষ্ণ গোস্বামী ও রামকৃষ্ণ পরমহংসদেবের কথাই বলিতেছি। তাঁদের পট বা ছবির সম্মুখে ভোগ আরতি ত হয়-ই, তাহা ছাড়া আরো কিছু অভিনবও চলিতেছে। বিজয়কৃষ্ণ সকালে চা হালুয়া খাইতেন, সেজন্ত এখন প্রতিদিন প্রাতে তাঁহার ছবির সম্মুখে চা ও হালুয়া ভোগ দেওয়া হয় এবং কিছুদিন পরে হয়-ত শুনিতে পাইব যে ঐ সঙ্গে মরফিয়া-ভোগও দেওয়া হইতেছে। আর রামকৃষ্ণ তামাকু সেবন করিতেন ও শনি মঙ্গলবার মাংস খাইতেন, সেইজন্ত এখন তাঁহার ছবির সম্মুখে প্রতিদিন তামাক ও শনি মঙ্গল বারে মাংস-ভোগ দেওয়া হয়। কিন্তু এ সকলের চেয়েও অদ্ভুত কথা এই যে, রামকৃষ্ণের ছবিকে মলমূত্র পরিত্যাগের জন্য একটা "শৌচাগারে" লইয়া গিয়া কিছুক্ষণ রাখা হয়। এতদিন দেব-দেবীর মূর্তিকে লইয়া যাওয়া হইয়া আসিয়াছে, এখন সাধু-পুরুষদের ছবি লইয়া সেই অভিনবই চলিতেছে এবং ইহারই নাম নাকি অবতার-লীলা!

রামমোহন সম্বন্ধে নানারূপ আলোচনা চলিলেও তাঁহাকেও কিরূপ ভুল বুঝা এবং প্রচার করা হইতেছে তারই তিনটি দৃষ্টান্ত এখানে আমি উপস্থিত করিতেছি।

১ম—"হিন্দুমিশন" নামক পাক্ষিক পত্রিকার ১৩৩৫ সালের মাঘ সংখ্যায় শ্রীযুক্ত বীরেন্দ্রনাথ মৈত্রের লিখিত "মগায়া রাজা রামমোহন রায় ও হিন্দুমিশন" শীর্ষক একটি প্রবন্ধ পুনর্মুদ্রিত হইয়াছে। এই পুনর্মুদ্রণের অর্থ এই যে, উহা একটি সারগর্ভ প্রবন্ধ এবং উহার খুব চাহিদা আছে। বেশ মনোযোগের সহিত প্রবন্ধটি পাঠ করিয়াও কিন্তু আমাদের সম্পূর্ণ অনারূপ ধারণা হইয়াছে। কারণ, বীরেন বাবু রামমোহনের জীবনী হইতে বাছিয়া তাঁহার মনোমত কতকগুলি কথা সংগ্রহ করিয়া তাহা দ্বারা রামমোহনের একটি চিত্র অঙ্কিত করিয়াছেন, যাহা একটি সম্পূর্ণ চিত্র ত নয়ই, কিন্তু অত্যন্ত আংশিক, কাজেই একটি বিকৃত চিত্রই হইয়াছে। হিন্দুমিশনের পক্ষ

টার মূল্য থাকিতে পারে, বিশেষতঃ একজন ব্রাহ্মের লেখা বলিয়া। কারণ, রামমোহন একান্তভাবে হিন্দুই ছিলেন, ইহা কোনরূপে প্রতিপন্ন করিতে পারিলে মিশনের হয়ত কিছু সুবিধা হইতে পারে। কিন্তু উহাতে সত্যকে গোপন করা হইয়াছে। তবে অত্যন্ত আনন্দ ও সাহসনার বিষয় এই যে, রামমোহন এতদিন বেওয়ারিশ হইয়া ঘুরিয়া বেড়াইতেছিলেন; বীরেন বাবু অন্ততঃ শিক্ষিত হিন্দু-সমাজ ও হিন্দু মিশনের পক্ষ হইতে ধর্ম-সংস্কাররূপে তাঁকে একটা ঠাই দিবার জন্য উৎসুক হইয়াছেন। কিন্তু সেই সঙ্গে ইহাও মনে হইয়াছে যে, অদৃষ্টের কি অদ্ভুত পরিহাস! সর্ব-প্রকার পৌত্তলিকতা, বাহ্য পূজা ও বহুদেবতার পরম শত্রু যে রামমোহনকে বিশ্বাসী ও অহিন্দু বলিয়া সমগ্র দেশ এক সময়ে নানারূপ অপমান ও নির্দয়তর করিতে কিছুমাত্র কুঠা বোধ করে নিতেন, বীরেন বাবুকে প্রাণেই বধ করিতে চাহিয়াছিল, সেই

রামমোহনকেই একগুণে খাটি হিন্দু বলিয়া দাবী করা হইতেছে!!

বীরেন বাবু তাঁহার হিন্দুত্বের ভাবাবেগে রামমোহন যে একজন multi-personality ছিলেন তাহা একেবারেই ভুলিয়া গিয়াছেন। তিনি একজন মগাশাস্ত্রজ্ঞ হিন্দু পণ্ডিত শুধু ছিলেন না, তিনি একজন অবদস্ত মৌলবী ও একজন খুব বড় পাজীও ছিলেন। বীরেন বাবু তাঁহার একটা মাত্র দিক দেখিয়াছেন, তাই তাঁহাকে ঠিক বুঝিতে পারেন নাই, তাঁহার জীবনের বিশেষত্বই ধরিতে পারেন নাই। রামমোহন হিন্দু দর্শনের শ্রেষ্ঠতা প্রচার করলেও সেই সঙ্গে সঙ্গে খৃষ্টীয় নীতির শ্রেষ্ঠতাও প্রচার করিয়াছিলেন। তিনি যেমন বেদান্ত প্রচার করিয়াছিলেন এবং নিজে একটা বেদ-বিখ্যাপনও স্থাপন করিয়াছিলেন, তেমনি Prince of missionaries Dr. A. Duffকেও তিনিই ডাকিয়া আনিয়া ইংরেজী স্কুল খুলিতে সাহায্য করিয়াছিলেন এবং শুধু সংস্কৃত ও বেদান্ত শিক্ষার পরিবর্তে পাশ্চাত্য জ্ঞান বিজ্ঞান শিক্ষা দিবার জন্য তিনিই উষ্ণতা পড়িয়া লাগিয়াছিলেন। তিনি যেমন গাংত্রী মন্ত্রের সাহায্যে উপাসনা করিতেন, তেমনি খৃষ্টানদের গির্জায় গিয়া শ্রদ্ধার সহিত উপাসনায় যোগদান করিতেন এবং প্রাণেশ, কন্নী প্রভৃতি স্ত্রী কবিদের কবিতাও সর্কদা আবৃত্তি করিতেন। তিনি প্রথম জীবনে তন্ময় হ'য়ে শুধু রামায়ণ পাঠ করিতেন না, অতি নিষ্ঠার সহিত গৃহ-দেবতা "রাধাগোবিন্দের" পূজাও করিতেন এবং ভাগবত পাঠ না করিয়া জল গ্রহণ করিতেন না, আবার ষোল বৎসর বয়সে "হিন্দুদের সর্বপ্রকার পৌত্তলিক পূজাপ্রণালীর" তীব্র প্রতিবাদ করিয়া গ্রন্থ লিখিয়া পিতা কর্তৃক গৃহ হইতে বিতাড়িত হইয়াছিলেন এবং পরে ভাগবতের শ্রীকৃষ্ণের কৃষ্ণপ্রাপ্তির ব্যবস্থাও তিনিই করিয়াছিলেন। তিনি মূর্তিপূজা ও অবতারাদির সম্পূর্ণ বিরোধীই ছিলেন এবং অকাটা ও নির্ধম যুক্তি দ্বারা সে সমুদয়ের মূলে সাংঘাতিক আঘাত করিয়া গিয়াছেন, তবুও তিনি কিরূপে নিজ যুক্তি অহুসারে রাম কৃষ্ণ অবতারাদিতে বিশ্বাসী ছিলেন বুঝিতে পারিলাম না। তবে ইহা অতি সত্য যে তিনি যীশু, মহম্মদ প্রভৃতি মগাপুরুষদের প্রতি অতিশয় অস্বাভাবিক ছিলেন।

২য়—১৩৩৬ সালের বৈশাখের "মাতৃমন্দির" নামক মাসিকে প্রবন্ধ ডাঃ চুনীলাল বসু মগায়া লিখিত "রাজা রামমোহন রায় ও একেশ্বরবাদ" শীর্ষক একটি প্রবন্ধ দেখিয়া একেশ্বরবাদের নূতন ধ্যান ব্যাখ্যা তাতে পাইব আশা করিয়াছিলাম, কিন্তু প্রবন্ধটি পড়িয়া দেখিলাম যে প্রচলিত মূর্তিপূজা বা পৌত্তলিকতা সমর্থনই লেখাটির মূল্য উদ্দেশ্য। মূর্তিপূজা বা পৌত্তলিকতার বিরুদ্ধে রাজার ভীষণ প্রতিবাদের পরেও ডাঃ বসুর জ্ঞান একজন সূদী ব্যক্তি তাহা সমর্থন করিয়া বর্তমান কালে প্রবন্ধ লিখিতে পারেন, ইহা আমার ধারণাই ছিল না। আরো আশ্চর্যের বিষয় এই যে, একশত বৎসর পূর্বে রামমোহন রায়ের সহিত তর্কযুদ্ধে হিন্দু পণ্ডিতেরা যে সব যুক্তি প্রয়োগ করিয়াছিলেন এবং বাহা রাজা অতি অসার বলিয়া প্রতিপন্ন করিয়াছিলেন, ইহা সেই সব অকিঞ্চৎকর ও মামুলী যুক্তিরই কতক চর্কিত-চর্কণ-মাত্র।

চুনীলাল বসু তাঁহার উদারতার অতিশয় মুগ্ধ হইয়াছেন,

কিন্তু তিনি ভুলিয়া গিয়াছেন যে রাজা গীতাকারের অনেক পরবর্তী এবং গীতায়ও তাঁহার অনামান্ত অধিকার ছিল। গীতাকার যদি কোনরূপ উদারতা দেখাইয়া থাকেন তবে, রাজাও সেইরূপ উদারতা দেখাইতে কুণ্ঠিত হন নাই। চুনী বাবু সেই খবরও রাখেন না দেখিতেছি। রাজাও সম্পূর্ণ অজ্ঞান এবং অক্ষমের কৃত্য মূর্তিপূজার বিধান দিয়াছেন। কিন্তু তিনি ভাবিতেই পারেন নাই যে, একশত বৎসর পবেও সেই অজ্ঞানত ও অক্ষমতা দেশে সম্পূর্ণ অটুটই থাকিয়া যাইবে।

বহু মহাশয় তৎকর্তৃক উক্ত তুলসী দাসের বচনটির ব্যাখ্যাও গোলে পড়িয়াছেন। তিনি সেখানে “সমুৎপে” ও “সাকারে” একেবারে একাকার করিয়া ফেলিয়াছেন।

আমরা এতদিন জানিতাম যে, রাজাই প্রথম সর্বধর্মসম্বন্ধ-কারী (Father of comparative religions); এখন কিন্তু কাহারো কাহারো কাছে (এবং তাঁদের মধ্যে চুনী বাবুও একজন) শুনিতেছি যে রামকৃষ্ণ পরমহংসদেব নাকি এই যুগের সর্বধর্ম-সম্বন্ধকারী। ঐতিহাসিকগণ যে যুগকে ‘রামমোহন ঝায়ের যুগ’ বলিয়া উল্লেখ করিয়াছেন, সেই যুগের প্রায় প্রথম ভাগেই জন্ম গ্রহণ করিয়া এবং রামমোহনের ধর্মপোত্র সম্বন্ধ-পাগল ব্রহ্মানন্দ কেশবচন্দ্রের সঙ্গে লাভ কারিয়া রামকৃষ্ণের ধর্ম-সম্বন্ধের ভাব প্রাপ্ত হওয়া কিছুই আশ্চর্য্য নয়, কিন্তু আশ্চর্য্যের বিষয় পরমহংসদেবের নব-সম্বন্ধের “যত মত তত পথ” এই উক্তিটিকে পৌত্তলিকতার স্বপক্ষে একটি মন্ত মুক্তিরূপে উপস্থিত করা। ঐ উক্তিটা যতই প্রতিমধুর হউক না কেন, একটু অস্থ-ধাবন করিলেই দেখা যাইবে যে তাঁহার প্রধান শিষ্য স্বামী বিবেকানন্দ কর্তৃক বেদান্তব্যাখ্যায় প্রযুক্ত প্রচলিত হিন্দুধর্মের “সব ধর্ম সত্য” উক্তিটিরই আর এক পিঠ মাত্র। সেই একই “চিলা ঔষধ্য” উভয়েতে বিদ্যমান। ধর্ম বহু নয়, পথও বহু নয়। সত্য ধর্ম এক, সত্য পথও এক। এই বিষয়ে রাজার অলঙ্ঘনীয় মুক্তিসকল ঐহারা জানিতে ইচ্ছা করেন তাঁহারা তাঁহার গ্রন্থ পাঠ করিবেন।

ব্রাহ্ম বীরেন বাবুও তাঁহার পূর্বোক্ত প্রবন্ধে রামকৃষ্ণের কথা উল্লেখ করিয়া লিখিয়াছেন—“রূপকল্পনা করিয়া প্রচলিত ব্রহ্মপূজা এবং মূর্তির সাহায্যে পরমহংসদেবের চিন্ময়ী ধ্যানের পার্থক্য কি তাহা প্রত্যেক ভারতবাসীর বুদ্ধিব্যায় সমর্থ আসিয়াছে।” এই ভারতবাসীর মধ্যে মূর্তিপূজার বিরোধী মুসলমান সম্প্রদায় এবং কবির ও নানকপন্থীদের তিনি ধরেন নাই বোধ করি। তাহা ছাড়া প্রচলিত মূর্তিপূজা ব্রহ্মের রূপ কল্পনা করিয়াই হইয়াছে আমরা শুনিয়া আসিতেছি, কিন্তু প্রচলিত ব্রহ্মপূজাও যে রূপকল্পনা করিয়াই হয়, ইহা আমরা তাঁহার কাছেই প্রথম জানিলাম। তবে পার্থক্য যে কি তাহা রামকৃষ্ণ নিজেই বলিয়াছেন। পরলোকগত জৈলোক্যনাথ দেবের “অতীতের ব্রাহ্ম সমাজ” গ্রন্থখানি পাঠ করিলেই সকলে অতি পরিষ্কাররূপে বুঝিতে-পারিবেন। আর মূর্তিপূজা যদি অতি সহজ ও স্বাভাবিকই হইবে, তবে দক্ষিণেশ্বরের কালীর পূজারী রামকৃষ্ণের আবার নানা জনের কাছে অত সাধন গ্রহণ ও অত কৃচ্ছত্রতপালনেরই বা দরকার কি ছিল, যার জন্তে তাঁহার স্বাস্থ্য চিরদিনের মত নষ্ট হইয়া গেল ?

৩৫—১৩৩৫ সালের চৈত্র সংখ্যা “শনিবারের চিঠিতে” “বাকালীর অদৃষ্ট” শীর্ষক একটি প্রবন্ধকে প্রধান স্থান দেওয়া হইয়াছে। লেখক প্রবন্ধটিতে বাকালীর অদৃষ্ট বিষয়ে এক অতি অভিনব রকমের গবেষণা করিয়াছেন। লেখকের নাম না থাকিলেও তিনি বাকালী নিশ্চয়ই, কারণ, তিনি নিজেই ঐ প্রবন্ধে বাকালীর যে সংজ্ঞা নির্দেশ করিয়াছেন তাতে সেই মনোভাবেরই পরিচয় পূর্ণ মাত্রায় পাওয়া যায়। বাকালী জাতি যে শুধু ভাবপন্থী—একান্ত ভাববিলাসী—ইহাই তিনি প্রতিপন্ন করিতে চেষ্টা করিয়াছেন এবং সিদ্ধান্তও করিয়াছেন,—“একটা সুবিচারিত সত্যের কঠিন বন্ধনে তাহার (বাকালীর) মন কখনও ধরা দিতে পারে না।” এখন কথা এই যে, তাঁহার এই গবেষণাটা ভাবের না আর কিছুর। তাঁহার মতে বাকালীর ত ভাব ছাড়া আর বিশিষ্ট কোন অবলম্বনই নাই, তাঁর বাকালী-য়ানার অর্থও ভাবুকতা এবং তাহা লইয়াই তিনি গবেষণা করিয়াছেন। কিন্তু ভাবের গবেষণা! এ সোনার পাথর-বাটা!! কাজেই তাঁহার গবেষণা যে কেবল অনধিকার চর্চ্চাই হইবে এবং তার ফলও যে পর্ত্তের মুষিকপ্রসবের জায় একটা কিছুত-কিমাকার কিছু হইবে তাহাতে বিশ্বাসের কিছু নাই। তবু এই অত্যন্ত গবেষণার একটু আগোচনার লোভ সম্বরণ করিতে পারিলাম না। (ক্রমশঃ)

শ্রীঅনন্দেরাম রায়

উষাকীর্তন। (পৌষ, ১৩৩৬)

বিভাস মিশ্র—কাওয়ালী

(“ব্রহ্মনামস্থধা-রস কর পান”—গানের সুর)

জাগ আনন্দে আনন্দ ভুবনে ;

থেক না আর ঘুম-ঘোরে মিছে স্বপনে।

কাননে আগিল পাখী, আনন্দ-আলোকে ডাকি’,

শোন সে আনন্দ-ধ্বনি উঠে গগনে।

(জেগে শোন শোনরে) (কি বা মধুর মধুর, বড়ই মধুর)

এ আনন্দরূপে যিনি, বিশ্ব-প্রাণাধার তিনি,

আনন্দ-বারতা তাঁরি বহে পবনে ;

দেখরে দেখ তাঁহারে, উদয়-অচলধারে

(দেখ) কি মহা প্রাণ-তরঙ্গ প্রাণে প্রাণে।

(জেগে দেখ দেখরে) (অন্তরে বাহিরে দেখ)

নাহি মৃত্যু, নাই শোচনা, গেছে দূরে ভয় ভাবনা,

প্রভাতে মুক্তি-ঘোষণা এসেছে নামে ;—

“অমৃতের অধিকারী” “জাগ জাগ নরনারী !”

ব্রহ্মরূপ প্রাণে হেরি’ ভোব সাধনে।

(অমর হইবে যদি) (আনন্দ অমৃত তিনি)

“ব্রহ্মজ্ঞান, ব্রহ্মধ্যান,” “ব্রহ্মানন্দরস-পান” ;—

সকলি মঙ্গল ব্রহ্মনামকীর্তনে ;

সুখে দুঃখে অপরে নাম, এ নামে হবে পূর্ণকাম,

বৃত্তসঞ্জীবন নাম মরত ধামে।

(ব্রহ্মনাম বিনে আর কি ধন আছে)

(এ নাম বলয়ে বলয়ে বল)

শ্রীঅনন্দেরাম চক্রবর্তী

পরলোকগত গগনচন্দ্র হোম

(পূর্ব প্রকাশিতের পর)

স্বাধিকারিত্ব ছাড়িয়া দিলেও ১৯০৪ খৃষ্টাব্দ পর্যন্ত সহকারী সম্পাদক ও প্রধান প্রবন্ধ-লেখকরূপে এই সংবাদ-পত্রের সহিত আমি সংশ্লিষ্ট ছিলাম। “সঞ্জীবনী” প্রথম কাগ্যাদ্যক্ষণে ছিলাম আমি। “সঞ্জীবনী” সেসময় আমার বহু বিনিয়োগ রজনী কৃষ্ণকুমার ঠাকুর সাহচর্যে কাটিয়াছে। ময়মনসিংহে পাঠ্যাবস্থা, “ভারতমিহির”-সম্পাদক অনাথবন্ধু গুহ-মহাশয়ের নিকট, আমার সংবাদপত্রে লেখার হাতে-খড়ি হইয়াছিল। যখন ময়মনসিংহ জেলা স্কুলে পড়ি, তখন পণ্ডিত শ্রীনাথ চন্দ্র মহাশয়ের সাহায্যে, “সঞ্জীবনী” নামে একপানি সংবাদপত্র প্রকাশ করি; আমিই তাহার প্রধান লেখক ছিলাম। ময়মনসিংহের “সঞ্জীবনী”কে কলিকাতার “সঞ্জীবনী”র অগ্রজ বলিলে অতুক্তি হইবে না। সাহিত্য-সম্রাট বঙ্কিমচন্দ্র চট্টোপাধ্যায় মহাশয় যখন “প্রচার” মাসিক-পত্র সম্পাদন করিতেছিলেন, তখন বন্ধুবর বিপিনচন্দ্র পাল মহাশয়ের নেতৃত্বে আমরাও “আলোচনা” প্রকাশ করিয়াছিলাম। এই মাসিক পত্রিকার পরিচালনাভার ছিল আমার উপর। সেই সূত্রে অক্ষয়চন্দ্র সরকার, কবিবর রবীন্দ্রনাথ ঠাকুর প্রমুখ খ্যাতনামা সাহিত্যিকগণের সহিত আমার পরিচয় ও ঘনিষ্ঠতা ঘটে। রবীন্দ্রনাথের কবিত্যক্তি বিশ্বব্যাপী এমন কি দেশব্যাপী হইবার বহু পূর্ব হইতেই আমি তাঁহার কাব্যের অহুরাগী ছিলাম। রবীন্দ্রনাথ দ্বিতীয়বার বিলাত হইতে ফিরিয়া আসিবার পর, জোড়াসাঁকোস্থ ঠাকুর-ডবনে, তাঁহার সাহিত্য-আলোচনায় ও সঙ্গীতচর্চায় যোগ দিবার সুযোগ আমার বিশেষ ভাবে ঘটিয়াছিল। সেই সব দিনের সুখসমুজ্জল স্মৃতি হৃদয়ে আঁকা রহিয়াছে। সে সময়ে রবীন্দ্রনাথ আমাদের “আলোচনা” পত্রিকার লেখক ও বিশেষ উৎসাহদাতা ছিলেন। “আলোচনা” কিন্তু কয়েক বৎসর চলিবার পর উঠিয়া যায়।

ক্রমশঃ

ব্রাহ্মসমাজ ।

শ্রুততম আটশোৎসব—সাধারণ ব্রাহ্মসমাজের কার্যনির্বাহক সভা নিয়মিত প্রণালী অনুসারে শ্রুততম আটশোৎসব সম্পন্ন করিবার সঙ্কল্প করিয়াছেন। আবশ্যিক হইলে ইহার কিছু পরিবর্তন হইতে পারে। ব্যাকুল-প্রাণ নরনারীর সম্মিলনের উপরই উৎসবের সফলতা বিশেষ ভাবে নির্ভর করে। সেজন্য উৎসবে সম্মিলিত হইবার জন্য সকলকে সাদরে নিমন্ত্রণ করা বাইতেছে—

১লা হইতে ৩রা মাঘ (১৫ই হইতে ১৭ই জ্যৈষ্ঠ) বৃহস্পতিবার—ব্রাহ্মপরিবারসমূহে এবং ছাত্রাবাস ও ছাত্রী-নিবাসে ব্রাহ্মসমাজের কল্যাণার্থ প্রার্থনা।

৪ঠা মাঘ (১৮ই জ্যৈষ্ঠ) শনিবার—প্রাতে ব্রাহ্ম পরিবার-সমূহে এবং ছাত্রাবাস ও ছাত্রীনিবাসে ব্রাহ্মসমাজের কল্যাণার্থ প্রার্থনা। সায়ংকালে উৎসবের উদ্বোধন।

৫ই মাঘ (১৯শে জ্যৈষ্ঠ) রবিবার—প্রাতে ব্রাহ্মবৃন্দ-

দিগের উৎসব উপলক্ষে উপাসনা। অপরাহ্নে ২ ঘটিকায় যুবকদিগের আলোচনা। অপরাহ্নে ৫ ঘটিকায় বরাহনগর শ্রমজীবীগণের নগর-সঙ্কীর্ণন। সায়ংকালে শ্রমজীবীগণের উৎসব উপলক্ষে উপাসনা।

৬ই মাঘ (২০শে জ্যৈষ্ঠ) সোমবার—(মংঘির যুগাদিন) প্রাতে উপাসনা। সায়ংকালে আলবার্ট হলে স্মৃতি সভা।

৭ই মাঘ (২১শে জ্যৈষ্ঠ) মঙ্গলবার—প্রাতে উপাসনা। সায়ংকালে বক্তৃতা।

৮ই মাঘ (২২শে জ্যৈষ্ঠ) বুধবার—প্রাতে উপাসনা। সায়ংকালে তত্ত্ববিজ্ঞা সভার উৎসব।

৯ই মাঘ (২৩শে জ্যৈষ্ঠ) বৃহস্পতিবার—প্রাতে মহিলা-দিগের উৎসব (ও পুরুষদিগের জন্য সিটি কলেজগৃহে পৃথক উপাসনা)। সায়ংকালে ইংরাজীতে উপাসনা।

১০ই মাঘ (২৪শে জ্যৈষ্ঠ) শুক্রবার—প্রাতে কলিকাতা উপাসকসমুহের উৎসব উপলক্ষে উপাসনা। অপরাহ্নে ১ ঘটিকায় নবদ্বীপচন্দ্রে স্মৃতিসভা। অপরাহ্নে ৫ ঘটিকায় নগর সঙ্কীর্ণন। সায়ংকালে উপাসনা।

১১ই মাঘ (২৫শে জ্যৈষ্ঠ) শনিবার—সমস্তদিন-ব্যাপী উৎসব। প্রাতে কীর্তন ও উপাসনা। অপরাহ্নে ১ ঘটিকায় উপাসনা। অপরাহ্নে ২ ঘটিকায় পাঠ ও ব্যাখ্যা। অপরাহ্নে ৩ ঘটিকায় আদি ব্রাহ্মসমাজ মন্দিরে সম্মিলিত উপাসনা। অপরাহ্নে ৫ ঘটিকায় সংকীর্ণন। সায়ংকালে উপাসনা।

১২ই মাঘ (২৬শে জ্যৈষ্ঠ) রবিবার—প্রাতে সাধনাশ্রমের উৎসব উপলক্ষে উপাসনা। অপরাহ্নে ২ ঘটিকায় আলোচনা। ৫ ঘটিকায় ইংরাজীতে উপাসনা। সায়ংকালে

১৩ই মাঘ (২৭শে জ্যৈষ্ঠ) সোমবার—প্রাতে উপাসনা। অপরাহ্নে ৪ ঘটিকায় মেসারী কাপেন্টার হলে রবিবাসরীয়া নীতি বিজ্ঞানসভার উৎসব। সায়ংকালে সাধারণ ব্রাহ্মসমাজের বার্ষিক সভা।

১৪ই মাঘ (২৮শে জ্যৈষ্ঠ) মঙ্গলবার—প্রাতে উপাসনা। অপরাহ্নে বালক বালিকা সম্মিলন। সায়ংকালে ছাত্রসমাজের উৎসব।

১৫ই মাঘ (২৯শে জ্যৈষ্ঠ) বুধবার—প্রাতে উপাসনা। সায়ংকালে সঙ্গত সভার উৎসব।

১৬ই মাঘ (৩০শে জ্যৈষ্ঠ) বৃহস্পতিবার—প্রাতে উপাসনা। সায়ংকালে কীর্তন।

১৭ই মাঘ (৩১শে জ্যৈষ্ঠ) শুক্রবার—প্রাতে উপাসনা। সায়ংকালে উপাসনা।

১৯শে মাঘ (২রা ফেব্রুয়ারী) রবিবার—তিন সমাজের মিলিত উদ্ভান-সম্মিলন।

আনন্দুল ব্রাহ্মসমাজ—বিগত ৮ই ডিসেম্বর আনন্দুল ব্রাহ্মসমাজের সভ্য পরলোকগত অবিদ্যায় চক্রবর্তীর আদ্য-প্রাঙ্গণস্থান সম্পন্ন হইয়াছে। শ্রীযুক্ত অর্পণাচরণ ভট্টাচার্য আচার্যের কার্য, পুত্র শ্রীযুক্ত অনাথনাথ চক্রবর্তী সংক্ষেপে জীবন-চরিত পাঠ ও শ্রীযুক্ত মণিকলাল দে সঙ্গীত করেন। এ উপলক্ষে আনন্দুল ব্রাহ্মসমাজে ১ টাকা দান করা হইয়াছে।

উৎসব—পূর্ববাঙ্গাল ব্রাহ্মসমাজের ত্র্যশীতিতম সাধ্ব-সরিক উৎসব নিম্নলিখিত প্রণালীতে সম্পন্ন হইয়াছে :—

২০শে অগ্রহায়ণ (৬ই ডিসেম্বর), সন্ধ্যা—উৎসবের উদ্বোধন। আচার্য্য শ্রীযুক্ত ভবসিদ্ধ দত্ত। ২১শে অগ্রহায়ণ (৭ই ডিসেম্বর)—মন্দিরপ্রতিষ্ঠার দিন—প্রাতঃকালে উপাসনা, আচার্য্য শ্রীযুক্ত অশ্বিনীকুমার বসু; সন্ধ্যায় বক্তৃতা, বক্তা শ্রীযুক্ত অমৃতলাল গুপ্ত, বিষয়—“ধর্মসমাজে আদর্শ জীবন।” ২২শে অগ্রহায়ণ (৮ই ডিসেম্বর)—সমাজপ্রতিষ্ঠার দিন—প্রাতঃকালে উপাসনা, আচার্য্য শ্রীযুক্ত অমরচন্দ্র ভট্টাচার্য্য; অপরাহ্নে পাঠ ও বাখ্যা, বিষয়—“বাজবোধঃ ব্রহ্ম-মীমাংসা।” ব্যাখ্যাতা—শ্রীযুক্ত মধুরানাথ গুহ; তৎপর উক্ত বিষয়ে আলোচনা। সন্ধ্যায় উপাসনা, আচার্য্য শ্রীযুক্ত ভবসিদ্ধ দত্ত। ২৩শে অগ্রহায়ণ, (৯ই ডিসেম্বর)—প্রাতঃকালে ইষ্টবেঙ্গল ইন্সটিটিউশন স্থাপনের দিন উপলক্ষে বিশেষ উপাসনা। আচার্য্য শ্রীযুক্ত মধুরানাথ গুহ।

উন্টাডাঙ্গা ব্রাহ্মসমাজ—উন্টাডাঙ্গা ব্রাহ্মসমাজের পঞ্চম বার্ষিক উৎসব নিম্নলিখিত প্রণালীতে সম্পন্ন হইবে :—শনিবার ২১শে ডিসেম্বর সন্ধ্যা ৬ ঘটিকায় সংকীর্ণনে উপাসনা। রবিবার ২২শে ডিসেম্বর প্রাতে ৮ টায় উপাসনা (আচার্য্য শ্রীযুক্ত বেণীমাধব দাস) ও বৈকালে ৩ টায় বালক-বালিকাদিগের উৎসব। সোমবার ২৩শে ডিসেম্বর রাত্রি ৬।০ টায় ধর্ম সম্বন্ধে আলোকচিত্রে বক্তৃতা। মঙ্গলবার ২৪শে ডিসেম্বর (সর্কদিনবাণী উৎসব), সকালে ৬।০ টায় উন্টাডাঙ্গা বাজার হইতে উষাকীর্ণন, ৮।০ টায় উপাসনা, তৎপর পরলোকগত কানাইলাল সেনের স্মৃতিসভা। মধ্যাহ্নে শ্রীতি-ভোজন; অপরাহ্ন ৩ টায় বার্ষিক সভা; ৪।০ টায় শাস্ত্র পাঠ; সন্ধ্যা ৬ টায় উপাসনা।

নিখিল ভারতীয় একেশ্বরবাদীদিগের সম্মিলন—নিখিল ভারতীয় একেশ্বরবাদীদিগের সম্মিলনের এক ত্রিশ অধিবেশন আগামী ২৬শে ডিসেম্বর হইতে লাহোর নগরীতে সম্পন্ন হইবে। শ্রীযুক্ত রামানন্দ চট্টোপাধ্যায় সভাপতি নিযুক্ত হইয়াছেন। নিম্নলিখিত প্রণালীতে কার্য্য নির্বাহিত হইবে :—

২৬শে ডিসেম্বর বৃহস্পতিবার পূর্বাহ্ন ৯ ঘটিকায় ব্রহ্মমন্দিরে প্রারম্ভিক উপাসনা। ১০ ঘটিকায় বিষয় নির্বাচন কমিটির অধিবেশন। অপরাহ্ন ২।০ ঘটিকায় লাঙ্গপত নগরে ধর্মসম্মিলন। ২৭শে ডিসেম্বর, শুক্রবার পূর্বাহ্ন ৯ ঘটিকায় উপাসনা, ৯।০ ঘটিকায় সম্মিলনের অধিবেশন; অপরাহ্ন ৫ ঘটিকায় অভ্যর্থনা সমিতির ও সম্মিলনের সভাপতিত্বের অভিভাষণ। ২৮শে ডিসেম্বর, শনিবার—পূর্বাহ্ন ৯ ঘটিকায় উপাসনা, ৯।০ ঘটিকায় সম্মিলনের অধিবেশন; অপরাহ্ন ৫ ঘটিকায় ব্রাহ্মধর্মের বার্তা বিষয়ে প্রসিদ্ধ বক্তাগণের বক্তৃতা। ২৯শে ডিসেম্বর রবিবার পূর্বাহ্ন ৯ ঘটিকায় হংরাজীতে উপাসনা। ১০ ঘটিকায় সম্মিলনের অধিবেশন। অপরাহ্ন ৫ ঘটিকায় ব্রহ্মমন্দিরে হিন্দীতে উপাসনা।

প্রতিনিধিবর্গকে ২ টাকা কবিতা তেলিগেসন কি দিতে হইবে। আহ্বানের বায় বাবদ পূর্ণ বয়স্কদিগের নিকট-নিকটে দৈনিক ১ টাকা ও ১২ বৎসরের নিম্ন বয়স্কদিগের নিকট হইতে ১০ হিসাবে গ্রহণ করা হইবে। লাহোরে এই সময়ে খুবই বেশী শীত। সকলকে যথেষ্ট গরম কাপড় লেপ কবল প্রভৃতি সঙ্গে লইয়া যাইতে হইবে। আহ্বানের জন্য আহ্বার ও বাসস্থানের বন্দোবস্ত করিতে হইবে। তাহার পূর্বেই যেন সম্পাদককে জ্ঞাপন করেন। শ্রীযুক্ত উপেন্দ্রনাথ বল, হর কটেজ, ম্যাকলেড রোড, লাহোর (Noor Cottage, Macleod Road, Lahore) এই ঠিকানায় পত্রাদি লিখিতে হইবে।

পারলোকগত—আমাদিগকে গভীর দুঃখের সহিত প্রকাশ করিতে হইতেছে যে—

শ্রীযুক্ত পাণ্ডবচন্দ্র সিংহের পালিত পৌত্র সাধ্বনা কুমার সিংহ আঠার বৎসর বয়সে কলেরা রোগে বিগত ৪ঠা নবেম্বর উলুবেড়িয়াতে পরলোক গমন করিয়াছেন। বিগত ৮ই ডিসেম্বর তাহার আদ্যাশ্রম বাণীবনে সম্পন্ন হইয়াছে। শ্রীযুক্ত অনঙ্গমোহন রায় আচার্য্যের কার্য্য করেন।

বিগত ৩০শে কার্তিক কলিকাতা নগরীতে শ্রীযুক্ত ভবতারণ ভড়ের মাতা পরলোকগমন করিয়াছেন।

বিগত ৩রা ডিসেম্বর পরলোকগত জ্যোতিষচন্দ্র চট্টোপাধ্যায়ের আশ্রমপ্রাঙ্গণস্থান সম্পন্ন হইয়াছে। শ্রীযুক্ত কৃষ্ণকুমার মিত্র আচার্য্যের কার্য্য করেন, পুত্র শ্রীমান সন্তোষকুমার প্রার্থনা পাঠ করেন। এই উপলক্ষে ৪ টাকা দান করা হইয়াছে।

শান্তিদাতা পিতা পরলোকগত আত্মাদিগকে চির শান্তিতে রাখুন ও আত্মীয়স্বজনদের শোকসন্তপ্ত হৃদয়ে সাধ্বনা বিধান করুন।

শুভবিবাহ—বিগত ২রা অগ্রহায়ণ ঢাকা নগরীতে শ্রীযুক্ত নিখিলচন্দ্র নন্দীর কনিষ্ঠা কন্যা কল্যাণীয়া শীলা ও শ্রীযুক্ত অশ্বিনীকুমার বসুর দ্বিতীয় পুত্র শ্রীমান অমলকুমারের শুভ বিবাহ সম্পন্ন হইয়াছে। শ্রীযুক্ত দুর্গানাথ রায় আচার্য্যের কার্য্য করেন।

বিগত ১১ই ডিসেম্বর কলিকাতা নগরীতে শ্রীযুক্ত নরেন্দ্রনাথ চাটার্জির কনিষ্ঠা কন্যা কল্যাণীয়া মীরা ও শ্রীযুক্ত স্বরেন্দ্রনাথ হালদারের জ্যেষ্ঠ পুত্র শ্রীমান সমরেন্দ্রনাথের শুভ বিবাহ সম্পন্ন হইয়াছে। শ্রীযুক্ত লক্ষিতমোহন দাস আচার্য্যের কার্য্য করেন।

বিগত ১২ই ডিসেম্বর কলিকাতা নগরীতে পরলোকগত ভুবনমোহন চাটার্জির কন্যা কল্যাণীয়া স্নেহা ও পরলোকগত পুণ্যদাপ্রসাদ সরকারের পুত্র শ্রীমান ব্রহ্মবিহারীর শুভ বিবাহ সম্পন্ন হইয়াছে। শ্রীযুক্ত অপর্ণাচরণ ভট্টাচার্য্য আচার্য্যের কার্য্য করেন।

বিগত ১৪ই ডিসেম্বর বাঙ্গালীগঞ্জ উপনগরীতে শ্রীযুক্ত সারদা-চরণ নন্দীর কনিষ্ঠা কন্যা কল্যাণীয়া স্মৃতি ও বগুড়া-সেরপুর নিবাসী পরলোকগত মহিমচন্দ্র সিংহের দ্বিতীয় পুত্র শ্রীমান মাধবচন্দ্রের শুভ বিবাহ সম্পন্ন হইয়াছে। শ্রীযুক্ত কৃষ্ণকুমার মিত্র আচার্য্যের কার্য্য করেন।

প্রেমময় পিতা নবদম্পতিদিগকে প্রেম ও কল্যাণের পথে অগ্রসর করুন।

বিজ্ঞাপন।

আগামী ৩১শে ডিসেম্বর মঙ্গলবার অপরাহ্ন ৩ ঘটিকার সময়ে গিরিডি ব্রহ্মমন্দিরে গিরিডি ব্রাহ্মসমাজের অষ্টচত্বারিংশতম বার্ষিক সাধারণ সভার অধিবেশন হইবে। তাহাতে নিম্নস্থ কার্য্যসকল সম্পন্ন হইবে। ইহাতে উক্ত সমাজের সভ্যগণের উপস্থিতি একান্ত প্রার্থনীয়।

১। ১৯২৯ অব্দের কার্য্য বিবরণ ও আয় ব্যয় পাঠ। ২। আগামী বর্ষের জন্য কর্মচারী এবং কার্য্য নির্বাহক সভার সভ্য নির্বাচন। ৩। কলিকাতা সাধারণ ব্রাহ্মসমাজে প্রতিনিধি মনোনয়ন। ৪। আচার্য্য নিয়োগ। ৫। বিবিধ।

গিরিডি ব্রাহ্মসমাজ

নিবেদক

১৫ই ডিসেম্বর, ১৯২৯

উৎসবের নামে সম্পাদক

সন্তানদের মাথার মোট দেখিয়া বড়ই অমোহ করিয়াছিলেন। তিনিও বাশবেড়িয়া-নিবাসী ছিলেন। গৃহে নগেন্দ্রবাবুর স্ত্রী আমাদের অল্প অল্পকাল প্রস্তুত করিয়া অপেক্ষা করিতেছিলেন। তাঁহার মধ্যম পুত্রের শোকে তখন তিনি কাতর ছিলেন, আমাদের পাইয়া কত আনন্দিত হইলেন। তাঁহাদের গৃহে উৎসব আরম্ভ হইল;—হুবেলা কীর্তন, সঙ্গীত, উপাসনা ও উপদেশ চলিতে লাগিল; অপরাহ্নে আলোচনা হইত। বাশবেড়িয়া ব্রাহ্মণ পণ্ডিতের গ্রাম; পণ্ডিত-মহাশয়েরা আসিয়া নানা কূট প্রশ্ন করিতেন, নগেন্দ্রবাবু তাহা খণ্ডন করিতেন; গোঁসাই ভক্তিতত্ত্ব ব্যাখ্যা করিতেন। এইভাবে তিন চারি দিন পরম আনন্দে কাটিয়াছিল। (ক্রমশঃ)

ব্রাহ্মসমাজ ।

শ্রীমতঃ সন্ন্যাসী—সাধারণ ব্রাহ্মসমাজের কার্যানির্বাহক সভা নিম্নলিখিত প্রণালী অনুসারে শ্রীমতঃ সন্ন্যাসী সম্পন্ন করিবার সঙ্কল্প করিয়াছেন। আবশ্যিক হইলে ইহার কিছু পরিবর্তন হইতে পারে। ব্যাকুল-প্রাণ নবনারীর সম্মিলনের উপরই উৎসবের সফলতা বিশেষ ভাবে নির্ভর করে। সেজন্য উৎসবে সম্মিলিত হইবার জন্য সকলকে সাদরে নিমন্ত্রণ করা যাউতেছে—

১লা হইতে ৩রা মাঘ (১৫ই হইতে ১৭ই জ্যৈষ্ঠ) বৃহস্পতিবার—ব্রাহ্মপরিবারসমূহে এবং ছাত্রাবাস ও ছাত্রী-নিবাসে ব্রাহ্মসমাজের কল্যাণার্থ প্রার্থনা।

৪ঠা মাঘ (১৮ই জ্যৈষ্ঠ) শনিবার—প্রাতে ব্রাহ্ম পরিবারসমূহে এবং ছাত্রাবাস ও ছাত্রীনিবাসে ব্রাহ্মসমাজের কল্যাণার্থ প্রার্থনা। সাংকালে উৎসবের উদ্বোধন। আচার্য্য—শ্রীযুক্ত কৃষ্ণকুমার মিত্র।

৫ই মাঘ (১৯শে জ্যৈষ্ঠ) রবিবার—প্রাতে ব্রাহ্মসমাজের উৎসব উপলক্ষে উপাসনা। অপরাহ্নে ২ ঘটিকায় যুবকদিগের আলোচনা। অপরাহ্নে ৫ ঘটিকায় বরাহনগর শ্রমজীবীগণের নগর-সকীর্তন। সাংকালে শ্রমজীবীগণের উৎসব উপলক্ষে উপাসনা। আচার্য্য—ডাঃ হেমচন্দ্র সরকার।

৬ই মাঘ (২০শে জ্যৈষ্ঠ) দোমবার—(মংসির পরলোক গমনের দিন) প্রাতে উপাসনা। আচার্য্য—শ্রীযুক্ত ধীরেন্দ্রনাথ চৌধুরী। সাংকালে আলবার্ট হলে মহর্ষি স্মৃতি সভা।

৭ই মাঘ (২১শে জ্যৈষ্ঠ) মঙ্গলবার—প্রাতে উপাসনা। আচার্য্য—শ্রীযুক্ত মধুরানাথ নন্দী। সাংকালে ছাত্র সমাজের উৎসব উপলক্ষে বক্তৃতা।

৮ই মাঘ (২২শে জ্যৈষ্ঠ) বুধবার—প্রাতে উপাসনা। আচার্য্য—শ্রীযুক্ত ললিতমোহন দাস। সাংকালে তত্ত্ববিজ্ঞান সভার উৎসব উপলক্ষে বক্তৃতা—বিষয়—“ভক্তি ধর্মের প্রতিষ্ঠা”। বক্তা—পণ্ডিত সীতানাথ তত্ত্বভূষণ।

৯ই মাঘ (২৩শে জ্যৈষ্ঠ) বৃহস্পতিবার—প্রাতে মহিলা-দিগের উৎসব ও পুরুষদিগের অল্প সিটি কলেজগৃহে পৃথক উপাসনা। সাংকালে সম্মিলিত উপাসনা।

১০ই মাঘ (২৪শে জ্যৈষ্ঠ) শুক্রবার—প্রাতে কলিকাতা উপাসকসমাজের উৎসব উপলক্ষে উপাসনা। আচার্য্য—শ্রীযুক্ত হেরম্ভচন্দ্র মৈত্রেয়। অপরাহ্নে ১ ঘটিকায় নবদ্বীপচন্দ্র স্মৃতিসভা। সভাপতি—শ্রীযুক্ত হেরম্ভচন্দ্র মৈত্রেয়; বক্তাগণ—শ্রীযুক্ত কৃষ্ণকুমার মিত্র, শ্রীযুক্ত সতীশচন্দ্র চক্রবর্তী, শ্রীযুক্ত স্বালা আচার্য্য। অপরাহ্নে ৫ ঘটিকায় নগর সকীর্তন। সাংকালে উপাসনা। আচার্য্য—শ্রীযুক্ত প্রাণকৃষ্ণ আচার্য্য।

১১ই মাঘ (২৫শে জ্যৈষ্ঠ) শনিবার—সমস্তদিন-অ্যাপী উৎসব। প্রত্যবে ৫ ঘটিকায় উষাকীর্তন, পূর্বাহ্নে ৭ ঘটিকায় উপাসনা। আচার্য্য—শ্রীযুক্ত সতীশচন্দ্র চক্রবর্তী।

অপরাহ্নে ১ ঘটিকায় উপাসনা। আচার্য্য—শ্রীযুক্ত বরদাচন্দ্র বসু। অপরাহ্নে ২ ঘটিকায় পাঠ ও ব্যাখ্যা। পাঠকগণ—শ্রীযুক্ত কৃষ্ণকুমার মিত্র, ডাই সীতারাম, শ্রীযুক্ত সতীশচন্দ্র চক্রবর্তী। অপরাহ্নে ৪ ঘটিকায় ইংরাজীতে উপাসনা। আচার্য্য—শ্রীযুক্ত রজনীকান্ত গুহ। অপরাহ্নে ৫।০ ঘটিকায় সংকীর্তন। সাংকালে উপাসনা। আচার্য্য—শ্রীযুক্ত কৃষ্ণকুমার মিত্র।

১২ই মাঘ (২৬শে জ্যৈষ্ঠ) রবিবার—প্রাতে সাধনাশ্রমের উৎসব উপলক্ষে উপাসনা। আচার্য্য—শ্রীযুক্ত সতীশচন্দ্র চক্রবর্তী। অপরাহ্নে ২ ঘটিকায় আলোচনা। বিষয়—“ব্রাহ্মধর্ম প্রচার”। সভাপতি—শ্রীযুক্ত হেমচন্দ্র সরকার। সাংকালে উপাসনা। আচার্য্য—শ্রীযুক্ত হেরম্ভচন্দ্র মৈত্রেয়।

১৩ই মাঘ (২৭শে জ্যৈষ্ঠ) দোমবার—প্রাতে উপাসনা। আচার্য্য—শ্রীযুক্ত অধিনাথচন্দ্র লাহিড়ী। অপরাহ্নে ৪ ঘটিকায় মেমী কলেজ হলে রবিবাসরীয়া নীতি বিদ্যালয়ের উৎসব। সাংকালে সাধারণ ব্রাহ্মসমাজের বাসিক সভা। (কেবল সভা-দিগের ৫)।

১৪ই মাঘ (২৮শে জ্যৈষ্ঠ) মঙ্গলবার—প্রাতে উপাসনা। আচার্য্য—শ্রীযুক্ত অমৃতলাল গুপ্ত। অপরাহ্নে বালক বালিকা সম্মিলন। সাংকালে বক্তৃতা; বক্তা—শ্রীযুক্ত রজনীকান্ত গুহ।

১৫ই মাঘ (২৯শে জ্যৈষ্ঠ) বুধবার—সাংকালে সঙ্গত সভার উৎসব উপলক্ষে বক্তৃতা; বিষয় “নিগূঢ় ধর্ম—প্রাচ্য ও প্রতীচ্য”। বক্তা—শ্রীযুক্ত ধীরেন্দ্রনাথ চৌধুরী।

১৬ই মাঘ (৩০শে জ্যৈষ্ঠ) বৃহস্পতিবার—সাংকালে কীর্তনে উপাসনা।

১৭ই মাঘ (৩১শে জ্যৈষ্ঠ) শুক্রবার—প্রাতে উপাসনা। সাংকালে বক্তৃতা; বক্তা—শ্রীযুক্ত কৃষ্ণকুমার মিত্র।

১৮ই মাঘ (১লা ফেব্রুয়ারী) শনিবার—সাংকালে ইংরাজীতে বক্তৃতা; বক্তা—শ্রীযুক্ত হেরম্ভচন্দ্র মৈত্রেয়।

১৯শে মাঘ (২গা ফেব্রুয়ারী) রবিবার—প্রাতে উপাসনা; আচার্য্য—শ্রীযুক্ত অন্নদাচরণ সেন। তিন সমাজের মিলিত উদ্ভাটন-সম্মিলন। সাংকালে উপাসনা; আচার্য্য—পণ্ডিত সীতানাথ তত্ত্বভূষণ।

মংস্বল হইতে ষাঁহার উৎসবে যোগদান করিতে আসিবেন তাঁহারা অল্পগ্রহপূর্বক পূর্বেই উৎসবকমিটির সম্পাদককে তাঁহাদের কনিকাতা পৌছিবার নিশ্চিত তারিখ জানাইলে অভ্যর্থনার বন্দোবস্ত হইতে পারে।

উৎসব—নিম্নলিখিত প্রণালী অনুসারে ব্রাহ্মণবাড়ীয়া উপাসনা সমাজের সাংসদিক উৎসব সম্পন্ন হইয়াছে—৪ঠা ভাদ্র সাংকালে উৎসবের উদ্বোধন উপলক্ষে শ্রীযুক্ত বরদাচন্দ্র রায় উপাসনা করেন। ৫ই ভাদ্র প্রাতঃকালে শ্রীযুক্ত রজনীনাথ নন্দী উপাসনা করেন। অপরাহ্নে বাসিক সভা হয়। তাহাতে শ্রীযুক্ত বরদাচন্দ্র রায় সভাপতি হন ও সমাজের বাসিক রিপোর্ট পঠিত হয়। শ্রীযুক্ত মেঘনাথ চৌধুরী পুনরায় সমাজের সেক্রেটারী নিযুক্ত হন, সমাজের কার্য নিরীহক সভা গঠিত হয়। শ্রীযুক্ত মেঘনাথ চৌধুরী তৎপরে একটি বক্তৃতা পাঠ করেন ও শ্রীযুক্ত প্রসন্নকুমার দাসগুপ্ত মহাশয়ের স্বাস্থ্য লাভের জন্য প্রার্থনা করেন। সন্ধ্যার পর শ্রীযুক্ত বরদাচন্দ্র রায় কথকতা করেন। ৬ই ভাদ্র প্রাতে মন্দিরে ব্রাহ্মোপাসনা হইয়া উৎসব শেষ হয়; বরদা বাবু উপাসনা করেন।

প্রভাট—শ্রীযুক্ত বরদাচন্দ্র রায় ব্রাহ্মণবাড়ীয়া ব্রাহ্মসমাজের সাংসদিক উৎসব সম্পন্ন করিয়া ৬ই ভাদ্র অপরাহ্নে গঙ্গাসাগরে উপস্থিত হন। ঐ দিবস সন্ধ্যাকালে ত্রিপুরার মহারাজার স্থানীয় কাছারি কম্পাউণ্ডে “দেবধি নারদের সাধনা” বিষয়ে কথকতা করেন। ৭ই ভাদ্র প্রাতঃকালে মহারাজার এসিষ্টেন্ট ম্যানেজার

শ্রীযুক্ত তড়িমোহন গুপ্তের বাটীতে পারিবারিক উপাসনা করেন। সন্ধ্যাকালে রাজ কাছারি কম্পাউণ্ডে "বুদ্ধের জীবনী" সম্পর্কে কথকতা করেন। ৮ই ভাদ্র প্রাতঃকালে পুনরায় তড়িমোহন বাটীতে পারিবারিক উপাসনা। তিনি ৯ই ভাদ্র গঙ্গা সঙ্গর হইতে নোয়াখালী গমন করিয়া রায় রাধাকান্ত আইচ বাংলুর ভবনে উপস্থিত হইয়া প্রাতে পারিবারিক উপাসনা করেন। সাংকালে কথকতা করেন। পরদিন নোয়াখালী ব্রাহ্মসমাজ মন্দিরে কথকতা করেন। তৎপর বরিশাল গমন করিয়া ১৬ই ভাদ্র বরিশাল ব্রাহ্মসমাজ মন্দিরে উপাসনা করেন। একদিন তথাকার উকিল শ্রীযুক্ত অচরণ সেনের বাড়ীতে কথকতা করেন।

শাস্ত্রোক্তিক—আমাদিগকে গভীর দুঃখের প্রকাশ করিতে হইতেছে যে,—

বিগত ১৭ই ডিসেম্বর দমদম ক্যান্টনমেন্টে শ্রীযুক্ত সাংরায়ের কন্যা (শ্রীযুক্ত যুগেন্দ্রলাল মিত্রের দৌহিত্রী) হঠাৎ কয়েক ঘণ্টার অস্থির পরলোক গমন করিয়াছেন।

বিগত ১৬ই ডিসেম্বর লক্ষী নগরীতে শ্রীযুক্ত শ্রীশচন্দ্র সেনের পত্নী (পরলোকগত কৈলাসচন্দ্র বাগচী মহাশয়ের অন্ততমা কন্যা) হেমন্তকুমারী দীর্ঘকাল রোগ শয্যায় শামিত থাকিয়া পরলোক-গমন করিয়াছেন।

বিগত ১৬ই ডিসেম্বর কলিকাতা নগরীতে শ্রীযুক্ত ভবতারণ ভড়ের মাতার আদ্যাশ্রদ্ধাস্থান সম্পন্ন হইয়াছে। শ্রীযুক্ত ললিতমোহন দাস আচার্যের কাৰ্য্য ও ভবতারণ বাবু প্রার্থনা করেন। এই উপলক্ষে প্রচার বিভাগে ৩, দাতব্য বিভাগে ২, উণ্টাডাঙ্গা ব্রাহ্মসমাজে ২, ও উণ্টাডাঙ্গা উৎসব কণ্ড ১, প্রদত্ত হইয়াছে।

বিগত ১৫ই ডিসেম্বর কলিকাতা নগরীতে প্রবীণ ব্রহ্মোপাসক বাবু ক্ষুদিরাম বসু পরলোকগমন করিয়াছেন। তিনি নিয়মিত-রূপে সাধারণ ব্রাহ্মসমাজের ব্রহ্মমন্দিরে উপাসনায় যোগ দিতেন।

বিগত ৮ই ডিসেম্বর পূবড়ী ব্রহ্মমন্দিরে শ্রীমতী লক্ষ্মীপ্রভা বড়া তাঁহার পিতা পরলোকগত ধনীরাম দাসের আদ্যাশ্রদ্ধাস্থান সম্পন্ন করিয়াছেন। এই উপলক্ষে তিনি সাধারণ ব্রাহ্মসমাজে ৪, গৌড়াটী ব্রাহ্মসমাজে ২, গোয়ালপাড়া ব্রাহ্মসমাজে ২, ও পূবড়ী ব্রাহ্মসমাজে ২, টাকা প্রদান করিয়াছেন।

বিগত ৩শে নবেম্বর কাবিনাতে শ্রীযুক্ত কালীপ্রসন্ন দাসগুপ্তের শাশুড়া স্বর্ণময়ী সেনগুপ্ত ৮০ বৎসর বয়সে পরলোক গমন করিয়াছেন। তিনি কাবিনা ব্রাহ্মসমাজের উপাসনাদিতে নিয়মিতভাবে যোগদান করিতেন।

বিগত ২৯শে ডিসেম্বর তাঁহার আদ্যাশ্রদ্ধাস্থান সম্পন্ন হইয়াছে। শ্রীযুক্ত ললিতমোহন দাস আচার্যের কাৰ্য্য ও জ্যেষ্ঠা ভগিনী প্রার্থনা করেন। এই উপলক্ষে প্রচার বিভাগে ২, ও সাধারণ বিভাগে ২, প্রদত্ত হইয়াছে।

বিগত ২৬শে ডিসেম্বর কলিকাতা নগরীতে শ্রীযুক্ত লংবা-কুমার সিংহের একটা কন্যা পরলোক গমন করিয়াছেন।

শান্তিদাতা পিতা পরলোকগত আত্মাদিগকে চির শান্তিতে রাখুন ও অস্থায় স্বজন্মদেয় শোকসন্তপ্ত হৃদয়ে সান্ত্বনা দান করুন।

শুভ বিবাহ—বিগত ২৭শে ডিসেম্বর কলিকাতা নগরীতে শ্রীযুক্ত অমিনাশচন্দ্র লাহিড়ীর জ্যেষ্ঠা কন্যা কল্যাণীয়া জ্যোৎস্নাময়ী ও শ্রীযুক্ত লালমোহন চট্টোপাধ্যায়ের জ্যেষ্ঠ পুত্র শ্রীমান স্বধাংশুনাথের শুভ বিবাহ সম্পন্ন হইয়াছে। শ্রীযুক্ত সতীশচন্দ্র চক্রবর্তী আচার্যের কাৰ্য্য করেন। প্রথম পিতা নব দম্পতি ৩ প্রেম ও কল্যাণের পথে অগ্রসর করুন।

পূর্বব্রাহ্মসমাজ ব্রাহ্মসমাজ—গত ৩রা পৌষ সন্ধ্যাকালে পূর্বব্রাহ্মসমাজ মন্দিরে পূর্বব্রাহ্মসমাজের প্রথম প্রবর্তক এবং পূর্বব্রাহ্মসমাজ প্রতিষ্ঠাতাগণের মধ্যে

ব্রাহ্মমিশন প্রেস হইতে প্রিন্টিংগানার দ্বারা ১২শে পৌষ মুদ্রিত ও প্রকাশিত। সম্পাদক—শ্রীযুক্ত বাবু, কলিকাতা।

অগ্রগণ্য পরলোকগত ব্রহ্মসমাজ মিত্র মহাশয়ের স্মরণার্থ বিশেষ উপাসনা হয়। শ্রীযুক্ত অমৃতলাল গুপ্ত আচার্যের কাৰ্য্য করেন।

দান—শ্রীমতী সুনীতি বসাক পুত্রের জন্মদিন উপলক্ষে প্রচার বিভাগে ২, দান করিয়াছেন। এ দান সার্থক হউক এবং মঙ্গলময় শিশুকে কল্যাণের পথে বর্ধিত করুন।

শ্রীযুক্ত শরৎকুমার চক্রবর্তী পিতা পরলোকগত শ্রীগোপাল চক্রবর্তীর বার্ষিক শ্রাদ্ধ উপলক্ষে প্রচার বিভাগে ৩, ও সাধনাশ্রমে ২, মোট ৫, টাকা দান করিয়াছেন।

শ্রীযুক্ত যোগেশচন্দ্র মিত্র পত্নী সুনীতিবালা মিত্রের বার্ষিক শ্রাদ্ধ উপলক্ষে দুঃখ-ব্রাহ্মপরিবারভাণ্ডারে ২, দান করিয়াছেন।

শ্রীযুক্ত প্রতাপচন্দ্র নাগ কন্যা অশোকা নাগের বার্ষিক শ্রাদ্ধোপলক্ষে পূবড়ী ব্রাহ্মসমাজে ২, দান করিয়াছেন। এই সমস্ত দান সফল হউক এবং পরলোকগত আত্মাসকল শান্তি লাভ করুন।

শ্রীহট্ট ব্রাহ্মসমাজ—শ্রীযুক্ত সতীশচন্দ্র চক্রবর্তী ২রা কার্তিক শনিবার শ্রীহট্ট ব্রহ্মমন্দিরে "শ্রীচৈতন্যদেবের ভাব ও প্রভাব" সম্বন্ধে একটি বক্তৃতা করেন এবং রবিবার সাংকালীন উপাসনায় আচার্যের কাৰ্য্য করেন।

শ্রীযুক্ত প্রতুলচন্দ্র সোম কাৰ্য্য উপলক্ষে বহু বৎসর পর শ্রীহট্ট গমন করিয়া স্থানীয় ব্রাহ্মসমাজে কয়েক সপ্তাহ সাংকালীন উপাসনায় আচার্যের কাৰ্য্য করেন এবং সহরস্থ ভ্রাতৃলোকদিগের সঙ্গে আলাপাদি করেন। এক দিবস মন্দিরে সম্মিলিত বন্ধুদিগের সঙ্গে ধর্মসাধন সম্বন্ধে আলোচনা করেন। ২১শে নভেম্বর "গীতার কর্মস্বপ্ন" বিষয়ে বক্তৃতা করেন।

আসামের শিক্ষা বিভাগের সহকারী ইনসপেক্টর কুমারী সুনীলা সেন অল্পদিবস পূর্বে বিলাত হইতে শিক্ষা বিষয়ে বিশেষ পারদর্শিতা ও অভিজ্ঞতা লাভ করিয়া আসিয়াছেন। মহিলা সমিতির সম্পাদিকা এবং ব্রাহ্মসমাজের সম্পাদক মহাশয়ের উদ্যোগে ব্রহ্মমন্দিরে সমবেত মহিলাদিগের মধ্যে তিনি স্বীয় অভিজ্ঞতা বর্ণনা করেন।

বিগত ২০ অগ্রহায়ণ সমাজের অন্ততম সভ্য শ্রীযুক্ত জানকীনাথ সেনের অষ্টাদশ বর্ষীয় পুত্রের পরলোক গমনের শ্রদ্ধা বাৎসরিক শ্রাদ্ধ উপলক্ষে তাঁহার গৃহে উপাসনা হয়। শ্রীযুক্তা নলিনীবালা চৌধুরী উপাসনার কাৰ্য্য করেন। জানকী বাবু প্রার্থনা করেন এবং এই উপলক্ষে শ্রীহট্ট ব্রাহ্মসমাজে একটি স্থায়ী ফণ্ডের জন্য ২৫, টাকা এবং ছাত্রদের ক্রীড়ার একটি সিন্ডের জন্য অর্থ দান করিয়াছেন।

বিজ্ঞাপন।

আগামী ২৭শে জানুয়ারী সে মবার সন্ধ্যা ৬.০ ঘটিকার সময় সমাজের উপাসনামন্দিরে সাধারণ ব্রাহ্মসমাজের বার্ষিক অধিবেশন হইবে। সভ্যদিগকে উপস্থিত হইবার জন্য অনুরোধ করা যাইতেছে।

আলোচ্য বিষয়:—

১। বার্ষিক কাৰ্য্য-বিবরণী ও হিসাব। ২। সভাপতির অভিভাষণ। ৩। কর্মচারী নিয়োগ। ৪। অধ্যক্ষ সভার সভ্য নিয়োগ। ৫। সৌভ্রাতৃশুচক অভিধান ও ধর্মবাদ প্রদান। ৬। বিবিধ।

২১১নং কর্ণওয়ালিশ স্ট্রীট,
কলিকাতা।

৩০শে নবেম্বর, ১৮২২

শ্রীযুক্তনাথ চৌধুরী,
সম্পাদক, সাধারণ ব্রাহ্মসমাজ।

সম্পূর্ণ নির্ভর ও আশা, যেখানে সকল বাধাবিঘ্নের মধ্যে একমাত্র সাধনবলেই উচ্চজীবন লাভ করা যায় এরূপ বিশ্বাস, সেখানে তাহা আন্তরিক হইলেও অহংকার জন্মিবার পূর্ণ সম্ভাবনা। সাধন তত্ত্বের অহংকার হইতে মুক্ত হওয়া সহজ নহে। কথায় বলে, অহংকার স্বর্গের দ্বার পর্যন্ত পৌঁছে এবং সেখান হইতেও নরকে পাতিত করে। এ কথার মধ্যে যে গূঢ় সত্য নিহিত রহিয়াছে, তাহাতে সন্দেহ নাই। অহংকারের জ্ঞান ধর্মজীবনের ভীষণ শত্রু আর কিছুই নাই। অনেক সময় ইহা এত সূক্ষ্ম আকারে থাকিয়া ধর্মজীবনের মূলকে ধীবে ধীরে শিথিল করিয়া দেয় যে, তাহা প্রথমে আত্মদৃষ্টি ও গভীর আত্ম-পরীক্ষা ব্যতীত কিছুতেই ধরা যায় না, ইন্মূলিত করা ত দুবের কথা। এরূপ জীবনে যে প্রকৃত আত্মসমর্পণ ও আত্মোৎসর্গ জন্মিতে পারে না তাহা সহজেই বুঝিতে পারা যায়। আর, তাহা ব্যতীত যে উচ্চ ধর্মজীবনলাভ কিছুতেই সম্ভবপর নয়, সে কথা কেহই অস্বীকার করিতে পারে না। এই জগত্ই এই শ্রেণীর লোকের পক্ষে উন্নত ধর্মজীবনের বিকাশসাধন, প্রকৃত পরিজ্ঞানলাভ, প্রথম শ্রেণীর লোক অপেক্ষা কঠিন, দীর্ঘতরকালসাপেক্ষ।

ইহা হইতে আমরা সহজেই বুঝিতে পারিতেছি যে, দুই কথার মধ্যে কোনই বিরোধিতা নাই, উভয়ে একই সত্য প্রকাশ করিতেছে, উভয়ই ধর্মরাজ্যের একই অমোঘ নিঃসর্গ কাঁধা করিতেছে। পরিজ্ঞানের একটু গূঢ় তত্ত্ব—আপনার দীনতা ও অক্ষমতা অস্বীকার করিয়া, পাপ মলিনতা ও অযোগ্যতা স্বরণ করিয়া, মানুষ যখন অহংকারবিরুদ্ধিত হইয়া, অসুতপ্ত চিন্তে, ব্যাকুল প্রাণে, অনন্তগতি হইয়া, একান্ত ভাবে কাতর হৃদয়ে ভগবানের শরণাপন্ন হয়, আপনার শক্তি সামর্থ্যের উপর কোনও প্রকার আশা ও নির্ভর রাখিতে না পারিয়া একমাত্র তাঁহারই নিকট সম্পূর্ণরূপে আত্মসমর্পণ করে, তাঁহার মঙ্গল ব্যবস্থার উপরই আপনাকে একেবারে ছাড়িয়া দেয়, তাঁহার দয়্য ও প্রেমে পূর্ণ বিশ্বাস স্থাপন করিয়া তাঁহার প্রদত্ত দুঃখ ক্লেশ দণ্ডও অকুণ্ঠিত চিন্তে বহন করিতে প্রস্তুত হয়, তখনই তাঁহার পরিজ্ঞান উন্নতি ও বিকাশ, সর্ব প্রকার বাধামুক্ত হইয়া, দ্রুত গতিতে অগ্রসর হয়, অন্তথা নিয়মিত সাধন ভজন সঙ্গেও তাহা কোনক্রমেই সম্ভবপর হয় না, দীর্ঘকালসাপেক্ষই থাকিয়া যায়। অধ্যাত্ম-রাজ্যের এই অমোঘ নিয়মটি সর্বদা স্বরণে রাখিয়া যেন আমরা জীবনপথে চলি। আমাদের সকল অহংকার ও উদাসীনতা বিদূরিত হউক। আমরা একমাত্র তাঁহারই রূপার উপর নির্ভর করিয়া তাঁহার অঙ্গুত জীবন বাপন করি। তাঁহার ইচ্ছাই সর্বোপরি পূর্ণ হউক।

রাজা রামমোহন রায়।

(পূর্ব প্রকাশিতের পর)

যেখানকার আর্ধ্য কৃষ্ণের প্রতি অতিশয় বীতরাগ এবং বাঙ্গালি-মান্য প্রতি অতিরিক্ত মোহগ্রস্ত। তাঁহার এই অত্যধিক মোহের কারণই তিনি বাঙ্গালী জাতি এবং সেই সঙ্গে বিশেষ ভাবে

এ যুগের শ্রেষ্ঠতম বাঙ্গালী রাজা রামমোহন রায়ের প্রতি অত্যন্ত অবিচার করিয়াছেন। তাঁহার ব্যবস্থায়গারে রামমোহন ভাবপন্থী নহেন বলিয়া বাঙ্গালীর অপাঙ্ক্লেয় হইয়া সম্পূর্ণ অ-বাঙ্গালী বনিয়া গিয়াছেন। কিন্তু মুক্তি এই, রামমোহন যে একেবারে বাঙ্গালারই বৃকে, বাঙ্গালীরই ঘরে, জন্মগ্রহণ করিয়াছেন। তিনি বুঝিয়াই উঠিতে পারেন নাই যে, রামমোহন এইরূপে বাঙ্গালীর ঘরে জন্মিয়া বাঙ্গালিয়ানাকে এমন সম্পূর্ণরূপে অতিক্রম করিলেন কিরূপে। রামমোহনের বিচিত্র ও অনন্ত-সাধারণ ব্যক্তিত্ব তাঁহার নিকট মহা সমস্তা এবং সেই সমস্তার অতি সহজ সমাধান তিনি করিয়াছেন, তাঁহাকে বাঙ্গালী শ্রেণীর বহির্ভূত ও আর্ধ্যশ্রেণীভূত করিয়া! বাঙ্গালী কি তাহা হইলে অনাধাই? তবে “আর্ধ্য, আর্ধ্য” করিয়া দেশে এত হৈ চৈ কেন? আর, পবিত্র আর্ধ্যরক্তের মহিমায় এত স্মিত হওয়াই বা কেন? তিনি “হিন্দুধর্ম” ও “হিন্দুধর্মী” বলিয়া দুই একটা কথারও উল্লেখ করিয়াছেন। আর্ধ্য কৃষ্ণের সহিত এই “হিন্দুধর্ম” ও হিন্দুধর্মীর কি সম্বন্ধ? হিন্দু আর্ধ্য না আর কিছু? প্রবন্ধে এই সব কথার কোন উত্তর নাই, তবে আর্ধ্য কৃষ্ণে এবং হিন্দুধর্ম, ভারতীয় জাতি, বাঙ্গালিয়ান ও হিন্দুধর্মীর একটা অস্বুত জগাখিচুড়ি আছে।

তিনি রামমোহন সম্বন্ধে লিখিয়াছেন,—“রামমোহন বাঙ্গালীর ধর্মবিশ্বাস ও সমাজব্যবহার অবনতির দিকটাই দেখিয়াছিলেন এবং মনে করিয়াছিলেন বেদ-উপনিষদের সত্যধর্ম হইতে ভ্রষ্ট হইয়াই তাহার এই দশা হইয়াছে। কিন্তু বাঙ্গালী জাতির রক্তের ধর্ম যাইবে কোথায়? ব্রাহ্মণ্যধর্ম বাঙ্গালীর একটা সংস্কার মাত্র, তাহার জাতিধর্মই তাহার নিয়তি। তাহাকে সে কেমন করিয়া লঙ্ঘন করিবে? এতদ্বারা রামমোহনের ঈর্ষিত বা ইঙ্গীকৃত যে আদর্শ, বাঙ্গালীর চিন্তাধারায় তাহা কতক পরিমাণে প্রভাব বিস্তার করিলেও তাহার প্রাণমূলে শক্তি সঞ্চার করিল না। বড়দর্শন যেমন তাহার কীর্ষিত নহে, বেদান্ত উপনিষদও তেমনই তাহার মনোধর্ম নহে। নব হিন্দুধর্মের পূরণ-উপপূরণের মধ্যে সে কতকটা আত্মতৃপ্তির উপায় করিয়াছিল, তথাপি কোন একটা তত্ত্বকে সে প্রাণ সমর্পণ করে নাই,— সে ভাবপন্থী, জ্ঞানপন্থী নয়। রামমোহন এই পুরাণ উপপুরাণের মূলোচ্ছেদন করিয়া, হাজার বছরের সংস্কারকে উৎপাটন করিয়া যে প্রাচীন আর্ধ্যধর্মকে আধুনিক যুক্তিবাদ ও সেমেটিক ধর্ম-বিশ্বাসের স্বকঠিন একেশ্বরবাদের দ্বারা পুনঃপ্রতিষ্ঠিত করিতে চাহিয়াছিলেন, তাহাতে ভারতের সচিৎ বহির্জগতের এবং পুরাকালের সহিত আধুনিক কালের একটা রফা মীমাংসার ক্ষেত্র প্রস্তুত হইয়াছিল; কিন্তু ধর্ম ত একটা চিন্তাপ্রণালীর সিদ্ধান্ত নয়, উৎকৃষ্ট উপদেশ বা চরিত্রসংগঠনী শিক্ষাই ধর্মের সার মর্ম নয়, যুগপ্রয়োজনই তার সর্বস্ব নয়। ধর্ম জাতির স্বভাবের অস্বকুল হইয়াই তাহার প্রাণের শ্রেষ্ঠ প্রয়াসের প্রতিরূপ হিসাবে সত্য ও সার্থক হইয়া উঠে।”

রামমোহন রায় যখন জন্মগ্রহণ করেন তখন এদেশ সর্ব-প্রকার দুর্ভিতর চরম সীমায় পৌঁছিয়াছিল, ইহা ইতিহাসের সাক্ষ্য। তাঁহার জ্ঞানভাণ্ডার সঙ্গে সঙ্গেই তিনি তাঁহার চারিদিকে এই অধোগতির নানা পরিচয় পাইয়াছিলেন। তখন

“বঙ্গালীর জাতিধর্ম বা বঙ্গালী জাতির রক্তের ধর্ম”—তথা “বঙ্গালী জাতির নিয়তি” কোথায় ছিল? আসল কথা এই যে, পুরাণ উপপুরাণের ঘোলা জল সাময়িক তৃপ্তি দিলেও তাগ মাহুষের সত্যিকার আত্মার পিপাসা মিটাতে পারে না, এবং তাতে বঙ্গালীর বঙ্গালীত্ব বজায় থাকিলেও বঙ্গালী মহুষ্যত্ব-বর্জিত হইয়াছিল, ইহাতেও কোন সন্দেহ নাই। রাক্ষাস অতি পক্ষিকারূপেই দেখিতে পাইয়াছিলেন যে, এদেশ “সোণা ফেলিয়া আঁচলে গিরো দিয়াছে,” আসল তুলিয়া নকলেই মুগ্ধ হইয়া রহিয়াছে, সেই বস্তু তার এক দুর্গতি। সেই মোহ হইতে মুক্ত না হইলে দেশের কল্যাণ নাই। তাই তিনি অতি কঠিন আঘাতে সেই মোহপাশ ছিন্ন করিয়াছিলেন, এবং সেই আঘাতেই পুরাণ উপপুরাণের নামে রাজার রাজার বছর ধরিয়া যে আনন্দজন্য সঞ্চিত হইয়া, দুর্লভ ভাবে জাতিতে প্রতিমুহূর্ত্ত পিষিয়া মারিতেছিল, তাহা যে চিরমূল হইয়া একেবারে ধ্বংসায়ী হইল, ইহা সত্যই। লেখক যে ডালে বসিয়াছেন সেই ডালট কাটিয়াছেন। বেদ বেদান্ত চাড়িয়া তাঁহার পুরাণ উপপুরাণের ঠাই কোথায়? আর্ধ্যধর্ম বেদান্ত উপনিষদ্ বাদ দিয়া তাঁহার হিন্দুধর্ম কোনটুকু এবং কতটুকু? এদেশের লোক কখন এবং কেনই বা “হিন্দু” নাম পাইয়াছিল তাহা তিনি ভুলিয়াই গিয়াছেন। আর বেদান্ত উপনিষদ্ যদি বঙ্গালীর মনোধর্ম না হয় তবে তাহা কি? বঙ্গালীর মনোধর্ম কি শুধু ভাণ্ডে গড়াগড়ি দেওয়া? রামমোহনের তিনশত বৎসর পূর্বে হইতেই বঙ্গালী ‘তার জাতির স্বভাবের অমূল্য ও তার প্রাণের শ্রেষ্ঠ প্রধানের প্রতিকর’ এই ভাবে গড়াগড়ি দিয়াই ত আসিতেছিল, যার ফলে ঐতিহাসিক হিন্দুসাধনার লক্ষণ যে mysticism তাহা শুধু sensuous হয় না, তাহা একেবারে sensualityতে পরিণত হইয়াছিল—লেখকের ‘নরত্মমহিমারই’ অবশুস্তাবী পরিণাম। সেই জন্তই রামমোহন তাহা হইতে দূরে সরিয়া দাঁড়াইয়াছিলেন। “সত্যকে স্বন্দরের রূপেই বঙ্গালী চিরদিন আরাধনা করিয়াছে।” ইহা ঠিক নহে, অস্বতঃ রামমোহন তাহা দেখেন নাই। তিনি দেখিয়াছিলেন যে বঙ্গালী সত্যত্রষ্ট হইয়াই স্বন্দরের পূজা করিয়াছে, তাই তাহা স্বন্দরের—কুৎসিতের—পূজাই হইয়াছে এবং সেই জন্তই তাহা তাহার কল্যাণ না করিয়া তাহার অধোগতিরই কারণ হইয়াছে। তবে ‘যে প্রতিভা পঁচশত বৎসর পূর্বে সেই একবার বঙ্গালীকে নূতন স্বপ্নে বিভোর করিয়াছিল, সেই প্রতিভাই উনবিংশ শতাব্দীতে বঙ্গালীর ভাব-জীবনে আর এক রূপের সন্ধান পাইল।” সেটরূপের সন্ধানটি কিন্তু রামমোহন পান নাই, পাইয়াছিলেন বঙ্কিমচন্দ্র ও বিবেকানন্দ। আর তাঁহারা নাকি সেই সন্ধানটি পাইয়াছিলেন কৃষ্ণ ও রামকৃষ্ণের মধ্যে। “মানবের এই নূতন আদর্শ একই কালে দুই যুগের বঙ্গালীর চিতে স্থান পাইয়াছিল, ইহা হইতে আমরা বঙ্গালী জাতির গভীরতম প্রবৃত্তির পরিচয় পাই।” সুনীলবাণি গোস্বামী হইতে বঙ্কিমচন্দ্র পর্যন্ত এত জনের ঘসামাজ্য সত্ত্বেও যে শ্রীকৃষ্ণের কৃষ্ণত্ব ঘটিল না, সেই কৃষ্ণকেই আবার রামকৃষ্ণ পর্যন্ত টানিয়া আনিবার দরকার কি ছিল আমরা বুঝিলাম না। তবে তাহা না হইলে বৃষ্টি অবতারত্ব সংঘটন হয় না! কিন্তু দুঃখের বিষয় বিংশ

শতাব্দীতে অবতারের অবতরণের ভেদন হবিধা নাই, কাজেই সহজ সরল সাধুপুরুষ রামকৃষ্ণের অবতারত্বের বিড়ম্বনা, একদলের আত্মতৃপ্তির কারণ হইলেও, অনেকের কাছে তাহা বিড়ম্বনা বলিয়াই বোধ হইবে।

মানবের এই নূতন আদর্শের মধ্যে লেখক বঙ্গালী জাতির গভীরতম প্রবৃত্তির যে পরিচয় পাইয়াছেন তার সহিত রামকৃষ্ণের কামিনীকাঞ্চনত্যাগ ও বিবেকানন্দের সন্ন্যাসের কিছু সম্বন্ধ আছে কি? এই কামিনীকাঞ্চনত্যাগ তথা সন্ন্যাসও কি বঙ্গালী জাতির রক্তের ধর্ম, না, বঙ্গালী জাতির নিয়তি? না, ওগুলি তাঁদের ব্রাহ্মণ্যসংস্কার মাত্র? এ যে উনবিংশ শতাব্দীতে মধ্যযুগের পুনর্জন্ম! তিনি বৌদ্ধ খৃষ্টীয় প্রভৃতি ধর্মের ইতিহাসের কথাও বলিয়াছেন, কিন্তু কামিনী-কাঞ্চনত্যাগ তথা সন্ন্যাসরূপ অস্বাভাবিক জীবনযাপনের ব্যবস্থা কিরূপ কদম্বরূপে বার বার এসব ধর্মের ইতিহাসকে মসীলিষ্ট করিয়াছে তাহাও তাঁহাকে স্মরণ করাইয়া দিতেছি।

তিনি অরবিন্দকে ‘বঙ্গালী’ বলিবেন কি ‘আর্য্য’ বলিবেন জানি না। শুধু “ভাবে” যে চলে না, সেই বিষয়ে তাঁহার কয়েকটি উক্তি তুলিয়া দিতেছি—

“কাজতো কেবল দারদ্রনারায়ণের সেবা নয়, আর বস্ত্রায় দেশ ভূবে গেলে, ঘরে ঘরে ছুঁটা চাউল বিলান নয়। শুধু এসব করে’ নিখুঁত সৃষ্টি কিছু গড়ে’ উঠবে না।”

“..... পূর্ণ জ্ঞান না এলে স্থায়ী কিছু বসে’ ওঠা যাবে না।... কক্ষ ও ভক্তি বাংলার মাটির গুণ, মাহুষের দোষ একত্রে কিছু নেই; সেইজন্ত মাঝে মাঝে এই দুটোকে ছুঁড়ে ছুঁড়ে ফেলে দিয়ে জ্ঞানের সাধনা করতে হবে। বাংলায় সাত্ত্বিকই ফুটে উঠেছে—কিন্তু ব্রাহ্মণ্যের পরিষ্করণ এখনও হয়নি। তোমরাও আজ কর্মোন্মাদ হ’য়েছ, ভক্তির প্রবাহে হাবুডুবু খাচ্ছ—কিন্তু জ্ঞানের অভাবে সব যে ব্যর্থ হবে।”

“ভক্তি আর ধর্ম সৃষ্টির উৎস নয়। চাই জ্ঞান, বাংলায় জ্ঞানের সাধনা প্রধান করে তুলতে হবে।... জ্ঞান না এলে বৃহৎ সৃষ্টি অসম্ভব, জ্ঞানেই ভগবানকে অনন্তভাবে অবধারণ করা যায়, অনন্ত বৈচিত্র্য, একত্র সমাহার না করতে পারলে ক্ষুদ্র সৃষ্টিই অনিবার্য্য হয়ে উঠে।..... তোমরা বৃহৎ হও, জ্ঞানকে পুরোভাগে ধারণ কর।”

বঙ্গালী যে একান্ত ভাববিলাসী নয় এবং একটা সুবিচারিত সত্যের কঠিন বন্ধনে যে তাহার মনও সত্যই ধরা দিতে পারে, রামমোহন, দেবেন্দ্রনাথ, কৃষ্ণমোহন বন্দ্যোপাধ্যায়, রাজেন্দ্রলাল মিত্র, বিদ্যাসাগর, রাজনারায়ণ, অক্ষয়কুমার, কেশবচন্দ্র, মৎসরলাল সরকার, বিজেন্দ্রনাথ, রবীন্দ্রনাথ, জগদীশ ও প্রফুল্লচন্দ্র, শিবনাথ, ব্রজেন্দ্রনাথ, আনন্দমোহন, অরবিন্দ প্রভৃতিই তার অকাট্য দৃষ্টান্ত।

যে বেদান্ত রামমোহন সমগ্র জীবন দিয়া প্রচার করিলেন, বিবেকানন্দ রামমোহনের পন্থাসংগ করিয়া সেই বেদান্তই স্বদূর আমেরিকা পর্যন্ত প্রচার করিলেন এবং সেখানে বেদান্ত-সমিতি, বেদান্ত-মঠ প্রভৃতিও স্থাপন করিলেন, কিন্তু লেখকের ‘ভাবের’ বিচারে রামমোহনের বেলায় তাহা হইল সম্পূর্ণ আর্ধ্যধর্মত্ব,

আর বিবেকানন্দের বেলায় তাহা হইল তাঁহার সংস্কার মাত্র! আর সেই কারণেই রামমোহন আবঙ্গালী ও পর, এবং বিবেকানন্দ খাঁটি বাঙ্গালী ও আপনাদের জন; কেননা, "তাঁহার (বিবেকানন্দের) প্রধান লক্ষ্য ছিল, জাতিকে ধর্মবিদ্বাসী নয়, আত্মবিদ্বাসী করিয়া তোলা। তিনি জানিতেন, তাহা হইলেই যথেষ্ট হইবে, কারণ The soul may be trusted to the end. এইজন্য রামমোহনের মত সংস্কারপ্রবৃত্তি থাকিলেও—পাছে জাতির নিজের প্রতি শ্রদ্ধা হারায়, এ জন্ত তাহার সকল অহুষ্ঠানের মধ্যে প্রাণের আকৃতির দিকটিকে তিনি শ্রদ্ধা করিয়াছিলেন, পূজা পার্করণ, ব্রত উপবাস, তীর্থযাত্রাদির মধ্যে যেখানে যেটুকু প্রাণের সত্য রহিয়াছে সেখানে বুদ্ধিভেদ ঘটিকে দেন নাই।" "তাঁহার (জাতির) প্রাণের ভুল ও অভ্যাসের মোহ—এ সকলের প্রতি তাঁহাদের (বঙ্কিম ও বিবেকানন্দের) একটি শ্রদ্ধা ও মমত্ব বোধ ছিল; এক কথায়, তাঁহারা জাতিরই একজন হইয়া তাঁহারই ভাবনা-ভার লইয়াছিলেন।"

আমরা এখানে ধর্মবিদ্বাস ও আত্মবিদ্বাসের মধ্যে পার্থক্যটা ভাল বুঝিলাম না। আত্মবিদ্বাস বাদ দিয়া ধর্মবিদ্বাসটা কিরূপ? আর, তিনি বিবেকানন্দকে পুরাপুরি আত্মবিদ্বাসী বলিয়া ধরুণ ঘোষণা করিয়াছেন সেই বিষয়েও ঐ উক্তিতে আমাদের গভীর সন্দেহ রহিয়াছে, কারণ, তাহা হইলে জাতি বা ব্যক্তি সম্বন্ধেই হউক বুদ্ধিভেদের কোন অংশকই মনে জাগিত না, তাহা হইলে জাতির প্রাণের ভুল ও অভ্যাসের মোহের প্রতিও এমন শ্রদ্ধা ও মমত্ববোধ থাকিত না। জগতের মহাপুরুষেরা কোনরূপ বুদ্ধিভেদের ভাবনা কখনই ভাবেন নাই, তাঁহারা জানিতেন সত্যের জয় হইবেই হইবে, এবং সেইজন্যই তাঁহারা কোন অসত্য, অশ্রদ্ধা বা ভুলের প্রতি বিন্দুমাত্র দরদ ত দেখানই নাই, কিন্তু যতী তীব্র ও জলন্ত ভাষায় তার ঘোরতর প্রতিবাদ করিয়াছেন এবং যাহা সত্য বলিয়া অন্তরে উপলব্ধি করিয়াছেন তাহাই সম্পূর্ণ নির্ভীকভাবে প্রচারও করিয়াছেন; আর তাহাতেই জগতের কল্যাণও হইয়াছে। রাজার সহিত বিবেকানন্দ প্রভৃতির পার্থক্য এইখানেই। রাজার জাতির প্রতিই মমত্ববোধ ছিল—জাতির কোন ভুল বা অভ্যাসের মোহের প্রতি তাঁহার কোনই মমত্ববোধ ছিল না। রাজার মমতা অন্ধ ছিল না, তাহা যথার্থ কল্যাণই দেখিয়াছিল। তিনি দেখিয়া ছিলেন যে, নানা ভুল ও মোহই জাতির আত্মাকে মৃত্যু-পাশে আচ্ছন্ন করিয়া রাখিয়াছে, তাহা হইতে তাহাকে সম্পূর্ণরূপে মুক্ত করিতে হইবে—নইলে বিনাশ ছাড়া গত্যন্তর নাই। সেজন্য মোহাক্ত ও আচ্ছন্ন মায়ের মত, পাছে সন্তানের দেহে ব্যথাহুলাগে এই ভয়ে, মৃত্যুর নাগ-পাশে আবদ্ধ সন্তানের দেহ হইতে তাহা কঠিন আঘাতে ছিন্ন করিতে তাঁহার প্রাণে একটুও দরদ লাগে নাই এবং সেই কার্যের জন্ত জ্ঞানের সুরধার অস্ত্রেরই একান্ত আবশ্যক হইয়াছিল—যার অভাব প্রায় একশত বৎসর পরেও অরবিন্দ এমন তীব্র ভাবে অনুভব করিয়াছেন। যিনি হিন্দুর পরম ধর্ম জ্ঞানকে নবযুগের উপযোগী করিয়া এ দেশেও জগতে জগদগভীর স্বরে প্রচার করিলেন, যিনি হিন্দুর হইয়া খৃষ্টধর্মের আক্রমণ হইতে হিন্দুধর্মের রক্ষা করিলেন এবং যিনি দেশের

কল্যাণের জন্ত সমগ্র দেহ মন প্রাণ, অর্থাৎ বিস্তৃত সমুদয় আনন্দের সহিত বিসর্জন করিলেন, তিনি জাতির আপন ছিলেন কি পর ছিলেন, ইহা যাহারা বুঝিতে পারে না তাদের বুদ্ধি বিবেচনা সম্বন্ধেই সন্দেহান হইতে হয়।

এই দেশের সর্বাঙ্গীণ কল্যাণসম্পাদনে রাজার নানারূপ চেষ্টা লেখকের নিকট রাজার একশত বৎসর পরেও অসাধ্য সাধন মনে হইতে পারে, কিন্তু তিনি সেই অসাধ্যসাধনই করিয়া গিয়াছেন। ইহা তাঁহার সকল গ্রন্থি খুলিয়া একটি গ্রন্থি বাঁধিয়া দিতে চাওয়া নয়—সকল গ্রন্থির মধ্যে গ্রন্থি যে কেবল একেরই, ইহা চোখে অঙ্গুল দিয়া দেখাইয়া দেওয়া এবং উদাত্তস্বরে জগতে ঘোষণা করা। আর এই কাজটি তিনি শুধু তত্ত্বের দ্বারা করেন নাই, তিনি কঠিন গিয়াছেন ব্রহ্মোপাসনাপ্রতিষ্ঠা ও লোক-শ্রেয়সাধন দ্বারা। এই অক্ষয় ভূমির উপর প্রতিষ্ঠিত বলিয়াই লেখক যেমন আক্ষেপ করিয়াছেন—“গত ১০২৫ বৎসরের মধ্যে তাঁদের (বঙ্কিম ও বিবেকানন্দের) এই সাধনা-সূত্র যেন কতকটা ছিন্ন হইয়াছে, আধুনিকতম বাঙ্গালীর চিত্তক্ষেত্রে তাঁহাদের সেই ভাব-প্রতিমা যেন ম্লান হইয়া আসিয়াছে”—রামমোহনের সাধনা সম্বন্ধে তেমন হয় নাই, দিন দিন তাহা উজ্জ্বল হইতে উজ্জ্বলতর হইয়াই উঠিতেছে এবং দেশক্রমেই তাঁহার পদাঙ্কানুসরণ করিয়া চলিতেছে।

যে রামমোহনকে না হইলে শুধু বঙ্কিম বিবেকানন্দ নয়, এ যুগের কোন বাঙ্গালীই তাহার বাঙ্গালীত্বের কোন প্রতিষ্ঠা-ভূমি পাইতেন না, তাঁহার মধ্যে বাঙ্গালীমানা না থাকিলেও বাঙ্গালীত্ব পরিপূর্ণরূপেই ছিল। জ্ঞানগন্থী হইয়াও যথার্থ বাঙ্গালীই তিনি ছিলেন। তাই এই সেই দিনের বঙ্গীয় হিন্দু-সম্মিলনের সভাপতিরূপে মহামহোপাধ্যায় শ্রীযুক্ত প্রমথনাথ তর্কভূষণ মহাশয় “নবযুগে বঙ্গমনীষার বরণীয় আদর্শ” বলিয়া রাজার প্রতি শ্রদ্ধাঞ্জলী অর্পণ করিয়াছেন।

প্রেম তাঁহারও ছিল; কারণ, প্রেম হইতেই প্রকৃত সেবার আকাঙ্ক্ষা জন্মগ্রহণ করে। তিনি প্রিয়কার্য বা লোকশ্রেয়কে ভগবানের উপাসনা বলিয়াই জানিতেন এবং তাঁহার সর্লক্ষ্য দিয়া তাগ করিয়াও গিয়াছেন। তাঁহার মত প্রেমিক প্রাণ কমট দেখা গিয়াছে। কি স্বদেশে কি বিদেশে দেশের কথা মনে হইলেই তাঁর চক্ষু হইতে দর দর ধারায় অশ্রু বিগলিত হইত। এই অশ্রুধারা বিগলিত স্নেহধারা ব্যতীত আর কিছুই নয়। কিন্তু তিনি শুধু বাঙ্গালা ও ভারতের ছিলেন না, তিনি ছিলেন বিশ্বের। কি অপরিমেয় প্রেম, কি বিশাল জন্মই তাঁহার ছিল, যাহা সর্বদেশ ও জাতির হৃদয়ে অভিব্যক্ত হইত এবং আনন্দে উজ্জ্বলিত হইত! বিশ্বের চৌমাথাই তিনি ছিলেন উন্নতশির বিরাট আলোকস্তম্ভের স্রাব—যেখানে দিকে দিকে প্রসারিত বড় বড় সভ্যতার পথগুলি আদিয়া সম্মিলিত হইয়াছে। তাই তাঁহার পূজা ছিল ভূমার--ব্রহ্মের--উপাসনা, এবং তাঁহার প্রিয়কার্য ছিল লোকশ্রেয় বা আর্ন্তবিশ্বমুষ্টিরই সেবা। আর রাজার প্রতিভা যে শুধু প্রতিভাই রহিয়া যায় নাই, তাহা যে জাতির চিরমুক্তির পথ নির্দেশ করিয়া জাতির মুক্তির পথ নির্ধারণও করিয়া গিয়াছে, ব্রাহ্মসমাজ ও দেশের গত শত বর্ষের ইতিহাসই

তার জীবন্ত প্রমাণ। ইতিহাসের সাক্ষ্য এই যে—

“রাজা হিন্দু-জাতির, হিন্দু-সমাজের, হিন্দুর শিক্ষা দীক্ষা সাধনার মধ্যে যে অমর প্রেরণা সঞ্চার করিয়াছেন, তাহা কালের সঙ্গে গুণান্বিত সমগ্র জাতিকে গ্রাস করিয়া ফেলিবে, সে অমর বীর্ষ্য ধ্বংস হইবার নহে।”—মতিলাল রায়।

“রাজা রামমোহন রায় নবযুগের প্রবর্তক। তিনি যে বিপ্লবের সূচনা করেন তাহা মানসিক বিপ্লব। সে আন্দোলন ক্রমে শক্তি সঞ্চয় করিয়া এ দেশে আমূল পরিবর্তন আনিয়াছে। সেই পরিবর্তনের ফল—নূতন সাহিত্য, মনের নূতন বিশ্বাস, সমাজের নূতন গঠন, রাষ্ট্রনৈতিক ক্ষেত্রে নূতন জীবন—এক কথায়, ভারতের নূতন সভ্যতা।”—ব্রজেননাথ বন্দ্যোপাধ্যায়।

“অতীতের যুগ হইতে, প্রাচীনতা হইতে, আধুনিক যুগের মুক্ত আলোক বাতাসে তিনিই (রামমোহনই) সর্বপ্রথম দেশের চেতনাকে টানিয়া আনিয়াছেন, নূতন যুগের নূতন ধর্মে প্রথম দীক্ষা দিয়াছেন; তাঁহারই মধ্যে সকল ভবিষ্যৎ-সৃষ্টির বীজরূপ দেখা দিয়াছে—তাঁহার প্রজ্ঞায় যে একটা ভাব-ঘন চৈতন্যরূপা সূটিয়া উঠিয়াছে তাহাই ক্রমে লতা পাতা ফুলে ফলে মুগ্ধিত বিকশিত হইয়া গিয়াছে। রাষ্ট্র, সমাজ, ধর্ম, শিক্ষা, সাহিত্য, ভাষা প্রভৃতি জাতির সমষ্টিগত জীবনের প্রধান যত ক্ষেত্র, সর্বত্র তিনি আনিয়া দিয়াছেন একটা নূতন জন্ম, নূতন জীবন, নূতন সৃষ্টি। দেশের ভাবী সার্থকতার মূল ছক তিনিই আকিয়া গিয়াছেন :.....তিনিই আবিষ্কার করিয়া গিয়াছেন মূলসূত্র সব—পরবর্তী কালের স্রষ্টারা তাহাকেই পাকা বনিয়াদরূপে গ্রহণ করিয়া তবে নূতন নূতন গঠনের আয়োজন করিয়াছেন।”—নলিনী গুপ্ত।

“.....রামমোহন ভারতে একটা আকস্মিক উপদ্রব নহেন—তাঁহার পূর্বে যুগে যুগে যুগধর্মের মস্ত্রে দীক্ষিত মহাপুরুষেরা ভারতের সাধনাকাশে উদ্ভিত হইয়াছেন। সর্বতোভাবে বিচিত্র এই মহাযুগের প্রারম্ভে এত বড় বিরাট ও সমস্তাবহুল যুগের উদ্বোধক প্রবর্তক ও যুগধর্মসাধনার মহাগুরু রামমোহনের মধ্যে পূর্ব পূর্ব যুগের সাধনা-গুরু সকল মহাপুরুষেরই সার্থকতা, তাঁহাতেই সকল পূর্বগুরু পরিপূর্ণতা।”—ক্ষিতিমোহন সেন।

শ্রীঅনঙ্গমোহন রায়।

সাগর-বাণী

(পূর্ব প্রকাশিতের পর)

(৭)

কিসের টানে যেন দিশাহারা হ'য়ে সাগর অমন ক'রে ছুটে চলেছে—তার গতিরোধ করে কার সাধ্য—উন্নতশির পর্বতও তার সম্মুখে পড়িলে চূর্ণ বিচূর্ণ হ'য়ে যায়—যতই বাধা পায় সাগর ততই উগ্রমুষ্টি ধারণ করিয়া আরও প্রবল বেগে চলিতে থাকে। কিন্তু ভূমি কেবলই তাহাকে কোল পাতিয়া দেয়—আর সাগর এই কোমল ব্যবহারে শাস্ত হইয়া ফিরিয়া যায়। ঐ দুর্জয় আকর্ষণে তার ত স্থির থাকার ঘো নাই—পর মুহূর্তেই সে আবার দৃঢ়তর সংকল্প লইয়া ছুটে আসে—তাকে যে যেতেই হবে—তাকে যে পেতেই হবে।

তেমনি ক'রে শুভ মুহূর্তে প্রেম যখন প্রাণ অধিকার ক'রে বসে, কা'র সাধ্য তাকে স্থির রাখে—বরং যতই বাধা পায় ততই সে আরও অদম্য হইয়া উঠে। ক্ষুদ্র মানবপ্রাণ এই অসীম বস্তুকে ধারণ করিতে অক্ষম হইয়া বলিয়া উঠে, “তোমার প্রেমের ভার সহিতে পারি না যে গো আর”—আর অমনি “লক্ষা ভয় ত্যজিয়ে আনন্দে উন্নত হ'য়ে” নৃত্য আরম্ভ ক'রে—এ দুশু কি মধুর! এ ভাবের ভাবুক যে নয় সে ইহার ভিতর কেবল মাদকতা ও বহিস্মুখীনতাই দেখিবে—আর বে-রসিক জন ইহাতে স্ত্রীলতার অভাব দেখিয়া ঘৃণায় দূরে পলায়ন করিবে। প্রেম ত কোন বাধা-বাধির মধ্যে থাকিবার বস্তু নয়—ইহাকে গণ্ডীর ভিতর রাখিতে গেলেই ইহার মরণ।

(৮)

ঐ টানে সাগরের জলরাশি সর্বত্র কি প্রবল বেগেই অক্ষুণ্ণ কম্পিত হইতেছে—ইহার যেন আর ক্রান্তি নাই—আকর্ষণ যতই জ্বায়ে হইতে থাকে তার উল্লাসও ততই বেড়ে যায়—আর ঢেউগুলি তালে তালে একটার উপর একটা গড়াইয়া যেয়ে পড়ে—তখন যদি কোন বাধা পায়, অমনি বেতাল নৃত্য আরম্ভ করে।

তেমনি ভগবৎ কৃপায় প্রেম প্রাণে প্রবেশ করিলে, দেহ ও মনের ভিতর কি অপূর্ণ পুলকই সঞ্চারিত হয়—দেহ আর তখন রক্ত মাংসের থাকে না—উহার রক্তে রক্তে যেন স্রাবধারা প্রবাহিত হয়—অণুতে অণুতে মধুর স্পন্দন হইতে থাকে, আর মন তখন এ মর্ত্যলোক ছাড়িয়া যেন এক সন্দীতের রাজ্যে বিচরণ করে—তার সকল চিন্তা সকল কল্পনা স্বর্গীয় ভাবে পূর্ণ হইয়া যায়। এ প্রেমে নাই বিকার, নাই বিরহ—কেবলি প্রিয়তমের সঙ্গে হৃদয়-নিভূতে ওতঃপ্রোতঃ মাথামাথি। কোন অন্তরায় বা আবরণ তখন একেবারেই অসহ।

(৯)

অখণ্ড জলরাশি উন্নতভূমিধারা স্থানে স্থানে বিভক্ত হইয়া মহাসাগর, সাগর, উপসাগর ইত্যাদি বিভিন্ন নাম ধারণ করিয়াছে। কিন্তু ইহারা ত এরূপ বিচ্ছিন্ন হইয়া থাকিবার নয়—তাই নানা দিক দিয়া নানা উপায়ে পুনর্মিলিত হওয়ার জন্ত নিয়ত ছুটাছুটি করে—এই মিলনই ইহাদের লক্ষ্য—যে পর্যন্ত ইহা লাভ না হয় ইহাদের চেষ্টার কিছুতেই বিরাম নাই। ভূমিই যে ইহাদের অন্তরায়—তাই সাগরজলের ইহার উপর এত আক্রোশ। কঠোর আঘাতে যদি এক জায়গায় ভাঙ্গিয়া দেয়, চূর্ণীকৃত বালুকণাগুলি মধা নীচু ক'রে ভেসে ভেসে অন্তর যেয়ে সূপীকৃত হ'য়ে জেগে উঠে। এই ভাবে সে জলকে বারংবার বাধা দিতে থাকে।

আমাদের ক্ষুদ্র ক্ষুদ্র আত্মাগুলি সেই অখণ্ড পরমাত্মারই ঋণ প্রকাশ—শরীর ও সংসার ইহাদিগকে কেমন বিচ্ছিন্ন করিয়া রাখিতে চায়। আমরা এই আবরণ দ্বারাই একে অস্ত হ'তে পরস্পর পৃথক হইয়া রহিয়াছি—পরমাত্মার সঙ্গে যে আমাদের অচ্ছেদ্য যোগ তাহাও সকল সময় উপলব্ধি করিতে পারি না। কিন্তু স্বভাবতঃই মানবপ্রাণ একে অস্তকে চায়—তাই বৈহিকত্ম ও ঐহিকতার বন্ধন ছিন্ন করিয়া সে ঐ মিলনের অন্তর্ভুক্ত হইতে চায়—আমাদের যত অহুষ্ঠান ও প্রতিদ্বন্দ্বিতা, যত প্রয়াস ও প্রচেষ্টা, সকলেরই ঐ একই লক্ষ্য—পরকে আপন করণ,

পরের ভিতর আপনাকে পাওয়া, আপন পর ভেদ ভুলিয়া যাওয়া। সজ্ঞানে অজ্ঞানে সে এই মূর্তিরই প্রয়াসী। চতুর্দিক হাতে তার কত বিষ ও বাধা—একটাকে যদি অতিক্রম করা যায় আর একটা আসিয়া সম্মুখে দাঁড়ায়—এ সংগ্রামের কখনও শেষ নাই। প্রেমময় দেবতা প্রত্যেকের আত্মায় নিত্য বর্তমান থাকিয়া অক্ষুণ্ণ এই খেলাই খেলিতেছেন—অনন্ত তিনি, অনন্তকালব্যাপী তাঁর এই প্রেমের লীলা। ইহার ভিতরই মানবের সকল আশা নিরাশা, স্রয় পরাজয়, উত্থান পতন, সুখ দুঃখ।

পরলোকগত গগনচন্দ্র হোম

(পূর্বপ্রকাশিতের পর)

আমাদের “দাদামহাশয়” শরচ্চন্দ্র বায় সময় সময় ময়মনসিংহ হইতে কলিকাতায় আসিলে আমাদের ৫০ নং সীতারাম ঘোষ স্ট্রীটে বাস করিতেন। তাঁহার আগমনে আমাদের বাসাবাটী আনন্দভবনে পরিণত হইত। তাঁহারি উদ্যোগে ও শ্রীযুক্ত পরেশনাথ সেনের সাহায্যে “ময়মনসিংহ ইন্সটিটিউশন”-এর প্রতিষ্ঠা হয়। সেই উচ্চ-শ্রেণীর বিদ্যালয়ের বর্তমান নাম—সিটি কলেজিয়েট স্কুল, ময়মনসিংহ শাখা। এই স্কুলের মন্ত্রণা-সভাতে আমি ছিলাম না,—তবে প্রতিষ্ঠার দিনে আমাকে কলিকাতা হইতে যাইয়া উপস্থিত থাকিতে হইয়াছিল, আমাকেই চাক্ষু-ভর্তির কার্য করিতে হইয়াছিল। সে দিনের আনন্দ, উৎসাহ বড়ই স্বন্দর স্মৃতি। তাহার পর যখন অনাথবন্ধু গুহ মহাশয় সেই স্কুলের প্রতিষ্ঠাচরণে প্রবৃত্ত হইলেন, তখন, “দাদামহাশয়” ও বন্ধুবব অমরচন্দ্র দত্তের অনুরোধে, আমাকেই ঐ বিদ্যালয়ের ভার সিটিকলেজের হাথে গ্রহণ করিবার ব্যবস্থা করিতে হইয়াছিল। আনন্দমোহন বসু এবং উমেশচন্দ্র দত্ত মহাশয়ও তখন এ-ব্যাপারে সাহায্য ও সহায়ত্ব না করিলে আমার কৃতকার্যতা লাভ অসম্ভব হইত। ময়মনসিংহ জেলায় স্ত্রীশিক্ষা বিস্তারের অভিপ্রায়ে ও কলিকাতা-সহরে ময়মনসিংহের অধিবাসীগণের পরস্পরের মেলামেশার সুযোগ ব্যবস্থা করিয়া দিবার উদ্দেশ্যে যখন “ময়মনসিংহ সন্মিলনী”র প্রতিষ্ঠা হয়, তখন আমি তাহার উদ্যোগকর্তাদের একজন ছিলাম। বহু বৎসর আমাকে সন্মিলনীর সম্পাদকের কাজ করিতে হইয়াছিল।

যখন সীতারাম ঘোষের স্ট্রীটে ছিলাম, তখন আমি সাধারণ ব্রাহ্মসমাজের কার্যানির্বাহক সভার একজন উৎসাহী সভ্য। সে সময়ে উক্ত সমাজের মন্দিরে গোস্বামী-মহাশয় প্রাতে আর শাস্ত্রী-মহাশয় রাত্ৰিতে আচার্য্যের কার্য করিতেন। উভয়ের উপাসনাই অতি লোভনীয় জিনিস ছিল। তথাপি রাত্ৰিতে ভারতবর্ষীয় ব্রাহ্মমন্দিরে ব্রহ্মানন্দের উপাসনাতে যোগদানের প্রলোভন সংবরণ করিতে পারিতাম না। তখন তিনি সপ্তাহের পর সপ্তাহ “সীমন-বেদ” বিবৃত করিতেছিলেন। কেশবচন্দ্রের আরাধনা, প্রার্থনা ছিল,—যেন মায়ের সঙ্গে ছেলের কথাপকথন।

৫০ নং সীতারাম ঘোষ স্ট্রীটে থাকাকালীন একদিন, উপাসনান্তে ব্রাহ্মমন্দির হইতে ফিরিয়া আসিয়া, পরেশনাথ সেন ও আমি আহারে বসিয়াছি, এমন সময় প্রমদাবাবু বসিলেন,— শাস্ত্রী মহাশয়ের নিকট একটি মেয়ে ভবানীপুর হইতে এই মর্মে

একখানা চিঠি লিখিয়াছে যে,—সে এক রক্ষিতা পতিতা নারীর কন্যা, অল্প বয়সে তাহাকেও মাতার পথাবলম্বিনী হইতে হইয়াছে; তাহার একটি কনিষ্ঠা ভগিনী আছে, সে তখনও পাপের পথে যায় নাই;—তাহাকে যদি ব্রাহ্মসমাজ আশ্রয় দিয়া পাপের পথ হইতে রক্ষা করেন। প্রমদাবাবুর প্ররোচনায় আমরা আচার্য্যস্বেরি ভবানীপুরের দিকে চলিলাম—তখন বোধ হয় রাত্ৰি ১০টার কম নয়। তিনজনে চৌরঙ্গি পর্য্যন্ত হাঁটিয়া গিয়া একখানা গাভী পাইলাম; তাহাতে চড়িয়া ভবানীপুরে সাউথ স্ত্রবার্কন্স কলেজের পূর্ব দিকে, শ্রীযুক্ত বিপিনচন্দ্র পালের বাসাবাটীতে উপস্থিত হইলাম,—তখন রাত্ৰি প্রায় ১২টা। অনেক ডাকাডাকির পর, কাগরও সাড়া না পাইয়া, আমরা তিনজনে আন্ধিনার প্রাচীর টপকাইয়া বাড়ীর দরজায় ঘা দিলাম। এত রাত্ৰিতে বিপিনবাবু আর তাঁহার স্ত্রী নিতাকালী দেবী আমাদের দেখিয়া অবাক ও স্তম্ভিত হইলেন। আমাদের এই অভিযানের উদ্দেশ্য জানিয়া, পরদিন প্রাতে কর্তব্যনির্দ্ধারণের ব্যবস্থা করিয়া, বিপিনবাবু আমাদের তাঁহারই গৃহে রাহি যাপন করিতে বসিলেন। পর্তুয়ে স্ত্রীর চন্দ্রমাদব ঘোষ মহাশয়ের জ্যেষ্ঠ পুত্র শ্রীযুক্ত (এখন বায় বাগাজুর) যোগেন্দ্রচন্দ্র ঘোষ-মহাশয়ের নিকট বিপিনবাবুকে সঙ্গে করিয়া যাওয়া গেল,—পথে পরলোকগত শ্রীচরণ চক্রবর্তীকেও জোটান হইল। যোগেনবাবুকে সঙ্গে করিয়া পরুলেখিচন্দ্রের বাড়ীর দরজার নিকট উপস্থিত হইলাম, কিন্তু ভিতরে প্রবেশের সাহায্য প্রথম কাহারও হইল না। অনেক-কণ ইতস্ততের পর আমাকেই সর্বাগ্রে বাটীর ভিতর ঢুকিতে হইল,—সঙ্গে প্রমদাবাবু আর শ্রীচরণবাবু আসিলেন। পরুলেখিকার সন্তিত প্রথমে তাহার ভগ্নীর সম্বন্ধে দুই একটি কথা হইল, পরে তাহার ভগ্নীকে ডাকাইয়া জিজ্ঞাসা করা হইল,—ব্রাহ্মসমাজে আসিতে প্রস্তুত কিনা? বালিকা উত্তর করিল,—“মা আসিতে দিলে আসিব”। সেদিন এ-পর্য্যন্ত কথাবার্তা হওয়ার পর আমরা চলিয়া আসিলাম।

চলিয়া আসিলাম বটে, কিন্তু তখন প্রাণে আতঙ্ক জন্মিল—গাজুলী-মহাশয়কে না জানাইয়া আমাদের এ-কাজ করা সঙ্গত হয় নাই। না জানি, আমাদের এই অবিমুখ্যকারিতার জন্ত তিনি আমাদের কতই তিরস্কার করিবেন। পরদিন আচার্য্যস্বেরি পরেশবাবু তাঁহার কার্যস্থান বেথুন স্কুলে গেলেন—আমি, আমার কার্যস্থান সিটি কলেজে যাইবার পূর্বেই, গাজুলী-মহাশয়ের নিকট গেলাম। ভয়ভীতিতে তাহাকে সকল কথা খুলিয়া বলিলাম। তিনি আমাদের তৎসনা না করিয়া জ্যেষ্ঠ ভ্রাতার জায, আমাদের অবিমুখ্যকারিতা স্নেহের চক্ষে গ্রহণ করিলেন, এবং বলিলেন,—“এখন আর আপনারা কিছু করিবেন না, যাচা করিতে হয়, আমি করিব”। আমি ত হাঁপ ছাড়িয়া বসিলাম। তখন সিটি কলেজে আসিয়া পরেশবাবুকে, গাজুলী-মহাশয়ের স্নেহ ব্যবহাের কথা জানাইয়া নিকটস্থ করিলাম। পরদিন গাজুলী-মহাশয় আমাদের দুই একজনকে সঙ্গে করিয়া সেই বালিকার বাড়ী গেলেন, এবং প্রস্তাব করিলেন, যদি তাহার মাতা ব্রাহ্মসমাজের হাতে তাহার ভরণপোষণ ও বিদ্যাশিক্ষার অল্প উপযুক্ত পরিমাণ মূলধন দেন, তবে বালিকার ভার ব্রাহ্মসমাজ গ্রহণ করিতে পারেন।

মালিকার মাতা তাহাতে স্বীকৃত না হওয়াতে আমরা চলিয়া আসিলাম। পরে ব্রাহ্মসমাজের জনৈক প্রবন্ধের বন্ধু বালিকাকে তাঁহার গৃহে আনিয়া লালনপালন করেন ও অপর এক বন্ধুর সহিত মিলিয়া, তাহার বিবাহ দেন। সেই বিবাহের বর আমাদের বাসাবাটী, ৫০ নং সীতারাম ঘোষ ষ্ট্রীট, হইতে বিবাহ করিতে গিয়াছিলেন, আমরা সকলে বরযাত্রী ছিলাম। সেই নারীর একটি কস্তা ও একটি পুত্র জন্মগ্রহণের পর তাঁহার স্বামীর মৃত্যু হয়। কস্তাটির গুণে ও চরিত্রে আকৃষ্ট হইয়া এক সাধু ও সচ্চরিত্র ব্রাহ্মসন্তান তাহাকে বিবাহ করেন। পুত্রটি তাঁহার ধর্মপ্রাপ্ততা ও সাধুচরিত্রের বলে ব্রাহ্মসমাজের গৌরব-স্থানীয় হইয়াছে; রাজকাৰ্য্যোপলক্ষ্যে যেখানে যান, সেখানেই লোকে তাঁহার গুণে মুগ্ধ হয়। ব্রাহ্মসমাজের এক সুপরিচিত লোকের সুশিক্ষিতা কস্তার সহিত তাঁহার বিবাহ হইয়াছে। ইহাতে ব্রাহ্মসমাজের মাহাত্ম্য প্রকাশ পাইতেছে।

৫০ নং সীতারাম ঘোষ ষ্ট্রীটে আমি যে-বরে বাস করিতাম, তাহার নিকটে আর একটি ঘরে প্রমদাবাবু বাস করিতেন। তিনি স্থলেখক ও সুবক্তা ছিলেন। একদিন হিন্দু স্থলেখক খিয়েটারে ছাত্রদের নিকট বক্তৃতা করিয়া আসিয়াছেন; সেই দিনই গভীর রাত্রিতে প্রমদাবাবু আমার ঘরের দরজায় আসিয়া ডাকিলেন,—“শীত উঠে আসুন”। বাইয়া দেখি, তাঁহার রক্তবমন হইতেছে। দৌড়িয়া গিয়া পর্বেশবাবুকে ডাকিয়া আনিলাম। প্রমদাবাবুর বিশেষ বন্ধু ত্রীমুক্ত যোগেন্দ্রনারায়ণ মিত্র সংবাদ পাইয়া ছুটিয়া আসিলেন। ভয়ে, আশঙ্কার রাত্রি কাটিল। প্রত্যুষে শাস্ত্রী-মহাশয়কে সংবাদ দেওয়া হইল। ডাক্তার করুণাচন্দ্র সেন মহাশয়কে আনা হইল। তিনি আসিয়া রোগীর বুক পরীক্ষা করিয়া এবং রক্ত দেখিয়া বলিলেন,—“এ রোগে সারিবার নয়”। বিধিমত চিকিৎসা ও সেবাশুশ্রূষা চলিতে লাগিল, জলবায়ু পরিবর্তন করা হইল, কিন্তু কিছুতেই কিছু হইল না। আমাদের বাসাবাটী হইতে বিপিনবাবু আর তাঁহার স্ত্রী প্রমদাচরণকে তাঁহাদের নিকট লইয়া গেলেন। পর্বেশনাথ সেন, কালীপ্রসন্ন দাস, উপেন্দ্রকিশোর রায় ও আমি পালা করিয়া রাত্রিতে তাঁহার নিকট থাকিতাম, পাথার হাওধা করিতাম। প্রমদাচরণ যখন, মৃত্যুর কিছুকাল পূর্বে, খুলনায় তাঁহার জ্যেষ্ঠ সহোদরের বাটীতে অবস্থান করিতেছিলেন, তখনও পর্বেশবাবু ও আমি তাঁহাকে সেখানে দেখিতে ও সেবাশুশ্রূষা করিতে গিয়াছিলাম,—আমাদের পরস্পরের মধ্যে এমনি সদ্ভাব ও ভালবাসা ছিল। সেই ভালবাসার আধ্বন্যে আমরা কয়েকগে আসন্নমৃত্যুশয্যাশায়ী রোগীর পাশে, মশারীর মধ্যে বসিয়া, ঘণ্টার পর ঘণ্টা, পাথার হাওধা করিতে ভীত বা কুণ্ঠিত হই না।

সৌভাগ্যক্রমে আমি ভক্ত বিজয়কৃষ্ণ গোস্বামী-মহাশয়ের স্নেহের অধিকারী হইয়াছিলাম। একাধিকবার তিনি আমাকে সঙ্গ করিয়া অষ্টৈতাচার্য্যের ও তাঁহার নিজের জন্মস্থান শান্তিপুরে এবং দক্ষিণেশ্বরে রামকৃষ্ণ পরমহংসের নিকট লইয়া গিয়াছেন। দক্ষিণেশ্বরে উজয় ভক্তের প্রেমাভিজন, ভাবাবেশে সমাধি দেখিয়া ধস্ত হইয়াছি,—পরমহংসের অমৃতবাণী কর্ণকে পবিত্র করিয়াছে, প্রাণকে শান্ত ও সমাহিত করিয়াছে।

সাধারণ ব্রাহ্মসমাজের মন্দির-প্রতিষ্ঠার দিন পূজনীয়, উমেশচন্দ্র বসু মহাশয় আচার্য্যের কার্য্য করিয়াছিলেন। সেদিন প্রাতে, ডাক্তার সুন্দরীমোহন দাসকে অগ্রণী করিয়া, আমরা ৪৫ নং বেণেটোলা লেনের বাড়ী হইতে প্রমত্ত কীর্ত্তন করিতে করিতে মন্দিরে আসিয়াছিলাম,—জানবুদ্ধ ও বয়োবৃদ্ধ জ্ঞানস্পন্দ শিবচন্দ্র দেব-মহাশয় মন্দিরের দ্বার উদ্ঘাটন করিয়াছিলেন। সেদিনকার উপাসনা, উপদেশের স্মৃতি এখনও আমার প্রাণে জাগ্রত আছে। সেদিন আমি প্রথম বেদীর পশ্চাত্তাপে বসিতে পাইয়াছিলাম। তাহার পর হইতে বরাবর সেই স্থান আমার উপাসনার পক্ষে বড়ই অক্ষুণ্ণ হইয়া রহিয়াছে। গৌসাই যে-দিন ১১ই মাঘের প্রাতের উপাসনাতে, বাক্য বন্ধ করিয়া কেবল “মা,” “মা” বলিতে উপাসকমণ্ডলীর প্রাণে গভীর ভাবগঞ্চার করিয়াছিলেন, সেদিন সেই স্থানে বসিয়া আমিও তাঁহার ভক্তিপূর্ণ জীবনের প্রভাব অক্ষুণ্ণ করিয়াছিলাম,—তাঁহার ভক্তির বিহ্যৎপ্রবাহ সেদিন আমার প্রাণেও গঞ্চারিত হইয়াছিল। সেদিন আমার জীবনের এক চিরস্মরণীয় দিন।

সাধু নগেন্দ্রনাথ চট্টোপাধ্যায় মহাশয়ের সহিত এক বাড়ীতে চারি বৎসর কাল বাসের সৌভাগ্য আমাদের ঘটিয়াছিল। তিনি আমার স্ত্রীকে আদর করিয়া “মা” বলিয়া ডাকিতেন, আর তাঁহার স্ত্রী, মাতৃকিনী দেবী, তাঁহাকে ডাকিতেন—“শাওড়ী”। তাঁহাদের কি জীবনই না দেখিয়াছি! সেই জানী পুরুষ প্রাতঃকাল হইতে সন্ধ্যা পর্যন্ত জ্ঞানচর্চা ও অধ্যয়নে নিরত থাকিতেন—স্নানাগার ও বিছামে অতি অল্প সময়ই ব্যয় করিতেন। একবার গাড়া চাপা পড়িয়া তাঁহার একখানা পাঘের হাড় ভাঙিয়া গিয়াছিল, মাসাধিককাল শয্যাশায়ী ছিলেন; তখন তিনি কি যে ধৈর্য্য, বিশ্বাসের পরিচয় দিয়াছিলেন বলিতে পারি না; যাতনায় অস্থিরতা নাই, বিধাতার বিধানে অটল নির্ভর। চিরদিন দারিদ্র্যের মধ্যে বাস করিয়াছেন,—একদিনের জন্তও তাঁহার কিম্বা তাঁহার স্ত্রীর মুখ স্নান দেখি নাই। ঘরে অন্নসংস্থান নাই,—তথাপি ভিখারী আসিলে কখনও কিরাইতেন না। বৎ-কিঞ্চিৎ যা-কিছু ঘরে আছে, তাহার সবটুকু দিয়াই তৃপ্তি,—কালকার ভাবনা নাই। স্বামী জানে বিভোর, স্ত্রী ভক্তি-প্রেমে অধীণ। ব্রাহ্মসমাজে এমন নরনারী দেখিয়া ধস্ত হইয়াছি।

একবার বিজয়কৃষ্ণ গোস্বামী ও নগেন্দ্রনাথ চট্টোপাধ্যায়-মহাশয়দের সঙ্গে আমি ও মহেন্দ্রনাথ মিত্র নগেন্দ্রবাবুর জন্মস্থান বাঁশবেড়িয়াতে গিয়াছিলাম। হাটখোলার ঘাট হইতে প্রাতে সীমারে যাত্রা করা গেল। যাত্রীতে সীমার পরিপূর্ণ, আমরা ডেকের উপর কয়ল পাতিয়া বসিলাম। সীমার যুগড়ির টেক পার হইয়া গেলেই আমরা ব্রহ্মস্বীত আরম্ভ করিলাম। গৌসাই আর নগেন্দ্রবাবুর ভক্তিমিশ্রিত সঙ্গীতে আকৃষ্ট হইয়া যাত্রীদল কোলাহল ছাড়িয়া নিস্তক হইল,—গৌসাই উপাসনা করিলেন ও উপদেশ দিলেন; গানের পর গান চলিতে লাগিল। এই ভাবে বাঁশবেড়িয়ার ঘাটে পৌঁছান গেল। আমি আর মহেন্দ্রবাবু মোট মাথার করিয়া নগেন্দ্রবাবুর বাড়ী চলিলাম। মনে পড়ে, পথে খুঁট-প্রচারক প্যারীচরণ কব মহাশয় জন্ম-

তত্ত্ব-কৌমুদী

পসতো মা সত্যময়,
ভমসো মা জ্যোতিঃময়,
স্বভ্যোমাম্বুঃ গময় ॥

স্বপ্না ৩৩ সমাজতত্ত্ব বিষয়ক পার্শ্বিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ ব্রীঃ, ১৫ই মে প্রতিষ্ঠিত।

২২ম ভাগ
১২শ সংখ্যা।

১লা মাঘ, বুধবার, ১৩৩৬, ১৮৫১ শক, ব্রাহ্মসংবৎ ১০০

15th January, 1930.

প্রতি সংখ্যার মূল্য ৯/০
অগ্রিম বাৎসরিক মূল্য ৩২

প্রার্থনা।

হে প্রেমময় উৎসবদেবতা, তুমিই তোমার অনীম প্রেমে আমাদের উৎসবধারে ডাকিয়া আনিয়াছ। আমরা যে বেগে ব্যাকুলতা লইয়া, উপযুক্ত ভাবে প্রস্তুত হইয়া, আসিতে পারি নাই, তাহা তুমি দেখিতেছ। আমাদের সকল অযোগ্যতা তুমিই ভালরূপে জান। আমরা তাহা সম্যক প্রকারে স্বনন্দম ক্রিতে না পারিয়া, অনেক সময় আপনাদের আরোহণ উদ্যোগের উপরই নির্ভর করি,—যেহেতু দীনতা লইয়া তোমার দ্বারে আসিতে হইতাহা আমাদের অন্তরে থাকে না। তাই আমাদের কতক সময় বার্ষমনোরথ হইয়া দ্বার হইতে কিরিয়া যাঁতে হয়। এবার তুমি আমাদের যথার্থ ভাবে প্রস্তুত করিয়া লও। আমাদের যে অল্প সম্বল নাই, তোমার কৃপার উপর আপনাদের সম্পূর্ণরূপে ছাড়িয়া দেও। ভিন্ন অল্প কোনও উপায় নাই, তাহা ভাল করিয়া অনুভব করিতে দেও। কত উৎসব আসিল গেল, তোমার কত করুণাশ্রোত জীবনের উপর দিয়া বহিষ্ণা গেল, অথচ আমরা প্রায় যেখানকার সেইখানেই পড়িয়া রহিলাম,—আমাদের যেরূপ ভাবে তোমার হওয়া উচিত ছিল এখনও তাহা হইতে পারিলাম না! দিন কত চলিয়া যাঁতেছে। তুমি এবার কৃপা করিয়া আমাদের সকল ক্রটি দুর্বলতা, উদাসীনতা, অবহেলা দূর করিয়া, সমস্ত বাধা দূর করিয়া, আমাদের তোমার প্রেমের শ্রোতে ভাগাইয়া নিয়া চল। আমরা চিরদিনের তরে তোমার হইয়া, যথার্থ ভাবে তোমার উৎসব সন্তোগ করিয়া, ধন ও কৃতার্থ হইয়া যাই। তোমার মঙ্গল ইচ্ছাই আমাদের প্রত্যেক জীবনে ও সমগ্র সমাজে আবৃত্ত হউক। তোমার ইচ্ছাই পূর্ণ হউক।

নিবেদন।

উৎসবে—ব্রহ্মের উৎসব আসছে বলে কি প্রাণ নেচে উঠে? আনন্দ কি প্রাণ উৎফুল্ল হয়ে উঠে? তাঁর আহ্বান-বাণী কি শুনছে? তাঁর আগমনের বার্তা কি তোমার কাণে এসে পৌঁছেছে? যদি এখনও প্রাণের তার বেজে উঠে না থাকে, তবে কাণপেতে থাক, উৎকর্গ হ'বে থাক। তিনি কত ভাবে আসেন—

সে যে আসে আসে আসে,

কত কালের ফাগুন দিনে, বনের পথে,

সে যে আসে আসে আসে।

কত শ্রাবণ-অঙ্কুরে, মেঘের রণে,

সে যে আসে আসে আসে।

তাঁর কত পথপানে চেয়ে থাক, উৎকর্গ হ'য়ে প্রতীক্ষা কর। তিনি যখন আসবেন, তখন যেন তাঁকে চিনে নিতে পার, তাঁর বাণী যেন হোল'হল' বন্দে করে, তোমার কাণে পৌঁছায়। উৎসবের তীর্থক্ষেত্রে, পূণ্য ভূমিতে তিনি আসেন; যেখানে ভক্তগণ তাঁর নাম গান করেন, সেখানে তিনি আসেন; যেখানে ব্যাকুল হৃদয় হ'তে আকুল প্রার্থনা-ধ্বনি উঠে, সেখানে তিনি আসেন; যেখানে পাপগ্রস্ত নরনারী অশ্রুতাপের অশ্রুতে বক্ষ ভাসায়, সেখানে তিনি আসেন। যেখানে দীন দীন কান্দান হ'য়ে তাঁর করুণার ভিখারীসকল এসে দাঁড়ায়, সেখানে তিনি আসেন। উৎসবে তাই তিনি আসবেন। তাঁকে দেখবে, তাঁর বাণী শুনবে, তাঁতে আত্মসমর্পণ করবে, এই আশায় প্রস্তুত থাক, পথপানে চে'য়ে থাক, কাণ পেতে থাক।

অন্ধির কি শূন্য?—উৎসবের সাজা পেয়ে আঁধ দলে দলে লোক মন্দিরে আসছে। কত সুন্দর সুন্দর পোষাকে সজ্জিত

হ'য়ে লোক আসছে, কত পুষ্পে পাত্র মন্দির সাজান হয়েছে। কত বকুতা, উপদেশ, সঙ্গীতের বন্দোবস্ত হয়েছে! কত মন্দির মন্দির বচন-অঙ্কিত পতাকা উড়ান হয়েছে! সকলের মুখে হাসি, প্রাণে আনন্দ। উৎসব-দেবতা যে এসেছেন। মন্দির কি তাঁর আগমনে নব শৌন্দর্যে উচ্ছ্বলিত হয়ে উঠেছে? কৈ তিনি তঁ এখনও আসছেন না। ঐ ঘরে কাহারো রয়েছে? ওখানে কোলাহল কেন? ঐ প্রহরী কা'দের বাধা দিচ্ছে। ঐ যে ভিন্ন মলিন বসনপরিহিত ভিখারী দল—ঐ যে ক্রোধে শোকে সারা বছর কেটেছে যাদের তারা—ঐ যে পাপে কলঙ্কিত মোতে অভিভূত যারা তাদের দল—তারাও আজ আশার বাণী শু'ন আসতে চাচ্ছে। তাদের আসতে দিবে না? তোমরাই মন্দিরে আসবে, দেবতার সিংহাসনপাশে বসবে, আর ওরা আসতে পাবে না! তা হ'লে ত পাপীর বন্ধু, ক্রোধীর আশ্রয় ঘনি, সেই দেবতা এত মন্দিরে আসবেন না। মন্দির যে শূন্য প'ড়ে থাকবে। তোমাদের এই যে ধনগর্বি, বিদ্যা-বুদ্ধিগর্বি, সভ্যতার গর্বি, আভিজাত্যের গর্বি, পোষাক পরিচ্ছদের গর্বি, ধার্মিকতার গর্বি, উচ্চপদের গর্বি, এই গর্বি ছাড়তে হইবে, মাথা নীচু করতে হবে। ঐ যারা আসতে চাচ্ছে, দীন হীন মলিন যারা, তাদের সঙ্গে হাত ধরাধরি করে এক আসনে বসতে হবে, প্রভুর চরণে। নতুবা তিনি আসবেন না, মন্দির শূন্য প'ড়ে থাকবে। ফুল পাতা গুণিয়ে যাবে; সঙ্গীত বকুতা উপদেশ শুক নীরস হবে; উৎসব ব্যর্থ হবে।

কান্না স্পর্শ?—নিবিড় অন্ধকার—কিছুই দেখা যায় না, পথ কোন দিকে জানি না, জন মানব নাই। কে প্রাণে সাহস দিল? কে নিরাশায় আশা দিল? কার মুহুস্পর্শ অহুভব করলাম? মূলধারে বৃষ্টি পড়ছে, আকাশে ঘন-ঘটা, সঙ্গী কেহ নাই, তবু ত চলছি, মরিয়া হ'য়ে চলছি। কে যেন সঙ্গে সঙ্গে আসছে। দেখতে পারি না, কিন্তু প্রাণে অহুভব করি, কাহার শ্বাস যেন গায়ে লাগে; কার স্পর্শ যেন আমি অহুভব করছি। এই ভাবেই ত তিনি আসেন। কখন কি ভাবে তিনি আসবেন, তা ত জানা নাই। যখন আমি তাঁকে চাই, তখন হয় ত তিনি আসেন না; যখন নিরাশ হ'য়ে পড়ি, তখন তিনি প্রাণে এসে আশা দেন। যখন একাকী অহুভব করি, তখন এসে তিনি প্রাণ স্পর্শ করেন। আমি জানি না, আমি বুঝি না; কিন্তু দোষ, কার স্পর্শ যেন পাচ্ছি। কে যেন প্রাণের অন্তরালে ছুঁয়ে দিচ্ছেন। তিনিই যে সঙ্গে থেকে এক একবার ছুঁয়ে দেন, তীত সন্ত্রস্ত প্রাণে আশা আশ্রয় করেন, অশ্রু বাণী শুনান!

সম্পাদকীয়।

উৎসব স্রাব—আমরা ত প্রেমময় উৎসব-দেবতার আহ্বানে উৎসবধারে আসিয়া উপস্থিত হইলাম। কিন্তু আমরা উৎসবগৃহে প্রবেশ করিয়া তাঁহার সাক্ষাৎকারলাভে কৃতার্থ হইতে পারিব, না, আমাদের দ্বার হইতে ব্যর্থমনোরথ হইয়া।

কিরিতে হইবে, সে কথা আমাদেরকে কে নিশ্চয় করিয়া বলিয়া দিবে? তাঁহার অসীম প্রেম ও করুণা সত্ত্বেও ত অনেক সময় আমাদেরকে আপনার দোষে তাহা লাভে বঞ্চিত হইতে হইয়াছে। ইহার কারণ অজ্ঞান করিতে গেলে, প্রথমেই দেখিতে পাইব, আমাদের যদি যথেষ্ট আগ্রহ ও ব্যাকুলতা না থাকে, উৎসব হইয়া তাহা গ্রহণ করিবার জন্ত আমরা সর্বদা প্রস্তুত না থাকি, তবে তাহা কোন্ মুহূর্ত্তে আমাদেরি জন্ত আসিয়া চলিয়া যাইবে আমরা জানিতেই পারিব না, সুতরাং সে সুযোগ আমরা গ্রহণ করিতে সমর্থ হইব না। আরও, যদি আমরা অতিরিক্ত বাস্তব ও অস্থির হইয়া ধৈর্যের সহিত প্রতীক্ষা করিতে না পারি, আপনার চেষ্টাতেই সেখানে প্রবেশ করিতে চাই, তাহা হইলেও আমাদেরকে নিশ্চয়ই বিফল হইতে হইবে। নিজের শক্তিতে, কৃত্রিম উপায়ে সে রাজ্যে প্রবেশের কোনই সম্ভাবনা নাই। এক দিকে উদাসীনতা অপর দিকে অতিরিক্ত ব্যস্ততা, উভয়ই পরিত্যাগ করিতে হইবে। তদুপরি, আপনার সাধন ভজন শক্তি সামর্থ্যের উপর নির্ভর যে সম্পূর্ণরূপেই ছাড়িতে হইবে তাহা বলা বাহুল্য। কেন না, স্বপ্রকাশ দেবতার প্রকাশ আমাদের আয়ত্তাধীন নহে, আর, যে অহঙ্কারে মত্ত হইয়া আপনার উপরই সকল নির্ভর স্থাপন করে, সে কখনও করুণার ভিখারী হইয়া তাঁহার প্রেমের দান গ্রহণ করিবার জন্ত প্রস্তুত হইতে পারে না, সে জন্ত প্রতীক্ষাও করিতে পারে না। নিজেকে দীন হীন অকিঞ্চন বোধ না করিলে, অ-লজ্জিত হইয়া তাঁহার শরণাগত হওয়া যায় না, তাঁহার নিকট আত্মসমর্পণ করা যায় না; সুতরাং তাঁহার দ্বারা চালিত হইয়া, তাঁহার প্রেমের স্রোতে ভাসিয়া, কল্যাণের পথে অবিরত অগ্রসর হওয়াও সম্ভবপর হয় না। এইজন্যই যাহারা "দীন হীন কালালের বেশে" "এক পাশ" বসিয়া থাকে তাহারাই সর্বাগ্রে সে ঘরে প্রবেশ করিতে পারে। যাহারা পশ্চাতে থাকিতে চায় তাহারাই সকলের আগে গাইতে পারে। যাহারা ত্যাগ করে তাহারাই পায়—একমাত্র ত্যাগের দ্বারাই অমৃত্যু প্রাপ্ত হওয়া যায়। স্বার্থ-পরের স্বার্থই সর্বাগ্রে বিনষ্ট হয়, পরার্থপরের স্বার্থ কিছুতেই নাশ প্রাপ্ত হয় না। কেন না, যে-কাহারও কল্যাণ লাভ হইলেই পরার্থপর ব্যক্তি নিজের কল্যাণলাভ হইয়া বলিয়া অহুভব করিবে, আর স্বার্থপর ব্যক্তি মনে করিবে, তাহার প্রাপ্য অংশটাই যেন অপর পাইয়া গেল, তাহা না হইলে যেন সে আরও অনেক পাইতে পারিত; সুতরাং সে কিছু পাইলেও তাহাতে আর তৃপ্ত হইতে পারে না, তাহা র অতৃপ্তি কিছুতেই বিদূরিত হয় না,—বরং অনেক সময় ঈর্ষা ও অপ্রেমে দগ্ধ হইয়া সে অশান্তিই ভোগ করে। স্বার্থপর ব্যক্তির হৃদয়ে প্রেম থাকিতে পারে না। যে শুধু আপনাকে লইয়াই বাস্তব, তাহার মধ্যে আর প্রেম থাকিবে কি প্রকারে? আর, যাহার মধ্যে অপরের জন্ত, আপনার তাই বোনের জন্ত প্রেম নাই, ভালবাসা নাই, তাহার মধ্যে ঈর্ষার জন্ত প্রেমই বা আসিবে কি প্রকারে? তাহা কোনও প্রকারেই সম্ভবপর নহে। প্রেম তিন্ন প্রেমময়ের সঙ্গে যে যোগের জন্ত কোনও উপায় নাই, তাহা সংজ্ঞেই বুঝিতে পারা যায়। এইজন্যই প্রেমময়ের নিকট বাইতে হইলে সর্বাগ্রে প্রেমই একান্ত আবশ্যিক। সে প্রেম বলিতে মানব-

অপ্রেম ও ঈশ্বরপ্রেম উভয় প্রকারে প্রেমই বুঝিতে হইবে। এই ভুলই ভুল গাহিয়াছেন “প্রেমের অনগে নিজে না দখিলে পে ঘারে পশিতে পাবে না। (হেনো হেনো মনে)” কাজেই হৃদয় হইতে সর্বপ্রকার অপ্রেম দূর না করিয়া উৎসবক্ষেত্রে উপস্থিত হইলে কোনও প্রকারেই পে ঘারে প্রবেশ করিতে পারিব না, সত্য উৎসব, পূর্ণ উৎসব, সম্ভোগ করিতে সমর্থ হইব না। শুধু অপ্রেম না, সকল প্রকার মলিনতা দূর করিয়া শুদ্ধ পবিত্র হইয়াই পবিত্রস্বরূপের নিকট উপস্থিত হইতে হইবে। মলিন পঙ্কিল মনে তাঁহার পূজা করা যায় না। সাধক জীবনের অভিজ্ঞতা হইতেই গাহিয়াছেন, “মলিন পঙ্কিল মনে কেমনে পূজিব তোমায় ? পারে কি তুণ পশিতে অগস্ত অনল যথায় ?” আমরা যে সম্পূর্ণরূপে পাপমলিনতামুক্ত হইয়া তাঁহার নিকট উপস্থিত হইতে পারিব, তাহার কোনও সম্ভাবনা দেখা যায় না। কিন্তু তাহা না পারিলেও অন্ততঃ এই বেদনার ভাবটি লইয়া না আসিলে যে চলিবে না, তাহাতে কোনও সন্দেহ নাই। অপর দিকে, প্রাণে এই ভাবটি জাগিলে তৎসঙ্গে হৃদয়ে স্বভাবঃই অমৃত্যুতাপের আগুন জলিবে এবং সে আগুনে পাপরাশিও বহু পরিমাণে ভস্মীভূত হইয়া যাইবে। সুতরাং উৎসবঘারে প্রবেশ করিতে হইলে, আমাদের সমস্ত পাপ মলিনতা স্মরণ করিয়া অমৃত্যু চিন্তেট উৎসবক্ষেত্রে উপস্থিত হইতে হইবে। আমরা যে শুধু অস্মৃতিস্তা ও আত্মপরীক্ষার দ্বারা হৃদয়ের সকল গোপন পাপ ধরিতে পারিব তাহার কোন-ই সম্ভাবনা নাই। তাহাদের অনেকগুলি এত সূক্ষ্ম আকারের হইয়া থাকে যে, আমরা তাহা কিছুতেই ধরিতে পারি না। সে জন্য আমাদের কাছে তাঁহারই নিকট হৃদয়ের প্রার্থনা লইয়া উপস্থিত হইতে হইবে। “কেড়ে লও, কেড়ে লও, আমারে কঁ দা’য়ে, আমি যার লাগি” যেতে নারি তোমার ঐ আলয়ে”—এই প্রার্থনা যদি আমাদের হৃদয় হইতে সরল ভাবে উদ্ভিত হয়, তবে দেখিতে পাইব তাহা নিশ্চয়ই সফল হইবে, সকল বাধা বিঘ্ন তাঁহার রূপায় আপনা হইতেই বিদূরিত হইবে, উৎসবঘারে প্রবেশ করা সহজ হইয়া যাইবে। সুতরাং আমাদের নিঃসংগাহ বা নিঃশব্দ হইবার কোনও কারণ নাই। আমরা প্রার্থনাপূর্ণ হৃদয়ে, দীনগণ কাঙ্ক্ষার বেগে, ঘরে উপস্থিত হইয়া, আশা ধৈর্য ও নির্ভরের সচিত্র এক পাশে বসিয়া থাকি, অনন্তগতি ও অনন্তশরণ হইয়া তাঁহার হাতে আপনাদিগকে অর্পণ করি। তাহা হইলে নিশ্চয়ই আমাদের ব্যর্থমনোরথ হইয়া ফিরিতে হইবে না। করুণাময় পিতা আমাদেরকে সে শুভবুদ্ধি প্রদান করুন এবং সেভাবে প্রস্তুত করিয়া লউন। তাঁহার মঙ্গল ইচ্ছাই আমাদের সকলের জীবনে জয়যুক্ত হউক। তাঁহার ইচ্ছাই পূর্ণ হউক।

চিন্তার ভয় ও হৃদয়ের অভয়।

চিন্তার স্বভাবই এই যে তাহা মানুষের মনে নানা প্রকার সংশয়ের উদয় করে। বিশেষতঃ যিনি চিন্তার অগম্য, সেই

[৩ই সেপ্টেম্বর ১৯২৯ রবিবার সাধারণ ব্রাহ্মসমাজ মন্ডলে সাংস্কৃতিক উপাসনার শ্রীযুক্ত সতীশচন্দ্র চক্রবর্তী কর্তৃক নিবেদিত।]

অনন্ত পরমেশ্বরের বিষয়ে ভাবিতে গিয়া মানব-চিন্তা অনেক সময়ে ভয় সংশয় ও সন্দেহের মধ্যে পড়িয়া যায়। মানুষকে কেবল যদি চিন্তার আলোকে ঈশ্বরের মুখ দেখিতে হইত, তবে আমরা তাঁহার কি প্রকার মুখ দেখিতে পাইতাম, তাহা জানি না। তিনি দয়া করিয়া হৃদয়েই আলোকেও তাঁহার মুখ দেখিবার অধিকার আমাদেরকে দিয়াছেন। তাই চিন্তা হইতে উখিত অনেক ভয় দূর হয়, অনেক সংশয় নিরস্ত হয়, অনেক সন্দেহের স্থানে সাহসের উদয় হয়।

অনন্ত।

ঈশ্বর অনন্ত জ্ঞানময়, অনন্ত শক্তিময়, অনন্তক্রিয়াবান্। তিনি তাঁহার অনন্ত সৃষ্টির অনন্ত ব্যাপারে নিরন্তর ব্যস্ত। তাঁহাকে এত বড় বিশ্ব ব্রহ্মাণ্ড চালাইতে হয়। তিনি এমন সকল মহানিধম প্রতিষ্ঠিত করিয়াছেন, যাহার ক্রিয়া কোটি কোটি ঘোড়নে কোটি গোটি বৎসরে প্রসারিত হইবে। যাহাতে প্রতি নিমেষে, প্রতি অণুতে, সেই সকল মহানিধমের কার্য অঘোষ ভাবে সম্পন্ন হয়, তাহার লেশমাত্র ব্যতিক্রম না হয়, সেদিকে তাঁহাকে দৃষ্টি রাখিতে হয়। এষ্টরূপে যাহাকে সমগ্র জগতের নিয়ম ও শৃঙ্খলা রক্ষা করিতে হয়, তিনি কি আবার বিশেষ ভাবে এক এক করিয়া প্রত্যেক মানুষের স্বধ-ভ্রুংগের খোঁজ লইতে পারেন, ও তাহার স্তম্ভ ব্যবস্থা করিতে পারেন? আমি কীটাকীট : আমি কোণে পড়িয়া আছি! আমার ভ্রুংগের বেদনা বুঝিবার জন্য কি সেই অনন্তস্বরূপ মন দিতে পারেন? মানবের চিন্তা এই ভাবে ঈশ্বরের অনন্ততা ও আপনার ক্ষমতা অনুভব করিয়া ঘেন ভীত ও নিবাস হইয়া পড়ে।

কিন্তু মানুষের হৃদয়ের কথা অল্পরূপ। হৃদয়ের দাবী অনেক অধিক; হৃদয়ের সাহসও অনেক অধিক। সে অনন্তকে দেখিয়া ভয়ে ফিরিয়া আসে না। সাধারণ আলোক যাহাতে প্রবেশ করিতে পারে না এমন বস্তুকেও আন্ধকার বিজ্ঞানের উদ্ভাবিত অভিনব রশ্মিগুলি বিদ্য করিতেছে। মানুষ তাহার হৃদয়ের আলোকে যেন বিজ্ঞানের উদ্ভাবিত বস্তুগুলি নূন রশ্মির গায়, অনন্তের মর্মস্থান পর্যন্ত বিদ্য করিয়া দেখিবার আশায় তুলিয়া ধরে। চিন্তার আলোক যেন ব্রহ্মস্বরূপের উপরিভাগ মাত্র আলোকিত করিয়া ফিরিয়া আসে; হৃদয়ের আলোক যেন ব্রহ্মস্বরূপের মর্মে প্রবেশ করিয়া অনন্তের হৃদয়কেও দেখাইয়া দেয়।

হৃদয় বলে,—“এ কি সম্ভব যে তুমি আমার পিতা হবে না, যা হবে না, আমার স্বধ-ভ্রুংগকে তুমি তুচ্ছ করে যাবে? তুমি শুধু অনন্ত স্রষ্টা হ’য়ে বিশ্বনিয়ন্ত্রা হ’য়ে, আমার কাছ থেকে অতখানি দূরে থাকবে, এতে কি আমি তুচ্ছ হ’তে পারি?”

রাজবাড়েশ্বরী রাজ-সিংহাসনে বসিয়া আছেন। তাঁহার মণ্ডকে স্বর্ণ-কিরীট; পদতলে রত্নপীঠ। ঐশ্বর্যে মহিমায় শাক্তিতে তিনি গৌরবময়ী। তাঁহার প্রত্যেক দৃষ্টিপাতে যেন প্রতাপের প্রভুত্বের ও শাসনের তীক্ষ্ণ জ্যোতি খেলিতেছে। তাঁহার বিশাল রাজ্যের নানা প্রদেশের শাসনকর্তাগণ চতুর্দিকে করঘোড়ে দণ্ডায়মান। এমন সময়ে তাঁর ক্ষুদ্র শিশুটি তাঁহার সম্মুখে আসিল। আসিয়া মা বলিয়া তাঁহাকে ডাকিল; মার কোল

চাহিল। মা কি আর তখন রাজরাজেশ্বরী মূর্তিতে সজ্জিত হইয়া বসিমা থাকিতে পারেন? মা তখনই উচ্চ সিংহাসন হইতে নামিয়া আসিলেন। বাস্তব হইয়া ছেলেকে কোলে তুলিয়া লইলেন। সে দৃশ্য দেখিয়া যেন হইতে লাগিল যে, মার বৃদ্ধি ঐ সম্বন্ধকে স্নেহ দেওয়া ছাড়া আর কোন কাজই নাই। কোণায় রহিল তাঁহার সিংহাসন, কোণায় তাঁহার প্রতাপপূর্ণ কৌরু দৃষ্টি, কোণায় মুকুটে ঢাকা মাথায় অসংখ্য রাজ্যের অগণ্য ভাবনা!

চিন্তা বলে, “তুমি বাস-রাজেশ্বরী।” হৃদয় তাহা অস্বীকার করে না; কিন্তু তবু বলে, “তুমি আমার মা!” চিন্তা যেন সেনাপতি ও সামন্তের মত’ দূবে দূবে দাঁড়াইয়া থাকে। হৃদয় যেন কুণ্ঠিত শিশুর মত’ একেবারে কোলের দাবী লইয়া মার কাছে চলিয়া যায়। হৃদয়ের সাহস কত!

তত্ত্ব কেশবচন্দ্র একদিন তাঁহার অমৃতময় উপাসনার মধ্যে এইরূপ কথা বলিয়াছিলেন, “তুমি কি আমাকে নাম ক’রে চেন? তুমি কি আজ সকাল থেকে ভাবছিলে যে ঐ কলুটোলার একজন মানুষ বড় বিষম হ’য়ে পড়ে আছে, তাকে প্রফুল্ল ক’রে তুলতে হবে?” তত্ত্ব-প্রাণের কথা ঠিক এই ধরণের। তুমি কি আমাকে চেন? আজ উষাকালে যখন পূর্বাকাশ সোণার আভায় রঞ্জিত হইয়া আমাকে মুগ্ধ করিতেছিল, তখন কি তুমি আমাকেও মান করিয়া, আমারও নয়ন মন চরণ করিবার অভিপ্রায়টি মনে রাখিয়া, ঐ শোভা বিস্তার করিয়াছিলে? তুমি যখন দক্ষিণ সমুদ্র হইতে মঙ্গলপবনকে যাত্রা করাইয়া নিখাছিলে, তখন কি তাকে এই কথাও বলিয়া দিয়াছিলে যে, “অমুক সহরের অমুক লোকটিকে যেন শীতল ক’বে দিস?”—হৃদয়ের দাবী এইরূপ।

একদিন রাত্রিতে চন্দ্রগণে হইতেছে। একটি বাড়ীর নারী ও পুরুষ সকলেই শিক্ষিত; সকলেই চন্দ্রগণদর্শনে কৃত্ত্ব সকলেই উৎসাহে গভীর বারান্দায় গিয়া দাঁড়াইলেন। সকলেরই বিশ্বিত ও পুলকিত মেত্র চন্দ্রের দিকে উত্তোলিত। কেমন স্নিক মূর্ত্তি পৃথিবীর ছায়াটি আসিয়া চন্দ্রমণ্ডলের প্রান্তকে স্পর্শ করিল; কেমন ধীরে ধীরে তাহা চন্দ্রের উপর দিয়া অগ্রসর হইয়া চলিল। সকলেই নীরবে এই দৃশ্য দর্শন করিতেছেন। সকলেই যেন পৃথিবীকে তুলিয়া গিয়াছেন; যেন পৃথিবীর ক্ষুদ্র ক্ষুদ্র ভাবনা ও কথ্য তুচ্ছ হইয়া কোণায় তলাইয়া গিয়াছে; যেন অনন্ত মহাকাশে সকলের মন ভাসিতেছে। সকলেরই চিত্তে যখন এইরূপ তন্ময় অবস্থা, এমন সময়ে একটি কক্ষ হইতে একটি শিশুর কান্নার বব আসিল। যত জন সেখানে দাঁড়াইয়াছিলেন, তাঁহাদের মধ্যে এক জনের কর্ণকে তাহা অধিক বিদ্ধ করিল। এক জনের মনকে তাহা অধিক আকুল করিল। তিনি নিমেষের মধ্যে ছুটিয়া গেলেন, নিমেষের মধ্যে নিজ সম্বন্ধকে বৃকে তুলিয়া লইলেন। তৎক্ষণাৎ শিশুর কান্না থামিল।

এই যে ব্যাপারটি ঘটিয়া গেল, ইহার মধ্যে কি দেখিতে পাই? মায়ের কাছে তাহার শিশুর কান্নার তুলনায় আকাশের এত বড় দৃশ্যটিও কত তুচ্ছ! মায়ের কর্ণে বিশ্ব-সদ্বীভের আহ্বান অপেক্ষাও সম্বন্ধের ক্রন্দনধ্বনির আহ্বান কত অধিক প্রবল। মায়ের মনের পক্ষে আকাশ-রজতুমির এই মহা অভিনয়ে মুগ্ধ থাকা

অপেক্ষাও সম্বন্ধ-স্নেহের হস্তে আত্মসমর্পণ করা কত অধিক পবিত্র কার্য! বল দেখি, ভাট, মাহুঘের কোন ছবিটি ঐশ্বরিক ভাবে অধিক প্রকাশ কবে? যখন কোনও বিশাল চিত্রায় অথবা বিরাট অশ্রুভূতিকে কোনও মানবের মন ও মুখ যুগ্ম উদ্ভাসিত হয়, তখন অধিক? না, যখন স্নেহে ও দয়ায় তাহার মন ও মুখ রঞ্জিত হয়, যখন স্নেহে ও দয়ায় সে আত্মবিস্মৃত অবনত ও আকুল হয়,—তখন অধিক?

বিচারক।

ঈশ্বর ভায়বান, ঈশ্বর নিরপেক্ষ বিচারক, ঈশ্বর পুণ্যের পুরস্কারদাতা ও পাপের দণ্ডদাতা। আমাদের গানে আছে, “পরম জায়বান, কবেন ফল দান পাপ পুণ্য কর্ম অহুসারে।” সংসারে মাহুঘ দেখে, কর্তব্যে অবহেলার দণ্ড আছে; কর্তব্যক্ষেপে নিহম ভগ্ন করার দণ্ড আছে, পরস্ব অপহরণের দণ্ড আছে। সংসারে মাহুঘ দেখে, অপকৃপাত বিচারক অতি দুর্ভেদ। অপরাধের গুরুত্ব ভিন্ন আর কোন ভাবনা কোন ভয় বা লোভ যাহার মনকে টলাইতে পারে না, এমন বিচারক অতি দুর্ভেদ। একজন মানব-মন ঈশ্বরকে যত ভাবে চিন্তা করিতে চায়, তন্মধ্যে একটি এই যে, তিনি নিরপেক্ষ বিচারক এবং অমোঘ দণ্ডদাতা।

কিন্তু একটুকুতে মানবচিন্তা তৃপ্ত হইলেও মানবের হৃদয় তৃপ্ত হয় না। প্রথম বিষয়টিতে যেমন হৃদয় বলে, “তুমি রাজ-রাজেশ্বর তাগ অস্বীকার করি না; কিন্তু আমি আরও কিছু চাই,”—এখানেও হেঁমনি। হৃদয় বলে, “ঈশ্বর বিচারক, তাহা মানি। ঈশ্বর তাহার অমোঘ শাসনে আমার প্রত্যেকটি কর্মের উপযুক্ত ফল আমাকে দিবেন, তাগও জানি। কিন্তু বিচারক, অপরাধীর নিকট হইতে অথবা বিবদমান পক্ষদ্বয়ের নিকট হইতে যেরূপ দূঃস্বপ্ন অবস্থিত, তাহাদের স্বপ্ন ছুঃস্বপ্নে তিনি যেরূপ নির্লিপ্ত, তাহার সমগ্র মনোযোগটি বিচারের শাপিত অস্ত্রে অপরাধীর কর্মের বিশ্লেষণ করিতে ও আইন অহুসারে তাগ কি পরিমাণে দণ্ডনীয় তাগ নির্ধারণ করিতে যেমন বাস্তব, ঈশ্বরও যদি মানব সম্বন্ধে শুধু তাগট হন, তবে মাহুঘ বাঁচিতে পাবে না।” মাহুঘের জায় আরও কিছু চায়। মাহুঘের হৃদয় বিচার লইতে প্রস্তুত, কিন্তু সে স্নেহের বিচার চায়। স্বদূর বিরাগসনে উপবিষ্ট নির্লিপ্ত বিচারকের দণ্ড নয়, মায়ের হাতের দণ্ড। পিতার হাতের দণ্ড সে প্রার্থনা করে।

বিচার সম্বন্ধে আর একটি দেখিবার বস্তু আছে। সংসারের আদালতে বিচারের একমাত্র বিষয়, মাহুঘের এক একটি বিচ্ছিন্ন কর্ম। হৃদয়ের আদালতে বিচারের প্রধান বিষয়, মাহুঘের মনের ভাব, যাহা হইতে কর্ম প্রসূত হয়। প্রত্যেক ভাল পরিবারের পিতা মাতা, ভাল বিন্যায়ের শিক্ষক ও কর্তৃপক্ষ, এই পার্বক্য মনে রাখেন। কাজের বিধি-নিবেদ্য বিনা সংসার চলে না, ইহা সত্য বটে। “দরোজাটা প্রত্যেক বার ডেআইয়া দিয়া যাইও; আমার নাম্নের বারান্দা দিয়া চলিবার সময় শব্দ করিও না, খাটে খাটে পা ফেলিও; জামাটি এক সন্ধ্যার আগে বয়লা করিও না; জুতাঘোড়া যেন এক বৎসরের আগে ছিড়িয়া ফেলিও।”

না; এক একটা কলম এক দিন চলা চাই; তুমি যোক এক লাইন করিয়া হাতের লেখা লিখিবে, এতগুলি করিয়া অক্ষ কবিবে,"—কাজের বিষয়ে এইরূপ কত আদেশ পুত্র-কন্যাদিগকে দিতে হয়; এবং মাঝে মাঝে এই সকল আদেশের পালন ও লক্ষ্যনের বিচারও করিতে হয়। কিন্তু যে পিতা বা মাতা, যে অভিভাবক, যে শিক্ষক এই বিচার কার্যকেই সর্বাপেক্ষা অধিক প্রাধান্য দেন, এবং এই সকল ক্ষুদ্র বিষয়ের নানা ক্রটির বিচার-সূত্রেই ছেলে-মেয়েদের সঙ্গে অধিক সময়ে কথা কহেন, তাঁহার হাতে পড়িয়া পিতা-পুত্র, গুরু-শিষ্য প্রভৃতি পবিত্র সম্বন্ধসকল ক্রমশঃ বিকৃত হইয়া যায়। শিশুরা তাঁহার বিচার মানিয়া লয় বটে, তাঁহার দণ্ডও মাথা পাতিয়া গ্রহণ করে বটে, কিন্তু এমন অভিভাবককে শিশুরা হৃদয় দিতে পারে না, তাঁহাকে ভাল বাসিতে পারে না। ভাল বাড়িতে, ভাল শিক্ষালয়ে এ সকলের বিচার-কার্যকে কখনও সর্বপ্রধান স্থানে রাখা হয় না। সেখানকার প্রধান কথাবার্তা অল্পরূপ। "ভাইকে বোনকে ভাল বাসিও, স্বার্থপর হইও না, সন্দ্বিষ্ট হইও না, পরের ভাল ভাবকে অবিশ্বাস করিও না, পরের স্থখ দেখিয়া হিংসা করিও না, কাহাকেও অক্ষ করিতে চাহিও না, নিস্কৃৎ হওয়ায় ঘৃণা করিও,"—এই প্রকার হৃদয়-গুণের আদর্শসকল শিশুদের সম্মুখে ধরা, এই সকল হৃদয়-গুণের একটি আবেষ্টন শিশুদিগের জীবনের চারিদিকে রচনা করিয়া দেওয়া,—ইহার জন্তই ভাল বাড়ীর ও ভাল শিক্ষালয়ের অভিভাবকের মন অধিক ব্যস্ত হয়। এই আদর্শ ও এইরূপ আবেষ্টনে শিক্ষিত ছেলে মেয়েদের মনগুলি নিজ অপরাধের স্থলে কি কথা বলে? বলে, "আমার ব্যবহারটা নিশ্চয়ই বড় স্বার্থপরের মতন হ'য়েছে, আমার নিজের মনই সে ক্ষুদ্রতার জন্ত আমাকে ছি ছি বল্চে। দাও বাবা, দাও মা, আমার শাস্তি দাও; আমি সে শাস্তি নিজেই চেয়ে নেব। কিন্তু আমি অবোধ ব'লে, দুর্বল ব'লে, বাড়ীর স্কুলের বা বোর্ডিংএর সব নিয়ম যে সর্বদা মনে রাখতে পারি না, অনেক সময়ে যে অপরাধ ক'রে ফেলি, আমার কৃত সেই সব অপরাধ গণনা ক'রে ক'রে যদি তুমি তার প্রত্যেকটির দণ্ড দিতে থাক, তবে সে দণ্ডও আমি ল'ব। কিন্তু সে-দণ্ড আমি বাধ্য হ'য়ে ল'ব। আর তার সংখ্যা ক্রমাগত বেড়ে গেলে শেষে আমার মনে আর শাস্তি থাকবে না; ভাল হবার জন্ত সে দণ্ড আর আমাকে সাহায্য করিতে পারবে না। কিন্তু ভালবেসে, ভাল আদর্শ সম্মুখে থ'লে, তুমি যখন আমাকে লজ্জা দাও বা তিরস্কার কর, তখন আমার মন আরও তোমাকে জড়িয়ে ধরতে চায়।"

আমাদের বহু জীবনেরও সেই কথা। সেই পরম পিতা পরম মাতা নিঃস্বার্থতার, উদার ব্যবহারের, কর্তব্যনিষ্ঠার, সাধুতার, পবিত্রতার যে-আদর্শ আমাদের প্রাণে দিয়া দিয়াছেন, আমাদের হৃদয় খতাই তাহা দ্বারা নিজের নিজের বিচার করে। আমাদের প্রাণ সেই পরম প্রভুকে বলে, "প্রভু, আমার হৃদয় যে এখনও এক স্বার্থপর রয়েছে, আমার প্রকৃতিতে যে এখনও এক ক্ষুদ্রতা রয়েছে, আমার বাসনাকুলের মধ্যে যে এখনও এক অসংযম রয়েছে, তার দণ্ড আমাকে পেতেই হবে, তা

তো আমি জানি। তার দণ্ড যে আমার জীবনে আমি এখনই ভোগ করছি, তাও বুঝতে পারি। তার জন্তই আমার জীবন এক গুচ; তার জন্তই আমার প্রকৃতি এক বিশৃঙ্খল; তার জন্তই আমার পরিবারটি একটি ফুলের বাগানের মত' না হ'য়ে কষ্টকারণ্য হ'য়ে র'য়েছে; তার জন্তই আমি তোমার ধর্ম-সমাজে এক বিোধ উৎপন্ন করি; তার জন্তই আমি ধর্ম-রাজ্যের অমৃতরসে এক বঞ্চিত। প্রভু, আমি কি তোমার এই সকল দণ্ড বুঝি না? আমি বুঝি, আমি জানি। আমি ইহারই যোগ্য। এ দণ্ড আমি ল'ব। আমি নিজ অন্তরকে শুদ্ধগিত ক'রে, সংশোধন ক'রে, হুমস্কিত ক'রে, উন্নত ক'রে, তোমার চরণে ধর্মবার জন্ত এখনও প্রাণপণ করব। অন্তর-রাজ্যে তোমার দণ্ড তোমার বিচার, আমি মাথা পেতে ল'ব। কিন্তু আমার কর্মের অপরাধ দিখে আমার বিচার ক'রো না, প্রভু! আমি তোমাকে যেমন ভাল ক'রে ডাকব ব'লে মনে ভেবেছিলাম, তা যে পারি নাই; তোমার উপাসনা প্রার্থনায়, তোমার স্তুতি বন্দনায়, যেমন নিষ্ঠা অর্জন করব ব'লে ভেবেছিলাম, তা যে পারি নাই; আমি সফল হব ব'লে আশা ক'রে সংসারের যত শ্রেষ্ঠ গান হাতে ক'রেছিলাম, তাতে যে সফল হ'তে পারি নাই; শরীর মনের শক্তির ব্যবহার ক'রে তোমার ধর্মসমাজের যে যে কাজ গ'ড়ে রেখে যাব ব'লে সঙ্কল্প ক'রেছিলাম, তার যে কিছুই পারলাম না; আমার এ জীবনখানি যে কেবল ভগ্ন-সাধনার ও ভগ্ন-আকাঙ্ক্ষার স্তূর্ণ মাত্র, হে দেবতা, আমার জীবনের এই দিকটির প্রতি আমার নিজেরই তাকাতে ইচ্ছা হয় না। সেই দিকেই কি তুমি তাকাবে? আমার অক্ষমতা, আমার নিফলতা, আমার ব্যর্থতা, আমার দোষ দুর্বলতা হ'তে প্রসৃত তোমার কাজের শত ক্রটি, ও আমার প্রতিদিনের জীবনের শত ক্রটি,—তাই কি শুধু তুমি দেখবে? হে দেবতা, আমার এই মিনাত, আমি যে অন্তরে তোমার আদর্শসকল রক্ষা করবার জন্ত প্রাণপণ করছি, তুমি তাই দেখো। আর সেখানে এখনও আমাতে যে-হীনতা যে-নীচতা যে-অক্ষমতা রয়েছে, তার জন্ত আমার প্রতিদিন উৎসর্গ ক'রো, দণ্ড দিও।" আমাদের মন এই কথা বলে। আমরা বিচার চাই বই কি? নিঃশিষ্ট নির্মম কর্ম-পরিদর্শকের বিচার চাই না বটে, কিন্তু মাতার বিচার চাই। পুত্রের নাথনের কিংবা কার্যের সফলতা বিফলতার বিচার প্রার্থনা করি না বটে; কিন্তু হৃদয়ের উচ্চ ভাবের কিংবা নীচ ভাবের সম্বন্ধে বিচার নিশ্চয়ই প্রার্থনা করি।

মানবীয় দুর্বলতা প্রসৃত দোষ-ক্রটির বিচারের যে আদর্শটি এখানে আমি প্রকাশ করিতে চেষ্টা করিতেছি, Leigh Hunt রচিত একটি ইংরেজী কবিতা পড়িয়া আমি তাহার ধারণা মনে উজ্জল করিয়া লইতে বড় সাহায্য পাই। সেই কবিতাটির মর্ম এই:—

"আমার একটি পুত্র আছে। তাহার মাতা যতদিন জীবিতা ছিলেন, সহিষ্ণু হইয়া তাহাকে পালন ও শাসন করিতেন; আমার লেহুপ ধৈর্য্য নাই। একদিন পুত্রটি সাত বার আমার আদিষ্ট একটি নিয়ম ভঙ্গ করিল। সেদিন সন্ধ্যাকালে আমি

তাঁহাকে মারিলাম, বকিলাম; এবং শুইতে যাইবার আগে তাঁহাকে প্রতিদিন যে চুমো দিতাম তাঁহা না দিয়াই তাঁহাকে চলিয়া যাইতে বলিলাম।

কণকাল পরে আমার মনে হইল, হৃদয়ে সে মনের কষ্টে ঘুমাইতে পারিতেছে না। যাই, একবার গিয়া দেখিয়া আদি। গিয়া দেখ, সে ঘুমাইয়া পড়িয়াছে। কিন্তু বুঝিলাম, অনেক কণ পর্যন্ত সে কাঁদিয়াছিল, কারণ তার চোখের পাতা তখনও ভিত্তিয়া রহিয়াছে। আমি চুষন করিয়া তাহার অশ্রু মুছাইয়া দিলাম। কিন্তু আমার নিজেও অনেক অশ্রু তাহার মুখের উপর পড়িল।

কারণ, দেখি যে, নিজের মনের কষ্ট তুলিবার চেষ্টায় সে বিছানার কাছে ছোট একটি টেবিলে কয়েকটি রজনী কাচের টুকরা, কয়েকটি কড়ি, কয়েকটি বিদেশী মুদ্রা প্রভৃতি নিজের খেলিবার তুচ্ছ গিনিগগুলি সাজাইয়া রাখিয়াছে।

সেদিন রাত্রিতে আমি ঈশ্বরের কাছে প্রার্থনা করিবার সময় কাঁদিতে কাঁদিতে বলিলাম, হে পিতা, সারাদিন পুত্রটি আমাকে কত বিরক্ত করিয়াছিল, এখন নিদ্রিত হইয়া আর তাহা করিতেছে না। এমনি করিয়া হে দেব, তোমার চিঃ-অপরাধী পুত্র আমি, আমার চঞ্চল জীবনের অবসানে, মরণের অন্তিম যখন শান্ত হইব, তখন অপরাধ করিয়া করিয়া আর তোমাকে বিরক্ত করিব না। আমার অধোগ পুত্রটি হৃদয়ের বেদনার উপশমের জন্য কি-তুচ্ছ সোনার সোণা সাজাইয়াছে! আমার এ জীবনের শিশুর মত' কিরূপ তুচ্ছ পার্থিব বস্তুসকল লইয়া হৃদয়ের গভীর অতৃপ্তি নিবারণের জন্য চেষ্টা করি! আমার পুত্রটি আমার আদেশ পালন করিতে বার বার ভুল করিতেছিল; হে পিতা, তোমার হৃদয়ানু আদেশসকল বুঝিতে ও পালন করিতে আমিও তেমনি কত ভুল করি! যে-আমাকে তুমি পৃথিবীর ধূলি হইতে সৃষ্টি করিয়াছ, সেই-আমারই হৃদয় যখন নিজ পুত্রের অপরাধকে এত ব্যথিত হইয়া ও এত সদয় ভাবে বিচার করিতেছে, তখন তুমি আমার অপরাধকে নিশ্চয় আরও কত অধিক সদয়ভাবে বিচার করিবে "

হৃদয়ের স্পর্শ।

চন্দ্রগ্রহণের দৃষ্টান্তসূত্র বলিয়াছিলাম, শিশুটি ক মা কোণে তুলিয়া লইলেন, আর তাহাতেই শিশু ক'রা ধামিধা গেল। ইহাও হৃদয়রাজ্যের এক অপূর্ব ব্যাপার। এ ক্ষেত্রে মাথের কোণের স্পর্শটি কেবল শরীরের স্পর্শগাত্র নয়; এটি হৃদয়ের স্পর্শ। হৃদয়ের স্পর্শের বিস্তারিত অসম্ভব। মায়ের স্পর্শটি শিশুর পক্ষে যে কি বস্তু, তাহা কি কেহ জানেন ধারা বিশ্লেষণ করিতে পারে? মায়ের পরিধা মাতৃ-মনের উপরে যে কি ভাবে ক্রিয়া করে, কেহ কি তাহা বুঝাইয়া দিতে পারে? বোগে বস্ত্রনাশ শরীর অস্থির। মা কাছে আসিলে যে যঃণা ধামিয়া যায়, তা নয়; কিন্তু তাহা সহিবার জন্য অশ্রু ও নিগূঢ় ভাবে মন প্রস্তুত হইয়া যায়! কিছু হারাইয়া গিয়াছে, বা কেহ কিছু কাড়িয়া লইয়াছে। মার কাছে গেলাম। সে বস্তুটি যে ফিঃিয়া পাঠলাম, তাহা নয়; কিন্তু তবু সেই হারানোর শোকটি ধীরে ধীরে তুলিয়া

গেলাম। "মাথার মা তো আছেন," এই অস্বভূতিকে যেন সব ক'তির পূরণ হইয়া গেল! সন্সারের কত ব্যাপারের অর্থ বুঝিতে পারি না। অতর্কিত ভাবে কত বিপদ কত আঘাত আসে; তাহার অর্থ বুঝিতে না পারিয়া মন হতবুদ্ধি হইয়া যায়। এইরূপ ভীত ও বিবল মন লইয়া মার কাছে গেলাম। মা যে কিছু বুঝি ইয়া দিতে পারিলেন, তা নয়; কিন্তু "আমার মা আছেন," এই জানে যেন সব না-জানার না-বোঝার অভাব পূরণ হইয়া গেল; যেন সব আঁধার কাটিয়া গেল। প্রতিদিন এই সকল ব্যাপার ঘটতেছে। কেমন করিয়া ইহা সম্ভব হয়? বেদনা যায়, অভিযোগ যায়, অঙ্ককার যায়, ভয় চলিয়া যায়, একটি মাত্র স্পর্শ! কেমন করিয়া ইহা সম্ভব হয়? হৃদয়ের স্পর্শের কথা ভাবিতে গিয়া চিন্তা খা পায় না।

ধর্মরাজ্যেও তেমনি। শরীর কাছে গিয়া বসিলেই জুড়িয়ার দুঃখীদের দুঃখ দূর হইত,—হৃদয়ের স্পর্শের এমনি গুণ! লোকে বলে, তিনি গায়ে হাতখানি রাখিলেই মাতৃ-মনের শরীরের বোগও দূর হইত। শরীরের কথা বলিতে পারি না; কিন্তু মনের যাতনা, মনের ক্লেশ, অন্তরের রোগ, এমন সহস্র মাতৃ-মনের হৃদয়ের স্পর্শ লাভ করিতে পারিলে যেন মায়াময় ভাল হইয়া যায়। কেহ কি বুঝাইয়া দিতে পারেন যে কিরূপে তাহা হয়? মনের বোগে নিদানত্ব এবং মাতৃ-স্পর্শের স্নায়, সাদু কল্প হৃদয়ের স্নায় স্পর্শে তাহার উপশমত্ব,— ইহার অর্থ মার পর্যন্ত ক' বুঝিয়াছে?

প্রার্থনা করিয়া যে আশ্রয় বল পাই, তাহাও তো হৃদয়ের স্পর্শেরই ব্যাপার। প্রার্থনা হইতে কেন বল আসে, তাহার ব্যাখ্যা কি কেহ করিতে পারিয়াছেন? আমরা বা চাই তাই দিবেন বলিয়া তো সেই পরমজননী বলেন না। তিনি কি করেন? "এই যে সন্তান! এই যে আমি আছি!" এই বলিয়া যেন নিজের স্পর্শ দেন, যেন বুক তুলিয়া লন। বিপদে ভয় পাইয়া যখন তাহার কাছে প্রার্থনা করি, তিনি তো এ কথা বলেন না যে "আচ্ছা, রোস, বিপদ দূর করিয়া দিব।" তিনি কেবল বলেন, "ওরে সন্তান, ভয় নাই, এই যে আমি আছি!" এই বলিয়া আমার কম্পিত হাতখানি ভাল করিয়া ধরেন। রোগের যাতনায় যেমন পৃথিবীর মা কাছে আসিয়া বলেন, "এই যে আমি কাছে এসেছি," সেই পরমজননীও তেমনি বুক লইয়া বলেন, "এই যে বাছা, আমি কাছে আছি।" প্রার্থনার অর্থ কি? প্রার্থনার অর্থ কাতর মানবাত্মার ক্রন্দন,— "মা তোমার কোলে থাকব!" আর, প্রার্থনার উত্তরের অর্থ কি? —মার আসিয়া সন্তানকে কোলে করা, নিজ স্পর্শ দেওয়া। ইহাতেই সব হইয়া যায়! ইহাতেই নূতন বল পাই। ইহাতেই মন বলিয়া উঠে, "আর ভয় নাই! না-বোঝা প্রশ্নের বেদনা আর নাই! কষ্টের জন্য অভিযোগ আর নাই! আমি সব সহিব, আমি তোমার দেওয়া সব বিধি মাথা পাতিয়া লইব।"

যাহারা এই হৃদয়ের স্পর্শের ব্যাপারটিকে বাদ দিয়া যান, তাহারা উপাসনার ও প্রার্থনার অসম্পূর্ণ মর্মেতেই গিয়া পৌঁছান না। উপাসনার প্রাণ কি? হৃদয়ে ঈশ্বরের স্পর্শগাত্র। কেবল আলো নয়, কেবল জ্ঞান নয়; তার চেয়ে বেশী, হৃদয়ে দুঃখের

দয়ার স্পর্শ, এবং তাহার আনন্দ বল ও শাস্তি। এমন কি, পরিণত বয়সে ক্রমে দেখিতে পাই, দিবানিশি এই এক প্রার্থনাই প্রধান হইয়া উঠে,—“মা, তুমি কাছে থাক।” অন্ধকার রাত্রিতে শিশু শয্যায় হাত বাড়াইয়া দেখে, “মা, তুমি কি আছ?” এইবার মায়ের গায়ে হাত ঠেংলেই শিশু নিশ্চিন্ত। তেমনি, “মা, তুমি কাছে আছ,” এই অনুভূতিতেই আমাদের মন নিশ্চিন্ত ও তৃপ্ত হয়। মরণের অন্ধকারে কি করিব? “মা তুমি আছ তো?” বলিয়া হাত বাড়াইব। তাঁহার কোলে আছি, ইহা জানিতে পারিলে নিশ্চিন্ত মনে সে আধার পার হইয়া যাইব।

ব্যথার ব্যথী।

উপাসনা প্রার্থনার ভিতরে হৃদয়ের স্পর্শের ব্যাপারের নিগূঢ় কথাটি কি? সে কথাটি এই, যে, ঈশ্বর কেবল আমাদের সুখ স্মৃতি নন; তিনি আমাদের ব্যথারও ব্যথী। বল, ব্রাহ্ম, সাহস ক’রে কি এ কথা বলবে? দুই সহস্র বৎসর পূর্বে জুড়িয়ার পুণাতন মাছুষণ বলিত, তিনি স্মারবানু বিচারক মাত্র; দাঁড়িপাল্লায় ওজন ক’রে ক’রে তিনি কেবল পাপীর দোষের বিচার করেন। তার পরে একদিন একজন হৃদয়বানু পুরুষ সেই দেশে দাঁড়িয়ে, হৃদয়ের কথার উপরে ভর দিয়ে বললেন, হৃদয়ের সাহসে সাহসী হ’য়ে বললেন, “না, না! ঈশ্বর শুধু নির্দম বিচারক নন; তিনি প্রতি দয়ালু। তিনি পাপীর জন্ত ব্যাধুল। তিনি ৯৯টি মেসের দাঁড় করিয়ে বেগে একটি দাবানো মেসের খুঁতে সান্ত্বিত হন।” পণ্ডিতেরা ও পুণ্যবানেরা হয়তো এ কথা সহজে বোঝেন নাই, কিন্তু ছুঃখীরা পাপীরা বুঝেছিল। এ দেশের এক শ্রেণীর জানীরা, ব্রহ্মের নির্দমতার পাছে বা হানি হয়, এই ভয়ে তাঁহাতে ব্যক্তিত্ব দয়া প্রেম কিছুই আরোপ করিতে সাহস করেন নি। তাঁদের প্রাণ হয়তো বলতে চেয়েছে, ব্রহ্ম প্রেমময়; কিন্তু হৃদয় হ’তে উদ্গত সেই কথাটিকে অতি সতয়ে, অতি সাবধানে, প্রায় চাপা দিয়ে, তাঁরা বলেছেন, যে, “তিনি আনন্দরূপ।” পৃথিবীর ছুঃখী পাপী! ভারতের ছুঃখী পাপী! আজ কি তোমরা সাহস ক’রে বলবে, ঈশ্বর যেমন আমাদের হানি হােন, তেমনি তিনি আবার আমাদের ব্যথারও ব্যথিত হন? তোমরা কি সাহস ক’রে বলবে,—মায়ের হানি যেমন সত্য, মায়ের অশ্রুও তেমনি সত্য? ব্রহ্মের আনন্দ যেমন সত্য, ব্রহ্মের বেদনাও তেমনি সত্য? আমি বলি, বল! ছুঃখীরা, পাপীরা আগেই সাহস ক’রে বল! ক্রমে জানীরা, সাধকেরাও তোমাদের উক্তি গ্রহণ করবেন। উপাসনার মধ্যে, প্রার্থনার মধ্যে, যে শুভ-মুহুর্তে একবার মায়ের স্পর্শটি পাই, তৎক্ষণাৎ অন্তরে বুলতে পারি, মা আমার ব্যথারও ব্যথী।

ব্রাহ্মধর্ম চিন্তা ও হৃদয় দুই-ই হাত ধরাধরি ক’রে চ’লেছেন। চিন্তার কাজই হ’ল বিধা করা, এক এক খানি পা কোথায় ফেলি, তা ভাল ক’রে দেখা। হৃদয়ের কাজ, সাহস ক’রে মোক্ষার্জ্জ মায়ের মুখের দিকে ভাঙানো। ভাই সাধক, ভাই ছুঃখী পাপী, হৃদয়ের সাহসে ভরসা রেখো; হৃদয়ের আলোকের আলোকরণ ক’রো। এই আমার অন্ধকার নিবেদন।

পরলোকগত গগনচন্দ্র হোম

(পূর্ব প্রকাশিতের পর)

একবার কলিকাতা হইতে ময়মনসিংহে গিয়াছিলাম,—প্রাণের টানে শ্রীনাথ চন্দ ও চন্দ্রমোহন বিশ্বাস-মহাশয়ের দর্শন করিতে। দেখানে গিয়া দেখি,—চন্দ্রমোহনবাবুর গৃহে ভগবৎ-ভক্ত কালীনারায়ণ গুপ্ত মহাশয় বাস করিতেছেন। নামে, গানে তাঁহার পরিচয় পাইয়াছিলাম, সাক্ষাৎভাবে পরিচয় ছিল না। পরিচয় পাইয়াই তিনি দাঁড়াইয়া আমায় আলিঙ্গন করিলেন;—ভক্তের আলিঙ্গনে আমি আপনাকে ধস্ত মনে করিলাম, পদধূলি লইয়া কৃতার্থ হইলাম। তারপর তাঁহার উপাসনা,—কি মিষ্ট, কি মধুব, সরল স্বাভাবিক ভাব ও ভাষা।

ভগবানের বিশেষ দয়ায়, ভক্ত ক দত্ত মহাশয়ের চতুর্ধকতার সহিত আমার বিবাহ হয়। সেই সূত্রে সেই ভক্তের সন্তিত আমার ঘনিষ্ঠতা জন্মে। তিনি দিবসের প্রায় অধিকাংশ সময়ই যোগযুক্ত অবস্থায় থাকিতেন, প্রতিদিন রাত্রি তিনটা হইতে প্রাতঃকাল পর্যন্ত ধ্যানমগ্ন রহিতেন। তাঁহার সহস্রাণে আমার চিত্ত সমাহিত হইত, আমার রূপণ প্রকৃতি শান্ত হইত। তাঁহার সাধন ভক্তের কক্ষে প্রবেশ করিলে এখনও প্রাণ পবিত্র হয়। যাবোৎসব উপলক্ষে তিনি কলিকাতা আসিয়া মাসাধিককাল আমাদের সঙ্গে বাস করিতেন। তখন আমাদের গৃহে কংসধু ভক্তের সমাগম হইত; তাঁহাদের পদধূলি পড়িয়া আমাদের গৃহ যেন তীর্থস্থানে পরিণত হইত; তাঁহাদের সেবা সমাদর করিয়া আমরা স্বামী-স্ত্রীতে কত আনন্দপ্রসাদ লাভ করিতাম। আমরা স্বামী-স্ত্রীর ও আমাদের সন্তানদের উপর তাঁহার অশেষ স্নেহ ছিল; স্নেহাধিক্য বশতঃই তিনি বোধ হয় আমাকে উপাসনা করিতে বলিতেন। তাঁহার ও দীননাথ দত্ত-মহাশয়ের জ্ঞান সাধু ভক্ত উপাসিত থাকিতে উপাসনা করিতে আমার স্বভাবতঃ সঙ্কোচ ও অক্ষমতা অনুভব হইত, কিন্তু অব্যাহতি ছিল না। যোগে তিনি এত উন্নত হিগেন যে, অনেক উপবীত-বারী যোগাবলম্বনকারী ব্রহ্মণ অধুষ্ঠিত হইতে তাঁহার পদধূল গ্রহণ করতেন; হৃদয়পথে এই দৃশ্য দেখিয়া লোকে অবাক ও বিস্মিত হইত। শিখাতার রূপায় আমি এমন ভক্তের স্নেহ ও অত্যাশ্রয়-ভাজন হইয়াছিলাম, এমন ভক্তের কন্যা আমার সংখ্যাগণী হইয়াছেন; ইহা স্মরণ করিতেও আমার প্রাণে আনন্দ হয়।

যখন সিটিকলেজে কাজ করিতাম, তখন কখন কখন গ্রীষ্মের ছুটিতে উমেশচন্দ্র দত্ত মহাশয়ের সঙ্গে ২৪ পরগণার নানা স্থানে যাইতাম—পূজার ছুটিতে পচষা যাইতাম। পচষাতে সাধু তিন-কড়ি বহু-মহাশয়ের গৃহে আমরা আত্মতা গ্রহণ করিতাম। তিন কড়ি বাবু আমাকে সন্তানবৎ স্নেহ করিতেন। তাঁহার স্নেহ হইতে এখনও বঞ্চিত হই নাই। এমন সাধু পুরুষ বড় দুর্লভ। তাঁহার নামে চিত্ত ভক্তিতে নত হয়। উমেশবাবু একজন সাধননিষ্ঠ ব্রাহ্ম ছিলেন। রেগগাড়ীতে উঠিয়াই, জনকোলাগলের মধ্যেও, চক্ষু মুদ্রিত করিয়া ইষ্টদেবতার চিত্তায় মগ্ন হইতেন। তাঁহার চরিত্রের প্রভাব এমনি ছিল যে, পথে-ঘাটে দেখিতে পাইলে কত লোকে তাঁহার পায়ে পড়িয়া প্রণাম করিত, তাঁহার উপাসনাতে

যোগ দিত। পচষাতে তিনি প্রায় প্রতিদিন প্রাতে, জনমানব-হীন, অঙ্গলাকীর্ণ স্ট্রেট নদীরতীরে, বৃক্ষমূলে বসিয়া, ধ্যানে রত হইতেন—আমি তাঁহার সঙ্গে থাকিতাম। একটা সন্ধ্যাতের পর সংক্ষিপ্ত উপাসনা করিয়া তিনি ধ্যানস্থ হইতেন; সেই অবস্থায় কত সময় কাটিয়া যাইত, আমি প্রচরীর স্রায় বসিয়া রহিতাম। আমার মত লোকের পক্ষে তখন আর কতক্ষণ ধ্যান করা সম্ভব ছিল? একদিন সেই নির্দিষ্ট স্থানে বসিবার পরই একটা বিকট গন্ধ আসিল;—বাঘের ভয়ে আমার প্রাণ চঞ্চল হইয়া উঠিল, দত্ত-মহাশয়ের দিক্ ধ্যানভঙ্গ হয় না। অবশেষে, বাধ্য হইয়া, আমাকে তাঁহার ধ্যানভঙ্গের অপরাধী হইতে হইল। তাঁহার ইচ্ছাতে ও মহেশ্বনাথ চট্টোপাধ্যায়ের চেষ্টাতে মাঝে মাঝে কলিকাতার নিকটবর্তী কোন বাগানে যাওয়া যাইত। আমরা সকলে বীর্জনাদি করিয়া নিজা যাইতাম, কিন্তু দত্ত-মহাশয় সারানিশি ধ্যানে যাপন করিতেন। গৃহে থাকিলে পাছে সাধন-ভঙ্গনের ব্যাঘাত হয়, এজন্য অনেক দিনই তিনি সিটিকলেজের বাড়ীতেই রাজিবাস করিতেন,—বাড়ী হইতে সন্ধ্যার সময় যৎসামান্য আহাৰ্য্য যাইত। তাঁহার শাস্ত, নীরব জীবনের প্রভাবে আমার জীবন নিঃশব্দ উপকৃত হইয়াছে।

পণ্ডিত শিবনাথ শাস্ত্রী-মহাশয়, ভক্ত কানীনাথ দত্ত এবং সাধু উমেশচন্দ্র দত্ত ও তাঁহার কনিষ্ঠ ভ্রাতা দীননাথ দত্ত মহাশয় এক গ্রামবাসী ছিলেন,—সকলেই প্রায় একই সময়ে ব্রাহ্মধর্মবিধানের অধীন হইয়াছিলেন। ইহাদের প্রত্যেকের জীবনেই মহর্ষি দেবেন্দ্রনাথ ও আচার্য্য কেশবচন্দ্রের ধর্মজীবনের প্রভাব অগ্নাধিক পরিমাণে বিস্তারিত হইয়াছিল। তাঁহারা পরস্পরে গভীর ধর্ম-বন্ধুতাসূত্রে আকৃষ্ট ও আবদ্ধ ছিলেন। ব্রাহ্মসমাজের কার্য্যে আমি বহুদিন হইতেই শাস্ত্রীমহাশয়ের নিকট সুপরিচিত ছিলাম। তাঁহার নিকট আমি “স্বয়ম্ভবে” দীক্ষা গ্রহণ করি। সে এক অপূর্ণ অস্থান। আনন্দচন্দ্র মিত্র, কালীশঙ্কর স্কুল, শরচ্চন্দ্র রায়, তারাকিশোর চৌধুরী, বিপিনচন্দ্র পাল ও স্কন্দরীমোহন দাস তাঁহার নিকট পূর্বেই এই মন্ত্রে দীক্ষা লাভ করিয়াছিলেন। আমার দীক্ষার দিনে বরাহনগরে গঙ্গাতীরে এক বাগানে, গভীর রাজে, তাঁহারা সকলে দীক্ষার্থী উমাপদ রায় ও আমাকে বেটন করিয়া বসিলেন; সম্মুখে অগ্নিকুণ্ড প্রজ্জ্বলিত করা হইল। যাহারা বৃক্ষ চিরিয়া রক্ত দিয়া বটপত্রের পিথিয়া নিজেদের প্রবৃত্তির মধ্যে কাম, ক্রোধ, লোভ, হিংসা; ধর্মবিশ্বাসে প্রতিমাপূজা; সমাজে আভিভেদ এবং রাষ্ট্রব্যবস্থার পরাধীনতা অগ্নিতে আহুতি দিলাম। তাহার পর বটপত্রগুলি পুড়িয়া নিঃশেষ হইবার সঙ্গে সঙ্গে প্রজ্জ্বলিত অগ্নিকুণ্ডের সম্মুখে জাহ্নু পাতিয়া বসিয়া প্রতিজ্ঞা গ্রহণ করিলাম:—

(১) প্রতিমাপূজা করিব না, প্রতিমাপূজার সহিত কোন-রূপ যোগ রাখিব না। (২) আভিভেদ মানিব না, কোন প্রকারেই ব্যক্তিগত বা সামাজিক বন্ধনে আভিভেদকে প্রেয়স দিব না। (৩) স্ত্রী পুরুষের সমান অধিকার স্বীকার করিয়া সমাজে তাঁহার প্রতিষ্ঠা করিবার চেষ্টা করিব। (৪) বালা-বিবাহ অশেষ অবল্যপের আকর জাতিয়া নিজেরা একুশ বৎসরের পূর্বে উদ্ধা-

বন্ধনে আবদ্ধ হইব না, বোড়শ বৎসরের নিরবয়স্ক বালিকার পাণিগ্রহণ করিব না; এবং যে বিবাহের পাত্রের বয়স একুশ এবং পাত্রীর বয়স যোল বৎসরের কম, তেমন বিবাহে যোগদান হইতে বিরত থাকিব। (৫) নিজেদের ও স্বদেশবাসীর শক্তি ও শৌর্য্য বৃদ্ধির উদ্দেশ্যে নিযমিত ব্যায়াম-চর্চা ও তাহার প্রচার করিব; নিজেরা অস্বারোহণ ও আয়েয়াজ্জ চালনা অভ্যাস করিব; এবং সমস্ত দেশে যাহাতে অস্বারোহণ ও বন্দুক ছুড়িবার অভ্যাস প্রচলিত হয়, তাহার জন্ত সচেষ্ট থাকিব। (৬) একমাত্র স্বয়ম্ভব-শাসনই বিধাতা নির্দিষ্ট শাসনব্যবস্থা; কিন্তু দেশের বর্তমান অবস্থার প্রতি লক্ষ্য রাখিয়া বিদেশীর শাসনকে স্বীকার করিব; কিন্তু ছুঃখ-দারিদ্র্যাদশাচার্য্য নিপীড়িত হইলেও কদাপি এই গভর্ণমেন্টের অধীনে দাসত্ব করিব না।

আরও দুই একটি প্রতিজ্ঞা ছিল, সব এখন ভাল মনে নাই; প্রতিজ্ঞাপত্রের কাগজটিও হারাইয়া গিয়াছে; কিন্তু আত্মপ্রসাদ আছে,—ভগবানের নাম লইয়া, ৪৫ বৎসর পূর্বে, যে ব্রত লইয়া ছিলাম, যে সমুদয় প্রতিজ্ঞা গ্রহণ করিয়াছিলাম, তাহার প্রায় সমস্ত গুলিই বিধাতার আশীর্বাদে, জীবনে পালন করিতে পারিয়াছি। আর শুধু আমি নয়;—ঐনিত্যদের মধ্যে স্কন্দন নিপিন-চন্দ্র, স্কন্দরীমোহন, উমাপদ বাবু এবং পরলোকগতদের মধ্যে “দাদামহাশয়” শরচ্চন্দ্র রায়, কবি আনন্দচন্দ্র, কালীশঙ্কর স্কুল—সকলেই মোটের উপরে প্রতিজ্ঞাগুলি প্রতিপালন করিয়াছেন।

এই দীক্ষাবলম্বনের পর শাস্ত্রী মহাশয়ের সহিত আমার ঘনিষ্ঠ যোগ হইয়াছিল। তিনি আমার বিবাহে আচার্য্যের কার্য্য করিয়াছিলেন, তাঁহার বন্ধুর কস্তুর সহিত আমার বিবাহ হওয়াতে আমি তাঁহার বিশেষ স্নেহের পাত্র হইয়াছিলাম। আমাদের বিবাহের পঞ্চবিংশ সাহস্রসরিক উপলক্ষে তিনি আচার্য্যের কার্য্য করিতে আসিয়া যখন উল্লিখিত যে, বিবাহের পর হইতেই আমরা স্বামী-স্ত্রীতে মিলিয়া প্রতিদিন প্রাতঃকালে ব্রহ্মোপাসনা করি, তখন তাঁহার এত আনন্দ হইয়াছিল যে, তিনি বলিয়াছিলেন—“তোমাদের বিবাহ দেওয়া আমার সার্থক হইয়াছে।” বারো বৎসর পূর্বে (১৯১৮) সালে আমি একবার মৃত্যুশয্যাশায়ী হইয়াছিলাম, তখন শাস্ত্রী মহাশয়, তাঁহার শারীরিক দুর্বলতা সত্ত্বেও, প্রায় প্রতিদিনই আমাকে দেখিতে আসিতেন, মাথায় হাত দিয়া আশীর্বাদ করিতেন। তখন আমার জন্ত তাঁহার কি উৎসেহ ও আশঙ্কা, তাঁহার কথা ও ব্যবহারে প্রকাশ পাইত! একদিন নিম্নত সেবারতা আমার স্ত্রীকে তিনি বলিলেন,—“আর ভয় নাই, এবার গগন সারিয়া উঠিবে”; বলিতে বলিতে তাঁহার মুখে হাসি ফুটিয়া উঠিল।

১৩নং মিস্কাপুর স্ট্রীটে, সিটিকলেজের বাড়ী নির্মাণ কার্য্যে অত্যধিক পরিশ্রম করিতে আমার স্বাস্থ্য ভঙ্গ হয়। বায়ু-পরিবর্তনের জন্ত দেওঘর গিয়া সেখানকার স্কুলের তৎকালীন হেডমাষ্টার, মাইকেলের জীবনী-রচয়িতা, শ্রীযুক্ত যোগীন্দ্রনাথ বসুর গৃহে আশ্রয় পাইয়াছিলাম। যোগীন্দ্রবাবু ও তাঁহার স্ত্রী আমাকে যে যত্ন-আদর করিয়াছিলেন, তাহা আমি ভুলি নাট,—কখনও ভুলিবার নয়। তখন দেখায়ে

পূজ্যপাদ রাজনারায়ণ বসু-মহাশয়ের সহিত প্রথম পরিচিত হই ও সেই সাধুপুরুষের স্নেহলাভ করিয়া নিজেকে ধন্ত মনে করি। তিনি বলিয়াছিলেন,—“মাহুষের মুখশ্রী যেক্ষণ বিভিন্ন, মানবের ধর্মমতও তেমনি বিভিন্ন।” তাঁহার নিকটেই “সারধর্মের” শিক্ষা পাইয়াছিলাম। তাঁহার গৃহ দেওঘরে “দেব-গৃহ” ছিল। দেওঘরে বসত পদস্থ, সম্মানিত লোক ও সাধুসম্মাসী যাইতেন, সকলেই একবার সেই মহাপুরুষকে দেখিতে আসিতেন। দেওঘরের শিবমন্দিরের বিগ্রহদর্শন যেমন পুণ্যকার্য্য বিবেচিত হয়, দেওঘরে রাজনারায়ণ বসু-মহাশয়কে দর্শনও তেমনি পুণ্যকার্য্য বিবেচিত হইত। সন্ন্যাসী পরমানন্দস্বামী তাঁহার সম্বন্ধে বলিয়াছিলেন,—“রাজনারায়ণ বসুই ত প্রকৃত ব্রাহ্ম।” তিনি আমার প্রতি স্নেহবশতঃ বৃদ্ধবয়সেও, আমার পরিচালিত “আলোচনাতে” “সারধর্ম” বিষয়ে প্রবন্ধ লিখিয়াছিলেন।

বঙ্গুর নবকুমার সমাদ্দার তাঁহার বিবাহোপলক্ষে আমাকে দেওঘর হইতে আগ্রা লইয়া গিয়াছিলেন। রামকুমার বিজ্ঞান-মহাশয় সেই বিবাহে আস্তোষ্যের কার্য্য করেন। নবকুমারের শ্বশুর ছিলেন “কত কাল পরে বল ভারতেরে” এবং “নির্মল সান্দলে বাহু মা তটপসিনী হৃদী মু। ও” দুইটি বিখ্যাত সঙ্গীতরচয়িতা কবি গোবিন্দচন্দ্র রায় একদিন জ্যোৎস্না রাত্রে, তাজের নীচে, যমুনার পাশে-সোপানে বসিয়া, তিনি আমাকে তাঁহার যমুনা-বন্দনা গাথিয়া শোনান,— এতাজে সঙ্গত করেন তাঁহার এক পুত্র। সেই রাত্রির অপূর্ণ স্মৃতি চিরদিন আমার হৃদয়ে জাগরুক রহিয়াছে। আগার ঐশ্বর্য্য স্থানগুলি দেখিয়া বৃন্দাবন যাই। বৃন্দাবনে মদনমোহনের ভগ্নচূড় মন্দির দৃষ্টিগোচর হওয়া মাত্র আমার ভক্তরাগ গোরার প্রেমভক্তির কথা মনে পড়িল, আর মনে পড়িল, স্তম্ভিপ্রেমে বিভোর হইয়া, চরিনাম সৌভনে গোরা এই বৃন্দাবনের ধূলি-রাশিকে কুম্ভকুমে পরিণত করিয়াছিলেন। মনে হইল, এই ধূলিতে গড়াগড়ি দেই, যদি সেই ভক্তের পদরজঃ এই ধূলির সহিত মিশ্রিত থাকে আর তাহার সংস্পর্শে আমার ভক্তগৌন চিত্তে ভক্তির সঞ্চার হয়।

আমার পিতৃ পিতামহগণ শাক্ত ছিলেন; তাঁহাদের গুরুকুল ঘোর তান্ত্রিক। ত্রিপুরা জেলায় মেঘের নামক স্থানে যে স্বাধীনকালীর বিগ্রহ আছে, তথাকার স্বপ্ননে, পূর্ণানন্দ নামক শিষ্যের সাহায্যে, এই গুরুকুলের পূর্বপুরুষ সিদ্ধিলাভ করিয়াছিলেন;—তাঁহারা সেই সাধকের নামে “সর্ক” বলিয়া পরিচিত। শাক্তকুল জন্মিয়া আমার মধ্যে বৈষ্ণব-ভাব বিরূপে আসিল, আমার পড়া কখন কখন এ প্রবন্ধ করেন। এই প্রবন্ধ উত্তর সন্ধান করিতে যাইয়া মনে হয়, বাল্যকাল হইতে আমি কৃষ্ণলীলার গান শুনিতে ও গাহিতে রড়ই অভ্যস্ত ছিলাম। আমাদের পাশের বাড়ীতে এক ঘর যুগী প্রজা বাস করিত। তাঁহার পিতা পুত্র সকলে পরম বৈষ্ণব ছিল,—তাঁহাদের গৃহে চৈতন্যচরিতামৃত প্রভৃতি অনেক বৈষ্ণবগ্রন্থ ছিল। আমি যাল্যকাল হইতে ১৯১৩ বৎসর বয়স পর্য্যন্ত সেই সব বৈষ্ণবগ্রন্থ স্মরণের সহিত পঠিত করিতাম। এই সকল গ্রন্থপাঠে ও কৃষ্ণলীলা-সংক্রান্ত গানে আমার মন জ্বল হইয়া যাইত, অপ্রবৃ

উপভোগে চক্ষু দিয়া দর দর ধারে জল পড়িত। আমার মধ্যে যদি কোন ঐচ্ছাভাব থাকে তবে ইচ্ছাই বোধ হয় তাহার কারণ।

ভগ্নস্বাস্থ্য লইয়া যখন আমি অধাঃন পরিত্যাগ করিয়া কলিকাতা আসিলাম, তখন একদিন অকাল্পদ আনন্দমোহন বসু-মহাশয় আমাকে বলিলেন, “গগন, বেকার বসিয়া আছ, অল্প কিছু কাজ কর না কেন?” আমি বলিলাম,—“অধিক পরিশ্রম করিবার বল শরীরে আমার নাই, অল্প পরিশ্রমের মত এমন কি কাজ পাব?” তিনি পরদিন আমাকে সিটিস্কুলে খাইতে বলিয়া গেলেন। আমি গিয়া দেখি, বসু-মহাশয় হাইকোর্টে যাইবার পূর্বে, সিটিস্কুলের অফিসঘরে আমার অপেক্ষায় বসিয়া আছেন এবং আমি যাইবার আগেই হেড্‌মাষ্টার উমেশচন্দ্র দত্ত-মহাশয়কে বলিয়া আমার জন্ম অফিসের কেরানীর কার্য্য ঠিক করিয়া রাখিয়াছেন। কিছুকাল পরে আমি কলেজ অফিসের হেড্‌ক্লার্কের পদে নিযুক্ত হইলাম; মধ্যে মধ্যে স্কুল-শিক্ষতাও করিতাম। এই সূত্রে উত্তরকালে বহু বিখ্যাত ব্যক্তি, বাহারা তৎকালে ছাত্র বা খ্যাপকরূপে সিটি স্কুলে আসিয়াছেন, তাঁহাদের সঙ্গে পরিচয় ও কোন কোন ক্ষেত্রে সৌহার্দ্য দ্বন্দ্ব। আজও তাঁহাদের অনেকের সহিত বড় প্রীতির সম্বন্ধ রহিয়াছে। আমার কার্য্যদক্ষতায় সন্তুষ্ট হইয়া, সিটি কলেজের পুরাতন বাটীনির্মাণের তত্ত্বাবধানের ভার বসু-মহাশয় আমার উপর হস্ত করেন। সে কথা পূর্বেই বলিয়াছি। বহু বৎসর পরে ব্রাহ্ম বাসিকশিক্ষালয়ের জীর্ণবাটী সংস্কারের ও মেরী কার্পেন্টার হর্ল নির্মাণের কার্য্য-তত্ত্বাবধানের ভারও তিনি আমার উপর অর্পণ করিয়াছিলেন। আমার জীবনে আনন্দ-মোহন বসু-মহাশয়ের স্নেহের পরিচয় নানাভাবে এত পাইয়াছি যে, তাহা কোন দিন ভুলিতে পারিব না; আমি কতরূপে যে তাঁহার নিকট ঋণী তাহা আমার বন্ধুবান্ধবদের মধ্যে অনেকেই জানেন। তাঁহার ও তাঁহার ভ্রাতৃবর্ষ—শ্রদ্ধেয় হরমোহন বসু ও মোহিনীমোহন বসু-মহাশয়দের সাংসর্গ্যস্মৃতি আমার হৃদয়ে অপার আনন্দ আনন্দ করে।

হৃদয়ের বিশিষ্টত্ব পাল যখন কলিকাতা পাব্লিক লাইব্রেরীর—এখন ইম্পিরিয়াল লাইব্রেরী—সম্পাদক, তখন আমি সিটি কলেজ ছাড়িয়া তাঁহার সহকারীর কার্য্যগ্রহণ করি। আমার এই কর্ম্ম লইবার প্রধান প্রলোভন ছিল অধ্যয়নের সুযোগ। যে কয় বৎসর পাব্লিক লাইব্রেরীর কাজে ছিলাম, সে কয় বৎসর পাণ্ডা ভরিয়া নানা বিষয় পড়িয়া লইয়াছিলাম। আমার এ জ্ঞানচর্চার সঙ্গী ও উৎসাহদাতা ছিলেন, বিশিষ্টত্ব। লাইব্রেরীর কোন নূতন বই আসিলেই তিনি নিজে তাহা না পড়িয়া ও আমাকে না পড়াইয়া ছাড়িতেন না। আমি তাঁহার নিকট একান্ত চির-কৃতজ্ঞ। পাব্লিক লাইব্রেরী হইতে ধারভাঙ্গা জেলার সমস্তপুবে নারহাম-গোর্ট-অব-ওয়ার্ড-ষ্টেটে কাজ লইয়া যাই। তাঁহার পর পরলোকগত কালীনারায়ণ রায়-মহাশয় যখন পাইকপাড়ার কুমার ইন্দ্রচন্দ্র সিংহের ষ্টেটেব ম্যানেজার নিযুক্ত হন, তখন, আমার আত্মীয় ও স্বস্ত্য শ্রীযুক্ত

হরকুমার গুহের চেঁচাতে অ্যাডমিনিস্ট্রেটর জেনারেলের অধীনে, কালী নারায়ণবাবুর আফিসে, অ্যাডভোকেটের পদ পাইয়া পুনরায় কলিকাতা আসি। কালীনারায়ণবাবু অবসর গ্রহণ করিলে তাঁহার স্থলে আমি অ্যাডমিনিস্ট্রেটর জেনারেল ও অফিসিয়াল ট্রাষ্টার অধীনে জমিদারী বিভাগে ম্যানেজার পদে নিযুক্ত হই। এ পদের অধীনে দেওয়ার মত কয়েক সহস্র টাকার বোম্বাইয়ের কাগজের প্রয়োজন হইয়াছিল। সে সময় আমার পরম হিতৈষী প্রফেসর বন্ধু পরলোকগত দাশরথি লাহিড়ী মহাশয় স্বতঃ প্রবৃত্ত হইয়া আমাকে সাহায্য করিয়াছিলেন। কত সময় আরও এক কত প্রকারে আমি তাঁহার সাহায্য পাইয়াছি। আজ প্রায় তের চৌদ্দ বৎসর হইতে চলিল। ম্যানেজারের কাজে, জমিদারী পরিদর্শন উপলক্ষ্যে, বাজালা ও বিহারের নানা স্থানে আমাকে সর্বদাট ঘাইতে হয়। সেই সম্পর্ক, ধনী দরিদ্র, পণ্ডিত মুর্থ, ভাল মন্দ, বহু লোকের সংস্পর্শে আমাকে আসিতে হইয়াছে, এখনও প্রতিদিনই হইতেছে; ভগবানের বিশেষ দয়ায় আমি প্রায় তাহাদের সকলেরই প্রীতি ও স্নেহলাভে সমর্থ হইয়াছি। আমার সহযোগী ও অধীনস্থ কর্মচারীগণের সঙ্গে আমার মধুর বরাবরই বড়ই প্রীতি ও স্নেহের; একথা স্মারিত মনে বড়ই আনন্দ হয়।

আমি ময়মনসিংহে আসিবার তত্ত্ব যে সময় বাড়ী হইতে পলাইয়া আসিয়াছিলাম, আমার মাতা ঠাকুরাণী প্রতিদিনই মনে মনে আমার কল প্ৰত্যক্ষ করিয়া ক্রন্দন করিতেন। মাঝে মাঝে যে কয়দিন আমি বাড়ীতে থাকিতাম, সেই কয়দিন কেবল তাঁহার ক্রন্দন থাকিত। মাঝের সাধুনার জন্ত আমি প্রথম প্রথম প্রায় প্রতি বৎসরই মাসাধিক কাল বাড়ীতে গিয়া বাস করিতাম। মা যখন তাঁহার পরলোকগমনের কয়েক মাস পূর্বে কলিকাতা আসিয়া আমার গৃহে অবস্থান করেন, তখন একদিন বলিয়াছিলেন,—বহু বৎসর পরে একদিন তাঁহার হঠাৎ মনে এই ভাব আসিল যে, “আমার সম্বন্ধ কোনও কুসংবাদে আমাদের হইতে পৃথক হয় নাই; ধর্মের জন্ত পৃথক হইয়াছে”; এই ভাব তাঁহার প্রাণে স্তম্ভ হইয়াছিল—সাধুনালাভ করিয়াছিলেন। তিনি আমার স্ত্রী-পুত্রদের দেখিয়া, আমার পরিবার মধ্যে বাস করিয়া, অতিশয় আনন্দ প্রকাশ করিয়াছিলেন। আর বলিয়াছিলেন,—“আমার চারি পুত্রের মধ্যে একটি ব্রাহ্ম হইয়াছে, যদি আর একটিও ব্রাহ্ম হইত, তবে আমার আরও আনন্দ হইত।” শেষ জীবনে আমাদের প্রতি তাঁহার একরূপ স্নেহ-আশীর্বাদ আমাদের কত সুখের ও আনন্দের হইয়াছিল, তাহা স্মরণ করিয়া প্রাণের ভক্তি-শ্রদ্ধা প্রতিদিন তাঁহার স্নেহশীল আশ্রয় উদ্দেশ্যে উথিত হয়। মা আমার পরলোক হইতে আমাদেরকে আশীর্বাদ করুন

শতবার্ষিক মাঘোৎসব।

‘সেন্টেনারি’ মাঘোৎসব এ যে মহা মহোৎসব,
উঠিল জগতে পুনঃ জয় ব্রহ্ম রব;

আগ আগ নর নারী কি আনন্দ বলিহারি,
ভূক্ত হুখে সবে মিলে স্বর্গের বিভব।
এমন সুদিন কবে অধমের ভাগো হবে,
ভাসিব আনন্দ-নীরে ভাবে হুয়ে ভোর;
করিবে প্রেমাক্রমণ পিষে প্রেম-পরিমল
তাপিত তৃষিত প্রাণ জুড়াইবে মোর।
পবিত্র উৎসব-ক্ষেত্রে মিলিব সবে একত্রে,
ভ্রাতৃত্বাবে বিগলিত হইবে হৃদয়;
প্রেম-আলিঙ্গনপাশে, বাধি সবে মহোৎসবে,
গগাগলি হুয়ে গাব জয় ব্রহ্ম জয়।
মরতে স্বর্গের শোভা— মুনিজন-মনলোভা!
দেখাইব জগজনে উৎসব প্রাক্ষণে;
মাতৃদেহে মাতাবো সর্ব, বিজয়-নিশান ভবে
উড়াইব,—ব্রহ্ম নাম গাইব সঘনে।
করি’ ব্রহ্ম জয়ধ্বনি কাপায়ে ব্যোম মেদিনী
মিটাইব মনোপাথ উৎসবে এবার;
হুঃখ দৈন্ত্য পাপতাপ রোগ শোক মনস্তাপ
পাশরিব যতকিছু অনিত্য অসার।
থেকো না দূরেতে কেউ, ভুলিয়ে আনন্দ চেই—
ছুটে এস তাই ভয়ী যে যেখানে আছো;
মিশ্রণে প্রেমের মেলা মহোৎসবে এই বেলা
সকল মিলে প্ৰেমমণ্ডলি কল-যোড় হায়ে!
বড় সাধ আছে মনে মিলি’ ভাগ বন্ধু সনে,
একসাথে মহোৎসব করিব সন্তোগ;
এই ভিক্ষা দিভূপদে রাখি’ দাসে নিরাপদে
করুন কামনা পূর্ণ বিতরি’ সুযোগ ॥

শ্রীচন্দ্রনাথ দাস

ব্রাহ্মসমাজ।

শত - ম মাঘোৎসব

প্রেমময়ের অপার করুণায় পুনরায় আমাদের প্রিয় মাঘোৎসব সমুপস্থিত। কাব্য নিকাহক সভা নিম্নলিখিত প্রণালী অনুসারে শততম মাঘোৎসব সম্পন্ন করিবেন স্থির করিয়াছেন। আবশ্যিক হইলে ইহার কিছু পরিবর্তন হইতে পারিবে। ব্যাকুল হৃদয় বিশ্বাসিগণের সম্মিলনের উপর উৎসবের সফলতা বহুল পরিমাণে নির্ভর করে। তাই কাব্য নিকাহক সভা উৎসবে যোগদান করিয়া উহাকে সফল করিবার জন্ত সকলকে সাদরে নিমন্ত্রণ করিতেছেন। প্রাতে ৭ ও সন্ধ্যায় ৬০ ঘটিকায় কাব্য আরম্ভ হইবে।

১লা হইতে ৩রা মাঘ (১৫ই হইতে ১৭ই জাম্বারী) বুধ হইতে শুক্রবার—ব্রাহ্মপরিবারসমূহে এবং ছাত্রাবাস ও ছাত্রী-নিবাসে ব্রাহ্মসমাজের কল্যাণার্থ প্রার্থনা।

৪ঠা মাঘ (১৮ই জাম্বারী) শনিবার—প্রাতে ব্রাহ্ম পরিবার-সমূহে এবং ছাত্রাবাস ও ছাত্রীনিবাসে ব্রাহ্মসমাজের কল্যাণার্থ

প্রার্থনা। সায়ংকালে উৎসবের উদ্বোধন। আচার্য্য—শ্রীযুক্ত কৃষ্ণকুমার মিত্র।

৫ই মাঘ (১৯শে জাম্বুয়ারী) রবিবার—প্রাতে ব্রাহ্মযুবক-দিগের উৎসব উপলক্ষে উপাসনা। অপরাহ্ন ২ ঘটিকায় যুবকদিগের আলোচনা। অপরাহ্ন ৫ ঘটিকায় বরাহনগর শ্রমজীবীগণের নগর-সঙ্কীর্ণন। সায়ংকালে শ্রমজীবীগণের উৎসব উপলক্ষে উপাসনা। আচার্য্য—শ্রীযুক্ত ডাঃ চেমসন্ড সরকার।

৬ই মাঘ (২০শে জাম্বুয়ারী) গোমবার—(মহর্ষির পরলোক গমনের দিন) প্রাতে উপাসনা। আচার্য্য—শ্রীযুক্ত ধীরেন্দ্রনাথ চৌধুরী, বেদান্তবাগীশ। সায়ংকালে আলবার্ট হলে মহর্ষি স্মৃতি সভা।

৭ই মাঘ (২১শে জাম্বুয়ারী) মঙ্গলবার—প্রাতে উপাসনা। আচার্য্য—শ্রীযুক্ত মথুরানাথ নন্দী। সায়ংকালে ছাত্র সমাজের উৎসব উপলক্ষে বক্তৃতা।

৮ই মাঘ (২২শে জাম্বুয়ারী) বুধবার—প্রাতে উপাসনা। আচার্য্য—শ্রীযুক্ত ললিতমোহন দাস। সায়ংকালে তত্ত্ববিজ্ঞান সভার উৎসব উপলক্ষে বক্তৃতা—বিষয়—“ভক্তি ধর্মের প্রতিষ্ঠা”। বক্তা—শ্রীযুক্ত পণ্ডিত সীতানাথ তত্ত্বভূষণ।

৯ই মাঘ (২৩শে জাম্বুয়ারী) বৃহস্পতিবার—প্রাতে মহিলা-দিগের উৎসব (ও পুরুষদিগের জন্ম সিটি কলেজগৃহে পৃথক উপাসনা।) সায়ংকালে সম্মিলিত উপাসনা।

১০ই মাঘ (২৪শে জাম্বুয়ারী) শুক্রবার—প্রাতে কলিকাতা উপাসকমণ্ডলীর উৎসব উপলক্ষে উপাসনা। আচার্য্য—শ্রীযুক্ত হেরষচন্দ্র মৈত্রেয়। অপরাহ্ন ১ ঘটিকায় নবদ্বীপচন্দ্র স্মৃতিসভা। সভাপতি—অধ্যক্ষ শ্রীযুক্ত হেরষচন্দ্র মৈত্রেয়; বক্তাগণ—শ্রীযুক্ত কৃষ্ণকুমার মিত্র, শ্রীযুক্ত সতীশচন্দ্র চক্রবর্তী ও শ্রীযুক্তা স্বালা আচার্য্য। অপরাহ্ন ৫ ঘটিকায় নগর সঙ্কীর্ণন। সায়ংকালে উপাসনা। আচার্য্য—শ্রীযুক্ত ডাঃ প্রাণকৃষ্ণ আচার্য্য।

১১ই মাঘ (২৫শে জাম্বুয়ারী) শনিবার—সম্রাটত্বদিন-ব্যাপ্তী উৎসব। প্রত্যুষে ৫ ঘটিকায় উষাকীর্তন, পূর্বাহ্ন ৭ ঘটিকায় উপাসনা। অপরাহ্ন—শ্রীযুক্ত সতীশচন্দ্র চক্রবর্তী। অপরাহ্ন ১ ঘটিকায় উপাসনা। আচার্য্য—শ্রীযুক্ত বরদাকান্ত বসু। অপরাহ্ন ২ ঘটিকায় পাঠ ও ব্যাখ্যা। পাঠকগণ:—শ্রীযুক্ত কৃষ্ণকুমার মিত্র, ডাই সীতারাম, শ্রীযুক্ত সতীশচন্দ্র চক্রবর্তী। অপরাহ্ন ৪ ঘটিকায় ইংরাজীতে উপাসনা। আচার্য্য—শ্রীযুক্ত রজনীকান্ত গুহ। অপরাহ্ন ৫।০ ঘটিকায় সংকীর্ণন। সায়ংকালে উপাসনা। আচার্য্য—শ্রীযুক্ত কৃষ্ণকুমার মিত্র।

১২ই মাঘ (২৬শে জাম্বুয়ারী) রবিবার—প্রাতে সাধনাশ্রমের উৎসব উপলক্ষে উপাসনা। আচার্য্য—শ্রীযুক্ত সতীশচন্দ্র চক্রবর্তী। অপরাহ্ন ২ ঘটিকায় আলোচনা। বিষয়—“ব্রাহ্মধর্ম প্রচার”। সভাপতি—শ্রীযুক্ত ডাঃ চেমসন্ড সরকার। সায়ংকালে উপাসনা। আচার্য্য—অধ্যক্ষ শ্রীযুক্ত হেরষচন্দ্র মৈত্রেয়।

১৩ই মাঘ (২৭শে জাম্বুয়ারী) গোমবার—প্রাতে উপাসনা। আচার্য্য—শ্রীযুক্ত অনিরাণচন্দ্র লাহিড়ী। অপরাহ্ন ৪ ঘটিকায় মেরী কাপেন্টার হলে কবিরাসরীষ নীতি বিজ্ঞানসভার উৎসব।

সায়ংকালে সাধারণ ব্রাহ্মসমাজের বাবিক সভা। (কেবল সভ্য-দিগের জন্য)।

১৪ই মাঘ (২৮শে জাম্বুয়ারী) মঙ্গলবার—প্রাতে উপাসনা। আচার্য্য—শ্রীযুক্ত অমৃতলাল গুপ্ত। অপরাহ্নে বালক বালিকা সম্মিলন। সায়ংকালে বক্তৃতা; বক্তা—শ্রীযুক্ত রজনীকান্ত গুহ।

১৫ই মাঘ (২৯শে জাম্বুয়ারী) বুধবার—সায়ংকালে সভ্য সভ্য উৎসব উপলক্ষে বক্তৃতা; বিষয় “নিগূঢ় ধর্ম—প্রাচ্য ও প্রতীচ্য”। বক্তা—শ্রীযুক্ত ধীরেন্দ্রনাথ চৌধুরী, বেদান্তবাগীশ।

১৬ই মাঘ (৩০শে জাম্বুয়ারী) বৃহস্পতিবার—সায়ংকালে কীর্তনে উপাসনা।

১৭ই মাঘ (৩১শে জাম্বুয়ারী) শুক্রবার—সায়ংকালে বক্তৃতা; বক্তা শ্রীযুক্ত কৃষ্ণকুমার মিত্র।

১৮ই মাঘ (১লা ফেব্রুয়ারী) শনিবার—সায়ংকালে ইংরাজীতে বক্তৃতা; বক্তা—অধ্যক্ষ শ্রীযুক্ত হেরষচন্দ্র মৈত্রেয়।

১৯শে মাঘ (২রা ফেব্রুয়ারী) রবিবার—প্রাতে উপাসনা; আচার্য্য—শ্রীযুক্ত অন্নদাচরণ সেন। ২ঘটিকায় তিন সমাজের মিলিত উদ্ভান-সম্মিলন। সায়ংকালে উপাসনা; আচার্য্য—শ্রীযুক্ত পণ্ডিত সীতানাথ তত্ত্বভূষণ।

মফঃস্বল হইতে আগত ব্রাহ্ম অতিথিদিগের বাস ও আহারের বন্দোবস্ত করা হইবে। মফঃস্বল হইতে যাহারা উৎসবে যোগদান করিতে সংকল্প করিয়াছেন, তাঁহারা অগ্রগৃহপূর্বক উৎসব-কমিটির সম্পদপত্রকে তাঁহাদের কলিকাতা পৌদ্দিনার নিদ্রিষ্ট তারিখ জানাইলে অভ্যর্থনার বন্দোবস্ত হইতে পারে।

প্রচার—শ্রীযুক্ত বরদাপ্রসন্ন রায় গত ৭ই নবেম্বর ভাগলপুর গমন করিয়া ৪ দিন ভাগলপুর ব্রাহ্মসমাজমন্দিরে আচার্য্যের কার্য্য করেন। একদিন জলা কুষ্টিতে কেশবচন্দ্র সেন মহাশয়ের জন্মদিন উপলক্ষে, আর একদিন পরলোকগত নিবারণচন্দ্র মুখোপাধ্যায়ের জন্মদিন উপলক্ষে প্রার্থনা, উপাসনা ও সঙ্গীতাদি করেন। ২৫শে নবেম্বর মুন্সের গমন করিয়া একদিন একটা ব্রাহ্মসমাজে এবং একদিন মুন্সের ব্রাহ্মসমাজমন্দিরে উপাসনা ও সঙ্গীতাদি করেন। ২৭শে নবেম্বর কাশী গমন করিয়া দুই দিন উপাসনা, ধর্মব্যাখ্যা, সঙ্গীত এবং দুই দিন কথকতা করেন। ২৮শে ডিসেম্বর খড়াপুরের সন্নিকটস্থ বলরামপুর গমন করিয়া সীতানাথ বকসীর বাবিক ব্রাহ্মসমাজে উপলক্ষে উপাসনা ও সঙ্গীতাদি করেন এবং সুলভভীতে অপরাহ্নকালে কথকতা করেন। এই ব্রাহ্মসমাজে শতাধিক গরীব লোকদের চিড়া গুড় বিতরণ করা হয়।

স্বাস্থ্যকৌশল—মামাদিগকে গভীর হৃৎখের সহিত প্রকাশ করিতে হইতেছে যে:—

বিগত ১লা জাম্বুয়ারী কলিকাতা নগরীতে পরলোকগত মনুধনাথ দত্তের বঙ্গা কল্যাণী দত্ত দীর্ঘকাল রোগশযায় শাশ্বিত থাকিয়া পরলোক গমন করিয়াছেন। বিগত ১২ই জাম্বুয়ারী তাহার ব্রাহ্মসমাজ হইয়াছে। তাহাতে শ্রীযুক্ত রমেশচন্দ্র মুখোপাধ্যায় আচার্য্যের বাধ্য করেন।

বিগত ১লা জ্যৈষ্ঠা কলিকাতা নগরীতে ভাগলপুর প্রবাসী বাবু মতীন্দ্রমোহন বহু অল্পদিনের অন্তর্বে হঠাৎ পরলোক গমন করিয়াছেন।

বিগত ১লা জ্যৈষ্ঠা দিল্লী নগরীতে পরলোকগত মধুসূদন সরকারের পত্নী (শ্রীযুক্ত বিনোদবিহারী সরকারের মাতা) পরলোকগমন করিয়াছেন।

বিগত ১১ই ডিসেম্বর ঢাকা নগরীতে শ্রীযুক্ত বীরেন্দ্রনাথ বসুর মাতা ও কলিকাতা নগরীতে তাঁহার ভ্রাতা বীরেন্দ্রনাথ পরলোক গমন করিয়াছেন।

বিগত ৫ই জ্যৈষ্ঠা দমম ক্যাণ্টনমেন্টে শ্রীযুক্ত সতীশচন্দ্র রায়ের কন্যা দীপালীকান্ত আত্মশ্রদ্ধাচরণ সম্পন্ন হইয়াছে। শ্রীযুক্ত প্রাণকৃষ্ণ আচার্য্য আচার্য্যের কার্য্য করেন। এই উপলক্ষে দাতব্য বি-নাগে ১৫ টাকা প্রদত্ত হইয়াছে।

বিগত ৬ই জ্যৈষ্ঠা কলিকাতা নগরীতে ভারতবর্ষীয় ব্রাহ্ম সমাজের প্রবীণ প্রচারক রেভারেন্ড ডাঃ প্যারীমোহন চৌধুরী দীর্ঘকাল বোগশয্যায় শায়িত থাকিয়া ৮১ বৎসর বয়সে পরলোক গমন করিয়াছেন। তিনি নানা প্রকারে দীর্ঘকাল ব্রাহ্মসমাজের সেবা করিয়াছেন।

বিগত ২৬শে ডিসেম্বর লক্ষ্মী নগরীতে পরলোকগত হেমসুন্দরী সেনের আত্ম শ্রদ্ধাচরণ সম্পন্ন হইয়াছে।

শান্তিন্দীতে পিতা পরলোকগত আত্মাদিগকে চিরশান্তিতে রাখুন ও আত্মীয়স্বজনদিগের গোটা-সন্তপ্ত হৃদয়ে শান্তিন্দী বিধান করুন।

শুভবিবাহ—বিগত ৩রা জ্যৈষ্ঠা জবলপুর নগরীতে শ্রীযুক্ত নির্মলচন্দ্র বায়েব কন্যা কল্যাণীয়া পূর্ণিমা ও ঢাকা নিবাসী শ্রীমান জ্ঞানেন্দ্রমোহন শীলের শুভবিবাহ সম্পন্ন হইয়াছে। শ্রীযুক্ত শ্রীমান আচার্য্যের কার্য্য করেন।

গত ২৬শে ডিসেম্বর, দিল্লী নগরীতে, সাহেব প্রবাসী শ্রীযুক্ত বিনোদবিহারী সরকারের দ্বিতীয় কন্যা কল্যাণীয়া পূর্ণিমা ও পূর্ণিমা শ্রীযুক্ত শ্রীমান চৌধুরী শ্রীমান সুবোধকুমারের শুভবিবাহ সম্পন্ন হইয়াছে। শ্রীযুক্ত বীরেন্দ্রনাথ গুপ্ত আচার্য্যের কার্য্য করিয়াছেন।

প্রেমসম্মত পিতা নবদম্পতিদিগকে প্রেম ও কল্যাণের পথে অগ্রসর করুন।

আনন্দুল ব্রাহ্মসমাজ—নিম্নলিখিত প্রণালী অনুসারে আনন্দ ব্রাহ্মসমাজের ৪৬তম সাধারণিক নবনির্ধারিত উপাসনাগুণ্ড সম্পন্ন হইয়াছে :—

৪১। কাছারী উদ্বোধন উপলক্ষে আলোচনা ও বক্তৃতা হয়। শ্রীযুক্ত বীরেন্দ্রনাথ চট্টোপাধ্যায়, শ্রীযুক্ত সতীশচন্দ্র মল্লিক, ও শ্রীযুক্ত নরিন্দ্রনাথ বন্দ্যোপাধ্যায় এই সকল কার্য্য সম্পন্ন করেন। ৫ই জ্যৈষ্ঠা প্রাতে উপাসনা। শ্রীযুক্ত বরদাকান্ত বহু আচার্য্যের কার্য্য ও শ্রীযুক্ত মণিলাল দে সঙ্গীত করেন। বধাঙ্কে শ্রীতপোজন ও সাংকালে আবার উপাসনা হয়। তাহাকে শ্রীযুক্ত অপরচরণ ভট্টাচার্য্য আচার্য্যের কার্য্য করেন। আগামী ২৫শের জন্ম শ্রীযুক্ত কৃষ্ণকুমার মিত্র সভাপতি, শ্রীযুক্ত বীরেন্দ্রনাথ চট্টোপাধ্যায় সম্পাদক, শ্রীযুক্ত অপরচরণ দাস ও শ্রীযুক্ত পূর্ণনন্দিত্রী মল্লিক সভাবারী সম্পাদক এবং শ্রীযুক্ত অপরচরণ ভট্টাচার্য্য সাধারণ ব্রাহ্মসমাজের অধ্যক্ষসভায় আনন্দ ব্রাহ্মসমাজের প্রতিনিধি নিযুক্ত হইয়াছেন।

জ্ঞানেন্দ্রমোহন—গত ২৫শে ডিসেম্বর, দিল্লী নগরীতে, কলিকাতা নিবাসী শ্রীযুক্ত শিশিরকুমার দত্তের তৃতীয়

সন্তানের (দ্বিতীয় কন্যার) আত্মশ্রদ্ধাচরণ সম্পন্ন হইয়াছে। শ্রীযুক্ত বীরেন্দ্রনাথ গুপ্ত আচার্য্যের কার্য্য করেন।

সংক্ষিপ্ত সমালোচনা

যুগধর্ম্ম বাক্তা—শাকিনা ব্রাহ্মসমাজের আচার্য্য শ্রীযুক্ত ললিতমোহন সেন প্রণীত ও উক্ত সমাজের ধীরকজুবিলী উৎসব উপলক্ষে বিনামূল্যে বিতরণের জন্ত প্রকাশিত। ইহাতে ব্রাহ্মধর্ম্মের মূল সত্য, ব্রাহ্মধর্ম্মের কয়েকটি বাণী, কয়েকটি কীর্তন, একটি স্তোত্র ও যুগধর্ম্ম ব্রাহ্মধর্ম্মের সরল ব্যাখ্যা প্রদত্ত হইয়াছে। ইহা দ্বারা জনসাধারণের মধ্যে ব্রাহ্মধর্ম্ম প্রচারের সহায়তা হইবে।

২। **চৈত্র্যশনিষদ্**—শ্রীযুক্ত বীরেন্দ্রনাথ চৌধুরী কর্তৃক ব্যাখ্যাত। মূল্য (কাপড় বীধান) ১ টাকা। ইহাতে মূল, সরল টীকা ও বঙ্গভাষায় প্রদত্ত হইয়াছে এবং পণ্ডিত শ্রীমানাথ তত্ত্বভূষণ লিখিত একটি ভূমিকা আছে। টীকা ও অনুবাদ দুই-ই বেশ প্রাঞ্জল হইয়াছে এবং মধ্যে মধ্যে যে মন্তব্য আছে তাহাতে অনেক বিষয় আরও সুস্পষ্ট হইয়াছে। ইহাতে মূলের মর্ম্ম গ্রহণ করা সকলের পক্ষেই বেশ সহজ হইবে। ভূমিকা হইতে এই বিষয়ে বিশেষ সহায়তা পাওয়া যাইবে। এই অপেক্ষাকৃত অপ্রচলিত উপনিষদ খানা প্রকাশ করিলে বীরেন্দ্র বাবু মহাশয় সত্য সত্যই কৃতজ্ঞ হইবেন। আগামী ১১ই পাঠ করিয়া শ্রীত হইয়াছি। আমরা ইহার বহুল প্রচার কামনা করি।

৩। **আত্মজীবন স্মৃতি**—শ্রীযুক্ত নীলমণি চক্রবর্তী কর্তৃক বিবৃত। মূল্য ১১০ টাকা। ইহাতে তাঁহার জীবনে ভগবানের লীলা বিশেষ ভাবে বর্ণিত হইয়াছে। তৎসঙ্গে সংক্ষেপে খাসিয়া জাতির ইতিহাস ও খাসিয়া মিসনের বিবরণও আছে। আত্মজীবন স্মৃতি এই পাঠ করিয়া বিশেষ উপকৃত হইয়াছি। ধর্ম্ম বা ব্যক্তি মাত্রই ইহা পাঠে উপকার লাভ করিবেন। আমরা ইহার বহুল প্রচার কামনা করি।

বিজ্ঞাপন।

আগামী ২৭শে জ্যৈষ্ঠা সোমবার সন্ধ্যা ৬।০ ঘটিকার সময় সমাজের উপাসনামন্দিরে সাধারণ ব্রাহ্মসমাজের বার্ষিক অধিবেশন হইবে। সভাদিগকে উপস্থিত হইবার জন্ত অহুরোধ করা যাইতেছে।

আলোচ্য বিষয় :—

- ১। বার্ষিক কার্য্য-বিবরণী ও হিসাব। ২। সভাপতির অভিভাষণ। ৩। কর্তব্যবাহী নিয়োগ। ৪। অধ্যক্ষ সভার সভ্য নিয়োগ। ৫। সৌভাগ্যসূচক অভিযান ও ধর্ম্মবাদ প্রদান। ৬। বিবিধ।

২১২ নং কর্ণওয়ালিস স্ট্রিট, কলিকাতা।
৩০শে নবেম্বর, ১৯২২

শ্রীযুক্ত বীরেন্দ্রনাথ চৌধুরী।
সম্পাদক, সাধারণ ব্রাহ্মসমাজ।

ভ্রম সংশোধন

১৬ই পৌষের তত্ত্বকৌমুদীতে "রাজা রামাধরন রায়" প্রবন্ধের ১ম প্যারার ১ম, ১৮শ ও ২০শ লাইনে "আর্য্য-কৃষ্ণ" স্থানে "আর্য্য-কৃষ্ণী" হইবে।

তত্ত্ব-কৌমুদী

অসতো মা সদগময়,
তমসো মা জ্যোতির্গময়,
য়তোমাংমৃতং গময় ॥

ধর্ম ও সমাজতত্ত্ব বিষয়ক পার্শ্বিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ ব্রীঃ, ১৫ই মে প্রতিষ্ঠিত।

৫২ম ভাগ
২১শ ও ২২শ সংখ্যা।

১লা ও ১৬ই ফাল্গুন, বৃহস্পতি ও শুক্রবার, ১৩৩৬,
১৮৫১ শক, ব্রাহ্মসংবৎ ১০১
13th and 28th February, 1930.

প্রতি সংখ্যার মূল্য ৮০

অগ্রিম বাৎসরিক মূল্য ৩২

প্রার্থনা

শততম মাঘোৎসব

(পূর্ব প্রকাশিতের পর)

হে প্রেমসরূপ, তুমি ত নিয়তই কত প্রকারে আমাদেরকে তোমার অপার প্রেমের পরিচয় দিতেছ এবং উৎসবের মধ্যে আমরা কত উজ্জ্বলরূপে দিখাচ্ছি। তবুও আমাদের হৃদয় প্রেম ও রুতজ্ঞতাতে কেন যে একেবারে পূর্ণ হইয়া উঠে না, আমরা চিরন্তরে তোমার কেন হইয়া যাই না, বুঝিতে পারি না। জীবনে ত বহু বারই দেখিতেছি, তোমার এত করুণা পাঠিয়াও আবার ভুলিয়া যাই, অকৃতজ্ঞের স্থায় সংসারে বিচরণ করি। আমাদের এই অপরাধ ত কিছুতেই যাইতেছে না। হে অন্তরদর্শী দেবতা, অন্তরের গোপন পাপ মলিনতা তুমিই বিশেষরূপে জান,—অনেক সময়ই আমরা তাহা ভুল করিয়া ধরিতে পারি না। আমাদের শত অপরাধ সত্ত্বেও তুমি ত আমাদেরকে কখনও পরিত্যাগ কর নাই—সকল অবস্থাতেই সঙ্গে সঙ্গে থাকিয়া হাত ধরিয়া নিয়া আনিয়াছ। আমরা কেন এখনও সম্পূর্ণরূপে তোমার হইতে পারিতেছি না! তুমি এবার কৃপা করিয়া আমাদের এই দুর্বলতা দূর করিয়া দেও। এই উৎসবের ফল যেন আমাদের জীবনে আর বার্য না হয়, উৎসবান্তে আমাদের এই প্রার্থনা। আমরা যেন আর তোমাকে পরিত্যাগ করিয়া সংসারে মজিয়া না থাকি। এবার তুমি আমাদের চিরদিনের জন্য তোমার করিয়া লও, আমাদের হৃদয় প্রেম ও রুতজ্ঞতাতে চির অহুগত করিয়া দেও। তোমার মঙ্গল ইচ্ছাই আমাদের প্রত্যেক জীবনে ও সমগ্র সমাজে জয়যুক্ত হউক। তোমার ইচ্ছাই পূর্ণ হউক।

৮ই মাঘ (২২শে আশ্বিন) বৃহস্পতি—
প্রাতে সাক্ষাৎ ও উপাসনা। শ্রীকৃষ্ণ ললিতমোহন দাস
আচার্যের কার্য্য করেন এবং “সাধন সঙ্কেত” বিষয়ে নিম্নলিখিত
উপদেশ প্রদান করেন:—

আজ সাধন সম্বন্ধে দুই একটি কথা বলিব। এই সব কথা যে
আমি নিজের জীবনের অভিজ্ঞতাতে লাভ করিয়াছি তাহা নহে।
সাধু বাক্য শুনিয়া ও পাঠ করিয়া, এবং কতক কতক নিজের
অভিজ্ঞতার সঙ্গে মিলাইয়া, এই সত্যগুলি সাধনপথের সহায়
বলিয়া মনে করিতেছি। আমার এই কয়েকটি কথা আচার্য্যগণ
নানা ভাবে এই বেদী হইতে বলিয়াছেন; আমিও মধ্যে মধ্যে
বলিয়াছি; এইগুলি কোনও শৃঙ্খলাবদ্ধরূপে লেখা হয় নাই।
আর, সব কথা বলিবারও সময় ও সুবিধা নাই; তাই এলোমেলো
ভাবে দুই চারিটি কথা বলিয়া তৃপ্তিলাভ করিতে ইচ্ছা করি।

ধর্মজীবন লাভ করিতে হইলে, ঈশ্বরের স্পর্শ প্রাণে অনুভব
করিতে হইলে, তাহাতে সম্পূর্ণরূপে আত্মসমর্পণ করা প্রয়োজন।
অব্যয় “ব্রহ্মরূপাহি কেবলম্”—তাঁর কৃপাই একমাত্র সম্বল।
জীবনের অভিজ্ঞতাতে আপনারাও জানিয়াছেন, আমিও
জানিয়াছি, আমাদের জ্ঞান প্রেম সাধনার জ্বরে তাঁকে প্রকাশ
করা যায় না। যত্নবোধ: বৃণুতে তেন লভাঃ—যাকে এই আত্মা
বরণ করেন, সেই তাঁকে পায়।

“তুমি যখন দেখাও তোমাকে যাহু তখনই দেখিতে পায়।
তুধু জ্ঞান প্রেমের অভিমানে তোমায় কি দেখিতে পায়?”

তিনি মরুভূমিতে জলের স্রোত প্রবাহিত করেন, শুষ্ক তরু মুঞ্জরিত করেন। তিনি কখন কোন অবস্থায় কোন পথ দিয়া আসবেন, পাণ স্পর্শ করবেন, তা জানি না। কিন্তু আমার দিক দিয়া আমাকে প্রস্তুত হয়ে থাকতে হবে; তিনি আসবেনই, করুণা করবেনই, এই আশা ল'য়ে পথপানে চেয়ে থাকতে হবে; আমার চেষ্টা ও সাধনায় তিনি সহায় হবেন। শুষ্ক প্রাণ ল'য়েও তাঁর দিকে তাকিয়ে থাকতে হবে।

সংসা একদা আপনা হইতে

ভরি' দিবে তুমি তোমার অমৃত,

সেই ভরসায় করি পদতলে

শূন্য জলধি দান।

আমি যে তাঁর করুণার দিকে চেয়ে থাকব, তাঁর আশায় ব'সে থাকব, তার একটা মূল কথা এই—তাঁতেই সম্পূর্ণ নির্ভর—তাঁতেই আত্মসমর্পণ। কথাটার মধ্যে অনেক তত্ত্ব নিহিত আছে। আমি তাঁকেও চাচিব, তাঁরও দাস হব, আর সংসারও স্থখ অন্বেষণ করুব, তাহা হয় না। আমি যদি বলি, 'সব তুমি নেও প্রভু, কিন্তু আমার ঐ মগটুকু ছাড়তে পারব না, এখানে তুমি গাও দিও না'—তা হ'লে হবে না।

No man can serve two masters; for, either he will hate the one and love the other or else he will hold to the one and despise the other. Ye cannot serve God and Mammon.

কেহই দুই মনিবের চাকরী করিতে পারে না; সে এক জনকে ভালবাসিবে, আর অপর জনকে ত্যাগ করিবে; ঈশ্বর ও সংসার, এই উভয়েরই পূর্ণা এক সময়ে হয় না।

স্বতরাং ধর্ম ও সংসারে সন্ধি করা চলে না; কতকটা ধর্ম করুব আর কতকটা আপনার সুখের পশ্চাতে ছুটুব, তা হবে না। হয় ধর্ম কর, সম্পূর্ণরূপে ঈশ্বরে আত্মসমর্পণ কর, নতুবা দশ জনের মত সংসারের সুখগালসা ল'য়ে থাক। স্বতরাং ধর্মসাধনের প্রথম ও প্রধান লক্ষ্য এই, ঈশ্বরেই সম্পূর্ণরূপে আত্মসমর্পণ; আমাদের সমগ্র সাধন সেই দিকে চালিত হইবে। তবে কি সংসার হইতে দূরে চ'লে যেতে হবে? তাহা নয়; তাঁহাতে আত্মসমর্পণ করলে তিনিই ব'লে দিবেন সংসারের সঙ্গে এইভাবে লিপ্ত হও, এই সব সুখ তুমি ভোগ কর, এইভাবে সংসারের কাজ কর, এইভাবে লোভশ্রেয়ঃ সাধন কর। তোমার জীবনের সব কর্তব্যগুলি তিনি নিয়মিত ক'রে দিবেন। তিনি তোমাকে যাহা দিবেন তাহা তুমি আনন্দে গ্রহণ করবে। তাঁর প্রেমে রঞ্জিত হ'য়ে এই সুন্দর ধরণী সজ্ঞাগ করিবে। তোমার অর্থ শক্তি সমগ্র, তোমার বিদ্যা বুদ্ধি সমগ্র জীবন তাঁহারই। তিনি তোমার প্রাণে যে ভাব আগ্রহ করবেন, তদনুসারে তোমাকে চলতে হইবে। তাহাতে সমগ্র শক্তি অর্থ জীবন যৌবন নিযুক্ত করিতে হবে। তাঁহার নাম করিবে, তাঁহার ধ্যান করবে, তাঁহার আর্চনা করবে। তাহা নিশ্চয়ই মিষ্ট লাগবে; কিন্তু এই মিষ্টতার লোভে অনেকে তাঁর নিয়োজিত কার্য

অনেক সময় অবহেলা করে। ম্যাডাম্ গের্ণো বলেছেন, এক সময়ে তিনি ঈশ্বরের সঙ্গলাভে এত আনন্দ পেতেন যে তাঁর স্বামী ও শান্তড়ীর নিকট হইতে বহুটুকু সময়ের জন্ত বিদায় গ্রহণ করিতেন তাহা অতিক্রম হ'য়ে যেত। তিনি তখনই বুঝতে পারতেন, এ তাঁর অন্যান্য, হঠা ঈশ্বরের অভিপ্রেত নয়। ঈশ্বরের নিকট বসাতে স্থখ আছে, মিষ্টত্ব আছে, আনন্দ আছে। কিন্তু আমি যে তাঁর ভৃত্য—তাঁর Providences—আমার জন্ত নিশ্চিষ্ট কর্তব্য—তাহা তিক্ত হ'লেও, সেখানে গল্পনা উৎপীড়ন সহ্য করিতে হ'লেও, ঐ মিষ্ট সঙ্গ ত্যাগ ক'রে তাহাও সময় মত করিতে হইবে। হয় ত আমার অর্থ শুভ কার্যে দিতে তিনি বলবেন, আমার অর্থ আছে তাহা তাঁর আদেশে ব্যয় হ'লো, আমাকে অনাহারে, অন্নাহারে দিন কাটাতে হ'লো; তিনি হয় ত আমাকে দুঃখ দিবেন, শোক দিবেন, গল্পনা দিবেন, উৎপীড়ন দিবেন, তাহাও আনন্দে সহ্য করিতে হবে। তিনি হয় ত এমন কাজে আমাকে পাঠানেন, যে কাজে কেহ সহায় নাই, যে কাজে প্রশংসা নাই, লোকের সহায়ভূতি নাই, দুঃখে পড়লে একটু "আগা!" বলবার কেহ নাই; আমাকে আনন্দে, বিনা আপত্তিতে, সেই কাজে যেতে হবে।

তুমি যদি বল, এখনই করিব

বিষয়বাসনা বিসর্জন।

প্রভু, আমি তোমারই দুয়ারে ক্রীত দাস রূপে দাঁড়াইয়া আছি; তুমিই আমার জীবনস্বামী; আমার এই দেহ মন প্রাণ, শক্তি সমগ্র অর্থ, সবই তোমার চরণে দিয়াছি—আমি কাণ পেতে আছি—তোমার কি আদেশ—তাহা এখনই পালন করুব; আমি মস্তক পেতে আছি—কি ভার তুমি দিবে, তাহাই বহন করুব। তুমি যে দুঃখ দৈন্ত দিবে, আনন্দে তাহা সহ্য করিব। আমি যে তোমারই। অবশ্য এই ভাব এক দিনে হয় না—কিন্তু এই দিকে লক্ষ্য রেখে সাধনপথে অগ্রসর হ'তে হইবে। প্রতিদিন পরীক্ষা করিতে হবে—কতদূর অগ্রসর হইছি।

ধর্মসাধনের একটা প্রধান অন্তরায় প্রেমের অভাব। প্রেম চাই—ঈশ্বরপ্রেম-নিঃসৃত মানবপ্রেম চাই। যীশুখৃষ্ট বলেছেন, যদি তুমি পূজার নৈবেদ্য নিয়ে বেদীর সম্মুখে এসে থাক—আর তখন যদি তোমার মনে পড়ে, কাহারও সঙ্গে তোমার মনের অমিলন আছে, তবে নৈবেদ্য রেখে ঘেঁষে আগে তার সঙ্গে মিলন ক'রে এস; তবে পূজার নৈবেদ্য প্রদান করবে, নতুবা তোমার পূজা গৃহীত হবে না। যীশুখৃষ্ট যাহা বলেছেন, সকল সাধুই সেই কথায়ই সায় দিবেন। কারও প্রতি বিরূপ ভাব থাকলে ঈশ্বরের পূজা করা যায় না—চিন্তা তাঁর প্রেমরসে ডুবতে চায় না। তুমি তাঁকে ভালবাসতে চাও আর তাঁর সন্তানকে ভালবাসবে না! তুমি প্রভুর কাছে কমা চাও, আর তুমি তাঁর সন্তানকে কমা করিতে পারবে না! যে তোমাকে ভালবাসে, কেবল তাকেই ভালবাসলে চলবে না; সেরূপ ভালবাসা ত সকলেরই আছে; যে তোমাকে ঘৃণা করে, যে তোমার অনিষ্টচিন্তা করে, অনিষ্ট-চেষ্টা করে, যে তোমার প্রেমের অপমান করে,—তুমি ভালবাসতে

চাও, সে তোমাকে উপেক্ষা করে, তোমার কুৎসা করে, তাকেও ভালবাসতে হবে, তারও কল্যাণচিন্তা ও কল্যাণচেষ্টা করতে হবে; যে হস্ত তোমাকে আঘাত করতে উচ্চত হয়েছে, সেই হস্ত চুষন করতে হবে। ষাঁড়খুঁটকে যাওয়ার ক্রুশবিদ্ধ করল তাদের জন্তু তিনি প্রার্থনা করলেন—পিতা এদের ক্ষমা কর— কারণ এরা কি করিতেছে, তা বুঝিতে পারিতেছে না। যে অনিষ্ট করে, তাকে কেবল ক্ষমা করলে চলবে না, তাকে ভালবাসতে হবে। ঐ যে প্রিয়জনও অনেক সময় উপেক্ষা করে, অনিষ্টচেষ্টা করে, তাকেও যে ভালবাসবে; এখানেই তোমার প্রেমের শিক্ষা ও প্রেমের পরীক্ষা। আমরা কত অপরাধ করি, তবুও আমাদের শত্রু যিনি, তিনি কত ভালবাসেন—তিনি আমাদের জন্তু কত বাস্তু! তোমাকেও সেইরূপ ভালবাসতে হবে। যে দূরে চ'লে গেল, যে পাপপঙ্কে ডুবল—তাহাকে আরও দূরে ঠেলে দিও না, তাকে আরও গর্ভে ডুবতে দিও না, তাকেও টেনে আন—

প্রেমে ড কি তারে, যে গিয়েছে দূরে,
পড়ে গেছে যে বা, তুলি স্নেহ করে।

অপ্রেম মনকে উত্তেজিত করে, মনের শাস্ত ভাব নষ্ট করে; চিত্তকে বিক্ষুব্ধ করে। প্রেমের সাধন চাই। প্রেমে চিত্ত প্রশস্ত করে, মন উন্নত করে, হৃদয় বিস্তৃত করে, দৃষ্টি কোমল করে, চরিত্র শুদ্ধ করে। প্রেম অনেক সছ করে, অনেক বোঝা বহন করতে সমর্থ করে, প্রেম শত্রুকে মিত্র করে, দু'কে নিকট করে, অজানাকে চিনিরে দেয়। ধর্মপথে অগ্রসর হ'তে হ'লে এই প্রেমসাধন চাই।

ধর্মসাধন করতে হ'লে সর্বদা খাঁটি পথে চলতে হবে, সত্যায় প্রমদিতব্য—সত্য হইতে একটুও বিচলিত হবেনা। কেবল বাহ্যে সত্য অবলম্বন করলে চলবে না, চিন্তা, ভাব, বাসনা, কার্য সফলই সত্য হবে। যাহা ঘটেছে, তাগত সত্য ভাবে চিন্তা করতে হবেই, সত্য ভাবে বর্ণনা করতে হবেই, যাহা বর্তমান, তৎসম্বন্ধে সত্য সন্ধান করতে হবে, সত্যের অন্বেষণ করতে হবে। এখানে সত্য সম্বন্ধে বর্তমান সময়ে একটু ভ্রান্ত ধারণা আছে। যে কোনও ভাব মনে আসে, তাহার অন্বেষণ করাই অনেকে সত্যের অন্বেষণ করা হলো মনে করেন। তাহা নহে। facts—ঘটনা, আর truths—সত্য, ইহাদের মধ্যে আকাশ পাতাল তফাত। facts যাহা তাহা স্বীকার করতে হবে, কিন্তু truths যাহা, Eternal verities যাহা, তাহারই অন্বেষণ করতে হবে। আমার মনে একটা কুবাণী জাগল, একজনের জিনিষে লোভ হলো—ইহা fact, ইহার অন্বেষণ করতে হবে না। কিন্তু সত্যের অন্বেষণে যেয়ে ভগবান্ যে চিরন্তন সত্য—Eternal verities আমার প্রাণে প্রকাশিত করেন, আমাকে তাহার অন্বেষণ করতেই হবে।

কর্তব্য বুঝিব যাহা, নির্ভয়ে কারিব তাহা,

যার থাক, থাক থাক, খন প্রাণ মান রে,

পিতাকে ধরিয়া র'ব পর্কিত সমান রে।

সর্বদা আত্মপরীক্ষা করতে হবে, মেন চিন্তা ভাব বাসনা ও

কার্যে একটুও সত্য হইতে বিচলিত না হই। অনেকের ধারণা এই যে, নিজের স্বার্থের জন্তু অসত্য পথ অবলম্বন করা উচিত নয়, কিন্তু দেশের কাজে, দেশের কাজে, যদি সত্য হইতে একটু ভ্রষ্ট হইলে কাজটা সহজ হয়, তবে সেখানে অসত্য পথ অবলম্বনে দায় নাই—End justifies the means—উদ্দেশ্য সত্য হইলেই হলো, পন্থা যেরূপ হউক। তাহা তখনকার পথ নহে, উহা পাটোয়ারী বুদ্ধির কথা। আমাকে সত্য পথ ধ'রে চলতে হবে। জীবনে সত্য অবলম্বন করতে গিয়া মানুষকে কত নিৰ্যাতন সহ্য করতে হয়েছে—কত সাধু পুরুষ, কত দেশ-প্রেমিক, কত বৈজ্ঞানিক কন্মীকে নিৰ্যাতিত, অনেক সময় মৃত্যু-মুখে পতিত হ'তে হয়েছে। আমাদের মতোও কত জনকে কত কতিগ্রস্ত হ'তে হয়েছে, কত লাঞ্ছনা সহ্য করতে হয়েছে, কত জনকে গৃহ হ'তে বিতাড়িত হ'তে হয়েছে, পিতৃমাতৃস্নেহে বঞ্চিত হ'তে হয়েছে। পরিবার খেতে পায় না একটু সত্য হ'তে বিচলিত হ'লে কেমন স্নেহে দিন কাটান যায়—তা হবে না—সত্য ধ'রে চলতে হবে। আকাশ ভেঙ্গে পড়ুক—তবুও সত্যকে অন্বেষণ করতে হবে। সত্য হ'তে ভ্রষ্ট হ'য়ে দেশের ও দেশেরও কাজ করা চলবে না। জীবন দিয়া পরপেবা কর, দেশের বাজ কর, কিন্তু সত্য—খাঁটি সত্য, নিখুঁত সত্য ধ'রে চল। সত্যস্বরূপের পূজা অসত্য-ধারা হয় না।

চিত্তকে পবিত্র রাখতে হবে—যাদের চিত্ত চঞ্চল, যাহার মনে কলুষিত ভাব জাগে, তাহার হৃদয়ে পবিত্রস্বরূপের প্রকাশ হয় না। মলিন দর্পণে মুখ দেখা যায় না। অপরিষ্কৃত জলে প্রতিবিম্ব পড়ে না। চিত্ত নিখিল না হ'লে সেখানে ঈশ্বরের প্রকাশ হয় না। কেবল দুষ্কার্য হ'তে বিরত থাকলেই চলবে না। ইহা ত সহজ; মনে একটুও কলুষ ভাব, কলুষ চিন্তা না আসে, সতর্ক ভাবে তাহা দেখতে হবে, সর্বদা মনের উপর তীক্ষ্ণ রাখতে হবে। Blessed are the pure in heart, for they shall see God—যাদের চিত্ত শুদ্ধ তাহারাই ঈশ্বর, তাহারাই ঈশ্বরের দোখতে পাবেন। জীবনের আরম্ভ হইতেই সংযম—ব্রহ্মচর্য—অবলম্বন করা প্রয়োজন। মনকে কলুষ চিন্তা দ্বারা, বিলাসবিভ্রম দ্বারা, সুখের আকাঙ্ক্ষা দ্বারা বিক্ষিপ্ত করিও না। মিত্রাচারী হও, সংযত হও, পবিত্র হও, বিলাস ব্যসন পরিত্যাগ কর, শুদ্ধ চিত্ত হ'য়ে ঈশ্বরের নাম কর।

ঈশ্বরের দ্বারে বিশ্বস্ত হৃদয়ের জ্ঞান তাহার আদেশপালনের জন্য প্রতীক্ষা করতে হবে—সর্বদা কাণ পেতে থাকতে হবে। প্রভুর আদেশ কোন্ ভাবে কখন আসে, তাহার জন্য উৎকর্ষ হ'য়ে থাকতে হবে। দুই ভাবে ডাক আসে—এক সাধারণ ভাবে—আর এক বিশেষ ভাবে। প্রভু ভিতরে আছেন, দশজন ভৃত্য বাহিরে, ভিতরে ঘণ্টা বাজল—প্রভুর প্রয়োজন হ'য়েছে, ভৃত্যেরা মুখ চাওয়া চাওয়ি করে, কে প্রভুর ডাকে সাড়া দিবে। প্রত্যেকেই ভাবে—আমাকে ডাকছেন না, সন্তে ডাক শুদ্ধক। বিশ্বস্ত হৃদয়ের এ কাজ নয়; সে যেই ঘণ্টা শুনে,

অমনি সাড়া দিবে, সেবার জন্ত অগ্রসর হবে। কত ভাবে
কর্মের ডাক আসে—মানবের কত নৈশ্রু দুঃখ, দেশের কত দুর্দশা।
কর্মক্ষেত্র কত প্রশস্ত!—সমাজের সেবা, ঈশ্বরের নাম প্রচার,
কত অল্পাঙ্গন প্রতিষ্ঠান! কর্মীর অভাবে, অর্থের অভাবে সব নষ্ট
হ'চ্ছে। তোমার কি প্রাণে ডাক আসে না? তুমি কি
ভাববে—কত লোক রয়েছে, কত লোকের অর্থ আছে, শক্তি
আছে, তাদের জন্ত এই কার্যক্ষেত্র—তাদের জন্তই আহ্বান,
আমি না গেলাম। বিশ্বস্ত ভৃত্যের এ কথা নয়, এ ভাব নয়।
ডাক তোমার জন্তই এসেছে—ব্যখিতের ক্রন্দন তোমার কাণেই
পৌছিতেছে, দেশ আজ তোমার সেবাই চাহিতেছে; তোমার
শক্তি, অর্থই চাহিতেছে। ঈশ্বরের ডাক শোন—অন্তে কি করে
না করে তাহা দেখও না—তোমার যাহা আছে তাহা দাও;
সমাজের প্রতিষ্ঠানগুলি নষ্ট হ'লো—লোক নাই, অর্থ নাই,
কেবল একরূপ ক্রন্দন করলে হবে না। তোমার যা আছে
সব কি দিয়েছ? নতুবা তোমার কথা বলবার অধিকার নাই।
তারপর তোমার নিজেরও প্রাণে ডাক আসে—তখন কাণ
বুজে দেখো না—ঈশ্বরের ডাক কল্পনা ব'লে উড়াইয়া দিও না।
এক জন লোক—চালার ভৃত্য ছিল—সে তার পুত্র যখন
চাকরী লয়, তখন একটি উপদেশ দিয়াছিল—দেখ, মনিবের
চোখের সম্মুখে কখনও থাকবে না, আর এক ডাকে সাড়া দিবে
না। হয় ত কাছে থাকলে, ঠিক এক ডাকে সাড়া দিলে, অমনি
সে কাজ যেখা করিতে হবে—যদি কাছে না থাক, বা
এক ডাকে সাড়া না দেও, তবে হয় ত মনিব সে কাজটি নিজেই
ক'রে নেবেন। আমাদেরও অনেকেই প্রভুর নিকট হ'তে
দূরে থাকতে ভাগ বাসি, তাঁর ডাক প্রাণে এলেও সাড়া দেই
না। প্রভু নিজের কাজ নিজে করেন—আমরা আর ডাক
শুনি না; না—এরূপ নয়। কাণ পেতে থাকতে হবে—তাঁর
আদেশ কত ভাবে তোমার প্রাণে আসে, তাহা কল্পনা ব'লে
উড়িয়ে দিও না; তিনি ডাকলেই সাড়া দিবে—তাঁর বাণী
শুনার জন্ত, আদেশ শুন্যার জন্ত প্রার্থনা সহকারে কাণ পেতে
থাকবে। আর যখন শুনলে, তৎক্ষণাৎ তাহা করবে। নতুবা
ধর্মজীবনগঠন হবে না। তোমাকে সব স্বার্থ হয় ত বিসর্জন
দিতে হবে—সমগ্র অর্থ দিতে হবে, বিপদসঙ্কল পথে চলতে
হবে, অপমান বরণ করিতে হবে, প্রভুর আদেশে সবই করিতে
হবে। ইহাই বিশ্বস্ত ভৃত্যের লক্ষণ।

ধর্মসাধন করিতে গেলে কোনও অধিকার দাবী করিতে
নাই; এখানে কেবল সেবার অধিকার; কোনও পদ মান,
প্রভুত্বের অধিকার নাই। রাজনীতি-ক্ষেত্রে মানুষ অধিকার
দাবী করে, অধিকারলাভের জন্ত সংগ্রাম হয়, রক্তপাত হয়।
কিন্তু ঈশ্বর-সেবক কেবল সেবাই করিবেন—আমাকে কিছা
আমাদের দলকে অধিকার দিতে হবে—আমরা সমগ্র কর্মীমণ্ডলে
উচ্চপদ লাভ করিব—সমাজব্যবস্থায় আমরা প্রতিষ্ঠা লাভ করিব—
এ ভাব, এ চিন্তা আসিলে ধর্মসাধনের পক্ষে বাধা হয়। আপনাকে
বিলোপ ক'রে ঈশ্বরের সেবাবোধে কর্ম ক'রে যেতে হবে।
আমি সকলের নীচে—

“দুয়ারে দাঁড় মোরে রাখিয়া।

নিত্য কলাপ কাজে হে।”

“দীন হীন কাদালের বেশে

ব'লে থাকব এক পাশে।”

সকল প্রকার পদ মানের আকাঙ্ক্ষা বর্জন ক'রে সেবারত
গ্রহণ করিতে হবে।

দেশের শু দশের কাজ করিতে যেরূপ আপনার প্রতিষ্ঠা
চাইবে না; আপনার শক্তি, সামর্থ্য, অর্থ, ঈশ্বরের প্রীতি-
প্রেরণা, তাঁরই নির্দেশে শুভ কার্যে নিয়োজিত করবে; আমার
দ্বারাই এই কাজটি হউক, আমার সম্প্রদায়ের দ্বারাই এই কাজটি
হউক, আমার কিছা আমার সম্প্রদায়েরই নাম হউক, লোকে
প্রশংসা করুক, তাহা লক্ষ্য থাকবে না—যে কাজ তোমার হাতে
আসবে, তুমি ঈশ্বরের ভৃত্য হ'য়ে তাহা বিনীত ভাবে করবে।
তুমি যে কাজের উপযুক্ত আপনাকে মনে কর, যে পদ লাভ
করিতে তোমার যোগ্যতা আছে মনে কর, তাহা যদি না আসে,
কোনও অভিযোগ করবে না, মনে মনেও বিরক্ত হবে না;
ঈশ্বরের ভৃত্য তুমি, অন্তকে উচ্চ পদ দিয়ে তুমি সামান্য কার্য
ক'রে যাবে। ঈশ্বরের রাজ্যে অনন্ত কর্মক্ষেত্র রয়েছে, কর্মের
জগৎ, সেবার জন্ত ঝগড়া করবার প্রয়োজন নাই। তুমি যদি
মেথরের কার্যেও নিযুক্ত হও, তাহাও কৃতজ্ঞ অন্তরে গ্রহণ করবে
—এবং সম্বলিত্তে সমাধান করবে। তোমাকে কাজে নিগ না
ব'লে অভিমান করো না—কাজটি অসম্পন্ন থাকুক, সে ভাব
তোমার মনে যেন না আসে; যখনই তোমার কোনও রূপ সাহায্য
প্রয়োজন হবে, তখনই তাহা করবে। তুমি যে প্রভুও দাস—
তোমার প্রতিষ্ঠা, তোমার কাজের প্রতিষ্ঠা, ইহা তোমার লক্ষ্য
হবে না। ঈশ্বরের নামে এসেছ, তাঁর চরণে আত্মসমর্পণ করেছ,
তাঁর দাসত্ব গ্রহণ করেছ, আবার তোমার মনে অভিযোগ
আসেছে,—আমি এত কাজ করলাম, সমাজের, দেশের, মানবের
এত সেবা করলাম, এত স্বার্থত্যাগ করলাম, আমার আদম হলো
না, আমার প্রাপ্য লোকে দিল না, লোকে আমায় উপযুক্ত
সম্মান করল না! ইহা অবিশ্বাসী অভিযোগ; প্রভু যাহা দিবেন,
যে অবস্থায় রাখিবেন, তোমার জন্ত যে ব্যবস্থা করিবেন, অমান-
বদনে, সম্বলিত্তে, তাহাই গ্রহণ করিতে হবে,—অভিযোগ করবার
অধিকার নাই। কেবল দিখাই যাবে, পাবার জন্ত ব্যস্ত হবে
না। তোমার সেবা দিবার অধিকার আছে—কোনও কিছু
পাবার অধিকার নাই। হয়ত অনেক সময় কাজ করিতে যেরূপ
নিন্দা নির্ঘাতন বরণ করিতে হবে—তাহা ঈশ্বরের নামে মাথায়
মনি ব'লে গ্রহণ করবে।

জীবনপথে চলতে যেরূপ অনেক অবস্থা নিন্দা গানি সহ
করিতে হয়। যারা আপনার লোক তাঁরাও সব সময় সব কথা
না জেনে, না বিজ্ঞান ক'রে, নিন্দা করে। ধর্মসাধনের প্রধান
কথা এ—কাহারও বিরুদ্ধে অভিযোগ করবে না; আত্মপক্ষ
সমর্থন করবে না। কেহ অভিযোগ করলে, তাহার প্রতিবাদ
করবে না। অবশ্য তুমি যদি কোনও প্রতিষ্ঠানের সঙ্গে সংশ্লিষ্ট
থাক—আর সেই প্রতিষ্ঠানের অবস্থা নিন্দা হয়, অথবা তাহ

বিরুদ্ধে অভিযোগ হয়, তবে তুমি সেই প্রতিষ্ঠানের দোষ প্রকাশনের চেষ্টা করতে পার। অথবা তোমার ব্যক্তিগত নিন্দা সত্ত্বে গোপনে বন্ধু ভাবে যদি কেহ কিছু জানতে চায়, তাহা বলতে পার। কিন্তু সাধারণতঃ কাহারও বিরুদ্ধে লোকের কাছে, সমাজের কাছে, কিম্বা রাজদ্বারে অভিযোগ করবে না, তোমার বিরুদ্ধে অভিযোগ হ'লেও, নিন্দা মানি প্রচারণা হ'লেও, আপনার দোষকালনের চেষ্টা করবে না, আত্মসমর্পণ করবে না। ধর্মসাধনের পক্ষে এই নিয়মটি অবশ্য প্রতিপালন করতে হবে। আত্মসমর্পণ ধর্মসাধনার্থীর পক্ষে সঙ্গত নহে। সকলের কথা শুনে, নানা জন নানা পন্থা বলবে তাহা শুনে। কিন্তু কর্তব্য ঈশ্বরের দিকে চেয়ে নিজে স্থির করবে; অন্তে কিছু বললে, নিন্দা করলে, সঙ্কট করবে, প্রতিবাদ করবে না।

তর্ক করবে না। জীবনের প্রথম অবস্থায় তর্ক আসে; কিন্তু তর্কে উত্তেজনা জন্মে। তর্ক সব সময় সত্যনির্ণয়ের জন্ত হয় না। তর্ক হয় অনেক সময় বিতণ্ডা ও জল্পনা—আপনার মত-প্রতিষ্ঠা অথবা অন্য মতখণ্ডন—যে কোনও উপায়ে হউক। যদি কোনও কাজে তোমার মত কিম্বা অমত হয়—তুমি “হাঁ” কিম্বা “না” বললেই যথেষ্ট। যুক্তি তর্ক দ্বারা বুঝাতে চেষ্টা করবে না। অনেক সময় শুধু বা “না”রই শক্তি খুব প্রবল। অনেক সময় নীরবতার শক্তি অহুন্নজন্যনীয়। তোমাকে তর্কশাল্যে জড়িত করিতে চাহিলে তুমি তর্কে জড়িত হইবে না। নীরবে একটু হাসিবে, প্রয়োজন হইলে হয় সঙ্গতি না হয় অসঙ্গতি সূচক একটি ছুইটি কথা বলিবে—তর্কে যেনে পড়ো না। তর্কে উত্তেজনা আসে—তর্কে মানুষকে পরাধীন করিতে পারা যায় না।

চারি দিকে তর্ক উঠে, সাজ নাহি হয়,
কথায় কথায় বাড়ে কথা,
সংশয়ের উপরেতে চাপিছে সংশয়
কেবলি বাড়িছে ব্যাকুলতা।
এই কল্পনের মাঝে নিয়ে এস কেহ
পরিপূর্ণ একটি জীবন,
নীরবে কাটিয়া যাবে সকল সন্দেহ,
ধেমো যাবে সহস্র বচন।
অঙ্কুর নাহি যায় বিবাহ } বলে,
মানে না বাহর আক্রমণ,
একটি আলোকশিখা সম্মুখে ধরিলে
নীরবে করে সে পলায়ন।

তর্কশাল বিস্তার ক'রে পরিত্যক্ত করতে চাহিও না। জীবন দেখাও—পূর্ণ জীবন, পবিত্র জীবন, ঈশ্বরানুগত জীবন, খাঁটি জীবন—দেখাও, সব কলহ, সব তর্ক, সব কোলাহল ধেমো যাবে।

বহুভাষণ পরিত্যাপ করিতে হইবে। বহু বাক্য বলিতে খেলে সময় নষ্ট হয়, মনের পাত্তীর্ষ্য ও বৈধি নষ্ট হয়, অনেক সময় গভীরও অপলাপ হয়। এমনও দেখা গিয়াছে, সম্মুখে তর্ক আলোচনা চলিতেছে, একজন সাধু ও জানী সম্মুখে, যে বিষয়ে তর্ক ও আলোচনা চলিতেছে, সে বিষয়ে তিনি অজ্ঞ—একজন authority,—কিন্তু তিনি যেন কিছু জানেন না, এই ভাবে বসে

শুনে। এমনি তার বাক্যসংঘম ও সন্দেহ সন্দেহ চিত্তসংঘম—এইরূপ বাক্য সত্বে সংঘত হওয়া প্রয়োজন।

জীবনপথে অনেক ছুঃখ আসে, অনেক নির্ধাতন আসে, অনেক নিন্দা অপমান আসে, অনেক রোগ শোক আসে, প্রাণ ভেঙ্গে পড়ে। কত রকম বোঝা বহন করতে হয়। তুমি মুক্ত থাকতে চাও—তুমি যে বোঝা বইতে পার না! অপ্রত্যাশিত ভাবে তাহা ভগবান তোমার মস্তকে দেন। তুমি গরীব, তোমার উপরই দশজনের প্রতিপালনের ভার পড়ল, তোমারই প্রিয়জন রুগ্ন হ'য়ে পড়িল, ঔষধ পথ্যের ব্যবস্থা করতে পার না, শুশ্রূষা বন্দোবস্ত হয় না। তোমারই মাথা রাখবার স্থান নাই; তখন তোমারই আশ্রয় চাহিল দশজন। তোমার প্রিয়জন ওপারে চ'লে গেল, একটি যেতে না যেতে আর একটির ডাক এল, প্রাণ ভেঙ্গে পড়ল। কি করবে তুমি? এই বেদনা, এই ছুঃখ কত মর্শাস্তিক! তার পর যখন প্রিয়জন বিগড়িয়ে যায়, তুমি কত চেষ্টা করিতেছ, কত অশ্রুপাত করিতেছ, কত প্রার্থনা করিতেছ, কিন্তু সে যে প্রাণের বন্ধন ছিন্ন ক'রে দূরে চ'লে গেল, বিপথে গেল, কোথায় যেয়ে পড়ল—প্রাণ ভেঙ্গে পড়ে, আর যে পারা যায় না! তখন তুমি কি করবে? টহাও যে ঈশ্বরের বিধান, তাঁরই মঙ্গল ইচ্ছাতে হতেছে। তুমি প্রেম ভরে তাকে ডাকবে, প্রার্থনা করবে, অশ্রুপাত করবে। সকল সংগ্রাম ও পরীক্ষার প্রভুর দিকে তাকিয়ে থাকবে।

Whatever a man cannot amend either in himself or in others, he ought to bear patiently, until God orders things otherwise.

Consider that it may be advantageous that it should be so, for your trial and growth in patience, without which our good deeds are of little worth.

You ought, however, when you labour under such difficulties to pray that God would vouchsafe to help you to bear them meekly.

* * *

The degree of virtue any one possesses is best manifested in times of adversity. Trials do not cause human frailty but they serve to display what a man really is.

যদি কোনও মানুষ তাহার নিজের কিম্বা অপরের জীবনে যে সকল সংগ্রাম পরীক্ষা, ছুঃখ বেদনা আসে, তাহা গোপ করিতে না পারে, তবে ধৈর্য ও সহিষ্ণুতার সহিত তাহা তাহার সঙ্কট কর্তা উচিত—যে পর্যন্ত ঈশ্বর অন্তরূপ ব্যবস্থা না করেন।

হরত তোমার পরীক্ষা ও ধৈর্যশিক্ষার জন্তই এইরূপ ব্যবস্থা হইয়াছে। এই সংগ্রাম ও পরীক্ষা ছাড়া হরত আমাদের শুভ কার্যের কোনও মূল্যই থাকিত না।

তুমি যখন এইরূপ ছুঃখ বেদনা, সংগ্রাম ও পরীক্ষার মধ্যে পড়, তখন পরবেশের নিকট প্রার্থনা করিও, যেন তুমি বাহাতে এই সকল শাস্ত ভাবে বহন করিতে পার, তিনি তাহার সহায় হ'ন।

মাছুষ যখন দুঃখে বিপদে পড়ে, তখনই তাহার ভিতরে কতটা ধর্মভাব আছে, তাহার পরীক্ষা হয়। সংগ্রাম ও পরীক্ষা মাছুষের দুর্বলতার কারণ নহে; কিন্তু সে প্রকৃত পক্ষে কি, তাহাই উহার প্রকাশ করে।

ঈশ্বর শিবং—মঙ্গলময়। কেবল যখন আমরা সুখে সম্পদে থাকি, মিলনের আনন্দ সম্ভোগ করি, দশজনের আদর ও প্রশংসা পাই, তখন তাঁর প্রেম ও করুণার পরিচয় পাই, তাহা নহে; ঐ দুঃখে বিপদে, ঐ শোকে তাপে, ঐ প্রিয়জনের উপেক্ষায়—ঐ প্রিয়জনের যে বিপথগমনজনিত মর্মান্বিত বেদনা, তার ভিতরেও—প্রভুর মঙ্গল অভিপ্রায় রহিয়াছে—তাঁর প্রেম ও করুণার দ্বারা প্রবাহিত হইতেছে। এই ক্ষুদ্র জীবনেও মেগেছি দুঃখ বিপদ, বেদনার অশ্রুজলের ভিতর দিয়াই তাঁর স্পর্শ অনুভূত হয়, তাঁর করুণা, প্রেম ও মঙ্গল ভাব প্রকাশিত হয়। তিনি দুঃখ দিয়া, বেদনা দিয়া, উপেক্ষা অপমান দিয়া, নিজ কোলে টেনে নেন—প্রেম শিক্ষা দেন, ধৈর্য শিক্ষা দেন, সহ্য করিবার ও বোধ্য বহন করিবার শক্তি দেন। সুতরাং দুঃখ বিপদ, শোক তাপ, অপমান নির্যাতন, প্রিয়জনের উপেক্ষা—ইহা তুচ্ছ করিও না—তাঁর প্রেমের দান বলিয়া গ্রহণ করিবে, এর পিতরে তাঁর প্রেমের স্পর্শ অনুভব করিবে, তাঁর মঙ্গলময়ী মূর্তি দেখিয়া আনন্দ অনুভব করিবে।

কর্মবহুলতা ধর্মসাধনের প্রতিকূল। বর্তমান সময়ে কর্মক্ষেত্র বিস্তৃত, কিন্তু কর্মীর—প্রকৃত কর্মীর—সংখ্যা অল্প। যারা কর্মক্ষেত্রে অগ্রসর হয়, তাদের উপর অনেক কর্মেরই ভার আসে। কর্ম করিতে করিতেই অস্থির হ'তে হয়। তাহাতে কোনও কার্যই সুসম্পন্ন হয় না। আর, স্থির হ'য়ে একটু ঈশ্বর-চরণে বসবারও সময় থাকে না। কর্ম করিতে হবে, সকল শুভকার্যেই সহায়ত্ব থাকবে। কিন্তু কর্মের বহুলতা পরিহার করবে। প্রার্থনা সহকারে ঈশ্বরের ইচ্ছা বুঝে তোমার কর্ম বেছে ল'বে; বেশী কর্মের ভার ল'বে না। নীরবে নির্জনে একান্তে ঈশ্বরচরণে বসবার সময় রাখবে।

প্রতিদিন যতবার সম্ভব তাঁর চরণে বসতে হবে। আমাদের যে সামাজিক উপাসনা প্রণালী আছে—উষোধন, “সত্যং জ্ঞানমনস্তং ব্রহ্ম” মন্ত্র সাহায্যে আরাধনা, ধ্যান ও প্রার্থনা—অনেকে এই প্রণালীতে নির্জনে একান্তেও উপাসনা করেন। এই প্রণালী উৎকৃষ্ট। কিন্তু এই প্রণালী ব্যতীত অল্প প্রণালীতে যে হবে না, এমন কথা কেহ বলতে পারে না। ঈশ্বরের চরণে বসতে হবে—তিনি এই আছেন, তিনি আমার সম্মুখে পশ্চাতে—অন্তরে বাহিরে—আমাকে দেখছেন—ভাল বাসছেন—এই ভাবে তাঁর বিদ্যমানতা প্রতিমূহুর্তে অনুভব করে তাঁর আরাধনা ও ধ্যান করতে হবে। সব দিন সব সময় সকল স্বরূপ চিন্তা না-ও হ'তে পারে; সর্বোপেক্ষা প্রয়োজন প্রার্থনা। তাঁহাকে আমি ত প্রকাশ করতে পারি না, তিনি যখন প্রকাশিত হ'বেন তখন দেখব,—আমার সাধনায় নর, তাঁরই অবাচিত করুণায়, তিনি—অধম, অল্পপুরুষ যে আমি, আমার প্রাণেও—এসে দেখা দিয়েছেন। আমি তাঁর চরণে প'ড়ে থাকব; বসব, প্রভু দেখা দাও, আমি ছুয়ারে প'ড়ে আছি, কোলে তুলে নাও; আমি অধম,

তুমি আমাকে প্রেরণালিতে খোঁজ করে দাও। আমাকে দয়া কর, তুমি প্রকাশিত হও। আমি সাধন ভজন আমি মা, তবুও তোমার চরণে এসেছি; আমি মলিন, দুর্বল, আমার এই মলিনতা ও দুর্বলতা ল'য়ে তোমার চরণে এসেছি, আমার দুঃখ দৈন্ত ল'য়েই তোমার চরণে এসেছি, আমার এই অশ্রুজলের অর্ঘ্য ল'য়েই তোমার চরণে এসেছি; আমার শুক হৃদয়, প্রাণে প্রেম নাই, হৃদয়ে আশা নাই, তবুও তোমার চরণে এসেছি। দয়া কর, প্রকাশিত হও। অনেকে বলেন, প্রাণ যখন সরস থাকবে, যখন উপাসনার ইচ্ছা আগবে, তখনই ঈশ্বরচরণে বসবে। সাধুগণ সেরূপ বলেন না। মন যখন বিকিষ্ট থাকবে, চিন্তা যখন নীরস থাকবে, তখনও তাঁর চরণে বসতে হবে।

গাহি তব নাম শুক কণ্ঠে,
আশা করি প্রাণ পণে,
তোমার প্রেমের সরস বরষা
যদি নেমে আসে মনে।
সহসা একদা আপনা হইতে
ভরি দিবে তুমি তোমার অমৃত,
সেই ভরসায় করি পদতলে
শুভ হৃদয় দান।—

আশাযুক্ত হৃদয়ে তাঁর চরণে বসতে হবে। তুমি মলিন, তুমি দুর্বল, কিন্তু তাঁর করুণা অসীম। তিনি লোহা ছুঁয়ে সোণা করেন। তাঁর চরণে বসতে বসতে প্রাণ সরস হবে, হৃদয়ে আশা আগবে। তিনি কাহাকেও পরিত্যাগ করেন না। তিনি অন্যের নাথ, পাপীর বন্ধু, কাঙ্ক্ষালশরণ, পতিতপাবন। আশা ল'য়ে তাঁর চরণে বস। কেবল একবার ছুঁবার তাঁর চরণে বসলে হবে না। আর, বর্তমান সময়ে যেকোনো অনিচ্ছা সবেও, জীবনসংগ্রামের জল্প মাছুষের কর্মবহুলতা আসে, তাতে বেশী কণ একান্তে তাঁর চরণে বসা সকলের সম্ভব হয় না। তাই চলতে ফিরতে কর্মব্যস্ততার মধ্যেও তাঁকে স্মরণ করতে হবে। ব্রাহ্মণ লরেন্স বলেন, তাঁহার বিদ্যমানতা অনুভব করবার সাধন করতে হবে। “এই তিনি আছেন”, সব সময় এই ভাবটি জাগ্রত রাখতে হবে। তুমি নিয়মিত কার্যের মধ্যেও, এমন কি প্রণালীবদ্ধ উপাসনার মধ্যেও, সমস্ত সময় থেমে ভাববে এই ত তিনি রয়েছেন।

“জীবন্ত ঈশ্বর এই ত বর্তমান।” চলতে ফিরতে কর্ম ব্যস্ততার মধ্যে, মনে মনে তাঁর নাম জপ করতে পার; যুহু করে তাঁর নাম জপ অথবা কোনও সঙ্গীতের পদ গান করতে পার। কিন্তু কেবল পর আশুভাবে না, মনও যেন তাঁর দিকে ধারিত হয়। নামের মধ্যে যে নারী সাক্ষাৎ আছেন, সেদিকে যেন লক্ষ্য থাকে। এই সর্বদা তাঁহাকে স্মরণের অঙ্গাস বেশী কষ্টসাধ্য নহে। প্রথম প্রথম মন বিকিষ্ট হ'লে তখন মন টেনে আনতে হবে। ক্রমে সকল সময়ে তাঁহাকে স্মরণ করা সহজ হ'বে। এই ভাবে মনকেও নির্জনে, একান্তে একাকীকৃত্যে তাঁর চরণে বসতে হবে। মন যখন যিরে তাঁর নব-সীর্ষম, তাঁর উপাসনা, তাঁর প্রেম, তাঁর প্রেমের অধিষ্ঠিত মনোভাৱে

হবে। আকাশে বাতাসে, প্রকৃতি মধ্যে তিনি প্রকাশিত—
আহা রেণুতে হবে।

আহা অনল অনিলে, চির নভো নীলে,
সুধরে সাগরে পবনে,
আহা বিটপী লতায়, জলধির গায়,
শশী তারকার তপনে।

অকরে তিনি, বাহিরে তিনি, সর্বত্র তিনি; সকল দৃশ্যে, সকল
শব্দে, সকল স্পর্শে তাঁহারই অহুত্ব। এই ভাবে তাঁর চরণে
বসতে হবে। তাঁর সঙ্গ লাভ করতে হবে।

সাধনের সঙ্কেত করেকটি যাহা সাধুগণে শুনেছি, এহে পাঠ
করেছি, এবং জীবনের অভিজ্ঞতাতেও যাহার একটু একটু
আভাস পেয়েছি, তাহাই আমি আপনাদের সমক্ষে নিবেদন
করলাম। আপনারা আমাকে আশীর্বাদ করুন। তাঁহার স্পর্শ
লাভ করে কৃতার্থ হই।

সায়ংকালে তত্ত্ববিদ্যা সভার উৎসব উপলক্ষে পণ্ডিত শীতানাথ
তত্ত্বভূষণ “ভক্তিধর্মের প্রতিষ্ঠা” বিষয়ে একটি বক্তৃতা প্রদান
করেন।

১৬ই মার্চ (২৩শে জ্যৈষ্ঠ) বৃহস্পতি-
সন্ধ্যা—প্রাতে মন্দিরে ব্রাহ্মমহিলাদিগের উৎসব উপলক্ষে সংগীত
সমীক্ষণ ও উপাসনা। তাহাতে শ্রীমতী হেমলতা সরকার
আচার্যীর কার্য করেন। “নারীর প্রভাব” বিষয়ে তাঁহার প্রদত্ত
উপদেশ নিয়ে প্রকাশিত হইল :—

আজ এই উৎসবক্ষেত্রে ব্রাহ্মিকা ভগিনীগণের নিকট কি
প্রসঙ্গ উপস্থিত করিব সেই চিন্তায় মন আকুল হইতেছিল। এই
উৎসবক্ষেত্রে অনেক তরুণবয়স্ক কন্যারা উপস্থিত হয়েছেন—
যারা আজও সংসারে প্রবেশ করেন নাই কিন্তু একদিন করিবেন—
আর অধিকাংশ ভগিনীই সংসারধর্মে প্রবৃত্তা আছেন। আমাদের
দেশে সাংসারিক জীবন গার্হস্থ্যগ্রাম নামে অভিহিত। গৃহধর্ম-
পালন ধর্মসাধনের অঙ্গ। আর্ষা ঋষিগণ সমগ্র মানবজীবন
ধর্মসাধনের ক্ষেত্রে বলিয়া ভাবিতেন। সাংসারিক সুখ উপভোগ
মানুষের চরম নয়, ধর্মসাধনই চরম। সেই দিকে লক্ষ্য রাখিয়া
মানুষকে আজীবন চলিতে হইত। বর্তমান কালে প্রাচীন
সংসার শিথিল হইয়াছে—তাহার সঙ্গে সঙ্গে ধর্মের বন্ধনও শিথিল
হইয়াছে। ধর্মের শাসন সেই শাসন যাগতে মানুষ খেছা-
কেনে আবদ্ধ হয়। তাই ধর্মের অধীন হওয়া মানুষের পক্ষে
স্বীকার্যকর নয়। এ সংসারে যথার্থ ধার্মিকের বড় অভাব, কিন্তু
ধর্মের আশ্রয় লাভ করিবার জন্য ব্যাকুল নয় এমন মানুষ
সংসারে কম। ব্রাহ্মধর্মের উপদেশ—প্রকৃত ধর্ম লাভ করিতে
হইলে, এই সংসার-তপস্বসেই এই ধর্ম সাধন করিতে হয়।
এই সংসারে ধর্মিকমাই ধর্ম লাভ করা যায়—সুখ লাভ করা যায়
তন্য। ধর্মসাধনের ক্ষেত্র স্থান হইল এই সংসার—অর্থাৎ আমাদের
গৃহ পরিবারেও সমাজে, সামাজিক জীবনে এবং সাংসারিক
জীবনে, পূর্বক প্রতিষ্ঠিত করাই আমাদের জীবনের উদ্দেশ্য।
পরিবারে একওপক্ষে ধর্মের প্রতিষ্ঠা করা বিষয়ে নারীর কৃত
নিবেদন নারীর প্রভাব বিস্তার। আজ আমরা তাহাই বলি।

প্রথমেই বলিতেছি আমি সেই দলভুক্ত নই, যারা বলেন
শিকা দীক্ষা করে নরনারীর কোন প্রভেদ নাই। নিশ্চয়ই
আছে—একের যারায় যাগ স্চাকরূপে সম্পন্ন হয় তাহা অপরের
যায় হয় না। পুরুষ যাহা পারে, নারী যে তাহা পারে না
তাহা নয়—কিন্তু যাহা পুরুষের পক্ষে যোগ্য তাহা হয়ত নারীর
পক্ষে শোভন না হইতেও পারে। এখানে সক্ষম অক্ষমের কথা
নাই—বিধাতানির্দিষ্ট কোন্ কাছ কাহার, তাহাই বিচার
করা উচিত।

নরনারীর বিভিন্নতা আছে বলিয়াই বিধাতা পুরুষ নারীকে
বিভিন্ন প্রকৃতি, বিভিন্ন শক্তি দিয়া সৃষ্টি করেছেন। আকৃতিগত
পার্থক্য কত একবার চিন্তা করিয়া দেখি। পুরুষের আকৃতি
দীর্ঘ ও বলিষ্ঠ—নারী দেহের শক্তিতে পুরুষের চেয়ে কম—কিন্তু
নারীর প্রাণ-শক্তি বেশী, পুরুষ যাহা সহ্য করিতে পারে না, নারী
তাহা পারে। চিকিৎসকগণ জানেন, পুরুষ অপেক্ষা নারীর
বাঁচিবার ক্ষমতা অধিক। প্রভেদ কেবল মানুষে তা নয়, পশু
পক্ষীদের ভিতরও আকৃতি প্রকৃতিতে কত প্রভেদ! নারীর
বিশেষত্ব আছে বলিয়া বিশ্বাস করি—এখানে শ্রেষ্ঠত্বের বিচার নয়,
বিশেষত্বের বিচার। নারী হইয়া জন্মিয়াছি বলিয়া একটুও
পরিতাপ করি না, বিশেষতঃ ভগবানের কৃপায় যখন ব্রাহ্মসমাজের
ক্রোড়ে জন্মগ্রহণ করেছি। ধর্মরাজ্যেও অধিকারের কোন
প্রভেদ নাই—ভগবানের ঘরে পুরুষের যতখানি অধিকার নারীরও
ততখানি—বেশী না হোক। মাতৃপিতৃক্রোড়ে পুত্র কন্যার
সমান অধিকার। অধিকারের সাম্য যতই কেন প্রচার না করি,
নারী-চরিত্রের বিশেষত্ব আছে—সেই হেতু বিশেষ অধিকারও
আছে!—আর কোথায় না হোক, গৃহ পরিবারে আছে। নারীকে
মধ্যবিন্দু করিয়াই গৃহের প্রতিষ্ঠা। গৃহিণীম্ গৃহমুচ্যতে—
গৃহিণীই গৃহ।

যে গৃহে নারী নাই—গৃহিণী নাই—সে গৃহ গৃহই নয়। যদি
এমন কোন গৃহ থাকে যাহা আহার করিবার ও শয়ন করিবার
স্থান, তবে কি সে গৃহ? ইউরোপে এমন কত স্থান আছে—
যেখানে মানুষ আহার করে, আরাম করে, নিদ্রা যায়—দিনের
পর দিন কাটায়। সেটা বাস করিবার স্থান হ'লেও তাহা
গৃহ নয়। নারীকে অবলম্বন করিয়া আমাদের গৃহ পরিবার গড়িয়া
উঠে। এই গৃহ পরিবার স্বর্গের স্নায় রমণীয় স্থান হইতে পারে,
এবং নরকের স্নায় কুৎসিত স্থানও হইতে পারে। জনৈক ইংরাজ
কবি এ সংসারকে Vale of tears অর্থাৎ চক্ষের জলের দেশ
বলেছেন। সংসারে কি মানুষ কেবল কাঁদিতেই আসে? না—
মানুষ হাসিতেও আসে না বা কাঁদিতেও আসে না। মানবাত্মা
এখানে শক্তি সঞ্চয় করিতে আসে, গঠিত হইতে আসে। পক্ষী-
শারক একদিন অনন্ত আকাশে পাখা ছুটি মেলিয়া উড়িয়া যায়—
কিন্তু তৎপূর্বে বাসায় থাকিয়া পাখাতে বল সঞ্চয় করে। উড়িবার
ক্ষমতা হয়। আমাদের এ জগতে বাস এখানকার ভোগ
স্বখে নিমগ্ন থাকিবার জন্ত নয়—বৃহৎ অট্টালিকা নির্মাণ করিয়া
তথায় বাস করিবার জন্ত নয়—কুবেরের ধন সঞ্চয় করিবার জন্ত
নয়—কিন্তু অর্জাণনে অনশনে, তৎক্ষণে গৃহকোণে পড়িয়া কবে
তত্ত্বঃখ যোচন হইবে, কবে যম আসিয়া সকল জালা ধর

করিবে বলিয়া পড়িয়া থাকি নহ, কিন্তু অনন্ত পথের বাজী এই মানবাত্মাকে জানে প্রেমে পুণ্যে, আনন্দে, সবল হবার জন্তই এ পৃথিবীতে বাস। অনন্ত বিমানে উড়ে যেতে হবে সে কথা তুলে থাকলে কি হবে? যেতে যে হবে তাতে যে সংশয় নেই—আত্মাকে সবল পুষ্ট করতে হবে যে, সেই জন্ত ভববাস। এই মানবাত্মা সবল পুষ্ট হবে কোথায়? এই জননীর কোলে—এই গৃহ পরিবারে, যেখানে জননী অধিষ্ঠাত্রী দেবী, যেখানে নারী সর্বময়ী কর্তা—সেখানে। উদ্যানে বৃক্ষ রোপণ ক'রে, তাহাতে দিনের পর দিন জল সেচন ক'রে, তাহার শ্রীবৃদ্ধিসাধন করা যেমন মালীর কাজ, তেমনি তরুণ আত্মাগুলিকে গৃহের নিভৃত শান্তিময় ছায়ায় যত্নে প্রতিপালন ক'রে, তাহার শ্রীবৃদ্ধি ও বিকাশ-সাধন করা নারীর কাজ! যদি আর কারো সঙ্গে পারিবারিক জীবনে নারীর তুলনা করা সম্ভব হয়, তবে সে মালির কাজের সঙ্গে। একবার ভেবে দেখি ভগবান নারীকে কি গুরুতর কণ্ঠের ভার দিয়াছেন—জগতের তাবৎ মানবাত্মার প্রতিপালন পরিপোষণ ও গঠনের ভার! কত বড় দায়িত্ব! কত বড় গৌরব ভগবান নারীকে দিয়াছেন! যথার্থ এ দায়িত্বজ্ঞান যাহার আছে, কত বড় মহিমাময়ী সেই নারী! তিনি আমাদের নমস্কা! মানবজাতির পরম বন্ধু!

ভয়িগণ! আজ সত্বসর পরে এই উৎসবক্ষেত্রে নারীর এই মহীয়সী মূর্তির কথা স্মরণ করাইয়া দিবার জন্ত আসিয়াছি। নারীর প্রভাবে কি কল্যাণ সংসারে হয় তাহা দেখিয়াছি—আর নারীর দোষে কি সর্বনাশ সংসারে হয় তাহাও দেখিয়াছি। একজন নারীর প্রভাবে তার পতি পুত্র কন্যা সকলের চিরজীবনের কল্যাণ সাধিত হয়—আর নারীর দোষে পতি পুত্র কন্যার দুর্গতির এক শেষ হয়। আমি একে একে নারীর প্রভাবে কি হয় তাহাই বলিতেছি। আমরা দেহ মন আত্মা সমন্বিত জীব—আমরা দেহী, আমরা আত্মিকও বটে। প্রথমে দেহের কথা বলি—শিশুর এবং পরিবার পরিজনদের স্বাস্থ্যরক্ষার ভার প্রধানতঃ নারীর উপর। নারী অজ্ঞ অশিক্ষিতা হইলে, স্বাস্থ্যতত্ত্ব না জানিলে, পদে পদে পরিজনদিগের স্বাস্থ্যভঙ্গ হয়—গুরুতর পীড়া হয়। অবশ্য যেখানে পুরুষের উপার্জন শক্তি কম, সেখানে নারীর শত চেষ্টায়ও স্বাস্থ্যের অক্ষুণ্ণ আয়োজন করা সম্ভব হয় না। সুতরাং এ দায়িত্ব সম্পূর্ণরূপে নারীর উপর দিতে পারি না। তবে নারীর চেষ্টায় অনেক দূর হয়। অনেকে হয়ত বলিবেন, তবে কি নারী অর্থ উপার্জন করিয়া আনিবে? শিশুর জননীকে আমি বাহিরে গিয়া অর্থ উপার্জন করিয়া আনিতে বলি না। কিন্তু যেখানে কোন বাধা নাই সেখানে করিলে অর্থের আত্মকুল্য হয়। নারী কি প্রকারে গৃহে বসিয়া অর্থের আত্মকুল্য করিতে পারেন তাহা সত্য ঘটনা হইতে দৃষ্টান্ত দিতেছি:—

একজন ভদ্রলোক অপর এক বন্ধুর সঙ্গে চা-বাগান জয় করেন—দুর্ভাগ্যক্রমে ব্যবসার পতন হইল। ভদ্রলোকটির কয়েক দশ হাজার টাকার ঋণের বোঝা পড়িল—তার আর তখন মাসে ১০০ টাকা। তিনি ভাবিয়া আকুল, ১০০ টাকা হইতে দ্বী ও দুইটা সন্তান প্রতিপালন করিয়া কি প্রকারে দশ হাজার টাকা

ঋণ শোধ দিবেন। তার মনস্থিতি পত্নী সহায় হইলেন—বলিলেন, “তুমি দশ টাকা ঘরভাড়া দিয়া মাসে মাসে ২০ টাকা ঋণ শোধ কর, আমি সংসার চালাইবার ভার লইলাম।” কি সাহসের কথা! এই নারী কি করিলেন? কিছু টাকা ঋণ করিয়া এক-জোড়া বলদ ও গরুর গাড়ী ক্রয় করিলেন। গরুর গাড়ীর আয়ে সংসার কোন মতে চলিতে লাগিল। ক্রমে দুই খানি গরুর গাড়ী হইল এবং মাসে ১০০ টাকা আয় দাঁড়াইল। ক্রমে পতিরও আয় বাড়িতে লাগিল। দশ বৎসরের দিবানিশি প্রমে ও চেষ্টায় দশ হাজার টাকার ঋণ শোধ হইল, তারপর মিতব্যয়িতা ও অম-শীলতার গুণে তাঁদের অর্থ সঞ্চিত হইতে লাগিল। ক্রমে বাড়ী-ঘর বিষয় সম্পত্তি সবই করিয়া বসিলেন। এখানে গৃহিণীর চেষ্টা ও অমশীলতার গুণে পতি এত গুরুতর ঋণের বোঝা হইতে মুক্ত হইলেন। আর কত নারী আছেন, যাঁদের অভাব মিটাইবার জন্ত পতিকে ঋণগ্রস্ত হইতে হয়। নারীর হাতে পুরুষের উপার্জিত ধনের ব্যয়ভার—গৃহিণী যদি কুলাইতে না পারেন, পুরুষ শত চেষ্টা করিয়াও পারে না। যে নারী আর বুদ্ধি বা ব্যয় করিতে জানে না, তাকে সাধ্য কি কেহ শিখায়? এই ত গেল স্বাস্থ্য এবং ব্যয়ের কথা।

তারপরে বলি সদাচার। সন্তানকে সদাচার কে শিখাইতে পারে জননী ভিন্ন? এই সদাচারের ভিতর সুশিক্ষা—শিষ্টতা ও সত্যপরায়ণতা আসিয়া পড়ে। জননীর ঐকান্তিক যত্ন ভিন্ন এগুলি সন্তানে বর্তে না। যেমন হাঁড়ির একটি ভাত টিপিয়া সে হাঁড়ির ভাত স্থলি হইয়াছে কিনা বলা যায়—তেমনি কোন পরিবারের একটা সন্তানের আচরণ দেখিলে জনক জননী কি প্রকার প্রভাব জানা যায়। শিক্ষাব্যাপারে অনেক দিন হ'তে ব্যাপৃত আছি। পারিবারিক শিক্ষার প্রভাব কতদূর যায় তাহা প্রত্যক্ষ করিয়াছি। এক এক পরিবারের বিশেষ ছাপ লইয়া সমস্তগুলি সন্তান এক বিশিষ্ট চরিত্র লইয়া মাতুল হয়। এই প্রকারে সমাজে এক এক পরিবারের খ্যাতি এতদূর বিস্তৃত হয় যে, সেই পরিবারের নাম করিলেই, যেখানেই সেই পরিবারের কেহ যায় সেখানেই আদৃত হয়। এই যে শুভফল সকলে বাহিরে প্রত্যক্ষ করেন, ইহার মূলে গভীর ভাবে অহুসঙ্কান করিলে নিশ্চিত জনক জননী প্রভাব দেখিবেন। ঈশ্বরচন্দ্র বিদ্যা-সাগর দয়ার সাগর বিদ্যাসাগর হইতেন না—যদি তিনি ভগবতী দেবীর গর্ভে না জন্মিতেন। নেপোলিয়ান কখনও দিগ্বিজয়ী বীর হইতে পারিতেন না, যদি বমোলিনী লিটিসিয়ার গর্ভে না জন্মিতেন। সন্তানের ভিতর দিয়া জনক জননী সৃষ্টিয়া উঠেন। ইহা নিশ্চিত! নিশ্চিত! নিশ্চিত! ইহার বড় সত্য কথা আর নাই। নারী এ জগতে সুসন্তান রাখিয়া বাইতে পারেন; ইহা অপেক্ষা অধিক কল্যাণ জগতের আর কি হইতে পারে? সুসন্তান কখন হয় না, সুমাতা না হইলে। একবার সন্তানকে স্তনপান করাইতে করাইতে জননী চিন্তা করুন ত একটা অমরাত্মা কোলে করিয়া বসিয়াছেন—অনন্ত পথের বাজী আপনার কোড়ে আজ শায়িত। আহা! কি মহান অধিকার! সূত্র নারীর! এত বড় অধিকার ভগবান নারীকে দিয়াছেন—অনন্ত পথের বাজী অমরাত্মাকে প্রতিপালন করিবার সুমহান

দায়িত্ব। ভক্ত দাতার বিষয় ভূনিয়াছি—তিনি পথে ভুলিলেন যে তাঁহার পুত্র কল্পিয়াছে, অমনি ঘোড়-করে বলিয়া উঠিলেন—

“এ অনন্ত পথের যাত্রী কে তুমি আজ এই দীনের গৃহে পদার্পণ করিলে? আমি কি প্রকারে তোমার অভ্যর্থনা করিব?”

এমনি শ্রদ্ধার সহিত কোলের সন্তানকে দর্শন করিতে হয়। সন্তান পরম আদরের ধন কেন? বিধাতার মহান দান বলিয়া। সেই সন্তানের দেহ মন আত্মার পরিচয়্যার ভার নারীর উপর। কতখানি জ্ঞান, কতখানি বিশ্বাস, কতখানি ধৈর্য, কতখানি সহিষ্ণুতা, কতখানি প্রেম ভক্তি থাকিলে তবে নারী যথার্থভাবে আপন কার্যা পালন করিতে পারেন! অনেক সুশিক্ষিতা মাতাকে দেখিয়াছি—সন্তানের স্বাস্থ্য এবং বিজ্ঞাশিক্ষার কথাই ভাবেন, কিন্তু দেহবাসী আত্মা দেহ হইতে কত মূলাবান—তার কল্যাণের কথা, তার পোষণের কথা একবারও ভাবিতে হইবে না? আমরা সহজে কেহ ভাবি না। সন্তান অতুল্য থাকিলে, পীড়িত হইলে, আমাদের দুঃখের অবধি থাকে না—কিন্তু সন্তানকে ধর্মভাবশূন্য দেখিলে, বা ভগবানের প্রতি বীতশ্রদ্ধ দেখিলে কাতর হই না। কয়জন জননী আছেন, যিনি সেন্ট আগষ্টিনের মাতা মণিকা দেবীর জায় প্রতিদিন ভগবানের চরণে চক্ষের জলে ভাসিয়া কাঁদিয়া বলেন, “ভগবান, আমার সন্তানের হৃদয় ফিরাইয়া দাও—তোমার প্রতি তার মতি হোক।” আমরা ঘোরতর অবিশ্বাসী, স্থূলবুদ্ধিবিশিষ্ট, তাই পার্থিব স্তম্ব স্বাচ্ছন্দ্যকে সর্বোপরি স্থান দিয়াছি। আত্মার কল্যাণের কথা ভুলিয়া গিয়াছি। অনেকে হয়ত জিজ্ঞাসা করিবেন, সন্তানের ধর্মশিক্ষার জন্ত কি করিব? আর কিছু করিতে হইবে না, নিজের জীবনে ভগবানের প্রতি অচলা ভক্তি ও বিশ্বাসকে স্থান দিতে হইবে। নিজের প্রাণে ধর্মের আশ্রয় জালাইতে হইবে। অনেক পরিবারে দেখিয়াছি, ক্ষুদ্র ক্ষুদ্র বালকবালিকাকে প্রার্থনা করিতে শেখান হয়, তাহা কদাচ উচিত নয়। ভগবান রূপা করিয়া আমাদের যে জনক জননীর ক্রোড়ে স্থান দিয়াছিলেন, তাঁদের জীবনের দৃষ্টান্তে আমি যথা শিখিয়াছি, তাঁদের মুখের কথায় আমি তাহা শিখি নাই। আমার পিতা আমাদের কখন উপাসনা করি কি না জিজ্ঞাসা করেন নাই, কোন দিন উপাসনা করিতে বলেন নাই। তবে ভগবানের জন্ত মাহুষ কতদূর ত্যাগ করিতে পারে, কত বড় কঠিন দুঃখ দারিত্র্য বরণ করিতে পারে, প্রেমে পরকে কি করিয়া আপন করিতে পারে, তা প্রতিদিন স্মৃতি কাণ্ডে দেখিয়াছি। মৌখিক উপদেশের প্রয়োজন গৃহে ছিল না, আর বেদীর উপরে বসিয়া যে বাক্য উচ্চারণ করিতেন, বৃত্তিময় তাহা তাঁর জীবন্ত দৃষ্টান্তের প্রতিধ্বনি। সে বাক্য জলন্ত গোলার জায় প্রাণে আসিয়া পড়িত। যার আছে সেই দিতে পারে—যা নাই তাও তা নাই ব্রহ্মাণ্ডে। সর্বপ্রাণে আমাদের নিজে একত্ব হইতে হইবে। বাহিরের উপায়ে নয়—নয়—নয়। আমাদের চিন্তা বাক্য কার্য যেন এক হয়। নাগীকেই নিজের সংসারটী প্রেম শান্তি ও আনন্দের আলয় করিতে হইবে। তিক্ততা কঠিন বাক্য একেবারে পরিহার্য—প্রাণ মধুসর, চক্ষু প্রসন্ন, বাক্য সুমিষ্ট, আচরণ শোভন, এই নারীর

বিশেষত্ব। যেখানে প্রেম, সেইখানেই শান্তি এবং আনন্দ! বরং প্রেম শান্তি অনেক পরিবারে দেখি—কিন্তু আনন্দ কচিৎ কোন গৃহে দেখা যায়। গৃহে কলরব নাই, কলহ নাই, বাক্য-বিতণ্ডা নাই—কিন্তু নিরানন্দ পরিবার! কাহারো মুখে প্রসন্নতার উজ্জ্বল কান্তি নাই, বাড়ীতে কোন আনন্দ উৎসব নাই—এভাবে সুস্থ মানবাত্মার পক্ষে স্বাভাবিক অবস্থা নহে। ধর্মের ভিতরও আনন্দের স্থান অতি উচ্চ। ভগবানেও আনন্দধরূপ হইতেই এই বিশ্বসংসার প্রসূত। তিনি সং অর্থাৎ আছেন, তিনি চিৎ অর্থাৎ চিন্ময়, প্রাণরূপে ব্যাপ্ত—তিনি আনন্দম্, পরিপূর্ণ আনন্দম্। ভক্তের প্রাণে যদি অনাবিল আনন্দ না থাকে, তবে এ সংসারে আনন্দ করিবে কে? মহর্ষি দেবেন্দ্রনাথের ঋণানঘাটে আনন্দ-মন্ত্রে দীক্ষা হ’ল—এরূপ আনন্দে দীর্ঘজীবন মগ্ন রহিলেন যে চক্ষু আর কোন দিকে ফেলিতে পারিলেন না। তাঁর আত্ম-চরিতে দেখিতেছি তিনি বলিতেছেন—“যে রাত্রিতে তাঁর ঘনিষ্ঠ সহবাস অমূল্য করিতাম মত্ত হইয়া অতি উচ্চৈঃস্বরে বলিতাম—‘আজ আমার এ সভাতে দীপ আনিও না। আজিকার রাত্রিতে সেই পূর্ণচন্দ্র আমার বন্ধু এখানে বিরাজমান।’ তিনি দিবানিশি পরমানন্দে মগ্ন থাকিতেন। ধার্মিকের মত আনন্দ সন্তোষ করে কে? আনন্দ হইল মনের খাচ, আনন্দ না হইলে মন বাড়ে না—মন প্রসন্ন না থাকিলে দেহ সুস্থ হয় না। শিশুর প্রাণে এত আনন্দ কেন? ভগবান তার পোষণের জন্ত প্রাণে আনন্দধারা ঢালিয়া দিয়াছেন; তাই শিশু খেলা করিয়া সেই স্বাভাবিক আনন্দ ব্যক্ত করে। আনন্দ না হইলে আত্মার শ্রীবুদ্ধি অসম্ভব—সে আনন্দ স্বাভাবিক নির্দোষ হওয়া চাই। স্বাভাবিক আনন্দ? ভগবানের রূপা অল্পস্বধারে উপভোগ করবার আনন্দ? আমরা অন্ধ! আমরা অন্ধতম! তিনি অল্পস্বধারে রূপা বর্ষণ করছেন, তা প্রতিদিন স্বীকার করি না, কৃতজ্ঞতাভরে প্রতিদিন তাঁকে প্রণাম করি না। সে কৃতজ্ঞতা ও আনন্দ পরিজনদিগকে বণ্টন করিয়া দেওয়া চাই। আমাদের এই দুঃখদুর্গতিলাঞ্ছিত দেশে আনন্দের বড় অভাব—গৃহ পরিবারের সকলকে লইয়া সে আনন্দ সন্তোষের বড় অভাব। গৃহে নির্মল, অনাবিল আনন্দ পাইবার পথ নাই, তাই বাহিরে বলুণ্ডিত আনন্দ লাভ করিবার জন্ত সন্তানেরা বাহিরে ছুটিয়া যায়। থিয়েটার, সিনেমার তাই এত আদর! আমরা মনের খোরাক দিতে জানি না—মনে ভাবি, ভাল কথা শুনি, উপাসনামূলে বসিলেই বুঝি ভাল হওয়া যায়। সুশিক্ষার সেই একমাত্র উপায়। ইউরোপে যারা মনস্তত্ত্ববিদ এবং শিশুশিক্ষার বিষয়ে বিশেষ ভাবে চিন্তা করেন, তাঁরা শিশুর শিক্ষাগত জীবনে, আনন্দের বা খেলার স্থান অতি উচ্চ রাখিয়াছেন। আনন্দের ভিতর দিয়া যাহা না আসে, যাহাতে রস পাওয়া যায় না, শিশুরা তাহা গ্রহণ করিতে পারে না। শিশুকে আনন্দদান শিক্ষকের অবশ্য কর্তব্য—ভৃত্যোদিক কর্তব্য মাতার! সেখানকার মাতারা একথা বোঝেন, তাই জননী শিশুর সহিত প্রাপন্ন দিয়া খেলা করেন, মাঠে নিয়া শিশুর সঙ্গে দৌড়াদৌড়ি করেন। শিশুকে আমাদের দেশের মত অল্প আদর বা প্রিয় দেওয়া হয় না,

আবার আমাদের মত শিশুকে অবজ্ঞাও তাঁরা করেন না। শিশুকে সঙ্গ দেওয়া, আনন্দ দেওয়া, নানা উপায়ে শিক্ষা দেওয়া জননীর কর্তব্য। আমাদের দেশের চেয়ে, তাঁদের দেশে শিক্ষা-পদ্ধতি তাই উৎকৃষ্টতর। শিক্ষার উদ্দেশ্য হইল দেহ মন আত্মার শ্রীবৃদ্ধিসাধন। সকল দেশেই দৈনিক ও মানসিক শিক্ষার প্রচুর আয়োজন হইতেছে—আত্মার কথা ভুলিলে চলিবে কি? আমরা এই সার কথা ভুলিয়া যাই বলিয়া জীবনে সর্বপ্রকার অহলাণ ডাকিয়া আনি। নারীজীবনে দায়িত্ব কতখানি ভুলিলে চলিবে না। বাহারা গৃহপক্ষে প্রবেশ না করিলেন, তাঁদের গুণও এই কার্যের পথ পড়িয়া রহিয়াছে। নারীর হাতে অপরের ভার পড়িবেই পড়িবে। আর যদি কাহারও জীবনের সুখ দুঃখের কথা গবিবার না থাকে, তবে তাঁর মত আর দুর্ভাগ্য কার? ভগবান নিজের স্বার্থের বাহে চুরিয়া মরিতে আমাদের এ সংসারে পাঠান নাট—নিজে বাঁচিব অপরকে বাঁচাইতে চেষ্টা করিব। একজন মাতৃশ দশজনকে রক্ষা করে, শত জনকে রক্ষা করে। বুদ্ধ ক্রীড়া মহম্মদ কোটা কোটা মানুষের জীবনপথে আলোকরশ্মি বিকীর্ণ করেছেন। নিশ্চয়ই আমরা তাহাদের চরণের যোগ্য নই—আমরা মৈত্রীময়ী নই, গার্গী নই, মীরাবাই নই—কিন্তু আমরা সকলে বিশ্বজননীর কন্যা। আমাদের কি তিনি প্রেম ভক্তি ভালবাসা কিছুই দেন নাই? চক্ষের উপর দৃষ্টান্ত পড়িয়া আছে—স্বপ্নবাদিনী দেবী অঘোরকামিনী কি করিতেন? তিনি কি নিজের জীবনে, গৃহ পরিবারে, ধর্মকে সর্বোপরি স্থান দেন নাই? জননীকে ভুলিয়া কি কোন দিন একখানি চরণ বাড়াইয়াছেন? কোন কাজ করিয়াছেন? বা কোন কথা বলিয়াছেন? তাঁর পতি পুত্র কন্যা সকলই ছিল—কিন্তু সর্বোপরি ছিলেন বিশ্বজননী তাহার হৃদয় জুড়িয়া! শত সহস্র বিপদ পার হইয়া গিয়াছেন ঐ নামের জোরে। অঘোরকামিনী একদিন ভারতে লিখিতেছেন:—“আমার প্রার্থনা এই—আমি আসিয়াছি এই জগৎ যে, দুঃখকে ক্লেমন করিয়া সুখে পরিণত করিতে হয়, তাই শিগিব ও জগৎকে শিখাইব। তবে কেন সুখ চাই? মা তাই বল যেন সুখ না চাই।” অঘোরকামিনীর জীবনসংগ্রামের সাক্ষ্য তাঁর সাধক পতি এই প্রকারে দিয়াছেন—“দেবি! চিরজীবন আমার পার্শ্বে থাকিয়া বীর নারীর মত ম’য়ের আস্থান গুনিয়া চলিয়াছিলে—এ সংগ্রামে কত ক্ষতবিক্ষত হইয়াছি, কেমনে দেহের শোণিত শুষ্ক করিয়া, সুখ ও আরাম বন্দন দিয়া, বিশ্বাসের, সেবার ও চিন্ময় যোগের পতাকা ধরিয়া রহিয়াছি—চিরজীবন পাশে পাশে থাকিয়া আমি তাহা দেখিয়াছি।” বাস্তবিক পতির এই সাক্ষ্য অতি বড় সাক্ষ্য! বাহিরের লোকের নিকট অতি সহজে বাহবা পাওয়া যায়—কিন্তু খার বিষয়ে পরমাখ্যায় ও নিকটতম জন এমন সাক্ষ্য দিতে পারেন তাঁর জীবন ধরা। অঘোরকামিনী বাহা পারিয়াছিলেন তাহা আমরা পারিব না কেন? তিনি প্রার্থনাকে জীবনের অঙ্গভঙ্গ বলিয়া গ্রহণ করিয়াছিলেন। বড় বড় কর্ম ও বড় বড় ব্যক্তির সাক্ষ্য নয়—প্রতিদিনের প্রতি মুহূর্তের চিন্তা বাক্য কাব্য ভগবৎভক্তি ও বিশ্বাসের পরিচয় দেয়। এ কথা কেহ বলিতে পারে না

যে, ধর্মসাধন করিবার সময় নাই। ধর্ম বাহিরের জিন্সা কলাপ নয়. আচরণ নয়—তাহা অন্তরের ভাব, তাহা প্রগাঢ় অমুক্তি। আপনার জনকে ভালবাসিবার যেমন সময়ের অভাব হয় না, তেমনি বিশ্বজননীকে ভক্তি করিবার সময়ের অভাব হয় না। ধর্মসাধনে যে কর্মই করি, তাহা আমার বিশ্বজননীর সেবা। পরিবার পরিজনদের সেবাও এই শ্রেণীভুক্ত। সকল নারীই পরিজনদের সেবা করেন, কিন্তু সকলেই বিশ্বজননীর সেবা করেন না। ভগবানের নাম যাহাতে স্পর্শ করান যায় তাহাই অমৃত হইয়া যায়। এই প্রকার অমৃতপান করিতে শিখিয়াছি কি? অগ্রে নিজের অন্তরের দিকে চাইতে হইবে, আত্মার কিসে সঙ্গতি হয় সেই কথা ভাবিতে হইবে। তৎপরে গৃহপরিবার আত্মীয় স্বজনের কল্যাণচেষ্টা, তাহাদের দেহ মন আত্মার পরিচর্যা। পরিবারসকলের সমষ্টি সমাজ—নিজের এবং পরিবার পরিজনদের কল্যাণের বিষয়ে উদাসীন থাকিয়া কে সামাজিক কল্যাণের চেষ্টা করিতে পারে? সুত্রে যেমন রত্ন গাঁথা থাকে, তেমনি আত্ম-কল্যাণের সঙ্গে পারিবারিক, সামাজিক সকল প্রকার কল্যাণ গ্রথিত আছে। একটা ছিঁড়িয়া গেলে সবই ছিঁড়িয়া যায়। কিম্বা বৃক্ষের যেমন শিকড়, কাণ্ড, ডাল পলা, ফুল ফল। শিকড় থাকিলে বৃক্ষ সজীব থাকে, সময়ে পত্র পুষ্প সবই দেগা দেয়। আমাদের আত্মা হইল সেই শিকড়, তাহার বলাণে বিশ্বের কল্যাণ, তাহার প্রসন্নতায় জগৎ প্রসন্ন, তাহার আনন্দে জগতের আনন্দ! দেবী অঘোরকামিনীর ত্রাণ যেন বলিতে শিখি, “দুঃখকে সুখে পরিণত করিব বলিয়াই জগতে আসিয়াছি”। আমি বলি “নিজে বাঁচিব পরকে বাঁচাইব বলিয়াই জগতে আসিয়াছি”। নারী গৃহের কল্যাণরূপিনী অধিষ্ঠাত্রী দেবী। যে স্থানে নারী পদার্পণ করিবে, আনন্দ প্রেম শান্তিতে সে স্থান পূর্ণ হইবে, এই না জগৎজননীর বিধান! নারীর প্রাণ প্রেম ভক্তিতে মাথা। কি শোভা হয় যখন বিশ্বজননী সেই সুকোমল বক্ষে আসন পাতিয়া বসেন! এমন শোভা আর কিসে হয়? ভারতের নারী চিরদিন ধর্মের মহিমা বোঝে, ধর্মের নামে কত আত্মনিগ্রহ কত কষ্টসাধনই না করে! আমি আত্মনিগ্রহের কথা বলিতেছি না—আত্মক্ষুতির কথা বলিতেছি, নিজের অন্তরকে প্রবুদ্ধ করিতে বলিতেছি। নারীর হস্তে ভগবান মানবসমাজের কল্যাণের ভার দিয়াছেন। ভগবান আজ আমাদের অন্তরে দুর্জয় প্রতিজ্ঞার উদয় করুন। আজ আমরা বলি, “দুঃখকে সুখে পরিণত করিব বলিয়াই এ জগতে আসিয়াছি”—দুঃখ দারিদ্র্য বিপদ কিছুতেই আমরা ভীত নই—ভগবানের হাতে আমাদের জীবন, তিনি আমাদের গৃহের অধিষ্ঠাত্রী দেবতা, তিনি আমাদের সমাজের নেতা, তিনি মানবজাতির কাণ্ডাঙ্গী, তখন আর কিসের ভয় ভাবনা? আজ তবে সকলে এই উৎসব ক্ষেত্রে বলি:—

আমার এই যাত্রা হ'ল স্কন্ধ এখন ওগো কর্ণধার,

তোমাতে করি নমস্কার।

এখন বাতাস উঠুক, তুফান ছুটুক, কিম্ব না গো আর,

তোমাতে করি নমস্কার

আমি দিয়ে তোমার অয়ধনি, বিপদ বাধা নাহি মানি',

ওগো কর্ণধার !]

এখন মাঠে: বলি' ভাসাই তরি, নাওগো করি' পার,

তোমাতে করি নমস্কার।

—

পুরুষদিগের জন্ম দিটি কলেজগৃহে পৃথক উপাসনা হয়। তাহাতে শ্রীযুক্ত নীলমণি চক্রবর্তী আচার্যের কার্য করেন। তাঁহার প্রদত্ত উপদেশের মর্ম নিয়ে প্রকাশিত হইল :—

বহু বৎসর পূর্বে একবার সার পি সি রায়ের সঙ্গে সাক্ষাৎ করিতে গিয়াছিলাম। তিনি তখন বেঙ্গল কেমিক্যাল সোসাইটির কারখানার উপরের ঘরে বাস করিতেন। জানালা দিয়া গৃহের পশ্চাতের দিকে একটি সুন্দর গোলাপ ফুলের বাগান দেখিয়া তাঁহাকে জিজ্ঞাসা করিলাম—ইহা কাহার বাগান? তিনি বলিলেন—‘আমার’। ইহা তাঁহার বাগান নয় বলিয়া কথাটা শুনিয়া আমি হাসিলাম। তিনি হাসিয়া বলিলেন, “ইহা যাগদের বাগান তাহারা তো কখনও এখানে আসেন না, কিন্তু আমি ঘরে বসিয়া এই সব ফুলের সৌন্দর্য দেখি ও উপভোগ করি। কাজেই ইহা তো আমারই।” তাঁহার কথাটা আমি অনেকবার চিন্তা করিয়াছি। আইন অমুসারে বাগানের মালিক যে ব্যক্তি তাহার দলিল আছে, তাহার স্বামীও সকলেই স্বীকার করে। কিন্তু বাগানের শোভা, ফুলের সৌন্দর্য ও সৌরভ সে সন্তোষ করিতে পারে না। যে ব্যক্তি এই সৌন্দর্য উপভোগ করিতে পারে কার্যতঃ বাগান তাহারই। লোকে এক স্থলস্থ ভূমিখণ্ডকে Wordsworth's Country বলিয়া নাম দিয়াছিল। কয়েকজন ব্যক্তি এই ভূমির ভিন্ন ভিন্ন অংশের অধিকারী ছিল। Wordsworth সর্বদা এইস্থানে পর্যটন করিতেন। কোথায় কোন বৃক্ষলতা অবস্থিত, কোথায় কোন স্রোতস্বিনী প্রবাহিত, কোথায় কোন পুষ্প প্রস্ফুটিত, এবং কোন্ বন কোন্ পাখীর সঙ্গীতে প্রতিধ্বনিত তিনি তাহা সম্পূর্ণরূপে অবগত ছিলেন, এই স্থানের প্রাকৃতিক সৌন্দর্য তিনি সর্বদা উপভোগ করিতেন, এইজন্য লোকে এই স্থানকে তাঁহার দেশ বলিত। যাহারা এই ভূখণ্ডের স্বামী তাহাদের নাম উল্লেখ করিত না।

“ঈশাবাগ্যমিদং সর্বং যৎকিঞ্চ জগত্যাং জগৎ। তেন ত্যক্তেন ভূঞ্জীথা”—মহর্ষি দেবেন্দ্রনাথ এই শ্লোকের ভাবার্থ সাধন করিয়া আপনার ধর্মজীবন গঠন করিয়াছিলেন। তিনি প্রকৃতির মধ্যে ঈশ্বরের সত্তা অহুভব করিয়া, জীবনের সকল ঘটনার মধ্যে তাঁহার করুণা উপলব্ধি করিয়া এবং আত্মায় তাঁহার প্রকাশ দেখিয়া, জীবনে তাঁহাকে উপভোগ করিয়া, তাঁহাকে আপনার করিয়া লইয়াছিলেন। পরমেশ্বর তাঁহার আপনার হইয়াছিলেন। তিনি ব্যাকুলচিত্তে ভারতের ভিন্ন ভিন্ন প্রদেশে এবং তাহার বাহিরে কোন কোন স্থানে পরিভ্রমণ করিয়া প্রাকৃতিক সৌন্দর্যের মধ্যে তাঁহাকে অন্বেষণ করিয়াছিলেন। বোম্বাই নগরে সমুদ্রের উত্তাল তরঙ্গমালার নৃত্য দেখিয়া বারাণসীর দাঁড়াইয়া হাততালি দিতে দিতে আনন্দোৎফুরিত্তে গান করিয়াছিলেন :—“চমৎকার, আপনার জগতরচনা তোমার, শোভার আগার”। দাবানলে

বন দগ্ধ হইতে দেখিয়া আনন্দে পরমেশ্বরকে বলিয়াছিলেন তোমার বহুৎসব হইতেছে। একবার সমস্ত দিন অনাহারে হিমালয় আরোহণ করিয়া সন্ধ্যাকালে অবসন্ন দেহে এক কুটীরে উপনীত হইয়া, এক ভগ্ন খটায় শয়ন করিয়া, অচেতনপ্রায় হইয়াছিলেন; কেবল অহুভব করিতেছিলেন যে, নিশ্বাস-প্রশ্বাস বহিতেছে এবং নিশ্বাস গ্রহণের সময় “এই তুমি” এবং প্রশ্বাস পরিত্যাগের সময় “এই আমি” এইরূপ অহুভব করিতেছিলেন,— অর্থাৎ এই অবস্থার ভিতরে আত্মার সঙ্গে পরমাত্মার যে অচ্ছেদ্য যোগ তাহা উপলব্ধি করিতেছিলেন। তাঁহার কক্ষচারী প্রতিদিন তাঁহার ভোজ্য ফলগুলি তাঁহার সম্মুখে উপস্থিত করিলে, তিনি এক একটা হাতে লইয়া দেখিতে দেখিতে তাহা পরমেশ্বরের প্রেমহস্তের দান বলিয়া অহুভব করিতেন। এইরূপে তিনি পূর্বোক্ত শ্লোক অমুসারে জগতের ও নিজ জীবনের যাহা কিছু সকলই পরমেশ্বরের দ্বারা আচ্ছাদন করিয়াছিলেন এবং জগৎ-মন্দিরে প্রকৃতির সকল শোভা এবং বিচিত্রতার মধ্যে, নিজ জীবনের সকল অবস্থার ও ঘটনার মধ্যে এবং স্বীয় আত্মার প্রিয়ময় কোষে সেই পরমাত্মাকে দেখিতেন ও তাঁহাকে সন্তোষ করিতেন। তিনি এইরূপে সকল সময় পরমেশ্বরকে উপভোগ করিতে করিতে তাঁহাকে আপনার করিয়া লইয়াছিলেন। যে ব্যক্তি এইরূপে প্রতিনিয়ত আপনার উপাস্য দেবতাকে সন্তোষ করিতে পারেন, তিনিই বলিতে পারেন যে পরমেশ্বর আমার আপনার। আমরা সঙ্গীত, উপাসনা, প্রার্থনার ভিতর দিয়া অনেক সময় তাঁহাকে বলি “তুমি আমার”। মুখের কথায় তাঁহাকে আপনার বলিলেই তাঁহাকে আপনার করা যায় না। তাঁহাকে আপনার করিবার জন্ম, জীবনে তাঁহাকে সন্তোষ করিবার জন্ম, সর্বদা সাধনা করিতে হইবে। তাঁহাকে আপনার বলা সাধক হইবে তখন, যখন গিরি নদী, বৃক্ষলতা, ফল ফুলের সৌন্দর্যের মধ্যে তাঁহাকে উপভোগ করিতে পারিব, যখন দেখিব যে তিনি গৃহে গৃহে অধিষ্ঠাত্রী দেবতা হইয়া বিরাজ করিতেছেন, স্নেহময়ী জননী হইয়া আমাদিগকে প্রতিপালন করিতেছেন, যখন জীবনের সকল কাণ্ডে, জগতের সকল ঘটনায়, তাঁহাকে নিকটে দেখিব, তাঁহার প্রেম উপভোগ করিতে সক্ষম হইব এবং আত্মাতে তাঁহার মধুর স্পর্শ, প্রেমের প্রকাশ সন্তোষ করিয়া আপনাকে ধন্য মনে করিব। এইরূপ সাধনায় যাহাতে আমরা প্রবৃত্ত হইতে পারি, পরমেশ্বর আমাদিগকে সেইরূপ আশীর্বাদ করুন। অন্তরে ও বাহিরে তাঁহার প্রকাশ দেখি, জীবনে তাঁহাকে প্রতিষ্ঠিত করি, আত্মায় তাঁহাকে নিবস্তুর সন্তোষ করি। করুণাময় পরমেশ্বর আমাদিগকে সেই ভাবে প্রস্তুত করুন।

সাময়িকালে আলবার্ট হলে হিন্দু সমাজের সম্মিলিত উপাসনা হয়। তাহাতে শ্রীযুক্ত কৃষ্ণকুমার মিত্র উদ্বোধনে ও শ্রীযুক্ত কামাখ্যানাথ বন্দ্যোপাধ্যায় আরাধনাদিতে আচার্যের কার্য এবং শ্রীযুক্ত কিতাজ্ঞানাথ ঠাকুর উপদেশ প্রদান করেন। মুদ্রিত উপদেশ উপস্থিত সকলের মধ্যে বিতরিত হইয়াছিল।

১০ই মাস (২৪শ জ্যৈষ্ঠ) শুক্রবার—
প্রাতে উপাসকমণ্ডলীর সাহসরিক উৎসব উপলক্ষে সংকীর্ণন
ও উপাসনা। শ্রীবৃদ্ধ হেঃখচন্দ্র মৈত্রের আচার্যের কার্য
করেন। তিনি প্রথমে নিম্নলিখিত মর্মে উদ্বোধন করেন :—

আপনাদের আশীর্বাদ প্রার্থনা করি। আপনারা আমার
জন্ত প্রার্থনা করেন। একরূপা ভিন্ন উৎসব হইতে পারে না।
তিনি একবিন্দু প্রেম দিউন, যাহাতে যে গুরুতর কার্যভার
আপনারা দিয়াছেন তাহা যেন সম্পন্ন করিতে পারি। ভক্তি
ইচ্ছা করিছেই পাওয়া যায় না। ভক্তির তুলা বস্ত্র আর নাই।
ভক্তিভরে পূজা করিবার অধিকার এখনও পাই নাই। সরল
ভাবে প্রাণের কথা বলিবার অধিকার সকলেরই আছে।
আমরা সরল অন্তরে তাঁহার পূজা করি। তাঁহার মন্দিরে
দীন দীন হইয়াই উপস্থিত হইতে হয়। “শুনেছি তোমার করুণা
পাপীকেও করে না ঘৃণা”, অনেক সময়ই উপাসনার পূর্বে
কথা মনে হয়। মাটিরো বলিয়াছেন, “যদি যাহারা
নির্মল’চন্দ্র শুধু তাঁহাদেরই তুমি দেখা দেও, তবে আমরা
কোথায় যাই?” এই ভাবটি মনে রাখিতে হইবে, “আমি কোথায়
যাই, আমরা কোথায় যাই?” এই বলিয়া নিজকে অতি দীন,
অতি মলিন জানিয়া, তাঁহার মন্দিরে প্রবেশ করিতে হয়।
অনেক বার তিনি করুণা করিয়া প্রকাশিত না হইলে বাঁচতাম না।
বার বার তিনি দেখা দিয়াছেন। অনেক উৎসব সোপানের
শ্রায় হইয়া আমাদের কাছে আনিয়াছে। অন্যকার
উপাসনাও তাহাই হউক। নিরাশায় উপাসনা হয় না। তাঁহার
কৃপার উপরই আশা আছে।

কিছুদিন পূর্বে একটি স্বন্দর কবিতা পাঠ করিয়াছিলাম।
লেখিকা বলিতেছেন, “অন্তরের ব্যথা তুমি, যে পথ দিয়া চলিয়াছি
তাহা তুমি, তুমি আমার এমন দিন আনিবে যেদিন ব্যথা
থাকিবে না। যদি কোনও দিন ডাকিবার অবসর না পাই, যদি
অন্তরে ব্যথা থাকে, তবে তাহাও বৃথা যায় না, তাহাও সোপান।”
চার্লস অর্বিংলওয়ের জটনক বিশপ বলিতেছেন, “স্বখ শান্তিতে
যেদিন গিয়াছে তাহাতে শান্তবান হই নাই, দুঃখ বিপদেই লাভবান
হইয়াছি।” লোয়েলও এই কথা বলিয়াছেন। “দুঃখ সস্তাপই সেই
golden steps—সোপার সোপান—যাহার সাহায্যে আমরা
পরম পিতার নিকটে যাই। সেন্ট অগাস্টাইন আরও বেশী
বলিয়াছেন—“Blessed be sin”—পাপও স্বস্তি। পাপসস্তাপ
তিনি ভিন্ন কেহ দূর করিতে পারে না, একজন্ম একান্ত মনে
তাঁহারই শরণাপন্ন হইতে হয়। সেই পতিতপাবন ভিন্ন আর
গতি নাই। “গভীর পাপের কালি ঘুঁচবার নয়, বিনা তাঁরি
কৃপাবাহি, আনিও নিশ্চয়।”

তিনিই একমাত্র আশ্রয় ও সস্থল, এইভাবে ডাকিব। যাহারা
আর্জ তাহাও ডাকিতে পারে। তিনি করুণা করিয়া এই
অধিকার দিয়াছেন। তিনি দীননাথ, দীনবন্ধু, দীনশরণ,
বিশ্বাসের সহিত ইহা বলিতে পারি। সরল প্রাণে যদি ডাকা
যায়, তবে সে ডাক বৃথা যায় না—ডাক ভক্তি দিয়া উপাসনার
সফলতা বিচার করিব না। সরল প্রাণে ডাকা চাই।

তাহার পর, তাঁহার আবির্ভাব চাই। তাহা না হইলে দিন
চলে না। তিনি যখন প্রার্থনা করিবার অধিকার দিয়াছেন
তখন আর ভয় নাই। “অসতোমা মঙ্গমম, তমসো মা জ্যোতি-
র্গময়, মৃত্যোর্মাহমৃতম্ গময়।” এই প্রার্থনা করিতে হইবে।
সরলভাবে আমাদের অভাব আকাঙ্ক্ষা জানাইবার জন্ত প্রস্তুত
হই। তাঁহার কৃপা ভিক্ষা করিয়া উপাসনায় প্রবৃত্ত হই।

হে অধিশরণ তুমি প্রকাশিত হও। দুঃখ বিপদ অতি
ভয়ানক যদি তাহা তোমার জন্ত ব্যাকুল না করে। আমরা
তোমার কৃপা ভিক্ষা করি। তুমি আমাদেরকে তোমার উপাসনা
করিতে সমর্থ কর।

“হে প্রভু পরমেশ্বর, তব করুণা” ইত্যাদি দ্বিতীয় সঙ্গীতান্তে
আরাধনা ও মিলিত প্রার্থনা। অনন্তর “হৃদয়ে হৃদয়ে, জীবনে
জীবনে, তুমি আপনি সবার সঙ্গী হ’লে” ইত্যাদি তৃতীয় সঙ্গীত
হইলে পর তিনি যে উপদেশ প্রদান করেন তাহার মর্ম নিয়ে
প্রকাশিত হইল :—

কয়েক দিন পূর্বে ধর্মবন্ধুদের সঙ্গে সং প্রসঙ্গের জন্ত মিলিত
হইয়াছিলাম। একজন বলিলেন, “তাঁহার কৃপা অজ্ঞ স্থানে কি
দেখিব? আপনার জীবনে যেরূপ দেখিয়াছি, নানা সংগ্রাম ও
সঙ্কটের মধ্যে যেরূপ পরিচয় পাইয়াছি, ইহাতে যেমন প্রাণে
ভক্তির উদয় হয়, এরূপ আর বিচুতেই হয় না।” আমাকে
আমার জীবন সম্বন্ধে প্রশ্ন করা হইলে বলিলাম, “গিঁটু কথা বলিতে
পারি না। এইমাত্র বলিতে পারি, জীবনে তাঁহার করুণার অনেক
পরিচয় পাইয়াছি। তবু এখনও ভক্তি সফল পাই নাই। তাহা না
হইলে কালালের বেশে ফুরিব কেন? গোখামী মনোময় কোনও
সাধুকে জিজ্ঞাসা করিয়াছিলেন, “কি করিয়া ভক্তি পাওয়া
যায়?” তিনি বলিলেন, “ভক্তি?” এই কথা বলিতেই
তাঁহার মাথার শিখা খাড়া হইয়া উঠিল। একবিন্দু ভক্তি যদি
পাই তবে আর কি অগ্রহ থাকে? তিনি কৃপা করিয়া একবিন্দু
ভক্তি যদি দেন, তবে কোনও পাপ কলুষ বিবাদ থাকিতে
পারে না।

নিজেদের দীনতা কখন ধরা পড়ে? দুঃখ হৃদিনেই তাহা
ভালরূপে বুঝিতে পারা যায়। টমাস এ কেম্পিস্ বলিয়াছেন,
“তুমি ধর্মবিজ্ঞান আলোচনার পণ্ডিত, তুমি অপরকে বাইরা
সাধুনার কথা বলিতে পার, কিন্তু হৃদিনে তুমি চারিদিক অন্ধকার
দেখ, তোমার মুখ শুকাইয়া যায়। এই পাণ্ডিত্যে কি লাভ
হইল?” তিনি আরও বলিয়াছেন—“অহুতাপের ব্যাথা দেওয়া
অপেক্ষা অহুতাপ অহুতব করাই অধিকতর বাঞ্ছনীয়—I would
rather feel compunction than know how to define it.
এইরূপে সর্বদা আনিতে হইবে জীবনে যাহা পাইয়াছি তাহাই
সত্যজ্ঞান। এইরূপে যদি মঙ্গলরূপকে লাভ করিতে পারি, তবেই
মণ্ডলী সার্থক হয়। মণ্ডলীর অর্থ কি? এই ক্ষুদ্র মন্দিরে যাহারা
মিলিত হই, শুধু তাহারাই কি মণ্ডলী? না। দেশ বিদেশ হইতে
যাহারাই আমাদের একটু সহায়তা করেন, তাঁহাদের সকলকে
লইয়াই এই মণ্ডলী। কোথায় ওলিয়ার ক্রমোয়েল আর

কোথায় যাকবক্য ঋষি! উভয়েই এক কথা বলিলেন—যাকবক্য বলিলেন, “তিনি তির আর সাধনীয় নাই। সেই পরমাত্মাকেই তোমার মধ্যে দেখি।” ক্রমোৎসেহে মেয়েকে লিখিলেন “আমার জামাতার মধ্যে খুঁটকে দেখিবে, তাহা দেখিয়া তাহাকে ভাল বাসিবে।” খুঁট অর্থ সেই পুরুষোত্তম। সেই প্রেমের উৎস একই। যাকবক্য বলিলেন, “সেই পরমাত্মার অন্তই সকলে শ্রিয়।” তাঁহার পরামর্শ করিয়া এই কথা বলেন নাই। তিনিই সকলের প্রাণে এক সত্য প্রকাশ করেন। আমরা centenary (শতবার্ষিক) উৎসব করিলাম। পরমেশ্বরের মঙ্গল বিধানে নানা দেশের নানা কথা শিখিলাম। প্রাচীন কাল হইতে বর্তমানকাল পর্যন্ত সকলকে লইয়া এই মণ্ডলী।

জগতের দুঃখ ক্লেশ দেখে প্রাণ আকুল হয়। চিনদেশে ২০ লক্ষ লোক অনাহারে মারা গেল, আরও কত লক্ষ মরিবে! Paisleyতে ছেলেমেয়েরা সিনেমা দেখিতে যাইয়া ৮০ জন আগুনে পুড়িয়া মরিল! এই দুঃখ বেদনা দেখিয়া ভক্তদের হৃদয় ব্যথিত হয়। এমাসন ডায়েরীতে লিখিতেছেন—“আচার্য্য ত বেদী হইতে ভক্তির কথা, আত্মসমর্পণের কথা, বলিলেন। এদিকে তাঁহার মণ্ডলীর অবস্থা কি তিনি ভাবিতেছেন না। আমি চারিদিকে চাহিয়া দেখিতেছি, এক জনের স্ত্রী মুখরা, গৃহে গেলেনই তাহাকে বাক্যবাণে দণ্ড বিদগ্ধ হইতে হইবে; আর একজন কোনও প্রকারে একটি মূল করিয়া রাখিতেছিলেন, ক্রমে ক্রমে তাঁহার চাত্র ছাত্রী চণ্ডিয়া যাইতেছে। একরূপ আরও কত জনের কত দুঃখ ক্লেশ! তাহারা কি শুধু কথায় সাহায্য পাইতে পারে? Facts are stronger than words—বাক্য অপেক্ষা প্রকৃত অবস্থা অধিকতর শক্তিশালী। এই অবস্থার পীড়নে শাস্ত থাকা কি সহজ?” এই কথার উত্তর তিনি অশ্রুস্থানে দিয়াছেন। “There is night and there is day. The night is for the day but not the day for the night”—রাত্রিও আছে দিনও আছে, কিন্তু রাত্রিটা দিনের জন্য, দিন রাত্রির জন্য নহে। জগতে দুঃখ ক্লেশ আছে স্বীকার করি, কিন্তু সে সব চলিয়া যাইবে, কেবল আনন্দই থাকিবে। তাহাতেই চির আনন্দ। তিনি সকলেরই অন্তরে আছেন। তাঁহাকে অন্তরে দেখিতে হইবে।

ঋষি বলিয়াছেন “তমাস্বহং”। ডাক্তার সাণ্ডার্সও বলিয়াছেন, তাঁহাকে ছাড়িয়া গেলেই, বাহিরের কোন বস্তু লইয়া স্থখী হইলেই, বিদেশে গেলে—অন্তরে কিছু পাও কি না দেখ। একমাত্র পরমাত্মাই আত্মার স্বদেশ। তাহাতে বাহাতে আমরা মিলিতে পারি তাহাই কল্পিতে হইবে। এই মণ্ডলী বৃহৎ মণ্ডলী। ক্রমোৎসেহে, সাণ্ডার্সও, প্রেটো, দীন্তে, এই মণ্ডলীর অন্তর্গত। সকল স্থান হইতে আশার কথা সংগ্রহ করিব, সকলের নিকট হইতে সহায়তা পাইব।

এখনও ঘারেই আছি, তিতরে প্রবেশ করিতে পারি নাই। তবে এই ভাবটি মনে রাখিব—মন্ত্রের সাধন কি শরীর পত্তন। দেখা দেওয়া না দেওয়া তাঁহার কাজ, আমার অন্য গতি নাই, অনন্তপতি হইয়া ঘারে পড়িয়া থাকাই আমার কাজ। সেই স্ত্রীলিঙ্গ দুই বৎসর মহা শুকতার কাটাইয়াছিলেন।

ম্যাডাম গির্দো সাত ২২সর এইভাবে কাটাইয়াছিলেন,—বলিয়াছিলেন, আমার বাড়ীও নাই, ঘরও নাই, আমি পথে পথে বেড়াইতেছি। আমারও অনেক সময় সেরূপ ভাব মনে আসিয়াছে। আমার একজন বন্ধু বলিয়াছেন, বৈষ্ণব গ্রন্থে আছে “এদম বিরহ বিকলে বিরহরেব”—মিলন ও বিরহের মধ্যে বিরহই শ্রেষ্ঠ অবস্থা। জাহাজ চালাইবার এইরূপ নিয়ম যে, the sailor on the top mast’ (সর্বোচ্চ মাস্তুলের উপরিস্থিত নাবিক) নীচের দিকে চাহিবে না, উপরের দিকেই চাহবে। নীচের দিকে চাহিলেই পড়িয়া যাইবার ভয় ও আশঙ্কায় কাতর হইতে হয়। আমরাদিগকেও দুঃখ দুর্দিনে দৃষ্টি নীচের দিকে না চাহিয়া উপরের দিকেই চাহিয়া থাকিতে হইবে।

এতদিন পদে, ঘোর পাপ সম্মাপে দগ্ধ হইয়া নিরাশ হইতেছি এমন সময়ে, একটা সত্যের আভাস পাইলাম—অন্তরে এই ভাব আসিল, পরম পিতা আমাকে বলিতেছেন, “আমাকে বাতীরে রাখিয়াছ কেন? প্রাণের প্রাণ আমাকে পরমাত্মা বলিয়া দেখ।” এ বিষয়ে পরম্পরের সাহায্যের প্রয়োজন। নিজ জীবনের অভিজ্ঞতার স্মরণে ও আলোচনার সাহায্য পাওয়া যায়। তিনি স্বপ্রকাশ। তিনি নিজে কৃপা করিয়া সময়ে সময়ে প্রকাশিত হইয়া থাকেন। তিনি কখন কোথায় প্রকাশিত হইবেন তাহা তিনিই জানেন। তুমি অপরাধী, ভগবানের সঙ্গে তর্ক করিলে তোমার গতি নাই, অহুতাপে কাতর হইয়া তাঁহার শরণাপন্ন হও।

সেক্সপীয়ারে বর্ণিত আছে রিচার্ড দি থার্ডের রাণী প্রাণভয়ে আশ্রয়ের জন্য sanctuaryতে (ধর্মমন্দিরে) গেলেন। তখন নিয়ম ছিল ধর্মমন্দিরে যদি একজন আশ্রয় লয় তবে তাহাকে কেহ আক্রমণ করিতে পারে না। অহুতাপই আমাদের sanctuary (নিরাপদ আশ্রয় স্থান), ইহাই দুর্গ। তিনি দীননাথ দীনবন্ধু ইহা স্মরণে রাখিলে আর ভয় থাকে না।

ভিক্টোর হুগো বলিয়াছেন—“অহুতাপের সময় তোমার মনে হইবে তুমি নরকে আছ, কিন্তু তাহাতে ভয় পাইও না। পরমেশ্বর তোমার নিকটেই দাঁড়াইয়া আছেন।” তিনি যখন নিকটে আছেন, তখন নরকেও ভয়ের কারণ নাই, কোনও অবস্থায়ই নিরাশ হইবার কারণ নাই।

ডাক্তার কার্পেটারের ২০ বৎসর বয়সে—তখন ভগবানে তাঁহার বিশ্বাস নাই—ওয়েলসে বেড়াইতে গিয়াছেন, পাড়াগাঁয়ের রাস্তায় চলিতে চলিতে ঠাৎ ভগবানের অপূর্ণ প্রকাশ দেখিতে পাইলেন, সমস্ত অবিশ্বাস মুহূর্ত্তমধ্যে চালিয়া গেল। তিনি বলিয়াছেন, I did not seek God, but God sought me—আমি ঈশ্বকে খুঁজি নাই, কিন্তু তিনিই আমাকে খুঁজিয়াছেন। কি অস্বপূর্ণ সৌন্দর্য দেখিলেন, তাহাতে অভিভূত হইয়া গেলেন, আর কোনও দিন তাহা তুলিতে পারিলেন না। কতবার এই বন্ধ-বলে বণীমান হইয়া অভিভূত হইয়াছি, কত সাহায্য পাইয়াছি! এই বৃহত্তর মণ্ডলীর মধ্যে আছি, চারি দিক হইতে আশার কথা শুনিতেছি। ভক্তির কথা জানি না। আমরা আমাদের দীনতা অহুতব করি।

হরিন্বারে সাধু নদীর তীরে পূজাতে নিযুক্ত। নদীতে প্রাবন

আসিল, কিন্তু তিনি আগুন পরিত্যাগ করিলেন না। সেই অবস্থায়ই জলে ডুবিয়া গেলেন। কি নিষ্ঠা! এক নারীর কথা শুনিয়াছি। মঙ্গলস্বরূপকে কিরূপে জানা যায় এই প্রশ্নের উত্তরে তিনি বলিলেন—“আমি আপনাকে তাহা কথায় কিরূপে বুঝাইব?” এই বলিয়া তিনি চক্ষু মুদিত করিলেন। কিছুক্ষণ পরে তাঁহার গণ্ডদেশ দিয়া আনন্দাশ্রু বহিতে লাগিল।

একবার জৈলমস্বামী ও গোস্বামী মহাশয়ের মধ্যে কথোপকথন হইতেছিল। গোস্বামী মহাশয় বিজ্ঞাসা করিলেন, উপাস্ত কে? উত্তর—শিবঃ। কোন্ শিব, পার্বতীপতি? উত্তর—মঙ্গলম্। তিনি অমনি চক্ষু মুদিতা ধ্যানে ডুবিয়া গেলেন। অনেকক্ষণ পর চক্ষু মেলিয়া হাসিয়া উঠিলেন।

সমবেত চেষ্টা আবশ্যিক। পরম্পরের হৃৎখে দৈন্তে বেদনা অমুভব করিতে হইবে, অপরের আনন্দে আনন্দিত হইতে হইবে। ইহা দৈনিক সাধনের বিষয় হইবে। অপরের হৃৎখে বেদনা অমুভব করা অপেক্ষাকৃত সহজ। কিন্তু অপরের আনন্দে যদি আনন্দ না হয়, তবে কিছু হইল না। ফেনেলী বলিয়াছেন, “Thine and mine (তোমার ও আমার), ক্ষুদ্রচিত্ততার পরিচায়ক।” এই ক্ষুদ্রচিত্ততা পরিহার করিতে হইবে। সকলের আনন্দে আনন্দ অমুভব করিতে হইবে। আমি যদি তরিখা না যাই, সকলে তরিখা গেল, ইহাতেই আনন্দ।

“Love thy God with all thy heart”—তোমার ঈশ্বরকে সমগ্র হৃদয় দিয়া ভালবাস। তাঁহাকে ভালবাসিলে তাঁহার সম্মানদিগকেও ভালবাসিতে হইবে। এক বিন্দু ভক্তি তিনি দিউন, যাহাতে জগতে প্রেম ব্যাপ্ত হয়। পিতা খোল ষায়। তুমি অন্তরে প্রকাশিত হও। তোমার প্রকাশে সমস্ত পূর্ণ হইয়া যাউক। আমরা তোমার হইয়া যাই।

“শাস্তং শিবমধিতীঃ রাজরাজচরণে বিকাইব ওহে প্রাণসখা”, এই সঙ্গীত প্রাণ হইতে উঠিতেছে। “সত্যং শিব-স্থলরং রূপ ভাতি হৃদিমন্দিরে” এই ভাব এখনও পাই নাই। ইহার অস্ত্র প্রার্থনা করিতে হইবে। তিনি প্রাণে তাঁহার বাণী শুনান। ব্রহ্ম-বাণীহি কেবলম্, ব্রহ্মপ্রকাশহি কেবলম্। এই আমাদের আশা। তিনি সর্বদা আমাদের সহায় হইয়া রহিয়াছেন।

বিদেশে প্রচারে গিয়াছি। প্রাণে আশা পাইলাম, “যাও, ভয় পাইও না।” বিদেশে প্রীতি পাইলাম, বল পাইলাম, শরীর ভাল হইল। পরম্পর পরম্পরের অভিজ্ঞতা হইতে আশা ও বিশ্বাস পাই। নানা দেশ, নানা স্থান হইতে আশার বাণী আসিতেছে। কোনও অবস্থায়ই যেন নিরাশ না হই।

আমেরিকার একখানা কাগজে একটি প্রশ্ন পড়িলাম,— How to meet a desperate situation (যেৱ সঙ্কটের অবস্থায় কি উপায় অবলম্বন করিতে হইবে?) শোক হৃৎখে, তাহা অপেক্ষা অশেষ গুণে ক্লেশকর, পরিবার কলুষকলকে পূর্ণ হওয়া, তখন কি উপায়? লেখক উত্তর দিতে পারেন নাই। প্রকৃত উত্তর জানেন না। আছেন অভয়দাতা, কেবল এই কথা জানিলেই প্রকৃত উত্তর দেওয়া যায়। যেন সেই বিশ্বাস আমরা লাভ

করি, যাহাতে বলিতে পারি, কিছুতেই আমাদের নিরাশ হইবার কারণ নাই। তিনি যখন আছেন, তখন আর ভয় কি, ইহা যিনি জানেন তিনিই বিশ্বাসী।

একটা ভাব মনে আদিয়াছে, তিনিই তাঁহার পূজার পুরোহিত। তিনি যখন প্রলুব্ধ করিয়াছেন, তখন তিনিই পূজা করাইবেন। তাহা না হইলে “কালালে শাকের ক্ষেত” দেখাইলেন কেন? আপনারা পরম্পরকে সাহায্য করুন। এই দুর্কাল ভ্রাতাকে সাহায্য করুন। তাঁহার পূজা করিয়া ধন্ত হই।

হে প্রেমস্বরূপ! এ বিন্দু প্রেম দাও, যাহাতে তোমাতে সকল ভার দিতে পারি। তোমার রাজ্য সর্বত্র প্রতিষ্ঠিত কর। আমরা সকলে তোমার হইয়া যাই।

“সবে করি আজি তাঁর গুণগান, যাবে সকল দুঃখ, সব পাপ-তাপ, ওরে সকল সত্তাপ হইবে নির্কারণ” ইত্যাদি সঙ্গীত হইয়া এই বেলায় কার্য শেষ হয়।

অপরায় ১ ঘণ্টিকার সময় নবদ্বীপচন্দ্র-স্মৃতিসভা। তাহাতে শ্রীযুক্ত হেরমচন্দ্র মৈত্রেয় সভাপতির কার্য করেন। শ্রীমতী সুবর্ণা আচার্য্য একটি প্রবন্ধ পাঠ করেন এবং শ্রীযুক্ত কৃষ্ণকুমার মিত্র, শ্রীযুক্ত সতীশচন্দ্র চক্রবর্তী ও শ্রীযুক্ত রমেশচন্দ্র সেন বক্তৃতা করেন।

অপরায় ৫ ঘণ্টিকার সময়, আমহার্ট স্ট্রীট স্থিত হৃষিকেশ পাক হইতে নগর সংকীর্তন বাহির হয়। তিনটি দল গঠিত হইয়া সংকীর্তন করা হয়। প্রথম দল বালিকাদের, সেখানে কার্য্যারম্ভের পূর্বে শ্রীযুক্ত কৃষ্ণকুমার মিত্র প্রার্থনা করেন। দ্বিতীয় দল বালকদের, তাহাতে পণ্ডিত সীতানাথ তত্ত্বভূষণ প্রার্থনা করেন। সর্বশেষে মূল দল, তাহাতে শ্রীযুক্ত অবিলাসচন্দ্র লাহিড়ী প্রার্থনা করেন। প্রার্থনান্তে সকলে সংকীর্তন করিতে করিতে বিদ্যাগার স্ট্রীট, বাহুর বাগান লেন, আপার সাকুলার রোড, গড় পার রোড, রাজা দীনেন্দ্র স্ট্রীট, রামমোহন রায় রোড, আপার সারকিউলার রোড, বাহুর বাগান রো, আমহার্ট স্ট্রীট, কৈলাস বসু স্ট্রীট ও কর্ণওয়ালিশ স্ট্রীট হইয়া পর পর মন্দিরে উপস্থিত হইলে, কিছু সময় সেখানে সংকীর্তন চলিতে থাকে। অনন্তর উপাসনা। তাহাতে শ্রীযুক্ত প্রাণকৃষ্ণ আচার্য্য আচার্য্যের কার্য্য করেন। তাঁহার প্রদত্ত উপদেশের মর্ম্ম নিয়ে প্রদত্ত হইল :—

উত্তরায়ণ সমাগত। সকলেই জানেন এই ভারতবর্ষে এই উত্তরায়ণের একটি বিশেষ মাহাত্ম্য আছে। মহাত্মারতের আধ্যাতিকার দেখা যায়, ভীষ্মদেব যখন পরশুয়ার শারিত হোলেন তখন তিনি অপেক্ষা করেছিলেন এই উত্তরায়ণের অস্ত। কারণ, তাঁহার ইচ্ছা ছিল যে উত্তরায়ণ না আগত হইলে তিনি প্রাণত্যাগ করিবেন না। উপনিষদেও ইহার নানা গুণের বর্ণনা আছে। আমাদের এই উৎসবের যখন প্রথম আরম্ভ হয় তখন উত্তরায়ণ ছিল না। ব্রহ্মোপাসনা প্রতিষ্ঠার যে উৎসব তাহা ভাঙ্গ মাসে হয়—তাহা ভাত্ৰোৎসব। তৎপরে রাজা রামমোহনের পরবর্তী নেতা বে উৎসবের প্রবর্তন করেন তাহা

তত্ত্ববোধিনীর উৎসব। ইহা আশ্বিন মাসে অল্পষ্টিত হইয়াছিল। তদনন্তর এই ভারতবর্ষে প্রথম ব্রহ্মমন্দিরপ্রতিষ্ঠার যে উৎসব, তাহা এই উত্তরায়ণে অল্পষ্টিত হইয়া আসিতেছে। ইহাই আমাদের ১১ই মাসের উৎসব। আমাদের এই উৎসবে উত্তরায়ণের যে ভাব নিহিত আছে তাহারই আলোচনা করিতেছি।

আমাদের প্রভু ভগবান "গহ্বরেষ্ঠং পুরাণম্"। তিনি চির পুরাতন অথচ চির নূতন। তিনি এই উদ্ভিদ ও জীবজগতে নব জীবন দান করিতেছেন। মানব স্মৃতিকাগৃহ হইতে আরম্ভ করিয়া আজ পর্যন্ত যাহা কিছু শরীর সম্বন্ধে লাভ করিয়াছে তাহার কিছুই অপচয় হয় না। কিন্তু গীতাকার বলিয়াছেন—বাসাংসি জীর্ণানি যথা বিহায নবানি গৃহ্নান্তি নরোপরানি। অর্থাৎ মানব জীর্ণ দেহ পরিত্যাগ করিয়া নব দেহ ধারণ করে। কেহ কেহ মনে করেন, মানব দেহ ত্যাগ করিয়া নব দেহ ধারণ করিয়া পুনরায় পৃথিবীতে আগমন করে। সেন্ট পল বলিয়াছেন, when this natural body is sown in the ground, the spiritual body is grown. কিন্তু ইহা সেরূপ ত্যাগ করা নয়। চির নূতন ও চির পুরাতন পরমেশ্বর তাঁহার ছাপ মানব শরীরে ও চিন্তে এবং অজ্ঞান চেতন পদার্থে দান করিয়াছেন। যাহারা শরীর-বিদ্যা অধ্যয়ন করিয়াছেন তাঁহারা জানেন যে, মানব প্রতি সাত বৎসর অন্তর শরীরের সমুদয় পদার্থ সম্পূর্ণ নূতনরূপে প্রাপ্ত হয়। অথচ এই পরিবর্তনের মধ্যে তাহার কাঠামো বেশ ভালই চেনা যায়। এই পরিবর্তনের মধ্যে কি অভিপ্রায় নিহিত আছে? এই প্রশ্নের উত্তর দান করিবার পূর্বে উদ্ভিদের বিষয় একবার চিন্তা করি।

প্রাকৃতিক জগতে আমরা কি দেখিয়া থাকি? এই উত্তরায়ণের সঙ্গে সঙ্গে বৃক্ষগুলি তাহাদের সমস্ত পুরাতন পত্র পরিত্যাগ করে, তৎপরে নব সাজে সজ্জিত হইয়া নব দেহ ধারণ করে। ভগবান এইভাবে সমস্ত চেতনকে নব জীবন দান করিতেছেন।

আমাদের এই মাঘোৎসব আসিয়াছে। আজ এই রাত্রির অবসানের সঙ্গে সঙ্গে মাঘের একাদশ দিবসের অক্লণোদয়ে মহোৎসব আদিবে। আমাদের পুরাতন থাকিলে চলিবে না, নূতন জীবন চাই। সূর্য্য যখন মস্তকের উপর আসিতে থাকে বৃক্ষ যেমন তখন পত্রত্যাগ করে, তেমনই আমাদের সমস্ত পুরাতন জড়তা ও অবসাদ ত্যাগ করিতে হইবে। যাহাতে সমস্ত পত্র বিযুক্ত হইয়া বৃক্ষ কতিগ্রস্ত না হয়, বিশ্ববিধাতা পূর্বে হইতেই তাহার ব্যবস্থা করিয়া রাখিয়াছেন। পত্রত্যাগের পূর্বে বৃক্ষগুলি এমন রসস্ব হর যে, ত্যাগের সঙ্গে সঙ্গে নব পত্র উদগমের সূচনা হইতে থাকে। তাহা হারা বৃক্ষ যেমন স্তম্ভরতর হয়, তেমনই বৃহত্তরও হইতে থাকে।

ভাগবতকার শালতরুর উল্লেখ করিয়া বলিয়াছেন যে, তাহার পত্র দেখিয়া মানবের প্রাণে ভগবৎ করুণার অল্পভূতি হইয়া থাকে। শালতরু পাষণ্ডের কেজে উৎপন্ন হয়। যখন তাহার নব কিসলয় বহির্গত হইতে থাকে, তখন তাহা পুষ্পের

অপেক্ষাও স্তম্ভর দেখায়। পাষণ্ডের উপরও বিধাতা তাহাকে কেমন স্তম্ভর করিয়া বর্দ্ধিত করেন। বৃক্ষ কঠিন ভূমির নিয়োগ এমন রস আহরণ করে যে, তাহা হারা সে সর্কাদস্তম্ভর হইয়া বর্দ্ধিত হইয়া উঠে।

যখন মূলে বিশ্ব-বিধাতার করুণা আবির্ভূত হয়, তখন কোন পাষণ্ডই তাহাকে বাধা দিতে পারে না—সে রস সংগ্রহ করিয়া তবে ক্ষান্ত হয়। কি আশার কথা আমরা এই উদ্ভিদজীবন হইতে লাভ করি!

আজ আমাদেরও সেই দিন আসিয়াছে। তরুর ছায় আমাদের মূলে রস আসিয়া উপস্থিত হইয়াছে। এখন আমাদের পুরাতন পত্র ত্যাগ করিয়া, নূতন হইয়া, নবসাজে সজ্জিত হইবার সময় উপস্থিত।

যিনি জগতে আনন্দস্বরূপ, যিনি রসস্বরূপ, তিনি প্রচ্ছন্ন থাকিয়া রস ঢালিতেছেন। সব স্তম্ভর হইয়া যাইতেছে। উৎসব তোমার জন্মও এই বার্তা আনিতেছেন। বৃক্ষ যেমন তাহার মূলগুলিকে গভীরতম স্থানে প্রেরণ করিয়া অন্তঃসলিলা ফলু নদীর ধারার ছায় প্রবাহিত রস আহরণ করিয়া, তাহার কাণ্ডের আয়তন বর্দ্ধিত করিয়া, উচ্চতর হইতেছে,—তোমাকেও তাহাই করিতে হইবে। উৎসবের এই উত্তরায়ণ আসিয়া উপস্থিত হইয়াছে। তোমরা পাতা ত্যাগ করিয়া নব পত্র গ্রহণ কর। মানব জীবনের নব পত্র কি? জ্ঞান, ভক্তি, প্রেম, পুণ্য প্রভৃতি মানব জীবনের পত্র। এই উৎসবের মধ্যে নবজ্ঞান, নবভক্তি, নবপ্রেম ও নবপুণ্যে সজ্জিত হইতে হইবে ও উন্নত হইতে উন্নততর লোকের দিকে অগ্রসর হইতে হইবে। অনেক সময় আমরা আক্ষেপের কথা শুনি—“কত উৎসব আসিল, কত গেল, কিন্তু আমাদের কিছুই হইল না।” ইহা সম্পূর্ণ ভ্রম। প্রভু আমাদের কথা শুনিয়াছেন। আমাদের গতে উৎসবে নবপত্রে সজ্জিত করিয়াছিলেন, আমাদের কাণ্ডও বর্দ্ধিত হইয়াছিল। উৎসব আমাদের মস্তকের উপর দিয়া প্রবাহিত হইয়া গিয়া আমাদের বর্দ্ধিত করিয়াছিল। আমরা সেই সমস্তকে জীবনের কাজে লাগাই নাই। তাই সমস্ত নিরর্থক হইয়া গিয়াছে। বিধাতা করুণা করিয়া আমাদের জন্ম আবার সময় আনিয়া দিয়াছেন—আমাদিগকে নবপত্র গ্রহণ করিতে হইবে। নবজ্ঞান, নবপ্রেম, নবপুণ্যে সজ্জিত হইতে হইবে। আমাদের মূলকে দৃঢ় করিয়া সেই রসস্বরূপে নিয়ম করিতে হইবে। সেই রসস্বরূপের সন্ধান না পাইলে উৎসবের মধ্যে শুধু কতকগুলি উচ্চাঙ্গের সঙ্গীত উপদেশ প্রভৃতির দ্বারা কিছুই হইবে না। ক্রমে ক্রমে ক্লান্ত হইয়া শুষ্ক হইয়া যাইব।

বৃক্ষ যেমন চতুর্দিকের আবেষ্টনের মধ্য হইতে তাহার আহার্য সংগ্রহ করে, আমাদেরও সেইরূপ আবেষ্টনের মধ্যে থাকিয়া আহার্য সংগ্রহ করিতে হইবে। এই যে উপাসক-মণ্ডলী ইহাই আমাদের আবেষ্টন। বৃক্ষ মূলের দ্বারা রস ও বায়ুর তিতর হইতে কার্বনিক এসিড গ্যাস গ্রহণ করে। যাহাকে উদ্ভিদবিজ্ঞানে chlorophyl বলে তাহার সাহায্যে বৃক্ষ তাহার সজীবতা বা হরিৎবর্ণ রক্ষা করে। আমাদেরও এই

মণ্ডলীর মধ্যে থাকিয়া জীবনের সজীবতা, নবপত্রের হরিৎবর্ণ রক্ষা করিতে হইবে। আর যদি তাহা না পাই, তাহা হইলে বৃক্ষ যেমন সূর্য্যকিরণের অভাবে আগতায় পড়িয়া শুক হইয়া য়ত হইয়া যায়, আমাদের দশাও তাহাটাই হইবে। আমাদিগকে সংসারের মলিনতার দিক হইতে ফিরিয়া, বিধাতার প্রসাদ-পবনের দিকে পত্রগুলিকে মেলিয়া ধরিতে হইবে। ইহার দ্বারা জীবনতরু সজীবতা লাভ করিয়া বদ্ধিত হইবে ও উত্তরকালে অশ্রান্ত অসংখ্য জীবের আশ্রয়রূপে পরিণত হইবে। বৃক্ষের পত্র যেমন বৃক্ষ হইতে ঝলিত হইয়া নিম্নে পড়িয়া পাঁচিয়া উঠে এবং তাহার সারে অল্প বৃক্ষ বদ্ধিত হয়, সেইরূপ আমাদের এই প্রাণ দিয়া, এই জগত হইতে অদৃশ্য থাকিয়া জগতের সেবা করিয়া, অপরকে বদ্ধিত হইবার সাহায্য করিয়া ও জগতের উপকার করিয়া, নিজ জীবনের সার্থকতা সম্পাদন করিব। বৃক্ষ যেমন সর্বদা তাহার অগ্রভাগটিকে সূর্য্যের আলোকের দিকে রাখিবার অল্প ব্যস্ত হয় এবং তাহার দ্বারা বদ্ধিত হয়, আমাদিগকেও সেইরূপ জগতের আলোক যিনি, সূর্য্যকেও আলোকিত করিতেছেন যিনি, সেই সূর্য্যের যিনি সূর্য্যস্বরূপ, সেই আলোকের দিকেই আমাদের জ্ঞান, ভক্তি, প্রেম, পুণ্যকে ধরিতে হইবে। বাহাতে এগুলি প্রেম-সূর্য্যের আলোকে রঞ্জিত হয় তাহা ধরিতে হইবে। তাহা না হইলে জীবন বাড়িবে না, কোন পক্ষী আশ্রিয়া তাহাতে বাসাও বাঁধিবে না। সমস্ত বৃথা হইয়া যাইবে। যদি দেবাদিদেবের যথার্থ ভক্ত হইতে চাও, তবে তাঁহার পানে দৃষ্টি নিবদ্ধ করিয়া, তোমার নব-পত্রগুলি তাঁহার আলোকের দিকে মেলিয়া ধরিয়া, নবজীবনলাভে তৎপর হও। উৎসব-দেবতা এ বিষয়ে আমাদের সহায় হউন।

ক্রমশঃ

ব্রাহ্মসমাজ ।

শতবার্ষিক উৎসবের শিল্পসমাপ্তি—১৩৩৫
সালের ভাদ্র (১২২৮ খৃষ্টাব্দের আগষ্ট) মাস হইতে আরম্ভ করিয়া বিগত শততম মাসোৎসবে ব্রাহ্মসমাজের শতবার্ষিক উৎসব শেষ করা হইয়াছে। এই উপলক্ষে বিগত ২২শে মাস (১২ই ফেব্রুয়ারী) তারিখে ব্রাহ্মসমাজ ও প্রার্থনা সমাজ সমূহে বিশেষ উপাসনাতে কৃতজ্ঞতা প্রকাশের একটি প্রস্তাব করা হইয়াছিল। তদনুসারে সাধারণতঃ ব্রাহ্মসমাজে বিশেষ উপাসনা হয়। তাহাতে শ্রীযুক্ত সতীশচন্দ্র চক্রবর্তী আচার্য্যের কার্য্য করেন।

সাম্প্রদায়িক উৎসবের শিল্পসমাপ্তি—সাধনাশ্রমের
অষ্টাদশশতম সাধারণিক উৎসব নিম্নলিখিত প্রণালী অনুসারে সম্পন্ন হইয়াছে :—১লা ফেব্রুয়ারী প্রাতে সংকীর্ণন ও উপাসনা। শ্রীযুক্ত সতীশচন্দ্র চক্রবর্তী আচার্য্যের কার্য্য করেন। উপাসনান্তে পণ্ডিত সীতানাথ ভট্টাচার্য্য পাঠ করেন ও প্রসঙ্গটি হয়; তৎপর কীর্ত্তিতোজন। অপরায় ৩ ঘটিকায় ভাই সীতারাম ও শ্রীযুক্ত

সতীশচন্দ্র চক্রবর্তী পাঠ ও ব্যাখ্যা করেন। অনন্তর ৫।০ ঘটিকায় পুনরায় উপাসনা হয়। তাহাতে শ্রীযুক্ত অধরচন্দ্র গুপ্ত আচার্য্যের কার্য্য করেন।

শান্তিনগরিক—আমাদিগকে গভীর দুঃখের সহিত প্রকাশ করিতে হইতেছে যে—

বিগত ২রা ফেব্রুয়ারী কলিকাতা নগরীতে কুমারী হেমপ্রভা বসু দীর্ঘকাল রোগশয্যায় শায়িত থাকিয়া পরলোকগমন করিয়াছেন। তিনি কলিকাতা উপাসক মণ্ডলীর ও রবিবাসনিক নীতিবিদ্যালয়ের সম্পাদিকা এবং অধ্যক্ষ ও কার্যানির্বাহক সভার সভ্যরূপে নানাপ্রকারে ব্রাহ্মসমাজের সেবা করিয়া গিয়াছেন। তিনি অনেক দরিদ্র বালিকাদিগকেও বিশেষ সাহায্য করিতেন। বিগত ১৬ই ফেব্রুয়ারী তাঁহার শ্রাদ্ধস্থলান সম্পন্ন হইয়াছে। শ্রীযুক্ত সতীশচন্দ্র চক্রবর্তী আচার্য্যের কার্য্য এবং কুমারী শঙ্করলা রাও জীবনী পাঠ ও প্রার্থনা করেন। এই উপলক্ষে জ্যোষ্ঠা ভগিনী মিসেস এম্ এম্ বসু প্রচার বিভাগে ১০০, ও কলিকাতা উপাসক মণ্ডলীতে ৫০, টাকা দান করিয়াছেন। মিস্ বসু দশ সহস্রাধিক টাকা পিতামাতার নামে একটি স্থায়ী প্রচার ভাণ্ডার স্থাপনের জন্য রাখিয়া গিয়াছেন।

বিগত ৪ঠা ফেব্রুয়ারী কলিকাতা নগরীতে শ্রীযুক্ত ব্রজহররায়ের মাতা ৭৩ বৎসর বয়সে পরলোকগমন করিয়াছেন। বিগত ১১ই ফেব্রুয়ারী তাঁহার শ্রাদ্ধ স্থলান সম্পন্ন হইয়াছে। শ্রীযুক্ত সতীশচন্দ্র চক্রবর্তী আচার্য্যের কার্য্য করেন এবং ব্রজহররায় বাবু মাতার জীবনী পাঠ করিয়া প্রার্থনা করেন। এই উপলক্ষে সাধারণ বিভাগে ১০, দাতব্য বিভাগে ৫, দুঃস্থ ব্রাহ্ম পরিবার ভাণ্ডারে ৫, ও সাধনাশ্রমে ৫, টাকা প্রদত্ত হইয়াছে।

বিগত ১৫ই ফেব্রুয়ারী কলিকাতা নগরীতে শ্রীযুক্ত ললিত মোহন দাসের খুল্লভাত ভ্রাতা মনোমোহন দাসগুপ্ত দীর্ঘকাল রোগশয্যা ভোগ করিয়া ৩৫ বৎসর বয়সে পরলোকগমন করিয়াছেন। তাঁহার চরিত্র মাধুরীতে পরিচিত সকলেই বিশেষ মুগ্ধ ছিলেন।

বিগত ১৪ই ফেব্রুয়ারী কলিকাতা নগরীতে শ্রীযুক্ত অধরচন্দ্র বসুর শান্তিনগর জননী নৃত্যমণি দাসী ২১ বৎসর বয়সে পরলোক গমন করিয়াছেন। ইনি দীর্ঘকাল অধরবাবুর পরিবারে বাস করিয়া অভিভাবিকার কার্য্য করিয়াছেন। বিগত ১৩ই ফেব্রুয়ারী তাঁহার আদ্যশ্রাদ্ধ ক্রিয়া সম্পন্ন হয়। শ্রীযুক্ত শশীভূষণ বসু আচার্য্যের কার্য্য করেন। এই উপলক্ষে সাধারণ ব্রাহ্মসমাজের মিশন ফণ্ডে ১৫, ও দুঃস্থ পরিবার ফণ্ডে ১০, এবং অনাধার্য্যে ২৫, টাকা প্রদত্ত হইয়াছে। এতদিন আত্মের দিনে কালাঙ্গী-ভোজন ও তাহাদিগকে বস্ত্র ও পরমা প্রদত্ত হয়।

বিগত ১৪ই ফেব্রুয়ারী কোনোর নগরীতে ল্যাক্টোনট কর্ণেল নরেন্দ্রপ্রসন্ন সিংহ পরলোকগমন করিয়াছেন। তিনি এক সময় অধ্যক্ষ-সভার সভ্য ছিলেন ও ব্রাহ্মসমাজের কার্য্যে বিশেষ উৎসাহী ছিলেন।

বিগত ২০শে ফেব্রুয়ারী কলিকাতা নগরীতে বাবু রাঘবচন্দ্র

দাস তিন পুত্র, দুই কন্যা ও পত্নীকে অসহায় অবস্থায় রাখিয়া পরলোকগমন করিয়াছেন। তিনি নানা সংগ্রামের মধ্য দিয়া ব্রাহ্মসমাজে আনিয়াছিলেন ও জীবন কাটাইয়া গিয়াছেন।

বিগত ২২শে ফেব্রুয়ারী কলিকাতা নগরীতে শ্রীযুক্ত প্রকৃত কুমার রায়ের পিতাবহী মুক্তকেশী চন্দ্র বন্দ্যোপাধ্যায়ের অল্পবয়সে ৮৭ বৎসর বয়সে পরলোকগমন করিয়াছেন।

বিগত ২৭শে ফেব্রুয়ারী কলিকাতা নগরীতে বিঃ ললিতী-কৃষ্ণ গুপ্ত তিন দিনের বসন্ত রোগে পরলোকগমন করিয়াছেন। তিনি বরিশালে মেডিক্যাল স্কুল স্থাপনের জন্য ৮১,০০০ টাকা দান করিয়া গিয়াছেন। ব্রাহ্মসমাজের নানা কার্যে তাঁহার বিশেষ অঙ্গুরাগ ছিল। ব্যারিষ্টার রূপেও তিনি বিশেষ খ্যাতি লাভ করিয়াছিলেন।

শান্তিনাতা পিতা পরলোকগত আত্মাদিগকে চিরশান্তিতে রাখুন এবং আত্মীয় স্বজনদের শোকসন্তপ্ত হৃদয়ে সাহায্য বিধান করুন।

দান—শ্রীযুক্ত জিতেন্দ্রকুমার বিশ্বাস পিতা পরলোকগত বিজয়স বিশ্বাসের উনচত্বারিংশতম বার্ষিক প্রদোষপলকে পিতার নামীয় স্থতিভাণ্ডারে ১০০ টাকার একখানা কোম্পানীর কাগজ প্রদান করিয়াছেন। শ্রীমতী সরোজিনী দত্ত কন্যা মাধুরীলতার বার্ষিক প্রদোষপলকে অশ্বিনী-মাধুরী কণ্ঠের মূদ্রের টাকা হইতে একটি গরীব ব্রাহ্মবালিকাকে প্রায় ৪৪ টাকার বস্ত্রাদি এবং নিজ হইতে অপর একটি বালিকাকে মগদ ১০ টাকা দান করিয়াছেন। শ্রীযুক্ত শরৎচন্দ্র ঘোষ পিতার বার্ষিক প্রদোষপলকে প্রচার বিভাগে ৫ ও দাতব্য বিভাগে ২ দান করিয়াছেন। শ্রীযুক্ত অন্নদাচরণ সেন ও তাঁহার পুত্রগণ পরলোকগতা বসন্তকুমারী সেনের অষ্টম বার্ষিক প্রদোষপলকে তাঁহার নামীয় স্থতিভাণ্ডারে ১০০ টাকার একখানা কোম্পানীর কাগজ প্রদান করিয়াছেন।

এ সমস্ত দান সার্থক হউক এবং পরলোকগত আত্মাসকল চির শান্তি লাভ করুন।

শুভবিবাহ—বিগত ৩রা ফেব্রুয়ারী কলিকাতা নগরীতে শ্রীযুক্ত প্রবোধচন্দ্র দাঁর কন্যা কল্যাণীয়া রেণুকা ও শ্রীযুক্ত হীরালাল সরকারের স্যেঠ পুত্র শ্রীমান হীরেন্দ্রনাথের শুভবিবাহ সম্পন্ন হইয়াছে। শ্রীযুক্ত প্রাণকৃষ্ণ আচার্য আচার্যের কার্য করেন।

বিগত ১৭ই ফেব্রুয়ারী কালীকচ্ছ গ্রামে শ্রীযুক্ত মহেন্দ্রনাথ নন্দীর পৌত্রী (শ্রীযুক্ত বিবেকচন্দ্র নন্দীর কন্যা) কল্যাণীয়া কামলামাধুরী ও চট্টগ্রাম নিবাসী শ্রীযুক্ত গিরিশচন্দ্র চৌধুরীর বিধীয় পুত্র শ্রীমান স্বপ্নাকুমারের শুভ বিবাহ সম্পন্ন হইয়াছে। শ্রীযুক্ত রজনীনাথ নন্দী আচার্যের কার্য করেন।

বিগত ২০শে ফেব্রুয়ারী কুমিল্লা নগরীতে পরলোকগত কমনীয়কুমার সিংহের স্যেঠা কন্যা কল্যাণীয়া চন্দ্রী ও চট্টগ্রাম নিবাসী শ্রীযুক্ত গিরিশচন্দ্র চৌধুরীর তৃতীয় পুত্র শ্রীমান স্বপ্নাচন্দ্রের শুভ বিবাহ সম্পন্ন হইয়াছে। শ্রীযুক্ত মনোরঞ্জন বন্দ্যোপাধ্যায় আচার্যের কার্য করেন।

বিগত ২২শে ফেব্রুয়ারী কলিকাতা নগরীতে গিরিচন্দ্র প্রবাসী শ্রীযুক্ত হরেন্দ্রনাথ দত্তের তৃতীয় কন্যা কল্যাণীয়া অমিয়া ও বজ্রবন্ধু নিবাসী শ্রীমান বিশোদীমোহন সাত্তারের শুভ বিবাহ সম্পন্ন হইয়াছে। শ্রীযুক্ত হেরম্বচন্দ্র মৈত্রের আচার্যের কার্য করেন।

শ্রেয়স্বর পিতা নব সম্প্রতিদিগকে শ্রেয় ও কল্যাণের পথে অগ্রসর করুন।

স্বাস্থ্যকল্পণ—বিগত ৩০শে ফেব্রুয়ারী কলিকাতা নগরীতে শ্রীযুক্ত প্রমোদচন্দ্র দাসের প্রথম সন্তানের নামকরণ অল্পটান সম্পন্ন হইয়াছে। শ্রীযুক্ত সতীশচন্দ্র চক্রবর্তী আচার্যের কার্য করেন। শিশুকে (জন্ম ২০শে ফেব্রুয়ারী, ১৯২৯) অক্ষয়কুমার নাম প্রদত্ত হইয়াছে। মঙ্গলময় বিধাতা অক্ষয়কুমারকে নিত্য কল্যাণে বঞ্চিত করুন।

বর্তমান বর্ষের কর্মচারী—সাধারণ ব্রাহ্মসমাজের বার্ষিক সভার বিগত ৮ই ফেব্রুয়ারী তারিখের স্থগিত অধিবেশনে নিম্নলিখিত মহোদয়গণ বর্তমান বর্ষের জন্য সাধারণ ব্রাহ্মসমাজের কর্মচারী নিযুক্ত হইয়াছেন :—শ্রীযুক্ত হেমচন্দ্র সরকার—সভাপতি, শ্রীযুক্ত দেবেন্দ্রমোহন বসু—সম্পাদক, শ্রীযুক্ত অমিয়কুমার সেন, শ্রীযুক্ত অপর্ণাচরণ ভট্টাচার্য ও শ্রীযুক্ত নির্মলচন্দ্র চক্রবর্তী—সহকারী সম্পাদক, এবং শ্রীযুক্ত স্বধাংশুমোহন বসু কোষাধ্যক্ষ।

অধ্যক্ষ সভা—পূর্বেক্ত অধিবেশনে নিম্নলিখিতরূপে বর্তমান বর্ষের অধ্যক্ষ সভা গঠিত হইয়াছে :—(কলিকাতা)

শ্রীযুক্ত কৃষ্ণকুমার মিত্র, শ্রীযুক্ত ললিতমোহন দাস, পণ্ডিত সীতানাথ তত্ত্বভূষণ, শ্রীযুক্ত সতীশচন্দ্র চক্রবর্তী, শ্রীযুক্ত হেরম্বচন্দ্র মৈত্রের, শ্রীযুক্ত রজনীকান্ত গুহ, শ্রীমতী কুমুদিনী বসু, শ্রীযুক্ত বরদাকান্ত বসু, শ্রীযুক্ত অন্নদাচরণ সেন, শ্রীযুক্ত ধীরেন্দ্রনাথ চৌধুরী, শ্রীযুক্ত প্রমোদক দে, শ্রীযুক্ত স্ববোধচন্দ্র মহালানবিশ, শ্রীমতী কামিনী রায়, শ্রীযুক্ত শশিভূষণ দত্ত, শ্রীযুক্ত পার্শ্বতীনাথ দত্ত, শ্রীযুক্ত রমেশচন্দ্র মুখোপাধ্যায়, ডাঃ বনোয়ারীলাল চৌধুরী, শ্রীযুক্ত মহেশচন্দ্র আতর্থা, শ্রীমতী স্বপ্নালা বসু, শ্রীযুক্ত প্রফুল্লকুমার রায়, শ্রীমতী বাসন্তী চক্রবর্তী, শ্রীযুক্ত ফকিরচন্দ্র সাধুখা, শ্রীযুক্ত দেবেন্দ্রনাথ মিত্র, শ্রীযুক্ত বিজয়চন্দ্র মজুমদার, শ্রীযুক্ত সরোজেন্দ্রনাথ রায়, ডাঃ শিশিরকুমার মিত্র, শ্রীযুক্ত শিশির কুমার দত্ত, শ্রীযুক্ত শচীন্দ্রপ্রসাদ বসু, শ্রীমতী প্রমোদা চৌধুরী, শ্রীমতী সাব্বনা রায়, শ্রীযুক্ত হরেন্দ্রমোহন দত্ত, শ্রীযুক্ত কৃষ্ণদয়াল রায়, শ্রীযুক্ত নীরেন্দ্রনাথ দত্ত, শ্রীযুক্ত বীরেন্দ্রকুমার রায়, শ্রীযুক্ত স্বধীরচন্দ্র বন্দ্যোপাধ্যায়।

(মফঃবল) শ্রীযুক্ত অমৃতগাল গুপ্ত—ঢাকা, শ্রীযুক্ত উপেন্দ্রনাথ বল—লাহোর, শ্রীযুক্ত মনোমোহন চক্রবর্তী—বরিশাল, ডাই সীতারাম—শিয়াল কোট সিটি, শ্রীযুক্ত ভি আর সিংহ—পুনা, শ্রীযুক্ত বিশ্বনাথ কর—কটক, শ্রীযুক্ত অমলকুমার সিংহ—লাহোর, শ্রীযুক্ত ত্রিনাথ চন্দ্র—ময়মনসিং, ডাঃ ভি রায়—গিরিচি, শ্রীযুক্ত সত্যানন্দ দাস—বরিশাল, শ্রীযুক্ত নীলমণি চক্রবর্তী—

চেরাপুঞ্জি; শ্রীযুক্ত সতীশচন্দ্র চট্টোপাধ্যায়—বরিশাল, শ্রীযুক্ত জয়কালী দত্ত—রাঁচি, শ্রীযুক্ত মহেশচন্দ্র ঘোষ—হাজারিবাগ, শ্রীযুক্ত মধুরানাথ গুহ—ঢাকা, শ্রীযুক্ত জানাকুর দে—বাঁকুড়া, কাজী আবদুল গাফফার—খুলনা, শ্রীযুক্ত পরেশনাথ সেন—গিরিডি, শ্রীযুক্ত স্বরেন্দ্রনাথ গুপ্ত—লাহোর, কুমারী ভক্তিমতা চন্দ—কটক, শ্রীযুক্ত ভবসিদ্ধ দত্ত—ঢাকা, শ্রীযুক্ত হরকুমার গুহ—গিরিডি, শ্রীযুক্ত সতীশচন্দ্র রায়—দিলেট, শ্রীযুক্ত জিতেন্দ্র-কুমার বিশ্বাস—তমলুক, শ্রীযুক্ত লাল রঘুনাথ সহায়—লাহোর, শ্রীযুক্ত অশ্বিনীকুমার বসু—ঢাকা, শ্রীযুক্ত লালমোহন চট্টোপাধ্যায়—শোণপুর, স্বামী ব্রহ্মানন্দ—মাদ্রাস, শ্রীযুক্ত প্রফুল্লকুমার চট্টোপাধ্যায়—চন্দননগর, শ্রীযুক্ত দীনেশচন্দ্র চৌধুরী—পাটনা।

(প্রতিনিধি) শ্রীযুক্ত কালীমোহন বসু—কালীঘাট প্রার্থনা সমাজ, শ্রীমতী উমা দে—বাঁকুড়া ব্রাহ্মসমাজ, শ্রীযুক্ত স্বকুমার মিত্র—টাঙ্গাইল ব্রাহ্মসমাজ, শ্রীযুক্ত মণীন্দ্রনাথ নন্দী—কালীকচ্ছ ব্রাহ্মসমাজ, শ্রীযুক্ত মনোরঞ্জন বন্দ্যোপাধ্যায়—ময়মনসিং ব্রাহ্মসমাজ, শ্রীযুক্ত প্রণবকুমার বসু—মেদিনীপুর ব্রাহ্মসমাজ, শ্রীযুক্ত অনিলকুমার সেন—বাণীবন ব্রাহ্মসমাজ, শ্রীযুক্ত হেরষচন্দ্র মৈত্রেয়—কুমারখালি ব্রাহ্মসমাজ, শ্রীযুক্ত শশিভূষণ মিত্র—ফরিদপুর ব্রাহ্মসমাজ, রায় সাহেব প্যারীমোহন দাস—পূর্ববাঙ্গলা ব্রাহ্মসমাজ, রায় সাহেব শরৎচন্দ্র দাস—ধুবড়ি ব্রাহ্মসমাজ, শ্রীযুক্ত মন্থমোহন দাস—বরিশাল ব্রাহ্মসমাজ, শ্রীযুক্ত আশুতোষ দাস—উর্টাডাঙ্গা ব্রাহ্মসমাজ, শ্রীমতী স্বকুমারী সেন—বাঁকিপুর ব্রাহ্মসমাজ, শ্রীযুক্ত অপর্ণাচরণ ভট্টাচার্য—আন্দুল ব্রাহ্মসমাজ, মিঃ ইউ মাজাপা—মাদ্রালোর ব্রাহ্মসমাজ, ডাঃ হেমচন্দ্র সরকার—বেঙ্গওয়াদা ব্রাহ্মসমাজ, শ্রীযুক্ত প্রতুলচন্দ্র সোম—দিলেট ব্রাহ্মসমাজ, শ্রীযুক্ত অনিলচন্দ্র চৌধুরী—বরমা ব্রাহ্মসমাজ, শ্রীযুক্ত অতুলভূষণ সরকার—মউসমাই ব্রাহ্মসমাজ, শ্রীযুক্ত জয়মঙ্গল রথ—গঙ্গান জেলা ব্রাহ্মসমাজ, রায় বাহাদুর মহেন্দ্রকুমার গুপ্ত—সিলং ব্রাহ্মসমাজ, শ্রীযুক্ত অনাথবন্ধু সেন—খাসিয়া হিল্‌স ব্রাহ্মসমাজ, শ্রীযুক্ত মধুসূদন জানা—কাঁধি ব্রাহ্মসমাজ, শ্রীযুক্ত এম মহাদেব মুদলিয়র—মাদ্রালোর ক্যাটনমেট ব্রাহ্মসমাজ, মিঃ এ গোগালম—কালিকট ব্রাহ্মসমাজ, শ্রীযুক্ত অমল্যচরণ সেন—কাওরাইদ (ঢাকা) ব্রাহ্মসমাজ, শ্রীযুক্ত বিভূতিভূষণ সরকার—ককনগর ব্রাহ্মসমাজ।

কালীকচ্ছ ব্রাহ্মসমাজ—কালীকচ্ছ ব্রাহ্মসমাজে শততম মাঘোৎসব নিম্নলিখিত প্রণালী অঙ্গসারে সম্পন্ন হইয়াছে :—৬ই মাঘ সাংকালে মহর্ষির স্মৃতিসভার অধিবেশন হয়; শ্রীযুক্ত তারিণীনাথ নন্দী সভাপতির আসন গ্রহণ করেন। ৭মানে সত্যেন্দ্রনাথ নন্দী মহর্ষির জীবনী সম্বন্ধে প্রবন্ধ পাঠ করেন এবং তারিণী বাবু বক্তৃতা করেন। ৯ই মাঘ প্রাতে ব্রাহ্মসমাজের কল্যাণার্থ ব্রাহ্ম পরিবারে প্রার্থনা। সাংকালে মন্দিরে কীর্তন ও উপাসনা; শ্রীযুক্ত প্যারীনাথ নন্দী উপাসনার কার্য করেন। ১০ই মাঘ প্রাতে কীর্তন ও উপাসনা; বাবু বিবেকচন্দ্র নন্দী উপাসনার কার্য করেন। অপরাহ্নে ৩ ঘটিকায় বালক-বালিকা-সম্মিলন; মৌলবী আতিকার রহমান সভাপতির আসন

গ্রহণ করেন; বাবু প্যারীনাথ নন্দী, বাবু তারিণীনাথ নন্দী ও বাবু শশাঙ্কশেখর ভট্টাচার্য উপস্থিত বালকবালিকাদিগকে উপদেশ দেন। সাংকালে মন্দিরে শ্রীমতী বিনোদিনী নন্দী উপাসনা করেন। ১১ই মাঘ উষাকীর্তন ও প্রাতে উপাসনা; তারিণী বাবু উপাসনার কাজ করেন। ১০ ঘটিকায় মহেন্দ্র বাবুর পারি-বারিক মন্দিরে প্যারী বাবু উপাসনা করেন। অপরাহ্নে পাঠ ও কীর্তন। সাংকালে মন্দিরে প্যারী বাবু উপাসনা করেন। ১২ই মাঘ প্রাতে মন্দিরে উপাসনা; বাবু বিবেকচন্দ্র নন্দী উপাসনার কাজ করেন। অপরাহ্নে ৩ ঘটিকায় মহিলা-উৎসব। শ্রীমতী বিনোদিনী নন্দী পাঠ ও উপাসনার কাজ করেন। ৩ ঘটিকায় নগর সংকীর্তন; গ্রামের দক্ষিণ প্রান্তে শ্রীযুক্ত শ্রীশচন্দ্র রায়ের মাতার স্থানে দাড়াইয়া কীর্তন ও বাবু কৃষ্ণবিহারী দত্তের বাড়ীতে কীর্তন ও প্রার্থনা। মন্দিরে ৭ ঘটিকায় উপাসনা; বাবু প্যারীনাথ নন্দী উপাসনা করেন। ১৩ই মাঘ প্রাতে বাবু তারিণীনাথ নন্দীর বাগানে উপাসনা ও শ্রীতিভোজন; তারিণী বাবুই শ্রীতিভোজনের সমুদয় কার্য বহন করিয়াছেন। ব্রাহ্মসমাজের নির্দেশে অঙ্গসারে ১২ই ফেব্রুয়ারী মন্দিরে বিশেষ উপাসনা হইয়াছিল; বাবু প্যারীনাথ নন্দী উপাসনার কাজ করেন।

কলিকাতা উপাসকমণ্ডলী—কলিকাতা উপাসক মণ্ডলীর বার্ষিক সভা উপলক্ষে নিম্নলিখিতরূপে একটি বিশেষ উৎসব সম্পন্ন হয়—২২শে ফেব্রুয়ারী শনিবার অপরাহ্নে সমাজ-প্রাঙ্গণে সাহ্যসম্মিলন। তাহাতে শ্রীযুক্ত হেমচন্দ্র সরকার প্রার্থনা করেন এবং লাঠিখেলা প্রভৃতি নানাপ্রকার ব্যায়াম প্রদর্শিত হয়। সাংকালে মন্দিরে শ্রীযুক্ত সতীশচন্দ্র চক্রবর্তী ভক্তবাণী পাঠ ও ব্যাখ্যা করেন। ২৩শে রবিবার দুই বেলা উপাসনা হয়। প্রাতে শ্রীযুক্ত হেরষচন্দ্র মৈত্রেয় ও সাংকালে শ্রীযুক্ত কৃষ্ণকুমার মিত্র আচার্যের কার্য করেন। ২৪শে সোমবার সাংকালে বার্ষিক সভার অধিবেশন হয়। তাহাতে বার্ষিক কার্য বিবরণী ও হিসাবাদি গৃহীত হইলে পর, পুনরায় শ্রীযুক্ত রমেশচন্দ্র মুখো-পাধ্যায় সম্পাদক এবং শ্রীযুক্ত আশুতোষ দাস, শ্রীযুক্ত গণেশচন্দ্র গুহ ও শ্রীযুক্ত সুনীলকুমার বসু সহকারী সম্পাদক নিযুক্ত হন। এতদ্ব্যতীত কার্যনির্বাহক সভা গঠিত ও আচার্যগণ মনোনীত হন।

ডাকব্রাহ্ম মাঘোৎসব—পূর্ববাঙ্গলা ব্রাহ্মসমাজ নিম্নলিখিতরূপে শততম মাঘোৎসব সম্পন্ন করিয়াছেন :—২৯শে পৌষ হইতে ২রা মাঘ পর্যন্ত প্রতিদিন উষাকীর্তনের পর প্রাতঃ-কালে এবং সন্ধ্যায় সহরের বিভিন্ন পল্লীতে বিভিন্ন পরিবারে কীর্তন ও উপাসনা হইয়াছে। সকল স্থানেই শ্রীযুক্ত মনোমোহন চক্রবর্তী আচার্যের কার্য করিয়াছেন। তিনি উৎসবের প্রায় এক সপ্তাহ পূর্ব হইতে ঢাকার থাকিয়া পরিবারে পরিবারে উপাসনা ও কীর্তনাদি করিয়া সকলের মনে উৎসবের তাব জাগাইয়া তুলিয়াছিলেন। শ্রীযুক্ত অমলচন্দ্র বসুও সঙ্গীত ও

কীর্তনাদি দ্বারা এই কার্যে বিশেষ সাহায্য করিয়াছিলেন। ৩রা মাঘ সন্ধ্যায় উৎসবের উদ্বোধন হয়; শ্রীযুক্ত মনোমোহন চক্রবর্তী আচার্যের কার্য করেন। ৪ঠা মাঘ প্রাতঃকালে উপাসনা হয়; শ্রীযুক্ত অমৃতলাল গুপ্ত আচার্যের কার্য করেন। সন্ধ্যায় শ্রীযুক্ত মনোমোহন চক্রবর্তী “মাঘোৎসবের বাণী” সঞ্চয় বক্তৃতা করেন। ৫ই মাঘ প্রাতঃকালে ছাত্রসমাজের উৎসব উপলক্ষে উপাসনা হয়; শ্রীযুক্ত যোগজীবন পাল আচার্যের কার্য করেন। মধ্যাহ্নে ছাত্র সমাজের বার্ষিক সভা হয়, তাহাতে নূতন বৎসরের অল্প কার্যনির্করক সভা গঠিত হয় ও কর্মচারী-বৃন্দ মনোনীত হন। সন্ধ্যায় উপাসনা হয়, শ্রীযুক্ত অমৃতলাল গুপ্ত আচার্যের কার্য করেন। ৬ই মাঘ প্রাতঃকালে উপাসনা হয়, শ্রীযুক্ত অমরচন্দ্র ভট্টাচার্য আচার্যের কার্য করেন। সন্ধ্যায় মহাবির শ্বতীসভা হয়, শ্রীযুক্ত হরেন্দ্রনাথ মৈত্র সভাপতির আসন গ্রহণ করেন এবং শ্রীযুক্ত গিরিশচন্দ্র নাগ, শ্রীযুক্ত অমৃতলাল গুপ্ত ও শ্রীযুক্ত যোগজীবন পাল বক্তৃতা করেন। ৭ই মাঘ প্রাতঃকালে উপাসনা হয়; শ্রীযুক্ত অক্ষয় কুমার সেন আচার্যের কার্য করেন। সন্ধ্যায় সজতসভার উৎসবে শ্রীযুক্ত ভবসিদ্ধ দত্ত সংক্ষিপ্ত উপাসনা করেন, তৎপর শ্রীযুক্ত মধুরানাথ গুহ “বেদান্তে আত্মানন্দ তত্ত্ব” এই সঞ্চয় পাঠ ও ব্যাখ্যা করেন। ৮ই মাঘ প্রাতঃকালে উপাসনা হয়, শ্রীযুক্ত অধিনীকুমার বসু আচার্যের কার্য করেন। সন্ধ্যায় শ্রীযুক্ত অমৃতলাল গুপ্ত “ধর্মপথে বিদ্ব ও আত্মরক্ষা” সঞ্চয় বক্তৃতা করেন। ৯ই মাঘ মহিলা-উৎসব—প্রাতঃকালে ২ ঘটিকায় উপাসনা হয়; শ্রীযুক্ত অমৃতলাল গুপ্ত আচার্যের কার্য করেন। তৎপরে প্রীতিভোজন; আবার অপরাহ্ন ২ ঘটিকায় মহিলাদের সন্মিলন হয়। মিসেস্ চিন্নারী দাস সংক্ষিপ্ত উপাসনা করেন এবং শ্রীমতী রেণুকা দাস ও শ্রীমতী প্রিয়বালা গুপ্ত প্রবন্ধ পাঠ করেন। পুরুষদিগের অল্প প্রাতঃকালে ইষ্টবেঙ্গল ইন্সটিটিউশন হলে উপাসনা হয়; শ্রীযুক্ত রজনীকান্ত সরকার আচার্যের কার্য করেন। সন্ধ্যায় মন্দিরে শ্রীযুক্ত ভবসিদ্ধ দত্ত “ভগবতের সংবাদ” বিষয়ে বক্তৃতা করেন। ১০ই মাঘ প্রাতঃকালে পরলোকগত আচার্য নবদীপচন্দ্র দাস মহাশয়ের সাহস্রাব্দিক উপাসনা হয়; শ্রীযুক্ত অক্ষয়কুমার সেন আচার্যের কার্য করেন। অপরাহ্ন ৪ ঘটিকায় নগর সংকীর্তন, সন্ধ্যায় উপাসনা হয়; শ্রীযুক্ত অমৃতলাল গুপ্ত আচার্যের কার্য করেন। ১১ই মাঘ সমস্ত দিনব্যাপী উৎসব। ১০ই মাঘ সমস্ত রাত্রি বিনিন্দ্র থাকিয়া যুবকগণ মন্দিরটি হৃদয়রূপে সজ্জিত করেন। ১১ই মাঘ প্রত্যাহ হইতে না হইতেই দলে দলে লোক আসিতে থাকেন, অতি প্রত্যাহে কীর্তন আরম্ভ হয় এবং তৎপর শ্রীযুক্ত অমৃতলাল গুপ্ত উপাসনা আরম্ভ করেন। উপাসনান্তে কয়েকজন বন্ধু কীর্তন, পাঠ ও প্রার্থনার ২ ঘটিকা পর্যন্ত বাপস করেন; তৎপর ২১ ঘটিকায় উপাসনা হয়, শ্রীযুক্ত মধুরানাথ গুহ আচার্যের কার্য করেন। উপাসনান্তে শ্রীযুক্ত অমরচন্দ্র ভট্টাচার্য “মাঘোৎসবের উৎপত্তি ও তাহার ক্রমিক বিকাশ” সঞ্চয় একটি প্রবন্ধ পাঠ করেন। ২১ ঘটিকায় মন্দিরপ্রাঙ্গণে কীর্তন আরম্ভ হয়, তৎপর ৩১ ঘটিকায় শ্রীযুক্ত ভবসিদ্ধ দত্ত উপাসনা করেন। ১২ই মাঘ প্রাতঃকালে উপাসনা হয়, শ্রীযুক্ত

অমৃতলাল গুপ্ত আচার্যের কার্য করেন। অপরাহ্ন ২ ঘটিকায় বালক-বালিকাদিগের উৎসব হয়; শ্রীযুক্ত অমরচন্দ্র ভট্টাচার্য সভাপতির আসন গ্রহণ করেন। বালক-বালিকাদিগের সঙ্গীত ও আবৃত্তি হইলে পর প্রায় ৪০০ বালক-বালিকাদিগকে জলযোগ করান হয়। সন্ধ্যায় উপাসনা হয়, শ্রীযুক্ত ভবসিদ্ধ দত্ত আচার্যের কার্য করেন। ১৩ই মাঘ প্রাতঃকালে উপাসনা হয়; শ্রীযুক্ত অমরচন্দ্র ভট্টাচার্য আচার্যের কার্য করেন। অপরাহ্ন ২ ঘটিকায় ইষ্টবেঙ্গল ইন্সটিটিউশনপ্রাঙ্গণে দরিদ্রদিগকে চাউল ও পয়সা বিতরণ করা হয়। সন্ধ্যায় ইষ্টবেঙ্গল ইন্সটিটিউশন হলে বিভিন্ন ধর্মাবলম্বীদিগের একটি সন্মিলন হয়। শ্রীযুক্ত গিরিশচন্দ্র নাগ সভাপতির আসন গ্রহণ করেন এবং রেভারেন্ড নর্থকিন্ড খৃষ্টধর্ম সঞ্চয়, অধ্যাপক হরিদাস ভট্টাচার্য হিন্দুধর্ম সঞ্চয়, ডাক্তার মহম্মদ শহিদুল্লাহ ইসলামধর্ম সঞ্চয়, অধ্যাপক রাখাগোবিন্দ বসাক বৌদ্ধধর্ম সঞ্চয় এবং সভাপতি ব্রাহ্মধর্ম সঞ্চয় বক্তৃতা করেন। ১৪ই মাঘ প্রাতঃকালে উপাসনা হয়; শ্রীযুক্ত অধিনীকুমার বসু আচার্যের কার্য করেন। সন্ধ্যায় শ্রীযুক্ত গিরিশচন্দ্র নাগ “ধর্মে সার্বভৌমিকতা” সঞ্চয় ইংরাজীতে বক্তৃতা করেন। ১৫ই মাঘ প্রাতঃকালে উপাসনা হয়; শ্রীযুক্ত অক্ষয়কুমার সেন আচার্যের কার্য করেন। সন্ধ্যায়ও উপাসনা হয়। নির্দিষ্ট আচার্য মুসলমানের দাঙ্গার অল্প উপস্থিত হইতে না পারায় শ্রীযুক্ত অক্ষয়কুমার সেন আচার্যের কার্য করেন। সহরে মুসলমানের দাঙ্গার অল্প গেণ্ডারিয়া উত্তানসন্মিলন ১২শে মাঘ তারিখে হইতে পারে নাই। ২৬শে মাঘ এই সন্মিলন হয়। ১০১ ঘটিকায় উপাসনা হয়; শ্রীযুক্ত ভবসিদ্ধ দত্ত আচার্যের কার্য করেন। সন্ধ্যায় মন্দিরে উপাসনা হয়; শ্রীযুক্ত অক্ষয়কুমার সেন আচার্যের কার্য করেন।

ব্রহ্মিষ্ঠাটল আটঘাৎ সন্ধ্যা—উৎসবে লোক সমাগম এ বৎসর অল্প বৎসরের তুলনায় কম হইলেও একনিষ্ঠ উপাসক, গায়ক, বাদক এবং চাঁদাদাতাগণের সাহায্য ও সহায়ত্ব সমানই দেখা গিয়াছে। বক্তৃতা, উপাসনা, উপদেশ, সঙ্গীত, উবাকীর্তন, নগরকীর্তন, প্রীতিভোজন, ছাত্রসমাজের উৎসব, বালক-বালিকা-সন্মিলন, কাছালী বিদ্যালয় অস্থান প্রভৃতি উৎসবের সর্বাঙ্গীণ কাব্যই হৃদয় ও সাফল্যমণ্ডিত হইয়াছিল। উৎসবের প্রতিদিনের কার্য সংক্ষেপে প্রকাশ করা যাইতেছে:—

৫ই মাঘ প্রত্যাহে বগড়াই সর্কানন্দ-তবন হইতে উবাকীর্তন বাহির হইয়া বড় বড় রাস্তা জয়গাঙ্গে ব্রহ্মমন্দিরে উপস্থিত হইলে, উপাসনা হয়। শ্রীযুক্ত মনমোহন দাস আচার্যের কার্য করেন। সাহস্রকালে উৎসবের উদ্বোধনস্বচক উপাসনায় শ্রীযুক্ত সত্যানন্দ দাস আচার্যের কার্য করেন। ৬ই মাঘ প্রাতে মহর্ষি দেবেন্দ্রনাথ ঠাকুর মহোদয়ের মহাপ্রস্থানশ্রুতি লইয়া উপাসনা হয়। আচার্য ছিলেন সত্যানন্দবাবু। সাহস্রকালে মহাবির শ্বতীসভার অধিবেশনে সত্যানন্দবাবু সভাপতির আসন গ্রহণ করেন। শ্রীযুক্ত সতীশচন্দ্র চট্টোপাধ্যায় এবং বাবু যোগানন্দ দাস বক্তৃতা করেন। ৭ই মাঘ প্রাতে বগড়া পল্লীতে উবাকীর্তনান্তে সর্কানন্দ-

ভবনে উপাসনা হয়। বাবু যোগানন্দ দাস আচার্যের কার্য করেন। শ্রীতিজলযোগে উৎসবের কার্য শেষ হয়। সাংকালে ব্রাহ্মবন্ধু-সভার উৎসব সম্পন্ন হয়। শ্রীযুক্ত সতীশচন্দ্র চট্টোপাধ্যায় সভাপতির আসন গ্রহণ করেন। সম্পাদক শ্রীযুক্ত সত্যানন্দ দাস বার্ষিক কার্যবিবরণ পাঠ করিলে শ্রীযুক্ত শ্রীচরণ সেন, পূর্ণচন্দ্র দে, প্রসন্নকুমার দাস, মন্থমোহন দাস ব্রহ্মোপাসনা এবং সাধন প্রভৃতি বিষয়ে আলোচনা করিলে বক্তৃতা করেন। ৮ই মাঘ প্রাতে সঙ্কীর্ণনাঙ্গে বাবু প্রসন্নকুমার দাস ধর্মগ্রন্থ হইতে পাঠ এবং বাবু ললিতকুমার বসু প্রার্থনা করেন। সাংকালে সঙ্কীর্ণ কীর্তনাঙ্গে বরিশাল ব্রাহ্ম সমাজের সাধারণ সভার বার্ষিক অধিবেশনে শ্রীযুক্ত মনোমোহন চক্রবর্তী সভাপতির আসন গ্রহণ করিয়া প্রার্থনা করেন এবং কার্যবিবরণাদি আলোচিত হয়। ৯ই মাঘ প্রাতে আলোকান্দা পঞ্জীতে উষাকীর্তনাঙ্গে বাবু রসরঞ্জন সেনের গৃহে উপাসনা হয়। শ্রীযুক্ত মন্থমোহন দাস আচার্যের কার্য করেন। শ্রীতি জলযোগে উৎসব শেষ হয়। অপরাহ্নে মন্দিরপ্রাঙ্গণে ছাত্রসমাজের উৎসব সম্পন্ন হয়। শ্রীযুক্ত মনোমোহন চক্রবর্তী সভাপতির আসন গ্রহণ করেন। কুমারী জুইফুল সঙ্কীর্ণ করিলে সভাপতি প্রার্থনা করেন। শ্রীমতী কুমুমকুমারী দাস ও কুমারী নীহারকণা দাস দুইটি প্রবন্ধ এবং বাবু যোগানন্দ দাস এবং বাবু রসরঞ্জন সেন, ছাত্রগণের আদর্শ ও ভবিষ্যৎ বিষয়ে বক্তৃতা করেন। ঢাকার অবসরপ্রাপ্ত ডিষ্ট্রিক্ট জজ দেওয়ান বাহাদুর সারদাপ্রসাদ সেন, বরিশালের রায় গণেশচন্দ্র দাস বাহাদুর বক্তৃতা ও প্রবন্ধের প্রশংসা করিয়া ছাত্রগণকে আশীর্বাদরূপে সংক্ষিপ্ত উপদেশ প্রদান করেন। সভাপতির মন্তব্যান্তে সন্দেশ বিতরিত হইলে উৎসব শেষ হয়। সাংকালে শ্রীযুক্ত সত্যানন্দ দাস "জীবনের পূজা" বিষয়ে বক্তৃতা করেন। ১০ই মাঘ প্রাতে আচার্য নবদ্বীপচন্দ্র দাস মহাশয়ের মহাপ্রস্থান দিনের স্মৃতিতে উপাসনা হয়। মনোমোহন বাবু আচার্যের কার্য করেন এবং সাধারণ ব্রাহ্ম-সমাজে নবদ্বীপচন্দ্রের স্থান বিষয়ে বিবৃত করেন। সাংকালে উপাসনা হয়; সতীশবাবু আচার্যের কার্য করেন। ১১ই মাঘ প্রাতে হইতে উষাকীর্তন হয়। উপাসনার পূর্বে এবং উপাসনার প্রধানতঃ মনোমোহন বাবু সঙ্কীর্ণ করেন। ৮টায় উপাসনা আরম্ভ হইয়া ১০ টায় শেষ হয়। আচার্য ছিলেন সত্যানন্দবাবু। ১টা পর্যন্ত কেহ কেহ ধ্যান, প্রার্থনা এবং সঙ্কীর্ণে অতিবাহিত করেন। অপরাহ্নে সতীশ বাবু উপাসনা করেন। তৎপরে বাবু যোগানন্দ দাস, রসরঞ্জন সেন এবং সতীশ বাবু নানা ধর্মগ্রন্থ হইতে পাঠ করেন। সাংকালে জমাট কীর্তনাঙ্গে উপাসনা হয়। আচার্য মনোমোহন বাবু। সুরেন বাবু এবং ব্রাহ্মকল্যাণ মিলিত কর্তৃক সঙ্কীর্ণ করেন। প্রায় ১১টা পর্যন্ত গায়ক ও উপাসকগণ সঙ্কীর্ণাদিতে অতিবাহিত করিলে আজিকার বিশেষ দিনের উৎসব শেষ হয়। ১২ই মাঘ প্রাতে উপাসনা হয়; বাবু রাজকুমার ঘোষ আচার্যের কার্য করেন। অপরাহ্নে মন্দিরে ব্রাহ্মিকা সমাজের উৎসবে শ্রীমতী কুমুমকুমারী দাস উপাসনার কার্য, কুমারী স্নেহলতা দাস ধর্মগ্রন্থ পাঠ, শ্রীমতী প্রফুল্লবালা দাস প্রবন্ধ পাঠ এবং কুমারী লীলাময়ী চক্রবর্তী ও কুমারী শান্তিলতা দাস সঙ্কীর্ণ করেন; এদিকে অপরাহ্নে ৪ টায় পরে ব্রাহ্ম-শ্রাবণক্ষেত্র হইতে নগর সঙ্কীর্ণন বাহির হয়। কীর্তন আদি অস্ত্র জমাটভাবে সন্দের বড় বড় রাস্তা ঘুরিয়া মন্দিরে উপস্থিত হইলে উপাসনা হয়। সত্যানন্দ বাবু আচার্যের কার্য করেন। ১৩ই মাঘ প্রাতে উপাসনা হয়। বাবু যোগানন্দ দাস আচার্যের কার্য করেন। অপরাহ্নে ৫ ঘটিকায় বালক-বালিকা-সম্মিলন উৎসব সম্পন্ন হয়। কুমারী স্নেহলতা দাস সভানেত্রীর

আসন গ্রহণ করেন; মনোমোহন বাবু প্রার্থনা করেন। বালিকাদিগের সঙ্কীর্ণ ও আবৃত্তি হইলে, বাবু কল্যাণকুমার চক্রবর্তী ও শ্রীযুক্ত যোগানন্দ দাস উপদেশরূপে বক্তৃতা করেন। সভানেত্রী লিখিত উপদেশ পাঠ করিলে, কমলা দেবী ও সন্দেশ বিতরিত হইলে উৎসব শেষ হয়। সাংকালে মনোমোহন বাবু "শত বর্ষের শ্রেষ্ঠ দান" এই বিষয়ে বক্তৃতা করেন। ১৪ই মাঘ প্রাতে উপাসনার মনোমোহন বাবু আচার্যের কার্য করেন। সাংকালে সুহৃদসম্মিলনের উপাসনার সতীশ বাবু আচার্য। উপাসনান্তে পরস্পরের শ্রীতি-নমস্কার ও প্রেমালিঙ্গনাদি হইলে শ্রীতিভোজনাঙ্গে রাজি প্রায় ১২টার মধুর মাঘোৎসব শেষ হইয়া গেল। ১৫ই মাঘ—এই দিন উৎসবের তালিকাভুক্ত ছিল না— ১০ই মাঘের নির্ধারিত কাঙ্গালী বিদায় অস্থান মন্দির-প্রাঙ্গণে সম্পন্ন হয়। তিন শতাধিক ভিখারী উপস্থিত হইলে মনোমোহন বাবু তাহাদিগকে অগ্রান্ত্র বারের জায় উপদেশপ্রদানান্তে প্রার্থনা করেন। তৎপরে তাহাদিগকে পরসা বিতরিত হয়। সাংকালে স্বর্গীয় আচার্য কালীমোহন দাস মহাশয়ের গৃহে তাঁহার পুত্র বাবু ললিতমোহন দাসের আস্থানে উপাসনার ব্যবস্থা হয়। বাবু যোগানন্দ দাস উপাসনা করেন। শ্রীতি-জলযোগে পারিবারিক উৎসব শেষ হয়।

ব্রাহ্মশাস্ত্র ব্রাহ্মসমাজ—বিগত ২০শে মাঘ সাংকালে সাধারণ ব্রাহ্মসমাজের নির্দেশক্রমে শতবর্ষোৎসবের প্রচার কার্য প্রভৃতির উৎসাপনরূপে বরিশাল ব্রাহ্মমন্দিরে বিশেষ উপাসনা হয়। শ্রীযুক্ত মনোমোহন চক্রবর্তী আচার্যের কার্য করেন এবং দেড় বৎসর ধ্যাপী প্রচার ও উৎসবে ভগবানের করুণা ও একনিষ্ঠ কর্মীদের সেবানিষ্ঠা বিষয়ে উপদেশ দেন।

বিগত ১৫ই ফাল্গুন ব্রাহ্মশাস্ত্র ব্রাহ্মমন্দিরে ব্রাহ্মিকা সমাজের ৫০ ত্রিপঞ্চাশত্তম উৎসব সম্পন্ন হয়। শ্রীযুক্ত মনোমোহন চক্রবর্তী আচার্যের কার্য এবং বাবু ননীকৃষ্ণ দাস ও কল্যাণ গান করেন। উপাসনার পূর্বে কুমারী স্নেহলতা দাস ধর্মগ্রন্থ এবং শ্রীমতী প্রভাময়ী দাস প্রবন্ধ পাঠ করেন।

বিগত ১লা ফাল্গুন সাংকালে শ্রীযুক্ত সতীশচন্দ্র চট্টোপাধ্যায়ের গৃহে, তাঁহার পুত্রবধূর ভগ্নী স্বর্গীয় মন্থনাথ দত্তের কন্যা কল্যাণীর পরলোকগমনে জমাট কীর্তনাঙ্গে উপাসনা হয়। শ্রীযুক্ত মনোমোহন চক্রবর্তী আচার্যের কার্য এবং সতীশ বাবুর কন্যা পারুলবালা কল্যাণীর জীবনকথা পাঠ করেন। জলযোগে অস্থান শেষ হয়। এই উপলক্ষে বরিশাল ব্রাহ্মসমাজে ২ টাকা প্রদত্ত হয়।

বিগত ১লা ফাল্গুন অপরাহ্নে বাবু রাজকুমার ঘোষের গৃহে তাঁহার চতুর্থকন্যা শ্রীমতী মালতীর প্রথম কল্যাণ (পিতা শ্রীযুক্ত শঙ্কর নাইডু) জাতকর্ম অস্থানে শ্রীযুক্ত মন্থমোহন দাস আচার্যের কার্য করেন। শ্রীতিজলযোগে অস্থান শেষ হয়।

১৯৩০ সনের জন্ম বরিশাল ব্রাহ্মসমাজের সাধারণ সভায় শ্রীযুক্ত মনোমোহন চক্রবর্তী আচার্য এবং শ্রীযুক্ত সত্যানন্দ দাস, সতীশচন্দ্র চট্টোপাধ্যায়, মন্থমোহন দাস, রাজকুমার ঘোষ এবং ললিতকুমার বসু সহকারী আচার্য নিযুক্ত হইয়াছেন। মন্থ বাবু সম্পাদক এবং বাবু রসিকলাল সেন, জানানন্দ দাস, বিনয়-ভূষণ দাস, কল্যাণকুমার চক্রবর্তী সহকারী সম্পাদক এবং বিনয়-ভূষণ গুপ্ত ধনাধ্যক্ষ নিযুক্ত হইয়াছেন। কর্তব্যচালনা ব্যতীত ১০ জন সভ্য লইয়া কার্যনির্বাহক সভা গঠিত হইয়াছে।

মাঘোৎসবের পরে সাণ্ডে স্থলের কার্য শ্রীযুক্ত মনোমোহন চক্রবর্তীর তত্ত্বাবধানে পুনঃ আরম্ভ হইয়াছে। সম্প্রতি শ্রীমতী প্রভাময়ী দাস এবং কুমারী লীলাময়ী চক্রবর্তী শিক্ষাদান করিতেছেন।

তত্ত্ব কৌমুদী

অসতো মা সদগময়,
ভমসো মা জ্যোতির্গময়,
মৃত্যোর্মীয়তঃ গময় ॥

ধর্ম ও সমাজতত্ত্ব বিষয়ক পাক্ষিক পত্রিকা

সাধারণ ব্রাহ্মসমাজ

১২৮৫ সাল, ২রা জ্যৈষ্ঠ, ১৮৭৮ খ্রীঃ, ১৫ই মে প্রতিষ্ঠিত।

৫২ম ভাগ
২৩শ সংখ্যা।

১লা চৈত্র, শনিবার, ১৩৩৬, ১৮৫১ শক, ব্রাহ্মসংবৎ ১০১
15th March, 1930.

প্রতি সংখ্যার মূল্য ৮০
অগ্রিম বাৎসরিক মূল্য ৩২

প্রার্থনা।

হে চিরমঙ্গলময় বিশ্ববিধাতা, তুমি প্রতিনিয়ত এই বিশ্বের ক্ষুদ্র বৃহৎ সকলের সকল প্রকার কল্যাণসাধনে নিযুক্ত রহিয়াছ— যাহার বাহা প্রয়োজন বিধান করিতেছ, সকলকে চির-উন্নতির পথে নিয়া চলিয়াছ। আমরা তাহা না দেখিয়া, না বুঝিয়া, আপনার পথে, আপনার ভাবে, চলিতে যাইয়া তোমার মঙ্গল কার্যে কত বাধা উপস্থিত করি! আমাদের উন্নতি ও কল্যাণকে কত দূরে ফেলিয়া দেই! এবং কত দুঃখ বেদনায় ক্ষতবিক্ষত হই! কিন্তু, হে সর্কশক্তিমান, তোমার মঙ্গল ইচ্ছাকে ব্যর্থ ও পরাজিত করিবার শক্তি ত আমাদের কাহারও নাই। তুমি সকল বাধা বিয়, সকল অবাধ্যতা ও বিরোধিতা চূর্ণ করিয়া, তোমার মঙ্গল ইচ্ছাকে অক্ষুণ্ণ না করিয়া কখনও ক্ষান্ত হও না। তবু কেন যে আমরা তোমার হাতে আপনাদিগকে ছাড়িয়া দিয়া সকল বিষয়ে তোমার অহুগত হইয়া চলি না, অবাধ্য হইয়া কেবল দুঃখ রেশ লাগনা ভোগ করি, জানি না। তুমি ভিন্ন আর কে আমাদের মোহ ছুঁকুছি দূর করিবে? আমাদের অবিশ্বাস ও বিরোধিতাকে, অহঙ্কার ও বেচ্ছাচারিতাকে চূর্ণ করিবে? আর কে আমাদের প্রাণে সে আকাঙ্ক্ষা, হৃদয়ে সে বল প্রদান করিবে, যাহাতে আমরা সর্বদা সকল বিষয়ে তোমার জীবন্ত মঙ্গল বিধাতৃব্দের হস্তে আপনাদিগকে অর্পন করিয়া, তোমার অহুগত হইয়া চলিতে পারি? তুমিই আমাদের একমাত্র প্রভু ও চালক হও, আমাদের সকল প্রকার উদাসীনতা অবহেলা ও বেচ্ছাচারিতা দূর করিয়া দেও। আমাদের প্রতি জীবনে ও সমাজে তোমার ইচ্ছাই সর্বোপরি অক্ষুণ্ণ হউক। আমরা সম্পূর্ণরূপে তোমার হইয়া যাই। তোমার ইচ্ছাই পূর্ণ হউক।

শততম মাঘোৎসব

(পূর্ব প্রকাশিতের পর)

১১ই মাঘ (২৫শে জানুয়ারী) শনিবার—
অষ্ট উৎসবের প্রধান দিন। যুগকগণ ১০ই মাঘের রাত্রিকাগীন উপাসনার পর প্রায় সমস্ত রাত্রি জাগিয়া মন্দির পত্র পুষ্পে সুসজ্জিত করেন। ওদিকে রাত্রি প্রভাতের বহু পূর্ব হইতেই ব্যাকুলপ্রাণ উপাসকগণ জাগিয়া মন্দিরে সমবেত হইতে আরম্ভ করেন, এবং সঙ্গীত সংকীর্তন চলিতে থাকে। অনন্তর ৭ ঘটিকার সময় মিলিত কণ্ঠে "জাগো পুরানী, ভগবত-প্রেমপিয়ারী" ইত্যাদি সঙ্গীতটি গীত হইলে উপাসনা আরম্ভ হয়। শ্রীযুক্ত সতীশচন্দ্র চক্রবর্তী আচার্যের কার্য করেন। তিনি পূর্ব পূর্ব আচার্য্য-গণকে স্মরণ ও প্রণাম করিয়া নিম্নলিখিত মর্মে উদ্বোধন করেন:—
শতবর্ষের কিছু বেশী হ'ল, করুণাময়ী বিশ্বজননী আমাদের অষ্ট পবিত্র ব্রাহ্মধর্ম ভারতে অভ্যুদিত করেছেন। শতবর্ষ পূর্বে ১১ই মাঘে রাজা রামমোহন রায় তাঁর প্রিয় ব্রাহ্মসমাজকে একটি মন্দিরে প্রতিষ্ঠিত করে রেখে যান। এই দিনটি আমাদের কাছে অতি পবিত্র দিন। আজ করুণাময়ী বিশ্বজননীর অপার করুণা স্মরণ করে ও স্বীকার করে, তাঁর প্রেমসাগরে অবগাহন করে ও তাঁর প্রেমের হাতে আত্মসমর্পণ করে, আমরা ধন্য হব। সেজগুই মা আজ আমাদের ডেকেছেন। এই উৎসব তাঁর সেই ডাক ভাল করে শোনার সময়। উৎসবে আমাদের প্রত্যেকের ওস্ত তাঁর কিছু বিশেষ কথা আছে। প্রত্যেককে তাঁর কিছু আদেশ, কিছু ইঙ্গিত, কিছু আদর, কিছু সান্বনা দিবার আছে। তাঁর প্রেমের আলোতে কাছে এসে ঘেঁষে বসলে তা বোঝা যায়। এস ভাই বোন, সকলে তাঁর খুব কাছে বসি, তাঁর দিকে প্রাণ খুলে দিই, কাণ পেতে থাকি।

আজ মা আমাদের ডাক্তার। আবার আজ আমাদেরও পরস্পরকে ডাক্তার দিন। আজ সকলে সকলকে মিলি ক'রে ডাকি। আনন্দোৎসবে শিশুরা যেমন পরস্পরকে মিলি ক'রে ডাকে। এই ডাকটির বড়ই মূল্য। সকলে সকলকে প্রাণ দিয়ে প্রেম দিয়ে একবার ডাকি। একবার প্রাণ বলুক। "তোমরা সকলে আমার ভাই বোন; তোমরা আমার কাছে আছ ব'লে আমি কত সুখী হ'য়েছি, কত ধন্য হ'য়েছি।"

ডাকি সকলের আগে সকল যুগের সকল দেশের সাধু ভক্তদিগকে। ভারতবর্ষের ব্রহ্মবাদী ঋষিগণকে ডাকি। যিনি মৈত্রী-মন্ত্র শিক্ষা দিলেন, সেই শ্রীবুদ্ধকে ডাকি। পিতার আদেশ-পালনকে ধর্মরাজ্যে যিনি সর্বোচ্চ স্থানে তুলে ধরলেন, সেই শ্রীকৃষ্ণকে ডাকি। বিশ্বাসের জগৎ সৃষ্টি শ্রীমহম্মদকে ডাকি। ভক্তিতে বিগলিত বাংলার শ্রীচৈতন্যকে ডাকি। আরও যত সাধক যোগী ভক্ত তাঁদের সাধনামৃত দিয়ে জীবনামৃত দিয়ে ব্রাহ্মসমাজের ধর্মধারাকে পুষ্ট ক'রেছেন, সকলকে আজ ডাক্তার সঙ্গে ডাকি। ব্রাহ্মসমাজ তাঁদের উত্তরাধিকারী। তাঁরা আজ কত আগ্রহে আমাদের পৃথিবীর এই শতাব্দী-উৎসব দেখছেন। আমাদের মধ্যে আজ তাঁরা আছেন।

ডাকি এই ব্রাহ্মসমাজের অগ্রণীদিগকে। রাজর্ষি রামমোহন, যিনি জীবনের রক্ত দিয়ে জমি প্রস্তুত ক'রে এই ব্রাহ্মসমাজের বীজ বপন ক'রে রেখে গিয়েছেন; মহর্ষি দেবেন্দ্রনাথ, যিনি মাঘোৎসবের প্রবর্তক, ৮৬ বৎসর পূর্বে এই ১১ই মাঘের উৎসব প্রবর্তিত ক'রে যিনি এই দিনটিকে আমাদের জন্ম এমন পবিত্র ক'রে রেখে গিয়েছেন, যার নিষ্ঠা ভক্তি ও তপস্তার উত্তাপ এই দিনের সঙ্গে মিশ্রিত হ'য়ে রয়েছে; ব্রহ্মানন্দ কেশবচন্দ্র, যিনি অহুতাপ ও ভক্তির ধারায় নিজে গ'লে ও সকলের প্রাণকে গুলিয়ে দিয়ে মাঘোৎসবকে কত অমৃতে পূর্ণ ক'রে রেখে গিয়েছেন; ভক্ত বিজয়কৃষ্ণ ও আচার্য্য শিবনাথ, যাদের স্মৃতি এই মন্দিরের কত মাঘোৎসবের সঙ্গে জড়িত, যাদের প্রাণের ব্যাকুলতায় এই মন্দিরের আকাশ, এই মন্দিরের প্রাচীর যেন এখনও স্পন্দিত রয়েছে; সাধক উমেশচন্দ্র, প্রেমিক নবদ্বীপচন্দ্র, যাদের মুখগুলি স্মরণ করলেই উৎসবের ভাব প্রবল বেগে আমাদের হৃদয়ে প্রবাহিত হ'য়ে আসে,—আরও কত যোগী ভক্ত সাধক দেবক যাদের সকলের নাম উল্লেখ করা এখন সম্ভব নয়,—আজ প্রাণ সকলকে ডাকুক। সকলের আত্মিক সঙ্গ কামনা করি, সকলকে প্রণাম করি।

আজ অন্য অন্য কত স্থানে কত মন্দিরে আমাদের কত ভাই বোন উৎসবে প্রবৃত্ত। সকলের সঙ্গে হৃদয়কে যুক্ত করি। যারা কোনও কারণে কোনও মন্দিরে উপস্থিত হ'তে পারেন নি, একা একা রয়েছেন, তাঁদের সকলকে প্রাণে টেনে লই।

আজ বিশেষ ভাবে সকলে তাদের স্মরণ কর, পৃথিবীতে যাদের হারিয়ে জীবনটা খালি-খালি লাগ্চে। স্নেহভাজন পুত্র কন্যা, অথবা জীবনপথের সহযাত্রী, অথবা বন্ধু, অথবা পিতামাতা বা গুরুজন,—যাদের জন্য হৃদয়ে মুহূর্ত্তে মুহূর্ত্তে বিন্দু বিন্দু স্নেহ প্রেম ভক্তি সঞ্চিত হ'য়ে হ'য়ে হৃদয়পাত্র উপ্চে

যায়, যাদের কথা মনে হ'লেই চোখ ভেসে যায়,—আজ তাদের খুব ভাল ক'রে প্রাণে ডাক'। এই বিশেষ দিনটিতে পৃথিবীতে আমাদের প্রাণে তাদের জন্য স্নেহ ভালবাগা ভক্তি উদ্বেলিত হ'য়ে ওঠে; ওপারে তাদের আত্মাতেও আমাদের অন্য বিশেষ ব্যাকুলতার তরঙ্গ ওঠে। আকাশ ব্যবধান রেখে ছুই মেঘে পরস্পরের জন্য ভাঙিত সঞ্চিত হ'তে থাকে; শেষে বিশেষ মুহূর্ত্তে সেই সঞ্চিত ছুই ভাঙিত আকাশের ব্যবধান ভেদ ক'রে ছুটে গিয়ে মিলিত হয়। এই দিনে ভেমনি, পরলোকগত প্রিয়জনদের জন্য প্রাণ উথলে যায়, সব আড়াল ভেদ ক'রে প্রাণ তাদের স্পর্শ করতে চায়। তাদের সংসার-দুঃখ, আমাদের পাপের দুঃখ, ছুইই মোচন ক'রবার জন্য মা আমাদের কাছে এসেছেন। স্বর্গে সাড়া প'ড়ে গিয়েছে। সাধুভক্তগণ দেব-দেবীগণ উৎসুকনয়নে দেখছেন, মা এবার কাদের তুলে কোলে নেবার জন্য বাস্তু হ'য়ে পৃথিবীতে নেমেছেন! কাদের জন্য তাঁর নূতন দয়ার বিধান অবতীর্ণ! তাঁরা মাঝে জিজ্ঞাসা করছেন, "মা, ব্রাহ্মরা কি তোমার খুব ভাল সন্তান? তোমার কথা খুব শুনে চলে?"

ব্রাহ্ম তাই, ব্রাহ্মিকা ভগিনি, আজ খুব ভাল ক'রে এই প্রশ্নের উত্তর দিতে হবে। আজ প্রাণ ভ'রে বলি, "মাঝে খুব ভাল বাসবট, মার কথা খুব ভাল ক'রে শুনবই! মার চরণে প্রাণটা লুটিয়ে দেবই! আজ বিশেষ ব্যাকুলতায় প্রাণকে কাঁপিয়ে কাঁদিয়ে তুলবই!"

মা, আজ বিশেষ ভাবে দয়া কর। তোমার দয়ার অহুত্বিতে এবং তোমার চরণে আত্মসমর্পণের ব্যাকুলতার আজ আমাদের হৃদয়গুলি পূর্ণ ক'রে দাও। তোমার আরাধনার পূর্বে কাতুর প্রাণে আশাপূর্ণ হনয়ে তোমার দয়া তিতকা করি।

"প্রভাতে বিমল আনন্দে, বিকশিত কুসুম-গন্ধে" ইত্যাদি দ্বিতীয় সঙ্গীতের পর আরাধনা ও মিলিত প্রার্থনা হয়। তাহার পরে, জগতের কল্যাণের জন্য, পৃথিবীতে সকল নরনারীর মধ্যে ভ্রাতৃত্বভাবের উদয়ের জন্য, ভারতকে দুর্নীতি কুসংস্কার ও ধর্মহীনতা হইতে মুক্ত করিবার জন্য, এবং দেশের সেবাতে যাহারা দুঃখ ও কারাবাস বরণ করিয়াছেন তাঁহাদের অন্তরে বিশ্বাস-বল সকার করিবার জন্য সংক্ষেপে প্রার্থনা করা হয়। অনন্তর "মোরে ডাকি ল'য়ে যাও মুক্ত হারে" ইত্যাদি তৃতীয় সঙ্গীতের পর তিনি নিম্নলিখিত মর্মে উপদেশ প্রদান করেন :—

ব্রহ্মকৃপা ও ব্রহ্ম-অগ্নি।

সবক তাহা ক'রে লওরা।

উৎসব কি? উৎসব এক দিকে দয়ালের দয়া ভাল ক'রে দেখা, তাঁর দয়ার অহুতবে কৃতজ্ঞতার বিগলিত হওয়া; অপর

দিকে নতন ক'রে তাঁর হাতে আত্মসমর্পণ। এই দয়ার অহুতবে অবগাহন, আর তাঁর হাতে আত্মসমর্পণ, আমরা একা একা নয়, কিন্তু সকলে মিলে করব। উৎসব সেই সময়ের নাম, যখন ব্রাহ্মসমাজের সব ভাই বোন একত্র মিলে, এক-হৃদয় হ'য়ে, দয়ালের দয়াতে অবগাহন করেন, ও নতন ক'রে তাঁর চরণে আত্মসমর্পণ করেন।

১১ই মাঘের দিনটি আর কিছুই নয়। বৎসরের আর সব দিন ধর্মজগতের কত পবিত্র ও গভীর সত্যসকল আত্মদান ক'রে মন তৃপ্ত হয়। ধর্মরাজ্যের কত মধুময় ভাব ও রস, কত উদ্দীপনা ও অল্পপ্রাণন অল্প দিন মন চায়। সে সকল তো সেই এক পরমেশ্বরেরই ভাণ্ডারের ধন। কিন্তু ১১ই মাঘের দিনটি এমন যে, এ দিনে সেই হৃদয়েশ্বরের দিকে নোজাহাজি চোখ তুলে থাকতেই মন চায়। যিনি জীবনের স্বামী, যার সঙ্গে সখ্য ঠিক থাকাই ধর্মজীবন, যার সঙ্গে সখ্য মিষ্টি থাকা তাজা থাকাই সরস ধর্মজীবন, এই দিনে তাঁর সঙ্গে সেই সখ্যটাকে নতন ক'রে নেবার জন্ত, তাজা ক'রে নেবার জন্তই মন ব্যাকুল হয়।

ছুই বছর সখ্যের কথা, পতি-পত্নীর সখ্যের কথা, গুরু-শিষ্যের সখ্যের কথা, পিতা-মাতা ও পুত্র-কন্যার সখ্যের কথা একবার মনে মনে ভেবে দেখি। কত সময়ে এমন হয় যে, ছুজনে একত্রে কাজ চল্চে, পরামর্শ চল্চে, বেড়ানো বা আমোদ করা চল্চে, কিন্তু তবু যেন হৃদয়ের সখ্যটা তাজা হ'য়ে চল্চে না; পরস্পরের মধ্যে যেন সহজ ও আনন্দময় আহুগত্য নাই; পরস্পরের ভালবাসার অহুত্বটি যেন শুক হ'য়ে গিয়েছে। তখন ঐ চলাফেরার মধ্যে ভিতরে-ভিতরে মনে একটি নিগূঢ় ক্রন্দন আগুতে থাকে। মন বল্চে থাকে, “এ সব তো হ'ল, কিন্তু আসল ব্যাপারের কি হ'ছে? ছু'জনের মধ্যে মনের মিল কিরে পাবার, ভালবাসার টানটি কিরে আসবার কি হ'ছে?” এই অবস্থার ভিতরে যদি কোনো উৎসবের দিন এসে পড়ে, সে দিন মনের এই ব্যাকুলতা যেন আর বাধা মানুতে চায় না। মনে হয়, আজ ভাল ক'রে মন মিলিয়ে নিতেই হবে। তার পর, কত মুহূর্তে আপনাকে ভেঙে চুরে প্রিয়জনের কাছে আত্মসমর্পণ করি। মনকে নত ক'রে, কাতর ক'রে, প্রেমে ও আহুগত্যে পূর্ণ ক'রে, প্রিয়জনের কাছে সঁপে ধরি। তখন আবার নতন জীবন আরম্ভ হয়। তখন আবার তাজা প্রেমের অহুত্বটি উদ্বেলিত হ'য়ে মনকে পূর্ণ করে। আবার মন বলে, “আমি যে তোমার, এতে আমি কত সুখী, কত সুখী!” ১১ই মাঘ ব্রাহ্মের পক্ষে সেই দিন। সেই জীবনস্বামীর সঙ্গে মনের মিলটি তাজা ক'রে নেবার দিন।

সারা বছর তাঁর রচিত সংসার-কেজে, তাঁরই হাতের দেওয়া সুখ ও দুঃখ অনেক পেলাম। তাঁর সংসারকেজে ও তাঁর ব্রাহ্ম-সমাজের কার্যক্ষেত্রে অনেক খাটলাম। কখনও বা আর্ন্ত হ'য়ে, কখনও বা কৃতজ্ঞ হ'য়ে তাঁকে অনেক ডাকলাম। তাঁর প্রসব, তাঁর নাম, তাঁর উপাসনা-অর্চনাও অনেক করলাম। কিন্তু এ দিনে আমরা কিছু মন চায়। তাঁর সঙ্গে সখ্যটাকে খুব সরস ও সতেজ ক'রে নিতে মন চায়। মন উদ্বেলিত হ'য়ে অহুত্ব

করতে চায়, আমি তোমার হ'য়ে, তোমার ঘরে থাকতে পেয়ে কত সুখী! আর মন জিজ্ঞাসা করে, “আমি কি সব বিষয়ে তোমার মনের মত হ'তে পেরেছি, প্রভু?” মন ব্যাকুল হ'য়ে ব'লে ওঠে, “যে-যে বিষয়ে আমার অন্তরের গোপনে, আমার প্রকৃতিতে, কচিতে, ইচ্ছায়, জীবনযাত্রায়, তোমার সঙ্গে এখনও অমিল রয়েছে, তা কি-ক'রে দূর করি, প্রভু?”

এই ব্যাকুলতা আজ এমন ক'রে আমাদের মনকে গ্রাস করুক যে, যেন আর কোনো দিকেই আমাদের দৃষ্টি না যায়। গত বড় বৎসর ধ'রে শতাব্দী-উৎসবে আমরা ব্রাহ্মসমাজের ইতিহাসের অনেক আলোচনা ক'রেছি। দেশের ইতিহাসে ব্রাহ্মসমাজের যে-সকল স্থায়ী চিহ্ন অঙ্কিত হ'য়ে গিয়েছে, তার জন্ত কত গৌরব অহুত্ব ক'রেছি। আজ যেন তাও আর ভাল লাগ্চে না। অতীত-গৌরবশ্রুতি খুব ভাল বস্ত্র বটে, কিন্তু আজ তারও দিন নয়। যে দিন বহুদিন পরে মার সঙ্গে, তাই-বোনের সঙ্গে, স্বামীর সঙ্গে, মনের মিল নতন ক'রে নেবার জন্ত প্রাণ কেঁদে উঠেছে, সে দিন যদি বাড়ীর লোকদের মধ্যে কেউ বলে, “আহা, একবার দেখ তো আমাদের এ বাড়ীখানি কেমন জম্বালো,” অথবা “আমাদের নামে সংবাদ-পত্রে খুব প্রশংসার কথা লেখা হ'য়েছে,” তা হ'লে মন ব'লে ওঠে, “হি হি! কি তুচ্ছ কথা! এমন দিনের মর্যাদা বুঝতে পাবলে না; এমন দিনে বন্সবার আর কোনো কথা পেল না?” ব্রাহ্মের জন্ত তেমনি ১১ই মাঘে ঈশ্বরকে বন্সবার, ও পুণ্ড্রদের বন্সবার বিশেষ একটু কথা আছে। অতীতের কত ১১ই মাঘে আমাদের প্রাণ তাই বলেছে। আজ এই শততম ১১ই মাঘের দিনে, অতীতের সেই সব ১১ই মাঘের ভাবধারা এসে যেন আমাদের মনকে আকুল কর্চে, বিহ্বল ক'রে ফেল্চে। যেন আজ আমাদের সমগ্র হৃদয় প্রাণ মন কাঁদিয়ে তুলে, পরমজননীকে এই কথা বন্সবার জন্ত ডরা দিচ্ছে, “মাগো, তোমার সন্তান হ'য়ে আমি কত সুখী! আর, তোমার কাছে আমি যে কত অপরাধী, আজ তা ভেবে আমার বুক ফেটে যাচ্ছে!” যেন সমগ্র হৃদয় প্রাণ মন কাঁদিয়ে তুলে পুণ্ড্রদের চরণে এই কথা নিবেদন করবার জন্ত ডরা দিচ্ছে, “ও রামমোহন, ও দেবেন্দ্রনাথ, ও কেশবচন্দ্র, ও শিবনাথ! আমি ধন্য যে এত অপদার্থ হ'য়েও তোমাদের ঘরের মাহুব হ'বার অধিকার পেয়েছি। আর, আমার মনস্তাপের সীমা নাই যে আমার চরিত্র তোমাদের কাছে দাঁড়াবার কত অযোগ্য!”—তাই বোন্, আজ যেন আমরা অল্প কোন কথা দিয়ে, প্রাণের এই আসল বন্সবার কথাটিকে চাপা দিয়ে না ফেলি।

ব্রাহ্ম তাই, ব্রাহ্মিকা তগিনি, তোমরা কি এই উৎসবে ত্রুটি সরল কথা দিয়ে মনকে পূর্ণ ক'রেছ? যদি না ক'রে থাক, এখনই তা কর। দয়ালের দয়া, ব্রাহ্মসমাজ-গৃহখানির মধ্য দিয়ে যা প্রকাশ হয়েছে, তার অহুত্বটিতে আনন্দে ও কৃতজ্ঞতায় প্রাণ পূর্ণ কর। আর সেই পরমপ্রভুর সঙ্গে জীবনে যেখানে যেখানে বিচ্ছেদ র'য়েছে, তার জন্ত প্রাণ ঢেলে দিও, প্রাণ মুচড়ে দিয়ে অহুত্ব হও।

দয়ালের দয়া,—চরিত্র-জ্যোতিতে।

মায়ের দয়া এই ব্রাহ্মসমাজগৃহে সব চেয়ে বেশী কিসে প্রকাশিত হয়েছে? চরিত্র-জ্যোতিতে। আমাদের মায়ের এই ঘরখানি চরিত্র-জ্যোতিতে কেমন উজ্জল! রামমোহন, দেবেন্দ্রনাথ, কেশবচন্দ্র, আমাদের শিবনাথ, নবদ্বীপচন্দ্র, প্রভৃতি কত মানুষের চরিত্র-জ্যোতিতে এই ঘরখানি উজ্জল। তাঁদের এই চরিত্র-জ্যোতির সামনে আজ আর অল্প কোন জিনিসকে মনে আনতে ইচ্ছাই হয় না। জগতে আর যত রকম শক্তির খেলা দেখা যায়, ভারতক্ষেত্রে আর যত রকমের প্রভাব প্রতিপত্তি কীর্তি সফলতা দেখা যায়,—তা ব্রাহ্মসমাজেরই হউক, কি অল্প কোনও প্রতিষ্ঠানেরই হউক,—এই চরিত্র-জ্যোতির তুলনায় সকলের দিক থেকে আমার চক্ষু ফিরে আসে। হে ব্রাহ্ম, তুমি কি ব্রহ্মার্চিত জীবনের চেয়ে বড় কোন শক্তি পৃথিবীতে আছে বলে দেখ? হে ব্রাহ্ম, তুমি কি কোটি কোটি টাকা সংগ্রহ করাকে, দেশ তোলপাড় করাকে, একটি মানুষের চরিত্র-গঠন করার চেয়ে বড় কাজ বলে দেখ? তা হলে আজ দৃষ্টিকে সংশোধন কর। তা না হলে তুমি আজ ১১ই মাঘে, কি দেখে, কি স্মরণ করে, তোমার মনকে তপ্ত করবে? কিসে মনকে আনন্দে উৎসাহে পূর্ণ করবে? আজ চক্ষু পেয়ে দেখ, মায়ের এই ঘরেই দেশ তোলপাড় করবার আয়োজন স্থিতি হয়; কিন্তু এখানে আটপা জীবন তৈয়ারী হয়, চরিত্র তৈয়ারী হয়, পল্লভ তা দিয়ে জগৎজয় হয়। যে অল্প কয়েকজনের নাম আজ এখানে আমি উচ্চারণ করলাম, কেবল তাঁদের নয়; কিন্তু যিনি যার মধ্যে ব্রহ্মগত জীবন দেখতে পেয়েছেন, তিনি তাঁদের সকলকে আজ স্মরণ করুন। আজ সকল ক্ষমতায় হতে তাঁদের প্রতি শ্রদ্ধা ভক্তির স্রোত প্রবাহিত হয়ে থাক। আজ সকলের চোখগুলি একত্র হয়ে ব্রাহ্মসমাজ-গণনের এই চরিত্র-জ্যোতি দেখুক।

দয়ালের দয়া,—জীবনের আনন্দে।

ব্রাহ্মধর্মের প্রসাদে আমাদের জীবন যে কত আনন্দে পূর্ণ হয়েছে, আজ মায়ের দয়া আমাদের সেই আনন্দময় জীবনে দেখি। তাঁর মুখ-আলোকে আকাশ পৃথিবী আমাদের বন্ধু; রূপরসগন্ধস্পর্শস্বাদ আমাদের বন্ধু; সর্বদেশের সর্বকালের সাধুসাক্ষীগণ আমাদের জ্যেষ্ঠ ভ্রাতা ভগিনী; সকল দেশের সকল কালের যত ধর্মামৃত, আমরা সেই সকলের উত্তরাধিকারী। আমাদের জন্ম গৃহপরিবার পবিত্র, আমাদের জন্ম এ সংসার প্রভুর আদেশ পালনের ক্ষেত্র। আমাদের জন্ম মানবসমাজ, আমাদের অন্তরের স্বকোমল স্থপতিত্ব ফুলগুলি ফুটিয়ে তোলবার স্থান। আমাদের জন্ম মানবজীবনের হৃৎসংগ্রাম, রোগ-শোক বিপদ-মরণ, জীবনের মহৎকে আগ্রহিত করবার তন্ত্র মায়ের দেওয়া অবসর। আমাদের জন্ম পরলোক, মায়ের মুখ-আলোকে উদ্ভাসিত, আমাদের কত গুরুজনে কত প্রিয়জনে পরিপূর্ণ, আর একখানি বাড়ী। সেই উপনিষদ্-বেদ্য আনন্দময় ব্রহ্ম, এ যুগে তাঁর এই ব্রাহ্মসমাজ-গৃহের পূত্রকর্তাগণের চক্ষে কি নবজন্ম দিয়ে দিয়েছেন! জগতে ও মানবজীবনে কি নব আনন্দ মাথিয়ে দিয়েছেন!

দয়ালের দয়া,—জীবন-সংশোধনে।

মায়ের সেই দয়া অমৃতব করবার আরও একটি ক্ষেত্র আছে। সে ক্ষেত্রে তাঁর দয়া শুধু চক্ষে দেখতে পারি না; সেই দিকে তাকালে মন আকুল হয়ে উঠে, চোখ জলে ভেসে যায়। তা হলে আমাদের জীবনসংশোধনে। একবার মনে কর তো। ভাই বোন, মা আমাদের আত্মার কত পাপ, কত গ্লানি, কত গভীর স্থানে নিহিত কত রোগ, কত যন্ত্র করে সারিয়ে তুলেছেন! আমরা কি সহজে তাঁকে আমাদের জীবনে হাত দিতে দিয়েছি? আত্মার গোপন ক্ষত নিয়ে প'চে মরবার মতন অবস্থা যখন হয়ে দাঁড়িয়েছে, তখনও কি সহজে তাঁর হাতে আত্মসমর্পণ করেছি? মা কত যন্ত্র করে আত্মার এক একটি রোগকে সারিয়েছেন, একবার নিজ নিজ অতীতের দিকে তাকিয়ে আজ তা স্মরণ কর, ভাই বোন! পৃথিবীর মার কাছে ব'লে যখন নিজের ছোটবেলার কঠিন কঠিন রোগের গল্প শুনি, ছোট বেলায় ঘা-ফোড়ার গল্প শুনি, মা বলেন,—“আগা, বাছা, তুই যে তখন কত কষ্ট পেয়েছিল, আর তাকে নিয়ে আমিও যে কত কষ্ট পেয়েছি। তখন তোর যে কি-দিন গিয়েছে, আমারও যে কি-দিন গিয়েছে!” সেই অমৃত-সারানোর মধ্য দিয়ে যেমন পৃথিবীর মার কাছে দেহ মন সব বাঁধা পড়ে যায়, মনে হয় যেন এক একটি অমৃতের মধ্য দিয়ে এ জীবন মায়ের স্নেহের যত্নের কাছে একবারে বিকিয়ে গিয়েছে, তেমনি মনে হয়, অতীতের এক একটি সারানো পাপ-ক্ষতের দ্বারা, পাপ-রোগের দ্বারা, সেই পরম-জননীর কাছে জীবন বিক্রী হয়ে র'য়েছে। ভাই বোন, আজ অমৃতব কর কি, যে, এই ব্রাহ্মসমাজটা মায়ের সেই ঘর, যেখানে তিনি, তাঁর হৃদয় সন্তান যে আমরা, আমাদের কত পাপ-রোগ সারিয়ে সারিয়ে আমাদের জীবন কিনে রেখেছেন? চল, আজ ভাল করে আবার সেই মায়ের হাতে আপনাদের সমর্পণ করি। মনে পড়ে কি ভাই বোন, অতীত কালের সেই সব মাঘোৎসব, যার এক একটির চাপে আমাদের জীবনে প্রভুর প্রতি বিজ্রোহের ভাব, আমাদের আত্মইচ্ছাপরায়ণতার ভাব বিধ্বস্ত হয়ে গিয়েছে? আমাদের উদ্ধৃত আত্মার অস্থি মাংস চূর্ণ হয়ে গিয়েছে? যে-সকল উৎসবে আমরা সারা বছরের পাপ কলুষের জন্ত প্রাণ মুচড়ে দিয়ে, ভেঙ্গে দিয়ে, ব্রহ্মচরণে ঢেলে দিয়ে, ১১ই মাঘে একত্রে ক্রন্দন করেছি? বাঁদের চরণভলে ব'লে সেই সকল মাঘোৎসব সন্তোষ করেছি, তাঁদের বাণী আমাদের প্রাণ-মন্দিরে এখনও ধ্বনিত হচ্ছে। বাঁদের সঙ্গে ব'লে সেই সব মাঘোৎসব সন্তোষ করেছি, তাঁদের কেহ কেহ আজও আমাদের সঙ্গে একত্রে হাসবার, একত্রে কাঁদার জন্ত এই মন্দিরে উপস্থিত র'য়েছেন। সেই সকল মাঘোৎসবে আমরা দয়ালের চরণে কেমন লুটিয়ে পড়েছি, দয়াল আমাদের কেমন তুলে ধ'রেছেন! সেই সকল ব্যাপারের ভিতরে এই ব্রাহ্মসমাজে দয়ালের দয়া কেমন জলজল করছে—এস, ভাই বোন, আজ তা একবার চোখভরে দেখি, প্রাণভরে অমৃতব করি। আর, তেমনি করে আবার তাঁর হাতে আত্মসমর্পণ করি।

দয়ালের দয়া—একজনে প্রসাদ-লাভে ।

ব্রাহ্মসমাজ আরও একটি কারণে দয়ালের দয়া দেখবার স্থান হ'য়েছে। তা এই যে, এখানে আমরা পাশাপাশি ব'সে, একজনের দুঃখে সকলে কাঁদবার অধিকার পেয়েছি, একজনের সাহায্য সকলে সাহায্য লাভ ক'রেছি। মা যখন উৎসব-মন্দিরে একটি অহুতপ্ত সন্তানের চোখের জল মুছিয়ে দেন, যখন তাঁর একটি ব্যথিত পুত্র বা কন্যাকে সাহায্য দেন, সে দৃশ্য দেখে আর সব ক'টি সন্তানের মন উথলে ওঠে। সকলেরই চোখ মায়ের দয়ার অহুতবে জলে ভেসে যায়। আমরা সে দৃশ্য দেখি, আর আমাদের মনে হয়, যেন আমাদের জীবনেরও যত লুকানো শোক দুঃখ, সব শীতল হ'য়ে গেল, সব যেন নূতন পবিত্রতা লাভ করল। আজ দুঃখিত শোকাকর্ষ ভাই বোন! জেনে লও, তোমাদের ব্যথা আমাদেরও ব্যথা, তোমাদের সাহায্য আমাদেরও সাহায্য! এ ব্রাহ্মসমাজ কোন্ স্থান? যেখানে একজনের সাহায্যে সকলে সাহায্য পাই, যেখানে একজনের অহুতাপে সকলে কেঁদে উঠি, যেখানে একজনের দীক্ষাতে সকলের প্রাণ প্রভুর চরণে আত্মদানের মন্ত্রে দীক্ষিত হ'য়ে ওঠে। আজ এস, ভাই বোন, মায়ের সেই এক দয়া, এক স্নেহ, এক অহুতপ্রাণন, প্রাণ ভ'রে অহুতব করি; আর, হৃদয়কে প্রসারিত ক'রে সকলকে আপনার ব'লে বুকে ধরি।

ব্রহ্ম-অগ্নি জলে কিসে?

আজ ১১ই মার্চের এক শতাব্দী পূর্ণ হ'ল। আমাদের এই ব্রাহ্মসমাজ-বাড়ীখানির ভবিষ্যৎ কিসে ভাল হয়, সে চিন্তা আমাদের মনকে অধিকার ক'রে র'য়েছে। সকলেরই মন চিন্তাকুল। সকলেই বলছেন, ব্রাহ্মসমাজের আগুনটা আবার ভাল ক'রে জলে ওঠা দরকার হ'য়েছে। আজ মনে এই কাতর প্রার্থনা নিয়ে ভারতের সর্বত্র ব্রাহ্ম নরনারী উৎসবে মিলিত হচ্চেন। ব্রাহ্মসমাজের যত শাখা, আমাদের আশে-পাশে দণ্ডায়মান আমাদের যত ভাই বোন, সকলেরই হৃদয় হ'তে এই ব্যাকুল প্রার্থনা উঠ'চে, ব্রাহ্মসমাজের আগুনটা আবার ভাল ক'রে জলুক।

আগুনের তুলনা দিয়ে খারা ব্রাহ্মসমাজের ভবিষ্যৎকে চিন্তা করছেন, তাঁদের জিজ্ঞাসা করতে ইচ্ছা হয়, এই আগুনকে কি চক্ষে দেখে চ, ভাই? তোমরা কি মনে কর, এক সময়ে কতকগুলি শক্তিশালী মানুষ মিলে এই আগুনটাকে জ্বলেছিলেন; এখন আর তেমন শক্তিশালী মানুষ নাই, তাই আগুনের তেজ নাই; এবং ক্রমে ক্রমে হয়তো এ আগুন নিভে যেতেও পারে। এ আগুনকে কি মানুষের সৃষ্টি, মানুষের দ্বারা পুষ্ট একটি আগুন ব'লে মনে ভাব? আমরা অপদার্থ হ'লেই যা নিভে যাবে, এমন একটি আগুন ব'লে একে দেখ?

আমি বলি, এ তুলনাকে মনে স্থান দিও না। ইহা অগ্নি বটে, কিন্তু ইহা অস্ত্র শ্রেণীর অগ্নি। ইহা ব্রহ্মের প্রজ্জ্বলিত প্রবল অগ্নি। এ অগ্নি কাতর হ'য়ে কেঁদে তোমায় বল্চে না, "আমায় বাঁচাও, বাঁচাও!" এ অগ্নি দাবীর সঙ্গে ডেকে তোমাকে জিজ্ঞাসা কর্চে, "তুমি কি আপনাকে ইচ্ছনরূপে আমাতে দান করবে?"

কোন প্রবল আগুন যখন জলতে জলতে একবার ক'মে গিয়ে আবার লাফিয়ে আকাশের দিকে ওঠে, সেই দৃশ্য ছোটবেলার আমি মনোযোগের সঙ্গে লক্ষ্য ক'রে দেখতে ভাল বাসতাম। কোন পল্লীগ্রামে কিংবা বাজারে যখন আগুন লাগত, দেখতাম, একখানা চালা শেষ ক'রে আগুনটা যেন কণকাল অপেক্ষা করুতে লাগল। খানিক পরেই নূতন একখানা চালা ধরে ফেলল, আর শিখাটা আবার লাফ দিয়ে আকাশে উঠল। দেখে মনে হ'ত, যেন সেই প্রবল অগ্নি, সেই লোলুপ অগ্নি, সেই উন্নত অগ্নি, চারিদিকে ডাক দিয়ে বল্চে, "কই আমার জন্ত আরও খাদ্য কই? আমার জন্ত আরও ইচ্ছন কই?" বড় বড় এঞ্জিনের জলস্ত অগ্নিকুণ্ডে করলা দিবার জন্ত যখন তার দরোজা এক একবার খোলা হ'ত, দৌড়ে গিয়ে আমি সেখানে দাঁড়াতাম। তার রক্তবর্ণ অগ্নিশিখাও যেন ঐ কথা বল্চে, "কই, আরও ইচ্ছন কই?"

বাজারে যে আগুন লাগে, বড় বড় কলের অগ্নিকুণ্ডে যে আগুন জলে, তাকে আমরা প্রবল অগ্নি, লোলুপ অগ্নি, উন্নত অগ্নি ব'লে অহুতব করি। সে আগুন যেন ডেকে বলে, "আমি আরও ইচ্ছন পেয়ে, শিখার আকার ধ'রে, আকাশে উঠতে চাই; আমাকে আরও খোরাক দাও!" তেমনি, ব্রাহ্মসমাজের মধ্য দিয়ে বিধাতা ভারতের জন্ত যে যুগধর্মের আগুন জ্বলেছেন, তাও এক প্রবল আগুন, পংগল আগুন, সর্বগ্রাসী আগুন। বিধাতা এ আগুনে সমগ্র ভারতকে প্রজ্জ্বলিত না ক'রে, বিগলিত না ক'রে, বিগলিত না ক'রে, কখনও ছাড়বেন না। ব্রাহ্মসমাজের কাছে এই প্রবল আগুনের এই ডাকটি আস্চে, "আমি ক্ষুধিত, তোমরা আমার খোরাক যোগাবে কি? আমার শিখা যাতে আবার লাফিয়ে আকাশে উঠতে পারে, তার জন্ত তোমরা আমাতে কিছু ইচ্ছন ঢালবে কি?"

হে ব্রাহ্ম, হে ব্রাহ্মিকা, বিশ্বাস কর, এ আগুন জলবেই। এ আগুন বিধাতা প্রজ্জ্বলিত ক'রেছেন, ইহা ক্রমশঃ ভারতকে গ্রাস করবেই। "এক ধর্ম, এক ধর্ম, এক ধর্মপরিবার," এ আদর্শ ভারতকে অধিকার করবেই। বিধাতার কাজ কেহ ঠেকিয়ে রাখতে পারবে না, ইহা নিশ্চিত। বিধাতার কাজ চলবে কি না, তাঁর প্রজ্জ্বলিত অগ্নি জলতে থাকবে কি না, ইহা তোমার ভাববার প্রস্ন নয়। তোমার কাছে প্রশ্ন এই যে, তুমি কি এ আগুনে কিছু খোরাক যোগাবে? তুমি কি আগুনটাকে ভাল ক'রে জলবার সাহায্য ক'রে নিজে ধস্ত হবে?

আর একটি কথা মনে রাখবার আছে। যুগে যুগে মানুষ আগুন দিয়ে নিজের যুগোপযোগী নব নব কাজ করুচে। এক যুগে মানুষ কাঠের আগুনের জাল দিত, এখন কয়লার আগুন হ'য়েছে। এক যুগের মানুষ ছোট ছোট উন্নত গড়ত, এখন কলের বৃহৎ চুল্লী হ'য়েছে, যাতে লক্ষ লক্ষ মণ লৌহ এক সঙ্গে গলানো সম্ভব হয়। কিন্তু এ পরিবর্তনে আগুনের প্রকৃতি তো বদলায় নাই। আগুন পূর্ব যুগে যে-বস্তু ছিল, এখনও সেই বস্তুই আছে।

ব্রাহ্মসমাজে বিগত যুগে ব্রহ্ম-অগ্নি যে প্রণালীতে যে কাজ-

গুলি ক'রেছে, এখন যদি সে-সব প্রণালী ও সে-সব কাজ অচল হ'য়ে গিয়েও থাকে, তবু বলি, আগুনের প্রকৃতিটি বদলায়নি। চিরদিন মানব-ক্রমে ব্রহ্মাগ্নি প্রজ্জলিত হ'য়েছে বিবেকানন্দগত জীবনের দ্বারা, শুদ্ধতার দ্বারা, আত্মোৎসর্গের দ্বারা, অহুতাপের দ্বারা। সে নিয়ম পরিবর্তিত হয়নি, সে নিয়ম কখনও পরিবর্তিত হবে না।

ব্রহ্ম-অগ্নির আহ্বান,—নব আত্মোৎসর্গ
ও পরিবর্তিত জীবন।

প্রত্যেক ব্রাহ্ম ব্রাহ্মিকার কাছে ব্রহ্ম-অগ্নির যে আহ্বান এসেছে, আগ তা শোন, ও তার উত্তর দাও। এ আগুনের ব্রাহ্মদের কাছে কি-ধোরাক চায়? পূর্ক পূর্ক যুগে যা চেয়েছে, তাই আবার নূতন ক'রে চায়। চায়, প্রত্যেক ব্রাহ্ম নূতন ক'রে ঈশ্বরের চরণ ছুঁয়ে দীক্ষিত হোক। চায়, নূতন আবেগে পূর্ণ হ'য়ে তাঁর চরণে আত্মোৎসর্গ করুক। চায়, নূতন চরিত্র-তপস্বীর, নূতন প্রেমভক্তির সাধনার নিযুক্ত হোক। চায়, প্রত্যেক ব্রাহ্ম, নিজ জীবন, নিজ দেহ মন, নিজ পরিবার, নিজ পুত্র কন্যা,—সবই ব্রহ্মের অঙ্গ উৎসর্গ করুক। চায় নূতন ক'রে হৃদয়মান, হৃদয়পরিবর্তন, আত্মসমর্পণ। চায় পরিবর্তিত জীবন, converted lives। যে মানুষ আত্মমুখীন ছিল, নিজের ইচ্ছায় চলত, নিজের বাসনা কামনার পথেই চলত, সে আর নিজের থাকবে না; তার সব আপনত্ব লুপ্ত হবে; তার চিন্তা ব্রহ্মের, কামনা ব্রহ্মের, কল্পনা ব্রহ্মের, ইচ্ছা ব্রহ্মের হবে। ব্রহ্ম-অগ্নি যুগে যুগে এই দাবীই ক'রে এসেছে; আজও এই দাবীই ক'রবে।

যে-ব্রাহ্মের জীবনে এই আত্মোৎসর্গের ভাব নাই, সে জন্মেতে পারে না, সে অগ্নি রক্ষা করতে পারে না, সে অগ্নির সাহায্য করতে পারে না। হে ব্রাহ্ম, তুমি কি মনে কর যে, তুমি পরিমিত দেবতার পূজা ছেড়ে অনন্তের পূজা করুচ ব'লে, বহুর পূজা ছেড়ে একের পূজা করুচ ব'লে, অথবা মার্জিত স্তম্ভত এই সমাজে আছ ব'লে বা জন্মেছ ব'লেই তুমি ব্রহ্ম-অগ্নির অধিকারী হ'য়েছ? না, তা হও নাই। এ বিষয়ে ব্রাহ্মদের মনে যদি একটুও আত্মতৃপ্তির ভাব (self-complacency) এসে থাকে, তবে তা চূর্ণ হওয়া দরকার। যীশু আত্মতৃপ্ত করীসীদের কিরূপ ভৎসনা করুতেন তা একবার মনে ক'রে দেখ। ফরীসীদের মধ্যে নিকোভিমস্ নামক একজন তাঁর শিষ্য হ'য়েছিল। সে মনে ক'রে রেখেছিল যে, একে তো আমি শুদ্ধাচারী ফরীসী, তদুপরি আমি যীশুর অন্তরঙ্গদের লোক; আমার পক্ষে তো স্বর্গরাজ্যের দ্বার খোলা। যীশু তার আত্মতৃপ্তিতে প্রচণ্ড আঘাত দিয়ে বললেন, "তোমার নবজন্ম লাভ না হ'লে স্বর্গরাজ্যে প্রবেশাধিকার নাই।" হে ব্রাহ্ম, তোমার মধ্যে যদি ঈশ্বরের হাতে আত্মসমর্পণের এই প্রবল অগ্নি জ'লে না থাকে, তাঁর কাছে আত্মোৎসর্গের দ্বারা তোমার জীবনে যদি নবজন্ম লাভ না হ'য়ে থাকে, তবে তুমি ব্রাহ্ম হওয়া সত্ত্বেও ধর্মরাজ্যে মৃত মৃৎপিণ্ড মাত্র। তোমার এই self-complacency চূর্ণ কর। ব্রাহ্ম হ'য়েও এখনও কিছুই হওয়া হয় নি, একথা বোঝ। তাঁর হাতে

আত্মদানের প্রবল অগ্নি জীবে কিসে জ'লে ওঠে, তার অঙ্গ কাতর হও, কাঁদ, ছেলেমেয়েদের কাঁদাও। যোর কাতরতার অগ্নি চারদিকে জলুক। নবজীবন, নবজন্ম, হৃদয়পরিবর্তন, conversion,—এ সব কথা কি তোমাদের কাছে নিস্তেজ হ'য়ে গিয়েছে? প্রাণহীন হ'য়ে গিয়েছে? এ সকল কথাই আবার জাগাও। এর একটা cry, একটা রব জাগিয়ে রাখ। যীশুর মণ্ডলীতে যেমন স্বর্গরাজ্য, পবিত্রাত্মা, নবজন্ম,—এই কথাগুলি অগ্নিময় ও অহুপ্রাণনময় বাক্য হ'য়ে উঠেছিল, তাঁদের আলাপে প্রসঙ্গে যেমন সর্বদাই এই কথাগুলি এসে পড়ত, ব্রাহ্মসমাজেও তাই হোক। নিজে একা একা এসকল মন্ত্র জপ কর। পরিবারে এসকল মন্ত্র জপ কর। ছোট ছোট সাধকমণ্ডলীতে এসকল মন্ত্র জপ কর। সমগ্র ব্রাহ্মসমাজে আবার এই ধ্বনি জেগে উঠুক।

ঈশ্বরের হাতে আপনার সমগ্র হৃদয়মন যে সমর্পণ করে, আত্মমুখীনতা হ'তে ব্রহ্মমুখীনতায় যে নব জন্ম-লাভ করে, তার জীবনেই ব্রহ্ম-অগ্নি প্রজ্জলিত হয়। অন্তরের বাসনা কামনা-কুলকে যে ব্রহ্ম-ইচ্ছার দ্বারা শাসিত করে, নিজ অভিযাস কচি আরামকে যে ঈশ্বরের ইচ্ছার দ্বারা শূন্যলিত করে, মানুষের সঙ্গে সব ব্যবহারকে যে তাঁর প্রেমের নিয়মের অধীন করে, নিজ মান মর্যাদা, সম্মান, পদগৌরব, বিশেষতঃ কর্তৃত্ব ও নেতৃত্ব, যে তাঁর চরণে নিঃশেষে বিসর্জন দেয়, আপনার সময় শক্তি অর্থ সবই যে ব্রহ্মচরণে উৎসর্গ করে, তার জীবনেই ব্রহ্ম-অগ্নি প্রজ্জলিত হয়। একদিন, ব্রাহ্মসমাজ যখন জনসংখ্যায় অল্প ছিল, তখন এই আদর্শটির অল্প অধিকাংশ ব্রাহ্মের মনে প্রবল ব্যাকুলতা জেগে থাকত। তখন সাধক ও সেবক, গৃহী ও সন্ন্যাসী, সব শ্রেণীর ব্রাহ্মই এই ব্রহ্মগত জীবনের আদর্শে জীবিত থাকবার জন্য ব্যাকুল থাকতেন। তখন নিরন্তর আত্মদৃষ্টি, আত্মপরীক্ষা, অহুতাপ, আত্মসংশোধন ও আত্মবিলোপের ব্যাপারসকলই ব্রাহ্মসমাজের প্রধান ব্যাপার ছিল। তাহার ফলে ব্রাহ্মজীবনে মহেশ্বের আত্মোৎসর্গের ও প্রেমভক্তির অলঙ্কার দৃষ্টান্তসকল প্রকাশিত হ'ত; তাহার ফলে ব্রাহ্মসমাজে ব্রহ্ম-অগ্নি প্রজ্জলিত থাকত।

এই যে জীবনের conversion, আত্মমুখীনতা ত্যাগ ক'রে ব্রহ্মমুখীনতায় এই যে নবজন্মলাভ,—ধর্মজগতে ইহার স্থান অল্প কোনও বস্তু দিয়ে, কোনও substitute দিয়ে, পূরণ করা সম্ভব নয়। যদি এটিকে অবহেলা ক'রে যাও, তবে জানালোকের দ্বারা সমাজমধ্যে ব্রহ্ম-অগ্নিকে বাঁচাতে পারবে না; ভাবোচ্ছ্বাসের দ্বারা ব্রহ্ম-অগ্নিকে বাঁচাতে পারবে না; বহুল প্রচারের দ্বারা ব্রহ্ম-অগ্নিকে বাঁচাতে পারবে না; হাজার হাজার সুপ্রতিষ্ঠিত কল্যাণকর্মের দ্বারাও ব্রহ্ম-অগ্নিকে বাঁচাতে পারবে না। কোনও ধর্মসমাজে ব্রহ্ম-অগ্নি নিস্তেজ হয় কিসে? Holy Spirit রান হয় কিসে? তাহার মানুষগুলির আত্মার মৃত্যু ঘটে কিসে? তারা কি কেবল চূর্ণীভূত হ'য়ে মরে? কেবল কি বিষয়াসক্তিতেই মরে? তা মনে ক'রোনা। যদি তারা ঐকান্তিক আত্ম-সমর্পণের সাধনে অমনোযোগী হয়, তবে ভাল ভাল কাজে

দিবানিধি মন্ত থাকলেও তারা মরে। ব্রাহ্মসমাজের কাজ করতে করতেও ব্রাহ্ম মরে, যদি তার আত্মাতে ঈশ্বরের হস্তে আত্মসমর্পণের ঐ ব্যাকুলতা অগ্নিসমান না জ্বলতে থাকে। কর্তব্যসাধনের আবেগে যদি সে ঐ ব্যাকুলতাকে পশ্চাতে রেখে কেবল কর্মকেই সম্মুখে রাখে।

আজ এই নবজীবনের আলোক চক্ষে লাগিয়ে ব্রাহ্মসমাজের দিকে তাকাই। ব্রাহ্মসমাজের এখন সব-চেয়ে বেশী কি চাই, এই প্রশ্ন ভাবতে গিয়ে আমাদের চিন্তা আমাদের দৃষ্টি কোন্ দিকে ছুটে যায়? “নবজীবন” যে চিনেছে, যে বুঝেছে, তার দৃষ্টি দিয়ে কি আমরা ব্রাহ্মসমাজের অতীত ইতিহাস পড়ি এবং ভবিষ্যৎ কল্পনা করি? আমাদের চক্ষু কি বিশ্বাসীর চক্ষু? আমাদের আশা কি বিশ্বাসীর মতন আশা? আমাদের হাসি-কারা কি বিশ্বাসীর মতন হাসি-কারা? আজ একবার আত্ম-পরীক্ষা করে দেখি।

নবজীবন ও অমর আশা।

যে নবজীবনের ও হৃদয়পরিবর্তনের কথা আমি এতক্ষণ বলছি, তার এক পিঠ হ'ল আত্মোৎসর্গ, আর-এক পিঠ হ'ল আশা। আত্মোৎসর্গ ও আশাপ্রবণতা, আত্মদান ও চির-উৎসাহ, যেন একই বস্তুর এপিঠ ওপিঠ। যে মানুষ ঈশ্বরের হাতে আত্মসমর্পণ করে, ঈশ্বর তৎক্ষণাৎ তাকে অজ্ঞেয় বিশ্বাসবল ও অমর আশা দিয়ে সজ্জিত করেন। অমর আশা বিনা কোনো ধর্মমণ্ডলীতে অগ্নি জ্বলে না। সে অমর আশাশীলতা কি-হ'তে আসে? তাহা কেবল আত্মোৎসর্গ হ'তেই আসে। সে অমর আশা ইতিহাস প'ড়ে আসে না। কালের ইজিতে স্তম্ভযুগের স্মৃতি দেখে আসে না। ইতিহাস প'ড়ে, ও বাহিরের ঘটনাধারার আলোচনা করে মানুষের মনে যে আশা জাগে, তা কখনও খুব জ্বলে উঠে, কখনও বা নিভে যায়। অমর আশার উৎস তাহা নয়। অমর আশার উৎস,—আত্মোৎসর্গ ও নবজীবন।

সাধারণ মানুষের ও আত্মোৎসর্গশীল বিশ্বাসী মানুষের আশার ভিত্তি দুই ভিন্ন ভিন্ন স্থানে। সাধারণ মানুষ আশার হেতু অন্বেষণ করে চারিদিকে তাকিয়ে ও অপরের দিকে তাকিয়ে। বিশ্বাসী মানুষ আশা করেন ঈশ্বরের দিকে তাকিয়ে ও নিজের দিকে তাকিয়ে। সাধারণ মানুষ বলে, “হাঁ, ব্রাহ্মধর্মের জয় হবে বই কি? ঐ তো এত লোক ক্রমশঃ এর মত ও আদর্শসকল গ্রহণ করছে।” কিন্তু আবার যখন চারিদিকে তাকিয়ে সে এরূপ কোন চিহ্ন কোন প্রমাণ দেখতে পায় না, তখন সে হতাশ হ'য়ে পড়ে। তখন সে বলে, “তাইতো! এতো ভাল লক্ষণ দেখছি না! তবে কি ব্রাহ্মসমাজের কাজ ফুরিয়ে এসেছে?” ব্রাহ্মসমাজে এই রকম বাহিরে-তাকানো মানুষ হাজারে হাজারে লাখে লাখে এসে জুটলেও তাদের দ্বারা এর আশার আগুন একটুও বাড়বে না, একটুও জ্বলবে না। কিন্তু একজন আত্মোৎসর্গশীল বিশ্বাসীর বিশ্বাসে সে আগুন দশ হাত লাকিয়ে উঠবে। বিশ্বাসী বলেন, “ব্রাহ্মধর্মের জয় দেখতে চাও? তবে আমাতে তা দেখ! আমাকে যে-শক্তি জয় ক'রেছে, সে কি অন্যকে জয় ক'রবে না? আমার দেহ মন আত্মা সব যে-শক্তি গ্রাস ক'রতে

পেরেছে, সে কি অন্যকে গ্রাস ক'রবে না? আমার সব বিদ্রোহ, সব দর্প, সব আমিষ যে-শক্তি চূর্ণ ক'রতে পেরেছে, সে কি অন্যকে চূর্ণ ক'রবে না?”

যদি বল, “চারিদিকে তাকিয়ে আর কি হবে? ব্রাহ্মসমাজেই তো যোর ধর্মহীনতা, ধর্মে শিথিলতা, ধর্মে অবজ্ঞা রয়েছে। ব্রাহ্মসমাজেই তো সাংসারিকতা সকলকে গ্রাস ক'রে রেখেছে। ব্রাহ্মদের ছেলেমেয়েরাই তো বলতে আরম্ভ করেছে, ধর্ম ধর্ম ক'রে, ব্রাহ্মসমাজ ব্রাহ্মসমাজ ক'রে এত বেশী ভেবে কি হবে?” আমি বলি, আত্মোৎসর্গশীল বিশ্বাসী তাতেও নিরাশ হন না। তিনি বলেন, “পৃথিবীর কোটি কোটি মানুষের মধ্য হ'তে, হিন্দু-সমাজের লাখ লাখ মানুষের মধ্য হ'তে, যে-ঈশ্বর একদিন আপনার অগ্নিময় বাণী পাঠিয়ে দিয়ে আপনার সাক্ষী আপনার সেবক চিনে-চিনে বেছে-বেছে টেনে-টেনে বাহির ক'রে আনতে পেরেছিলেন, ব্রাহ্মসমাজের কয়েক হাজার মানুষ সবাই যদি বিষয়াসক্তিতে আরামপ্রিয়তায় ও ধর্মহীনতার নিঃশেষে নিমগ্ন হ'য়েও যায়, তথাপি তাদের দ্বারা সে-ঈশ্বর নিশ্চয়ই পরাজিত হবেন না। ব্রাহ্মসমাজের ঘরে ঘরে এখন আরামপ্রিয়তার রাজত্ব। কিন্তু কত কাল তিনি এদের আরামে থাকতে দিবেন? He may bide his time, but He is a living God, তিনি তাঁহার সময়ের জন্য প্রতীক্ষা করিতে পারেন, কিন্তু তিনি জীবন্ত ঈশ্বর। তিনি এমন আরামপ্রিয় ও সুগভ্য মানুষদের সমাজেও আগুন লাগাতে জানেন।”

আগুনে দাহিকাশক্তি আছে কি নাই, তা বোঝবার অধিকারী কে? বলবার অধিকারী কে? যে কাঠখানা জ্বলে, সে বলবে? না, চারিদিকে যে হাজার হাজার কাঁচা গাছ দাঁড়িয়ে আছে, তাহা বলবে? বিশ্বাসী বলেন, “আমি একা আমার জীবনের প্রত্যক্ষ প্রমাণেই বলব, আমার ধর্মে প্রবল দাহিকাশক্তি আছে। আমি চারিদিকে তাকাব না। আমার চিহ্ন খোঁজবার, বাহিরের প্রমাণ খোঁজবার কোন দরকার নাই। আমি যে জ্বলেছি, এতেই তো ব্রহ্মের জয় আরম্ভ হ'য়ে গিয়েছে। আমার জীবনে সে-জয় তো প্রত্যক্ষ করেছি!” ব্রহ্মচরণে আত্মোৎসর্গের এমনি গুণ, নবজীবনের এমনি গুণ, Holy Spiritএর দ্বারা ধৃত হওয়ার এমনি গুণ, যে, মানুষকে তা সব অবস্থায় আশার উদ্দীপ্ত ক'রে রাখে। এমন মানুষের আশাশীলতা অজ্ঞেয়। বুদ্ধিজীবী হিসাবী বন্ধুরা অনেক সময়ে আত্মোৎসর্গশীল বিশ্বাসী ব্রাহ্মের মনকে টেনে নিয়ে চারিদিককার ঘন অন্ধকার দেখতে বাধ্য করে। বিশ্বাসী তাদের বলেন, “তাই, তোমরা যা যা বলচ, সব আমি জানি। তোমরা যা যা দেখাচ্চ, সব আমি দেখেছি। তবু আমি নিরাশ নই। আমার মুখ দিয়ে অন্য বুলি বাহির হবে না। ব্রহ্মশক্তিতে কিছু হয় না, ব্রহ্ম-অগ্নিতে কিছু জ্বলে না, এ কথা আমি কখনও বলব না।”

তাই বলি, মানুষের আশাশীলতা কোন বিচার-আলোচনার ফল নয়; ইহা একপ্রকার স্বভাব। এই স্বভাব কে পায়? আত্মোৎসর্গপরায়ণ বিশ্বাসীরাই পায়। পরীক্ষা করলে দেখতে

পাবে, পৃথিবীর যত নিরাশাশ্রয়ণ মানুষ, সকলেই তিতরে তিতরে আত্মদান-ভীক। ব্রাহ্মসমাজে যদি হাজারে একজন মাত্র আশা-শীল আত্মোৎসর্গপরায়ণ বিশ্বাসী থাকেন, আর যদি ৯৯৯ জন নিরাশাবাদী হয়, তবে আমি বলি, হে একজন বিশ্বাসী, তুমিই আগরিত হও ; সাহসের বাণী বল ; নব শতাব্দীতে ভীকদের, নিরাশাবাদীদের, false prophetদের সব বাক্য তরু ক'রে দাও। পরের-দিকে-তাকানো মানুষ দিয়ে পঞ্চাশ বছরেও ব্রাহ্মসমাজের আশার আশ্রয় জ্বলে উঠবে না। সমগ্র ব্রাহ্মসমাজে যদি আজ তিনজনও বাঁটি বিশ্বাসী থাক, তবে এস, একবার ভাল ক'রে আশ্রয় জালাও, ধ্বনি জাগাও ;—বল', বিশ্বাসের জয়, আত্মোৎসর্গের জয়, ব্রহ্মশক্তির জয়, ব্রহ্ম-অগ্নির জয়!

ব্রাহ্মসমাজে আজ সব-চেয়ে বেশী কি চাই ? চাই আত্মোৎসর্গ ও তৎসমূহ আশাশীলতা। চাই, “আপনাকে দাও, আর জয় পাবে।” ভবিষ্যৎ ঈশ্বরের হাতে ফেলে রেখে দাও। তোমার চিত্ত-খোঁজা ভীক দৃষ্টি দিয়ে ভগবান্ ব্রাহ্মসমাজের ভবিষ্যৎ দেখছেন না। হে ব্রাহ্ম, তুমি কি ভবিষ্যতের চিত্ত খোঁজ ? তবে আপনার অন্তরে তাহা খোঁজ। তোমার অন্তরে যদি সেই আত্মসমর্পণ জেগে থাকে, তবে ব্রাহ্মসমাজের ভবিষ্যৎ তুমি উজ্জল দেখবে ; কারণ, তুমিই সেই উজ্জল ভবিষ্যতের একজন স্রষ্টা।

নবজীবন ও হাসি-কান্না।

সংসারের বিশাল ক্ষেত্রে হার জিৎ, ওঠা পড়া, কখনও ভিড়ের আগে আগে চলা, কখনও ভিড়ের পাছে পাছে চলা,—মানবের ভাগ্যে বিধাতা এই ছইই রেখেছেন। সেই হ্যাল বিধাতা, উর্দ্ধ হ'তে তাঁর প্রত্যেকটি মানব-সন্তানের, এবং তাঁহার এই ব্রাহ্মসমাজের পার্থিব লীলাক্ষেত্রের সব হার জিৎ, সব ওঠা পড়া, নিরন্তর দেখছেন। আজ একবার নবজীবনের দৃষ্টি স্বর্গপানে উত্তোলন কর। সেই চক্রে আজ একবার চেয়ে দেখ তো, ব্রাহ্ম ! স্বর্গলোকে বিধাতার দৃষ্টি, দেবগণের দৃষ্টি, ঋষিগণের দৃষ্টি, ভক্তগণের দৃষ্টি, আমাদের অগ্রাণিগণের দৃষ্টি, আমাদের জীবনের কোন্ বস্তুর প্রতি রয়েছে ? দেখতে পাবে, তাঁদের দৃষ্টি আমাদের কীর্তির প্রতি বা কীর্তির অভাবের প্রতি নয়। কিন্তু তাঁরা ব্যাকুল হ'য়ে লক্ষ্য ক'রে দেখছেন, আমাদের জীবন ব্রহ্মে সমর্পিত কি না, আমাদের বিশ্বাস-বল কেমন, আমাদের নির্ভর কিসের উপর, আমরা এখানে কিসে হাসি কিসে কাঁদি।

আজ ১১ই মাঘে আমরা হাসিব কি নিয়ে ? আমরা নব-জীবনের হাসি হাসিব। অনেক ব্রাহ্ম যে খনবান্ ও প্রতিপত্তি-শালী, অনেক ব্রাহ্মের ধ্যাতি যে অগম্যবাপী, অনেক ব্রাহ্ম যে ব্রাহ্মসম্মান লাভ ক'রেছেন, দেশ যে স্বীকার ক'রেছে এবং রাজ-পুরুষেরাও যে স্বীকার ক'রেছেন ব্রাহ্মসমাজের প্রভাব তাঁর জন-সংখ্যা অপেক্ষা অনেক অধিক,—ব্রাহ্মসমাজ এখন যে অনেকগুলি কল্যাণকর্মের পরিচালক,—এ সকলের অস্ত্র কি আমরা হাসিব ? আমি বলি, তাঁর চেয়েও হাজার গুণ বেশী হাসিব, ব্রহ্মতত্ত্বের জীবনের প্রভাব ও সৌন্দর্যের অস্ত্র ; শত শত জীবন হ'তে প্রতিকলিত আত্মোৎসর্গের জ্যোতির অস্ত্র ; নিজ জীবনে, নিজ

চরিত্রে বেটুকু ব্রহ্মতত্ত্ব হ'তে সর্ব্ব হ'য়েছি তাঁর অস্ত্র ; যতগুলি পাপ চূর্ণ হ'য়েছে, তাঁর অস্ত্র ; যতখানি জীবন ব্রহ্মতত্ত্বের পূর্ণ হ'য়েছে, তাঁর অস্ত্র। হাসিব,—বর্ষের বর্ষের তাই কোন্দের মুখ দেখে। হাসিব,—এই মন্দিরে আমাদের উত্তোলিত মুখগুলির উপরে মায়ের হাসির বলক দেখে। আজ এই হাসিই সকলের প্রাণে ফুটে উঠুক।

তেমনি আজ আমরা কাঁদিব বই কি ? অগতে কার অস্ত্র কান্না নাই ? ব্রাহ্মসমাজের অস্ত্রও কান্না আছে। কিন্তু কোন্ কান্না কাঁদিব ? নবজীবনের দৃষ্টি দিয়ে দেখি, বিধাতা আমাদের কোন্ কান্না কাঁদতে বলছেন ? লোকসংখ্যা তেমন বাড়তে না ব'লে কাঁদিব ? দেশের যতগুলি বর্তমান আন্দোলন, তাঁরা ব্রাহ্মসমাজকে তত আর গণনার মধ্যে আনে না, একস্ত্র কাঁদিব ? খবরের কাগজে আমাদের নাম তত আর ওঠে না, লোকে আমাদের আর তেমন শক্তিশালী ব'লে মনে করে না, তাঁর অস্ত্র কাঁদিব ?—ব্রাহ্মসমাজে এ রকম কান্নার সব যখনই ওঠে, মনে হয় যেন বর্গ হ'তে সাধুগণ ভক্তগণ দিকার দিচ্ছেন। আমি যেন তাঁদের দিক দিক ধ্বনি শুনে পাই। যেন দেখতে পাই, তাঁরা স্তম্ভায় মুখ ফিরিয়ে নিচ্ছেন। ছি ছি ! পৃথিবীর ঘরে মানভিখারীর এই কান্না,—এই কি ব্রাহ্মের যোগ্য কান্না ? এই কি ব্রাহ্মসমাজের যোগ্য হাহাকার ? হে ব্রাহ্ম, নবজীবনের কান্না কাঁদি। পাপের অন্য কাঁদি। পাপবোধকে এমন স্মরণ কর, যে, সামান্যতম স্বার্থপরতার, সামান্যতম অপ্রেমের, সামান্যতম করুণ ব্যবহারের ও উদ্ভাঙ্গ, ঈর্ষার মুহূর্তের স্পর্শে, ইঞ্জিয়াসক্তির লেশমাত্র উদয়ে, যেন মনে প্রবল কান্নার বেগ আসে। সেই কান্না কাঁদি। এক একটি বাগনা কামনাকে চূর্ণ করবার জন্য আঘোষন আমরণ যে সংগ্রাম ও ক্রন্দন, সেই কান্না কাঁদি। পূর্ণ ব্রহ্মার্চিত জীবন লাভের জন্য কাঁদি। Holy Spiritএর জন্য কাঁদি। মনকে শুদ্ধ ও আকাঙ্ক্ষাকে উন্নত করবার জন্য, হৃদয়কে স্মৃতি ও নীচতার পীক থেকে তোলবার জন্য, উচ্ছত মস্তক মাটিতে লোটাবার জন্য যে কান্না, সেই কান্না কাঁদি। এই হ'ল নবজীবনের কান্না। এই কান্না, হৃদয় বিদীর্ণ ক'রে একা একা কাঁদি ; পরিবারে পতি-পত্নী পুত্র-কন্যা মিলে কাঁদি ; আবার, আগের মতন সকলে এক কণ্ঠে উৎসব-মন্দির কাঁপিয়ে, একসঙ্গে হাহাকার ক'রে, সেই কান্না কাঁদি। যে-কান্নায় দেবগণ মর্ত্যে নেমে আসেন, যে-কান্না দেখে সাধু ভক্তেরা নেমে এসে আমাদের গলা ধ'রে কাঁদেন, সেই কান্না কাঁদি। যে-কান্নায় মায়ের সিংহাসন টলে, যে কান্নায় মা ব্যাকুল হ'য়ে এসে সন্তানকে বুকে ধরেন, সেই কান্না কাঁদি। একবার সেই কান্না জাগাও তো, তাই বোন্ ! দেখি, ব্রাহ্মসমাজ আবার ওঠে কি না ! দেখি, এর আশ্রয়টা আবার জলে কি না !

অহুতাপের কথা কেন ?

আমার আজ বলবার বিষয় ছিল, হ্যালের হ্যাল কথা কৃতজ্ঞতার কথা, আনন্দের কথা, ঈশ্বরচরণে আপনাকে নুতন ক'রে সমর্পণ করবার কথা, আশ্রয়টা ভাল ক'রে জালাবার কথা। তবে এর মধ্যে এত অহুতাপের কথা কেন এল ? এত কান্না

কথা কেন এসে পড়ল? কি করব, তাই বোন! আপনারা আজ এমন লোককে এখানে বসিয়েছেন, যার জীবনে অনেক অহুতাপ; মাথোৎসবের বার্তা আসা-অবধি যার জীবন ক্রমশে পরিপূর্ণ হ'য়ে রয়েছে। আমি অনেক চেষ্টা ক'রেও এ কথা এড়াতে পারলাম না। কিন্তু বলে দিচ্ছি, তাই বোন, এ কারা কখনও নিশ্চয় করে না, নিরাশ করে না। বরং ঠিক তার বিপরীত। সত্য পাপবোধ, পাপের সঙ্গে সত্য সংগ্রাম, অহুতাপের তীব্র ক্রম,—এরাই মানবাত্মার তেজোবীর্ষ্য বৃদ্ধি করে, এরাই ধর্মমণ্ডলীর তেজোবীর্ষ্য বৃদ্ধি করে। এই কাতর ক্রমই নবজীবনের অগ্রদূত। ইহাট ব্রহ্ম-অগ্নির অগ্রে সঞ্চরণকারী উত্তাপ। ইহাই নবশক্তির প্রথম চিহ্ন।

হে ব্রাহ্মসমাজ, সেই আশুনাটা আবার লাফিয়ে উঠে জলুক, তাই চাও? তবে, অহুতাপ যার প্রথম চিহ্ন, নিরন্তর আত্মপরীক্ষা ও নিরন্তর ব্রহ্ম-ইচ্ছার আত্মসমর্পণ যার সাধন, চরিত্রে মনুষ্য লাভ, প্রকৃতিতে বিনয়-শ্রদ্ধা-ভক্তি লাভ যার পরিণতি, সেই ব্রহ্মগত জীবনের জন্ম আবার আপনার সকল শক্তিকে উৎসর্গ কর। অলস চরিত্র ও অলস ধর্মজীবনের সাধনে আমরা আবার লাগি। যা, কুড়ি বছরে হারিয়েছি, দয়ালের দয়ালে পাঁচ বছরেই আবার তা ফিরে পাব।

প্রতীক্ষার দিন।

আমি জানি, অনেক সময়ে মনের এমন অবস্থা হয়, যে, আর দেবী সহ হয় না। কতদিনে আবার সেই সুদিনের মুখ দেখব? কবে—কবে—কবে? এই বলে মন অস্থির হ'য়ে ওঠে। মনের এই অস্থিরতার মধ্যে আমি যেভাবে একটু সাহসনা লাভ করি, তা আপনাদের কাছে নিবেদন করুচি। আমার মনে হয়, পরম জননী যেন বলছেন, “ওরে, তোরা যত ব্যস্ত নবজীবন লাভ করতে, তার চেয়ে আমি বেশী ব্যস্ত তোদের নবজীবন দান করতে। তোরা ভাবচিস্ কেন? তোরা কেবল প্রাণ নিয়ে আয়। আর যা করবার আমি সব করব।” পরমজননী যেন বলছেন, “যতদিন দেবী হয়, তার মধ্যে তোরা প্রস্তুত হ'য়ে থাক না।” নূতন বাড়ী নির্মাণ করতে হ'লে ইট পোড়াতে হয়, সুড়কি চূর্ণ সিমেন্ট সংগ্রহ করতে হয়; তাতে সময় লাগে। কোন পাকা কাজ তাড়াতাড়ি হয় না, হাতে-হাতে যে মসলা ছোটে তা দিয়ে হয় না। অতি-বর্তমান কালের প্রত্যেক নব নব আন্দোলনের সুযোগ টুকুর সব্যবহার ক'রে নেবার যে ক্ষমতা-কারিতা, তাতে বণিকের ব্যবসায় গড়তে পারে, ধর্মসমাজের কাজ তাতে গড়ে না। ব্রাহ্মসমাজের নবজাগরণের জন্মই বল', কিংবা ভারতের কল্যাণ-সৌধ নির্মাণের জন্মই বল', কেবল মাত্র ব্যবস্থা (organisation) বিষয়ে তৎপরতা, চট পট দলগঠন, সুযোগের উদয়মাত্র তাকে গ্রাস করা,—এ সকল যথেষ্ট নয়। বিধাতা যেন ব্রাহ্মসমাজকে উৎসনা ক'রে বলছেন, “ওরে অজবিশ্বাসীরা, সকলের আগে যে চরিত্র চাই, সে কথা মাহুকেরা তুলে ধর বলে কি তোরা মনে করিস্ যে আমিও তুলে দিয়েছি? আমি তো তোদের অপেক্ষা করছি, তোরা চরিত্র প'ড়ে ভবিষ্যতের জন্ম প্রস্তুত হবি বলে।” বিধাতা যেন

বলেন, “ব্রাহ্মরা আমার ইচ্ছার চাপে নিজেদের জীবনকে ফেলে, আমার ইচ্ছার অনলে নিজেদের জীবনকে পুড়িয়ে, ব্রহ্মগত চরিত্রের শক্ত ইট তৈয়ারী করুক না? আমার তো ভারতের ভাবী কল্যাণ-সৌধের জন্ম তাই দরকার। বর্তমান বংশের লোকেরা যা করবে, করুক। আগামী যুগে আমার অধিক সারবান্ কাজ যখন হবে, তখন আমার হাতে শক্ত পোক্ত ইট হ'য়ে কে আসবে? ব্রাহ্মরা তা হবে কি?” আমি যেন বিধাতার এই বাণী শুনতে পাই। তিনি যেন বলেন, এই অপেক্ষার কালটি ব্রাহ্মদের পক্ষে নব চরিত্র গঠনের অবসর।

অপেক্ষার কালের এই প্রকার সব্যবহার যদি করিতে পারি, তবে পশ্চাতে থেকেও দুঃখ নাই; বাধাবিধে, এমন কি বাহু পরাজয়েও ক্ষতি নাই। বরং বলি, যেমন ভাল ইট গুঁড়ো করলে বাড়ী গাঁথবার ভাল মসলা হয়, তেমনি উচ্চ চরিত্রবান্ ব্রাহ্মকে নির্ধাতন করলে, ব্রাহ্মদের অনেক-কষ্টে-গড়া ভাল কাজ বিরোধীদের হাতে চূর্ণ হ'লে, ভারতের ভাবী কল্যাণ-সৌধের জন্ম ভাল মসলা তৈয়ারী হবে। দু বছর আগে অনেক লোকে ব্রাহ্মদের কলেজটি চূর্ণ করবে বলে দলবদ্ধ হ'য়েছিল। বিধাতা যেন বলেন, “আমার ব্রাহ্মদের চূর্ণ করলে পিষ্ট করলে ভারতের ভবিষ্যতের জন্ম খুব ভাল মসলা তৈয়ারী হবে।” ব্রহ্মগতের যত ভাল কাজ, বিশ্বাসীদের রক্তেই তার ভিত্তি গাঁথা হ'য়ে থাকে। দেবীতে ভয় নাই, বাধাতেও ভয় নাই, পরাজয়েও ভয় নাই, যদি আমরা ব্রহ্মগত জীবন, ব্রহ্মগত চরিত্র গড়বার জন্ম প্রাণপণ সাধনায় নিযুক্ত হই।

নব মন্ত্র।

আজ তবে আমরা উৎসব-মন্দির থেকে কি মন্ত্র ঘরে নিয়ে যাব? এক বছরের জন্ম ও নব শতাব্দীর জন্ম, নিজেদের জন্ম ও ছেলে মেয়েদের জন্ম, পরিবারের জন্ম ও ব্রাহ্মসমাজের কার্য-ক্ষেত্রের জন্ম, কি-মন্ত্র নিয়ে যাব?—আমরা খুব ভাল ক'রে মাথের দয়া অহুতব করব। পূজাগণের চরিত্রে, ব্রহ্মের আনন্দে আলোকিত নূতন পৃথিবীতে নূতন মানবসংসারে, আমাদের পরিবর্তিত সংশোধিত জীবনে, সে দয়ার অমৃতময় লীলা দেখব। .স কাহিনী ঘরে ও সমাজে, নিত্য বলব, শুনব। আর খুব ব্যাকুল হ'য়ে তাঁর হাতে এমন ক'রে আত্মসমর্পণ করব, যাতে জীবন বদলে গিয়ে আত্মার নবজন্ম লাভ হয়। যাতে চিন্তা বদলে যায়, কল্পনা আশা আকাঙ্ক্ষা বদলে যায়, রক্ত মাংস বদলে যায়। শরীর-মন, ধন-জন-যৌবন, সব তাঁর হয়। প্রতি দিন প্রতি খণ্ডায়, প্রতি কাগ্রে প্রতি কথায়, আমরা তাঁর হব। “তোমার মনের মত হওয়া,”—এই আমাদের অপমন্ত্র হবে। এ মন্ত্র নিজেরা লব, এ মন্ত্র ছেলেমেয়েদের দিব, এ মন্ত্র প্রচার করব।

তাই বোন, মনে মনে ছবি দেখতে শিখ। বিধাতা প্রত্যেক মাহুকে কল্পনাশক্তি দিয়েছেন। ধর্মজীবনের জন্ম যখন সে কল্পনাশক্তির ব্যবহার করি, তখনই তার সর্বশ্রেষ্ঠ ব্যবহার করা হয়। কল্পনাশক্তিকে কল্পনা-দৃষ্টিকে সেইভাবে ব্যবহার কর। আমি কেমন ক'রে উঠলে বললে, কেমন ক'রে

চলে বসলে, আমার আকার ইতিমধ্যে কেমন হ'লে, আমার মনের বাসনা কামনা ও ভবিষ্যৎসম্বন্ধে মনের গোপন আশা কেমন হ'লে, মাহুকের সঙ্গে আমার ব্যবহার কি-রকম হ'লে, তাঁর চোখে তিনি আমার স্বন্দর দেখবেন,—প্রতিদিন, প্রতি-ঘণ্টায় তার ছবি মনে অঙ্কিত কর। অন্তরখানি তাঁর দিকে তুলে ধর, তা হ'লে তিনি যে তোমার কেমন দেখতে চান, সে ছবি তিনি নিজেই তোমার প্রাণে অঙ্কিত ক'রে দিবেন। ব্রহ্মের মনে সে ছবি তৈয়ারী রয়েছে। আমি ভাল হ'লে কেমন হ'ব, আমার সেই ভবিষ্যৎ ভাল ছবি, আমার সেই দেব-ছবি, ব্রহ্মের মনে তৈয়ারী রয়েছে। মন খুলে তাঁর কাছে বসলেই, তাঁর দিকে চোখে চোখে তাকালেই, সেই ছবি আমার মনের পটে অঙ্কিত হ'য়ে যায়। এস, নিঃস্বপ্নের সেই ভাল ছবি সেই গৌরব-ছবি দেখি; এস, ব্রাহ্মসমাজের সেই গৌরব-ছবি দেখি। “এবার মায়ের মনের মতন হবই; আর চিন্তাবিহীন-ভাবে, উদাসীনভাবে চ'লে, উদ্যম উচ্ছ্বলভাবে চ'লে, মা'র মনে দুঃখ দিব না; এবার হ'তে মার মনস্কামনা গূর্ণ করবই,”—এস, এই প্রতিজ্ঞা করি। মায়ের সেই প্রেমমুখ দেখে, তাঁর দৃষ্টি তাঁর ভালবাসা স্মরণ ক'রে, এই ব্রাহ্মসমাজেই কত বার কত পাষণ্ড প্রাণ গ'লে গিয়েছে। আজ আমাদের এই পাষণ্ড-প্রাণগুলি কি গলবে না? এস, আজ তাঁর চরণ ধ'রে খুব কাঁদি,—কৃতজ্ঞতায় কাঁদি, অহুতাপে কাঁদি, আর নবভাবে তাঁর চরণে আত্মসমর্পণ করি।

প্রার্থনা।

মা, আজ চেয়ে দেখ, তোমার ব্রাহ্মসমাজের নরনারী তোমার চরণতলে উপস্থিত। দেখ, ব্যাকুলতায় সকলের প্রাণ কাঁপচে, কাঁদচে। তোমার দয়া, তোমার ভালবাসা অহুতব ক'রে আম্র প্রাণগুলি উদ্বেলিত হ'য়ে যাচ্ছে। আর কি তোমার না হ'য়ে, তোমার হাতে ধরা না দিয়ে আমরা থাকতে পারি? এই ব্রাহ্ম-সমাজে তোমার দয়ার লীলা, তোমার ব্রহ্ম-অগ্নির লীলা, প্রকাশিত হবে না, তবে কোথায় তা হবে? মা, তোমার দয়ার উচ্ছল কেন্দ্র, এই ব্রাহ্মসমাজ। কত সাধুর জীবন, কত ত্যাগীর জীবন, কত বিশ্বাসীর জীবন, কত পাগল ভক্তের জীবন, এখানে তোমার সেই দয়ার ঢেউ বহিয়ে দিয়ে গিয়েছে। আর দেবী সইচে না, মা! প্রাণ অস্থির। আমাদের এই অধৈর্য্যকে তুমি আত্মদানের অধৈর্য্যে পরিণত কর। মা, তুমি শীঘ্র আবার এস, আমাদের ধর, আমাদের জয় কর, আমাদের জীবন গ্রাস কর, আমাদের মাতিয়ে দাও, কেঁপিয়ে দাও; তোমার হাতে আত্মহুতিদানের তন্ত্র সকলকে নবদীক্ষা দাও। ব্রাহ্মসমাজ আবার আগুৎ। উৎসর্গীকৃত জীবনে তোমার জ্যোতির যে বলকণ্ঠে, তা এখানে আবার উঠুক। আশা ভক্তি কৃতজ্ঞতাভরে এবং দীনহীন, অকিঞ্চন হ'য়ে তোমার চরণে সকলে প্রণিপাত করি।

“কত ভালবাস গো যা মানসসম্মানে” ইত্যাদি চতুর্থ সঙ্গীত ও “পানপ্রাণে রাখ সেবকে” ইত্যাদি সন্দনাগীতির পর কিছু সময় সংকীর্ণন চলিতে থাকে। অবশেষে প্রায় এগার ঘণ্টিকার এই বেলায় কার্য শেষ হয়। কিন্তু কেহ কেহ মন্দিরে থাকিয়া ব্যক্তিগত প্রার্থনা ও ধ্যান নিযুক্ত থাকেন। প্রাণে বহু লোক প্রীতিভোজনে নিযুক্ত থাকিলেও মন্দির কখনও একেবারে শূন্য থাকে না। অন্তর এক ঘণ্টিকার সময় মাধ্যাহ্নিক উপাসনা আরম্ভ হয়। তাহাতে শ্রীযুক্ত বরদাকান্ত বসু আচার্য্যের কার্য করেন। তাঁহার প্রদত্ত উপদেশের মর্ম্ম নিয়ে প্রকাশিত হইল;

আমরা দেড় বৎসর যাবত ব্রাহ্মসমাজস্থাপনের শতবার্ষিক উৎসব করিয়া আসিতেছি এবং বর্তমানে প্রথম মন্দিরপ্রতিষ্ঠার দিবস স্মরণ করিয়া শততম মাঘোৎসব সম্পন্ন করিতেছি। আমাদের জীবনে এই দিনের একটা বিশেষ মূল্য আছে। আমরা মাঘোৎসব উপলক্ষে করুণাময়ের অনেক করুণা সন্তোষ করিয়াছি এবং ব্রাহ্মধর্ম্মের প্রসাদে জীবনে অতি মূল্যবান সম্পদ লাভ করিয়াছি। আজ সে সমস্ত স্মরণ করিয়া প্রেমময় বিধাতার নিকট কৃতজ্ঞতাভরে অবনত হইবার দিন, তাঁহার এই স্মহান্ ধর্ম্ম হইতে যাহা পাইয়াছি তাহা হৃদয়ে অহুতাবন ও প্রকাণ্ডা শীকার করিবার দিন। তাই আজ সেই বিষয়ে দুই একটা কথা নিবেদন করিতেছি। তিনিই কৃপা করিয়া আমাকে তাঁহার এই পবিত্র ধর্ম্মের আশ্রয়ে আনিয়াছেন, এবং তাঁহাকে জানিতে ও বুঝিতে দিয়াছেন। তিনি সাধারণভাবে সকলের বিধাতা, এই কথা সকল ধর্ম্মই স্বীকার করে, অনেক স্থলে পাঠও করিয়াছি; কিন্তু তিনি যে জীবনের সকল মুহূর্ত্তের ক্ষুদ্র বৃহৎ সকল ঘটনার বিধাতা, তাহা তিনিই প্রথম সাক্ষাৎ ভাবে জানিতে ও বুঝিতে দিলেন। আর কোনও ধর্ম্ম তাহা এমন ভাবে শিক্ষা দেয় বলিয়া জানি না। পূর্বে আর কোনও গ্রন্থে তাহা পাঠ করি নাই। আর কাহারও মুখে তাহা শুনিও নাই। আজকাল অবশ্য অনেকের মুখে ইহা শুনিতে পাই।

আমি যখন পবিত্র ব্রাহ্মধর্ম্মে দীক্ষিত হইয়া, ছুটির সময় বাড়ীতে না যাইয়া আমার জিনিসপত্র পাঠাইয়া দিলাম এবং উৎসবে যোগ দিবার জন্ত অস্ত্র গেলাম, এবং দাদা যখন আমাকে বাড়ী লইয়া যাইবার জন্ত সেখানে উপস্থিত হইলেন, তখন এই বিশ্বাসের বশবর্ত্তী হইয়াই, মহা সংগ্রামে পড়িতে হইবে জানিয়াও, তাঁহাদিগের প্রাণে যতটা সম্ভব কম আঘাত দেওয়া কর্তব্য মনে করিয়া, তাঁহার সঙ্গে বাড়ী গেলাম। এবং শিক্ষকতা করিয়া পরীক্ষা দিব স্থির করিলে, সেই ভাবের দ্বারা চালিত হইয়াই, তাঁহার কথা অহুতাপে তাঁহার সঙ্গে তাঁহার কর্ম্মস্থানে যাই। সেখানে আমাকে কঠোর-তর পরীক্ষার মধ্যে পড়িতে হইবে, বহুবাধবের সাহায্য পাইব না, জানিয়াও ভীত বা পলায়ন হই নাই। এখানে বলা আবশ্যিক যে, আমাকে কোনও রূপ অত্যাচার উৎপীড়ন সহ্য করিতে হয় নাই। আমাকে কঠিন প্রলোভনের মধ্য দিয়াই আসিতে হইয়াছে। অত্যাচার উৎপীড়ন হইলে বল আমি দেয়। অল্প প্রলোভন অতিক্রম করা বড় কঠিন। অনেক সময়

মনে হইয়াছে, এই বুদ্ধি তাহারে হাতে আত্মসমর্পণ করিলাম, আর প্রাণে আকুল প্রার্থনা চলিয়াছে। সকল বিষয়ে বাহ্যতঃ আমাকে পূর্ণ স্বাধীনতাই দেওয়া হইত, তাহার মধ্যে স্বেচ্ছতাবে যে সত্যের সঙ্গে কোন কোনও বিষয়ে একটু বন্দোবস্ত করিয়া চলা আবশ্যিক হয়, তাহা সহজে বুঝা যাইত না। যাহা হউক, তিনিই কৃপা করিয়া তাহা বুদ্ধিতে দিয়া সেই পরীক্ষায় উত্তীর্ণ করিলেন, অপ্রত্যাশিত ভাবে বন্ধু এবং অপূর্ণ সুযোগ জুটাইয়া দিলেন এবং এমন কোন কোনও পুস্তক হাতে আনিয়া দিলেন, যাহা হইতে জীবনপথে বিশেষ সহায়তা পাইয়াছি। ইহার পূর্বে ও পরে জীবনে তাঁহার জীবন্ত মঙ্গল বিধাতৃয়ের আরও অনেক পরিচয় পাইয়াছি। জীবনের কঠিন সময়্যার মধ্যে বুদ্ধি বিবেচনা চিন্তা প্রার্থনা দ্বারা কোনও কর্তব্যের পথ নির্ধারণ করিয়া, এই বলিয়া তাঁহার বিধাতৃয়ের উপর ছাড়িয়া দিয়াছি যে, আমি যাহা বুদ্ধিতে পারিতেছি সেই পথ অহুসরণ করিতেছি, কিন্তু ইহা যদি ঠিক পথ না হয় তবে নিশ্চয়ই তিনি অস্ত্র ব্যবহা করিবেন, সেই পথ হইতে ফিরাইয়া অস্ত্র পথে লইয়া যাইবেন এবং তাহা পরিষ্কার রূপে বুদ্ধিতে দিবেন। এবং সত্যই সেরূপ ঘটিয়াছে, দেখিয়াছি। এই সময়ই এমাসনে প্রথম পাঠ করি—“তোমার প্রকৃত কল্যাণের অস্ত্র যে বন্ধুটিকে পাওয়া দরকার, যে পুস্তকখানি পাঠ বা যে কথাটি শোনা আবশ্যিক, তাহা ঘুরিয়া ফিরিয়া যেকোনো হটক উপযুক্ত সময়ে তোমার নিকট উপস্থিত হইবেই; কেননা তোমার মধ্যে যে পরমাত্মা বিরাজমান অপর সকলের মধ্যেও যে অবিচ্ছিন্নভাবে তিনিই রহিয়াছেন, কোথাও একটি ছিঁড়েরও ব্যবধান নাই।” ইহাতে আমার অভিজ্ঞতাবিষয়ে সায় পাইলাম। বিশ্বাস দৃঢ়তর হইল। জীবনের বহুবিবিধ ঘটনার মধ্যে এই মহা সত্যের অনেক পরিচয় পাইয়াছি। সকলগুলি উল্লেখ করিবার কোনও প্রয়োজন নাই। এই মাত্র বলিলেই যথেষ্ট হইবে যে, ইহাতে সন্দেহ বা অবিশ্বাস করিবার কোন হেতুই এ পর্যন্ত পাই নাই। সুতরাং যদি কিছু স্থনিশ্চিতরূপে জানিয়া থাকি, তবে এই মহাসত্যই জানিয়াছি।

তিনি যে শুধু বাহিরের বিষয়েই জীবন্ত বিধাতা, তাহা নহে। আধ্যাত্মিক জীবন সম্বন্ধেও তাঁহার নিত্য বিধাতৃত্ব সমভাবেই রহিয়াছে। তিনি যে সাধারণ ভাবে পাপীর পরিজ্ঞাতা, অনেক মহাপাপীকেও তিনি আশ্চর্যভাবে উদ্ধার করিয়াছেন, এই কথা সকল ধর্মই স্বীকার করিয়া থাকে। কিন্তু তিনি যে প্রত্যেককে প্রতিমুহূর্তে জীবন্তভাবে গড়িয়া তোলেন, সকল সুখ দুঃখ, পাপ পুণ্য, উত্থান পতন, অয় পরাজয়ের মধ্যে, আলোকে আধারে, আশা নিরাশায়, সোজা বা বাঁকা পথে, হাত ধরিয়া কল্যাণের দিকে লইয়া যান; কেবল যে প্রার্থনা করিলেই তাঁহার সাহায্য পাওয়া যায় আর তাহা না করিলে তিনি পরিত্যাগ করিয়া দূরে চলিয়া যান, এরূপ নহে,—না ডাকিলে না খুঁজিলেও অজ্ঞাতে অলক্ষিতে তাঁহার অসীম প্রেম সকলকে সর্বদা আবেষ্টন করিয়া থাকে, তাঁহার জীবন্ত মঙ্গলকার্য নিয়ন্ত চলিতে থাকে,—তাঁহার নিঃসন্দেহ পরিচয়ও তিনি জীবনে অনেক

দিয়াছেন। প্রার্থনার উত্তররূপে দুর্বলতার মধ্যে বল ও অক্ষকারের মধ্যে তাঁহার প্রকাশ ত পাইয়াছিই; তাহা ব্যতীতও তিনি এমন করিয়া অযাচিতভাবে আপনার পরিচয় দিয়াছেন, আপনাকে প্রকাশিত করিয়াছেন, স্বপ্নে কত অমূল্য তত্ত্ব উন্মোচিত করিয়াছেন, যাহাতে সংশয় সন্দেহের আর লেশমাত্র অবসর থাকে নাই। দর্শনশাস্ত্রের আলোচনা না করিয়াছি এমন নহে। অকাটা যুক্তি বিচার দ্বারা যে মীমাংসায় উপনীত হইয়াছি তাহাতেও সকল সময় সকল সংশয় বিদূরিত হয় নাই, নিঃসন্দেহরূপে সুস্পষ্টভাবে অন্তরের অন্তরে বিষয়টার ধারণা জন্মে নাই। কিন্তু তাঁহার কৃপায় উপাসনার মধ্যে বা অস্ত্র কোনও সময়ে তাঁহার প্রকাশে এক মুহূর্তে সকল পরিষ্কার হইয়া গিয়াছে, সকল সংশয় সন্দেহ চলিয়া গিয়াছে। আমাদের একটি সঙ্গীতে আছে—“যে জন ব্যাকুল প্রাণে তোমারে ডাকে অনায়াসে সে ত তরে যাবে, যে তোমারে ডাকে না তার কি গতি হবে না? চিরদিন পাপে পড়ে রবে? ... আমি ডুবেছি, ডুবেছি সংসারপাথারে, উঠিতে পারি না নিজ বলে, যতবার উঠিতে চাই, ততই ডুবিয়া যাই, তুমি আমায় তোল করে ধরে।” তাঁহার কৃপায় এমন অবস্থা গিয়াছে, যখন প্রাণের সহিত এই সুন্দর গানটি করিতে পারিতাম না,—গান করিতে গেলেই অন্তরে বাধা পাইতাম, অহুভব করিতাম, এই ত তিনি সর্বদা তুলিয়া ধরিতেছেন, ডুবিতে দিতেছেন না, তাঁহার অপার করুণা ও জীবন্ত বিধাতৃত্ব দেখিয়া কি প্রকারে আর এরূপ কথা বলিতে পারি? ইহা যে এক মুহূর্তের বা এক দিনের একটা সাময়িক ভাব মাত্র ছিল, তাহা নহে। দিনের পর দিন, মাসের পর মাস, একটু দীর্ঘ কালই, পথে ঘাটে চলিতে ফিরিতে পর্যন্ত এই অহুভূতিটা উজ্জ্বল ছিল। পরে নিজ দোষেই তাহা হারাইয়া ফেলি। তাহা আর ফিরিয়া না পাইলেও, উহার সত্যতা বিষয়ে এক মুহূর্তের ক্ষণও কখন সন্দেহ আসে নাই।

তাঁহার ধর্মের পথ যে কত সূক্ষ্ম, আপনার উপর নির্ভর রাখিলে কত সহজে যে আমাদের পতন হয়, তাহাও তিনি দেখাইয়াছেন। যখন তাঁহার করুণায় জীবনে বেশ একটা সরস ভাবই ছিল, উপাসনাদি বেশ সুন্দর ভাবেই চলিতেছিল, তখন একদিন স্নানের সময় পুকুরের অপর পাড়ে পূজায় নিযুক্ত একটি ভক্তলোককে অপর একটি মন্দলোকের সঙ্গে কথা বলিতে দেখিয়া তাহার প্রতি মনটা একটু বিরূপ হইল, ভাবিলাম লোকটা কি করিতেছে। মুহূর্তের অস্ত্র এই ভাবটা মনে আসিয়া চলিয়া গেল। আমিও গৃহে ফিরিলাম এবং সকল কথা তুলিয়া গেলাম। কিন্তু সেদিন সন্ধ্যার সময় যখন নির্জনে যাইয়া দৈনিক উপাসনায় বসিলাম, তখন কিছুতেই আর প্রাণে সেই সরসভাব অহুভব করিলাম না, উপাসনায় ডুবিতে পারিলাম না। বার বার দিনের সমস্ত ঘটনা পর্যালোচনা করিতে লাগিলাম, বিশেষ ভাবে সেই সময়ের প্রাণের অস্বাটা বিচার ও পরীক্ষা করিতে লাগিলাম, কিন্তু তাহার মধ্যে চিত্তবিকারের বিশেষ কোনও পরিচয় খুঁজিয়া পাইলাম না। এইরূপ চিন্তা ও প্রার্থনায় দুই তিন দিন কাটিয়া গেল। শুধু যে দুইবেলা উপাসনার সময়ই চিন্তা প্রার্থনা আত্ম-পরীক্ষা করিতাম, তাহা নহে। পথে ঘাটে চলিতে ফিরিতেও যখন

একটু অবসর পাইয়াছি তখনই মন তাহাতে নিযুক্ত হইয়াছে—এবং বলা বাহুল্য যে, ঐ ঘটনাটির প্রতিই বার বার দৃষ্টি গিয়াছে। অবশেষে পথে চলিতে চলিতে একদিন বুঝিতে পারিলাম যে, অল্প কোনও প্রকার চিন্তাবিকার না হইলেও, সেই লোকটির প্রতি একটু ঘৃণার ভাব এবং নিজের সম্বন্ধে একটু সন্দেহ অহঙ্কারের ভাব ত লুকায়িত ছিল। যে মুহূর্তে ইহা বুঝিতে পারিলাম সেই মুহূর্তেই সকল মেঘ কাটিয়া গেল, সব পরিষ্কার হইল, আবার উপাসনাদি পূর্বের স্তায় সরল হইল। বাস্তবিক এ পথ যে কত সূক্ষ্ম, কত কঠিন, কত সতর্ক ভাবে যে চলিতে হয়, কত সহজে যে আমরা পতিত ও বঞ্চিত হই, তাহা বলিয়া শেষ করা যায় না।

তাঁহার করুণায় অনেক খাটি প্রাণপ্রদ উপাসনায় যোগ দেওয়ার সৌভাগ্য হইলেও, অতি প্রথম অবস্থায়ই তাঁহার আলোকে বুঝিতে পারিয়াছিলাম যে, যদিও সকল প্রকার প্রাণহীন বাহ্যিক অস্ত্রাণ পরিভ্যাগ করিয়া সত্যে ও ভাবে পরমাত্মার আধ্যাত্মিক পূজায় নিযুক্ত হওয়াই আমাদের একমাত্র লক্ষ্য, তথাপি আমাদের উপাসনাপ্রণালীটাও অপরাপর পদ্ধতির স্তায় শুধু বাহ্যিক অস্ত্রাণ মাঝে, বাহিরের কতকগুলি কথায় বা মন্ত্রে, পরিণত হইতে পারে। এখন অনেকের নিকট এরূপ কথা শুনিতে পাইলেও তখন শুনা যাইত না, বরং বলিলে একটু বিরক্তিভাজনই হইতে হইত। যাহা হউক, বিকৃত ভাবে সাধনের সম্ভাবনা থাকা সত্ত্বেও, এই প্রণালীটা যে সম্পূর্ণ স্বাভাবিকই এবং ইহা দ্বারা সাধনের যে একটা স্বাভাবিক পথ আছে, তাঁহার করুণায় তাহাও বুঝিতে পারিয়াছিলাম। তাহা ছাড়া, তিনি যে তাঁহার অসীম প্রেমে আমাদের তাঁহার প্রেম ও কল্যাণের পথে লইয়া যাইবার জন্ত, জানে প্রেমে পূর্ণো গড়িয়া তুলিবার জন্ত, নিয়ত জীবন্ত ভাবে জগতে ও প্রতি স্তম্ভে কাৰ্য্য করিতেছেন, আমরা হৃদয় পাতিয়া তাহা গ্রহণ করিলেই, তাঁহার হাতে—তাঁহার জীবন্ত প্রেমের স্রোতে—আপনা-দিগকে ছাড়িয়া দিলেই, আমরা যে সহজ ভাবে স্বাভাবিক নিয়মে জীবনপথে অগ্রসর হইতে পারি, উন্নতির দিকে চলিতে পারি, তাহাও তিনি করুণা করিয়া বুঝিতে দিয়াছিলেন। পরে, সেন্ট ফ্রান্সিস ডি সেইল্‌স্‌ ও এমাদনের নিকট সে কথার সায় পাইলাম। সেন্ট ফ্রান্সিস বলিয়াছেন, বৃক্ষ যেমন তাহার ডাল বিস্তার করিয়া দেয়, আর আকাশের আলো বাতাস আসিয়া তাহাকে গড়িয়া ও পুষ্ট করিয়া তোলে, সেরূপ আমাদেরও একমাত্র কর্তব্য—তাঁহাকে লাভ করিবার একমাত্র পথ—সরল ভাবে তাঁহার নিকট হৃদয় পাতিয়া দেওয়া, তিনি অন্তরে বাহিরে যাহা দেন তাহা গ্রহণ করা, তাঁহাতে আত্মসমর্পণ করিয়া তাঁহার দ্বারা চালিত হইতে দেওয়া। এমাদন বলিয়াছেন, “আমাদের চাই একমাত্র বিশ্বাস ও প্রেম—বিশ্বাসপূর্ণ প্রেম। বিশ্ব ব্রহ্মাণ্ডের মধ্যে প্রেমময় বিধাতার কল্যাণস্রোত অবিশ্রান্ত বহিয়া যাইতেছে, তাহার হাতে যে আপনাকে ছাড়িয়া দিবে সেই বিনা চেষ্টায় সত্যে প্রেমে পূর্ণো চির শান্তিতে নীত হইবে। আমাদের একমাত্র কর্তব্য তাঁহার বাধ্য হইয়া চলা। আমরা যদি অস্তায় কর্তব্য করিতে যাইয়া সমস্ত পণ্ড না করি (if we be not marplots with our miserable interferences), তাহা হইলে, প্রকৃতিরাজ্যে যেমন

গোলাপাদি স্বাক্ষর পদার্থ হৃদয় চইয়া আপনা হইতে গড়িয়া উঠে, তেমন মানবের শিল্প সাহিত্য সমাজ, ধর্মজীবন এবং বে-স্বর্গরাজ্যের কথা চিরদিন সাধুগণ বলিয়া আসিতেছেন এবং এখনও মানব-অস্ত্রের গভীরতম প্রদেশ হইতে নিয়ত উদ্ভিত হইতেছে, তাহা স্বাভাবিক নিয়মে আপনা হইতেই গড়িয়া উঠিবে।” বাস্তবিক ইহা অপেক্ষা অধিকতর সত্য কথা আর কিছু নাই। আমাদের জীবনেও আমরা ইহার পরিচয় পাইয়াছি। এ বিষয়ে সন্দেহ করিবার বিম্বু মাত্রও স্থান নাই।

দুঃখের বিষয়, জানিয়া বুঝিয়াও আমরা সকল সময় তাঁহাতে আত্মসমর্পণ করিতে পারি না, তাঁহার সম্পূর্ণ বাধ্য হইয়া চলিতে পারি না, প্রেম ও বিশ্বাসের সঙ্গে তাঁহার সকল দান ও ব্যবস্থা—সুখ দুঃখ, জয় পরাজয়, সম্পদ বিপদ, আনন্দ নিরানন্দ, মিলন বিচ্ছেদ—হৃদয় পাতিয়া গ্রহণ করিতে পারি না, উঠিতে বসিতে, চলিতে ফিরিতে, সকল সময় সকল স্থানে, নিয়ত প্রাণকে তাঁহার উন্মুখীন করিয়া রাখিতে পারি না। অনেক সময়ই তাঁহাকে ভুলিয়া, নিজের ভাবে নিজের পথে চলিতে যাই, বা উদাসীন ভাবে বাহিরের স্রোতে জ্বলিয়া চলি। তাই আমাদের এই দুর্গতি, তাই আমরা মৃতের ন্যায় পড়িয়া থাকি; আর, আমাদের জীবনেও লোকে তাঁহাকে জীবন্ত জিহ্বার পরিচয় পায় না। আমাদের মলিন জীবন স্বেথিয়া তাঁহার প্রাণপ্রদ ধর্মের শক্তিতে, তাঁহার জীবন্ত বিধাতৃত্বে, লোকে সন্দেহান হয়। স্তত্রাং ইহাতে আমরা নিজে যেমন ক্ষতিগ্রস্ত হইতোছি, তেমনি অপরেরও অনিষ্ট সাধন করিতেছি। এই ক্ষেত্রে, শুধু মুখে কৃতজ্ঞতা প্রকাশ করিলে হইবে না, জীবনের দ্বারা কৃতজ্ঞতা প্রকাশ করিতে হইবে। জীবনকে তাঁহার অপার লীলার জীবন্ত নিদর্শনরূপে, কৃতজ্ঞতার স্বতন্ত্ররূপে, ধরিতে পারিলেই বুঝিতে পারিব আমাদের উৎসব সার্থক হইয়াছে। তাহা হইলেই আমাদের দ্বারা তাঁহার ধর্মের আর অগৌরব সাধিত হইবে না, আমরাও যথার্থ ভাবে উৎসব সম্বোগ করিয়া কৃতার্থ হইব। তবে, নিরাশ হইবার কোনও কারণ নাই। আমরা আমাদের কাজ না করিলেও, তিনি তাঁহার কাজ করিতে কখনও ক্ষান্ত হইবেন না। আমাদের দোষ ক্রটির ফল যে আমাদের অনেক ভোগ করিতে হইবে তাহাতে কিছুমাত্র সন্দেহ নাই; কিন্তু তাহার দ্বারা আমরা কোনও ক্রমেই তাঁহার মঙ্গলবিধাতৃত্বকে পরাজিত করিতে পারিব না—কঠোর দুঃখ বেদনা লাঞ্ছনার মধ্য দিয়াও অবশেষে তিনি আমাদের তাঁহার করিয়া লইবেনই, জীবনে তাঁহার পূণ্য রাজ্য তিনি প্রতিষ্ঠিত করিবেনই।

করুণাময় পিতা করুণা করুন, আমরা প্রেম ও বিশ্বাসের সহিত সকল বিষয়ে তাঁহার অঙ্গগত হইয়া, সম্পূর্ণরূপে তাঁহার হাতে আপনাদিগকে অর্পণ করিয়া, তাঁহার দ্বারা গঠিত ও চালিত হই, তাঁহার হইয়া এ জীবনকে সার্থক করি ও তাঁহার ধর্মের গৌরবকে অক্ষুণ্ণ রাখি। তাঁহার মঙ্গল ইচ্ছাই আমাদের প্রতি জীবনে ও সমাজে, অগতে সর্বত্র জয়যুক্ত হউক। তাঁহার পবিত্র রাজ্য সর্বোপরি প্রতিষ্ঠিত হউক।

অনন্তর শ্রীযুক্ত সতীশচন্দ্র চক্রবর্তী ও ভাই নীতারাম পাঠ ও ব্যাখ্যা করেন এবং ৪ ঘটিকার সময় পুনরায় ইংরাজীতে উপাসনা হয়। তাহাতে শ্রীযুক্ত রজনীকান্ত গুহ আচার্য্যের কার্য্য করেন। তাঁহার প্রদত্ত উপদেশের মর্ম্মানুবাদ পরে প্রকাশ করিতে চেষ্টা করিব। এই উপাসনার পর সন্ধ্যা পর্য্যন্ত সংকীর্ণন চলিতে থাকে এবং যথা সময়ে সাধুংকালীন উপাসনা আরম্ভ হয়। তাহাতে শ্রীযুক্ত কৃষ্ণকুমার মিত্র আচার্য্যের কার্য্য করেন। তাঁহার প্রদত্ত উপদেশের সার মর্ম্ম নিয়ে প্রকাশিত হইল :—

ব্রহ্মোৎসবে সমাগত নর নারীগণ প্রত্যক্ষ করিতেছেন ব্রহ্ম যেমন ছ্যালোকে, তেমনই ভুলোকে। তিনি কেবল সংনয়ন, তিনি জ্ঞান ও প্রেমময় পুরুষ। তিনি যেমন বিষ্ণুজনের হৃদয়ে প্রকাশিত, তেমনই নিরক্ষরের প্রাণে আলোকরূপে প্রদীপ্ত। এই মন্দিরে মহাসমুদ্র, তড়াগ ও বাপী একত্র হইয়াছে। এই উপাসনাগয়ে ব্রহ্মকে শিখং স্মরণং ও শুদ্ধং রূপে পূণ্যবানু দেখিতেছেন, পাপী দেখিতেছেন। আতুর তাঁহাকে দেখিয়া বন্ধুবিরোগের বেদনা ভুলিয়া যাইতেছেন, সুখী তাঁহাকে পাইয়া কৃতজ্ঞতায় প্রণিপাত করিতেছেন।

ধরাতলে আশ্চর্য্য ব্যাপার হইতেছে। নরনারী উর্দ্ধমুখে ব্রহ্মকে ডাকিতেছে। ব্রহ্ম অজস্র করুণা বর্ষণ করিয়া তাহাদের সকলের প্রাণের তৃষ্ণা দূর করিতেছেন।

ঐ দেখ একটা ভাই, বড় গরীব, কায়ক্লেশে জীবনধারণ করেন; ব্রহ্মোৎসবের নাম শুনিয়া আর বাড়ীতে থাকিতে পারেন নাই। প্রাণে তাঁহার শাস্তি নাই, ব্রহ্মোৎসবে সকল বেদনা তিরোহিত হয়, তাই যদিও জীর্ণ মলিন বসন, তবু এখানে আসিয়া বসিয়াছেন। তাঁহার চক্ষে জলধারা বহিতেছে, কিন্তু বিষাদমাখা মুখ প্রকুল হইয়াছে। ব্রহ্মসঙ্কোচে তাঁহার সকল আলা চলিয়া গিয়াছে।

ঐ দেখ আর একটা লোক বড় দুঃখ পাইয়া উৎসবে আসিয়াছেন। তাঁহার কন্ঠাটি অপহৃত হইয়াছে। কন্ঠার শোকে তিনি পাগল হইয়াছেন। ব্রহ্মোপাসনাতেই ভবযজ্ঞায় অস্থির লোক শাস্তি লাভ করে। সেই বার্তা শুনিয়া তিনি আসিয়াছেন। দেখ, তাঁহার প্রাণে সস্তাপহরণ শাস্তি দিতেছেন, বহুদিনের চক্ষের জল তিনি মুছিতেছেন।

ঐ একটা নারীকে দেখ। তাঁহার সুন্দর রূপ মলিন হইয়া গিয়াছে, তাঁহার সহাস্য মুখ হইতে আনন্দ বিদায় লইয়াছে। পুত্রের বিরোগে তাঁহার জীবন আশাহীন, আলোহীন। অতি কষ্টে দেহখানি লইয়া উৎসবে আসিয়াছেন। কি আশ্চর্য্য পরিবর্তন! যে মুখ নীরব হইয়া গিয়াছিল, সেই মুখ হইতে স্নেহধ্বনি উঠিয়াছে!

একটা যুবক পাপের সেবায় তন, মন ও ধন সমর্পণ করিয়াছিল। তাহার সমস্ত শক্তি অস্তহিত হইয়াছিল। জ্ঞান বুদ্ধিহারী আর আপনাকে প্রলোভনের হস্ত হইতে মুক্ত করিতে পারে নাই। সে পাপের ভীষণ পরিণতি বুঝিয়াছিল, কিন্তু আপনাকে রক্ষা করিবার আর সামর্থ্য ছিল না। সে নিরুপায় হইয়া উৎসবে আসিয়াছে। এই উৎসবকে ব্রহ্মগন্ধ পাইয়া

তাহার প্রাণ সবল হইয়াছে। নিজের বলে পাপ দমন করিতে পারে নাই, ব্রহ্মস্পর্শে তাহার মনে পবিত্রতার স্কার হইয়াছে।

একটা নারী অতিশয় নির্ঘাতিত হইতেছিল। স্বামী তাহার বিপথে গিয়াছে। স্বামী যদি ভাল না বাসে, বাটীর কেহই সে নারীকে সম্মান করে না। সে স্থখের মুখ দেখিতে না পাইয়া উৎসবে আসিয়াছে। জগতের দুঃখীজনের প্রতি ষাহার দধার পার নাই, তিনি তাঁহাকে বলিয়াছেন “আমার উপর নির্ভর কর।” তিনি এই বাণী শুনিয়া আশ্বস্ত হইয়াছেন। ঈশ্বরের বাণী শুনিয়া ভাবিতেছেন, জগৎপতি আমার ভার লইয়াছেন, আমার মত সৌভাগ্যশালিনী আর কে আছে?

ব্রহ্ম চৈতন্যময় পুরুষ, তিনি সর্বব্যাপী, সর্বজ্ঞ। কেবল তাহাই নহেন। তিনি স্বয়ং অমৃততরুণ ও অমৃতদাতা! তিনি মঙ্গল-স্বরূপ, সকলের মঙ্গল করিতেছেন। তিনি সর্বকালে, সর্বস্থানে সকলের হৃদয়ে অবস্থিতি করিয়া অজ্ঞানকে জানী করিতেছেন, অপ্রেমিককে প্রেমিক করিতেছেন, দুঃখলকে শক্তিশালী করিতেছেন, পাপীকে পুণ্যবান করিতেছেন। এ দেশে ব্রাহ্মধর্ম্মের ইহাই শিক্ষা।

এই শিক্ষা শাস্ত্রের শিক্ষা বা মহা পুরুষের শিক্ষা নহে। ইহা পাপী ও পুণ্যবান, জ্ঞানী ও অজ্ঞানের জীবনের শিক্ষা। ব্রাহ্মধর্ম্ম বলিতেছেন, ঈশ্বর অসুমান বা কল্পনার বস্তু নহেন। ঈশ্বর প্রত্যক্ষ পুরুষ। তিনি আত্মার পরমাত্মা, ক্ষুধার অন্ন, তৃষ্ণার ষারি, জীবনের রস। শোকতাপপূর্ণ সংসারে শাস্তি।

দুঃখীজন তাই ব্যাকুল হইয়া উৎসবে আগমন করে এবং নূতন জীবন লাভ করিয়া ফিরিয়া যায়।

একবার আয়লগুণে ভীষণ ছুঁড়িক হইয়াছিল। শত শত লোক অনাহারে ক্ষিপ্ত বা মৃত্যুশয্যায় পতিত হইতেছিল। কব্‌ডেন যাইয়া ব্রাইটকে বলিলেন “ওঠ কর্ম্মক্ষেত্রে প্রবেশ কর।” জীর মৃত্যুশোকে ব্রাইট অবসন্ন হইয়া পড়িয়াছিলেন। কব্‌ডেনের ডাকে তিনি উঠিয়া বসিলেন। উৎসবে এইরূপ ব্রহ্মের ডাক স্পষ্ট শোনা যায়। শুধু অবসন্ন প্রাণ জাগিয়া উঠে—ব্রহ্মবলে বলী হইয়া পাপের পাশ ছিন্ন করে, জড়তা পরিহার করিয়া ব্রহ্মের ইচ্ছাপালনে অগ্রসর হয়, জ্ঞান ও প্রেম, দয়া ও স্নেহ, বিনয় ও পুণ্য লাভ করিয়া নূতন মাহু হইয়া যায়।

উৎসব পরমাঙ্গার প্রকাশ। ভক্তের ভক্তির উচ্ছ্বাস, পাপীর আকুল আর্তনাদ। উৎসব আত্মার আবরণ উন্মোচন করে। আত্মার মলিনতা চক্ষুর গোচর করে। আত্মা তখন আগুনে দগ্ধ হয়। দগ্ধ আত্মা হইতেই কাতর ও সহজ প্রার্থনা ফুটিয়া উঠে। মস্নবী বলিয়াছেন, ষাহারা দুঃখ কি তাহা জানিল না তাহাদের প্রার্থনা শুষ্ক ও প্রাণহীন। দুঃখীর যে প্রার্থনা তাহা দগ্ধ হৃদয় হইতেই উৎখিত হয়। তাই ইহার ফল হাতে হাতে দেখিতে পাওয়া যায়।

ভক্ত ও বিশ্বাসী সমাগমে উৎসব প্রেম ও পুণ্য, আকুলতা ও আর্তনাদে প্রাণময় হইয়া উঠে। ঈশ্বরস্বরূপপ্রকাশের সেই হৃদয়

উৎসব এই জগ্গই আর্তের বিরামস্থান, পাপীর পরিজাণের

পথ, বিশ্বাসীর আনন্দধাম। ধরাতেলে এমন স্থান আর নাই। ব্রাহ্মধর্ম এই স্থান আবিষ্কার করিয়াছেন। ঐ পথ বিশ্বাসী বলিতেছেন, সত্যের সত্যকে পাইয়া পৃথিবীর সকল অসার পদার্থকে ছাড়িয়াছি। ভক্ত উচ্ছ্বসিত হইয়া বলিতেছেন, জীবন মন ঈশ্বরে সমর্পণ করিয়া কৃতার্থ হইয়াছি। পাপী বলিতেছে, বিশ্বাসীর সংস্পর্শে আসিয়া ব্রহ্মস্পর্শ পাইয়াছি, পাপ আর আমাকে ভুলাইতে পারিবে না। মানবপ্রাণ হইতে ব্রহ্মের জয়ধ্বনি উঠিতেছে। কৃতজ্ঞতা ও প্রণতি উৎসবকে কেমন সুন্দর করিয়াছে! হৃদয়োত্তমজননী, আমাদের জননী, করুণাময়ী রূপের প্রকাশ। আর কিছু চাই না। আর কোন আশা রাখি না। এই রূপসাগরে ডুবিয়া যাই। ধন্য তুমি, আমাদিগকে এই রূপ তুমি দেখাইলে।

সংগীতান্তে কিছু সময় সংকীর্ণন চলিতে থাকে। অনন্তর প্রণাম ও আলিঙ্গনাদিতে কিছু সময় কাটাইয়া সকলে গৃহে প্রত্যাগমন করেন। এই ভাবে অকৃতকার উৎসব শেষ হয়। (ক্রমশঃ)

ব্রাহ্মসমাজ।

কার্যনির্বাহক সভা—অধ্যক্ষ সভার ২১শে ফেব্রুয়ারী তারিখের বিশেষ অধিবেশনে নিম্নলিখিতরূপে বর্তমান বর্ষের কার্যনির্বাহক সভা গঠিত হইয়াছে;—শ্রীযুক্ত হেরশচন্দ্র মৈত্রের, শ্রীযুক্ত কৃষ্ণকুমার মিত্র, শ্রীযুক্ত সতীশচন্দ্র চক্রবর্তী, পণ্ডিত সীতানাথ তত্ত্বভূষণ, শ্রীযুক্ত ধীরেন্দ্রনাথ চৌধুরী, শ্রীযুক্ত ললিত মোহন দাস, শ্রীযুক্ত রজনীকান্ত গুহ, শ্রীযুক্ত অন্নদাচরণ সেন, শ্রীযুক্ত বরদাকান্ত বসু, শ্রীযুক্ত প্রতুলচন্দ্র সোম, শ্রীযুক্ত রমেশচন্দ্র মুখোপাধ্যায় ও শ্রীমতী কুমুদিনী বসু। শ্রীযুক্ত প্রফুল্লচন্দ্র রায় প্রচারকগণ কর্তৃক তাঁহাদের প্রতিনিধি নিযুক্ত হইয়াছেন।

স্বাস্থ্যকৌশলিক—আমাদিগকে গভীর দুঃখের সহিত প্রকাশ করিতে হইতেছে যে—

বিগত ৩০শে জানুয়ারী কলিকাতা নগরীতে ভবানীপুর ব্রাহ্মসমাজের (আদি) সম্পাদক বাবু শিতিকর্ষ মল্লিক ৮৭ বৎসর বয়সে পরলোক গমন করিয়াছেন। তিনি নানারূপে দীর্ঘকাল ব্রাহ্মসমাজের সেবা করিয়াছেন।

বিগত ২২শে ফেব্রুয়ারী বারাণসি নগরীতে বাবু মহেশচন্দ্র মুখোপাধ্যায় একমাত্র পত্নীকে অসহায় অবস্থায় রাখিয়া ৬৮ বৎসর বয়সে পরলোক গমন করিয়াছেন। তিনি বাঁকুড়াতে ও কাশীতে দীর্ঘকাল ব্রাহ্মসমাজের সেবা করিয়া গিয়াছেন।

বিগত ২৭শে ফেব্রুয়ারী কুমিল্লা নগরীতে শ্রীযুক্ত দ্বিজদাস দত্তের পত্নী মুক্তকেশী দত্ত ৭০ বৎসর বয়সে পরলোক গমন করিয়াছেন। পরিচিত সকলেই তাঁহার গভীর ধর্মভাবের জন্য তাঁহাকে শ্রদ্ধা করিতেন।

বিগত ৬ই মার্চ কলিকাতা নগরীতে শ্রীযুক্ত অধরচন্দ্র বসুর পত্নী (শ্রীযুক্ত ধীরেন্দ্রচন্দ্র বসুর পত্নী) প্রফুল্লনলিনী একটি পুত্র ও একটি কন্যা রাখিয়া বসন্তরোগে পরলোকগমন করিয়াছেন।

বিগত ২৮শে ফেব্রুয়ারী কুহুর নগরীতে পরলোকগত

লেফ্টেনেন্ট কর্নেল এন পি সিংহের আদ্যাশ্রমস্থান সম্পন্ন হইয়াছে। শ্রীযুক্ত দেবেন্দ্রনাথ মিত্র আচার্যের কার্য, কন্যাগণ জীবনী পাঠ ও প্রার্থনা এবং ঘোড়িত্রী শ্রীমান বরুণকুমার মিত্র প্রার্থনা করেন। এই উপলক্ষে রায়পুর কুঠাশ্রমে ৬৩, রায়পুর ডিম্পেলারীতে ১০০, রাঁচি ব্রাহ্মসমাজে ৫০, সাধারণ ব্রাহ্মসমাজে ৫০, ফরিদপুর ব্রাহ্মসমাজে ৩০, কুহুর হাসপাতালে ৩০, এবং রায়পুরে একটি পুকুরের জম ৩০০ টাকা প্রদত্ত হইয়াছে। এতদ্ব্যতীত রায়পুর বালিকা বিদ্যালয়ে ৩ সেন্ট জেভিয়ার কলেজে মহিম সিংহ বৃত্তি ও পদক প্রতিবৎসর প্রদত্ত হইবে। উক্ত তারিখে ফরিদপুর নগরীতে তাঁহার অল্পতম জামাতা মিঃ এ এন সেনের গৃহেও তাঁহার আদ্যাশ্রমস্থান সম্পন্ন হয়। তাহাতে শ্রীযুক্ত শশিভূষণ মিত্র আচার্যের কার্য করেন এবং মিঃ সেনের জ্যেষ্ঠ পুত্র মাতামহের জীবনী পাঠ করেন।

বিগত ২রা মার্চ কলিকাতা নগরীতে পরলোকগত রামকুমার দাসের আদ্যাশ্রমস্থান সম্পন্ন হইয়াছে। শ্রীযুক্ত সতীশচন্দ্র চক্রবর্তী আচার্যের কার্য এবং দ্বিতীয়া কন্যা কুমারী সুনীতি দাস জীবনীপাঠ ও প্রার্থনা করেন। এই উপলক্ষে জ্যেষ্ঠা কন্যা কুমারী কমলা দাস সাধনাশ্রমে ২ দান করিয়াছেন।

বিগত ৩রা মার্চ কলিকাতা নগরীতে শ্রীযুক্ত প্রফুল্লচন্দ্র রায় ভ্রাতা ও ভগিনীগণের সহিত তাঁহাদের পিতামহীর আদ্যাশ্রমস্থান সম্পন্ন করেন। শ্রীযুক্ত সতীশচন্দ্র চক্রবর্তী আচার্যের কার্য, পণ্ডিত সীতানাথ তত্ত্বভূষণ শাস্ত্রপাঠ, শ্রীযুক্ত হরেন্দ্রনাথ চন্দ্র জীবনীপাঠ ও প্রফুল্ল বাবু প্রার্থনা করেন।

বিগত ৮ই মার্চ কলিকাতা নগরীতে শ্রীযুক্ত ললিতমোহন দাস কর্তৃক তাঁহার খুলতাত ভ্রাতা পরলোকগত মনোমোহন দাস গুপ্তের আদ্যাশ্রমস্থান সম্পন্ন হইয়াছে। তিনিই আচার্যের কার্য করেন এবং ভ্রাতার জীবনী পাঠ করেন। এই উপলক্ষে তিনি একশত টাকার একখানা সিটি কলেজ ডিবেঞ্চার সাধারণ ব্রাহ্মসমাজের হস্তে প্রদান করিয়াছেন। তাহার হৃদ হইতে প্রচার বিভাগে ২ ও বরিশাল সেবাসমিতিতে ৪ টাকা প্রদত্ত হইবে। ব্রাহ্মবালক স্কুলের শিক্ষক এবং ছাত্রগণও উক্ত দিবস বিশেষ উপাসনার আয়োজন করেন। তাহাতে শ্রীযুক্ত বিপিন-বিহারী চক্রবর্তী আচার্যের কার্য করেন।

বিগত ২রা ফেব্রুয়ারী তেজপুর নগরীতে শ্রীমতী কিরণবালা বরকাকতি তাঁহার জ্যেষ্ঠ ভ্রাতা পরলোকগত যতীন্দ্রনাথ দত্তের আদ্যাশ্রম সম্পন্ন করিয়াছেন। শ্রীযুক্ত জ্যোতিরিন্দ্রনাথ দাস আচার্যের কার্য করেন। ভগিনী জ্যেষ্ঠ ভ্রাতার সখ্যে কিছু পাঠ ও প্রার্থনা করেন। ভাগিনেয় শ্রীমান প্রণবানন্দ স্বর্গীয় মাতুলের সংক্ষিপ্ত জীবনী পাঠ করেন। এই উপলক্ষে তেজপুর ব্রাহ্মসমাজে ১ টাকা ও উৎসবে বালকবালিকা-সম্মিলনে শিশুদিগকে অলযোগ করাইবার জন্ত ৫ টাকা দান করা হইয়াছে।

শান্তিনগত পিতা পরলোকগত আমাদিগকে চিরশান্তিতে রাখুন ও আত্মীয় স্বজনদের শোকসন্তপ্ত হৃদয়ে সাহায্য বিধান করুন।

শুভ বিবাহ—বিগত ৮ই মার্চ কলিকাতা নগরীতে শ্রীযুক্ত অধিনাশচন্দ্র দাসের পৌত্রী (শ্রীযুক্ত সুপ্রভাত দাসের জ্যেষ্ঠা কন্যা) কল্যাণীয়া ইন্দিরা ও বাম্বা জিলার অন্তর্গত কারুই নিবাসী পরলোকগত রামলাল দাসের পুত্র শ্রীমান অঘোথানাথের শুভ বিবাহ সম্পন্ন হইয়াছে। শ্রীযুক্ত ধীরেন্দ্রনাথ চৌধুরী আচার্যের কার্য করেন। এই উপলক্ষে সুপ্রভাত বাবু ১০০ ও বর ২০ টাকা সাধারণ ব্রাহ্মসমাজে দান করিয়াছেন।

বিগত ১৮ই ফাল্গুন গিরিডি নগরীতে শ্রীযুক্ত উমেশচন্দ্র নাগের পঞ্চমকন্যা কল্যাণীয়া নীলমা ও পাটনা নিবাসী শ্রীযুক্ত দামোদর পালের চতুর্থ পুত্র শ্রীমান মহিমানন্দের শুভবিবাহ সম্পন্ন হইয়াছে। শ্রীযুক্ত রামলাল বন্দ্যোপাধ্যায় আচার্যের কার্য করেন।

প্রথময় পিতা এই সম্পত্তিদিগকে প্রেম ও কল্যাণের পথে অর্পণ করুন।

হরিনাভি ব্রাহ্মসমাজ—গত ১৭ই ও ১৮ই ফাল্গুন হরিনাভি ব্রাহ্মসমাজের ত্রিষষ্টিতম সাংসারিক উৎসব নিম্নলিখিত প্রণালী অনুসারে সম্পন্ন হইয়াছে—১৭ই অপরাহ্নে নগর-সংকীর্তন,—পরলোকগত শ্রীশচন্দ্র রায়ের বাটী হইতে আরম্ভ হয়। রাত্রে মন্দিরে উপাসনা; আচার্য শ্রীযুক্ত রমেশচন্দ্র সেন। ১৮ই প্রাতঃকালে উষাকীর্তন। ৮টায়া সমাধিক্ষেত্রে শ্রীযুক্ত অমৃতকুমার দত্ত ও শ্রীমতী অশোকলতা দাস প্রার্থনা করেন। ৯টায়া মন্দিরে উপাসনা, আচার্য শ্রীযুক্ত কৃষ্ণকুমার মিত্র। মধ্যাহ্নে প্ৰীতি-ভোজন। অপরাহ্নে উপাসনা, আচার্য শ্রীযুক্ত উপেন্দ্রনাথ বসু

ভেঙ্গপুত্র ব্রাহ্মসমাজ—ভেঙ্গপুত্র ব্রাহ্মসমাজ নিম্ন-লিখিত প্রণালীতে শততম মাঘোৎসবের কার্য সম্পন্ন করিয়াছেন:—

৭ই মাঘ সন্ধ্যায় ব্রাহ্মসমাজমন্দিরে উদ্বোধন ও মন্দির-প্রতিষ্ঠা উপলক্ষে উপাসনা; আচার্য শ্রীযুক্ত জ্যোতিরিন্দ্রনাথ দাস। ৮ই মাঘ সন্ধ্যায় শ্রীযুক্ত লক্ষ্মীকান্ত বরকাকতির গৃহে উপাসনা; আচার্য শ্রীযুক্ত জ্যোতিরিন্দ্রনাথ দাস। ৯ই মাঘ সন্ধ্যায় মন্দিরে উপাসনা; আচার্য শ্রীযুক্ত জ্যোতিরিন্দ্রনাথ দাস। ১০ই মাঘ অপরাহ্নে মন্দিরে মহিলাদিগের উৎসব। শ্রীমতী কিরণবালা বরকাকতি প্রার্থনা ও পাঠ করেন। শ্রীমতী সুষমা দাস সঙ্গীত ও পাঠ করেন। সন্ধ্যায় মন্দিরে উপাসনা। ১১ই মাঘ পূর্বাহ্নে সঙ্গীত, কীর্তন ও উপাসনা; আচার্য শ্রীযুক্ত জ্যোতিরিন্দ্রনাথ দাস; শ্রীযুক্ত ব্রহ্মানন্দ বরকাকতি ধর্মগ্রন্থ পাঠ, প্রবন্ধ পাঠ ও প্রার্থনা করেন। সন্ধ্যায় সঙ্গীত ও উপাসনা। ১২ই অপরাহ্নে বালকবালিকা উৎসব। শ্রীযুক্ত চন্দ্রকান্ত দাস প্রার্থনা করেন এবং তিনি ও জ্যোতিরিন্দ্র বাবু বালক বালিকাদিগকে উপদেশ প্রদান করেন। বালক বালিকারা সঙ্গীত ও আবৃত্তি করিয়া সকলকে মুগ্ধ করিয়াছিল। প্রায় ২৫০ শত বালক বালিকা ও তাহাদের জননীগণ উপস্থিত

হইয়াছিলেন। সকলকে কমলালেবু ও মিষ্টি দেওয়া হইয়াছিল।

নারায়ণগঞ্জ ব্রাহ্মসমাজ—নারায়ণগঞ্জ ব্রাহ্ম-সমাজের অষ্টাদশতম সাংসারিক উৎসব নিম্নলিখিত প্রণালী অনুসারে সম্পন্ন হইয়াছে:—২১শে ফাল্গুন, সাংসিক উৎসবের উদ্বোধন। কিছুকাল কীর্তন হইলে পর শ্রীযুক্ত অক্ষয়কুমার সেন উপাসনা করেন। ২২শে ফাল্গুন উষা কীর্তন করিয়া সকলে মন্দিরে সমবেত হইলে শ্রীযুক্ত অমরচন্দ্র ভট্টাচার্য উপাসনা করেন। সন্ধ্যায় শ্রীযুক্ত দীনবন্ধু মিত্রের পরলোকগত পিতার স্মৃতি উপলক্ষে উপাসনা। একটি কীর্তন হইলে পর শ্রীযুক্ত অমৃতলাল গুপ্ত আচার্যের কার্য করেন। সাধারণ প্রার্থনার পর দীনবন্ধু বাবু “ব্রাহ্মধর্ম” গ্রন্থ হইতে কয়েকটি শ্লোক পাঠ করেন এবং আত্মার অমরত্ব বিষয়ে কিছু বলিয়া প্রার্থনা করেন। পরে মিষ্ট-জলযোগে এ বেলার কার্য শেষ হয়। ২৩শে ফাল্গুন প্রাতে একটি কীর্তনের পর শ্রীযুক্ত অশ্বিনীকুমার বসু উপাসনা করেন। তিনি ব্রহ্মানন্দ কেশবচন্দ্র সেনের একটি উপদেশ পাঠ করেন। সাংসিক পুনরায় কীর্তন ও উপাসনা হয়। শ্রীযুক্ত অক্ষয়কুমার সেন আচার্যের কার্য করেন। ২৪শে ফাল্গুন, প্রাতে শ্রীযুক্ত অমরচন্দ্র ভট্টাচার্য একটি কীর্তনের পর উপাসনা ও আচার্যের কার্য করেন। অপরাহ্নে মহিলা-উৎসব। শ্রীযুক্ত অমৃতলাল গুপ্ত আচার্যের কার্য করেন। তৎপর প্ৰীতি জলযোগে এ বেলার কার্য শেষ হয়। ৪ ঘটিকায় নগর-সংকীর্তন। সংক্ষিপ্ত প্রার্থনার পর গায়কদল নগরের ঘরে ঘরে প্রমত্তভাবে কীর্তন করিয়া ৭টায় মন্দিরে প্রত্যাবর্তন করিলে একটি সঙ্গীতের পর শ্রীযুক্ত অমৃতলাল গুপ্ত বক্তৃতা করেন। বক্তৃতার বিষয় ছিল “ধর্মের উচ্চতম লক্ষ্য”। অবশেষে একটি সঙ্গীত হইয়া অথকার কার্য শেষ হয়। ২৫শে ফাল্গুন, সমস্ত দিনব্যাপী উৎসব। প্রথমে সকলে মিলিত কণ্ঠে একটি কীর্তন করিলে শ্রীযুক্ত অমৃতলাল গুপ্ত আচার্যের করেন। তৎপর প্ৰীতি-ভোজনাভ্যে এ বেলার কার্য শেষ হয়। অপরাহ্নে ৩ঘটিকায় শ্রীযুক্ত মথুরানাথ গুহ সংক্ষিপ্ত উপাসনা, পাঠ, ব্যাখ্যা ও আলোচনা করেন। সাংসিক কীর্তন ও উপাসনা। শ্রীযুক্ত চবসিকু দত্ত আচার্যের কার্য করেন। অতঃপর শান্তি বাচন হইয়া উৎসবের কার্য শেষ হয়। অত্যন্ত নিরাশার মধ্যেও যে তিনি কিরূপ আশা ও উৎসাহের সঞ্চার করিয়া দেন এবার বিশেষভাবে তাহা সকলেই উপলব্ধি করিয়াছেন।

বাকুড়া ব্রাহ্মসমাজ—নিম্নলিখিত প্রণালী অনুসারে বাকুড়া ব্রাহ্মসমাজের উনপঞ্চাশতম সাংসারিক উৎসব সম্পন্ন হইয়াছে:—১৫ই ফাল্গুন (অথ বাকুড়া ব্রাহ্মসমাজ প্রতিষ্ঠার দিন) সন্ধ্যায় উৎসবের উদ্বোধন। আচার্য—শ্রীযুক্ত বরদাপ্রসন্ন রায়। ১৬ই ফাল্গুন পূর্বাহ্নে উপাসনা। অপরাহ্নে কথকতা। কথক—শ্রীযুক্ত বরদাপ্রসন্ন রায়। ১৭ই ফাল্গুন পূর্বাহ্নে উপাসনা, অপরাহ্নে বক্তৃতা। বক্তা—শ্রীযুক্ত বরদাপ্রসন্ন রায়; বিষয়—মহাত্মা রাজা রামমোহন রায় ও যুগধর্ম। ১৮ই ফাল্গুন, পূর্বাহ্নে

উপাসনা। আচার্য—শ্রীযুক্ত প্রিয়নাথ ভট্টাচার্য, তৎপরে শ্রীযুক্ত পূর্ণচন্দ্র মুখোপাধ্যায় কর্তৃক গীতার কতকগুলি শ্লোক পাঠ ও ব্যাখ্যা। অপরাহ্নে—বক্তৃতা; বক্তা—শ্রীমতী অবস্ঠী ভট্টাচার্য। বিষয়—নবমুগের আশা।

উৎসব—বিগত ১৪ই মার্চ কোম্পানীর ব্রাহ্মসমাজের সম্বন্ধিতম উৎসব নিম্নলিখিত প্রণালীতে সম্পন্ন হইয়াছে:— প্রাতে চাটায় উপাসনা, আচার্য শ্রীযুক্ত রমেশচন্দ্র মুখোপাধ্যায়; ১০টায়ে নবনির্ধিত যোগেশ্বরমোহিনী-সেবাশ্রমগৃহে শ্রীযুক্ত ললিতমোহন দাস সংক্ষিপ্ত প্রার্থনা করেন। প্রার্থনান্তে স্বর্গীয়া যোগেশ্বরমোহিনী দেবীর স্বামী শ্রীযুক্ত বরদানন্দ বসু উপস্থিত ভক্তমহিলা ও মহোদয়গণকে জলযোগে আপ্যায়িত করেন। বিপ্রহরে শ্রীতিভোজন হয়। অপরাহ্নে ৫ ঘটিকায় শ্রীযুক্ত ধীরেন্দ্রনাথ চৌধুরী বিষ্ণুপুরাণ হইতে কিছু পাঠ করেন ও প্রার্থনা করেন; তৎপরে সন্ধ্যাকালে শ্রীযুক্ত শরচ্চন্দ্র বসুর পূহ-প্রাঙ্গণে সংকীর্্তন হয়। শ্রীযুক্ত মানিকলাল দে কীর্্তন পরিচালনা করেন।

প্রাপ্ত-স্বীকার—দাতব্য বিভাগের সম্পাদক নিম্নলিখিত দানপ্রাপ্ত কৃতজ্ঞতার সহিত স্বীকার করিতেছেন (জাহ্নসারী হইতে ডিসেম্বর, ১৯২৯)—শ্রীমতী সুবালা আচার্য (পূর্ব বৎসরের বাবদ) ৫, শ্রীযুক্ত অমরকুমার হালদার (কণ্ডার বাবদ) ২, শ্রীযুক্ত শ্রীপতিনাথ দত্ত (পিতার বাবদ) ২, কুমারী নীলিমা দত্ত (ভগিনীর আশ্রয়) ৫, শ্রীমতী সুনীতিবালা ঘোষ (পতির বাবদ) ২, শ্রীমতী প্রতিভা ঘোষ (বাবু জৈলোক্য নাথ দেবের আশ্রয়) ৫, শ্রীযুক্ত শচীন্দ্রনাথ মল্লিক (পিতার বাবদ) ২, মেবিস্ বেকের হুদ ১৪/২, (সাধারণ ব্রাহ্মসমাজ অফিস হইতে—সরলা মহলানবীশ ফণ্ড ৩০, হিমাংশুবালা গুহ ফণ্ড ৩০, কালীপ্রদর বসু ফণ্ড ৩০, সৎসঙ্গী ফণ্ড ২, কানাইলাল সেন ফণ্ড ৩৫, অভয়াচরণ মল্লিক ফণ্ড ৩০, অমিয়বালা গুহ ফণ্ড ৩০, মৃতকেশী ফণ্ড ৩০, মোহিতকুমার দত্ত ফণ্ড ১০।। প্রশান্ত গুহ ফণ্ড ৩০, অনাঙ্গা-গোলোকচন্দ্র বসু ফণ্ড ১০।।, কামিনীকুমার দত্ত ফণ্ড ৭, রামরূপ ভেঙ্করারী ফণ্ড ৭, ইচ্ছামতী ফণ্ড ৪/০, শ্রীযুক্ত যোগেশচন্দ্র মিত্র ১, শ্রীযুক্ত নলিনীকান্ত সেন ৩, শ্রীযুক্ত প্রভেঙ্করকুমার বিশ্বাস ৮, বাবু গগনচন্দ্র হোম ৫, শ্রীযুক্ত ভোলানাথ ঘোষ ১, শ্রীযুক্ত হুশীপকুমার চক্রবর্তী ২, শ্রীযুক্ত নলিনীকান্ত সরকার ২, শ্রীযুক্ত অধরচন্দ্র বসুর পুত্র-বস্তাগণ ৩, শ্রীমতী সত্যবতী দত্ত ১, শ্রীযুক্ত দামোদর পাল ২, শ্রীযুক্ত ভগবানচন্দ্র গুহ ২, শ্রীযুক্ত ফণীন্দ্রনাথ বসু ২, শ্রীমতী প্রেমমতা রায় ১, শ্রীযুক্ত সরোজকুমার সেন ১, শ্রীমতী সুনীলা বসু ৩, শ্রীযুক্ত হুমুদার সেন ৫, পরলোকগত কৈলাসচন্দ্র বন্দ্যোপাধ্যায়ের পুত্রগণ ৫, শ্রীযুক্ত কে সি ঘোষ ১, শ্রীমতী বসন্তকুমারী সিংহ ২, শ্রীযুক্ত অমিয়কুমার দত্ত ২, কুমারী হুমমতী লাহিড়ী ১, শ্রীযুক্ত রমেশচন্দ্র মুখার্জি ২, শ্রীযুক্ত বিজুতিভূষণ চৌধুরী ১, শ্রীমতী আশালাতা চাট্টাৰ্জি ২,

শ্রীযুক্ত শান্তিক্রিয় দেব ২, ও শ্রীযুক্ত ভবভারত ভট্ট ২) মোট ২৩৪৮১১।

শ্রীমতী স্মৃতিভাণ্ডার—এ পর্যন্ত শ্রীমতী স্মৃতিভাণ্ডারে প্রায় ৪৬,০০০ টাকা সংগৃহীত হইয়াছে। কিন্তু সাধনাশ্রমের সংগ্রহে যে চারিতালা বাড়ী ও রাস্তার ধারে মান্দরের পাশে যে এক তালার ঘর নির্মিত হইয়াছে তাহাতে প্রায় ৬৫,০০০ টাকা ব্যয় হইয়াছে। এবং প্রেসের জন্য যে ঘর প্রস্তুত করিতে হইবে তাহার তিন্তি গাঁথিতে প্রায় ৬০০০ টাকা লাগিয়াছে। এই গৃহনির্মাণ করিতে এবং একতালার উপর আরও দুই তালার উঠাইতে প্রায় ৫০,০০০ টাকা আবশ্যক হইবে। এ সকল কার্য অচিরে সম্পন্ন করা একান্ত আবশ্যক। অর্থাভাবে এতদিন কার্য বন্ধ রাখিতে হইয়াছিল। শীঘ্রই পুনরায় কার্য আরম্ভ না করিলে চলিতেছে না। চাঁদাদাতাগণ অল্পগ্রহ পূর্বক স্মৃতিভাণ্ডারের সম্পাদক শ্রীযুক্ত হেমচন্দ্র সরকার, ২১০৬ কর্ণওয়ালিশ স্ট্রিট, এই ঠিকানায় য য চাঁদা পাঠাইয়া বাধিত করিবেন।

মহিলাদিগের নবমুগপত্র স্মৃতিভাণ্ডার—মহিলাদিগের নবমুগপত্র স্মৃতিভাণ্ডারের সম্পাদিকা কৃতজ্ঞতার সহিত নিম্নলিখিত দানপ্রাপ্ত স্বীকার করিতেছেন:—(পূর্ব প্রকাশিতের পর) শ্রীমতী মোহিনী গুপ্ত ১, শ্রীমতী বনকুল সিংহ ১২, শ্রীমতী যজ্ঞেশ্বরী মজুমদার ২, মিসেস প্যারীলাল মিত্র ৫, মোট ২০।

বিজ্ঞাপন

স্বনিয় নিবেদন,
আমার পিতৃদেব পরলোকগত হরিশ্চন্দ্র দত্ত মহাশয় অক্লান্ত-কর্ম্ম সেবকরূপে ব্রাহ্মসমাজের এবং স্বদেশের সকল প্রকার কার্যে যুক্ত থাকিয়া, স্বদেশের সেবায় আত্মনিয়োগ করিয়া এবং সকল সংকারণের সহায় থাকিয়া চিরদিন কাটাইয়াছেন। আপনারা অনেকেই তাঁহাকে জানিতেন। তাঁহার একখানা জীবনী লিখিতে প্রবৃত্ত হইয়া আপনাদের সকলের নিকট সাহায্য ভিক্ষা করিতেছি। তাঁহার বিষয়, সামান্য হইলেও, যিনি যতটুকু জানেন লিখিয়া জানাইলে বিশেষ উপকৃত ও বাধিত হইবে। অল্পগ্রহ করিয়া নিম্নলিখিত ঠিকানায় আমাকে পত্র লিখিবেন। সকলের কাছে চিঠি লেখা সম্ভব নয় বলিয়া পত্রিকার সাহায্যে প্রার্থনা জানাইতে হইল।

১নং ডাক্তার রাজেন্দ্র রোড
এলগিন রোড পোঃ,
কলিকাতা। } বিনীত নিবেদিকা
শ্রী সাবিত্রী বিশ্বাস

ভুল সংশোধন—বিগত সংখ্যার ২৫০ পৃষ্ঠায় দ্বিতীয় কলামের ১৫শ ছত্রে “এস এম্” স্থলে “এম্ এম্” হইবে এবং পরের ছত্রে ১০০ পরে “সাধনাশ্রমে ৫০” যোগ করিতে হইবে।

